

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

經部  
第九一冊





責任編輯：孫言誠 賀 偉

ISBN 7-5333-0580-9



EC12/11

# 四庫全書存目叢書·經部九一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.25 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

# 經部第九一冊目次

## 經部·禮類

禮記新義三十卷

〔明〕湯三才 湯道衡撰  
北京大學圖書館藏明刻本

一

重訂禮記疑問十二卷

〔明〕姚舜牧撰  
南京圖書館藏明萬曆刻五經疑問本

二〇三

檀弓輯註二卷

〔明〕陳與郊撰  
北京大學圖書館藏明萬曆三十二年刻本

四五九

檀弓述註二卷

〔明〕林兆珂撰  
北京師範大學圖書館藏明萬曆刻本

五五八

禮記通解二十二卷讀禮記一卷(一)

〔明〕郝敬撰

湖北省圖書館藏明萬曆四十三年至四十七年郝千秋郝千石刻郝氏九經解本

六三八



禮記新義三十卷

〔明〕湯三才 湯道衡撰

北京大學圖書館藏明刻本

附《四庫全書總目·禮記新義

三十卷》提要

禮記新義序

億衡自束髮受經卽從先夫子  
問難左右先夫子嘗命不孝衡  
曰禮中精意探之靡盡特學者  
敝敝焉奉芻狗爲神明是以白  
首窮經茫無當耳於時悉屏絕  
坊刻一切凝神致想一遇新得  
輒躍然筆之簡端但未成帙耳  
因命不孝世之至于今先夫子  
之教宛然在也而先夫子竟舍  
不孝衡去風木之恨終天罔極  
手澤猶新忍令遽就泯沒黽勉

付梓不憲法書之慟刻成志之

序

禮記新義卷之一。

父中立湯三才命意 男平子湯道衡撰述

曲禮上第一

黃叔陽曰冠昏喪祭朝聘射鄉禮之全體也而其行之則在乎升降抑揚進退周旋祔襲言動服器之間故曰經禮三百曲禮三千蓋微文不謹則全體不行是以先王教人每謹於微而以曲禮爲之終篇

曲禮節

曲禮二字讀曰毋不敬爲句與曰思無邪語氣相類禮記新義 卷之一

毋不敬三句一直下不當作三事看毋不敬只是此心惺惺不敢幾微淪佚乃君子靜存之極不愧屋漏的工夫儼字不虛正是神凝氣定模樣若思原未嘗有思也安民只重理說文氣甚急不必用過文若干言貌外添出作用便成贅語君子含容辭更有何者與民相交接流貫處欽哉肅哉惟民之又哉語意卽是如此彼以效言者固非卽以感化言者亦非  
敖不可長節

四者之病皆受于情之所有餘須體在人情上講不



可忒說壞了益人亦有當放者孔子取瑟而歌孟子隱几而臥是也欲如飲食男女皆是但不可長與縱耳志是已遂者有若無實若虛則志不滿發乎情止乎義理則樂不極俱是心上工夫

### 賢者狎而節

此賢者于理欲易偏之處着意修檢狎畏愛憎積安安乃人情之所同敬愛知惡知善能散能遷乃賢者之所獨六而字都是轉語重看狎非褻狎之狎乃平居親暱之人畏非畏懼之畏乃尊禮嚴重之意安安禮記新義 卷之一 二

### 臨財節

四者之病在二臨字二求字士人平時都能談廉勇之守到財與難當前便要肥家保身了所以臨之時難決亦能談慾室之學但狠與分一至便要怯心盈願了所以求之心難化無故之獲必揆其自來則無苟得矣且應得之物必節所當受則并無求多矣君

父之難以身任之則無苟免矣至睚眦之際以義消之則自無求勝矣

### 疑事節

質比執字又深是疑心不解結而成一形質了母質是未問時在直之先勿有是已問時在直之後一直下盖存一偏心則執已見而不復思故以質而不能直而懷一忌心又懼形已短而不肯屈故以有而遂其質母質勿有總還其心之虛心虛則理明而疑自解

禮記新義

卷之一

三

### 禮從宜節

禮字指得廣使乃禮中之一節從俗亦從宜之意

### 夫禮者節

此節定決別明俱要看進一層人之一身情有所用而隆殺殊施事有所交而幾微難晰位有所值而推遷靡定理有所運而得失互乘欲一以處之難矣禮則因情而爲之節文不惟定其體之親疎且定其親疎之隨勢互換者稱事而爲之權衡不止決其迹之微而難明者且決其微而難明之在心者人一也而

同異以位遷禮非止別其不遷之同異寔別其隨位而遷之同異事一也而是非以時異禮不止明其是非之一定且明其因時而變之是非

### 禮不妄說二節

此見禮自有中道只逐句講去不必分上爲處已下爲待人說人者求說乎人也踰節分明是越禮犯分之事時說乃謂禮主于恭而未始不中節過爲曲謹非禮也如此于踰字說不去有以此三句分僭上陵下玩同等亦無妨

禮記新義

卷之一

四

### 修身踐言節

言行不可虛卽指禮講大意謂今之于禮類能言之而不能行之故善行非爲我有此則禮之文也而非禮之質也誠使談說經制議論綱常不徒言而修身以踐之則其率履皆歸于綱常敦行皆協于經制行莫善于此矣工夫全在背句行修言道作過文耳質也句亦要申上意無工夫了道由也卽踐也不必又添出箇合于道來行修言道如何便是禮之質蓋旣以此身敦綱常盡經制則敦庸秩叙之大本已存

此了從而文之以品節文之以度數便不難矣時講俱不合拍

### 禮聞取于人節

一說正已者然后能正天下枉已者未有能直人故禮聞取于人不聞取人師嚴然後道尊道尊然後民知敬學故禮聞來學不聞往教蓋君子之于天下達則以行道爲心窮則以傳道爲責世之治亂道之晦明皆由于此不可不自重也分兩項甚妙並存之

### 道德仁義七節

禮記新義

卷之一

五

此章言禮爲衆事之紀八箇禮字須看得一樣說者俱就題發揮做八樣看非也蓋禮一也修之于已則敬爲之興而以一民風則有定制以剖民情則有朗鑑于以統恩義之宗洽教學之欸司憲令之綱立神明之主推之雖有七者合之只是一箇恭敬樽節退讓析之見爲恭敬樽節退讓而會之又惟一心能以是心體是禮則渾身皆秩叙所周流觸處皆節文之顯設又安往而不宜哉恭敬只是心常肅將樽節只是心常收歛退讓只是心常謙抑明字要體會蓋這



箇禮雖昭布森列于天下而真體只在一心世人多  
于節文中求之愈求而禮之真意愈晦故但先得箇  
恭敬樽節退讓的心便有以握至序之宗而會同節  
之妙矣明何如之以字無工夫須一直說下

道德仁義一節

人心唯主敬則在天理上所以收斂這段清明之氣  
而不使之放逸防閑那段昏濁之物而不使之內侵  
班朝一節

母論不威不嚴卽威嚴矣貌不敢犯而非心不敢犯  
禮記新義 卷之一 六  
迹不敢違而非心不敢違不謂之行也

鸚鵡節

味人而無禮雖能言不亦禽獸之心可見禮是人心  
論禮須要在心體上融會始真不徒在節文間也○  
鸚鵡鳥之慧者隴蜀嶺南皆有之猩猩人而豕身出  
交趾封谿等處禽者鳥獸之總名鳥不可曰獸獸亦  
可曰禽故鸚鵡不曰獸而猩猩則通曰禽也

是故聖人節

使人以有禮有字重看有固有也實有也使人以有

禮便有許大體驗之功在

大上貴德節

只重其次務施報一句正見三王因時之政以力挽  
頹風耳不可忒尊德把禮說不好了貴德不可說到  
以德及人不思其報若然又是有心了只是渾渾噩  
噩并不知在人在已率而行之唯有一德此其風雖  
至今存可也然時勢有所不能與其蕩于僞而至于  
漓德何如存施報之迹猶可因以見德乎此亦聖人  
不得已而爲之者往來三句正見務施報之不可以  
禮記新義 卷之一 七  
已處往來雖是施報之別名然一字俱各有施有報

人有禮三節

安者天子可以長有天下諸侯卿大夫可以長有國  
家士庶人養君自安也危者天子不保四海諸侯卿  
大夫不保宗社士庶人不保四體也人情莫不喜安  
惡危故禮不可不學然禮何物而能爲人之安危也  
自卑尊人正是指出箇禮來見得非有高遠難行處  
由負販說到富貴正見無人不能學無人可不學不  
驕不淫不悻未便是安乃人之所由以安者也蓋不

驕自不至于高亢以取禍不淫自不至侈肆以取禍  
不悻自不至放溢爲非以取禍矣豈有不安者乎反  
是則危○一說安危俱在心上說心在天理上則安  
在人欲上則危不驕不淫不悻正是安處亦可

### 人生節

人之生也受天地之塞以爲體則當有全歸之心故  
先王于人每十年而異其名使知盛衰之候以定其  
血氣稟天地之帥以爲性則當有克肖之道故先王  
于人每十年而異其事使知修爲之方以定其志氣

禮記新義

卷之一

八

且使壯者服其勞老者安其逸未用者無躁進之心  
當退者無不知足之辱強者無投閒之嗟少與老者  
無濫用之弊人皆修德天下治安有由然哉○新裁  
云一生事業以幼學爲本蒙養基聖功也以後及時  
有爲因年知止俱是學中事

### 大夫七十章

此章記大夫處老之禮可見眷留優待在君爲使臣  
以禮始終全節在臣爲事君以忠君臣各盡其道愈  
久而情愈篤此古治之所以盛也○將來者進成功

者退天之序也知足不辱知止不殆人之幾也故大  
夫七十而致事○賜之几欲有謀焉而就問所以安  
其體也賜之杖若有大故而入朝所以助其力也○  
行役在四境之內如省耕省斂是也適四方在他國  
之外如聘問隣國是也行役在公外事也而以婦人  
欲其雖在外而如在內也況在私乎適四方在遠勞  
事也而乘安車欲其雖服勞而不失逸也況在國乎  
○人臣立朝常能勉強矜持於筮仕之初而不免驕  
縱于人君眷留優寵之後故老臣以爲戒而自處如  
禮記新義

卷之一

九

此也○國之所最重者禮禮自有舊制彼既越國來  
問必是疑而未明爭而難決吾言之使彼徵文徵獻  
足爲一代之法守庶不虛其來問之心亦見老成不  
爲無稽之論以開天下紛更之端也

### 夫爲人子節

五者之稱不同俱要貼孝字意稱以慈者謂隆一本  
之親而恩愛之極篤者也從孝之媚茲者言也稱以  
弟者謂其順尊卑之序而退讓之不失者也從孝之  
聚順者言也仁言其孝心肫切而無所解也信言其



孝心真實而無所假也雖根不受車馬來而平日孝行有以素孚于人者此意亦不可少

見父之執節

孝子之行以錫類言

年長以倍二節

二節長少之序一于行上見之一于坐上見之細玩父事兄事若止在行路上講太狹了肩隨亦只借以明其稍退耳不可因此一句遂泥上二句

聽於無聲節

禮記新義

卷之一

十

看來無字作未字看較差蓋聽不于有聲于無聲視不于有形于無形分明有潛孚嘿喻志意相通形聲無間意若只在未承教使上說何等淺孝子瞻前而心動此無聲無形之一證也

不登高節

不服闌二句忽加孝子二字乃進一步說話言不但不苟訾笑已也服闌雖未至如些笑之苟而亦嫌疑之所起故充其養德之心并此而不為也不但不登高臨深已也登危雖未至如高深之甚而亦險絕之

可畏故充其避禍之心并此而不為也如此看來

闌亦只如納履整冠事耳若說欺人所不見是以

冥墮行反甚于苟訾苟笑矣又兼卒非有常便與

笑非一類了高與危不同高則必危危則險處而非

甚高者也若說行險僥倖又與高深非一類了

為人子者二節

純舊讀為準謂冠飾及深衣領緣此拘泥之甚者看來即讀如字于理更條暢純者全也謂純全而無間也

禮記新義

卷之一

士

長者與之節

負劔二字舊說長者從童子背後而俯背與之語在童子則如負長者然長者以手挾童子于脇下則如帶劔然一字自為一義謂童子反負長者固非又謂負劔即帶劔亦非蓋負劔與帶劔不同史記王負劔負劔其證也只是長者負小兒于背即如負劔然何等直截蓋提攜負背俱長者撫育孺子之常何必過為割裂乎

從長者節

登城二句推開說不但從長者了雖恐駭見聞然亦是約其不謹處

### 將上堂二節

戶外有二屨乃設言之辭三人則聲衆易聞而不聞則必有密謀可知聞字屬言者不屬聽者使心術不正者處之必將潛聲以升堂直前而入戶遠瞻迴顧爲睢盱覘伺之態則其人之薄德可知矣大抵禮以制形爲用以制心爲本一念不正發于方寸者其微而形于舉措者不可掩流于放僻邪侈而不自知故禮記新義

#### 卷之一

士

君子致嚴如此其事雖小推而廣之有正心誠意之道焉

### 母踐屨節

踐屨卽長者一人之屨非戶外之衆屨也蓋此時已入戶矣趨隅只不敢中席而坐故坐于席角舊說謂由席角而升坐則又是踏席矣

### 大夫士出入節

出入只是自行非從君舊註不敢以賓敵主尤無謂此處那有賓主○大夫士于堂簾之間與君相近其

敬謹不必言但君門在外入時與君尚遠出時與君漸遠恐因其遠而有肆心由左踐闕拜上之漸也可不慎哉故戒之

### 凡與客入章

送迎之際登降之節一先一後一左一右爲主人者極其恭敬不敢慢之心爲客者不勝其愧縮不敢當之意交相辭讓退避不遑使人起敬起慕豈有忿戾不平之釁哉

### 凡與客入節

禮記新義

#### 卷之一

士

言凡者通貴賤而言每門謂自大門至寢門也天子五門諸侯三門大夫二門士庶一門寢門最內門也禮有三辭初曰禮辭再曰固辭三曰終辭肅客而入肅之使入而客遂入也不可以而入只作主人入字入字卽延進之謂與下文入字不同

### 主人與客節

先登以階級不平非入門時平地之比故先登以導之不可作降等之客看

### 帷薄節

趨翔皆致敬之容不趨不翔是又有時而簡步武有一定之則接武步武又有時而異

### 席南鄉節

凡坐席東南爲陽西北爲陰向在陽則坐在陰陰道尚右向在陰則坐在陽陽道尚左○天地嚴凝之氣始于西上西者肅賓主之心也溫厚之氣盛于南上南者厚賓主之交也

### 若非飲食節

席廣三尺三寸三分寸之一遠近間三席是函丈也

### 禮記新義

#### 卷之一

古

其地寬則足以揖遜回旋而不至於迫其分嚴則足以致敬盡禮而不至於褻非若飲食之客徒欲便于勸酬以爲歡也

### 將卽席節

疑問云將卽席容母怍意卽席時宜恪恭謹飭成賓主之禮不宜周章覲膜若慚赧而不勝者然乎今俗語云做客要有冠裳正是此意恐不待有失乃生愧容也亦好

### 正爾容節

爲說則路襲之心勝而少獨得之見雷同則附和之意多而少折衷之詞必字正與二母字相應法古昔之格言而稱說先王以證之如言道德稱堯舜論征伐稱湯武也古昔卽先王之時先王卽古昔之人非有二樣

### 請業節

起雖是致敬然精神悚惕意氣鼓舞于所請有領悟處全在于起也

### 侍坐節

### 禮記新義

#### 卷之一

圭

所尊敬兼有爵有德有齒之人無餘席謂已之席與尊者之席相近則坐于席端不使有空餘處也

### 毋側聽章

人之所患在徇其意之所安而不由於正其病有五曰側聽曰淫視此傾邪者也曰怠荒曰立而跛曰冠而免勞而袒暑而褰裳此偷惰者也曰噉應曰欽髮而鬚此輕易者也曰遊而踞曰坐而箕曰寢而伏此放縱倨傲者也此五者皆禮之所禁也

### 冠毋免節

凡與袒對所謂岸幘露頂是也舊說謂喪有喪冠  
有吉冠非當免之時不可免以免爲問支離太甚夫  
人非至愚豈有當吉時而冠喪冠者哉

侍坐于長者章

屨之爲物甚微而解屨取屨事亦甚小古人致謹如  
此敬長之心誠一舉足而不敢忘矣孝弟之風安得  
不行於天下哉

就屨節

既曰解屨階側則已不當階了又曰屏於側則不特

禮記新義

卷之一

夫

不當階已也

鄉長者節

遷屨納屨是必然的只重在跪與俯上

外言不入節

不入不出非傳聞之謂是不相干涉侵越之意内外  
相混言尤易犯故嚴其辨自言始

父子不同席

一說不同席卽承上女子子而言不唯兄弟弗與同  
席卽父子亦不與同席也若指男子則其不同席無

疑不必言矣

故日月節

厚別者多方以別之不嫌於太重不妨于過慎也此  
主有位者言

取妻二節

買妾二句正申明取妻句見同姓之必不可取也觀  
一故字可見

名字者節

此節說者不一舊註謂常語易及則避諱爲難如此

禮記新義

卷之一

七

則于隱疾句說不夫一說命名所以示之教也以國  
非所以教謙以日月非所以教敬以隱疾非所以教  
之進乎德以山川非所以教之求諸已如此說亦可  
但求諸已句無謂一說以敬字爲主不以國教之敬  
君不以日月教之敬天不以隱疾教之敬身不以山  
川教之敬神但顧名思義似當就名者說則可今乃  
是不名者如此說似稍隔今姑依疑問說然曰國世  
所尊也似未圓俟再訂

主人延客祭節

古人飲食每品各出少許以祭先代始爲飲食之人  
祭酒于地祭食于豆間有板盛之卒食徹去疑問曰  
祭食祭所先進舊註謂先進者先祭後進二後祭如  
此是爲徧祭也下文胡以又有穀之序徧祭之之說  
不知此食乃上食居人之左食字食固多品然但祭  
其所先進者而後進者不祭若穀則大豕牛羊各一  
其物是不可不徧祭者觀本文自明舊註糊塗今改  
正

毋嘽羹節

禮記新義

卷之一

太

嘽羹刺齒則失容矣絮羹飲醢初未嘗失容而亦禁  
之何哉蓋客之絮羹爲其和之缺也客之飲醢爲其  
味之淡也而主人遂皆報焉以致辭夫旣致主人之  
愧則客之心何安哉正以見絮羹飲醢之不可也

賜果二節

一是不敢棄君惠一是不敢褻君惠核尚懷之而吾  
事君之物有不懷之者乎器尚不污而吾事君之衷  
有不潔白者乎

御同節

禮以辭爲主而又有以不辭爲禮者御同于長者是  
也此亦禮之變例也

爲天子節

此亦槩而論食瓜之禮天子如是諸侯如是大夫以  
下又如是不必謂是公庭禮會一時同食有此數等  
也

父母有疾節

此中人之制孝子之疏節也文王行不能正履不但  
不翔而已色憂不但言不惰不笑不詈而已武王視

禮記新義

卷之一

尤

文王一飯再飯以爲飯不特不變味貌而已

獻田宅節

按古者田宅皆屬於公雖采地亦不得而有春秋識  
以枋易許者此也此云可獻其必漢儒之言與

凡遺人弓節

前此數者若重于弓矣然皆不著其儀獨此必謹焉  
者蓋弓者觀德之具也于此不謹則異時執弓挾矢  
支左屈右必有失其儀者矣此聖人所深慮也

凡爲君使章



人君統馭一世其權全在于命人臣不重主命則王  
言特空文耳君權不重是玩命自我始也爲臣者使  
君命之行也如電閃星馳則君威赫使君命之臨也  
如天降神于則光寵昭使君命之我邀也如捧玉承  
鼎則天恩重○凡爲使者朝受君言夕舍於郊非必  
使事如此其急也不敢慢君之命也此出使受命之  
儀則其不辱君命可知矣須知不宿于家只是不違  
寧處意若以家事羈留便是宿○拜迎拜送非拜使  
者也拜君命也此在家受命之儀則其奉君命而致  
禮記新義 卷之一 壬

禮記新義

卷之一

壬

之可知矣○朝服而遣下堂受命非嚴使者也嚴君  
命也此自請君命之儀庶乎至誠足以感動而下情  
上通矣

博聞節

重讓與不怠字看蓋天下惟道爲難窮惟心爲易滿  
以易滿之心窺難窮之道此君子所以不可幾也曰  
讓則若無若虛便有許多深造處曰不怠則如不及  
猶恐失便有許多奮發處以此進道愈精愈密所知  
所行寧有限量故曰君子但自其博強處敦處止謂

之君子若聖人則嘿而識之學而不厭矣

君子不盡節

不盡不竭全是以已之心體人之心而無深求過責  
焉所以彼此之心常相愜而克全其交全交只是常  
常如此歡常常如此忠非益盡其歡益竭其忠之謂  
齊者節

致齊則不樂不哀至祭則樂以迎來哀以送往何也  
齊之所謂哀樂者以防外物爲主祭之所謂哀樂者  
以齊內志爲主也

禮記新義

卷之一

壬

居喪之禮節

下不足以傳後故比于不慈上不足以奉先故比于  
不孝曰比者原其本心實非不慈不孝也

生與來日節

死者日遠則生者日忘故聖人察于人情之故而致  
意于一日二日之間其意深矣以此教民而猶有朝  
祥暮歌者悲夫

故君子戒慎不失色於人

須看戒慎二字戒慎常存此心也容色皆自心體中

流出

禮不下二句

庶人愚且賤者也不可以待君子之事責之大夫賢且貴者也不可以待小人之法辱之庶人有事假士禮行之非禮之正也權也入議不赦則適甸師氏非法之正也勢也

史載筆節

載筆載言本是國君常御之事而載之兵車則以出征盟會諸侯時事言也

禮記新義

卷之一

三

前有士師節

師衆在前或恐其潛而偵我也或疑而誘我也或微而截我也是不可不備故取旗以示之舊誤認爲刑官夫當此出軍之際安得有刑官在其前且刑官與出軍何與而舉旗以示備與可發一笑

行前朱鳥節

前爲南朱鳥南方之宿故舉鳥旗七旂以象鶉火後爲北玄武北方之宿故建龜蛇四旂以象管室東爲左青龍東方之宿故建龍旂九旂以象大火西爲右

白虎西方之宿故建熊旂六旂以象伐北斗居四方宿之中招搖隨十二月建而指之故建之在上以指正四方王師之出本爲一怒而安天下之民士卒以王者之怒爲怒始能所向有功故爲旗物以振作其怒氣

父之讐節

殺人者死今古之達刑也殺之而義則無罪故令弗讐殺而不義則殺者當死宜告于有司而殺之二者皆無事於復讐也然復讐之文雜見于經傳考其所

禮記新義

卷之一

三

以必其讐勢盛緩則不能執故遇則殺之不暇告有司也然凡此之類皆宜隨事斟酌平心自反若夫公羊論九世之讐則禮失于太過而所報非所敵矣漢之時孝子見讐而不敢復則法失于太嚴而孝弟之情無所伸矣皆非曲禮之道也

四郊多壘節

由此言之則沃君心以修文德治軍實以振武功使萬邦協和四夷來王者卿大夫之所以自免其辱也闢地以蕃民物授時以相農功使百姓阜安四民樂

業者士之所以自免其辱也

臨喪不脩節

臨喪徐本作臨祭更詳之四物皆用之以交于神明不焚不埋則移于他用不已瀆乎

卒哭乃諱節

始死而諱是之死而致死之不仁也卒哭而不諱是之死而致生之不智也故將葬則有賜諡易名之禮卒哭則有舍舊從新之令

外事以剛節

禮記新義

卷之一

三

外事以義勝主于斷決故用剛內事以恩主于和婉故用柔

凡卜筮日節

剛日柔日正要起下文卜筮之意兩某字即指剛柔而言旬之內外且泛言個遠近喪事吉事方指其用日之事以見旬內旬外不同之故也舊乃以旬外爲大夫祭日旬內爲士祭日不知何據又每月各有三旬如何云今月下旬筮來月上旬

龜爲卜節

二句言卜筮所由作二所以方詳先王設卜筮之

意龜上圓象天下方象地具五行八卦之文萃兩儀

四方之氣此介物之至靈者故用之卜而觀其折以

視吉凶筮則上有青雲以覆之下有神龜以守之其

生之凋榮視月之朔望此植物之至靈者故用之筮

而觀其動以辨吉凶鬼神二句只在趨吉避凶上看

出說者但云尊之而不敢慢從之而不敢悖皆含糊

訓字于卜筮無干又以敬鬼神爲得吉日而祭畏法

令謂人君法令有疑者決之卜筮則君且不敢專况

禮記新義

卷之一

五

下民乎益支離之甚唯先王以神道設教如此故人不可不極其尊信也故曰

云

信者或吉或凶信之

而不疑踐者當趨當避踐之而弗悖俗說謂用之者

當誠尚差些○猶與卽猶豫二獸名猶獲屬豫象屬

進退多疑人之多疑者似之後事而疑者猶也先事

而疑者豫也

君車將駕章

範馳驅鳴和鸞人君乘車之禮也而調閑服習駕馭清除之功皆須僕贊相維扶之故人君命駕選僕不

減于任相遣將也以乘輿之禮重也

執策分節

執策將以鞭之分轡將以馭之正爲驅之設也

君出就車節

攘辟舊言左右侍駕陪位諸臣見車欲進行皆遷却以避車使不妨車之行如此似于攘字不切

車驅而騶節

僕不下者車行由僕僕下則車無御故也一說車驅而騶至于犬門一句騶騶從也有理宜從之

禮記新義

卷之一

三

凡僕人二節

下節又比上節進一步雖有兩層意只是一時事非前直受而後又謙讓前不受而後又拘取也

祥車曠左節

王者五路自乘其一餘四路皆從行則臣乘之也

國君不乘節

造車之法軫方象地蓋員象天輪輻象日月蓋弓象星員中規方中矩立中衡懸中權玉輅象德美金輅象義和革輅象制木輅象仁凡欲人君俯仰觀之則

思合天地之德周旋觀之則思合日月星辰之明出入不踰規矩權衡言動不離道德仁義然後奇邪不萌于心中正常設于體彼非禮之奇車何以乘哉

禮記新義卷之一終

禮記新義

卷之一

三

七

禮記新義卷之二

父中立湯三才命意 男平子湯道衡撰述

曲禮下第二

凡奉者節

當心當帶是因物以爲高下之則平常之禮然耳若臣爲主執器則又因分以爲高下之則不復以當心當帶爲拘矣然奉執之儀雖異而敬謹之心則無不同凡執主器云

凡執主器節

禮記新義 卷之二

操幣圭璧正是執主器手足二項正見他如不克須要摹得他敬謹之至處方與如不克關切蓋此心唯恐其失墜故尚左手亦唯恐其隕越故行不舉足尊尊陽等意俱非

立則磬節

聯上節則不舉足爲行容此又爲立容佩倚四句在授受之時說主便是主君與前主字不同若單就木節則古者視朝皆立以終事其立節皆當如此不特執玉以聘者爲然也

執玉其有節

古人之衣近體則有袍襍之屬其外則夏葛冬裘葛之上皆有褊衣褊衣之上有襲衣襲衣之上有常服如深衣皮弁服之屬開而見出其裘葛則爲褊若掩而不見則爲襲只就文質上論不必經到禮之輕重玉之貴賤上

國君不名節

內外各有所統則受其敬者莫不竭忠而盡職睹其敬者莫不知畏而稟命矣

禮記新義 卷之二

君大夫節

未句只解上意自稱余小子便與天子之世子同名自稱嗣子某便與諸侯之世子同名若分兩事則上四句無下落況世子本名自無同理何消說個不敢今日之予小子卽他日之予一人也今日之嗣子卽他日繼體之嗣王也此見世子與諸臣之子甫生便有正名之意

君子行禮節

謹修審行就是皆如其故不可作兩層看這正是不

求變俗處

去國三世節

反告宗後則不發故國之俗可知興起而後從新則不忍忘舊之心益見

苞履節

苞薦也以薦蒯之草爲齊衰之屨也按節者始死孝子徒跣辟踊故以深衣前襟掩之丁帶也厭伏也古冠有纁有梁喪冠無之故厭帖然也

書方策凶節

禮記新義

卷之二

三

凶器若棺槨牆娶明器之屬臣妾死于宮中君亦許其殯而成喪則此數物亦有入公門之時但未有不以告而得入者

公事不私議

不私議言當君臣一心合聚大夫士公議其可否而後布之不可與家臣私議一說國是必賴衆議而後定私議則視國政如家政恐便于私而于公家之體未當未說到專政上亦可

凡家造節

犧賦亦謂盛犧牲之器卽祭器中事但比尊等物爲輕且易耳

無田祿者節

田是圭田不設祭器則祭服可知先爲祭服則祭器卽爲之次矣

大夫士去節

大夫寓於士則褻先士寓於大夫則援上

凡非弔喪節

賓主無不答拜唯弔喪與見國君旣疑于爲賓而又

禮記新義

卷之二

四

不答拜故特舉之舊謂士見本國之君云則與下君與士不答拜也意重矧本文止曰見國君未嘗曰士見國君且所云不答拜指弔者見者而言若就君說文氣又不類矣

國君去其節

此雖以經權並言然觀止之之辭則守經之義居多當其事者勿以去爲禮之所許而求苟免可也國君去國如太王去邠之類大夫士去國或以道去君如孔孟于鄒魯之類或處國危疑如莊公薨于般弑慶

主兵勢傾公室季友力不能支去魯奔齊以俟時之類或天命已去人心已絕國亡無日臣子尚存宗祀如微子去紂之類

### 君天下節

月林云君天下三字虛不可與朝諸侯四事相對當另起而以自稱代稱作一頭兩脚亦是細看即朝諸侯亦不可與下三事對蓋分其職守授以政事任以功能皆朝諸侯時事也予一人不可以獨斷意入講恐太矜張了

### 禮記新義

#### 卷之二

五

### 踐阼臨節

踐阼只是踐主階而行祭祀之事月林作新即位說似亦不必

### 臨諸侯畛節

畛接也以祭接鬼神若畦畛之相接也某甫總是字若謂某是字而又加以丈夫之美稱則二字爲兩義矣

### 崩曰天王崩節

復者人死則形神離古人持死者之衣升屋北面呼

名招魂令復期再生也凡復必稱名唯王呼天子復臣不名君也立主者始死則鑿木爲重以依神既虞而埋之乃別作主也

### 天子未除喪節

春秋景王崩悼王未踰年入于王城不稱天王而稱王猛所謂生名之也死不稱天王崩而稱王子猛卒所謂歿亦名之也

### 天子建天官二節

此二節多不可考如註云六大以佐天官是矣然天

### 禮記新義

#### 卷之二

六

官當屬何官如太宰之職亦尊且重矣而以爲天官之屬則天官之職當何如集註云太宰即天官冢宰以其列職于王曰大以其總百官曰冢如此則太宰爲天官矣如何又與大宗等並列爲六大天官對下司徒等五官爲地及春夏秋冬之官則天官信當爲冢宰則太宰又的是何官此六大又豈必盡冢宰屬也即六大之職亦終糊塗舊言大宰亮天工所亮者何事如書所云亮工乃大槩之辭而以屬大宰一人何也大宗亦掌禮之尊官而專以事鬼神屬之大史



執簡記書言動而獨以天文屬之又何也夫以天之  
祭祀鬼神之事屬天則所謂亮天工者亦亮彼蒼蒼  
之天之工耶且大史察天文又謂大士察祲祥二者  
何辨豈大史不察祲祥而大士之祲祥又不從天文  
察耶集註云大宰掌邦政以佐王均邦國無所不統  
者也大宗未詳大史掌六典八法八則以達治正歲  
年以序事頒告朔于邦國皆其職也大祝掌六祝六  
祈六辭辨六號九祭九禱以事神治親者也大士亦  
未詳大卜掌三兆三易三夢八命以觀吉凶以治救  
禮記新義 卷之二 七

### 六府節

司土土均司木山虞林衡山師司水川衡澤虞川師  
司草草人稻人司器角人司貨井人此司徒之屬  
六工節  
土工陶人旄人金工築氏冶氏鳧氏齔氏段氏桃氏  
石工玉人櫛人雕人磬人矢人木工輪人輿人弓人  
廬人匠人車人梓人獸工面人鮑人鞞人韋氏裘氏  
草工繡續鍾氏筐人幌氏此司空之屬  
五官致貢曰享  
一說五官公侯伯子男五等之官以下五官之長考  
禮記新義 卷之二 八

之可見天子建萬國封諸侯五等諸侯各以時致方  
物于天子曰享者下獻上之義也于貢字享字更穩  
貼

### 其在東夷二節

註依舊說然玩上節夷蠻戎狄的爲四夷之君而謂  
爲牧從古未聞有爲四夷之牧者下節曰庶方曰小  
侯明是中國如春秋稱邾人莒人某人之謂也而謂  
爲四夷之君終于理欠當宜從集註改正

### 天子當依節

新裁云觀取敬謹歛飭之義蓋入而與天子議奉行天道肅殺之令者在此觀故相見時先有一段嚴肅的意氣朝取和氣充溢之義蓋入而與天子議行天道生育之令者在此朝故相見時先有一種溫厚的意氣○依之爲言依也狀如屏風以絳爲質高八尺繡爲斧文廟堂之上牖東戶西設依於其間天子負之南面而立以對諸侯也宁之爲言竚也在門屏之間門路門也天子外屏在路門之外宁居其間天子視朝竚立以待諸侯之至也

禮記新義

卷之二

九

諸侯未及期二節

二節見平常以禮相遇而爭亂之端以杜約信節是有變以禮相命而匡國之忠以竭

約信曰節

盟之爲法先鑿地爲方坎殺牲於坎上割牲左耳盛以珠盤又取血盛以玉敦用血爲盟書成乃取血塗口旁謂之插血而讀書置牲坎中加書于上而埋之謂之載書也

天子穆穆節

幽深和敬有四意壯盛以下各有二意焦焦只一意總是隨分而異容不必推到德上

公侯有夫人節

諸侯一娶九女以一人正者爲夫人姪姊二人爲世婦娶一國而二國媵之二媵及姪姊六人爲妾若妾則不在九女之數所以正名分杜亂原也老婦猶言老臣老夫之類舊謂稱老所以任事稱婦所以事人無謂

列國之大夫節

禮記新義

卷之二

十

一說按上文使者自稱曰寡君之老則此曰寡君之老使者七字當爲衍文直謂本國自稱曰某于上篇于其國則稱名意同亦通

天子不言出節

此泛記史策書法不必專指春秋蓋禮非獨行于魯或在孔子之前皆未可知也

爲人臣之節

以不顯諫爲主下二句正申明首句也謂爲人臣者不可顯諫但一而再再而三反覆開譬以祈其必聽

至于再三而必不聽則寧可逃而不可顯著其惡非真教之逃也

擬人必於其倫

倫字須細看若只說擬大夫當於大夫擬士當於士作文便無意味然搭下年富說則又當就貴賤說了

問天子之年五節

天子國君之年問其臣也故對之詞謹大夫士庶之子問其父兄也故對之辭謙凡問俱是少者觀一始字四能字可見長亦是稍長

禮記新義

卷之二

士

問大夫之子節

一說御治也謂治家事也大夫有家故以能御未能御答之更詳之

問國君之富節

不問天子者率土之物莫非王有天下共見不須問也

天子祭天地節

今按周禮大神大示即天地也五嶽四望山林川澤五祀即山川五祀獨以五帝爲四方又祭日月星辰

司中司命觀師雨師社稷又山川丘陵墳衍各以其方又祭法天子七祀加司命泰厲諸侯五祀有司命公厲而無戶竈大夫三祀有族厲而無中霤戶竈士二祀則門行而已又士喪禮禱于五祀與此皆不相合夫祭法固爲不經而周禮又復不一其啓後人紛紛之疑何足恠哉

凡祭有其廢之節

魯立武宮立煬宮舉其廢也躋僖公廢其舉也魯郊禘祀文王季氏旅太山偕也魯祀爰居諂也

禮記新義

卷之二

士

天子以犧牛節

此亦謂天子之大夫士耳若諸侯之大夫則用少牢士以特牲其喪祭則大夫亦得用牛士亦用羊豕

凡祭宗廟章

隨其物而美其號以祝于神所謂外盡物也而內盡志可知若內志不盡而徒以美名侈之豈孝子享親之心乎

雞曰翰音二節

一說翰羽也雞鼓翰以鳴故曰翰音雉醜趾間無暮

其足疏故曰疏趾

天子死曰崩節

大夫有德有位死則事已終士方有祿而不能終故曰不祿庶人無德無名與身俱盡故曰死

生曰父曰節

易言有子考無咎書言大傷厥考心又云聰聽祖考之藝訓倉頡篇云考妣延年書又云嬪于虞詩大明云嬪于京周禮九嬪之官皆非死而後稱蓋古者通稱後世乃異之耳

禮記新義

卷之二

三

天子視不上二節

疑問云天子視作視天子解誤矣天子端冕凝旒其首與袷有若相聯屬者稍一仰則上於袷稍一俯則下于帶故云天子視不上于袷不下於帶解者不通本條上于袷之義且泥下條上于面之說誤解作視天子必泥此而解天子視爲視天子則天子國君大夫猶可以曲解至于士視五步將如何曲解耶天子穆穆故其視端然不仰而上于袷不俯而下于帶國君皇皇故其視較天子稍俯焉如執綬然故曰綬視

大夫則又俯而平衡矣士又益俯而視五步之內矣

此何以故凡視上於面則教下于帶則憂傾則姦此天子國君大夫士之視俯仰之間不可少踰其則也上于面卽俗語所謂仰面非上他人之面也如此似覺有理錄以俟訂

君命大夫節

肆是預爲議論商確如學者之肄業然下四句見其肆之專也四在字指君命言

輟朝而顧節

禮記新義

卷之二

古

凡非所治者皆異事非所謀者皆異慮

在朝言禮節

要知君子倡禮于朝有尊君意問對俱作一人說

大饗不問卜不饒富

禮之大者只是一個誠心日月素定故不問卜而誠亦與日月積之有素無物可稱故不饒富饒于內心正不必饒于外物

凡摯天子節

摯執物以爲相見之禮也釀黑黍爲酒曰秬鬯和以

鬱金之草曰鬱鬯不以鬱和則直謂之鬯而已公桓  
主侯信圭伯躬圭子穀璧男蒲璧不言璧者舉圭以  
該璧也庶人以上因分而異禮之常也至于有摯者  
乃不敢抗禮無摯者乃不可廢禮則又禮之變也纓  
拾矢不必分屬

禮記新義卷之二 終

禮記新義

卷之二

五

禮記新義卷之三

父中立湯三才命意 男平子湯道衡撰述

檀弓上第三

公儀仲子節

免本五世之服朋友死于他邦而無主者亦爲服之  
其制以布廣一寸從項中而前交于額又却向後而  
繞于髻也檀弓非仲子五世之親仲子又非歿于他  
邦而無主者蓋欲以非所服之服以譏立非所立之  
意爾疑問云公儀仲子舍孫立子而檀弓弔以免司  
禮記新義 卷之三 一  
寇惠子舍適立庶而子游弔以麻衰先儒皆謂以過  
禮之弔致譏是則然矣自愚論之彼所行旣爲非禮  
卽明白以非禮正之猶可挽回其失何必身爲過禮  
之弔耶聖人斷不如是

曰仲子舍節

文王舍長子微子舍適孫蓋以賢而不以適也仲子  
之子賢乎哉故夫子斷以立適孫蓋適則一一則不  
爭庶則衆衆則必爭故立適者萬世常行之道必其  
適不肖然後不得已而立賢否則未有不召亂者不

曰文王微子所嘗行而槩行之也

事紀有隱節

至死猶言終身自少至老死而后已也疑問云事親事君事師皆禮之大者禮由中出其有隱無犯有犯無隱無犯無隱心體上自合如此故記者並舉以垂訓耳朱氏分仁義道三字已覺支離陳氏謂師之成我同乎仁而不全乎仁同乎義而不全乎義益支離甚矣

季武子成寢節

禮記新義 卷之三

疑問云成寢而夷人之墓是武子之大橫處杜氏之請合葬豈所欲哉畏其勢燄之難敵以得請為幸蓋出于萬不得已耳故入官而不敢哭武子猶然謂其非古命哭以文已過其暴橫何如其毒螫何如至今讀之猶憤憤生氣似不必以杜氏之非孝與武子之不仁文過並舉

子思之母節

此章斷出漢儒附會之文意當時欲明不喪出母之禮而無其事故借聖人之家以明之而不知其自陷

于無根之罪也聖人禮義之宗闔門有家之本豈有不慎于始而三世出妻之理乎按孔子年十九娶宋開官氏明年生子適魯昭公賜之二鯉孔子榮君之賜因以名子而字之曰伯魚至六十六而夫人開官氏卒傳記之可考者昭然如此豈有出妻之事乎

孔子曰節

拜而后稽顙謂先以兩手伏地如常而后引首向前叩地也稽顙而后拜開兩手而先以首叩地卻交手如常也○順亦從哀中出但先拜猶知禮賓不若先

禮記新義 卷之三

三

稽顙自致其哀耳故孔子從其至者

孔子哭節

左傳哀十五年衛孔圉取太子蒯聵之子生悝故蒯聵潛入孔悝之家與伯姬迫孔悝于厠強盟之遂劫以登臺子路入逐之至臺下曰曰太子無勇若燔臺半必舍孔叔太叔聞之懼下石乞孟賁敵子路以戈擊之斷纓子路曰君子死冠不免結纓而依然未嘗有醢之之文不知其何所據也

子思曰節

疑問云必誠必信謂此心無所不盡百凡事無所不用其情故既下一誠字又下一信字方氏分貼生歿覺反未暢

### 喪三年節

疑問云終身之憂二句重在上一句專申明公則弗之忘一句耳註將冢宅崩毀出于不意爲一朝之忠似欠體會

### 孔子少孤節

顏氏之歿孔子年二十四矣豈有終母之世不求父

禮記新義

卷之三

四

墓所在至母既殯而猶不知者乎且母歿殯于衢路必無室廬而歿于道路者不待已之爲耳聖人禮法之宗主而忍爲之乎又豈其封墓方反而隨即崩壞者乎此與前防墓章皆當去○慎字疑問欲弗改矧字言如此其慎重也亦有見

### 有虞氏瓦棺節

蓋上世嘗有不葬其親者掩埋之禮所自起也然不知所以比化者瓦棺焉○周書○後棺梓槨置製漸以加厚焉是人子愛親無已之情誠思深慮以求

其至者以嫌于其心也是之謂禮故記者特詳之

### 夏后氏節

三代所尚不過隨時損益以新天下之耳目一天下之心志而已非若後世五德相勝之說也

### 穆公之母卒節

先以人子之至情啓其衷次以君臣之大分維其僭曾申其善引君子當道矣

### 晉獻公節

初晉獻公烝于武公之妾齊姜生太子申生又娶二

禮記新義

卷之三

五

女子戎生重耳夷吾後伐驪戎以驪姬歸生奚齊其姊生卓子驪姬嬖欲立其子謀以太子主曲沃已而譖之公許殺太子而立奚齊及是使太子祭齊姜歸胙姬毒而獻之太子奔新城自縊此蓋出奔將縊之時重耳使言已志于公也蓋君子之于親有言以明已志有諫以明事幾言而不入則至于熟熟而不已則至于號重耳之言是也而世子曰不可公非姬居不安食不飽我若自理公必誅姬姬歿之後公不復樂是我傷公之心也此始而不從重耳之言其殆進



不能自明而以姑息之愛陷親于不義也○人子親號而將至于見殺則有義以逃之一以全父子之恩一以存宗社之寄重耳之言是也而世子又曰不可天下無無父之國則弑君之賊必無所容故執此理以拒之而不知已實非弑君也此終而不能從重耳之言其殆退不能違難而以被污之故陷親于不義也○初獻公使申生伐東山臯落氏狐突嘗諫止之曰與其危身以速罪不若致孝而安民申生不能從及是將死乃使人致辭狐突而謂不念伯氏之言禮記新義

卷之三

六

魯莊公節

謂卜筮之卜非指卜國也古者御右必皆卜吉而後使春秋傳所謂卜右慶鄭吉者是也末之卜猶言無用卜也舊說微哉卜國者非君子臣不稱氏始歿節此章記孝子居喪之情雖曰由隆而殺然要之終身之慕無已之情亦隱然于其中矣人在自盡爾邾婁節升陘以前未嘗無戰歿者得復以衣而不以矢狐鮐以前亦未嘗無戰弔者得弔以哀而不以鬻則是殺禮記新義

卷之三

七

孔子既祥節

此當為疑經記者徒見喪服四制有祥之日鼓素琴遂信其所傳聞而記之不知其與前章踰月則善之言自相背戾也十日而成笙歌必十日之前習之此與朝祥莫歌猶五十步之與百步而孔子行之豈不為子路所笑乎此係大節不可不辨禮既祥自饌無絢縞冠素紕今用絲組譏其早也此事有無雖不可知然有子能知孝悌為為仁之本恐亦不至是也

歿而不弔節

今世有以畏爲自經者未知是否然與厭溺頗類一例

大功廢業節

業舊謂學武學射學琴瑟之類朱子曰業謂真處上一片板蓋指樂也周禮有司業正謂司樂也陳壽翁曰業者弦誦羽籥之事誦者樂律詩歌之文未知孰是

曾子曰節

禮記新義

卷之三

八

禮于嫂及妻之昆弟皆無服子思申祥哭無服之親猶且爲位况小功有服而可不爲位乎爲嫂無服而其妻爲娣姒婦則有服爲妻之昆弟無服而其妻爲其昆弟則有服故子思申祥之哭皆使其妻有服者倡踊于前而已隨哭于後也

衰與其節

物者心貌哀戚之實卽哀公問不過乎物字舊謂升縷及法制長短幅數無味古者一席容四人則皆邊坐若獨坐一席則不倚于一邊矣舊謂坐起必正

不可着衰而偏倚亦無着

孔子在衛節

送親柩往葬則如生時父母出外兒隨後攀號不忍其去也葬畢迎親之神而反不知神來與否疑其猶在葬所也喪禮以哀戚爲本祭祀爲末故夫子深善其得禮意而欲人法之也

孔子之喪節

志章識以別之也飾棺楮幄也牆柳衣也諸飾所聚謂之柳旁帷曰墻以布爲之衣柳以障柩若居室之禮記新義

卷之三

九

有墻也娶形如扇而方用木爲表衣以白布而畫之其畫或黼或黻或雲緣則皆畫雲氣有柄在路持以障車入梓用以障柩者也其多寡則隨貴賤之等披夾持棺者用纁帛爲之以一頭繫所連柳纁戴之中而出一頭于帷外人居旁牽之登高則引前以防軒適下則引後以防翻歛左則引右歛右則引左使不傾覆也崇大牙也以采色爲大牙其狀隆然謂之崇牙喪車所建之旗飾也綢纏也練素錦也綢練以練綢旒之杠也旒銘旌也夏以緇布爲之廣充幅長八

尺

孔子之喪節

前既云若喪父而無服則不經可知矣鄭註以羣居爲朋友尤不通

及葬節

行行神之壇也行神壇位在廟門外之西祔壤厚二寸廣五尺輪四尺當所毀宗之外古者生人出行則爲壇以幣告神告畢以車踐壇上而出使道中安穩如在壇也今樞向毀宗處出亦如之故云隳行也

禮記新義

卷之三

十

叔孫武節

舊說謂失禮節而反言以嗤之蓋卽馮氏改戶爲尸之誤也

扶君上節

古者之制婦官序于內僕人射人舉職于外故君有疾而扶之及薨而舉之嬪御闈豎不得與焉是以外庭之人疾則共知其疾薨則共治其喪使先君得正其終嗣君得正其始職此故也後世此禮不行往往篡弑廢立邪謀既定于內而外庭大臣尚未知覺卒

之事幾危迫俛首聽命其爲國家禍患寧有既乎

從母之夫節

舊說謂從母之夫與舅之妻相對爲服則既無同爨之理且有避嫌之義非經旨矣

喪事節

疑問云從從是總理之敏且密折折是周旋之曲而中折字不必作提字解亦是

喪具節

一說恥具者嫌過爲身後慮也若以人子言于恥字

禮記新義

卷之三

十一

義不協有理

子思之母節

伯魚之妻上事孔子下育子思決無夫歿改嫁之事且親恩罔極死喪大事雖有弗行亦當致慎曾謂子思而有是言哉

司士責節

舊說謂譏子游矜大專輒許諾者非夫司士之請已合禮矣而不應之則將何以爲辭哉

禮記新義卷之三

終

禮記新義卷之四

父中立湯三才命意 男平子湯道衡撰述

檀弓下第四

君於大夫節

疑問云命引云者君念大夫平日效勞國家一日捐館舍不可不爲之助力故于其柩之行命引之以致其隆重之禮而猶不忍其行之遽也姑三歩則止如是者三以致其綏留不忍舍之情而謂諸家乃謂命引以奪其情有是理哉下文朝亦如之哀次亦如之

禮記新義 卷之四

則孝子不忍親柩之行故于君退後舉柩朝廟時亦如是其三步則止哀次亦然註乃謂君來時不必恒在殯宮云國君舉動自有成則豈若是任情爲之哉

大夫弔節

婦人見兄弟可以及闕而不可以踰闕送迎可以及門而不可以出門弔人可以出門而不可以越疆

齊穀節

王姬周女齊襄公夫人魯莊公齊襄公女弟文姜之

子王姬乃其舅之妻也天子女下嫁諸侯必使同姓諸侯主之卒則天子無服而主嫁之國爲之服如內女姊妹之說是也外祖母之說非

銘明旌也節

銘以雜帛爲之天子九尺諸侯七尺大夫五尺士三尺不命之士以緇長半幅經末長終幅廣三寸半幅一尺也終幅二尺也總長三尺銘曰某氏某之柩男子稱名婦人稱姓與伯仲

辟踊哀節

禮記新義 卷之四

天子八日九踊諸侯六日七踊大夫四日五踊士三日三踊每一踊三跳三踊九跳爲一節此本節義而兼言文者有節則文無節則質也

其變而之節

疑問云其變而之吉祭也恐不是以有他故未及葬期之說以吉祭易喪祭明日祔于祖父上文已明白言之矣唯是明日卽祔似嫌太急故復申言之曰云見必于是日也接而無間是不忍一日未有所歸之意此與上文葬日虞弗忍一日雖意同解者不察

此變字卽上文 易字乃云以有他故未及葬及解  
比至于祔曰虞後遇剛日連接其祭統繆之甚

### 穆公問於節

義起于情之所及不起于情之所不及禮生于義之  
所加不生于義之所不加故因情以爲義而義所以  
行情因義以爲禮而禮所以行義有爲舊君服者有  
不爲舊君服者凡視情與義何如耳此章與孟子告  
齊宣王語畧相類蓋世衰君暴多虐其臣故以上下  
感應之理警其君爾若君子之自處與所以教人則  
禮記新義 卷之四 三  
不容如是之薄也

### 有子與節

一說情在于斯二句謂見孺子慕者孝子之情恒在  
于斯其事卽是何必爲踊節乎其當去明矣若註所  
云恐非有子欲去踊之意也亦是

### 平公曰節

非杜蕢不能改平公之過于羣臣不言之際非平公  
不能彰杜蕢之善于百千萬世之久君臣相成亦可  
謂難得矣

### 君曰節

按謚法愛民好與曰惠外內用情曰貞道德博聞曰  
文據先後則惠在前論小人則貞爲重故不曰惠貞  
而曰貞惠三字爲謚而獨稱文子者文足以該之也

### 公室視節

二者皆僭制也葬不可機封亦不可僭制以是爲魯  
之初可乎

### 戰於郎節

魯之微弱原是卿大夫不能謀國之過夫子已心傷  
禮記新義 卷之四 四

### 工尹商陽節

此章當爲疑經考諸左傳楚子伐徐無追吳師之事  
當時與事者但有工尹路而無商陽且味其辭若有  
懟君而不肯盡力然者尤非人臣之禮孔子何取焉  
闕之可也

### 孺子犢節

以輜之重也故爲榆沈以滑之欲榆沈之散也故設  
擦以發之無輜則無所用沈無沈則無所用擦矣

其嗟也節

此不食與可食正禮義生交關餓者之寧死不食正是全禮義的處 曾子說可食不是短他不食豈云可食而終不食正見餓夫之真心不變特其節太苦耳

禮記新義卷之四

禮記新義

卷之四

五

禮記新義卷之五

父中立湯三才命意 男平子湯道衡撰述

王制第五

三代立國紀綱制度較若畫一雖有辟王而維持者不亂享國長久職此故也周衰篡君汚吏慢其經界而井田之制壞諸侯惡其害已皆去其籍而班爵祿之制不詳至秦開阡陌制郡縣古法掃地盡矣然其書幸有存者故漢文令博士諸生雜取傳記作爲此篇其書推明班爵制祿之法祭祀養老之義雖與周禮記新義 卷之五 一

官孟子少異然先王良法美意賴以有傳文帝之功

于是爲大矣

王者之制節

王者有純王之心又有純王之政其崇功顯庸太宰祿以馭其富大司徒以庸制祿而王寔主之多寡必當其功則受祿者各自懋功以承之矣其尚賢節德太宰爵以馭其貴大司徒以賢制爵而王寔主之尊卑必稱其德則受爵者各自懋德以報之矣

天子之田節

天子之田方千里此句不重只要引起下文耳不能  
以下是倒裝句謂諸侯之田至五十里而止矣此外  
又有不能五十里者則爲誰乃不合于天子附于諸  
侯曰附庸者是也

### 天子之三公節

所以內必視外者蓋先王之制出則爲列國之君入  
則爲王朝之臣使出入均勞內外一體所以制天下  
偏重之患而內外如一也

### 制農田百畝三節

## 禮記新義

卷之五

二

說農田只要起庶人在官者然其意亦不重在此只  
要引起下兩節可言農田之百畝所食不同如此庶  
人在官之祿以是爲差矣豈惟庶人在官之祿以是  
爲差諸侯之下士亦視上農夫蓋卿大夫之祿皆自  
此而推廣之矣

### 次國之上卿節

前言上大夫卿是上大夫卽爲卿矣後言大國三卿  
隨曰下大夫五人不言上大夫是卿卽爲上大夫矣  
此乃于上中下卿之外別有上大夫下大夫且後言

小國二卿而此亦有三卿前後刺謬甚矣新裁云先  
王見得諸侯之敢于越大小之次而侵凌亢犯者皆  
卿大夫謀國不識大小之等而徒知以強尊其名不  
知以禮法導其君也所以並會之時必須于諸臣中  
定他大中小的班次他預先知有個等級道其君以  
大恤小小事大之禮也有預先折服他不恭意思

### 其中有中士節

徐註云此錯簡當在後章小國上士二十七人之下  
蓋其所言三國之制自上士止故又言此以足之非

## 禮記新義

卷之五

三

謂頻聘之士可空國而出也數各居其上之三分者  
謂天子及三等之國其中士皆三倍于上士下士皆  
三倍於中士也細玩較理勝且本文明曰中士下士  
而乃以次國之士爲中士小國之士爲下士牽強殊  
甚

### 凡四海之內節

先王建萬國親諸侯蓋不過相地形以分列之耳此  
定說州建百里之國幾何七十五里之國幾何共  
九州來爲三等之國幾何拘泥開方之法鑿鑿定限



而毫無短長多寡于其間似非聖王聚建諸侯之制  
朱子曰恐只是諸儒做個如此算法其實不然且當  
時泰山屬魯牛山屬齊名山大澤何嘗不以封況天  
下山澤多而必取平原曠野之地爲百里爲七十里  
爲五十里則當時之爲國能幾何哉

天子百里之內節

百里千里只大槩說個遠近字其實百里卽在千里  
內皆以王畿言也

千里之外節

禮記新義

卷之五

四

五國地廣易於渙散則合爲一屬使五國相爲聯屬  
卽于五國中擇一賢君爲長取其仁足長人也倍爲  
十國地又廣矣易于睽貳則合爲一連使十國相爲  
連比卽于十國中擇一賢君爲帥取其知足帥人也  
又三倍爲三十國地愈廣矣恐有卒然之變不可無  
以制之則合爲一卒而于三十國中擇一賢君爲正  
取其義足以正人也合二百一十國其地又太廣矣  
無以總之則權分而彼此不相爲用地遠而賢否無  
所于稽故合爲一州而于二百一十國中擇一賢君

加之一命以爲伯八命作牧得專征伐也

千里之內節

王畿千里之外莫近于侯服而采又侯服之最近者  
莫遠于荒服而流又荒服之最遠者舉最遠最近則  
綏要之服在其中矣

制三公一命卷二節

制字直管下節王朝有定典一毫不敢僭差故脊雖  
無窮德雖有餘而必以制不過九命就指三公說與  
下個不過字一例蓋八命而鷩冕命猶可加衮冕而

禮記新義

卷之五

五

八命命亦可加惟九命而衮冕則命服俱隆恩例已  
極不得過矣○按衮冕天子十二旒纁十二就上公  
九旒纁九就衮衣天子十二章其龍一升一降上公  
九章但有降龍無升龍鷩冕上公八旒纁八就諸公  
七旒纁七就○君卿只言命服以命異可例見也侯  
伯七命服鷩冕子男五命服毳冕然前以公侯爲大  
國伯爲次國此以公爲大國侯伯爲次國者彼以地  
言此以命言也

凡官民節

王大全在一論論得仔細則可使何事可爵何官可  
食何祿俱有定案了後使之爵之祿之漸漸加去不  
是做一節方加一節

諸侯之於天子也二節

諸侯受封在外天子建極在內使彼此不相聞問則  
君臣之間際隔甚矣故制爲朝聘之禮所以致臣節  
于天子制爲巡守之禮所以宣上德于諸侯

有功德節

善民之風俗齊民之好惡奉天道而時日月皆順遵

禮記新義

卷之五

大

王制而律禮樂制度衣服之皆同外則敬于山川神  
祇內則孝于宗廟此爲賢君爲治國而有功德于民  
者

天子無事節

三者非一時襲取的平昔所遵用者皆天子之禮禮  
本畫一何待于考所奉行考天子之刑律無異同何  
待于正至德者臣子精白承休之一念何時不奉將  
于至尊乃更待于一耶而必曰考之正之一之者這  
正是一點兢兢業業惟恐失墜之心乃所以尊于天

子耳禮刑不可與一德對看德乃事君之本也

天子賜諸侯樂三節

諸侯能和人民者賜樂能征不順者賜弓矢能誅有  
罪者賜斧鉞能備孝道者賜圭瓚○祝形如漆桶方  
二尺四寸深一尺八寸中有椎連底撞之令左右擊  
鼓如鼓而小有柄持而搖之則旁耳還自擊

諸侯賜弓矢節

弓矢利以用于遠鉞鉞利以用于近征者以行于遠  
爲主殺者以行于近爲主

禮記新義

卷之五

七

賜圭瓚節

還重首句要見得賜圭瓚然後得自爲未賜豈敢爲  
哉下句不過連上句耳須得他不敢自尊而受命于  
君意雖以孝親尊君並言然因孝親而見尊君也

天子命之教節

王者建國君民教學爲先故立諸侯卽命之教非如  
樂器弓矢鉞鉞圭瓚次第而賜也諸侯還士山內以  
升于外故小學在內大學在外若天子選士山外以  
升于內則大學在內小學在外辟雍是相形說只重

在諸侯上○詩註辟璧通雍澤也天子大射行禮之處水旋丘如璧以節觀者故曰辟雍類之爲言半也諸侯鄉射之宮東西南有水而北無形如半璧故曰類官與此解不同

### 天子將出征節

此言天子出征始終之禮師出以禮則折衝禦侮之謀預定而無潰敗之虞師旋以禮則矜功伐善之意不形而有謙恭之美三代之師如時雨凡以禮而已矣○徐註云造乎稱又受命于祖者稱親故祭以告禮記蕭義 卷之五 八

之祖尊則但稟命而已舊言受命爲卜于廟師固有卜恐未必于廟也更詳之

### 天子諸侯無事章

此四條是田獵之禮先王爲祭祀賓客不得已而取禽獸然對時育物之意常流益于其中如合圍掩禁及取之非時用之無制則其心有惻然不自安者故此章以田不以禮曰暴天物獨加詳焉易曰先王以農對時育萬物正是此意

### 天子殺節

此雖言尊卑貴賤之次序然細玩下大綏下小綏佐車語分明有止殺之意這便是取之有制與下取之以時意甚聯合

### 獺祭魚節

孟春獺祭魚季秋豺祭獸仲秋鳩化爲鷹季秋草木零落仲秋昆蟲未蟄昆明也凡蟲得陽而生得陰而藏故謂之昆蟲

### 冢宰制國用節

三個制國用通是虛說直到量入爲出方是制國用禮記新義 卷之五 九

之實大小是一定的故直曰用豐耗是或然之數故必曰視用字視字總是要起下文以字以三十年之通只是以那可通融常行無弊的法子言三十年之可行之萬世了舊註謂總計三十年之數而有十年之餘不知此是言經費之法非積貯之法也其所留待三年耕節用與此處文氣尚畧差此量入爲出緊頂三十年之通下來此正是通處說者乃以今歲來歲字面人之非是由入而出國用也曰量入爲則所以制之也

國無九年節

此三十年之通與前稍別前接有制國用三字就所用三分者而言也此則就所餘一分者而言也

庶人縣節

檀弓下篇仲尼曰王崩世子聽于冢宰三年是天子不二事也論語君薨百官總已以聽于冢宰三年朱子曰言君薨則諸侯亦是諸侯不二事也曾子問孔子曰夏后氏三年之喪既殯而故事殷人既葬而故事若金革之事無避也者魯公伯禽有爲爲之也禮記新義 卷之五 十

天子祭天地節

三公饗餼九牢饗禮九獻簠十簋十二豆四十侯伯饗餼七牢饗禮七獻簠八簋亦十二豆三十二

天子黷節

祫合也其禮有二時祭之祫則羣廟之主皆合食于太祖之廟而毀廟不與三年大祫則毀廟之主亦與焉此則謂時祭之祫也

諸侯禘節

廟祀有國之重典也急王事而有闕禘祭三時之始事也避王尊而有間于孝享之中寓尊王之意亦仁之至義之盡也

夫圭田無征

一說夫餘夫也餘夫業外之田故亦不稅此說較可舊說突然下一夫字似無着落

出里不粥節

受田有定則不得相兼併而民無憾于養生族葬有禮記新義 卷之五 十

序則死者有所安厝而民無憾于送死

司空執度度節

度字舊訓丈尺謬矣只是先定一箇規畫制度而秉執之如造爲輿地圖而已舊言量遠近正所謂執度度地是矣而謂時四時在執度度地之先尚畧差些蓋時四時根山川沮澤來正爲量地而設原不重天時唯大時因地利而異還卽因天時以量之此處一直下更非兩截事時字亦無工夫時以量之與居民材節因字同新說謂時四時乃度地之資養使耕耘

牧歛各適其宜與量地相對不知耕耘牧歛隨處如此與山川沮澤句又無情了不可從

### 凡使民節

玩一凡字所指甚廣不特居民爲然矣

### 凡居民材節

以備用說材看來通章都無此意似亦牽強第如新說作質性看則居民材處又難於旋徐注云凡居民者當隨其材質而居之如此又與必因意重了且又添出一層意思矣姑依傳說通節有四層意異制是禮記新義

卷之五

三

一層因異制有寒燠燥濕是一層因寒燠燥濕有異俗是一層而異齊則又在異制之後異俗之先更爲一層此句須要安頓得好蓋一廣谷大川自天地乘其氣則爲寒燠燥濕人乘其氣則爲剛柔等而異俗則又人之所以乘天地者也修教立政皆在三綱五常禮樂刑政上說泛了本註似與居民材切些

### 中國戎夷節

性只就氣稟說爲是不可推移是言其氣稟之不齊卽上節所謂異齊也次節方言其習俗之異尚唯其

性不可推移是以其俗各異也

### 五方之民節

前後雖兩言五方之民然所重只在四夷但以中國主之耳先王之居民于中國則修其教齊其政而見化導之有方于四夷則達其志通其教而見勸摩之有法必欲強而易焉其母乃以居之者授之乎總要見他必因處

### 凡居民節

前居民說的淵此居民又單指井田說然此節兩居禮記新義

卷之五

三

民字亦不同凡居民包制邑居民兩項以居民却與制邑對言耳兩地字亦不同量地是方欲制邑之地度地又是邑中之地制邑不因地或近而病于迫促或遠而病于疏曠居民不因邑或廣而地有遺利或狹而民有遺力皆不相得矣司空居民得法全在一量字量者裁度區處都在一心內了由是制邑定居一一停當不差相得字甚有意味

### 無曠土節

度地居民則無虛曠之土每夫受田故亦無游惰之

八二句項參相得來食節項無游民事時項無曠  
民咸安其居又項食節事時安居正與上凡居民相  
應自上之務言則曰事自民之力言則曰功總就力  
使上說

司徒修六禮節

不曰節民情曰節民性性情所從出也民德曰興見  
此德乃人所固有特以是教興起之而使鼓舞于  
不倦衣服器械等項不立政以爲之防便多借擬放  
溢之失故曰防民生雖異俗而道德只一箇修六禮  
禮記新義

卷之五

古

明七教齊八政若有許多項欸然總是將此道德之  
一者一民之不一使其俗歸于大同耳修是整舉而  
不壞明是昭示而不晦齊是限制而不紊一則一定  
而不易也前云不易其俗此云同俗者何不易者不  
強易之也不強易而以道德之一者一之俗自歸于  
大同是不易之所謂同也全德性而邪淫日遠修道  
德而仁孝克敦所謂賢而有德者上之斯崇之矣棄  
禮蔑教而敢卽乎悖淫反道背德而罔修乎仁孝所  
謂不肖而惡者簡之斯緇之矣

命鄉簡不帥節

上功上齒示以禮文之美俊士執事示以禮事之榮  
不變節

此第三年終考校之時如初禮卽在次年元日仍行  
射飲禮事也

不變移之郊節

前不變是五年終考校之時如初禮卽在六年元日  
次不變是七年終考校之時如初禮卽在八年元日  
後不變是九年終必遲之九年需之四不變重絕人

禮記新義

卷之五

五

之意也

升於司徒者節

才德之湮廢多起于肄業之不專人材之成就常由  
于長育之有法不征則俗務無以雜其念而日就其  
德于高明庶事無以分其心而日達其才於光大矣  
樂正崇四術節

崇以心言有尊尚意立以事言有表樹意詩書禮樂  
皆先王之道順以造士正崇立之實也順字深從容  
和婉直探討禮樂詩書之精蘊而使與志相浹洽也

重一順字下順時之教者正以順之功不可驟而因時以進也

### 大樂正論造士節

論者論述德藝而保舉之無考較優劣意造士即前所造之士非名也名之進士者自外之內日下之上而致君澤民從此始也

### 司馬辨論官材節

所升之進士已無不賢者廁于其間而又必備論其賢者何這賢字只當簡優字如某賢于治賦賢于爲

禮記新義

卷之五

其

宰是也司馬仔細處全在定論二字下俱是見成的

了

### 有發則命節

要得文武相濟意

### 司寇正刑明辟節

上之法曰刑下之罪曰辟繫于官曰獄形于詞曰訟聽聽之于已也刺刺之于人也既聽之而又三刺不敢執已見也三刺之後而有不聽不敢廢公論也不敢之後而有附赦不欲其輕犯也從重從輕只一意

顛倒言之耳即察小大之比句意要旨曰入之輕辟以爲懲惡之戒出之重罪以開遷善之門使人易避而難犯也得之矣新裁云只是一箇慎平昔正明是慎於聽之先臨時三刺是慎於聽之時附輕赦重是慎於決之頃總之罪疑唯輕也見司寇體天子德意而時存哀矜勿喜之心

### 凡制五刑二節

天道福善禍淫栽培傾覆一公而已斷刑者必體之而使罰與事相附麗事輕而罰亦輕事重而罰亦重

禮記新義

卷之五

七

則至公無私而當于天理矣二句一氣說下一說天倫即下父子君臣之倫亦可

### 凡聽五刑之訟節

原父子之親立君臣之義是聽訟一大斷案權之提起虛說有無輕重各得其平之謂權權者出入變化妙用在一心不違律例亦不拘律例者也蓋法律是死的所以要圓活的人心去變化他方能極盡人情這節說聽訟者極盡自己的心看本文權字意字字字悉字致字權由心運意論以心比心也慎則小心

以度也悉則心無遺致則心已極後邊赦的地步又必察大小之比直至明見淵魚而後成赦刑官如此用心尚於人心有未得處只是哀矜勿喜之心時說俱謂盡之在別之後不知所謂聰明忠愛于何時悉于何時致總之只在意論慎測中耳第不如是則不盡所謂別之盡也忠有感以至誠愛有假以顏色意共之赦之成之俱爲疑獄而設只重一箇赦之共之乃赦之之因成之乃赦之之法如今人立一宗卷案一般一說赦與成作兩平看疑則汜與衆莫衆疑則禮記新義

卷之五

七

成獄辭節

卿位必植棘者取其赤心而外刺也聽之于此亦欲其內輸忠赤而外示威嚴與三聽字皆主覆審說是聽其人非聽其辭也周禮三宥一曰不識再曰過失

三曰遺忘

凡作刑罰二節

無赦則民不至于犯罪盡心則吏不至于濫刑有無赦之法以禁于未然之先有盡心之吏以懲于已然之後此民所以畏法而親上也前言附從輕赦從重此言輕無赦者前以行法言此以立法言也輕無赦正爲盡心張本不可作兩意看制刑以嚴爲主則用刑豈可不盡心乎刑者三句又是推君子當盡心處刑者側也三句遞說下去如此兩解方盡制字之意只要透出箇成字以起下文耳盡心如何即前制五刑兩節是也歐陽公曰求其生而不得則死者與我俱無憾也此方是君子之盡其心者

禮記新義

卷之五

九

作淫聲異服節

堅者堅執以爲是而自信之篤也辨與澤却自知其非但巧于欺人耳卜筮等先王所不廢此乃假降邪術私習天文妖言妖書以惑衆者人皆知亂政之可惡不知作爲淫巧習爲奸僞設爲妖妄以惑衆心者其惡與亂政等故樂殺以絕其禍

凡執禁節

聖王制刑以遏惡又設禁以防奸禁于未然則必不



陷于刑辟矣故因論刑并及之

關執禁以譏節

衣服易見故直曰禁言語難知故必曰譏

大史典禮節

簡記特禮儀耳故畧而言執諱惡乃王事也故尊而言奉齋戒只是肅敬意蓋二端之奉雖出自臣下而吾因之行且知則是二者有教詔之義故齋戒以受之

司會以歲之成質於天子三節

禮記新義

卷之五

三

此章言質成之法只重三箇齋戒受質司會與三官爲六卿之屬其職最重故特言之而百官則大小臣工俱在其內徐註謂司會贊冢宰無所不統而以司會之計要卽爲百官之計要誤矣但百官之廢置皆由冢宰則百官之質似宜冢宰受之矣而謂達于三官及司徒司馬司空之受質未必無誤耳

大樂正節

司徒掌邦教敷五典而樂正則崇四術立四教焉故樂正之質司徒受之司馬掌邦政統六師而司寇則

詰姦慝刑暴亂焉故司寇之質司馬受之司空掌邦土居四民而市掌市飾之禁在民商工賈各十有二焉故司市之質司空受之此各以其類也然亦就記人之言分析若此如以理言則司馬夏官司寇秋官司爲六卿又職異政殊何得質于司馬耶其爲誤文無疑註從司會謂司會先而三官卽從而後之非附于司會之謂

六十歲制節

禮記新義

卷之五

三

絞所以收束衣服爲堅急者紵單被紵與衾所用以歛者冑所以韜尸者制如直囊下曰殺韜足而上上曰質韜首而下齊于手

瘠聾跛節

瘠者以之實土聾者以之司火則者以之守冢侏儒以扶爐所以使下者無廢材而人人各得其養在上者無虛用而事事各極其精

方千里者四節

州方千里畫爲百區區方百里是爲方百里者百以開方之法推之蓋萬里也萬里之地以封公侯方百

里之國三十占地方三千里尚餘方七千里是謂方百里之國七十此下則以加一倍法算之自明一州爲百區區方千里是合十萬里也伯七十里之國開方四百九十里則是一區建七十之國二尚餘二十里故六十國占地二十九區四十里也子男五十里之國開方二百五十里則是一區建五十里之國四故百二十國占地三十區也餘地十區之六此說上下相合分毫不爽以紙書之自見

諸侯世子節

禮記新義

卷之五

五

明明世子大夫兩項摘訓說牽扭不可從天子所以榮辱廢置天下全在于爵一輕則視官爲世及之物而天子激勸之權輕矣況且官世及則未必得人而害政廢事不可勝言不比祿但以租稅養之而已雖濫及亦不失爲厚道

禮記新義卷之五

終

禮記新義卷之六

父中立湯三才命意 男平子湯道衡撰述

月令第六

王者奉若天道莫先于敬授人時故舜葬七政周用五紀自堯以來未之有改也不幸之時去古未遠傳聞有在典籍未焚得採取焉故其爲書雖成于諸儒而實撫歷代之遺文雖紀于巨奸而實備帝王之善制使后世人士設誠于內而致行之則承天之治可復見矣孔子曰不以人廢言此篇是也

禮記新義

卷之六

一

孟春之月日節

此于寅月而揭天象之所在不可作因天象而知月之建寅日月每月一會而寅月則會於營室每月昏旦各有所見之星而寅月則參尾在南方之中記日與星者欲人占象以候時也

其帝大皞節

只言二神司春令祀之之意當于本文外見之

食麥與羊節

四時之食俱不可曉姑闕以俟知者

乃命大史節

徐註云大史掌六典以逆邦國之治掌八法以逆官府之治蓋典法之書藏於大史邦國官府之類有爭其舊典是非者必就大史考之其與所藏不合者則治之以刑所謂守典奉法玩篇末飭國典論時令正與此對似此說爲長

是月也節

析穀開斯民足食之源也耕藉則衆盛有出而視之以致其誠信三推五推九推雖以貴賤分勞逸然不禮記新義 卷之六 二

重此只是雖至貴不敢自逸而有以身率先之義必勞之者以祭品不欲勞人亦微示酬勞之意與

是月也命樂節

是月習舞仲春習舞習樂皆以季春大合樂也

孟春行夏令三節

四時之令分而言之雖有對時育物之異合而言之亦有相通互發之機如此云及某令則有某應則是四時各專其政而不可相通其限于時而廢闕者多矣洪範論休咎樂配五行孔子作春秋不著事應欲

人君無所不謹也若必著之一有不中其有不怠且玩乎○自上而下曰雨雨水不時以陽氣蚤至故而少也草木蚤落以長養之蚤故彫落亦蚤也國時有惡火訛相驚盛陽之氣所迫也暴風從下上謂之衆總至同至也蔡莠蓬蒿秋始高大者也望傷折也百種唯稷先種故曰首種入收入也春寒傷其種故不入

是月也日夜分

陽生于子終於午至卯而中分陰生于午終於子至禮記新義 卷之六 三

酉而中分

天子乃鮮節

節宜陰陽之氣亦輔相調燮之一事也

是月也祀不用節

此雖云愛物之仁其流之弊至以麇爲犧牲恐非古制也

仲春行秋令三節

多雨故大水水氣寒故寒氣總至寇戎來征感金氣而然也陽氣不勝故麥不熟民多相掠亦以陽不勝

陰也陽亢故大旱大旱故煖氣蚤來蟲螟煖氣所化

是月也天子節

將耕也祈穀于上帝所以祈有秋將蠶也薦鞠衣于先帝所以祈有春

天子始乘舟節

鮪似鱣長鼻口在頰下體無鱗甲

是月也生氣方盛二節

生氣方盛陽氣發泄天道之運雖若無形而難知然句者畢出萌者盡達則物品之生實有象而可見矣

禮記新義

卷之六

四

故人君當承天意以從事而不可以內也氣一也自其發言言則爲生氣自其和煦言則爲陽氣德惠一也自其慈愛在心言爲德自其利澤及人言爲惠名士賢者亦同一窮而在下之人自其有聲望則爲名士自其有才德言則爲賢者敬賢亦是德惠不必推到利澤及民上

是月也命工師令節

量字時都作舊法說似與庫字難通不如作多寡較合

季春行冬令三節

冬氣寒故寒氣時發肅者枝葉減縮而急聚也天恐水泄相驚也疾疫亢陽之氣襲人也陽亢而爲旱故時雨不降高者又易被旱故山陵不得收成天多流陰感少陰之氣也淫雨霖雨也雨三日以上爲霖陽爲暘陰爲雨故淫雨蚤降金氣動故兵革並起

是月也天子飲酎用禮樂

此因耕蠶事畢而與羣臣燕飲也飲酎則上下情意相通用禮樂不徒示盛且有亂不流意禮如越席

禮記新義

卷之六

五

登祭之類樂如鹿鳴天保之類

孟夏行秋令三節

苦雨雨多而人苦之也苦雨數來陰氣之所名也雨固能滋五穀苦則反傷故五穀不滋四鄙四面邊鄙之邑也保與堡同入保而依以爲安避侵掠也草木早枯感肅殺之氣也大水敗城郭冬德王也蝗之爲蟲殘物之未不傷其本春木盛故蟲之爲災者殘其末而已春于方爲東東方主風故暴風來格春氣盛于末故草秀而不成

養壯佼

養壯佼何爲此所以爲泰時之政與

是月也命樂師節

鞀卽鼓也鞀所以裨助鼓節者琴長三尺六寸六分五絃或七絃瑟長八尺一寸二十五絃管如簫而小長尺圍寸六孔并兩而吹之者也簫與篴也編小竹管爲之大者二十三管長尺四寸小者十六管長尺二寸千盾也戚斧也戈鈞千戟也箛篴竹管三十六簧笙十三簧篴與篴同長尺四寸圍三寸七孔一孔禮記新義 卷之六 六

上出徑三分凡八孔橫吹之簧者笙篴之舌蓋管中之金薄鏐也祝如漆桶中有椎連底撞令左手擊以合樂之始敵如伏虎背上有二十七鉏鉞刻以木長尺標之以節樂之終

命有司節

是月陽氣盛而多旱故有雩祀之禮盛樂則冀其聲音上徹于天以動天之聽也

毋燒灰

灰呂紀作炭今斷爲訛字無疑舊以火之滅者爲灰

死灰無復然之理豈可燒者

毋暴布

疑問云布是日用所需且夏日宜暴易爲燥蓋是時厥民因無所事布當是時而妄用亦暴殄之一節或者其禁是與說似有理

游牝別羣節

馬政如周禮校人以辨其屬馬質以掌其量趣馬以簡其節巫馬以掌其疾牧師以掌其地庾人以掌其閑圉人以掌其養皆是

禮記新義 卷之六 七

是月也日長節

一陰方生何至遽爭蓋一生則不可以已此雖據盛衰之勢而實按消長之機故曰爭死生分以物言似不警切徐註謂陽主生陰主死細玩亦不粘合據愚見是時陽氣極盛已不復有陰乃于六陽方極之際伏一陰萌動之機所謂絕處逢生也故貴人之定之使其漸成不然則一爭必致兩傷矣故下承云單就陰說未知是否

君子齋戒處節

延問云齋戒掩身母躁一串下飲食男女聲色貨利皆從躁之一字失故舉聲色滋味言之然猶謂其未盡也又益者欲二字止聲色薄滋味而又節諸者欲則心氣其可定矣心氣定則形氣自然不乖雖當陰陽之爭死生之分自可保全無虞者躁字與定字正相對母躁則常定定則不爭新裁云心氣不可分屬定心卽以養氣定氣卽以平心還重心爲主所以工夫亦從齋戒爲本定心卽是還吾心本來這段清明之氣所以就是養氣的工夫

禮記新義

卷之六

八

百官靜事無刑節

晏陰是陰之名定乃人去安定之不撓亂也蓋陰柔初生未至成就而遽以動作之事通其安靜之性則陰氣虧傷而生咎唯定之而至于成則循序而往不爲咎矣此順時致和之道也

可以居高明節

四可以字只論所宜居非人實居之也居高明故可遠眺望下二句正居高明而遠眺望之所

仲夏行冬令三節

以陰包陽故雹凍傷穀冬爲閉塞故道路不通陰賊氣感故暴兵來至春主生生日長則熟日晚故五穀晚熟螻蟲之食苗葉者春氣盛于未故蟲食葉晚熟而騰起故其國饑草木零落果實早成秋之氣候也當盛暑之月而感秋氣故相薄而衆成疾

溫風始至節

物類得氣之先涼風未至而鳴陰之物已居于壁殺氣未肅而鷙猛之鳥已習于擊矣

是月也合四監節

禮記新義

卷之六

九

令民無不成出其力令字虛卽使字意不必謂命四監令之此因草木繁殖之時歛民之秋芻養犧牲以供祭祀尚未舉祭也下三句亦豫言之謂之神遠而尊之也謂之靈近而親之也爲民祈福亦秦制也周禮郊廟大祭祀不言祈

是月也命婦官涖節

盡法所以辨分只重辨分上未用曰采已用曰色白與黑謂之黼黑與青謂之黻青與赤謂之文赤與白謂之章皆祭服所用黑黃倉赤皆方色旂章所用祭

服如司服所掌王祀天帝大裘無章享先王服衮衣  
自龍而下衣五章裳四章享先公服鷩衣自華蟲而  
下衣三章裳四章祀四望山川服毳衣自宗廟而下  
衣三章裳二章祭社稷五祀服絺衣自粉米而下衣  
一章裳三章祭羣小祀服玄衣無文裳唯黻而已  
公自衮衣而下如王之服侯伯自鷩衣而下如公之  
服子男自毳衣而下如侯伯之服孤自絺衣而下如  
子男之服大夫自玄衣而下如孤之服旂章如司常  
所掌日月爲常王建之交龍爲旂諸侯建之通帛爲  
禮記新義 卷之六 十

旃孤卿建之雜帛爲物大夫士建之熊虎爲旂師都  
建之鳥隼爲旟州里建之龜蛇爲旐縣鄙建之全羽  
爲旐道車載之析羽爲旐旂旂車載之皆畫其象是也  
不可以興節  
通節只重無搖養氣蓋長養之氣原自發散的再一  
動搖則發洩無遺何以爲後來生物之本況神農將  
持功正要這養氣爲稼穡的生機而可搖奪之乎毋  
搖正是培植此養氣爲稼穡之本三箇不可字且以  
理言兩箇母字方着人君說舉大事已足以搖養氣

矣既舉大事則未舉之先其勢又必至于發令而告  
蓋一舉而有二害也故兩言之水潦二句雖相承說  
然水潦盛昌正見養氣之盛神農將持功正見神農  
之事養氣搖則逆天神農妨則違神豈無天殃乎  
季夏行春令五節

鮮落謂生熟不勻也國多風欬與孟夏暴風來格同  
義以多風故肺受疾而欬嗽也自下升上曰遷舍此  
適彼曰徙春主發散故民遷徙舍生水故高下皆被  
水害而禾稼不熟純陰之氣過盛而反傷之故妊孕  
禮記新義 卷之六 十  
多敗因風而後寒故曰風寒當暑而寒是不時也  
擊也鷹隼待秋而擊今感肅殺之氣故蚤驚于夏也  
春夏主出秋冬主入故四鄙入保

其神后土

初以勾龍爲后土後祀爲社后土官闕則以祝融兼  
之

其蟲保

保露也露見不隱藏也人受天地之中和以生其類  
爲保

其祀中霤祭先心

古者未有宮室故陶復陶穴皆開其上以漏光明而雨霤之因名室中爲中霤土居五行之中央故其神亦在室之中央

是月也以立秋節

天地間之正氣爲義氣人間的正直爲義人秋時天地方以義正萬物而王者可令不義之人橫行於天下乎征之正以扶生人之義理卽以扶上天之義氣也

禮記新義

卷之六

三

命理瞻傷察創節

先儒以審斷爲句謂骨肉皆截曰斷則審之決字屬下甚有理若以審斷決爲句則與嚴斷刑相犯且斷決二字相連經傳中亦罕見嚴非一於嚴者之謂嚴嚴中有寬不一於嚴者之謂嚴也一於嚴則謂之慘刻而不謂之嚴矣王者用刑之恕正所以成其嚴也天地始肅不可以羸

舊謂扶陽抑陰不使陰氣之羸者覺迂

孟秋行冬令四節

方一陰之時而行重陰之令故陰氣大勝介蟲如

蟹之類介蟲敗穀戎兵乃來皆以陰大勝而主殺故也陽亢故致旱自夏徂秋則陽往而陰來今行春令故陽氣復還也五穀敷華于陽而成實于陰今陽復還故五穀無實也火王于南方故國多火火氣熱熱極生寒故寒熱不節民感寒熱之氣故多瘡疾

乃命司服節

舊以其飭衣裳句作總以文繡三句與衣服句對而通以必循其故承之不知文繡乃從衣裳上見以文

禮記新義

卷之六

三

繡對衣服是卽以衣裳對衣服也如何可以衣裳爲總若衣裳與衣服旣分兩項則必循其故自當屬衣服又如何通承得愚按衣裳衣服冠帶分三項而具飭二字實貫之且文繡乃朝祭所用而俗專謂祭服以衣服爲朝服燕服及他服吾所不解至其訓冠帶處謂因造衣併及之尤不通夫冠乃元首之服視衣更重顧可輕乎且觀玉藻大帶素帶之制則帶之所係豈淺鮮者若一節題斷當以三平爲正五箇有字通以自然者言工夫都在具飭內



是月也易關市節

此節以易關市為主舊以四方二句爲貢賦職修與關市無干了且以前截爲上之人平其政以利乎下後截爲下之人修其職以利乎上尤不必細看來商旅三句乃易關市的主意觀便民事處下一以字可見至來集皆至則商旅無不來貨賄無不納財不匱乏而民事便矣然曰不匱則不唯下之民便而上亦自無乏用百事亦自然皆遂蓋財者原上下之所通豈有商賈皆欲藏于王之市而上有乏用者中庸來禮記新義 卷之六 古

凡舉大事節

事者王政之舉數者天時之運類者天人相屬之機時卽大數類卽大事上二句反說下二句正說一直下此四句可槩月令一篇但此綴在仲秋之月句當相時發揮耳

仲秋行春令三節

於雨爲成物之雨成物之雨不降故草木生榮而不枯死也木生火故火訖相驚陽亢故旱氣燠故蟄蟲不藏陽盛故五穀復生風災數起北風殺物也收聲之雷先時而動以愆陽也雷風不節故草木早死是月也申嚴號令二節

務內內字正與季春不可以內內字相應玩無不字則丁寧凡事皆當收歛不必專以財用言天地氣藏而吾所爲發散便兩不相會凡事務收歛毋務宣洩則無所不藏與天地之藏兩相會矣會字下得極妙

禮記新義

卷之六

古

新裁云藏之特以合此時閉藏之令耳一待宣泄之時則賑濟貸發悉取之以廣吾散財發粟之仁者亦是乎在豈曰積爲朽蠹之計而已乎藏之爲散之之地也○冢宰制國用必于歲之杪然西成之候亦可舉其大要矣故有是命

是月也霜始降節

詩言入此室處書言厥民隩皆入室之謂也此乃冬月之事而係之于季秋者蓋先期而命之也

上丁命樂節

張氏以習吹爲季冬大合吹也若爲享嘗豈有是月享嘗是月習吹之理似覺可從

是月也天子乃教節

兵者不祥之器不得已而用之若無故而習是習殺  
人非不復用兵之意故因田獵而教之明非好兵爲  
田獵也

命僕及七駟節

僕謂戎僕周禮中大夫二人掌御戎車者七駟謂趨  
馬主駕稅者天子六馬種戎齊道田駕各一駟主之  
禮記辨義 卷之六

又有總主者合爲七也禮記司徒所掌九旗之屬  
常旂旃物旗旟旐旌旄旌獨言旌旌錯舉二者以該之  
也司徒掌邦教誓者

天子乃厲飭節

天子殺則羣臣以次而殺而習五戎班馬政之事于  
是乎行矣○鳥獸皆溼生氣若無故而殺之是暴人  
物而作禽荒故因祭祀而殺明非好田爲祭祀也

收祿秩之不當節

政令嚴肅固當因時然祿秩濫恩供養階踰雖一日

不可假借若必待時而收豈非失政哉先王重祿  
之典明貴賤之等縱或有之亦必隨卽修改以正紀  
綱記者之說恐不然也

季秋行夏令五節

水潦盛昌在于季夏故行夏令則其國大水而實害  
之所藏爲水所浸而殃敗也魺者氣窒于鼻嚏者聲  
發于口皆肺疾也夏火克金故然盜賊陰類盜賊多  
故邊竟不寧寒重故地圻春氣煖故煖風來至氣寒  
則縮栗煖則解緩少陽動作故兵興而不得止息

禮記新義

卷之六

主

以迎冬於北郊節

因殺氣之盛而思死事之臣

是察阿黨節

一說是察阿黨則罪爲句若獄吏有阿私黨比脫漏  
罪人者則是正省察其人而併罪之無有掩蔽亦通  
命百官謹蓋藏命節

謹蓋藏令致謹于公儲也循行積聚無有不飲令悉  
飲于私家也

坏城郭戒二節

坏城郭云則嚴扃于幾司者至矣固封云則  
慎守于斥堠者至矣坏城郭而門閭不戒無益也  
鍵閉而管籥不慎無益也固封疆而邊竟不備無益  
也謹關梁而蹊徑不塞無益也○疑問云蹊徑是邊  
梁關梁中或有旁蹊曲徑可由以潛達者故加閉塞  
在固備完謹之下若云野獸往來之處又何必塞乎  
有理

傷喪紀辨衣裳節

喪者人所自盡孰不欲致美爲悅然窮人之欲而莫

禮記新義

卷之六

太

之節則富者僭而過分貧者歉而不足將不安其性  
命之情矣先王以冬爲歲之終猶死爲人之終故于  
其時而飭正喪事之紀律也

是月也命工師節

此與季春命工師只是一事彼因其作而成之此又  
因其成而戒之陳祭器三句如徐註極體得好說者  
以淫巧指諸器與陳祭器二句分對不知本文原無  
諸器又何必添出不功致者窮其冒破之情作淫巧  
者窮其啓侈之情

孟冬行春令三節

孟春東風解凍故凍閉不密而地氣漏泄于上也春  
主發散故民多流亡日出而民爲暴暴風不寒皆盛  
陽之所作也不寒故蟄蟲復出雪霜不時寒氣遲也  
小兵時起金氣勝也土地侵削斲歛之所致也

地氣沮泄是謂節

暢月一說天地之氣不翕聚則不能發散故以固而  
閉則生意條達矣故以暢月名之如此似隔一層疑  
問云季冬之月曰行春令則胎天多傷國多固疾命

禮記新義

卷之六

尤

之曰逆此命之曰暢月卽命之曰逆之文法也蓋此  
月一陽生于五陰之下其氣尚微唯是安靜以固養  
斯可爲他日發生之本如反是而沮泄則釐死民疫  
而死喪隨之矣命之曰暢月謂其反閉爲暢失時令  
之特甚也此解甚妙舊註雖錄高明商之

乃命大酋節

酒以供祭祀賓客其用爲重故于旣穫之後而命大  
酋釀之也

君子齋戒處節

身欲寧頂齋戒掩身來寧身在安形性安形性在去聲色禁者欲然不止寧身而已凡事皆須安靜則可待陰陽之所定而不至于爭也身欲寧事欲靜從齋戒說起唯此心齊一而不亂警戒而不忘然後可寧身而靜事易曰聖人以洗心退藏于密是齋戒之極至處形與性本不相離汨沒于聲色者欲則形勞而性裂矣如之何其得安事字該得極廣說者泥仲夏靜事無刑句而卽以事指刑罰此拘儒之談也

仲冬行夏令七節

禮記新義

卷之六

三

火氣乘之故來年主旱氣妖氣也暖氣所蒸為氣霧冥冥暗昧之貌陰不能固陽故雷發聲雷無水雜雨而下如物之有汗嚴凝之氣未固也瓜瓠菜晚為金所傷故不成金氣盛故有大兵甚于孟冬也木盛故蝗蟲為敗敗甚于災也水泉咸竭以感發散之氣也疥癘虛陽所作也

令告民出五種

水之入為陰事之終種之出謂陽事之始以水入之期而告民出五種終則有始也

命樂師大合吹而罷

疑問云大合吹而罷疑大樂以合族人致休息之意恐非作樂頓停之說更詳之

天子乃與節

天下無不變之法無不差之數一歲自有一歲之宜宜于今歲者未必宜于來歲何也天道人心都是活的所以事勢氣化都隨時轉必飭而論之先得其理則我先握國典時令之謂兩數與法不能逃此理之外自然相宜了孟春有等典奉法司天之命此又酌禮記新義

卷之六

三

季冬行秋令四節

蚤謂旦也白露應秋而降介虫應金而妖民畏介虫為兵兆故入保胎未生者天方生者生氣早至故不克其性而多傷也固疾謂久而不痊亦以不克其性也歲終而行歲始之令故曰逆夏時水潦盛昌故行夏令則水潦敗國也冬者雪之時故謂之時雪時雪不降水凍消什皆盛陽燥之也

禮記新義卷之六

禮記新義

卷之六

三

禮記新義卷之七

父中立湯三才命意 男平子湯道衡撰述

曾子問第七

君薨節

卿大夫士上當有衆主人三字以下文推之而知其然也攝主上卿代君主國政卽攝爲喪主也禫之爲言卑也天子諸侯六服大裘爲上其餘自絮衣而下皆爲禫服

祝聲三三節

禮記新義

卷之七

一

聲噫歆噫歆恨之聲歆欲其歆享之義也

大功之喪節

饋奠奠于饋也大夫朔望皆有殷奠士唯月朔其禮盛故執事者衆自斬衰以下皆可言身有斬衰所爲者斬衰身有齊衰所爲者齊衰皆可與奠此二節皆不答其問意曾子之意已有服而與他人奠祭孔子之意則謂卽爲所服者奠祭也

相識有喪節

上二節皆言爲所服者可與則他人必不可與自明

此節則正言必不可與也

### 廢喪服節

此章之問一步進一步斬齊之不可與于祭也。曾子知之故首問大功大功不可小功其可乎故問小功小功不可相識之服其可乎故又問相識有喪不可除喪其可乎吉祭不可饋奠其可乎故又有此一節之問而夫子則終謂其不可也

### 昏禮既納節

此節決非孔子之言夫有父母之喪而不娶不嫁孝禮記新義

卷之七

二

也除喪而嫁娶禮也且議昏而至納幣請期則夫婦之倫定已久矣乃爲有喪而改易可乎壻除喪而別娶非義也女除喪而改適非貞也若謂恐其失時又何以弗敢嫁娶爲禮乎遲之三年而后嫁娶則既失時矣曷若尋舊議之爲便乎人情事理皆有未安削之可也

### 如壻親迎節

此亦可疑夫親迎未至猶未成昏也舅姑與廟猶未見也齊衰大功之喪視舅姑與廟孰重豈有舍成昏

見舅姑與廟之重而遂改服卽位以哭其輕喪者乎且除喪不復昏則將苟合而已乎終廢見舅姑與廟之禮而已乎恐亦非孔子之言也

### 諸侯旅見節

兵以其方謂東方戟南方矛西方弩北方楯中央鼓也

### 當祭而日節

張氏曰接祭謂使人接之以終事也陳可大曰接捷也連疾之義二說未知孰是

禮記新義

卷之七

三

禮記新義卷之七

禮記新義卷之八

父中立湯三才命意 男平子湯道衡撰述

文王世子第八

文王之爲世子節

只是文王時刻放親不下這正是他天性工夫蓋本來孩提真念原是與親爲一文王全此赤子之心所以時時見親纔過得一日日惟日不足日過人之行便覺得是文王有意做出來的了不是文王純德的光景下憂疾視膳皆是文王純一不已之心

禮記新義 卷之八

食上必在節

食上必在視寒煖之節言上膳時必身在其所親臨視之也舊註訓在察也則與視重複矣

武王帥而行之節

帥字與不敢字要看得活蓋情之同不能不帥而禮已至不容有加若祇遵行故事聖人之意荒矣文王有疾以下又在不加之外另指其處變一事言之不可作證其實看

文王謂武王曰節

武王念親之篤當文王有疾時應有夢文王在病間問女何夢亦應有是言及以夢帝與我九齡對曰占者謂年齡齒亦齡也而爲其子喜此亦人情之常若我百爾九十云則誕妄之甚矣

成王幼不能節

泄言以位臨之賤言以足履之成王曰泄周公曰踐輕重之別也楊謂下一抗字大君之前以法繩其子是謂抗也此與分庭抗禮之抗字同說者乃曰伯禽周公子臣也非世子也使之行世子之法不幾于僭

禮記新義 卷之八

乎以是爲抗不知周公當日既爲諸侯則伯禽爲世子其道亦所應爾者若以是爲僭則文王當日父爲諸侯而行世子之禮亦爲僭乎且周公既以身任嫌疑而復使其子處嫌疑之際則當時孰有能信之者但不教之以君道而教之以世子之道不教之于吾君而教之于吾子以是爲委曲善君耳拈出文王之爲世子者蓋文王之爲世子之道凡爲人子皆不可不知而况君天下者此周公必以是教成王耳彼以是句爲衍文者固非卽以伯禽所行乃諸侯世子之

禮非王世子之禮只管替周公辨白亦誤

### 凡學世子及學士節

世子泣昨則有主治之責選士入官則有輔治之任教之不可以不慎然要重世子說必時作總舞則春夏千戈秋冬羽籥業則春誦夏弦秋禮冬書只重時上地與官帶言

### 小樂正學節

教亦多術矣而必先樂舞者古之聖王神其德行以成變化以參天地以和神人者樂與舞存焉耳故便

禮記新義

卷之八

三

世子及士學之由其舞以志厥功由其聲以想厥德然後中和生于誠明志氣趨于聖智孝友形於中舞蹈動于外遜于五品無入而不自得矣舊註訓南爲南夷之樂今按周禮掌教夷樂乃旋人之職亦無胥鼓南之事且初教世子而卽雜以夷樂雖云示以服遠得無啓亂雅之漸乎不可從

### 凡祭與養老二節

上言祭養老乞言合語下言舞于戚語說命乞言亦互文也小樂正大司成官不同也或詔儀節或論說

義理教不同也而皆于東序則其地同矣大樂正只附在大司成內若作三人平看便于兩箇東序不協

### 大樂正學節

論說舊作考較義理之淺深才能之優劣與前後俱不貫不可從

### 凡侍坐於大司成節

問者何問其論說之未明併其論說所未及也若以前論說爲考校何問之有可以闢其訛矣

### 凡學春官三節

禮記新義

卷之八

四

三節通以釋奠爲主凡學凡始立學是什奠因此而舉合樂養老又因什奠而舉摘訓以三節通主天子亦可但凡什奠二句既通承時教立學矣夫時教天子容有不視學之理豈始立學而天子不視學者哉何以不大合也不如姑從舊說爲長

### 凡釋奠者節

天子一人學而所教者三什奠以教重道合樂以教崇德養老以教致孝

### 凡語於郊者節



舊都謂此小學選士之法獨疑問云諸侯大學在郊則此郊乃諸侯之大學故有此等取士之法亦有理但所云取士未必單屬諸侯耳意重曲藝上說見先王作興人材凡可收者悉融鑄之使得爲有用之材而後已上三者乃立德立言立功之品毋論已曲藝亦道德之緒餘正是國家有用之器只恐他局于小技而不歸于大道之塗其才亦可惜由求之藝在從政之科成人之列者文之以禮樂也要知遠之者激勸之也取爵于成均者使他觀天子飲酒于學之禮

禮記新義

卷之八

五

樂恍然悟道于藝而成爲有用之材也此是陶鎔深意

### 始立學者節

疑問云語必以介無介語者無介以合語也當是一事亦有見教世子本與此節不聯屬徐註綴置下節甚妙

### 凡三王教世子節

禮樂原不相離脩內脩外總欲涵養此中和之妙原不是兩項工夫故緊承云交錯于中云內外屬身

心看中外但只分體用看覺明說者謂禮達于樂樂達于禮只說得箇交錯字說不得箇中字又謂禮雖脩外交錯于中樂雖脩內發形于外亦是一偏之論成字要體貼渾身心內純是一箇中和銘鑄便是成至此則不唯不當分中外併體樂亦分不得其懌也不知其懌也爲恭敬爲溫文總是箇中和之別名渾融發見無可分別這纔是脩之妙處或以懌字從交錯恭敬溫文從發形恭敬爲禮溫文爲樂俱不然

### 立太傅少傅節

禮記新義

卷之八

六

父子君臣重在臣子一邊兩審字不同上是行之審慎下是言之詳審教諭之喻就世子說與上下二喻字不同德行喻諸德歸諸道俱指父子君臣而言教喻德成成字正應上其成也懌成字上文禮樂脩內脩外以至于成須由此輩輔道之人蚤諭教而豫養之也下文德成而教導父師司成統應此成字

### 君子曰德德成而教導節

君子曰德頗難看以君子曰爲記者之詞則一德字何以爲句如小註教世子使爲君子則是世子之所

以爲君子者曰德也太費周折如摘訓卽以君子爲君之子亦覺無味疑問云君子曰德言君國子民必由于成德也語氣與天地之大德曰生相似看來與君之謂也句恰相應應甚妙君子既有德則世子有其德自有其理教尊官正國治豈可誣乎是三者皆君之道而實本君之德故曰君子曰德今世子以君之德備君之理故曰君之謂也與大人之事備矣語氣同

仲尼曰昔者周公節

禮記新義

卷之八

七

迂身雖易而人亦未必能善其君以周公之聖而爲之則綽綽乎有餘裕矣非聖人未足以語于此也不可看做容易的失聖人贊美之意矣

是故知爲人子節

欲使知父子君臣長幼之義此句從成王幼不能蒞阼來這見得善其君是不容已處抗世子法于伯禽使之與成王居此句從以爲世子則無爲也來這又見得迂其身是不容已處君之于世子三句正與周公相形說周公臣也非君父也成王君也非世子也

周公且以世子之道委曲而教其君如此則君之于世子可不慎所以養之乎三有字俱就世子說重有必盡道而後尊親始克有之不然名雖君父而實無尊親也兼天下不必說保天下只是他日蒞阼能爲君爲父便是兼天下尊親之大者蓋今日有所尊所親之實他日方能勝尊親之任看來此三句與知爲人子六句意義相似但彼泛言之此切言之也

行一物而三善節

三善皆得此得字已屬在國治上了與后而得字不

禮記新義

卷之八

八

同他人行一物必不能兼得三善蓋爲子而不兼爲臣事人而不兼使人也國人觀之指百姓說若因兩我字作同學之人看便狹了與國治不相應矣父子言道天性自然也君臣言義以義相合也長幼言節有等級也斯謂之臣者世子與君號曰君臣異于義合故云謂之臣也通節只齒讓二字盡之子臣之節齒讓也學之卽教以齒讓也道得卽能齒讓也自父在以下總言齒讓于學乃爲臣爲子爲幼的當然故先王必以是教之也業與成分知行有引言本屬世

子但此處宜渾恐于末句有碍

庶子之正節

教世子使知父子君臣長幼之義正公族教之以孝弟睦友子愛之道人道大經原不出此故其教亦不出此

其朝於公內二節

其朝于公句通管兩節首節使之知一體之誼聯其心也次節使之知官守之嚴抑其志也

其在宗廟之中二節

禮記新義

卷之八

九

首句亦通管兩節外朝之位爲一項宗人授事爲一項末句通承如外朝只言其班行若以次序便涉以爵了

其登饗獻節

舊說此爲士禮而借言之不知少牢禮無嗣子舉奠之文以大夫近君而避之也士賤不嫌同君則此非君禮而稱及謂借言吾不知其解也

庶子治之節

疑問云雖有三命不踰父兄是常時之禮故從提庶

子治之以冠下文恐不卽指臣有貴者以齒也亦通其公大事節

以次主人但蒙公族而言若嗣君則又不待言矣若公與族節

齊衰一年四會大功三會小功再會總麻一會

其在軍則守於二節

守公祧爲有失亡損污之患也○守公祧使神雖在外而常有所依守宮室使君雖出外而若有其主

公若有出疆之政節

禮記新義

卷之八

十

正室諸父諸子諸孫卽無事者太廟宮室卽公宮

公族朝於內節

體異姓體字與體百姓一例舊作體貌異姓不切摘訓作設身處地尤無謂疑問說得之公與諸父諸兄齒則事父之道皆推之于諸父事兄之道皆推之于諸兄孝弟不干是而達乎宗室卽正室承重者守所重是尊之義君臣二字當輕重指生者言蓋宗子所係者重有君道庶子所係者輕有臣道故曰尊宗室而君臣之道著矣守貴守下以賤讓貴不可以讓字

就作貴賤看

官治而邦國節

官治只說盡職邦國且指公族說衆字方寬指國人

天子視學大昕節

視學始立學也觀祭先師先聖可見行事三句上虛下實本一事而相起說者此節要得警衆意蓋人心不聳動難以天子躬親化導之人未必以爲觀法之準必先鼓舞其精神使之勃勃向教方有益

始之養也節

禮記新義

卷之八

士

先老先世之爲三老五更者蓋有功德而祀于學者也什莫先老因養老而示不忘古也年老而兼知三才之道曰三老更事而兼知五行之道曰五更

適饌省醴節

適饌二句一事發咏延進一事退脩孝養一事孝養者推吾孝親之心而致其養之道也俱在儀文上看出天子真心來愛敬者實以愛心敬之也行禮者實以禮意行之也孝養者實以孝養之心爲脩飾也反登歌清廟節

致字指德音言文王之音皆爲德音而此咏文王之

盛德極致而不可加疑問云合字不宜作集合之合

解登歌清廟肅肅雍雍德之極致具在聲音中今所

言父子君臣長幼之道與此德音之致相合而無間

是語言之昭示卽登歌之感動是所謂語以成之亦

是一見禮之大者謂一則有關于倫理一則有切于

身心其他儀節非不詳文物非不盛皆無過于此者

下管象舞節

達神興德不止感學士凡在中者皆然君臣之位本

禮記新義

卷之八

主

定貴賤之位本別向以情篤高年愛深奉養位分有時而畧今合語之后復正之別之者固形之播告之餘復見于踐履之實也上下之義行始雖脫畧于斯須終顯設于儀節矣貴賤之等皆都以畿內諸侯及鄉遂羣吏言不若就指老者更切蓋三老五更兩老庶老自分貴賤也况諸侯羣吏等貴賤之位又豈待是時而后定哉

是故聖人之記事也節

此章專重慮之以大一句先王以此事謀之心曰非

此無以教天下之孝弟非身體諸德之實無以行此  
大道慮所以慎也蓋慎不過慎此禮節慮則思及所  
以當慎之源頭此是人性中第一件道理發他此  
段真性起來則孝弟之教自人人行之而不覺矣要  
人行先要人知聖人行此禮正要使人人知得此爲  
大道而聖人慮之極周所以一事而諸善悉備到衆  
喻的地步聖人養老之心始快足

禮記新義卷之八

終

禮記新義

卷之八

七

禮記新義卷之九

父中立湯三才命意 男平子湯道衡撰述

禮運第九

運謂氣運以所值之會而言也氣運在人則爲帝王  
禮樂之因革在天則爲陰陽造化之流通然天時人  
事相爲符應禮樂陰陽相爲表裏故其始也法陰陽  
而作禮樂其終也以禮樂而贊陰陽此篇大意不過  
如此中有格言頗入精微似非漢儒所及

昔者仲尼節

禮記新義

卷之九

一

孔子于此二者皆未逮矣而獨有志于英賢何哉世  
有升降政由俗革雖聖人不能不與時推移若欲回  
情文兼備之風以反太古無爲之世則非人情矣但  
人亡政息不能不倦倦于魯爾此所以爲嘆魯也舊  
以爲嘆祭祀之失禮此非郊禘之祭胡言失禮且夫  
子不嘗觀于蜡而樂乎若爾何由嘆也睹舊章思古  
正是此意但說得于嘆魯欠切些

大道之行也節

天下爲公二句一串說是一項講信脩睦是一項通

是在上人事至下文露出箇人字方說到衆人上去  
舊註于講信脩睦處便下當時之人四字欠通故字  
亦該承兩項來舊只頂講信脩睦一句了在上之人  
天下爲公選賢與能則公而不私矣講信脩睦則信  
而不僞睦而不爭矣由是天下之人亦無復私吝無  
復詐僞無復乖爭事人親猶已親云講字卽如講  
和之講講信猶言敦信也後節講讓字亦然舊云講  
習者誠信信如何習得脩如脩好之脩舊云脩爲者  
和睦睦又如何爲也兩箇惡字都只惡自家不必說  
禮記新義 卷之九 二  
到上

### 今大道既隱節

此節正是夫子之所志者絕不可貶壞大道既隱則  
禮義自爲斯世一日不可少者說者都謂世道不古  
綱維愈密于是謀作兵起而天下亂矣不有謹禮之  
君何能撥亂反治乎愚玩之殊發一笑不知前禮義  
爲紀是何物乃至召亂謹禮之禮又何物乃能撥亂  
耶愚見通節以禮義爲紀一句作主大道隱只于貨  
力爲已以上見之惟大道既隱此大人起而維之以

禮大人卽後六君子這樣人試看正君臣以下諸事  
何者可一息無則知禮義之所關爲甚大也禮義以  
爲紀雖不能謀閉而不興然而規爲制作之間俱關  
世教則謀因禮義而作何可無謀當大道隱既不能  
盜竊亂賊而不作則誅鋤懲艾之法自所必嚴兵由  
肅禮義而起何可無兵然其任非可易勝也必如禹  
湯文武成王周公乃堪此選也玩未有不三字乃見  
成語正見禮義爲紀乃不可少者耳著義數句不外  
前藝倫政事但前汎言此着六君子說耳義爲人心  
禮記新義 卷之九 三

之裁制制度一定而義自昭忠信禮之質禮文既定  
而信自成示民有常使得由于信義之中服于仁讓  
之化而得以寡過于身此六君子謹禮之意皆以禮  
義爲紀者蓋處小康之世而無不盡之心當大道之  
隱而使大道之行夫子之有志者正欲如此彼謂道  
隱而後有禮禮設而遂召亂幾何不爲漆園河上者  
藉口也况前後自相牴牾乎

### 言偃復問曰節

二以字相趕說重治人邊此處且渾渾說下方詳言

之承字不可作本殺列字看治字亦不可作達字看  
蓋本殺列達字無工夫而此有工夫也本于天三句  
禮之體也正見是承天之道達于喪祭句禮之用也  
正見可以治人之情尚未着人上故聖人以下方是  
着實說列于鬼神乃是屈伸往來昭布森列之意傳  
註禮有五經莫重于祭誤矣

夫禮之初節

禮何以始諸飲食始諸敬也敬之不至雖極鍾鼎聲  
音之娛去禮遠矣惡在燔黍云之爲非敬也

禮記新義

卷之九

四

及其歿也節

後世雖或增其文而不能損禮之實雖或異其迹而  
不能易禮之意故曰皆從其初

後聖有作節

爲臺榭宮室牖戶者得火以范金合土可代巢穴而  
居爲醴酪者得火以炮燔亨炙可代血毛而食爲布  
帛者得火以治其麻絲可代羽皮而衣後世承用皆  
是取法往事故云皆從其朔陳氏曰開端之始謂之  
初繼終而有始謂之朔極說得二字明白

故玄酒在室二節

此二節承上既有宮室亨燔醴酪布帛可事鬼神上  
帝因備言其祭所陳設以降上神及其先祖且言其  
祭極倫理之詳足以承天之祐又言其初祭時若是  
其嘉魂魄也足以合冥漠既退時又若是其爲祝嘏  
也足以稱大祥此其制兼古今之情義極質文之美  
乃爲禮之大成也夫禮之初始諸飲食可致敬于鬼  
神必至是而後爲備故歷歷推言之○上神卽先祖  
指其精氣之在天則爲上神指其亡親謂之先祖此  
禮記新義

卷之九

五

作其祝號節

玄酒以祭至腥其俎曰法上古之禮孰其殺至交獻

曰法中古之禮合亨以下曰當世之禮固矣然愚以爲非也本旨所重在合莫與人祥耳蓋鬼神之冥漠不可見矣望其來而欲亨全在聚已之精神以契合之然而非物不足以表其誠也故如是而作爲祝號也如是而玄酒以祭也如是而薦其血毛如是而腥其俎又孰其殺也又如是其越席布幕之必備滌帛之爲衣也醴醢之爲獻也燔炙之爲薦也君與夫人交獻也乃所以嘉其魂魄也此足以合其莫矣而猶未爲慝也又退而合亨焉體其犬豕牛羊焉實其簠簋

禮記新義

卷之九

六

簠邊豆銅羹焉祝以孝告而儼若有以交于神嚴以慈告而恍然有以致其福斯其爲祭之盡善乎斯其爲禮之大成也蓋此條所陳無非言祭者盡古今之禮之變凡可以欲享鬼神者無所不至不必條而分之曰此其爲上古此其爲中古此其爲當世也凡論禮者貴得禮之精讀書者貴得書之旨區區分別之辭君子所不取也嘉其魂魄句極妙蓋死者之魂魄既分唯是祭極其物君親與夫人交獻之儼若所以事生者然已分之魂魄其若復屬而與我相嘉會乎

是所謂嘉其魂魄也是所謂合莫也大祥不能在禮文極備上看還要本嘉魂魄合莫來方見祭之本意

孔子曰節

周公之盛盛于制禮以開百世之治周公之衰衰于子孫之僭禮以踰萬世之防夫例之以事守則非其比律之于禮制則非其分此魯之郊禘非禮也周公其衰矣

祝嘏莫敢易其常古節

祝嘏只當始終二字自始至終中間有許多儀節以

禮記新義

卷之九

七

事言謂之常事以制言卽謂之古制其實一件疑問云自古以來所常用者曰常古不必分常事古法吉祥善事皆天所假以綏有道者詩云假樂君子不作嘏字俱有見莫敢易不必定是僭擬有一徇今之便好新之心便是變易不易常古禮不變古人之禮則心亦不變古人之心此心便是福非以福澤言也

酸筆及尸君節

僭君謂僭其君脇君謂脇其君何等明白舊訓僭君爲僭上之君脇君爲見脇于臣之君俱非



故天子有田節

人之子孫上承先祖之祀下綿本支百世之傳莫不思有以處之然其處之各得其宜大者謹其禮而無濫恩小者安其分而無歉志以制度不可喻耳制度非一舉此以例其餘也要看一處字制度在處字上看出處之得其法是制度也雖欲厚薄其間而不可得天子諸侯大夫之心亦安而爲之子孫者亦各享其分以自守見制度之得體處

是故禮者節

禮記新義

卷之九

八

何以政治君便安設使萬幾中有一事不理卽無大害君心便局感不安了此雖只說禮之功用却是言禮爲君所用有這些好處而君能用之則政治君安還要在禮是可用之物君能用禮上着精神方說得大柄意出

故政不正節

治之爲道由內以及外故禮出而後有法法出而後有刑及其亂也由外以及內故刑肅而後法無常法無常而後禮無列

故政者節

聖人承天以治人上天之命與君人之命原無二也故首提本于天殺以降命然命之大者唯社與祖廟山川五祀之祭故緊承命降說下見此皆政之所在卽命之所在而聖人所以藏身之固端不出此也舊註謂因祭社而出命有事于祖廟而出命便多一層須知降命非降祭命亦非實有號令及人只因此等祭祀寓意示教于人耳以示教二字體貼降命二字自明本于天句虛本在殺字上見天在命字上見只

禮記新義

卷之九

九

以典禮說天命無乎不在殺以降命亦無乎不在故有事于社卽爲命降于社有事于祖廟卽爲命降于祖廟也上云藏身下云藏身之固必固乃爲善藏其身耳殺命之政是爲治政藏身之固是爲安君

故聖人參於天地節

觀上文本天殺地降祖廟山川五祀爲藏身之固則此政與天地鬼神原相合而無間者故聖人治政只在參天地並鬼神參並有工夫在聖人心中看以治政是說他意思如此政不外教養自其體而言之則

曰存處者區畫而品列之在法其體之異者以制禮  
上看自其情而言之則曰樂玩者優游而狀侯之在  
法其情之同者以愛民上看禮序民治則政治矣天  
生二句輕看啓正身意此四者無非天地鬼神之所  
存所樂皆政也在於君以正用之卽處之玩之也卽  
治政也正用只是順其理之自然而以正道用之且  
慢露正身脩德意至末句方見能無過則正身而治  
政之要已得天地可參鬼神可並禮序而民治矣○  
疑問云旣以治政則其身必有所處有所玩矣處必  
禮記新義 卷之九 十

求其所可存無如禮之序玩必求其所可樂無如民  
之治此四句與易經君子所居而安者易之序也所  
樂而玩者爻之辭也語氣相似註云處天地鬼神之  
所存玩天地鬼神之所樂不識天地鬼神所存所樂  
安在且禮之序民之治內通加所以二字不知何解  
細玩覺有理之甚

### 故君者節

此節以君爲主百姓則君云亦畢竟是君盡君道  
方感得民盡民職禮達亦是自上達下禮所以辨分

故禮達而分自定天下之勢莫患于上下無以相別  
而分守無以相安若夫主勢一定而君德旣孚天下  
之民方且遵名守教相從于畏愛則象之中甘心于  
服役事養之際求其爲自安自適之不服安有欺背  
陵僭之事哉好生惡死人心所同惟聖人正身以率  
下則所欲有甚于生所惡有甚于死也一說明字不  
必改則字君要立無過之地須先自明其德所明也  
非明人者也更詳之○君爲所則固矣然有善當從  
有諫當聽未嘗不則人也君爲所養固矣然已欲當  
禮記新義 卷之九 十

節民勞當恤未嘗不養人也君爲所事固矣然大賢  
當師大賢當友亦未嘗不事人也

### 故用人之節

愚意要玩一用字一去字天下真知者必不詐而詐  
者往往似知真勇者必不怒而怒者往往似勇真仁  
者必不貪而貪者往往似仁故一用必一去使國家  
收知仁勇之用而不被詐怒貪之害則能去正所以  
能用若止云用其長而棄其短分明以姑息養奸了  
敢質之高明

故國有患節

此變字須作通變之變解通達權之變執世守之義總是一般

故聖人節

天下本非一家聖人能使之爲一家若家人父子然中國本非一人聖人能使之爲一人若手足心腹然蓋聯疎以爲親合異以爲同其治效可謂大矣知情是把天下中國之人心見得十分透徹既能知其情又能治其情由是天下中國之人皆知由義趨利避

禮記新義

卷之九

三

患人情始有所聯屬而不至于渙散矣知字重看聖人所以治人七情使由義趨利避害又本禮以治之蓋禮因人情爲之節文乃義之實而利之和讓之本而爭之防也聖人制爲一定之禮使天下中國之人莫守之則義利自興患害自滅矣此因前禮以治人之情故言

人藏其心節

此節舊註都訛本文明曰在其心不見其色矣而乃云有諸中必形諸外則禮之窮情終不離于色也目

此節止是窮情而兼云情義之得失亦未安須知此

察情卽是前知情必知情然後能治情意本一貫非前說治情由于禮此說察情由于禮截然分作二事但前節禮屬之天下此節禮歸之君身益治人情固難而知人情尤難治情要使天下中國人有禮知情要自家有禮有禮而後能以禮觀人然禮如何便可窮人之心蓋所謂不見其色者非盡不形于色也但其美惡真情往往多藏而不常實以示人耳有禮則其從來之邪正起念之真偽自不能逃矣

禮記新義

卷之九

三

故人者節

玩故人者三字只就當人一身而言舊說于首句謂生人之本次句謂生人之機直待鬼神句方謂人于是乎生夫論人而指未生之前爲說吾不知其解也此節全要體一其字人卽是天地之德云有不可以分別言者故曰其德字交字會字秀氣俱着人說天地有德而人性之所以常靈人心之所以不灰便是天地之德不必說到仁義禮智上天地間不外一箇陰陽而陰常交于陽陽常交于陰以爲是流行之

運而人身中一呼一吸一動一靜孰非陰陽之變合  
故人卽爲陰陽之交陰陽往來曰鬼神陰凝成魄陽  
凝成魂而人身形神之用孰非實理之凝成故人卽  
爲鬼神之會陰陽鬼神只是一箇自其運行處曰交  
自其疑聚處曰會耳天之五行無處非是然各得一  
氣不能相兼而人身耳目口鼻心全具五行之氣仁  
義禮智信獨鍾五行之秀此人生天地間必當與天  
地合其德與陰陽鬼神同其屈伸往來而保合五行  
之最秀者一不然則有愧其爲人矣此語最粹與太  
禮記新義

卷之九

十四

極圖相表裡

故天秉陽節

此節全以播五行于四時句爲主五行之運天地播  
之也故卽陰陽之交通以叙其始五行之和于月驗  
之也故舉月之生明以驗其和月生前補日字此句  
虛下二句正月生處兩箇三五皆以朔弦望晦順逆  
數之盈者五行生數之極闕者五行成數之極三五  
舉常期也盈者闕之漸闕者盈之始故盈闕皆是月  
生姚承菴云播五行于四時以一年論月生以一月

論欲觀一年當于一月也五行旣和則物生有本矣

五行之動節

相竭卽相克意相爲本卽相生意迭還二字正見五  
行之和處不有所竭則流而不返不有所本則絕而  
不續是其運有窮而物生幾息此五行之妙終而有  
始始而有終運不窮而生亦不窮足以爲物用之本  
講雖如此然五行四時句與下三節一樣句法當以  
首二句爲統論其理則下二句正相竭之實難以平  
對矣五行四時十二月言五行之運于四時爲十二  
禮記新義

卷之九

十五

月也

五聲六律節

五聲六律十二管謂五聲寓于六律而爲十二月之  
管也蓋官商五者皆有聲無氣必被之律管而後成  
也

故人者節

此章說人的妙處全在心端二字前言德會交氣只  
說得人的稟受如造化是匠人人是匠人雕塑的木  
偶人造化是活的人是死的到此處說出箇心端二

亭則世間靈妙變化出入無的機關天地做不成的事人去做五行造不就的物人去造人是活的造化是呆的方見得天地之間人爲貴然皆是實理所爲總來只完得箇德字故曰天地之德盡之天地無心人就是天地的心蓋天地界其體而人身妙其用始猶代天意而運天工者故曰心五行無端人就是五行的端蓋五行運其氣而人身顯其靈殆猶物在其中而緒見于外者故曰端曰食味別聲被色而生便見聲色臭味皆人所不能免或有歉于此者或有

禮記新義

卷之九

七

溺于此者則在聖人制禮以裁成之故緊承曰聖人作則云

### 故聖人作則節

舊註云此覆說前章諸事甚不必本天地如法天立典禮效地定尊卑也大全云以天地爲本則萬物皆末本既得則末斯從之此解甚精疑問云凡人一動一靜無非陰陽聖人教人作內作外用動用靜亦無非陰陽曰爲端者事事由此以拈起若其端緒云爾也易曰觀其所感而天地萬物之情可見矣觀其所

恒而天地萬物之情可見矣所感所恒無非陰陽也而其情可見焉是情可睹之說也似不專主在善惡上事可勤可刈功有藝只教人趨事赴功恐亦不專指農事四時就一季論月就一月論日星又就一日論鬼神與人幽明岐矣曷云徒然不曰體物而不遺乎鬼神體物不遺人亦體事而無不在若一出入一動靜一往來悉與俱焉而不離這便是爲徒了人與鬼神爲徒則凡事之屈伸往來可據守以爲常矣故曰事可守註將祭祀之鬼神配到政事上去似扭捏

禮記新義

卷之九

七

貌言視聽思五事一五行也仁義禮智信五常一五行也天與我五事我還他五事與我五常我還他五常這是事可復國家歲有常事云似未得旨且數箇事字功字俱一樣訓詁家將來東解西解大失此章之本旨禮義如繩一般制與人用人便利用出入凡事皆藉以有成故云事行有考人以爲與言人以爲居也下文其居人也居字正與此相應此數項各有透宗處可從註姑依舊衍之作者以意體會勿泥可也

故先王節

玩設制度三字則秉著龜以下四項乃制爲祭禮如此非實以行祭言故但承云國有禮至官有御事有職則行之各有條理而駿奔職守各歸其分矣故指云禮有序

故先王患禮節

舉草祀以寓其義則禮有祭以顯設之猶未也備衆職以居其地則禮有人以講明之猶未也而又心守至正以自盡其端本澄源之道焉先之以祭淑之以禮記新義

卷之九

十

人而又本之以心又何患禮教之不四達哉一段段說來專爲守正一句要玩守字王心乃禮教所自出守者時時操持至正是本初無物之衷就是未發已發的中和氣象是克己復禮工夫緊關處于此守得定無私欲之擾禮發出來方真而教纔能四達五箇所以字都是推舉祭之義如此疑問云照定天位等看則宗廟本仁是本祖考啓佑之仁亦說得是宗祝三句不是各官默然脩職便明了禮教蓋廟朝學皆禮教之所在既有宗祝之類自然隨其所在而相與

謂明之矣前後左右不重設官只要起王中二字心無爲也是真無所爲以守至正就接心字說疑問云備說前後左右則王自在中間無疑了又何消出王中二字中字宜連心字讀言中心無爲以守至正也亦有理

故禮行於郊節

義是主意卽上條五箇所以字禮是節文卽本條四箇禮字禮必有義二者原不相離也是故夫禮節

禮記新義

卷之九

十九

首句作總中四句通是大一末二句方就禮說上下異位故曰分動靜相生故曰轉更代不常故曰變昭著不揜故曰列末一天字該天地陰陽四時鬼神在內其降曰命尚未涉法天意至末句方見高卑上下之等法天地之高卑也吉凶刑賞之事法陰陽之舒慘也歲月久近之差法四時之變也報本反始之情法鬼神之列也故曰夫禮必本于大一命稟于有生之初聖人制禮而亦曰命者以其一定不移若賦予之各得者然故曰命

夫禮必本於天節

上言禮之原出于天此言禮之用切于人本文只本于天一句承上官于天來動而之地四句已着人事說矣居人一句乃斷其切于人耳舊說云殊可發一笑亦無暇深辨變而從時即禮時爲大也漢事也分所得爲之事即曰分藝或曰順其分之所宜受量其藝之所能爲語意似講義字了一說養字作如字看謂其居人在涵養德性也更詳之

故禮義節

禮記新義

卷之九

三

禮即本于天者義即居人曰義義乃禮中事不平三箇所以都就禮說只以三平看爲的

故聖王節

脩義之柄則人情有所執持脩禮之序則人情有所區處須知此二句是提綴語所以脩治處通在下文獨揭禮義者以禮義爲治人情之大端也人情何即前所云欲惡之心不可測度者也蓋人食味別聲被色而生其間情偽萬狀不能窮詰不知其情所向善惡稍殊而天下之治忽關焉如田有收有不收民命

實係之有不可一日不治者治田農夫之事也知人情非聖王之事而誰事哉故曰人情者聖王之田此見得責之甚專又待之甚急也人情縱放如田地荒蕪一般急便下不得種子須先耕治一番脩耒耜可去其荒蕪脩禮教可收其放縱故說脩禮以耕之

陳義以種之

依舊說看人情既約于禮則可漸向于善矣然其資性却有不同須隨事制宜使皆各全其生意如田已耕後將種種穀子陳列隨其高下所宜而樹耨之亦

禮記新義

卷之九

三

說得去兩存之

講學以耨之

講學本仁雖是教人爲學教人爲仁然講字本字與脩陳二字一例俱當屬聖王

本仁以聚之

疑問云所學何事學全此心而已此心兼統萬善故稱仁焉推本此仁而必求全其所固有與治田者由耕種而耨而穫焉以聚藏者一般如此講于聚字更暢合

故禮也者三節

此下三節承脩禮陳義而言然禮言義義言仁仁言義又見其相須也○禮爲義之實義悉寓于禮也禮以義起禮原本于義也唯未有禮之先禮悉裁諸義故一有禮之後義卽寓于禮禮非義之實而何上下雖有兩層只是一意實字對虛字看舊註定制二字只好解禮字解不得實字上協字是方去協之下協字方是真能協合也

義者節

禮記新義

卷之九

圭

協字講字俱有工夫字摘訓仍以此二句屬義上講不嫌于沓複乎此二句亦只論理見人必當要如此至得之者方是能協能講也義之體原屬剛方故着一強字

仁者節

得之上須要補行義達順意與協于仁二句相對方完兩得之俱有工夫就天下人說舊註把得之屬在上者以民服爲強以長人爲尊便與治情之本旨全相背了

故治國不以禮節

此節雖反上言之却要引出箇順字來以終那治情之效不曰治情而曰治國者治人之情便是治國也安之以樂節

此只言情之極治原非從安之以樂推到遠順去舊註成已成物似隔一層疑問云稼穡以養人則人無不肥禮義以治人則人無不順本文逆言云者不過示治情者必至大順而後止耳甚有理家國天下卽肥字以衍其義不如此不見爲大順官職相序謂尊禮記新義

卷之九

圭

者總職以帥其下卑者分職以奉乎上也君臣皆以正自處曰相正摘訓云君不安于姑息而以賞罰正其臣臣不徇于雷同而以獻替正其君更遯車御不平所行一由于仁義猶行必以車未嘗相離而所行之仁義又一出于自然和順從容無所勉強是有樂以輔德猶有御以輔車初不假于推挽之勢曰大順則人人漸摩浹洽于禮義之中而聖王脩義之柄禮之序乃有成效疑問云說至大順是挽小康而爲大同矣此篇通用是謂文法直至此照應極勘得細然



觀所謂大順者節節俱不外禮義則禮義為紀信為禮運之綱領若之何其曰道隱而後有禮禮設而遂召亂耶

### 故事大積焉節

自此至終篇皆發明大順之說蓋因上面說到極處而又以保順之機傲人君也故字承大順來既至于大順自然隨事各得其理非謂以此大順之理而治天下也順之至也句無工夫大與至無二樣以其包乎天下國家曰大以其大之極至而無以復加曰至

禮記新義

卷之九

雷

下順字承順治處說明者明其本治情之功而後至于順也須深看是知安危相伏的機括直能敬守其順使庶事各得其理意危字又順字便是即人情不治天下不肥而庶事叢脞意蓋致順固難保順尤難保順必先明順人君明順之所由始及順之所由成則知至安之中有至危者寓自能制治未亂保邦未危矣新裁云明得順之所以來處有這許多禮義學仁工夫在若此等工夫一或因其治化已極而少輟便到危的地步守者守此脩禮義之功而兢兢不

失也然明守二字又有先後見得到方纔守得定故禮之不同也節

明于順然後能守危然究竟只能守此禮耳故緊承禮之不同也云持情持字下得極好驕者過于豐吝者過于殺皆此情之不能持也持得此情定便不驕縱淫佚鄙吝齷齪而危可常保矣此處點綴情字須有意不可空放過聖王所以順所以二字極妙山者不使居川至用民必順正是其所以順處然究竟不外一箇禮不可以制禮行政截然分為二項

禮記新義

卷之九

圭

### 故天不愛其道節

須知兩箇故字有一步進一步意若不可以言譬者則是無故乃喚起之詞猶言是豈無故哉脩禮正所以治人之情者達義是情無不治也體信就存心說又是聖王自治其情乃治情之本也達順則家國天下之肥而治情之效極矣實字對華字看蓋三才應諸瑞臻此順之英華外見者也而脩禮達義體信達順則又所以召順者故此順之真實處也惟有此順之實則三才之應以此故而應瑞物之臻以此故而

臻也

禮記新義卷之九

禮記新義

卷之九

三

禮記新義卷之十

父中立湯三才命意 男平子湯道衡撰述

禮器第十

禮器節

禮包身心在內只是斯須不去意大備以所行言盛德以所得言二項相起說下什回二句禮善于內措正二句禮善于外君子有禮四字含大備盛德在內此句與二者居天下之大端對看下文與貫四時句對看四項中間着一故字不可畧過外內以親疎對

禮記新義

卷之十

一

言物則盡乎人矣鬼神則至幽矣比外內又進一步疑問云什回增美質句宜重看人人皆有此美質只緣回邪誘于其外此美質漸為之加損耳禮本天則治人情日檢束收斂于其中放心邪氣無自而入回邪漸以什美質漸以增措正施行有不期然而然者竹箭有筠松栢有心美質之謂也甚妙

先王之立禮也節

首二句言禮制備本文之全中二句指本文之實末二句則原其所以有本有文之意也立是創立與下

立字不同忠信義理俱備先王之禮舊註忠信能學昧于義理等語都說心無不實便是忠信事無不宜便是義理四字不必太分析義理二字所該甚廣合宜便是理中理便是義

禮也者節

舊說合天時設地材由是順鬼神合人心理萬物則人官有能二句殊為無用又以君子不以為禮應合人心鬼神弗享應順鬼神則將置前二句于何地決不可從上說合于天時凡五件天時有生以下似止

禮記新義

卷之十

二

說四件中間着鬼神弗享一句便完備無遺此是文章之妙處地財言設有措置得宜之意

故必舉節

故字承上文合于天時設于地財而推廣之也只大意相承定國之數猶言國之定數這定數卽地與年之所入者地之廣狹一定而不易年之上下隨時而不同

禮時為大節

時乃變通之禮順體宜稱乃經常不易之禮一向說

禮都說有經而後有權此獨說時為大此易窮則變變則通通則久之說這箇時字卽易道也禪受放伐就是古今極大之禮

天地之祭節

倫也體也義也俱在順體宜之前不可就說到禮上社稷山川之事節

體之屬于天子者者分尊而禮隆屬于諸侯者分卑而禮殺一說就在社稷山川上見出體來亦可

羔豚而祭節

禮記新義

卷之十

三

禮欲其稱然其事不可枚舉故畧舉而悉言之則曰此之謂稱言有稱也又曰羔言稱也又曰唯其稱也然稱未有不合于時者未有不歸于順者未有不循其體者未有不協于宜者觀下文所舉種種可見

天子之豆四節

豆以實地產為主故每用陰數天子之祭朝饌八饋食八加豆八羞豆二故朔食亦如之非以備味不如是無以極四海九州之美備四時之和也諸公倍于上大夫朝事八饋食八諸侯倍于下大夫朝事六饋

食六

天子之席節

五重莞藻艾蒲熊三重莞藻蒲再重莞蒲

天子一食節

舊言位尊者德盛其飽以德不在食味也摘訓云既如此如何御食者勸侑乃又餐耶此乃位尊者禮重原不曾論到德上細玩德盛語真腐儒之談

天子之冕節

天子之冕有五一日衮冕祀昊天五帝先王朝覲諸

禮記新義 卷之十

四

侯服之二曰鷩冕祀先公饗射服之三曰毳冕祀四望山川服之四曰絺冕祭社稷五祀服之五曰玄冕祭羣小祀服之

孔子曰節

疑問云不豐不殺禮之中也此中具在吾心省則合不省則乖故曰禮不可不省此之謂指上文諸禮而言言指孔子之言不豐即少小下素之謂不殺即多大高文之謂何以言之

禮之以多二節

論禮到多少大小高下文質可謂盡其變矣然其本

在吾心故就多少而論曰外心內心結以樂其發慎

其獨凡禮內盡志外盡物然凡物皆天地之所產也

故一則曰德發揚詡萬物一則曰德產之致也精微

須知天地之德一也而前後云者一言其著一言

其微耳看來貴多貴少自是截然兩時事兩舉之者

正見君子之禮之妙當其多便若必不可少當其少

便若必不可少多隨其心之所在自與天地之德冥相

契者此禮之所以爲稱也舊都作郊社言及一作制

禮記新義 卷之十

五

禮一作行禮者俱欠妥二者皆行禮也豈有制之豐

而行之膏者乎徐註以貴多爲大亨明堂之禮貴少

爲冬至圓丘之禮亦不可據摘訓云二節乃一事而

各言之即不應如此牴牾也只虛虛還他二項便了

大理項德發揚說物博頂詡萬物說謂德之發揚也

有以詡萬物是大理而物博矣着此一句方起得下

面意思自主宰萬物爲天地之心曰德自流形賦予

爲天地之命曰理方氏曰詡言能翕張也訓詡字極

當樂其發正與發揚字相應○德產即所謂德發揚

謝萬物也致極致也天地之生物雖如此其盛而究其極致處自是精微精是純一不雜微如不見不聞是也舊註以密致精微三項平看與本文句法不類且密致意與貴少全無關着獨字與精微二字正相應蓋以吾精微之心或可稱天地精微之德也

### 古之聖人節

內曰尊外曰樂有分別樂不過暢吾懷而已無工夫尊則有把此心承奉不失時時刻刻守着這誠敬唯恐失墜者然上二節言行禮此節出制禮者行禮

禮記新義

卷之十

六

必本于制禮也唯其制之必以稱則行之亦必以稱為貴為美不得以私意為隆殺也

### 管仲鏤簋節

紘冠系以組為之自領下屈而上屬於兩旁之筓垂餘為纓天子朱諸侯青大夫士緇

### 是故君子節

一不慎則為管晏之濫與隘故君子之行禮不可不慎也慎之惟何亦曰稱而已矣  
禮也者節

禮也者猶體也此句且虛體不備二句方見禮之要備也禮唯備則易于雜亂而難于裁定故隨出一箇當字禮有大小顯微備也不可損四句當也然說簡備與當恐人只于應酬節文上求之而忘其致也故又指出箇一字示人一字對千百字看與中庸所以行之者一也相似若指定一為何物則察矣蓋禮原本于太一故其極致亦總歸于一不得其一則三千三百從何處起頭是入室而不由戶也此撥轉人處

### 君子之於節

禮記新義

卷之十

七

無餘曰竭無欠曰盡無不到曰致其實是一事總是形容內心之敬此卽所謂誠也三者之外更別無誠美是見于品物者精緻華美文是布于儀具者輝煌文彩其實亦是一事總是形容外心之敬誠若謂美文者誠美文也如是則三千三百設之皆當矣當未有不備者然皆一本于誠故曰其致一也

### 君子之於節

如親始死哭踊無節直而行也如父在則為母持尊者在則卑者不杖曲而殺也父母之喪無貴賤皆三

年大夫士魚俎皆十五經而等也若自天子而下每等降殺以兩順而討也如祭俎之肉及羣臣雖賤如胞翟亦受惠擻而播也如二王之子孫得用王者之禮旅酬之禮皆得舉解于其長推而進也如冕服旗常之章采尊壘之刻畫放而文也諸侯之服自鷩冕而下旗自龍而下放而不致也如君沐梁士亦沐梁又有君大夫士皆同者順而撫也此節註解甚明但放而不致句吾有疑焉依註講不過順討中之一節耳何必又復言之細玩不致字對文字看則此二句

禮記新義

卷之十

八

當照前以文爲貴以素爲貴例講始得敢證明者

周旅酬六尸節

雖然太祖固不與子孫酬酢矣然其間六尸之昭穆不有以子孫而對父祖者乎又胡以旅酬也

君子曰節

合一節講血腥爛孰處且未可露情之近與不近郊與大享等且未可露禮之至與不至請畢繳出始得黃叔陽曰禮者稱情以立文者也而言近人情者非至何也蓋人情有二有道心之情原于性命之正者

也故聖人稱情而立之文有人心之情發于形氣之私者也故聖人緣情而爲之戒此謂近人情者非至乃飲食之欲人心之情也

是故君子節

是故二字從上文來言近于人情固失之太簡而非禮之至然短于禮文亦失之太簡而非禮之善也君子之于禮只重在委曲漸次上原無誠敬之說乃舊註以臆解耳已慙已慙着此二句正所以推七介三辭三讓之意這就見得非作而致其情也

禮記新義

卷之十

九

故魯人節

三箇有事是不敢獵而行之是于禮文中積之以漸也三月繫以下是不敢驟而行之是于時中日積之以漸也慎之至就在積漸上看出

故禮有擯詔節

以上三段不可平看是因朝禮推到祭禮上又因祭禮推到擯詔相步上皆舒徐委曲而不失之慙慙也慎之至溫之至俱從已慙已慙生來○疑問云擯詔相步舊解固是自愚庸見禮行于聘問則有擯禮行

于祭祀則有詔觀下文詔于庭詔于堂詔于室可見  
註謂有擯相以詔告之恐未然又按樂之奏也有文  
武相雅其舞也有步武綴兆揔若是其不遽猶禮之  
有擯有詔若是其從容也故摘取相步二字對擯詔  
言此就行禮樂之時說註以相樂工之行步對擯詔  
之相禮恐膚淺未得旨亦有見存之溫之至溫字徐  
註作如字言緩而不迫和而不爭溫之至也較有理  
○方氏曰逐末之流而不知其所返從今之便而不  
能有所脩則先王之禮意忘矣極透不詔以樂正禮

禮記新義

卷之十

十

之所在使有事于詔則愛親之本心反掩故不詔正  
以啓其本心使不作樂則尊敬之本心不彰故以樂  
所以懷其本心全要講得與反字合拍

是故先王節

摘訓云述傳舊也只是有所依據有所遵守意更透

君子曰節

節字虛禮字實二句一虛一實一翻一覆講節字禮  
字俱着已說勿如舊說一作已之禮一作人之禮看  
所謂禮安在作事出言是也不以禮則不敬不信先

無節于內矣又何以觀物哉此節舊以脩已觀人  
平看者固不通之甚即摘訓謂一故字乃從觀人搭  
到修已上而以末二句揔承看來此節先日觀物弗  
之察又曰察物不以禮後遂承曰禮也者物之致也  
通主一物字如以末句揔承將脩已亦爲物耶徐註  
如此幹旋甚妙自愚見作事出言都以人言蓋人之  
作事出言一憑于禮者也由禮則敬信不以禮便弗  
敬信是人且不能越禮以爲言行吾何能越禮以觀  
之哉故曰禮也者觀物之極致也未知可否但切勿

禮記新義

卷之十

十

如舊說作箭牆解

是故昔先王節

義指美報言但此處且虛說天時雨澤二句正實言  
致義也說者都把達齊達字認虛了故不免以致  
義意落在言外愚見達字與禮運定天位列地利定  
字列字一樣都實指祭祀說蓋世人日囿于行生之  
中雖有天地生成之功而不知君子制爲祭祀以報  
于是曉然見天地之盛德有如是者故曰達齊達  
義之義已油然而畢致矣則財物豈虛用者哉

如此講本意似不落空天地之生物本豐盈而不窮而于雨澤尤易見君子達聲靈卽以其生成之財物報答其生成之大德也

### 是故昔先王節

賢與衆卽指道德能也以其備諸已則曰賢以其列諸職則曰衆執事之人既無不稱其職而且有所謹凜則君心之精白戒謹可知矣因天因地不重因其尊卑只重報功意天下大治不在瑞物休徵之後瑞物休徵如此就可以見其無爲而治矣新裁云分明禮記新義

### 卷之十

七

是秦皇漢武封禪文但看者要得他一段所以動天的精神纔妙若依常說只言擇人行祭難道聖人舉此等人只教他助祭更不教他做事便能格天斷無是理也

### 天道至教節

至教至道不可平重在聖人上下以諸侯之祭証之禮樂先分而言之合而言之然不可兩平看只要以漸說到和上和之至就在交動交應上見禮樂之和極其至不可說太深了和之至便與天地合其

陽相得意思一般始而在東在西既法天地之分分陽者以定其位既而交動交應又法乎天地之根陰根陽者以宣其和聖人之作禮樂本至教爲至德不于此可見乎

### 禮也者節

上文論禮樂都在器數上說恐人把禮樂誤認故緊着此一節報本象功之說相沿久矣細會本節曰節事曰道志曰與人與此二意何須知禮樂只是簡和序大道理和序無往而非是志也事也人之一身

### 禮記新義

### 卷之十

七

渾身都是禮樂故可從其得失以觀治亂若論禮而必曰報本論樂而必曰象功則俎豆之外已無復有禮聲容之外已無復有樂使不行禮不作樂天下遂杳然無復有治亂的機括矣如何通得高明常以意會之切勿爲舊註所牽也○論禮樂只在與人與人不知人之一身獨處時少無時無處而不與人與人便足槩一生之志與事矣勿淺淺看之論禮樂說到志事論志事說到與人正見得此禮樂非止器數之禮樂者總只一箇和序故亦不必言禮言樂也



一人而已矣

### 大廟之內敬矣章

通章作三項意義不同然其敬則一而已敬只于祭尾上見之

### 卿大夫從君節

洞洞三句通申君親牽牲以下之意只就上祭者言屬屬猶言聯屬不絕只是貫始終意舊訓誠實無偽欠切疑問云勿勿如四勿之勿勿勿者禁無他欲唯欲神之我享也亦通

禮記新義

卷之十

十四

### 一獻質節

先公本人鬼曰神者神明之而不敢廢也唯禮重故心肅

### 大饗其王節

形容太廟中富貴氣象已極了但美則美矣是陳設的意思要見得主人報祖功宗德全在禮意處不在備物上王者卒這許多意義以報之是大神祿位名壽必得的一般豈不是王事全一也諸君納之于廟次者次之于庭示和舊言示諸侯之親附如

此又與見情犯重了若作見情爲人情所同欲便情淺無味今依摘訓以金璧二者對和與德都只說在金璧上可通尊德舊謂尊君之德似與廟祀不切只在壁上說便了

### 祀帝於郊節

敬仁忠義隨在異名揔是盡吾心耳故約而言之曰仁義之道又究而言之曰禮其本也周氏曰禮雖出于仁義而仁義之成體乃在于禮故欲觀仁義之道禮其本也極說得明白禮原不是虛文

禮記新義

卷之十

十五

### 君子曰節

忠信不重在美質只重他有這一點實心可以凝受得此禮忠信之人二句見忠信之人可以學得禮末句又見得禮必要忠信之人方纔學得也

### 孔子曰節

世之議禮者大抵徒逞其詞說而不實踐諸躬行不知此禮精微非真實體驗有未可易言者故孔子云所謂不輕議禮者主忠信以立其本明義理以究其義講節日以悉其文觀會通以窮其變擬之而後

言言之必可行是也

禮記新義卷之十

禮記新義

卷之十

六

禮記新義卷之十一

父中立湯三才命意 男平子湯道衡撰

郊特牲第十一

諸侯爲賓節

舊以貴氣臭不享味兩分不知至敬句原一直下不享味卽是貴氣臭初未嘗分何者爲貴氣臭何者爲不享味摘訓云鬱鬯有臭者也則亦無味服脩無味者也則亦有臭極得况此與上節自是兩時事乃進一步說話以此爲明上節尤欠妥

禮記新義

卷之十一

大饗節

大享有四大享不問上以天地言大享唯以饗祭言大享尚服脩以王享諸侯言此大享則以諸侯相享言也三重席不重只要引起下文

饗禘節

其義一也正與而食嘗無樂句相呼爲虛喝之辭此義字與陰陽之義的義字不同說者便把其義作養陰養陽之義則下句難接且下文飲養陽於其養陰氣都不消用了曰飲養陽氣則饗禘爲陽而食嘗爲

陰矣曰凡聲陽也則有樂為陽而無樂為陰矣此所以為順陰陽之義也

### 賓入大門節

曰樂由陽來禮由陰作隨承曰陰陽和而萬物得則此萬物即指禮樂說亦不妨摘謂以禮樂作萬物終牽強與徐註皆以萬物作天地間之萬物有徐繳云萬物既得則禮樂興矣施之燕享有不得其宜者哉直繳云萬物既和則由陽之樂由陰之禮豈有不和者哉禮樂之妙如此所以先王之待賓必有取于

禮記新義

卷之十一

工

禮樂也如此說似覺終費一層摘謂意更落空一說陰陽即以在人者言更詳之看來陰陽何以能和必天子平日均調四時燮理陰陽的工夫做得一段到所以陰陽纔和陰陽和而法陰陽之禮樂纔不亢不肅不然豈臨行禮用樂之時便能使陰陽之和而禮樂遽得乎

### 旅幣無方節

此言陳貢之法與前大亨不同前和字以金之性言此則以鐘之聲言知字和字就指龜與鐘猛字德字

云誠在虎豹加璧之外了不可作一例看疑問云人所向往將在德矣故束帛必加璧恐非往進之說亦是

### 庭燎之百二節

桓公賢諸侯也且偕天子則餘諸侯可知文子賢大夫也且偕諸侯則餘大夫可知夫齊桓將仗義以服諸侯乃自以庭燎之百誇其尊則何以責夫諸侯文子輔其君以伯者也而自偕肆夏則何以責夫大夫桓公之偕以強文子之偕以奢記者錄而罪之以禮記新義

卷之十一

三

### 朝覲節

徐註以庭實為君之庭實謂君之庭實臣之私覲何為並陳于諸侯之庭乎蓋私覲已非不必言庭實私覲乃為非禮也覺有理

### 大夫而饗君節

三代之制刑不上大夫伯者之法曰無尊殺大夫此云殺之為義者就後世言之耳用人而至于殺亦無及矣人君臨此蓋亦謹于微哉

天子無客禮

諸侯大夫之饋禮皆起于天子之失禮故觀禮以下從天子說起

故天子微節

相貴以等則爵不足以馭其貴相親以貨則祿不足以馭其富相賂以利則予不足以馭其幸皆侯不敗祖天子故立始祖而有五廟之制大夫不敢祖諸侯故立別子而有五宗之法失禮雖由三桓然推其原則由魯立文王之廟而三桓效尤爾

禮記新義 卷之十一

四

天子存二代節

微子之命曰崇德象賢統承先王存王者之後原是尊賢之義猶尊者謂雖歷代之久而猶尊之也周封黃帝堯舜之後爲三恪恪敬也敬其先聖而封其後不及夏殷之隆也故曰尊賢不過一代其實先帝王有功德在萬世當食萬世之報不止一代已也

社祭土節

陽始于甲而物生陰極于辛而物成地雖以陰而成物然始地事者存乎陽故社用甲以原其始大經以

陽而生物然終天功者存乎陰故用辛以要其終

天子大社節

天道下濟而光明地道卑而上行天地之氣不達則無以生成萬物矣故大社必受霜露風雨以達其氣社所以神地節

把天來配說正見地道之神而人當神之也不重在天上示本與報本反始相對揔是美報乃所謂神地之道也

唯爲社事節

禮記新義 卷之十一

五

社事是方祭時事田及桑盛又將祭時事蓋卽上文家國之社而民咸出其力也不必另作置社有

季春出火節

摘訓云兩箇以觀總是習軍旅之事末四句分應上兩項謂觀其習變求以系服其粗暴之心也觀其不犯命使之不食所得之禽也求服其志故有勇知方而以戰則克不食其得故獲牲以禮而祭則受福亦通指祭社言

天子適節

所適必先柴吳天曰明及爾山王吳天曰且及爾時  
衍也其與周行天下將必有車轍馬跡者異焉

### 大報天節

大報天而主日緊頂迎長日來一串說全篇主日二  
字方與迎長日協然據愚見迎長日乃日之實主  
日乃日月之日如何扭定迎長日之至謂摘訓云主  
于迎日乃主意之主主日乃主賓之主唯其主于迎  
長日之至故主乎日耳或者其此意乎天地之性質  
任自然若加以人爲之巧便與天地之性不相似性  
禮記新義 卷之十一 六  
只就形氣上淺說兼言地性者地道無爲而代有終  
象地之性所以歸功于天也

### 祭之日節

摘訓云示民嚴上使之知所畏避知所供奉也若說  
示民敬君如君之敬天便說壞郊天之意矣况聽祭  
報尚未到那着實敬天處似有理

### 祭之日二節

摘訓云天垂象聖人則之撮上文而申言之也郊以  
明天道又是推原之意此句與上文社所以神地之

道句相類不可把則天就作明天道這天道只就功  
德說殊不知此句正與神地之道句相對地之道既  
于載萬物上見之則天之道亦只于垂象上見之何  
爲又說到功德乎疑問云神明二字本不宜分此篇  
曰社所以神地道郊所以明天道非以取財之大而  
故神之乎非以垂象之顯而故明之乎知其分又知  
其不必分于神明觀其深矣

### 天子大節

八神當以經文爲正先嗇一司嗇二百種三農四郵  
禮記新義 卷之十一 七

表綴五禽獸六坊七水庸八鄭氏去百種而增昆蟲  
不知昆蟲無作乃祝辭耳豈害稼者乃在所祭耶方  
氏亦去百種而分貓虎爲二不知本文只曰禽獸一  
件至下節乃疏分之耳胡可以爲二耶俱不可從伊  
耆氏或謂古天子號或謂神農或謂帝堯皆不可信  
惟陳氏以爲古官名者近之以其有功于耆老故後  
世以官爲姓至周又以其姓名官也

### 蜡之祭也節

觀百種上另出祭字可見與先嗇司嗇並列爲三

而陳註乃謂卽先嗇司嗇不知何見

### 大羅氏節

論蜡何以突出大羅氏三節蓋四方諸侯當仲冬而遇于天子者必助其祭祀也故其爲蜡而蠶莫不從焉貢其禽于天子則大羅氏受之也

### 八蜡以記節

此章自黃衣而上言報本之事因神之相其功于幽也黃衣而下言息農之事因民之致其力于明也幽明皆得此蜡之所以爲善也

禮記新義

卷之十一

八

### 恒豆之節

天子恒豆加豆菹醢兼用水陸諸侯則各有所用而不得兼故鄭氏以此爲諸侯之祭然此亦大約言之義在交神不在天子諸侯之別也徐註以不敢用褻味句通承至此節極有理然分節仍舊姑依舊解之

### 籩豆之薦節

摘訓以不可耆等項乃戒人之意看來不可同于所安樂之義正與下節不可同于所安褻之甚相對彼謂遠于人情則此亦依常解便了不必多費一層也

○細看此二節分郊廟終覺不妥今斷以此節言用於祭者不可移于他用下節言用於祭者原不可用人所常用也未知可否

### 祭天節

貴其義且虛只言貴其有義存焉其義唯何蓋刀圭斷刀而有驚則斷不徒斷聲和而後斷矣非義之可貴者乎不可因斷字遂作仁義之義看

### 冠義節

此與冠義一篇大同然亦有補其所不及者宜合看禮記新義

卷之十一

九

冠義二字通管七節疑問云凡存古禮者宜遵古制失古之制則非古之意矣故孔子感緇布冠之緩曰敝之可也

### 適子冠於阼節

緇布之粗不若皮弁之精皮弁之質不若爵弁之文喻志卽冠義服備而後禮義立也

### 委貌節

三代不同者所以趨時其共之者所以立本

### 天子之元節

摘訓云此節以天子爲主諸侯大夫作比例不知此二節乃一節語耳先從大夫說到諸侯從諸侯談到天子後又從天子跌到諸侯從諸侯跌到大夫正文法之妙處不可從

禮之所尊節

失義五句輕總透出箇義可尊之意曰難知便見非祝史之事而明其義者君也知而敬守正是尊處由此天下可治此禮之義所以可尊也義字所包甚廣不止總結冠義已也尊其義乃人去尊之與哀公問禮記新義 卷之十一 十

君子之言禮何其尊也尊字一樣朱子曰此蓋泰火之前典籍具備之時之語然非得其數則其義亦不可得而知矣况今逸亡之餘數之存者不能什一亦不可以爲祝史之事而忽之也

天地合五節

此五節補昏義所未及者甚多昏禮萬世之嗣言此後嗣續于不窮也昏禮萬世之始言此嗣續于不窮者自今日始也易曰歸妹人之終始正與此相發

男子親迎節

易曰地道也妻道也臣道也此曰男先于女天先乎地君先乎臣其義一也語相發摘訓以天地君臣爲男女之所本不必父子有相親之恩便有相親之義然不獨此也君臣上下兄弟朋友交際之間有義存焉而皆燦然有禮以相接秩然有分以相安故曰義生禮作而萬物安然後字都是難辭不可失之太快禮義就處人倫上說萬物則又推此人倫之禮以及天下之人也

壻親御授綬節

禮記新義 卷之十一 士

得天下只是以愛敬充廣之敬字于親字內見出摘訓以執摯爲敬不必從人帥人兩人字說得闊夫既以知帥人便當端其所爲帥者易曰恒其德貞婦人吉夫子凶象曰夫子制義從婦凶也不明知帥之義必蹈從婦之凶矣丈夫宜審所帥哉

玄冕齋戒節

舊說鬼者陰之靈神者陽之靈甚無謂前云敬章別敬而親之此云將以爲社稷主爲先祖後而可不敬乎三敬字極下得好蓋敬則克終苟則易離故不可

不致敬也

昏禮不用樂節

方氏以幽陰爲思嗣親于幽陰不是

有虞氏節

上古之禮質故但以牲體爲薦後世漸以文而益以音聲焉又益以鬱鬯羶薌焉記者遂因說虞尚氣殷尚聲周尚臭以求諸陰陽之義耳此猶尚忠尚質尚文之說恐未必然然卽其所尚之氣之聲之臭然有可通于陰陽可格于鬼神者則亦不必病其辭而失禮記新義

卷之十一

主

其意矣

魂氣歸于天節

易曰精氣爲物游魂爲變魂氣歸天形魄歸地若便有陰陽之分不可不兩相求以致其享矣故承前尚氣尚聲尚臭之祭申說無非求諸陰陽之義而又有先求諸陰者又有先求諸陽者因言求諸陰陽之義隨備舉詔祝等項見無所不用其求也

血祭節

明水沝齊以下從祭齊如明水來蓋血肺肝心脾腎

黍稷不待言矣齊與明水乃飲之屬有何可貴而用之貴新也貴新且虛說下二項正見之

君再拜節

國家也以上見禮因分異不能強同以下則見其隨分自盡人人如一也疑問云祭主于敬曰致其敬足矣何以罔盡其嘉嘉者此心之嘉樂也此心嘉樂而不能忘故致敬以爲祭耳詩曰物其多矣維其嘉矣正是此嘉字若訓嘉善之儀物恐未當

縮酌用茅三節

禮記新義

卷之十一

主

先王之酒最上鬱鬯其大五齊其次三酒五齊卑則用三酒和之鬱鬯尊則用五齊和之三酒一事酒二昔酒三清酒

祭有所焉節

祭以報本爲主則報者其常也祈與求皆變例也

齋之玄也節

陰幽至靜時也靜中思之始得其真

禮記新義卷之十一

終



禮記新義卷之十二

父中立湯三才命意 男平子湯道衡撰述

內則第十二

后王命冢宰節

不曰教而曰德者推吾之所得以爲教也蓋后王爲天下之君師既能脩身齊家以善其則矣以爲民亦有家不可不齊故命冢宰頒降德教于兆民使民則而象之如此篇所云是也蓋三代之所以教天下者皆以是自秦漢以後始外風俗而論政事不復以人

禮記新義

卷之十二

一

家事爲問矣

子事父母節

洗手曰盥滌口曰漱理髮曰櫛翦髮曰縱用黑緇加簪曰并束髮而垂其餘曰總用練緇髦髻也子生三月剪其胎髮爲髻帶之于首男左女右逮其冠并則采飾之加于冠不忘父母生育之恩也父母亡則去之緩者纓之餘纓者冠之系端玄端服也衣用緇布而裳不同韠以蔽膝古者席地而坐以臨几豆故設蔽膝以備濡漬也在冕服謂之衽在他服謂之韠紳

大帶之垂者笏所以記事恐其忽忘也

左右佩用二節

紛帨皆巾也天巾曰紛礪砥石也礪狀如錐以象骨爲之袂以玉爲之著于右手大指所以鉤弦而開弓體也捍以皮爲之著于左臂而拾映以利弦也此二物皆射者所用管筆彊還刀室

及所節

此連下三箇敬字極妙敬不在儀文主一之謂也一心去抑搔一心去扶持一心去進奉而唯恐不滿意

禮記新義

卷之十二

二

焉是之謂敬新裁云重采色以溫之意蓋敬可假采溫不可假以敬雖發于心尚在儀文上修飾至采色以溫全是一團至愛實念造作不出來者已發而傷者爲疾宜通而塞者則痛體煩而爲疴氣虛而生癢

醴醢節

唯所欲正應上問所欲却又加甘之滑之膏之養口體中全是養志

男女未冠節

此少者事父母之禮雖視長者爲客然其意則已至

矣

### 由命士以上節

朝夕皆慈以旨甘唯日中則各從其事要見爲人子者只有孝養一節爲極大旨甘上加慈以二字極妙慈是老之所以字幼者無所不用其極者也幼者能復將此以養其老是謂真孝劉執中曰不有旨甘以達其慈則與無位者異矣

實不敢襲節

袒裼裸裎原非是敬唯服勞任事時或有以袒裼爲

禮記新義

卷之十二

三

敬者是之爲敬事也舊以袒與裼皆禮之敬誤矣

### 子婦孝者四節

孝敬以下勉子婦之孝于父母舊姑也勤勞而下勉父母舊姑之慈于子婦也兩者交盡其道而孝慈之權交結而不可解矣

### 加之事節

姑與之者有矣鮮能姑使也或姑使之矣鮮能後復也此皆委曲以全孝敬之心者

### 子婦未孝節

疑問云子婦未孝未敬勿庸疾怨父母有過諫不入怒不詭而撻之流血不敢疾怨疾怨原非所以行于父子之間

### 父母有過節

諫不入起敬起孝諫而怒亦起敬起孝孝敬之外豈容有他念哉豈容一息忘哉只要看四起字人子與父母議論不合之間便未免有厭教任他所爲之心此念一生把平日愛敬之心都委頓了這起是孝心愈懇到敬心愈敦篤定要把握一段精神去感動他蓋禮記新義

卷之十二

四

言之所不能回者神能挽回之也

### 飯黍節

此據諸侯之禮天子加麥與苽爲六

### 凡食二節

要知人身內具有一天時飲食以養生者必外合天時斯內調人性按寒涼溫熱以養性也按金木水火土以養氣也

### 牛宜稌節

此節是以陽調陰之法也物性之陰者不調之得宜

則食之多損少益蓋陽能化陰爲順也上云折俎犬羹兔羹此云牛宜稌者上是人君燕食以滋味爲美此據尊者正食而言也

春宜羔豚節

不用五行之說爲渾

曾子曰節

樂其心不違其志是一正一反語樂其耳目三句正樂其心不違其志之實也舊謂喻父母于道太深了

三月之末節

禮記新義

卷之十二

五

髻所存留不翦者也文句兩旁當角之處留髮不翦者謂之角卽今之兩髻也留頂上縱橫各一相交通達者謂之羈卽今之三髻也

由命士以上節

朱子曰旬爲十日別記異聞或不待三月也

二十而冠節

摘訓云內而不出是推博學不教之意亦是

禮記新義卷之十二 終

禮記新義卷之十三

父中立湯三才命意 男平子湯道衡撰述

玉藻第十三

此篇記天子諸侯大夫士冕服笏佩諸制及行禮之容節夫不學雜服不能安禮威儀之吉可以定命學者豈可視爲末節而忽之哉

天子玉藻五節

此下五節皆天子守禮以爲天下則而不敢稍自放佚者玉藻龍衮自然穆穆而不敢放及玄冕皮弁玄

禮記新義

卷之十三

端皆所謂先王之法服也

卒食節

重設官以防言動政事上蓋言動者身之法則政事者身之推行不設官以爲之防則雖具服行禮而不衷之言行不善之政事所謂沐猴而冠耳何取于備服

諸侯節

裨冕公衮侯伯鷩子男毳諸侯朝服玄冠緇衣素裳卽玄端服也內朝在路門之內亦謂燕朝

朝辨色節

註以君臣分貴賤輔氏又謂言始入不必早言視之不敢緩此二意須兼說爲備諸侯所聽之政必簡一夫夫然不敢先自佚也故必使人視大夫必待其退而後適小寢釋服書曰無教逸欲有邦要得他惟日不足意思

年不順成節

讀八月不雨君不舉年不順成君衣布搢本等語要知古之爲君者無日不念及于生民稍見凶荒卽痛禮記新義 卷之十三 二  
自貶損凡可以寬恤以甦其困者無所不用其情此水旱或仍而國無損瘠之民也不貶損更益焉不寬恤加取焉民命之謂何天命之謂何

卜人定節

卜天用靈屬卜地用繹屬春用果屬夏用獺屬秋用鷩屬冬用若屬龜與墨有成迹者體則吉凶變化有隨時變遷之妙有幽深不測之機故須君定之疑問云按書曰體王其罔害詩云體無咎言體龜兆之形體也然其吉其凶君曷以定之傳曰國之守龜其何

事不卜書曰朕志先定著龜協從意必君先定卜此事而後其體形焉乃始決其吉凶從之耳此定字當作先定之定字解不作決定之定字解敢正高明

君羔幣節

羔幣虎犢爲君之瘠車陸氏曰君不言車凡車皆當然也此說似長

將適公所節

此記大夫將朝之禮思謂所欲告君者對謂君先曾

有問今將對之者命謂君所使爲者一說書其事于禮記新義 卷之十三 三

笏思答君命也亦通

既服節

揖私朝是謂忽畧之地然中規中矩燦然有文揖之揚之鏘然有聲不知家臣之爲卑矣登車是謂安逸之時然不內顧不親指與車馬之儀而同美右徵角左宮羽與鸞和之音而相應不知乘車之爲安矣由是而入朝則其敬德之容又當何如哉

君若賜節

君子之飲酒以下雖承賜爵說要知常飲之禮皆然

若專指君所恐無取履一節言斯禮言字一說不  
必改閤字蓋君之好我以德音望我故言言必求中  
禮而勿言其匪言亦覺有理

### 凡尊節

唯享野人皆酒耳野人之外未有不尚玄酒者唯大  
夫士於禁側尊耳君未有不而尊者

### 五十不散送節

禮啓殯之後散要經之麻以送葬葬畢乃絞五十始  
衰則不備禮禮加髦于冠以尊遺體恐見髦恩親故  
禮記新義 卷之十三 四  
去之

### 長中節

繼拊尺者深衣之衣用布二幅袂用布四幅布幅廣  
二尺二寸凡縫合處每幅削去兩邊各一寸止留二  
尺衣袂之左右各布三幅自背縫至袂口廣六尺若  
長中衣之袂口揜覆一尺而重縫之則自背至袂口  
左右各廣五尺比深衣減一尺也然此尺寸疑指周  
尺而言若今尺恐不當如是之寬博也

### 以帛節

玄冕而上衣用帛者禮亦用帛皮弁而下衣用布者  
禮亦用布

### 衣正色節

上衣取諸乾以象天而正色則得五行之純下裳取  
諸坤以象地而間色則得五行之雜

### 朝服節

徐註以縞衣爲皮弁服康子爲政令魯君服此以視  
朝是爲僭天子也下節引孔子之言明縞衣之可用  
于聽朔而不可以視朝也更詳之

禮記新義

卷之十三

五

### 曰國家節

不充其服是自愧之意能自愧則必將自責自脩以  
求至乎其道矣此聖人所望于天下者

### 君衣五節

此數節以君爲主前云君衣狐白裘錦衣以楊之后  
云錦衣狐裘諸侯之服也兩下正相應左右士君子  
是以漸說去士比左右進了一步君子比士又進了  
一步蓋左右之裘或虎或狼其不敢衣狐白不待言  
矣然豈唯左右哉士亦不衣狐白然豈止于士哉凡

大夫士或以狐青或以麋或以羔或以狐而已至于狐白裘而錦衣以楊之此則諸侯之服乃衣之至美而分之獨隆者也豈大夫士所得而僭哉

裘之楊也節

於楊言裘於襲言服互見也各節都分兩截上是什楊襲之義下是用楊襲之宜上節言楊而以襲參之然以楊爲主中二句客辭耳下節言襲而以楊參之然以襲爲主末二句客辭耳

見於天子節

禮記新義

卷之十三

六

見於天子等事姑舉以示例畢用又因上兩節而推廣之不然便遺了天子矣當事免則脫之正見無事不脫不重在脫上畢用以人言

肆束及帶節

有事與走俱承勤者來舊謂大夫士徐註指有司似是

王后褱衣節

此周禮內司服所掌王后之六服服皆袍制衣裳相連而同色者王后六服尊得兼卑故別而言之韋鶴

皆雉名伊洛而南有雉素質而五色備者曰翟江淮而南有雉青質而五色備者曰鷄屈當作緇周禮作闕褱掄皆刻繒爲雉形以五采畫之而綴之于衣屈狄則但刻形而不畫故曰闕也

唯世婦節

由上文推之后以下三夫人得視女君服屈狄九嬪得視再命服鞠衣御妻視士服祿衣唯世婦上不可僭夫人九嬪之服下不可無別于御妻則宜服檀衣而其得服也則以獻繭黃叔陽曰命婦由奠繭則無禮記新義

卷之十三

七

休蠶之事妻服從男子則無僭分之嫌

古之君子節

看趨以六句見君子欲聲律身度何等着力檢點吾身蓋聲音無主全是我行止動作之間做出來此心束得在禮樂上則宮羽徵角不期中而自中這中在自己心裡聽出來

趨以節

此推上文玉聲之中由動容之有節也前云右徵角左宮羽後云玉鏘鳴正相應在車一句帶說此三句

文意與聽其言也觀其眸子相類心常在內有物引之而出及其久也則與物俱入矣

### 君在不佩節

不佩玉有三世子及齋喪是已兩結佩一樣則兩設佩亦宜一樣解居則設佩則結佩可知朝則結佩則亦不必設佩矣蓋居非獨處但非臨朝對羣臣時爾此正子事父之時故必設佩朝則森嚴之地此時祇論君臣故但言結佩示不必設佩也舊註以居則設佩爲玉佩摘訓云右之設佩雖君在也而非玉也左禮記新義

### 卷之十三

八

### 齋則節

結佩則玉矣居之設佩雖玉也而非君在也朝結佩則君在矣可見君在不佩玉蓋結之則有玉與無玉同雖佩與不佩同也如此解亦可但必拘解君在爲在君所終不順些

### 凡帶節

衡牙觸璜之玉其形似牙佩玉之制上橫曰珩下繫

三綬貫以璜珠中綬之半貫一大珠曰螭末懸一玉兩端皆銳曰衡牙兩旁綬半各懸一玉長博而方曰琚末各懸一玉如半璧而內向曰璜又以兩綬貫珠交貫於螭上繫於珩之兩端而下繫兩璜行則衡牙觸璜而有聲于玉比德與聘義比德于玉不同這比字有比擬想像之意蓋以有象之玉而擬無象之德庶幾藉有德之玉以助成如玉之德也

### 童子節

一說親在故盡飾

禮記新義

### 卷之十三

九

### 食棗節

二者皆主人之物弗致之類則爲客之禮也弗致舊謂懷其核而不委棄之于致字欠切些

### 君賜車馬二節

疑問云車馬衣服有恩命所特賜者有常秩所宜得者乘服以拜賜者其特典也弗敢即乘服者其常秩也雖常秩而必待君命自是人臣敬慎之禮註謂諸侯之卿大夫爲使臣而受天子之賜云不知其方受天子之賜時可弗乘服以拜賜乎否也如已乘服

拜賜而歸又獻于其君待君之命而后乘服是二天子也愚細繹弗敢卽三字此條當是常秩所宜得者決非若註所云也更詳之

### 君與尸行節

與猶言及也唯君之行與尸之行接武大夫則繼武矣士中武矣此說大夫之行與士之行不同于君與尸之行也舊註乃謂大夫與其尸行士與其尸行可笑若徐趨正與疾徐對舊註却謂或徐或趨皆用此與尸行步之節將亦訓疾趨之爲或疾或趨耶此尤禮記新義 卷之十三 十

### 圜豚行節

圜豚行音義皆如弓豚姓放逸圜之則回旋而行故以爲况舊謂豚之言循謂曳轉其足循地而行也

### 足容重 至溫溫

總之君子脩己以敬皆有根心生色工夫

### 立容辨節

疑問云立必有分辨自卑下古大臣行止不踰尺寸者是其辨也似不必讀爲貶徐註云辨卑母謂謂別

于其下而毋諂隨一說俱可

### 山立節

旣曰立容又曰山立旣曰色容又曰玉色者立容止言容而已山玉則容之形狀也

### 時行

時行以行步言不可說做因時制宜

### 盛氣節

疑問云孟子曰充實而有光輝之謂大類實是充實揚休是光輝註息之出也如陽氣之煦物其來無窮

### 禮記新義

卷之十三

士

似未得旨極有理新裁云盛氣卽浩然也填實卽集義工夫到而本體完也揚休卽塞乎天地之間也

### 大夫節

正聘禮重故用公士而不用私人禮旣重矣安得而不隆其稱曰寡大夫寡君之老哉前公士擯處只說公士爲擯且漫露正聘意至有所往方可說出



禮記新義卷之十四

父中立湯三才命意 男平子湯道衡撰述

明堂位第十四

明堂自古有之此篇爲美周公而作言其生則踐天子之位建不世之功沒則用天子之禮樂備歷代之制故魯以侯國而用王禮周公故也殊不知周公相踐阼未嘗自踐阼也魯之郊禘雖或有之然成王之賜伯禽之受皆非也其誣其誇有不待辨而明者唯是四代禮樂服物器具亦畧具于斯焉則考禮者之禮記新義 卷之十四 一

所不廢也

昔者節

曰昔者周公朝諸侯于明堂之位天子負斧依南鄉而立則分明有個天子在周公特輔相以朝諸侯耳未嘗身踐天子之位也此二句不曾差差在下文周公踐天子之位句

九夷之國節

東夷北狄西戎南蠻卽蠻服夷服鎮服總謂之要服各從其方之門其上皆以右爲尊獨南面東上者不

然南面疑於君故與北面者同其上也

四塞節

四塞爲要服外之夷狄卽蕃服不言何在疑亦在其方之門外而又次于四夷也明諸侯之尊卑與首諸侯宇正相應謂周公所制明堂之位則可謂周公明堂之位則不可

昔殷節

鬼國名疑卽鬼方荆楚之國其地好鬼故名劉氏曰此蓋因洛誥篇首有周公曰朕復子明辟篇終又有

禮記新義

卷之十四

二

周公誕保文武受命唯七年之語遂生此論謂周公踐天子位七年而致政于成王也殊不知復子明辟周公營洛遣使告卜之辭其所謂復乃復命非復政也夫有失然後有復武王崩成王立未嘗一日不居君位何復之有受命惟七年者史臣說周公留後洛洛凡七年而薨也非謂周公踐位七年也故謂周公相成王制禮樂頒度量則可謂踐位致政則不可

成王節

地方七百里此漢儒誇辭周禮雖云諸侯之地五百

里蓋兼附庸言之然其制實未嘗行故孟子止言公  
侯皆方百里又言周公封于魯爲方百里安得有七  
百里之地而封之果如其說是半王畿矣何止有事  
千乘耶程子曰王介甫謂周公能爲人臣所不能爲  
之功故可用人臣所不得用之禮樂是不知人臣之  
道也夫居周公之位則爲周公之事由其位而能爲  
者皆所當爲也周公乃盡其爲臣之職耳豈得獨用  
天子之禮樂哉詩氏曰通鑑外紀謂魯惠公使宰讓  
請郊廟之禮于天子王使史角往魯魯公止之路史  
禮記新義 卷之十四 三

大廟節

天子五門路應雉庫臯諸侯三門路庫雉

鸞車節

車牀曰輿輿前闌曲故名鉤車

有虞氏節

交龍爲旂綏作綏注旄牛尾于杠首而垂之者也虞  
當言綏夏當言旂蓋錯誤也

夏后氏節

按儀禮設尊尚玄酒是周亦尚明水也澤酒在下是  
周亦不尚酒也

有虞氏節

魯百里之國決不能備四代之官此皆誇辭也以此  
例上其妄可知

禮記新義卷之十四 終

禮記新義 卷之十四

四

禮記新義卷之十五

父中立湯三才命意 男平子湯道衡撰述

喪服小記第十五

斬衰括髮節

括髮束髮爲髻也以麻爲掠頭編子自頂而前交于額上卻繞髻也親始死子服布深衣去吉冠而猶有笄緹徒跣扱深衣前衽于帶將小飲乃去笄緹著素冠視飲飲訖去素冠而以麻括髮也免制見前蓋父喪小飲後拜賓竟卽堂下位猶括髮而踊若母喪則禮記新義 卷之十五 一

其時不復括髮而布免以踊也

齊衰節

婦爲舅姑妻爲女君皆齊衰杖期妾爲君之長子齊衰三年若女子適人爲其父母始雖惡笄至卒哭則折吉笄首而易之不終喪也

而婦人髻節

去纓而紒曰髻髻有二斬衰則麻髻齊衰則布髻

苴杖竹也節

苴惡貌以不脩治故惡削猶斷也斷削之使上圓下

方也

別子爲節

別子有三一是諸侯適子之弟別於正適者是異姓公子來自他國別於本國不來者是庶姓之起於是邦爲卿大夫而別於不仕者祖遷于上二句下要補繼別者祖未嘗遷則宗亦未嘗易也

庶子不祭節

庶子或爲適士得立二廟而亦不立以非繼祖之宗也

禮記新義

卷之十五

二

庶子不祭節

或非適士或未仕止得祭禰者而庶子亦不祭也

世子不降節

服不降者非厚于外黨也自處于卑而致其謙焉耳服不杖者非薄于伉儷也厭于所尊而避其私焉耳凡以君父在而不敢失臣子之禮也陳氏援子服以比妻服失之矣

三年而節

不以過時而廢禮又不以一蹴而殺哀禮之盡情之

至也

經殺節

如斬衰之首經殺爲斬衰之要帶齊衰之經又殺如斬衰之帶大功之經又殺如齊衰之帶也小功緦麻倣此必五分者象五服之制也

繼父不同節

繼父不同居也者是謂先嘗同而后異居者也下言同居異居之義若未嘗同居則不爲異居是謂路人無服舊說異居有三者非

禮記新義

卷之十五

三

爲慈母節

註疑問說也大覺暢快舊說可刊庶母父妾之有子者今言爲後必其先嘗有子而死者耳

爲父母節

又妻爲夫禪慈母之喪無父在亦禪記者畧耳

丈夫冠節

爲後當從註說未昏無父道陳氏之說非也

諸侯弔節

免之節有二大功以上爲重服自始死至葬卒哭而

止小功以下爲輕服自始死至殯而止又自啓殯復免至卒哭而止皆以葬爲節也

士不攝節

前言大夫不可主士之喪此言士亦不可主大夫之喪

其妻爲節

此篇所言附廟之禮止此其文雖散出不倫然要其大義不過論貴賤以明尊卑序昭穆以明親親牝從其分妻從其夫妾降其妻五者而已矣

禮記新義

卷之十五

四

禮記新義卷之十五終

禮記新義卷之十六

父中立湯三才命意 男平子湯道術撰述

大傳第十六

人本乎祖不尊祖不敬宗不成人道此篇專論人道之大故開口便從尊祖說起

禮不王節

朱子曰禘意最深長如人與祖考身心未嘗遠絕固易感格雖郊天祭地猶有天地之顯然者至祭其始祖已濶遠矣今又推始祖之所自出而祀之苟非察

禮記新義

卷之十六

理之精微誠意之極至安能與於此哉

諸侯及其節

大事如註講甚好舊以大事爲禘祭省於君爲請於君不知三廟乃分定的若可于請而及高祖又何用限爲之制乎

牧之野節

只以追王爲主柴於上帝三句雖是告成功只要起執豆籩執豆籩只要起追王末句則追王之故也疑問云不以卑臨尊要體得好子孫卑也祖父尊也于

孫王矣而不追王其祖父不將以已爲天子而臨祖

父之尊乎然以已意追王焉又不得以子孫之卑輒用天子之號臨祖父之尊乎唯時柴於上帝祈於社設奠于牧室遂率天下諸侯執豆籩逡奔走追王大王亶父王季歷文王昌若曰此皇天后土之神嘉朕也此天下人心之所共與也卽稱天以謚之是之謂不以卑臨尊也此說似覺有理若舊說真有難通者蓋追王之禮未嘗徧及其所及者固不以卑臨尊彼上祀先公者何獨忍以卑臨尊乎

禮記新義

卷之十六

二

上治祖禴節

舊以合族二句統承三治則旁治一句獨無救尾况祖禴兼有死者如何合食得昭有昭之昆弟穆有穆之昆弟序者明其班派使不至紊亂也旁治如何獨詳蓋上治祖禴祭祀以享之下治子孫撫摩以鞠之皆與已關切者唯昆弟散處於族中最渙而難收且族衆則班行易紊故又着此二句

聖人南面節

先字始字相應于治道中而五者爲先于五者中而

人道又爲始民不與要幹旋得好下文言民無不足民莫得其死何嘗不與民事只言聖王先此五件若無意治民而民自治所謂不與也疑問云先世嘗有功德于民民思慕而不忘謂之愛爲之典滅繼絕所以存其愛也大傳一篇總論周道存愛是周道之大者若將察字解存字曰四者無私意之累何以曰所且先者五也此說極有理一得一字是快辭與一有元良相似正要喚下面無不足無不瞻以應民不與焉足而有餘之謂瞻

禮記新義

卷之十六

三

立權度量節

聖人立法因民而已民之所安聖人不強去民之所厭聖人不強存通其變使民不倦天下豈有敝法哉其不可節

將可與民變革剔出不可變革者來正見人道之大此聖人所以必自人道始也

同姓從宗節

同姓句不重起下文耳主名治際會與從宗對看名著而男女有別與合族屬對看男女有別正與上男

女有別相應名著而男女有別且輕帶個效驗若說得太重則下面人治之大無用矣

其夫屬乎節

母道婦道正是主名處原不重在弟妻上只是舉一甚者以例其餘耳此節婦字又與夫婦之婦不同乃子婦也人治之治從治際會治字來人字從男女字繫之以姓節

繫之以姓則猶不失爲同姓也綴之以食則猶不失爲親屬也雖百世無通昏之禮况六世乎

禮記新義

卷之十六

四

服術有節

術雖有六亦不過恩義二者流行節制于其間而已術者人人由其中而不能外能制縛得人心定故曰術也

從服有六節

曰從服不由已而由人從人而服也爲親而服其黨曰屬從以恩制也非親屬而服其黨曰徒從以義起也本有服而勢有所拘情有所厭則又從無服本無服而或勢無所拘情得自盡則又從有服服本應重

而或宜于輕則從輕此有所嫌而屈也服本應輕而或宜于重則從重此無所嫌而伸也

### 自仁率親節

此節全以祖爲主率字與至字相呼應不可讀斷祖該始高曾祖而言親與祖如何可輕重但從下推上去必由禰而祖而曾而高從上說下來必有高有曾有祖有禰故曰輕曰重耳所謂一輕一重其義然也親親尊祖總是仁但人各親其親或不知親之所自出漸加輕去了故以義斷之曰重要人必尊祖如親

禮記新義

卷之十六

五

### 君有合族二節

此二節不開正起別子爲祖三句蓋君可以合族人族人不得以其戚戚君此必以別子爲祖庶子不祭庶子不得爲長子三年此必以繼別爲宗繼禰爲小宗也

### 別子爲祖節

繼禰者爲小宗一句該四小宗在內故下不承言繼

禰而承言繼高祖凡繼高曾祖之宗未有不從繼禰始者尊祖在廟上見敬宗在服上見尊始祖故敬大宗而百世宗之雖五世外猶爲之服齊衰三月尊高祖故敬小宗而五世宗之在五世之內各以本親之服服之然始祖以廟言而高祖又以服言且人大不得立五廟則高祖原無廟也新裁云敬有服其教訓聽其聯屬不敢有二心之意尊有使之血脉流貫體統常立之意義者尊敬之心秩然而毋敢違也

### 有小宗節

禮記新義

卷之十六

六

此宗乃一時統領之事非如上節繼祖之宗也徐註看小宗大宗與前一樣謂公子之子未及五世猶爲小宗而公子之身已自別於正體不敢宗其君是有小宗而無大宗也公子五世後雖爲大宗之祖而今尚無繼禰之子是有大宗而無小宗也無大宗是謂有無宗無小宗是人亦莫之宗似亦有理但據此有是一公子之身而反覆言之卽此是無大宗又卽此是無小宗終覺分疏不明且無宗句更覺糊塗細玩下節適庶二字明明可據還從舊說爲是

公子有宗節

上節但以其統領之事言此則言其爲宗道所寓所謂宗道卽繼祖之宗道蓋公子初出無子孫則宗道不可見而卽于其統領之宗見之此節只又剔出宗道二字不重申有大宗而無小宗句諸說紛紛不可從徐註公子之公謂公孫也更詳之

絕族無移節

疑問云絕族句恐不若註所云蓋六世親屬竭矣然或有喪葬必祖免以相恤是其服終有不可移者何禮記新義

也繫之以姓

云

弗殊親者自屬而不敢散也如此

解可應前同姓從宗合族屬及後親親故尊祖尊祖故敬宗敬宗故收族等語若註所云恐教親者之爲疏也覺有理

自仁率親節

重社稷重字乃謹重之謂有固守意恐非重社稷之禮之意徐註云百姓卽是庶民愛者上之加愛安則下之自安也極是疑問云百姓志成還主在上者言易曰天地交而萬物通也上下交而其志同也材成輔

相以左右民爲人君者煞有許大志願而未可輕議

唯至民安而用阜則制禮作樂以開萬世太平事皆

可爲而其志俱可自得矣是謂百姓志成故禮俗刑然

後樂也舊非心邪念不萌之說原甚無謂此說亦有

理又云禮俗刑刑字卽儀刑刑字言風俗易而自相

儀刑也甚妙自親親至愛百姓通是工夫此可以見

君德之光顯自刑罰中至禮俗刑通是效驗此可見

人心之承奉禮俗刑然後樂則君之樂乃爲民而樂

自不爲人所厭敦矣○化行俗美便自可樂不必說

禮記新義

卷之十六

八

到協氣嘉生薰爲太和新哉云專重人道上唯其爲

人道所以其道在親親下皆親親所以致之理不是

效禮俗刑皆隆仁義之道以厚親而相習成風也然

後樂樂本君來蓋親親君心之樂也人亦各親其親

至于樂則生生則惡可已而手舞足蹈于不自知仁

愛義敬之念渾融於吾親此方是真樂

少儀第十七

少猶小也非幼少之少以其記相見及薦羞之小威

儀故稱少儀而列于學記之前亦先小學而後大學



之意也

聞始見節

固再也凡請見不許而再請之然後加固字以致懇切之意今始見而卽曰固正以君子之尊而不敢循請見之常例也不曰願而曰固願不曰見而曰聞名不曰主人而曰將命皆委曲以致其誠者不得階主舊謂記者斷之之詞新定邵氏曰階猶階梯之階主猶觀近臣以其所爲主之主求見君子者辭曰某固願聞名于將命者恐不得將命者導達爲之階主耳

禮記新義

卷之十六

九

夷之因徐辟而求見孟子是此意亦解得好罕見二句緊接上來蓋敵者雖曰願見而有時疎濶亦曰聞名不嫌其與見君子之辭同也見君子雖曰聞名而武者亟見亦曰朝夕不嫌其與見敵者之辭同也朝夕正對上聞名看此又以疏數分也說者曰于君子則曰朝夕聞命于將命者于敵者則曰朝夕見于將命者夫旣曰朝夕名豈至此後聞乃以朝暮相見之人而一則曰聞名再則曰聞名有此理乎此二句對上文稍爲變例故記者另舉言之耳

適有喪者節

疑問云易曰比輔也適有喪者曰比謙言比輔其執事者耳恐不作比于將命解

受立節

疑問云授受必坐禮也徑情直行者直立相授受而不坐故曰性之直者則有之矣若註云立爲委曲坐爲直情吾所不敢信也極妙

問品味曰節

習以始之用功言善以終之成功言

禮記新義

卷之十六

十

不疑在躬節

疑問云愚解不疑二句曰凡性分職分所當爲者在躬者也直任之而不疑度量權衡及他器械民生所必資者是民械也悉從上之制作而不度高明以爲是否又按此篇有衣服在躬而不知其名爲罔世在躬卽衣服之在躬者耶併問之高明

不貳問節

耆龜神物也問必以正曷敢以不正者再問耶此云不貳只是可一而不可再非謂正者不吉乃更以不

正者再問也易曰初筮告再三瀆瀆則不告言曰不習吉不貳問之謂也徐註云將問之時必先自謀于心者吾所問者果義之當爲者與抑私志之所欲爲者與苟出於義則可問出于志則不可問言不當以非義而問也未知是否

執君之乘車節

作五項看通是君未升車時事

請見不請節

詩云退食自公語曰咏而歸孟子曰悅而罷三軍之

禮記新義

卷之十六

士

師朝廷燕游師役其辭自合如此

侍坐於節

上章言請見不請退此言亦有當請退之時也

事君者節

量而後入二句一正一反甚言其不可不量也無怨遠罪只就入者言而不入者不待言矣范增之于項羽賈誼之于漢文皆不量而後入者也

不窺密節

疑問云旁近也狎侮之人狎侮之地皆不可旁近之

摘訓曰旁泛及也泛濫與人狎習雖不可狎者亦與之狎矣二說俱可疑問又曰不道故傳包得廣論疏故舊之非固非君子之道卽有恩德及彼而見諸語言亦非長厚者所爲也極是

母拔來節

疑問云拔抽起報火速也凡人除急趨君父之命外苟有來往皆當從容抽身卽來火速卽往非有道之氣象也故戒以母拔母報今人報曰飛報卽此義也

不必讀報爲赴亦一見

禮記新義

卷之十六

士依於德節

依于德與據于德不同彼以行禮而有得者言此以人之所得于天者言

言語之美節

此章略與周禮保氏六儀同然缺其三而增其一亦只泛言便了

問國君節

國君以保社稷爲孝國君之子只曰能從謂從君而行也

婦人吉事節

肅拜今婦人拜也手拜則手至地而頭在手上今男子拜也

執虛如節

執虛猶如執盈況有物之器而敢忽乎入虛猶如有人況于有人之室而敢怠乎君子推執器之道以任事推入室之道以遇事其無所失矣

凡祭於室節

祭與燕非兩平意燕則有之正以明祭之無跣也燕

禮記新義

卷之十六

三

卽祭畢之燕○天子諸侯灌及饋熟上大夫陰厭及祭下大夫士二厭及燕尸皆于室中天子諸侯朝事坐尸上大夫擯尸皆于堂上

犬則執節

犬有三種守禦宅舍曰守犬田獵所用曰田犬庖厨所烹曰食犬犬名若韓盧宋鵠之類

客爵居左節

左爲天道所尊右爲地道所尚介以輔賓而亦居右者寧居介于主人之列而不敢使與賓齊也可見鄉

飲所尊唯賓雖介不敢與之並而主可知侯又可知贊幣自左節

重詔辭上幣特形之耳人君威命靈爽醴服天下俱在詔辭由右者右乃動作之方明震動天下之義也飲酒者節

觀醴醢有折俎不坐則知大事而折俎小事而無折俎則可坐矣未步爵不嘗庶饌則知正羞脯醢飲酒之前得嘗之矣

衣服在躬節

禮記新義

卷之十六

四

衣服在躬其義不在衣服而在躬矣在躬之義且不  
知尚安得爲有知乎在躬何義體乾健坤順之德也  
罔言其虛生于人世也

禮記新義卷之十六 終

禮記新義卷之十七

父中立湯三才命意 男平子湯道衡撰述

學記第十八

君子如欲節

由學由立學以教民也舍下立之學以爲化民之地酌之時以爲化民之方士有小成人成之材而民臻近悅遠來之效方包得完全然畢竟要由君身自明其明德而後設學以教民纔是有本之教

雖有姑看節

禮記新義

卷之十七

一

上言王者興學此則勉人爲學也教學二句只當一學字就一人看時說皆以知不足知困爲學之由自反自強爲學之功不知本文明曰學然後知不足教然後知困矣豈更待自反自強時方是用功耶妙在兩箇知字是因學而愈見學之不可以已也自反自強乃正見相長處相長謂皆有長益不是人已相長之謂

古之教者節

小成大成俱是大學中事視卽考校也疑問云離經

辨志等句雖各分截而實相聯屬蓋經卽是業業而不舍卽是習習而不已卽是學非二也曰離曰敬曰博曰論隨其所事而序言之耳志辨方知趣味而樂羣樂羣方親明師而就正又取良友以廣益亦非二也云亦隨其所進而序言之耳又曰辨志者辨于已也離經而辨則所辨不淆樂羣者羣于人也敬業而羣則所樂非僻親師是定所宗惟博習道藝所宗必得其人取友是須以成唯論議學問所取可收其益此四字爲句通是學極說得暢快

禮記新義

卷之十七

二

夫然後節

有教有學便是化民又何待官使那大成之士玩前面如欲字其必字及這然後足以字通是難詞總見得化民之難正以見學之爲要也若說快了便失記者之意矣

大學始教節

道人所同具唯先聖先師體道以立極故始教必先致敬焉新裁云學道之益全在一點敬心看得這道重便知他其中義理深遠自然用心研磨纔有實得

意趣後面學之成就皆從此點念頭造詣將去所以將此事做入學第一件

宵雅肄節

朱子曰聖人教人合下便要他用既要用須教學鹿鳴四牡皇皇者華乃爲稱職故令肄小雅三詩乃官其始若曰以居官受任之美誘喻其初志便非教者之意

入學鼓節

孫從鼓字來業從篋字來孫如有所不及也

禮記新義

卷之十七

三

未卜禘節

觀字所包極廣凡文章典籍皆是據愚見此觀字與後相觀而善觀字一樣卽孔子所謂吾無行而不與二三子者予欲無言是也未知可否學不躐等舊都謂幼者未必能問雖問亦未必知若然則列此等于學官何爲設有穎悟者處其中能禁不知乎蓋一問則辦復往來便有與師互持之意此唯成人纔可若在幼者則開其躁妄之心啓其速成之意踰躐漸次有不可勝言者故禁之曰大倫便見不可以不先矣

下二先字正與大字相應引記言只重一個先字不

復拘定本意其實所事所志不外此大倫他日在官則設施諸事所謂先事者先此也當今未仕則蘊蓄于志所謂先志者先此也此通是責成教者見不可不以是爲先也舊云先事者所以新民先志者所以明德恐不切且以各節上半截爲官之事下半截爲士之志益無此理

大學之教節

時教二句語對而意不對當一直說下而以下句爲

禮記新義

卷之十七

四

主蓋正業是人所定然習者居之時恐其以燕獨置心於荒疎必使其心用在學上恐其心太死了故以遊之意活其機括游者使心機活動萬理融通也要看不興其統二句興者意趣鼓舞于操縵等學悅而時習之也正業之精功力全在興統的興字中得來通節只重立教說唯教者備其法故學者密其功玩大文故字便見

安與樂皆學之自得

處安斯樂樂益安故下文緊承安其學而親其師樂

其友而信其道要之非二事也

藏息實字以

地言修遊活字以功言宜串重遊息邊

夫然節

凡藏之所脩息之所遊皆學之所貫師之所傳友之所助道之所在也故云摘訓單承正業不是

今之教者節

禮記新義

卷之十七

五

舊以伸其佔畢三句應時教進而不顧其安三句應退息無此理使人使之爲學也求之也佛舊在學者身上說于文氣不似

大學之法節

凡善爲教者欲保完真純必先豫過情實乘其未發而禁止之故必要豫可以教而不教便不當其可故必要時時是不後之意未可以教而教便凌節而施故必要孫孫是不先之意摩屬教者謂摩礪之也

君子既節

喻字下得極好喻有不言自契意凡教貴喻以不言不專在論說上下文曰罕譬而喻曰博喻通是此箇喻字和易思恐不照扞格勤苦雜施說

學者節

知之知其失也知其心比知之進一步心之莫同正是根本差失知心之失而救之便是拔去病根其餘便易教訓便易長進多由其心之誇多闕靡寡由其心之不務格致易由其心之輕事用罔止由其畏難苟安救失正所以長善非兩項事

禮記新義

卷之十七

六

善歌者節

使字着力全是教者使人如此繼非繼續乃脗合無間之意約微罕譬教者之不盡言也達臧喻正志之所在而可以使學者之自得也卽孟子所謂引而不發躍如也朱子曰繼聲繼志皆所謂微發其端而不竟其說使人有所玩索而自得之也愚謂此意直待約而達三句方可見

君子知至節

師能因材造就便能長養萬民便能君理天下不過

只是一理爲君者只要學得此理何可不就明此理之人學之若不得其人則其人先憤憤此理未得而何以學爲君故不可以不慎擇摘訓以學爲君乃學習爲君的一般則天下之爲師者都要思量做皇帝有此理乎

### 凡學之道節

摘訓云玩一凡字不獨爲君者然然據本節以敬學屬民則以嚴師屬君亦不妨

### 善學者節

禮記新義

卷之十七

七

易字節目字解字俱在堅木上影出善問正意大抵易處既明則難處自漸漸通曉若以難者先之自然動見抵牾了如撞鍾如所撞之鍾也待其從容二句卽在大鳴小鳴內蓋隨其大小從容以盡俱有優游不迫之妙非一鳴輒無餘響者故曰待其云非又另是一意也時說俱謂小鳴大鳴雖有聲矣然猶未盡必待從容再擊然後盡其聲欠分曉

### 記問之學節

聽學者所問之語必自家心領神會到融化貫通處

乃能隨所聽而善應之與記問之學正相反力不能問力字要細玩學者有疑思問至于力不能問可爲深于思矣此與憤悱之教同若語之而不知是強聒也雖舍之亦可舍之云者姑舍以俟其求然後教之進于知非謂其終不可入德也搜義云力不能問以下是聽語的活法亦妙

### 良冶之子節

弓冶之子尙學爲箕裘况號爲儒者乎馬子猶反駕而使馴習而况于人乎此惕人之志于學最警切

禮記新義

卷之十七

八

### 古之學者節

新裁云此節要看無當二字謂取來比方的物與我所欲明之理本無專主然天下精微之理散見于事物之中者甚賾雜而不可紀唯得旁引曲證引伸屬類之方則物物皆明理之資况以專主此理之一物以明一理反泥而不通唯盡類而窮究之則趣博機活其間精髓微義自有相通之處而理不患不明矣此君子明道第一要法一說比物醜類如知五聲于鼓五色于水必得之而後和與明則知五官于學五

服于師必得之而後治與親亦可或以比物作格致窮理屬學醜類作羣其同類屬師不可從

禮記新義卷之十七 終

禮記新義卷之十八

父中立湯三才命意 男平子湯道衡撰述

樂記第十九

凡音之起由人心節

人知音聲之爲樂而不知音之所自起故首提凡音之起由人心生也句示世之聞樂者必究樂之所自來不徒泥聲音之末世之作樂者必善樂之所自始不徒事聲容之盛已也新裁云人心靜涵樂之本動該樂之全從感物後想到那未感之前喜怒哀樂無禮記新義 卷之十八 一

着時有多少妙境看得這裡透徹便知天地間中聲源頭曰由心生還從這裏生起物使之然物字該得廣世道之盛衰政治之得失百凡事體之順逆凡有感于外而觸于中者皆是變有無窮之變方則有一定之體動聲應一時事俱是自然而然者以下着人力矣比音貫下聲容比者聯合詩章于樂之謂也

樂者音之所由生也節

此節雖承上文來却不重在樂與音上只要引起人心之感于物耳其本不就音說乃樂之本也本是根



本非始初意哀心十二句先說了箇人心末二句方說感于物六感字作動字看六以字宜聯說言不徒感而又殺也下倣此哀則氣鬱故渴而無澤氣飲故減而不隆樂則辭氣發揚故闢而無餘辭氣從容故緩而不迫喜則冀其方來故生而不窮其得意故施而無積怒則氣不平故高急氣不和故猛暴敬則主一無適故徑遂不阿是非不掩其實其聲聲感故剖決不混可否各歸其分愛則與物無藏故和平無乖戾之語不拂人情故柔順無亢厲之言六者二句

禮記新義

卷之十八

二

與其本句相應講六者即指哀樂喜怒愛敬人生而靜天之性也一着喜怒哀樂便非性矣感于物之心感也即感于得所欲喪所欲等而后動心之動也即哀心感樂心感等感字

### 是故先王慎所二節

是故二字只承感物而動說與樂音聲俱無干了道志和聲一行防姦即感也禮樂刑政即慎也民心治道相蒙看同字出字俱指禮樂刑政感功處說所以猶言欲以也治道亦是禮樂刑政以后事人人得其

情之正卽是同民心在在風移俗易卽是出治之○一說其極一也不可歇徑直接到所以同民心句若在一處斷則是同民心又與慎感是兩事了且慎感在何處慎感正所以感人心之不同者而使之同也講謂志聲行奸皆民之心而先王設爲禮樂刑政之物者非有二道也所以同民心云民心看上節說見成有箇哀心等心字同者使其羣然皆喜樂愛敬之心而無有哀怒之心雜于其中這便是同治道看下節說謂治世之音從此以出而不至于政乖民困

禮記新義

卷之十八

三

便是出如此看庶章音融會且與樂音有關第七情均人所不免而必謂無哀怒雜之過矣但人人率其哀樂喜怒哀樂之真乃謂同耳○其極一也極字疑問作建極之極禮樂刑政治法也總歸皇極之建治本也甚妙

### 凡音者生人心節

上節只言政之感人未說到聲音與政相關切處故又從生人心說起到政上去以見慎感之道在慎其政也首五句輕此節音字俱指間巷謳歌之辭而言

感物而動分明是簡情了故直云情動于中治世亂世亡國俱指見成好及世界說政字虛通者以政事感通之非孚契之謂也

### 宮爲君章

首節五者不亂二句應治世之音宮亂則荒至比于慢應亂世之音桑間以下應亡國之音正中聲音之道與政通○首節言倫理之和通于五音是順說去次節言五音之亂本于倫理是逆推轉總反覆申明聲音之道與政通一說宮亂商亂正與五者不亂相禮記新義 卷之十八 四

反則荒則岐之類正與無估憑相反五者皆亂既爲五音五者不亂如何又爲倫理則荒則岐既爲五音外之衆音無估憑之音如何又爲五音此說亦可但一節題必就倫理講方有關切爲君爲臣非徒比擬之間實有貫通之妙

### 宮爲君節

新裁云宮音至濁有包聚衆音之意與君總攬萬化者相似故爲君象商音次濁象臣之事機畧減于君而位次少降于君然故爲臣象角清濁半象民有作

事用物之責而聽君臣之役使居尊卑之中民象也徵音次清象事理之各有緒而不甚相混然故有事象羽音至清象物之各成其質而彼此毫不相妨然故爲物象如此說與通倫理上亦有血脉

### 宮亂則荒節

皆亂總宮亂羽亂而言迭相陵總則荒則危而言謂之慢總君驕財置而言事勤者卑力而不勝之謂也

### 鄭衛之音節

此節前代之音以駭亂亡之事也慢字承上謂之慢

禮記新義

卷之十八

五

而言桑間疑卽衛風桑中之篇世族在位相竊妻妾者也濮水名在衛地濮上紂靡靡之樂也史記衛靈公適音舍濮上夜聞琴聲召師涓聽而寫之至晉命涓爲平公奏之師曠曰此師延靡靡之樂也武王伐紂師延投濮水死故聞此聲者必于濮水之上也

### 凡音者生於人心節

只重惟君子爲能知樂句脩治幾禮皆知樂之妙也看來只是倫理政治卽是倫理禮又統此倫理者倫理通于樂而脩治而幾禮一以貫之矣聲音樂政俱

就好邊說若兼美惡便于幾字得字說不去德者得也雖是釋德之名義然最難體認疑問云深造自得不由強探力索甚妙○匏巴鼓瑟潛魚出聽伯牙鼓琴六馬仰沐此禽獸之知聲者也魏文侯好鄭衛之音齊宣王好世俗之樂此衆庶之知音者也孔子在齊之所聞季札聘魯之所觀此君子之知樂者也

### 是故樂之隆節

舊說移易報反等語固爲添足而遺音遺味徑作不極音致味細玩語意却大直率看來舊註不盡二字

禮記新義

卷之十八

六

自不可少不極音致味可見非極口腹耳目之欲者而遺音遺味時留不盡以示民卽此是教民而民于是盡黜其可艷嗜欲悉返于玄同好惡有不平乎好惡平則無悖逆詐僞之心淫佚作亂之事人道得其正矣好惡平卽人道正有底于節遊于和意人道當照下大亂之道看人性中原無紛華故冲雅淡泊而以質素爲好者是人道之正唯正性爲世情所汨沒則聲希味淡之本體失而好華惡質好文惡素人道無由得復平者適得其恰當之則而本來之真性自

反也總之音味淡素便自有箇平的意況在了

### 人生而靜天之性也二節

二節只重一箇好惡因好惡便先說好惡原頭形焉以下皆好惡無節之害也人道之正從何處見得只把人生而靜併感物而動機括看來便見得入道的真本色性具于已實原于天之賦予故曰天之性情動于欲實根于性之流行故曰性之欲性之欲只當個情字看不可說壞物至二句言性發爲情之機不可作推原看靜爲性性動爲情情動爲好惡三項一

禮記新義

卷之十八

七

直說下知誘于外比無節于內進一步不能反躬又比無節于內進一步下人之好惡無節俱包在內天理滅正與天之性也相應言情之所以流而性之所以失也滅天理在先是人去滅天理滅在後是自滅後面正申說前面也見得天理幾何能當此無窮之物感至于理滅欲窮而處心作事何所不至徑說下○人化物裒言作人之應物者失其虛靈則亦化爲頑冥無知之物甚是疑問作違禽獸不遠再訂是故先王之制節

人情不外于好惡節字正與無節字相應人爲之節見人不能自爲之節而先王爲之節意禮節樂和不必另說卽在上文看出禮樂刑政王道也皆因人情爲之至于四達不悖則人情治矣人情治則王道渾全尚何有悖詐之心淫亂之事哉此因治功之成而言治道之備也四達謂達于四方也就在上說不悖就在下說惟四達故不悖

### 樂者爲同禮節

同異屬先王說卽治民處親敬屬民身說卽民治行禮記新義

卷之十八

八

處流離只是任情而過用之合者于相敬中恩意乎飾者于相親中節文辨也講合情二句當渾攬禮樂說惟分之則偏勝而弊生合之則交脩而益大乃禮樂本等職分能幹自如此禮義立方是實用禮以救樂義只是箇序曰立便有不流意樂文同方是實用樂以救禮文只是箇和曰同便有不離意亦就上人立禮樂之教說好惡刑爵之始刑爵好惡之終賢卽用禮樂者不肖卽不能用禮樂而流離者仁義是吾心固有之德見于行禮作樂間者如禮樂中有一段

慈和意思便是仁有一段方正意思便是義乃自心之用處說也此皆上之人用仁義以愛正斯民使民皆以仁義自相愛正好惡在禮樂之后仁義在禮樂之先新裁云緊要在仁愛義正把禮樂直歸到愛敬良心上方真切搜剔得流離的病根着不曰治民曰民治者見此親敬之道原斯民自然之治至此而無不行耳

### 樂由中出禮節

積中發外曰出樂言出和主于情之所感也創制立法曰作禮言作序見于貌之所修也究竟禮樂不可

禮記新義

九

分內外記者但就所出所作言耳禮樂無大無小無不貫徹然究其大體不在聲容節目間故曰大樂大禮非極音非致味便見其必易必簡樂至二句是順說下來揖讓二句是倒說上去揖讓而治天下只是無爲而治意不必指帝世說當與合情節貌者禮樂之事也一例看先泛言其理以起下文耳新裁云樂至禮至言聖人之用禮樂者體靜文之妙會易簡之精而時出之以和平品節天下則無怨不爭自見下

樂達禮行二段全重在天子身上天子不怒就是樂至天子如此就是禮至妙甚

### 大樂與天地同和節

上文必易必簡已涵有天地意思了未直說出此直指天地言之大樂同和不必拘拘成功效法之說而與樂者天地之和亦有辨此處和節就用處言也講謂天地之和陽之伸而爲神者也而大樂之和與之同禮倣此如此講方與下幽則有鬼神句有情祀天祭地對上百物不失看卽有上及太清下及太寧各

禮記新義

卷之十八

十

安其位意不特祀事之嚴已也一說對上作效言門天神格地祇出亦可明則二句只就上文和節意進過以起四海以下意以幽明並舉正見同和同節意在禮樂言和節在人心言愛敬其實一理也殊事二句由文說到情見文異而情不異禮樂之情同四句由情說到文見情本同卽文有異而無不同

### 故鐘鼓管磬節

前以愛敬爲禮樂之情而殊事異文則未之詳故此分罷與文言之蓋禮樂之所重重其情也而罷與文

由此情以作用自不可少故知得此情則可以創制

罷文而作識得此文則可以考文會情而述要見文與情非二物知禮樂之情合下併知之識禮樂之文亦因文以識其情矣俞楓江云禮樂之情自在也不知他原有這段發揚昭著的真意何能取其情而見之制作禮樂之文亦在也不識他原有這段不可磨滅之精神胡能取其文而見之著述知識作述明聖俱平看原不會有輕重末二句只申轉上明聖意正要歸到知識上夫以聖明之人當述作之任此愛敬禮記新義

禮記新義

卷之十八

士

之情因文有寄罷數之文緣情不虛其能配天地感人心職此故也

### 樂者天地之和也節

作者聖述者明總是能興禮樂之人然非知禮樂原頭不足以與于斯故直指此禮樂爲天地之和序以見興禮樂者必明于天地也首二句虛說未涉制作上且謾露效法意和故二句專言造化和序之妙樂由二句正言禮樂效法天地之事然皆在禮樂上說以下方實言聖人制作也亂與序相反暴與和相反

只就禮樂上見舊註誤爲禮樂之效驗了興禮樂只是效法意不必說到贊化育上○新裁云全重過制則亂二句從來不曾說和序不可過獨此處發之亦是制作緊要道理天地之和序自有正氣決不過的卽有時而過是其氣數之偶乖其理則不過也明乎此然後能興禮樂之中和

論倫無患樂之情節

明天地然後能興禮樂然未達禮樂之本如何明于天地故舉情官質制而詳言之情質二句言禮樂本

禮記新義

卷之十八

三

體自具和序也官制二句言人之用禮樂當先具和序之德也義禮無窮故足論清濁不紊故有倫疑問謂論卽官商角徵羽倫卽君臣民事物論與倫協而無患所謂五者不亂則無佔憑之音亦妙官者主宰之謂言必如是而後作樂論倫無患也制者檢制之謂言必如是而後行禮中正無邪也若夫以下輕只是以民之同形君之獨耳

王者功成作樂節

不襲處畧斷前後意義自相屬于戚四句輕帶過原

不會與韶樂古者相對亦不可作貶辭只是引起帝王耳樂極二句體亦如此功大樂備則樂原非極于聲容而用樂者極聲音之娛則憂矣治辨禮具則禮原非止于粗節而用禮者畧而不詳則偏矣及夫二字緊頂敦是篤厚和平作樂有節意極則不敦矣敦自然不憂粗則不備矣備自然不偏

天高地下萬物散節

近禮以上言效法所本從地以上言成功所合但只論其理未說到制作上應天二句應效法明備二句

禮記新義

卷之十八

三

應成功天高地下非天尊地卑之謂乃天氣上騰地氣下降不復相交意萬物散殊非各正性命之謂乃收歛閉藏而不復混意散殊本于高下只一箇自然的序禮主于序故曰禮行行是露端意乃行于高下散殊之間也合同本于不息只一箇自然的和樂主于和故曰樂興興有造始意乃興于周流合同之內也春作二句申合同秋歛二句申散殊仁近二句申禮行樂興仁義卽和序的別名亦只指其慈和肅殺之意以形容其理耳近字大段言其和序之理相通

處終有天人之別故曰近敦和別宜就成功說率神居鬼就配合說從天從地就贊助說應字不可露作長等語當爲天地官矣一句作地明謂情著于文自隱以達于顯備謂道寓于器由粗以及其精末二句只理會率神從天居鬼從地意講便明彼虛論理而此實言之也

天尊地卑君臣定矣節

首六句是先說天地後說禮中三句是先說禮後說天地下二句又將天地禮合說同是一意却有三樣

禮記新義

卷之十八

古

句法皆以天地爲主看定矣位矣殊矣三個矣字俱已然之辭須要說得自然君臣以人言貴賤以分言君與臣分貴賤而臣之中又有貴賤也動靜不必分貼大小只重有常意方乃綱常之道物卽綱常中的事總之秩序別宜之禮也如此通承一節禮者應君臣等句天地之別應尊卑等句效法意至此句方可露講謂禮莫大于君臣而是君臣之禮當天尊地卑時蚤已定于其間矣餘倣此可見聖人制作總是效法天地于天地有自然之別而禮卽在是禮豈聖人

私意爲之哉

地氣上齊節

如此以上只言天地之和通無樂在內至樂者方是聖人作樂意上下相生樂之升降也倡和相錯樂之摩盪也鼓舞周旋樂之雷霆風雨也終始清明樂之四時日月也百度萬舞百化流行之象也一說百化與焉是繫括合同而化而樂興焉之語而省文耳如此說方有着落更詳之新裁云聖人之聲容倣像其網緼摩蕩之機流行變化之意耳豈不是天地之和禮記新義

卷之十八

圭

看來聖人這許多制作的巧處都是天地間渾成的道理何曾強生一件出來可見天地造得成聖人的心機聖人造不得天地的玄機

化不時則不生節

一說天地之所以有和者以化不得其時則物不生天地之所以有別者以男女無辨則亂升天地之情如此故聖人本之以制禮樂也如此講更于情字有味

及夫禮樂之節

及夫二字承上節來上是反說此方是正說三句只是言禮樂之流行貫徹無處不到不必以禮樂逐分屬樂著二句緊頂此段來著不息二句緊頂樂著二句來一動二句又緊頂著不息二句來意甚聯緊天地陰陽等即大始成物等極蟠等即著居昭等是一步漸說深一步極詞形容禮樂流行盡天地妙用著有附麗安頓意居有安處意此只言相合未便是贊助也二著字是使不動不息之功昭然可見此正是贊助處天也地也天地之間也三也字相趕說天禮記新義

卷之十八

十六

地之間正指禮樂不言禮樂而曰天地之間者禮樂與天地渾融而無間也聖人曰禮樂云只是歸功于禮樂使人曉然知禮樂之爲重耳夫原其始則樂者天地之和也禮者天地之序也要其終則天地之別禮之靜也天地之和樂之動也天地與禮樂果非二物矣

昔者舜作五絃之琴節

此言禮樂之用主于賞德舜夔特借以起之耳五絃五音之絃也舜歌南風蓋藉天地長養之氣以吹噓

吾民舜既爲民而天下之民生唯諸侯治之故制爲賞樂之典天子二句正言樂之賞德德盛在教尊時熱以先一層出侯平日加意于勞來匡直者久用心于播植勸休者深所以能教尊時熱然後字正爲民慎重意逸非無德也但比勞者未盛耳

大章章之也節

通節俱以德字爲主所謂五帝殊時不相沿樂而名與功偕也于文德者直言其義于武功者則獨嘆之可爲達觀時變而善言聖人之心者矣咸池備矣備禮記新義

卷之十八

七

字即上文其功大者其樂備備字

天地之道節

樂本天地之和故法天地寒暑風雨以爲樂之教事教卽民之寒暑事卽民之風雨非比擬意只重時與節二字教字會下節著其教及后面廣樂成教教字看直有人君範世礪俗爲化成天下之道意方與本文傷世意關切及治字說得去不徒在聲音舞蹈之間已也時是適投其機不迫民以所未然事卽其間所設之條件也節是各當其能不強以所不堪然則



二字緊頂中二段來爲字處已寓德字在內德乃君心之和作樂之本民之所由觀化者但在善處方見法治就是善善就是君之德象德有二意始焉則而象之終則比象乎君矣

故酒食節

酒食三句不可平以禮終是廣禮之用著其教是廣樂之用俱比酒食進一步了善民心貫下二項

夫民有血氣節

疑問云因說樂可以善民心其感人深故從民之性

禮記新義

卷之十八

六

情應感處說起方及其所著之教非中篇首一条而此語却與篇首相照應說者俱以首二句爲性細玩無常字面已到情上了無常正與起物相趕說此心術不是本來之心乃隨教化世風轉移者故不曰心而曰心術曰術便有許多不同在內了論樂之所始則起于人心之所感而後發于聲音論樂之所成則即聲音之所發又可以知心之所感

嗶諧慢易節

康樂在民心上看本上人教化來每節皆有此意蓋

上之人教養兼舉而民皆囿于平康逸樂之中故其發于聲者如此

麤厲猛起節

以剛毅言怒亦怒所當怒者只少和平之意耳

寬裕肉好節

成動二字虛順和二字實

是故先王本之情性節

本是取音之發于情性得其正者做樂的根本未便到制作上度數宜是情性者禮義範是情性者稽之

禮記新義

卷之十八

九

制之正是作樂處合道皆着力字合者合而有助也道是引道也使字帶上無功夫四者交暢于無聲無形之中發形于有聲有容之表如此方說得到皆安其位去四暢二句須知是天人各發各暢非天與人又交發交暢也此總說天人中外的和都來湊聚于樂以見合道實驗耳厚即彞倫在人性爲固有之德者本厚也事行即彞倫事理見諸躬行者形見句還宜兩承舊說如此細看頗覺皮離而驗和一轉尤不通之甚夫未知其和與不和故用驗乃樂法造化而

通倫理則天人之和自然充徹無間了豈必待如何如何驗之而後見其和也如必驗而後和則本來樂于何作且既曰驗之亦第就其見成處驗之而已如何曰合曰道又曰使之其曰推以教民亦牽強後而廣樂成教乃即于志和行成後作樂以成之耳非謂樂既作了且須驗之乃推以及民也今且觀學等事總不外樂中條件如何又當作樂後推以教民也愚意此節以本之情性三句爲主合生氣至不相奪所謂本之情性也然後以下正是作樂所謂稽度數制

禮記新義

卷之十八

三

禮義也繩德厚象事行只言此樂之通倫理者耳疑問有此意而不免躋牆講謂先王作樂不遽作也有本焉則惟是情性之得中者是而由是稽度數制禮義則樂作矣所謂本情性者何使情性不得其中不可爲本故先王于未作樂之先合生氣之和道五常之行以使陰陽剛柔情性之在人者皆不散不密不怒不悒暢交于中發作于外各得其位不相凌奪則情性各適可以爲本矣故聖人本之以作樂立學等

云

以繩德厚律小大

云

以象事行使親疏貴賤

云于樂度數禮義稽之制之可謂精矣樂之所觀豈淺鮮哉○合生氣數句句句都貼情性講不必說到天地上

土敝則草木不長節

哀而不莊四句舊分貼禮樂看來通章都是說樂則禮字只帶在其中疑問謂樂以象德全由禮以綴淫始禮惡而樂淫而字宜味哀而不莊六句通根其聲來是樂之淫處極融會

凡姦聲感人節

禮記新義

卷之十八

三

此節承上起下之辭應字要看有無感不通意此時由寂而感已涉內外之交了興字有作驗其和者謂正聲卽是和樂至此而驗其和耳玩本文一直說下此又費一轉了且與各歸其分句不合大凡天地間聲與氣自相感通豈必聲就是樂要識得此聲字還在樂之先興則樂自此作矣承上文只可意會如鑿鑿以哀不莊樂不安爲姦聲稽度數制禮義爲正聲下文樂興如何說得去曰倡曰和而又曰有應者只言其機之莫過符之不爽以見倡和之妙耳萬物之

理句說者俱作天地生成之物如此于理字不切觀  
上文親疏貴賤之理理字下文以著萬物之理理字  
原非有二類相動如君聞宮音則爲君之理自此感  
動了云后面足以感動人之善心其一証也曰動  
又不特形見而已蓋聖人作樂始原本于倫理及樂  
之成而萬物之理都各以類相動亦自然之理也  
是故君子反情節

承上言樂動于類故君子作樂必脩身以爲之本疑  
問云情者性之欲也欲無涯志亦無涯故常苦而不  
禮記新義 卷之十八 三

自得將此情收約將來而不窮其欲則此志常自適  
而無不和故曰反情以和其志萬物之理各以類相  
動君子欲善其行須是比方其類使向善而背惡然  
後其行爲可成故曰比類以成其行以字有力不可  
認註則字作效驗新裁云當重反情句反者復未發  
已發時氣象也比類尚在後一步各一見姦聲以下  
雖是共言反情比類之事却是顯言比類而暗言反  
情使字總項上文來有工夫順正行義使吾心渾化  
于和順乃以和其志吾行悉底于粹美乃以成其行

也

### 然後發以聲音節

聖人極至之德照耀于天下者于此聲容發越出外  
曰奮天地和順之氣流行于四時者于此聲容鼓盪  
出來曰動萬物之理一說作生成看著卽前章著不  
息之著如此又與動氣犯重了四箇象字只是相似  
不可作法象看色風雖借以代音聲字然却是配定  
天然的五聲配五行之色者也文采雜比幾于亂然  
其配一定何亂之有八音配八卦之風者也律呂參  
禮記新義 卷之十八 三

伍幾于姦然其從以時何奸之有律呂之數具乎百  
物之度者也其數至煩幾于變然損益有定何無常  
之有倡和二句總上二句音律之作有倡和音律之  
體有清濁而清與濁又各主倡和之妙樂行有周流  
貫徹意本德盛而樂和來倫清乃樂之感化處天下  
皆寧卽在上句內蓋天下安危係風俗也○五色角  
配青徵配赤宮配黃商配白羽配黑八風八方之風  
律是十二月之律東北曰條匏配之卦屬艮從大呂  
大簇東曰明庶竹配之卦屬震從夾鍾東南曰清明

木配之卦屬巽從姑洗中呂南曰景緣配之卦屬離  
從蕤賓西南曰涼土配之卦屬坤從林鍾夷則西曰  
間闔金配之卦屬兌從南呂西北曰不周石配之卦  
屬乾從無射應鍾北曰廣莫革配之卦屬坎從黃鍾  
度謂律度數者宮聲八十一商聲七十二角聲六十  
四徵聲五十四羽聲四十八蕤賓至應鍾爲清黃鍾  
至中呂爲濁

故曰樂者節

謂樂爲樂只要提出樂字爲下四個樂字張本非是

禮記新義

卷之十八

音

樂本于樂也得道在樂也之前以道制欲又情在樂  
也之後不亂不樂比得道得欲之樂雖進了一步然  
正見樂道樂欲處俱就樂講作樂意在言外

是故君子反情節

反情句結前反情一節廣樂句結前聲音至迭相爲  
經段廣非推廣之廣成教猶立教之謂樂行句結故  
樂行數句可以觀德又打轉行成之德而言言反情  
而遺比類者內可以該外也此節只重觀德意餘俱  
在上文內了蓋樂者德之章卽化之神知德之感也

德者性之端也節

此節反覆言樂之必本于德也曰樂者德之華正見  
非僞爲之華德卽性何以下個端字性統于中不可  
見德則有可舉言者若端之可以拈起耳自其呈露  
處則曰端自其敷實處則曰華本于心正與德字相  
應樂有情則有文有氣則有化舊註以氣化作大地  
不是夫樂行而民向方非樂之化乎和順二句承上  
帶下樂者德之華樂可爲僞德亦可以爲僞乎哉

樂者心之動也節

禮記新義

卷之十八

音

此節人皆重動本而輕治飾非也彼只見上節如此  
云不知古人立言一節自有一節主意豈可膠柱  
鼓瑟但看上節情深等語原是重在樂上此節下半  
全講治飾如何可爲一側愚見固以動本爲主而治  
飾亦不可輕謂生民之道亦多端矣而治已淑人莫  
善于樂者蓋樂者心以動之聲以象之而又下節奏  
以飾之者也夫樂必有本有文如此故君子于樂之  
未作也和其心以動作樂之本心之既動也和其聲  
以樂作樂之象動本矣樂象矣而飾之不治聖心之

和亦只在身心間而無益于民故必治其節焉先鼓  
以下正治飾之事動樂二字自君子心上發出不費  
力治則外面著實去治矣故下然後二字先鼓二句  
是一節之始而聲容有所警也再始二句是二節之  
時而聲容有所節也舞容本自奮疾樂理本自幽深  
作止有常是不拔倫理形見是不隱唯不拔不隱乃  
樂舞之善也以下皆樂舞之善所致獨樂以爲已言  
不厭卽在獨樂內備舉以爲人言不私卽在備舉內  
情見二句承獨樂邊好善二句承備舉邊情卽上文

禮記新義

卷之十八

五

情深情字蓋所謂情之深者以文之明而著見也義  
如前章大章卽有章之義云由其發見可以知其  
其精義也舊註只因下句有個終字故添出一箇始  
字與之對而說者又以情爲反情和志之情義爲順  
正行義之義何等牽強終作樂之終也不可露化反  
字恐于下二句有碍樂終如何便德尊蓋樂者德之  
華德原無尚今既闢發于樂則無所壅遏底滯而益  
見其尊義立德尊內足以成已好善聽過外足以成  
物生民之道孰大于是不可因生民字只重成物邊

樂也者施也節

通篇論禮樂俱是樂內而禮外至此以施局樂從其  
向外處言也以報屬禮從其向內者言也施報字只  
借以見其發達收斂處而舊註乃以詔武人物字入  
講不通樂樂其自生之和禮反其自始之體唯樂其  
自生則德見于樂故曰章德卽可以觀德意唯反其  
自始則情復其初故曰量情反始報情猶言稱情也  
稱情而爲之初心藉以復還所謂反始也

樂也者情之不可變節

禮記新義

卷之十八

五

曰樂曰禮亦自有聲音儀節在內就聲容節文看不  
免有變易其間而唯情理則自有不可變易者所謂  
情理安在不過和序而已統同濟異又是和序之出  
爲用者舊註謂發于聲音之不可變易者之節文之不  
可易不是而于統同處解伏能思初安能維始則其  
上情字且就樂說如論倫無患樂之情也的情字不  
要說到人情上于下管情有碍說意義也管字就統  
字辨字見出亦有交濟之意

窮本知變樂節

窮本等正是管人情非下一層上說不可變其何  
云知變人心感物而動本極其變唯極其變者未嘗  
改移故曰情之不可變耳窮本比知變爲重窮之知  
之重反異歸同意著誠去偽宜按上理字講即其自  
然處曰情其常然處曰經非謂性無所強經則有所  
作爲也天地五句要言謂本造化而統人倫大人倫  
即是人情看來上四句作本體之妙本句即實作管  
人情更好領字即上管字蓋父子君臣乃人情之大  
者也天地有細縕散殊之情情不可見禮樂若負之  
禮記新義 卷之十八 三

而出故曰傾天地之仁義神明之德也仁近樂義近  
禮則有以通達之天地之躋降上下之神也居鬼從  
地率神從天則有以降興之精粗之體異矣然形上  
者即寓形下之中合一無間則天地間無復渙散之  
物理禮樂之本體如此而人情有不啻者哉試觀父  
子君臣間情之周也而同無不統分之定也而異無  
不辨未有不統領于禮樂中者禮樂之管人情如此  
是故大人舉禮樂節

舉禮樂者舉所傾所達所降興凝領者悉體于身心

顯設于政治也天地爲昭即得一以清得一以寧自  
爲覆育生成而不可揜也將字爲字俱屬自然看天  
地訴合便是陰陽相得宜申說夫以二氣則氤氲以  
百物則化醇問之萬物萬物不知問之天地天地不  
有則樂之敦和以參贊其間耳觀樂則禮可知矣  
樂者非謂黃鍾節

論禮樂至天地爲昭極矣然恐世儒不察率求之聲  
容罷數之末也故舉而歸之德行焉上下以位言先  
後以序言此在北面與後尸後主人處已見了德成

禮記新義

卷之十八

三

四句只借上下先後字而以明其輕重之別耳不必  
又頂童子樂師纏說大槩德與行非二物自蘊于中  
者爲德見于外者爲行事與執亦無兩樣自所習者  
爲執自所行則又爲事是故先王以下情說謂本本  
具舉道罷不遺玩通節文氣跌下只要歸重德與行  
上觀其不日有德有藝云而曰有上有下有先有  
後正見必順此輕重之序方可以有制耳不然而輕  
重不明以人君而代掌故之司身先達倍何以稱制  
講要識得此意

魏文侯問於子夏曰節

和正以廣是三項却只有兩層意言和正而又廣也看來此一句已足以盡樂之形容矣茲弛以下只寫得箇和正以廣處講者當以意會之不必泥定此句爲聲對上旅進旅退之舞也君子二句正是子夏撥轉文侯處若作樂自足以感人如此文侯當日不至恐卧了脩齊均平四字無先後當三平看要曉下是語處不必拘定樂終只言作樂的時節而語之道之云耳卽后節樂終的終字亦非終盡之終謂新樂無禮記新義 卷之十八 三

有意味畢竟無可語者也

今君之所問者節

天地順四句作六項平說倫理不同恩義盡之言父子則主恩者可該言君臣則主義者可該二端既立則倫皆可理之故足爲紀皆可統之故足爲綱紀綱是箇活套字猶言規矩準繩一般若泥作三綱六紀誤矣六律五聲是樂器之音弦歌詩頌謂以弦與歌而播詩頌也乃人聲之音德音承大當大定兩項來是贊美之詞德音便是樂了乃復云德音之謂樂者

見得此等德音方叫做古樂正與今音不同與首夫樂者樂字相呼應引皇矣之詩甚是有理言王季明類俾順之德可以爲父子君臣之宗可以爲紀綱倫理之則而德音由之而起則聖人之德音由紀綱大定而後作也不可徵哉時講云引詩文意不相協只取以證德音者非是

詩云肅雝和鳴節

和敬俱主倫理講官商角徵羽不相奪倫實倫理之截然不亂者所形容清濁高下迭相倡和實倫理之

禮記新義

卷之十八

三

純然罔間者所播越夫敬以和和有和敬相濟意如是雖先祖之幽亦既聽之又何事之不行哉事字指得廣

爲人上者節

中四句是泛言感應之機臣民不同君上一也好行不同從爲一也意念所向處曰好舉動所由處曰行然後聖人作爲軌節

然後字實承上節却要根大當大定來德音只就實素上見正樂之和敬由此托始處二之字俱指德音

和之舞之正見樂後乎文意此所以四句俱宗廟中  
事朝廷字不必下

### 鐘聲鏗鏘以立五節

各上句是聲下則皆其所寓之義說者謂鐘石竹是  
如此絲與鼓鼗又另是一意蓋哀就能使人厭謹就  
能使人動也故依要旨通作樂之感人說不知此只  
見樂聲中自有無窮之義可以動君子之思者若作  
感人又添出一層意思了但只作所寓之義不作所  
象之義自說得去○要見得立武以上是鐘聲所含  
禮記新義 卷之十八 三

的意思如此唯武臣與之合故思之若添感人二字

豈非蛇足乎

### 竹聲濫節

汎愛者必聯疎以爲親合異以爲同是我能會人也  
會則近者悅遠者來而能聚衆矣

### 鼓聲之聲謹節

文侯之恐臥只是此心無所思唯一任其音韻鏗鏘  
便覺索然無味與自己何所關着故子夏直于此剔  
動他見得聽樂者當有所合不在鏗鏘之間欲其逐

一致思也一說由平日致思于社稷之役故驟而聞  
之不覺有合而益致其願望無窮之意耳推到平日  
似與子夏撥轉文侯處不切

### 咏嘆之節

恐不逮事一說謂武王之心恐不得與諸侯同此事  
是自抱其恐非恐諸侯後至者不及戰事也再訂  
聲淫及商何也節

徐註謂淫卽淫液之意但彼謂歌聲此謂樂聲爾商  
四方殺伐之聲一字爲一義故以及字連之舊謂食

禮記新義

卷之十八

三

商不成文理更詳之

賈牟賈起免席八節

孔子五問賈牟賈五答而獨是其非武音之一言蓋  
武王伐紂天與人歸豈有病不得衆之事若然則紂  
師無前徒倒戈之事矣八百諸侯不期而會豈有恐  
不逮事之理發揚蹈厲已蚤爲及時事則武王爲欲  
速矣武坐致右憲左爲非武坐則周召無分治矣其  
所答皆非也賈疑夫子皆是之故另問遲而又久之  
故夫子且不荅賈之所問而先證其所言之失象成



句推開講不必專指武樂總干而山立且不要說有人歸我無我取人等語留在待諸侯之至發之此處只言三千協力八百同心而武王猶不欲輟舉此雖武王之事而實武王之心也則所謂病不得衆與恐不逮事者非矣初舞之時發揚蹈厲皆非及時事也象太公董牧野之師威武奮揚殺伐用張其志不得不猛也舞之將終而皆坐非武無坐也象武王伐商之後周公居左以任制作召公居右以施保釐其治不得不文也吾且語女以樂之象成與武之遲久可

禮記新義

卷之十八

三

乎一成象與師也二成象滅商也三成象南旋也以  
上總象武王克商之事四成象建邦以彊理五成象  
周召以分治六成象歸鎬以統治以上總象武王造  
周之事夾振二節若依俗說盛威爲會師孟津觀兵  
牧野而殺伐爲威則武王以暴易暴矣蚤濟爲三千  
協力八百同心而功業蚤濟是武王急于富天下矣  
待諸侯爲恐一國之未至而立以待之是武王非順  
天應人矣與前賈所言病不得衆何異而夫子復言  
之此該云夾振四伐者蓋武王不忍一人之橫行天

下故不得不盛威以與師于中國也勘亂之道利用  
威也分夾而進者遲一日則民受一日之害早一日  
則民沾一日之賜救民之師利用蚤也然以待諸侯  
之至有人歸我之勢無我取人之心蓋威雖盛而不  
取遽用其威事雖蚤濟而不敢倖成其事矣所謂遲  
而又久意蓋如此而猶未也牧野之語以下又是克  
商以後事見他所以反前日之爲而新一時之觀聽  
者其氣象甚從容其節目甚詳密此豈一日之所能  
爲宜象之遲而又久也

禮記新義

卷之十八

三

且女獨未聞節

此武王興滅國繼絕世舉逸民行人資之典總之皆  
反商政也未及下車與下車緩急之詞只可以世之  
遠近說蓋遠恐其淪沒之已久故封之急近則知其  
苗裔之尚存故封之緩使之連箕子讀對下復其位  
看應氏作使箕子行商容恐未必然

散軍而郊射節

上是偃武此則其脩文之政也五者扶持綱常單敷  
文德潛消其暴戾悍鷙之習開導其忠敬孝弟之心

天下之耳目一萬民之心志定故曰大教

### 食三老五更節

若此有總承征商以前滅商以後玩下四達交通還只承牧野下便了則字不可說快周道禮樂卽上所行者但周道渾而禮樂明言之耳四達以東西南北言交通以上下内外言必若此然後周道四達禮樂交通方見遲久意不可便以若此爲遲久也

### 君子曰禮樂節

治心至于天神治躬至于嚴威這是不斯須去身之禮記新義

卷之十八

三

所致不治心而鄙詐入不治躬而慢易入這是斯須去身之所致去不去只斯須之間而得失頓殊如此禮樂可斯須去身哉樂之感化以已心言非謂感化他人平易正直言其心之坦易而無艱深險阻子愛純良言其心之仁厚而無慘刻粗暴總是狀一箇和字易直子諒之心我所自有非由外來故曰生善心一生則機括一動自然樂安久天神莫能禦之矣要味幾箇則字不言而信一句又是贊辭只在自家心上看不可作人信人感到此纔了得致樂治心故收

語曰致樂以治心者也要曉樂安久天神須緊緊根易直子諒來蓋人若生一奸險垂戾之心便時刻設謀操計如何能樂又奚論乎安久天神也

### 致禮以治躬節

莊敬以已所形言嚴威以人所見言曰嚴威卽莊敬可畏憚處須在自己身上說不可說進到心不可說出到人致禮到嚴威地位與致樂到天神地位一般心中以下明屬兩承舊註單頂禮不通

### 故樂也者節

禮記新義

卷之十八

三

樂極和禮極順還該就禮樂說至內和而外順方是人能治心治躬也舊說俱以無和二句說到人者看字面不該如此弗爭便是承聽弗易慢便是承順了故德輝四句蓋本禮樂之緊動打緊重說一下耳只重德字理字然承聽承順與不爭不慢亦要稍分輕重方不犯重致禮樂之道是証內和外順然致字畧在前此卽上文致禮致樂之致也舉而錯之無工夫卽正顏色動容貌而民聽順引古語不過証之耳不可說到別去了

樂也者動於內者也節

此節當以進反爲主減盈進反之所由起內外又減盈之所由起也減是謙降抑損不自侈滿意盈是和順充積不自湮鬱意而進而反且說理當如此以進以反方着禮樂處說爲文卽爲貴爲美意禮本有限制而情不容已就退遜中自有一節不容抑損的道理故以進爲文樂本于說豫而情不可過就盈盛中自有一種不容淫溢的道理故以反爲文有自然而非強世意此四句是正意且虛說到下面方發所禮記新義 卷之十八 三

夫樂者樂也節

樂者樂也與故曰樂者樂也又不同這樂也是因人情之懽樂而作樂以道之這就見得人情不能免了樂也以其始而言之不能免以其終而言之曰不能

免便有迪之雅頌感人和親道之舞蹈使人得莊意但此處虛渾且論箇理性術之變盡于此矣性原純一無僞何爲有術發爲情則有術是其巧處一涉於術至不好的念頭都生出來所以先王把雅頌道之道有引道而使之自得意蓋因其根於性術故須道之不是道迪三箇其字都指雅頌說三使字足字不字平看句法有長短耳不流只在足樂內雖樂而不至于流便做兩層了與下二項不類矣亦總是論理如此非實驗也足樂足論可點性術字蓋足以爲怡

禮記新義

卷之十八

三

養性術之資自不至流放足以爲講明性術之藉自無所厭息足以感性術之善自不至放心而氣接之也曲直繁瘠等八音皆有之不必指定立樂之方不專指三項總結樂必發于聲音以下以原其立樂之始性術之變固已發洩而無遺治性術之道亦且範圍而不漏矣其方之善有如此者

是故樂在宗廟之中節

是故項上正樂來卽雅頌聲文播于耄者在是實作樂于此地也和只是自然意非用和濟敬之謂一字

從百感生審字從一字生只說心不必言審唯此心之一對于物感之百須要認取其所謂一者而保之變審言守不是了只認得這一箇心常在內則和之所發自然有所歸着了故曰定所以二字須重在本心之和形于器處還輕作樂之方所以異于上節者前是本人情而立乃以人治人者此是本已心而立乃已立立人者

故聽其雅頌之聲節

此節舊得齊以上作感八之深下作為用之大不知

禮記新義

卷之十八

聖

感人意已在上節了而月林以上節為倫理此段為身心亦未見了了若人情不能免自是一章大旨又豈至此始見為用之大哉細按此節通是結語志氣得廣焉云都是見成話頭本有直道還之曰得如雅頌之聲首節已有了而不使放心邪氣得接非所謂志意得廣乎非有兩層意思餘可例推雅頌句是雅頌之播為聲者執其千戚云是雅頌之比為容者容貌得莊等不專指舞者此段是結簡聲音動靜之不亂處前聲音動靜在人不能無亂此則道之于

樂了故得廣得正得齊不亂而性術得其正矣皆樂之功也故又曰樂者天地之命云是又由性術之元初渾淪處以見樂之道人而斷其為人情所不能免也其初也性術之形猶有道之之迹至此則樂即天地之命中和之紀與性術渾一了通章看來性術二字自是緊關著脉處大節所謂審一者何即性術也此處通結上文紀命二字在性術上推看覺親切舊以紀命在聲容上看粗不可從

夫樂者先王節

禮記新義

卷之十八

聖

軍旅鈇鉞代禮字禮有五軍其一也喜怒哀無可自見其飾在樂與禮先王用樂以飾喜用軍旅鈇鉞以飾怒則喜怒哀各中其節天下莫不和且畏矣緊要全在得齊上清好惡之源調中和之節全沒一毫私心所以纔得齊方可以禮樂飾之盛字亦由得齊來他的治道焉能使天下隨吾心之喜怒哀而和畏唯禮樂能之則由一人之喜而出者喜為天下公喜之道由一人之怒而出者竟為天下公怒之道非得齊而飾以禮樂者安能到此

子貢見師乙而問焉節

子貢之問欲因詩歌之宜以驗自己之德師乙之荅欲其審自己之德以擇詩歌之宜各有宜與下諸宜字一例舊註獨解爲使合于宜不是寬詩采正等俱是德性之中和以寬柔等作主而以靜正等濟之玩而字可見得力處全在直已工夫就是以直養而無害之直由平素自反無分毫愧怍完得性天所稟受的正理然有此德而不思善保則又恐物欲所累而天不全故時常把詩來點陳一番以涵養而保全之

禮記新義

卷之十八

四

故商者五帝節

明直舉剛中柔中所以然之理察之故能屢隨讓利斷有明是非之辨意有明取與之分意以故直以勇義加之勇即明道義配道義無疑無懼也義即無爲其所不爲無欲其所不欲也此是何等精細工夫保字宜玩謂人之有德固以歌而生苟因其德之生

而遂忘其歌則雖得必失故用一保字

故歌者上如抗節

抗舉也歌聲高者如手舉物雖高不離于手聲之下者如物之墜隨其淺深而去且無留滯也蓋歌聲嫌太高太高則不和矣嫌留滯留滯則浮矣曲轉聲也如折枝然即轉得分明也止聲之定也欲其如蒙木崖然不搖動也倨歌聲折轉者中矩欲其方也句歌調周折者中鉤欲其員也蒙蒙對上下曲直等字貫珠對抗隊等字歌聲之絡繹不絕也有以此句作總

禮記新義

卷之十八

四

承者非端訓正不虛

禮記新義卷之十八

終

禮記新義卷之十九

父中立湯三才命意 男平子湯道衡撰述

雜記上第二十

大夫爲其節

古者喪服大夫士升數不同士服斬衰之縗三升有半而成布則三升謂之粗衰斬若大夫以上則皆止三升也齊衰四升若大夫則五升也

大夫之喪節

君臣一家也君之喪百官庀其職大夫之喪家臣庀

禮記新義

卷之十九

其役其廣狹固不同矣然其力有不能盡具者不能不仰之于公故君亦卹其私而使大宗人相其禮小宗卜人治其龜也

公七踊節

記者又云勅尸舉柩無數而此乃有三五七之限者此以禮經之常節言彼以哀心之泛感言也

禭者節

五服同時入門然冕爲重故居先而禭者自執其餘則使人執之而禭者以其等爲受之之序也

禮記新義卷之十九

禮記新義

卷之十九

禮記新義卷之二十

父中立湯三才命意 男平子湯道衡撰述

雜記下第二十一

古者貴賤節

不教輪人以孝而禁人之孝何異懲咽而廢食哉

卒哭而諱節

此取嬰兒哭與檀弓所載孔子不取弁人孺子泣者不同彼以襲歛之后言此以始死之時言也

君子有三節

禮記新義

卷之二十

一

疑問云居其位以下五恥是從政之事若未聞而求聞既聞而求學既學而求行在學與仕皆不可廢也註訓爲學爲政太分別鄙夫之心在乎固其位故患既得而復失君子之心在乎補其位故耻既得而又失

孔子曰節

王制凡祭豐者不奢凶年不儉而此云者彼爲制國用之常此乃救荒之禮與易之損曰易之用二簋可用享是禮也

禮記新義卷之二十

終至二十一

禮記新義卷之二十二

父中立湯三才命意 男平子湯道衡撰述

祭法第二十三

此篇記虞周天子以下祭祀羣神之數然篇首禘郊祖宗及中間七廟壇墠七祀五祀之說多有可疑讀若正以諸經而闕其所不能通則善矣

祭法有虞氏節

禮記新義

卷之二十二

一

王既立宗廟則四時有常祭三年有大禘矣猶謂祀止始祖未足以盡追遠之意故推始祖所自出之帝祀于始祖之廟而以始祖配之猶謂祀止人鬼未足以盡尊敬之道故祀天子郊而以始祖配之天子七廟制已隆矣猶謂世遠當祧則祀止大禘未足以盡孝享之意故祖有功宗有德而立世室以祀之然自殷以上世次莫詳經生用其師說推之如此今不敢定其爲何如但舜既殛鯀則鯀爲天下之罪人即天

一可殛也禹受天下于舜固不得以私其父而又升

葬人以配天天豈享之乎此必無之事也

### 大凡生於天地之間節

忽說到人物生死上者正以名之不變起那祭之變耳此結上三節總見得因所常因革所常革蓋內祭而舉人則隨時各異外祭因神而舉神則無時變言來只是重一箇不變上

### 天下有一分地節

此節專爲祭發分地建壇立壇邑乃設廟祧壇墀之張本日分建置立便諸侯大夫適士官師禮記新義卷之二十二  
庶士庶人自有等威之列其祭自有等級之殊廟祧壇墀親疏多少之數有不得不然者傳註親親尊賢平對不是

### 是故立五廟節

言王立七廟而以二祧足其數則其實五廟而已安在其異乎諸侯也若商有三宗則將謂四廟乎壇墀之主藏于祧而祭于壇墀猶之可也至謂有禘則祭無禘則止則大禘升毀廟之文何用乎又宗廟之制先儒講之甚詳然未有舉壇墀爲言者周公三壇同

壇非此義也又諸儒以周之七廟始于共王之時夫

以周公制作如此其盛而宗廟之制僅乃下同列國吾知其必不然矣然則朱子然劉歆之說豈無見乎鄭註此章謂禘乃祭之蓋亦覺記者之失矣且去壇曰鬼則王者何以有禘乎其謬甚矣

### 諸侯立五廟節

去祖爲壇者高祖之父雖遷主寄于太廟而不得于此受祭若有祈禘則去始祖之廟而爲壇祭之也去壇爲墀則高祖之祖也

### 禮記新義卷之二十二

### 夫聖人之制祭祀也章

厲山氏而下凡十四人程功度德其中不無差殊然其心其力則無有不盡者此其澤及天下萬世之遠其祀當與天而無極也

### 是故厲山氏節

立我蒸民莫非爾極詩以頌稷而農與棄後先相承二人之功豈止一手足哉

### 共工氏節

非土不能生穀故祀稷而及于社



帝嚳能序節

堯典首敬授人時本帝嚳序星辰以著眾敬天勤民自有家法

堯能賞節

堯不止能賞均刑法以義終然昭昭之多亦天也

舜勤眾事而野歿

舜生三十登庸三十在位五十載陟方乃歿聖人在世一日必做一日事真所謂歿而後已者

鯀障鴻水節

禮記新義 卷之二十二

四

鯀方命圯族曰殛歿則歿以其辜曰障鴻水則其罪又昭昭可見決無祀之之理

黃帝正名節

黃帝創制立法利澤及人不可枚舉但稱其正名百物以明民其財亦猶各舉堯舜之一事也○禹脩鯀功克蓋前愆顯頌脩黃帝事克成盛美

契爲司徒而民成

到五品遜百姓親方爲民成勞來匡直輔翼厥功不

小

湯以寬治民而除其虐

湯除虐文武去民舊其功與再造者同

及夫日月星辰節

及夫二字承上啓下收拾前王官夜明等祭

祭義第二十四

陳乎外者祭之法存乎中者祭之義禮必有義禮之所尊尊其義也况祭又禮之大者乎

祭不欲數節

春秋祭祀以時思之祭義之深切者也故爲此篇之

禮記新義 卷之二十二

五

首章要知人于怵惕悽愴之心時時在念不因雨露霜露而有定因雨露霜露而動只脩祭典還不見合道直于樂心衷心爲迎送之本纔是合道不曰天時而曰道者雨露霜露上天氣化之實理怵惕悽愴夫人思慕之實心以實理啓實心正是合天道處哀樂正悽愴怵惕之心所由以達迎送便是禘嘗之禮了有樂正是樂無樂正是哀蓋心之感觸不同乃禘嘗所由起而樂之有無不同又禘嘗所由分只歸重其迎來送往者合于天道之春秋而悽愴怵惕之心畢

達自不至不敬與忘也

致齋於內節

三日之間百物具備思親之心可以靜專則致齋以齊其內志之動退處正寢之內口內七日之間百物粗具思親之心尚有所雜則散齋以防其外物之侵散處中門之外曰外人子許多思索只爲得一箇見字

祭之日節

皆由上思中得來此皆內心之形容非外面之景像

禮記新義

卷之二十二

六

也優然就是見乎其位之貌肅然就是容聲之貌神君至其風肅然也舊註儼惕之貌則謂祭者肅然矣

是故先王之孝也節

此節舊過下云祭之日豈惟入室出戶之際有所聞見哉是故先王之孝云看來此節首揭一箇先王之孝明明另是起頭如何扭攏作正祭說卽如是說上下俱是一時事則所謂不忘不絕者亦只見位聞聲之無適不然處如何以著存兩項分頂一說結上

文見位聞聲則聲色不忘乎耳目思其志意樂嗜則

心志嗜欲不忘乎心而仍以存爲三不忘著爲有見

有聞夫既作結詞則不忘就在上文內了如何兩項

分對得愚意此節正是總結上文言先王之孝也未

祭則見所謂齋方祭則見位聞聲若是乎色之不忘

乎目聲之不忘乎耳心志嗜欲之不忘乎心親之著

存如此豈勉爲哉良由致愛則注想之也周親之精

神雖往已嘿存于此矣可頂致齋節說由致慤則對

越之也真親之形聲雖杳若明著于此矣可頂祭之

禮記新義

卷之二十二

七

日節說夫是著存之不忘正由愛慤之不忘也夫安

得不敬乎此不忘緊頂上不忘敬緊頂上愛慤上是

卽心之愛慤形爲著存此是卽親之著存見益當敬

其愛慤也敬養二句接上敬字來進一步說終身不

辱則愛慤之至親無心不著存于吾心矣思終身弗

辱的思字也要重看前那思思到親身上去只是追

慕這一思直思到自己身上來便是全歸的工夫這

一思是前五思的張本

君子有終身之喪節

終身之喪承終身不辱來又進一步說

### 唯聖人爲能饗節

以人而交于神非惻怛純至與之俱化不能達也仁人之心與天地爲一體孝子之心與父母爲一人齊三句只專就君夫人說方與孝子相合不兼卿大夫命婦了

### 文王之祭也節

此節舊以文王與以上作正祭事親之篤詩云至詩也喻既祭念親之勤以祭之明日申既祭祭之日申

禮記新義

卷之二十二

八

正祭終不受有以祀之忠句作主者尤無所據看來當以事親二句作眼目文王與以上正承事於中間兩箇如見親明是反覆言文王的不忍於其親處惟舉目有見則親宛然生者故曰如事生詩以下正承思親言思而必于明祭者正以言其思之無已蓋文王之祀于致齋時正祭時業已無時不思至于明祭猶懷之不置焉方樂其來又哀其往不幾于欲隨之歟乎故曰如不欲生文法錯綜細會語意自見如此講覺明捷祭之日日字大槩說連明日在內說者

因上面祭之明日遂把祭之日作當日字看不是

### 仲尼嘗奉薦節

容也猶言其爲容也舊註言濟濟者衆盛之容漆漆者專致之容又于遠與自及外添出一層意思了遠亦只可解箇疏遠舊註言非所以接親視也又犯下夫何神明之及交了既曰夫何神明之及交又曰夫何恍惚之有者前言濟漆主于脩容不能交神以見交神必誠慤意后言濟漆宜于助祭不必于交神以見主祭必交神意末二句只汎言

禮記新義

卷之二十二

九

### 孝子將祭節

事是所行之事物是所設之品俱指得廣凡當豫當備者皆是虛中不是此中空空的喚作虛中心中只是一箇孝敬孝敬之心在中便無他物便無他事而純一不雜了下孝敬之心至便虛中之極了

### 宮室既脩將屋二節

兩奉承而進之從來憤憤看來前進之未言何物如何以此爲朝餞對下饋食備其百官句只與薦俎禮樂相對如何就因此句而以後進之屬百官助祭也

愚意前進之根齋戒沐浴來言如此致潔致敬謹凜以將于親也所將者何物孝敬之心便是洞洞屬屬四句只形容他心之謹凜若有所弗勝若有所失隊正是奉承的光景這總是一箇孝敬之心而說者乃謂祭之物本輕本非有失隊以辭害志若然臨深履薄亦將有所謂冰與淵乎薦薦殂序禮樂備自官方到行祭之時這纔是以所陳設之物進于親也然物非物正吾孝敬之志意所在而于是以論之正藉以交神明于恍惚而吾親天之靈或者鑒吾志意之所禮記新義

卷之二十二

十

在而來享也是則孝子之志所望于親者矣庶者幸之而不敢必或者疑之而不敢定

孝子之祭也節

心一也自其專謹不放謂之慤自其誠實無偽謂之信自其主一無適謂之敬則或使之正見孝敬之心之真處

孝子之有深愛者節

以前通說祭禮此又言事生之禮宣諸口而溫厚和平日和氣見諸面而忻喜悅樂曰愉色形諸身而委

而承順曰婉容三者皆從深愛來有深愛則一時俱有三必有字通下語見自然意新裁云當以深愛為主三必有深愛之發而為和也四如字深愛之存而為敬也正見愛之深處嚴威儼恪其愛不深豈所以事親哉舊以愛敬立說愚見以白文內止有愛字無敬字况嚴威儼恪豈不是敬而曰非所以事親也可見前面只重愛字

先王之所以治天下者節

于五者內揭出箇貴老敬長之尤重者于近親近兄

禮記新義

卷之二十二

士

處揭出箇孝悌為人心之固有者欲明孝悌為人心之固有故從天子諸侯說起欲說到天子諸侯上故借近王近霸說起通節治定教領字要明教字與首治字應領字與前定字應教之正所以治之領之斯足以定之矣定即天下之為父子者定的定字

子曰立愛自親節

立如立極之謂即盡也教字要看君只自盡其愛敬何嘗教民而教民之理即于此而在所謂身教也貴用命用兄之命也孝以事親二句即指貴有親貴用

命說末二句推到政事上四個民字卽天下之民有以首四句爲齊家中四句爲治國末四句爲治天下皆舊註齊家治國平天下之本句誤之也

郊之祭也節

惟天子致敬于天故民因君之敬而致敬所以爲敬之至重感化上

郊之祭節

報天只就功德說舊註道之大原出于天忒深了以朝及開舊註作自朝以至於闇恐不應竟日之久也

禮記新義

卷之二十二

三

祭日於壇節

首四句什壇坎之義中六句什東西之義末三句又推日月之所以當祭也新裁云宇宙間和氣全是日月之功致和只在氣化上說未說到物生上恐陽之太亢也而陰致之恐陰之太肅也而陽致之陰陽相調以成其和也世間晝夜相代寒暑相成乃是真和光景豈是生物纔和

天下之禮節

首揭天下之禮便見此禮自能範圍天下非一人之

禮乃天下之禮故後又應曰天下之禮也致字宜細玩致則盡此禮之當然而止無可以復加四箇以字是推其意不可因則天下不悖逆句法遂作效說卽末句亦只言禮之能自足以曲成天下而無一人能外于治初未嘗說效也致物用句一說百物利用所以養人不侈于有餘不屈于不足懋遠歛散各適其平所謂致和用也物各有用得其節所謂和用禮以節度民知止足于分界則有經而不亂覺講得合拍

禮記新義

卷之二十二

三

宰我曰吾聞鬼神之名節

宰我問歿者之鬼神夫子以生者之鬼神告之卽答子路未知生焉知歿之意也末二句只重合字魂魄已離而聖人合之以示人便是教若說出命名便犯二節意說祭以報之又犯四節意了

因物之精節

以人之精而命之曰鬼神則與天地之功用同其名稱豈不是制爲之極使人知其有靈而有可測度有可憑依就是爲黔首則

聖人以是節

聽之速則凡有是身者莫不思其身之所由生而不敢忍釋凡有是心者莫不報其身之所由生而不敢忘又不但畏以服已也

二端既立節

教眾反始就在報氣之內教民相愛上下用情却在報魄之外看來亦覺支離張氏曰報氣者孝子反思受氣之所始故曰教民反始報魄者孝子不忘其形之所由生而愛之故曰教民相愛報氣所以求陽于禮記新義

卷之二十二

十四

三五

上報魄所以求陰于下是謂上下用情未知是否

君子反古節

反古二句先說他有箇報本之心是以致敬至不敢弗盡俱從這點心來尤以致其敬一句為主下三敬之至也正與此相應敬致則情發敬致則力竭不敢弗盡正敬之致處躬秉耒是供體醑祭盛之不敬弗盡蠶繭繅是供祭服之不敢弗盡後或曰敬之至或曰孝之至自其不敢不竭力言之則爲敬自其不肯不竭力言之則爲孝亦互見也

古者天子諸侯節

一說躬朝謂朝天子諸侯以聽擇牲之令也○新裁云以見君之禮見牲見至敬以視朝之服視牲見至孝亦可

曾子曰孝有三節

看來三者的不在分上說人子苟能成其身爲聖賢便是尊其親爲聖賢之親了不必天子乃爲尊也依舊說將不爲天子終無大孝耶又將爲天子遂爲大孝耶且看下先意承志說以道尊親這便是尊之至

禮記新義

卷之二十二

十五

者其次兢兢保守弗貽辱于親比尊親便下一等了能養自是孝中末節故曰其下曾子謙言自居其下者若作庶人屈于分便與尊親無優劣曾子豈自謙屈于分耶

曾子曰身也者節

此節只見得人隨行皆于父母有闕爲人子者不可不慎其身不必謂承上弗辱言父母遺體不但與之以形併其形形之理而遺之五者是踐形工夫五者克盡方完得箇體字不然不盡性不能踐形如全歸

之道何踐的工夫雖在敬上全在行字內做出來

### 亨孰羶節

此節本文明說非孝也養也又曰養可能也

云可

見孝之不在于養了而舊說乃以亨孰段爲能養之謂孝以養可能以下爲能養在能終先把經文反過了只說自家主意識不知何解蓋註內誤曰承上文能養而言而說者至割裂本文以從之可笑可笑此節只重慎行其身四字上節行父母之遺體敢不敬乎已見得當慎行其身了亨孰段是言孝之不在于

禮記新義

卷之二十二

六

養是一箇翻頭曰有子如此如此內已含有慎行其身意但此處虛說衆之本教以下言孝爲德之本養不過其行故養可能也 又是一個翻頭歸到能終所謂終者何慎行其身是也至此方說出主意仁義禮信強皆吾心之德誠能隨在致慎則五者之德皆有于身無往非孝了故曰仁者仁此者也 此字俱指孝言言能慎其身而存仁這就是仁此孝慎其身而行禮這便是履此孝餘做此無往不孝之謂順則災不及于親此心常自慊而樂不然則終其

身爲刑戮之民雖日有亨孰羶節之養又何足禪孝道之萬一哉

### 曾子曰夫孝節

此節言孝道之大無人有不無時不然故推之人人無不如一也前言橫乎四海後又言推之四海而準者前言孝道之大足以包羅乎四海卽天下莫能載意後言其理之無處不符卽東海西海此心此理同意施諸後世所謂通于古今推而放諸所謂達于天下只言古今天下其一孝之理原無工夫舊註施言

禮記新義

卷之二十二

七

其出無窮推言其進不已俱非無朝夕亦非悠久不息之謂推而準亦不謂人以此爲準說者俱因上面有箇橫乎四海又泥註解準字遂以此八句作孝之感人而人循之爲法則不知前言橫此言準語意自別何必徑落一層講且孝道是人心固有的何待于感而感者誰感循者循誰則吾不知其解矣須知施諸句乃對下推準言非與上天地四海對也

### 孝有三小孝節

用力用勞不置自是三等非因上尊親弗辱能養三

者月林云博施要與備物相關順天時因地利立川里教樹畜濟人利物惠而不費也註中德教刑于遠了似亦有理備物爲不匱之實博施爲備物之本能博施則能備物或養以天下或祭以天下不用力而自極四海之美味不用勞而自罄四表之懷心何匱乏之有禮終以禮終父母之身併終父母之遺體無非禮也

### 樂正子春節

可謂孝謂孝在全歸可謂全則全歸之工夫頃步以禮記新義

卷之二十二

大

下則君子欲念念全歸以致孝也無人爲大是要起到父母上見得人之爲大雖生養于天地實生之于父母也全歸兼形性說

### 昔者有虞氏節

德爵富親俱以人言尊賢是貴德制產薄稅使人皆富便是貴人之富全重尚齒故以所貴形之救敝意亦不重次字與孟子氣次焉次字同舊作老吾老以及人之老固未得肯月林貴老爲其近于親也亦多一轉此下是論弟道只說人道親親長長除却親親

便是長長了故曰次

### 是故朝廷節

同爵句尚齒之禮行于臣七十四句尚齒之禮行于君

### 居鄉以齒節

窮寡弱俱屬老看蓋常情多勢盛則避勢衰則慢者皆不知長少之序故也

### 孝弟發諸節

每句約上全文講朝廷句可另看自朝廷而發所以禮記新義

卷之二十二

十九

行至脩放也發如弩之機括一動而迅速莫禦且能穿札破堅唯孝弟自朝廷而發不但行至放脩且使人死守而不失非中於衆之真心不能也死之弗犯卽是終身由于孝弟不敢違心處有守之固意死字當活看

### 祀乎明堂節

五所以字是行禮示教之意此五者所以激發天下人心培植萬古綱常故曰大教蓋先王之于教豈必諄諄命之但行禮于此人自得于彼而不知者乃教



乏至也

### 食三老節

此章原爲尚齒而發故于五教中摘出養老一段又抽出鄉里一段以見上行下效之意此節全重太學句養老之禮行于學而齒讓之風遂達于鄉里可見太學爲風化之本接下齒讓之風由太學中來故齒讓之禮雖太子亦必行之

### 天子巡守節

諸侯待于竟不開既待于竟卽宜急見諸侯然必先

禮記新義

卷之二十二

三

見百年雖諸侯之待不服顧也言政還着老者說蓋老者閱歷世故或欲陳民間疾苦者

### 壹命齒於鄉里節

明說齒于鄉里齒于族及不敢先都是尚齒處如何以首四句爲貴貴之義下是以君形之在朝如此况私所乎君猶如此况宗族乎

### 天子有善讓德於天節

薦進也要與讓字歸字看得合若誤作薦揚就似人之善了自有自專曰逆不自有不自專便是順了若

說示順于天下則庶人將何所示乎

### 昔者聖人節

上言易而下言龜者龜卽所以示易道之吉凶也示猶明也只是明其不自專之意教則所以教之矣贊襄謀猷政教有善無過皆賢士成之故曰教不伐以尊賢

### 孝子將祭祀節

齋莊之心卽前虛中二字骨下面四箇以字事與百事雖同然一是慮一是治當分四樣平看宿者指與

禮記新義

卷之二十二

主

祭之人四箇如字然字俱各狀那上面之事只是反覆形容孝子之心無一息不在于親處所謂不違也慤是專謹之儀善是嘉美之儀結諸心三句有作推原說者但與術省句說不去新裁云通節以結諸心一句爲主將祭之慮已祭之思俱是結諸心慤善句結諸心者形之儀度也耳目句結諸心者形諸聞見也思慮句結諸心者形之想像也總之結之心者形之色而爲術省也亦妙

禮記新義卷之二十二 終

禮記新義卷之二十三

父中立湯三才命意 男平子湯道衡撰述

祭統第二十五

統猶本也指心而言祭有法有義皆統于心也

凡治人之道節

此節論祭義只重箇心字夫祭二句逆推義所自來心怵句順推義所自立奉之字指心禮字與物字一般此總明祭之義而反覆其辭也

賢者之祭也節

禮記新義 卷之二十三

一

賢者之祭二句乃一節之總福字須用下備字意在經所謂福具于未祭之先世所謂福應于已祭之後備字雖解福字尚畧在福字之先百順之名正解備字百順字尚渾淪無所不順又說破那百順了外順字道正是無所不順內盡于已則推言其正大也盡字着力順字自然忠臣孝子舉例言之本謂根本言其本心一味自盡忠孝也三句為盡之實順鬼神三句外順之實如此括內盡外順與無不順看此二句最重上句管上半節下句管下半節盡字盡物所

能祭也唯平素內盡于已故祭時內盡其志平時外順于道故祭時外盡其物誠信忠敬正按前生于心字奉之等正按前奉之以禮禮字四之字指誠信忠敬說明即明禮之明從誠信忠敬來不求其為二句最重不求福所以能受福唯有孝子之心所以能盡祭之義也

祭者節

追養繼孝串看如有不及曰追惟恐其斷口繼而也且泛說孝意順于道三句方指祭說畜聚畜養二意

禮記新義 卷之二十三

二

亦當串看道字在心上看仁愛有不容已之念暢而達之則為順倫字在物上看隆殺有一定之節竭力從事不敢少有所乖則為不逆二項貼上養聚亦當串看

是故孝子節

養喪祭凡子皆能之乃易盡者順哀敬時則非孝子不能也觀即論語吾何以觀之哉觀字一樣見以是四者為本必如是乃為能盡道也

既內自盡節

此節以重夫婦親之爲下數節張本盡物是求助的主意求助是盡物的根原故舉昏禮以發之摠見祭在于具備具備由于官備官備又在丁夫婦親之夫婦親又在于昏禮之求助也行昏的詞如何爲求助之本蓋此時雖未祭祀而其辭如此便可知祭主之備由是官備具備皆兆基于此故此便是求助的根本官以行祭物以供祭其勢相須故官備則具備下皆具備之實外則盡物本內則盡志來向使外不求助則官不備具亦不備外物不備而此志亦缺然而禮記新義

卷之二十三

三

是故天子節

誠信就是盡盡就是敬記者極言其心耳敬盡盡字輕不可與上盡字同看祭以誠信爲本誠信貴于自致倘使人代爲之則僞而不誠妄而不信矣故必竭力從事身自致之身致則此心慊然無所遺憾故曰盡慎重而無所怠忽故曰敬敬苟未盡則雖備服其物神將吐之故必敬盡然後可以事神明也全要

一道字道者當然之理必用之心

及時將祭節

及時將祭二句作總齋之爲言二句是釋齋之義是故至依禮泛言齋之事是故君子二句結言齋之意也散齋致齋方是實說君子乃齋處末二句則因散齋致齋而斷之以應首二句也物自外來故曰防欲自內出故曰訖舊說以耳不聽樂屬者欲心不苟慮四句屬邪物看來樂亦自外來者如何貼者欲心不苟慮亦自中出者如何貼邪物此段文法錯綜只散禮記新義

卷之二十三

四

散說個防邪訖欲之事必分屬之則鑿矣不爲物所二故其德精不爲物所蔽故其德明前以齋爲齋此處又添一定字似與齊二故着定之一句定有寧定澄清意所以同歸于齊

夫祭有三節

周道者周人之祭尚氣清廟爲文王之詩武舞爲武王之舞故以此三事爲重也先以重屬三者正要歸到君子之志上輕重從三重字生進退卽輕重意

夫祭有餼節

此言祭可以通于政祭之末連不可不知說末字對始字唯末故見其當知勿如舊說雖是祭之終事云云知字內有行之慎意善終如始正以見祭之末爲當知也尸亦倭句雖是足上善終意還是啓下均惠意多均惠正是善終下個亦字便該君臣上下貴賤在內惠術就接上句自上之施曰惠是政之用自下之觀曰政是惠之體惠在倭中看出政在惠中看出是故尸設節

上節說個惠術只言其意未言其事此則實言廟中禮記新義

卷之二十三

五

之施惠象竟內也然猶只言其象未言其實下節則又實言惠之必及人也施惠之象正象竟內之施廟中者句虛說相同意唯廟中有竟內之象故惠均有施惠之象此意只可補出過此節當云何以言惠術也蓋卽廟中之施已有象矣尸設節過下節當云豈但有其象便已有事矣祭者澤之大者云

祭者節

祭者暗含饒在內不可就把祭字當倭字兩箇是故以下且先說澤之大直至由倭見之矣方見祭者澤

之大可以觀政正與首節相應

夫祭之爲物節

此章只重箇身教要看個順字教之本全在順上卽着君身說故后又應曰順之至也明君崇祀便是本了盡道端義講者俱作泛說覺比例轉多于教之本的正意始終不曾說破不如就在祭上說盡道端義揔是箇順字正見身教處

是故君子節

事君意只重身行潔矩意不必纏入順之至舊作教

禮記新義

卷之二十三

六

行上看固與前順備不協卽如時說以有已後求爲順于道義亦與本字看作兩層蓋所謂本者何順是也此處點箇本字隨透出順之至三字正欲起下祭之順爲教之本以應前順以備者也其教之本與非教之道也此教以事上使下言君子之教也此教字以尊君孝親言唯祭由于順則不陷親于非理而孝親之教生不越禮以犯義而忠君之教生故曰祭者教忠教孝之本也

夫祭有十節

十倫每句各按下文講變化而有所通曰道嚴謹而有所守曰義恩義有順曰倫名位有差曰等遠近有所間曰殺恩惠有所及曰施內外有所辨曰別多寡有所一曰均先後有所次曰序情意有所接曰際

鋪筵設節

依神同其席求神異其所同者以無間待之異者以不測待之

君迎牲節

別嫌且虛說下面方說破嫌字從下文兩箇疑字生

禮記新義

卷之二十三

七

以疑于君之人而迎疑于臣之尸本是臣子迎君父而反似君迎臣矣豈不可嫌

夫祭之道節

子行卑反南而坐伯叔父尊反北而面事之者蓋以猶子爲尸既象父之尊矣主祭者自居人子之職故降已之尊而以子道自持伸尸之卑而以父道事之所以明于事父之道也

尸飲五節

此據上公九獻之禮而言全重爵不重齒君必獻臣

者以賓禮隆助祭之人也

夫祭有昭穆節

首二句是先言其義有事於太廟方言其事

古者節

此節亦是先言其義后言其事再拜二句因言爵祿之禮連說受者之禮受命與什奠皆輕看方與爵賞之施意協

君卷冕節

首二句別于位次也不相襲別于授受也易爵別于

禮記新義

卷之二十三

八

酬酢也中間執豆執爵啓授受二句輕

凡爲俎者節

首五句且說俎中之物以下方以頒俎言之俎之數以奇而從陽骨陽也故以骨爲主貴賤以臣言不兼君在內均亦是各得其分不是貴賤一律惠均緊頂祭俎政行方貼人君說事成以在民者言功立以在上者言要知政言其綱事舉其目功要其極行則無壅滯成則無偏虧立則無廢敝功之所以立二句逆推功立本于惠均善爲政句承上啓下如此緊打事

成功立看

夫祭有畀節

畀以餒言惠下之道却以政言上下分相懸絕易至忽遺自非明炳在上未有不遺于微小者然知及而惠不及猶然其無見也故說唯有德之君爲能行此明足以見之仁足以與之後又云明君在上則竟內之民無凍餒者矣至于無凍餒乃見其明且仁也然于祭之有畀者見焉故曰此之謂上下之際際字下得極好際交接也上下分不相接而情常相接何也

禮記新義

卷之二十三

九

民有寒者求衣饑者求食而凡不得其所者皆求遂其欲自非上之人日照臨于下而以其時所自有之利道之下將安仰哉易曰天道下濟而光明地道卑而上行此際之說也董子曰天人相與之際卽此際字

禘節

陽達于春物方蠢動陰終于冬物已退藏故皆未盛而夏與秋爲陰陽之盛也

古者於禘節

陽義須在施散詡揚上看陰義須在收斂肅殺上看陽可過陰不可過故仁可過義不可過此刑賞並行不害其爲順陰義也以上三節先以四時引到禘嘗又以禘嘗引到行政原不重此只要引起下節意耳

禘嘗之義節

義字卽上面陽義陰義不可看深了前言義重只以祭言此言義大又以治國言矣知字包行在內蓋反諸心究義所以然形諸祭表義所當然何爲陽義何爲陰義一一章而明之一不知則無以治國故曰不可不三字最緊明其義以下就接不可不知說夫義者二句又從義原頭叙起指出志德二字以起志盛德厚此一段只重義章二字章卽明也明其義從知字生義章從明字生疑于其義又從章字生大抵義不易明必志盛德厚而後義章義不徒明一義章則

禮記新義

卷之二十三

十

祭敬而竟內化看此節當以義字爲始以敬字爲終見得唯敬可以治國唯祭可以致敬信乎禘嘗之義大而不可不知也

夫鼎有銘節

器之重者莫如鼎辭之重者莫如銘此鼎所以有銘而銘必于鼎也銘者自名也是什銘之義可見自名二字便足盡銘之義了須要包得通章意思如下論誤明見仁與知利俱從此二字發揮但此處只虛虛解說重個自字舊說成顯揚先祖之孝名甚不通若單只說自附其名又覺偏了須知自名二字包得自成其名然不可卽以下自成其名解自名二字名字有工夫的非名譽之名亦非名字之名自名以稱揚句乃帶自名二字急下稱揚先祖方是實解自名如禮記新義

卷之二十三

士

何認真個以字作自附其名以去顯揚先祖也此處一斷遂至通章俱屬葫蘆提不可不辨

### 銘者節

在心爲德在事爲善立于上爲功烈立于下爲勲勞出于上爲慶賞出于下爲聲名慶賞聲名又從德善勲勞來列于天下總承乃先曾顯列于天下者也自成其名就是身比焉謂以已名附于祭器附之于上則成矣三善俱就上看出孝謂繼述不忘順謂尊卑有序明示后世使效祖宗之德善這便是教不單說

立法在我亦不要說我有以教之若說着我字便是自爲非孝子孝孫之心矣

### 夫銘者節

善在先祖而吾弗知則耳目之所睹記謂何其所蔽者大矣故足見言明然亦有明知其善而後嗣弗類令名終弗歸焉則家聲之隕實由不仁故足與言仁明見之仁與之矣而識見有所未到則欲揚其美反著其惡使先祖未受美名之利而先被惡名之害皆由不知故足利言知

禮記新義

卷之二十三

士

### 故衛孔悝節

此三節可備鼎銘之體其人則未可銘也

### 乃考文叔節

莊叔奔走無射成叔纂乃祖服卽傳者欲也作士憂民勤政作三項看俱接興舊者欲說夙夜不解總承三項來民咸曰休哉又通承三叔子女銘卽上文三叔之銘若纂乃考服又從纂乃祖服來

### 悝拜稽首曰節

銘于彝者取其德之有常而不變也銘于鼎者取其

德之日新而不窮也

古之君子節

此節雖承上文來不如開說爲大宗廟是日家的社稷是公家的蓋與世無休則與君共守之矣

昔者節

此明魯用天子之禮樂由于成王之賜而非僭也蓋成王以有非常之勲者宜有非常之報周公有人臣所不能爲之德故可以當人臣所不敢行之祭也郊社嘗禘是祭之用大禮升謂等是祭之用大樂康周禮記新義 卷之二十三 圭

公以下又申重祭之意

經解第二十六

孔子曰節

其人之有是德則得于六經之教者也其人之有是德而又無是病則又深有得于六經之教者也是入其國而見其國人之德因其德而見在上之教每句四字平獨疏通知遠是兩件屬辭比事是聯說雖就人之善言未可全說得好緣下面有失故也溫和平柔純順敦篤實厚端重大抵德性中和而詩本溫厚

和平要使人各得其性情故得詩教者如此疏通見理透徹知遠考古閎深書則紀載治亂要使人不迷于事理者也樂同天地之和而渾然無際純然無疵故其教廣博易良絜淨屬行精微屬知絜有得于易教之洗心淨有得于易教之凝神精有得于易教之研慮微有得于易教之索隱禮兼制心檢身言言語文字之間所指之辭則聯屬而無間斷所指之事則比次而有條理春秋以正是非而事辭在焉故如此也一說教字作風教之教再訂

禮記新義

卷之二十三

古

天子者節

天地日月二句且虛德配兼利正是參明照不遺正是並德配明照是體兼利不遺是用一說以天地參一句爲主有天地不可無聖人天子原與天地參者與天地參便與天地合其德與日月合其明矣亦可自朝廷至進退有一步密一步意道者講論之仁聖禮義各自有序如親親而仁民愛物仁之序也窮理盡性以至于命聖之序也先忠信而後儀文禮之序也由心之制而爲事之宜義之序也仁聖禮義文禮義



固有之德固無時不由而朝廷向明出治立四方之極則講明其序爲尤亟也

發號出令節

和仁義信雖各就上句見出然屬在君身上似畧高一層若便以民悅爲和相親爲仁把君民相兼似說效了如何曰伯王之器霸王二字只當治民二字

禮之節

衡之于輕重三句只喻言禮之正固之切處而舊註乃于輕重曲直方圓上取義過矣

禮記新義

卷之二十三

左

是故隆禮節

有方之士謂持守禮法之善人以其善故加以美稱無方反是敬則謹恪以收斂于內讓則退遜以應接乎外此句是指出上而禮的體質來來入處雖着人然緊承敬讓句來全以禮爲主與隆山無干引孔子只要透出莫善于禮不可以安上治民便與本文相貼

故朝覲二節

緊頂安上治民莫善于禮來見此禮之所明皆所以

坊亂也坊則可以無亂患不則亂生而不可止是以禁之不容已也然所謂禁者豈待既發哉禮教日隆于其上使惛心佚志自然不敢竊發于其間則教化之所止視刑罰之所止霄壤矣此禮爲可貴而先王必隆之也禮所從來舊矣故曰傳禮先王隆之緊承禮教說去隆字與前隆字相應待其既亂而力挽之教化顯而易見乘其未亂而預爲之教化微而甚神前而禁亂之所由生曰所由生即是止於未形意蓋禮原未嘗屑屑焉有禁暴止亂之名而第明其所爲

禮記新義

卷之二十三

其

親義序別者則人人自由于其中自無越于其外其徙也遠也又孰從而知之所以爲微也止邪則善自徙善徙則罪自遠乃出此入彼者

禮記新義卷之二十三

終

禮記新義卷之二十四

父中立湯三才命意 男平子湯道衡撰述

哀公問第二十七

哀公問節

哀公謂言禮者過于尊禮孔子言不但尊之以言尤且尊之以行通章要味三個然後字

孔子曰節

民所由生者性道天地性道所自出倫理性道所自屬也

禮記新義

卷之二十四

一

然後以其節

疑問云易曰亨者嘉之會嘉會足以合禮凡禮嘉其際會處自有品節在君子特不廢之耳非創舉也此句正是以其所能教百姓看會節字亦妙

有成事節

禮所不可廢事在必成雕鏤文章黼黻其可以已乎然必待有成事而后治則君子之川民有節也其願之然後言其喪算亦此意

其順之節

卽字下得極好卽云者卽如此而更無加也見得祭大禮爲不可省至于居處服用間無不可節以遺民此卽字直管到不貳味

公曰節

荒怠教慢四字平看五句是五項事求得二句却總五事而言

孔子侍坐節

哀公卽位以來所爲悖戾人道幾乎息矣今乃有感于孔子之論禮而以人道爲問蓋欲改過而有心于禮記新義

卷之二十四

二

斯民也故孔子以爲百姓之德而將順之政爲治道實宰世御物之要故爲大

公曰節

何謂爲政尚是泛論爲政之理爲政如之何方是問爲政之實事三者庶物都是政理而事俱就君身上說曰庶物從則百姓從可知

孔子對曰節

哀公問行三言之道是有志于爲政矣故對以古之爲政說起看此節須要與上節句句呼應不空繞妙

說者都陡然講起古之爲政既與上文不聯絡併傳  
註政在養人及墨氏兼愛等語與上節爲政及行三  
言毫無相干大昏卽上別夫婦哀公十一年孔子自  
衛反魯時公年十四大昏未成其後立公子荆之母  
爲夫人而以荆爲太子國人惡之故孔子倦倦以爲  
言行三言何以在別夫婦蓋父子親只全得箇愛不  
曾兼得敬君臣嚴只全得箇敬不曾兼得 愛惟大  
昏之禮則愛敬兼全首親之也句月林徑作親迎之  
也親迎之者所以親愛之也則與上親迎字貳犯重  
禮記新義 卷之二十四

了俗說皆依舊註謂已親其婦乃可使婦之親已不  
知此全重在君身上今不重交相愛意當如註體貼  
始得

### 公曰節

哀公不行昏禮嬖狎私人故疑冕而親迎爲太重孔  
子直舉繼先主祭之大者以明之要得一節深如一  
節意前言關於繼統重也次又言關於萬世之繼統  
則又重再言關宗廟朝廷之禮則又重至關國事之  
興衰則又重夫子激魯君行婚禮全在恥字上

### 孔子曰節

天地不合萬物不生男女者一家之天地也萬世者  
男女之萬物也有大昏之禮則男女合而傳萬世矣  
魂氣歸天形魄歸地故曰天地之神明上下之敬卽  
在朝廷上見之不必說到感化處物恥者物以不振  
爲恥也振若廢更怠相是已國恥者國以不興爲恥  
也興若恢復中興是已前二足以是昏禮之所能者  
后二足以又本内外之禮交洽者爲政卽承振物恥  
與國恥來此二禮字以昏禮言又在宗廟朝廷二禮  
禮記新義 卷之二十四

### 孔子遂言節

祭必夫婦親之則妻實爲主于内舊註對治國家看  
似尚于親之主欠親切些後字只指子說舊註傳後  
于下又說在子外了身與妻子人皆有之而人不能  
盡其敬立箇敬的樣子與人看全在上之人故曰三  
者百姓之象也此句虛說身以及身三句方實指上  
人作象于下說惟上乃下之象故上必要自盡是爲

下之象也疑問云愾字從小從氣有志氣充足無間意不但至焉暨焉已也亦細如此緊頂愾天下說國家順就從象說只人各敬身敬妻子盡之極之物恥振國恥與三綱正庶物從有協氣嘉生薰爲太和意

### 公曰敢問節

過言二句只言感應之易輕叙起下辭則二字是活動字只是稟之爲式意上之言動既過則作辭作則亦自相胥于過了舊註解辭者言之成文則者行之成法而講又曰雖過言民猶以爲辭雖過動民猶以

禮記新義

卷之二十四

五

爲則況不過者乎都把作辭作則說好了則君子又何用不過爲哉到言不過辭方是言之成文動不過則方是動之成法這全是一點敬謹之心爲之所以民日稟于嘉言善行不待命令而自敬恭其上此乃作辭作則之善者

### 公曰敢問節

三箇君子與前節君子異兩君子俱指親君子之子方指人君說

### 公曰敢問節

不過只是盡所當然便是乃對違理言非對太過者言也此理在當人之身成身者不必求物于此身之外故不過乎物于成身說得最關煞

### 公曰敢問節

哀公所問承樂天來夫子答所貴之天道承不過乎物說來貴其二字貫下四項四天道俱此理爲用自然之妙所以可貴雖有四段然前兩段爲一類久卽是不已不閉比不已進了一步已成卽是物成明比物成又進了一步看來以不言而信不怒而威貼物

禮記新義

卷之二十四

六

成終覺不合徐註云唯其能久故漸摩浸潤不待有所作爲而萬物自成此功用之妙卽天道之不言而四時行百物生也甚妥

### 孔子蹴然節

兩不過乎物物字只是箇愛敬開口說愛敬爲政之本雖天道人道都不外此所以事親所以成身一物也如事天如事親便愛敬之至便是不過乎物不過乎物便是成身了通融直下忽出仁人忽出孝子乃文法錯綜處卽此數句該盡通篇無窮轉折所以爲

簡切之言兩事字細看皆在繼志述事心源意緒完  
體此仁孝道理上說非區區祭祀奉養之粗

### 仲尼燕居第二十八

#### 仲尼燕居節

周言其不虧流言其不滯無不徧便無太過不及之  
偏了禮是心之本體有自然之中在恭敬勇不協于  
自然之中便是不中禮觀下文可見慈以愛言仁以  
德音其煦煦者覺情意之需然有類于慈而反亂乎  
真慈其瑣瑣者覺誠意之愾到有類乎仁而反亂乎

禮記新義

卷之二十四

七

真仁故曰奪

#### 師爾過節

師商二人一過一不及子產一人有過有不及禮乎  
禮卽與君子人與君子人也口氣同甚決制中定不  
能外禮禮在人心原是天然之中却制定的一般不  
可過不可及者也人人渾全乎禮之本體則中自  
在是講者多在節文儀則上看覺粗

#### 子貢退節

領惡全好子游因上禮以制中悟出來的要說得與

制中意思無關惡卽如過不及便是好卽如中便是  
何如問禮之所在也蓋領惡全好子游已悟之矣仁  
字要體貼如鬼神昭穆歿喪乃吾心所欲報者鄉黨  
賓客乃吾心所欲接者所謂仁也聖人論禮若只于  
儀文末節間卽惡何由領好何由全試觀郊社等項  
雖有無窮的節目却渾然是一箇仁唯其行之而隨  
在暢達則吾心大中之體毫無所虧損淪佚其間惡  
領而好自全矣可見上節中字不當說向外而去  
明乎郊社節

禮記新義

卷之二十四

八

郊社嘗禘其禮至大其義亦至深遠此而能明則無  
不明矣連下以之得其字而通承明乎二字統會看  
來似舊註胞與天親字尚遠些

#### 是故以之節

是故二字緊承上來卽在治國上看無妨觀后面治  
國而無禮

云 自相相應可見

#### 禮者節

自明乎郊社之禮以下三節與此正相對一正一反  
見有禮則國治無禮則國不治乃領惡全好之大者

慎聽之節

疑問云禮有九大享有四只形容大享之禮之大不可不知訓詁家乃將揖讓入門以下分作九節謂此中大享有其四焉似覺拘泥且行中規三句不過形容其行其還其和鸞之曲中耳如何分得一節二節三節看來甚有理三箇君子不同君子知仁乃觀禮之君子是故君子古之君子則皆指諸侯言仁乃行禮中藹然之意舊註天理等解不足金次之見情以金之性言此則以金之聲言欲賓主以情相與如金

禮記新義

卷之二十四

九

賓主相敬間爲德在賓主各盡間爲事苟知此矣的知字亦是知此先把天理源頭見得明徹就是和序極底的工夫

禮也者節

玩本文理也節也見禮只是箇理樂只是箇節舊註乃加箇禮得其理樂得其節云把理節看有在禮樂之外了講者又曰理爲序所從出節爲和所從出大非理與節皆在吾心此心有理有節動作卽是禮樂曰無理不動無節不作只是無時無處不體驗此禮

禮記新義

卷之二十四

十

制度在禮節

制度者文爲之體文爲者制度之用三在字要相應行之在人者達于禮樂之原而不拘于制度文爲之末也易曰神而明之存乎其人是已窮是困迫罄竭之意前古之人尚虛贊之後古之人實見其禮樂兼

知乃古之賢人無素與偏之失也

子張問政節

前論禮樂詳矣而曰明乎郊社之禮禘嘗之義治國其如指諸掌而已乎又曰治國而無禮云則不但專言禮樂并禮樂之所以通于治亦既無不明示矣甚哉子張之憤憤也

君子力此節

君子力此二者力字極重有知明守固必履中正樂和平意其間舉而錯之政者俱在此一字內天下太

禮記新義

卷之二十四

士

平渾說和序化成效驗目下三項

禮之所興節

室有與昨

云

是舉日用所最切者見此禮之不可

一事舍也說箇義字尚未露出興廢治亂等意俱在

下節方見

室而無節

五箇亂字就是衆之所亂莫敢相踰越便是衆之所治聞此言通指一篇之言

孔子閒居第二十九

孔子閒居節

爲民父母行政大抵以禮樂爲首務然不達其原悉屬末節耳五至三無總本達禮樂之原來不可以此卽爲禮樂之原三無卽在五至中不平旣無矣易以行言實有是心實爲是事而要歸於無思無爲不謂之行不可也所以有敗必知者凡爲政者圖其成先虞其敗先知而爲之所則可終無敗而四方安享其成矣凡爲父母爲之就列避害而已達原是盡愛民之道而體恤者周密機則切愛民之憂而成全者至

禮記新義

卷之二十四

士

子夏曰節

五至只禮至樂至盡之志至詩至原其始哀樂相生要其終耳俱重治道說總由人君身上推到及于民處不重相因次序詩禮只以言行搭去典詩立禮之說殊不可解哀樂亦不必謂樂民之生哀民之歿只是這一點愛民意思必欲其安全不忍其失所意哀樂相生以君民應感言又在五至之外宜輕看志氣

塞乎天地正是說他至處明目二項輕只要引起此句與中庸以不見不聞引體物不遺一例其實三無之理已于此見之矣

子夏曰節

三無亦就治道上說善政善教不乎平事之理不拂乎人之情而至和之洋溢有樂之實無樂之聲音矣政教之施皆有制度品節以防範乎人情以統紀乎人事而儀則之周密有禮之實無禮之形體矣樂在得患無所不至初無弊疏之患和氣發於辭恤之情禮記新義 卷之二十四 五

子夏曰言則節

言只就三引詩說無所不包曰大純粹以精曰美致治之道無以復加曰盛言盡于此是決辭非歎其未盡也曰起發者自始所發端以漸造終所極致功夫效驗循循深造自此而得而從而聞而起則至和充

塞所謂橫于天下而樂斯至矣要知五起卽在三無中衍出非別有箇五起也

子夏曰何如節

各項俱以首句爲主下皆本此說去而服行始有全功遲遲翼翼俱由至序中來自自然從容自然欽翼舊註緩或失之于怠似以翼翼遲遲了摘訓看日就月將對氣志既起純德孔明就和敬之德看收語云語其德則至于氣志既起日就月將純德孔明而極語其效則至于日聞四方施及四海施于孫子而極禮記新義 卷之二十四 五

反覆咏歎淫洩而三無之道發洩而無餘蘊深長而有餘味矣而疑問看氣志既起則又就在人說言在在無不興起而不知其自也心和則氣和氣和則形和形和而天地萬物之和莫不應之這便是氣志既起光景二說各有體會看來此節工夫效驗先後參差所謂信手拈來頭頭是道不必拘定一律看就將既在和同之後就在和同之化上講亦無妨而黃叔陽註德業日大云兩邊俱包在內極好既起乃在日聞之后則如疑問說爲妙但以方與未艾解起字



亦未爲不通姑依舊衍之可也

子夏曰節

子夏不是問參于天地乃問所以參天地之故奉三無私蒙子夏所言天地字來何謂三無私就天地說此之謂三無私却就三王說已在既奉之後了三王奉斯三者以勞天下則三無私不在天地日月而在三王矣故直以天地之三無私屬之此之謂三無私是參天地奉三無私是所以參天地處昭格遲遲上帝是祇此是湯之心事正是聖敬日齊處故曰是湯之德也

禮記新義

卷之二十四

五

天有四時節

春夏秋冬風雨霜露所以釋天有四時風霆流形庶物露生所以釋地載神氣風霆流形就承上句風霆說不可作兩層意雨露亦能生物而此專以風霆言者以風霆無方而莫測尤爲氣之神故也天覆地載其運用之迹莫非天理發見流形之實昭然以示于人因物付物曲成不遺故曰教然是教也啓閉生殺流形露生無彼此之私都是渾然一理全無作意故

爲至公之教

清明在躬節

前只說湯之無私此只說文武之無私觀二節末句自見蓋湯武放伐疑有私禹禪受無可疑故言有詳畧不同摘訓謂三王之德前已言矣此只說出無私之應驗不知若以爲應驗則式于九圍非應驗乎愚按氣志如神以前知貼之終不妥聖心無私此清明與天地合其德則其氣志自與天地同其變化有感必應捷如影響故曰如神所以有治平之願欲則天

禮記新義

卷之二十四

六

必爲之開發其朕兆如將雨出雲所謂如神非乎如此更聯絡引詩言賢才之輔只是証有開必先之意所謂必先者固不一也說者于有開必先處徑作賢才之輔這是強主從客了不如渾然爲妙聖心原無欲乃時之所適天意人情有必至是者即聖人亦願爲之所謂耆欲也湯之德在聖敬文武之德只在清明

三代之王節

摘訓云此節言三王之德其無私之閒望足以得乎

人心前詩是証三代後詩是比例三代令聞就祖宗說不知何解細玩覺有理再訂之疑問云負牆而立者聞此教而謙退以承之與循牆而懼意同恐非背壁而立以避進問之人未知是否敢不承須總繳致五至行三無則道兼乎父母奉三無私則德參于天地皆教之大者

禮記新義卷之二十四

禮記新義

卷之二十四

禮記新義卷之二十五

父中立湯三才命意 男平子湯道術撰述  
坊記第三十

子言之節

君子之道暗指禮刑命民樂以人言不專指百姓延問云人心之欲無涯而常苦不足以不足向無涯未有不踰其則者故云坊民之所不足者也恐非天理人欲有餘不足之說似勘得好禮以坊德三句平重後面通只言禮以坊德者禮非一端可盡而刑則不必多言命則不可輕言也

禮記新義

卷之二十五

子云節

禮之所制亦多術矣富貴獨先焉者以其爲人之大欲存焉制乃節制非創制也謙快足也快心滿志便不免有淫縱之患矣唯受限于制則終日循分之不服又何自而慊哉

子云節

貪亂喜于爲亂也民既寧爲茶毒可見貧必不好樂富必不好禮衆必不肯自寧矣安得不有禮以制之

諸侯猶有畔者正意却在言外若曰有禮以坊之止然况不妨乎

### 子云夫禮者節

諸說皆云是非不決之謂疑章則從違審邪正方動之謂微別則取舍定如此似泛而無味了疑與微即下貴賤之等之類還在等威名分上說疑如疑于君疑于臣之類是也微如繁縷之小物陰補之始疑是也民有所讓皆知章之別之矣

### 君子辭貴節

禮記新義

卷之二十五

二

兩辭字有不敢居之意兩不辭有安之之心如此則有相讓之美無爭奪之風故亂益亡下舉受祿一端以實之食浮于人則受之于我不安人浮于食則反之于心無愧故權輿之無餘不失爲賢者伐檀之素飧君子所不爲

### 子云節

讓而率之民猶有犯况不讓乎此人情之難坊也三觴豆三者雖教讓之事而民猶踰之以讓在禮文而不本于己身故耳貴人一段是推本君子由己身以

盡讓故民感之而作讓也貴賤先後亦總是不驕不爭的意思或謂禮之所在則貴人賤已欲之所在則先人後已與上三讓不相蒙而丘月林謂貴賤以位言先後以齒言亦似不必

### 有國家者節

讓是知不足在已勸勉以求企及于人意非謙讓之謂興枕者慕致治良材而奮發有爲意約言不虛發也如稱人之賢則祿之稱人之能則車馬之是也

### 上酌民言節

禮記新義

卷之二十五

三

酌非真事事詢之民只自家心中酌量如此則輿論可不如此則輿論否必其可者然後布之民則所施者當乎上天之理合乎民心之公故民戴之如天上施也上不酌民言四句分明上下相對信註民必違犯未然酌民言便是實心不欺故曰信便是虛心不驕故曰讓若說以實心去酌民言虛心去酌民心便多一層意了報禮重亦就天上施說照信讓意講如披赤心而不敢欺竭忠順而不敢亢舊註親上死長與天上施無關

善則稱人節

善者人所欲而稱之人過者人所避而稱之已斯道以之待人則爲厚道以之事君則爲忠臣以之事親則爲孝子凡此皆非爲民然者而民亦隨感而化可見辭讓之心人皆有之顧上之倡導何如耳不爭不與我爭也若說民化之不與人爭便與實不合且涉下文讓善意矣

善則稱君節

作忠謂民化之而皆盡忠于君也不必在稱善稱過禮記新義

卷之二十五

四

事上說了良以德言爲天子之股肱爲朝廷之倚毗也顯以名言致吾君於堯舜熙鴻號于無窮也

君子弛其節

子爲父隱弛其過也弛訓忘須活看亦有克盡前愆之意善則稱親敬其美也須有敬述不怠意

從命不忿節

三句分三項說三者之孝蓋無往而不用其情矣則其孝也何置之有

睦於父母節

宗族父母之黨也睦則推吾之所以愛敬父母者以愛敬之是能體親之心而廣爲子之道矣故謂之孝此二句言其理下句言其事合族就是睦言君子因而睦之以合族之禮也輔氏云因孝以睦父母之黨因睦以合遠近之族把因睦二字都看錯了

於父之執節

於父之執猶且如此則孝之所及廣矣當以敬字串皆本孝子不賈來由父母推之而睦于其黨又推之而敬于其執然則君子安往而不爲孝哉以厚敬責禮記新義

卷之二十五

五

子之盡敬也引書宜重子一邊爲子者致父母之忝祖如此安得謂之敬乎

父母在節

孝者吾之所以事親慈者親之所以待我吾所得自盡者孝而已又何心于父母之慈哉故言孝不言慈舊言慮其厚于子而薄于親也把孝慈都說在一人身上一不知方說事父母如何以子形親且恐分愛于親而不言慈則不言亦僞矣看來薄于孝是薄盡子職厚于慈是厚望親心如此看亦不妨

長民者節

有事以行言追孝以心言愚意有事卽是修宗廟敬祀事之事蓋有尸有主尚虛此乃示民之有以事親而一脩之一敬之則吾之所以事親者正以追續其孝于不窮也作孝以事生言追孝以事死言忘其親須兼二意

敬則用節

舊言用祭器了又要不菲不美不非不美了又要親饋總是委曲致敬于賓看來一敬字起頭文氣直下

禮記新義

卷之二十五

六

那得許多層數不以菲廢禮不以美沒禮重禮字不重菲美字蓋食則有菲有美而敬則無不致試觀饋與不饋君子所以觀敬而容之祭不祭遂因之甚至以無禮之故而有不食者可不敬哉言敬言禮一也說者又以首二句爲敬下卽食禮推之不知用祭器則已有飲食了豈待親饋方爲食哉

示民有上下節

觀字宜體示教意講下之所觀上之所示也觀之所得教之所傳也曰觀則爲所觀者可不肅乎而觀之

者又能不肅乎是以禮儀卒度笑語卒獲無往而非示教也

孝以事君節

通作世子說蓋世子于君尊則爲君親則爲父則孝正所以事君弟以事長只就齒讓言而舊註謂推事父兄之道以事君長固不是而一說不貳謂不二其心也恐非副貳其君上之說欲通不作世子說則不謀仕稱二君如何說得去而摘訓又謂下二句是比例亦好新之過不從

禮記新義

卷之二十五

七

禮之先節

孟子曰恭敬者幣之末將者也舊註謂先行相見之禮後用幣帛以致其情無味且于有饋不能見謂不能出見其人亦似與正意無關着

君子不盡節

坐羊坐犬張氏曰坐如春秋傳褻履坐用之坐安而不散之意不坐猶言伐冰之家不畜牛羊也疑問云大夫無故不殺羊士無故不殺犬故云不坐羊不坐犬不坐者不坐之謂也犬羊之皮可爲坐乎二說

俱可不至如舊說之鄙俗矣

禮記新義卷二十五

禮記新義

卷之二十五

八

禮記新義卷之二十六

父中立湯三才命意 男平子湯道衡撰述

表記第三十二

子言之節

君子隱而顯有以周流不遇爲隱儀刑有本爲顯者言身雖隱而道未嘗不光顯也則于下不協且不矜等如何便見他光顯處有以潛伏孔昭爲隱而顯者又于上不協且歸乎二字如何便說到潛伏來今姑就其意而委曲爲說還依後說爲是只于歸乎下到禮記新義

卷之二十六

一

君子不失節

三個不失作工夫看下二句尚未說到效驗上要有三個足字只是貌言色之皆言耳別處說敬不說忌

此說一箇敬忌於不失足不失口不失色最切非平常敬而不敢逸忌而不敢放的工夫到得安能致此此見君子動合時中的身法俱由一念敬畏中來

### 祭極敬節

要味個繼字蓋極敬自不樂極辨自不倦而嚴肅忌荒每相爲倚故從其極處一警之使始終無間于敬辨也

### 君子慎以節

三以字俱自然無工夫不可作以求說蓋君子念念禮記新義 卷之二十六 二

致謹則隨在有益豈以辟禍思慎以義取爲爲以遠耻求恭哉

### 君子莊敬節

日強日偷說者皆以日進于高明日流于污下講者非也日強就在莊敬上見日偷就在放肆上見蓋外莊內敬無一日而不莊不敬這便是日強一日了日偷倣此言外有爲聖爲賢由此漸進矣下愚不肯由是卽在矣蓋君子脩己原只是一個敬工夫也盡在這裏了德業也盡在這裏了君子一日句作一句說

口氣甚緊不以字正用功處使字着力字不使其弱是由心及身如不終日是由身及心一日字要看甚言莊敬之功極其密身不至于不整心不至于不安這便是日強了

### 狎侮死節

書曰德盛不狎侮又曰弗畏入畏畏與狎侮正相反乃狎侮有至死而不畏者亦可悼矣

### 無辭節

無辭不相接欲其有相接之名也無禮不相見欲其禮記新義 卷之二十六 三

有相見之文也有名以正之有文以章之則豈有相褻者乎

### 子言之節

三者俱在仁義禮自然功用說非人去求之也表制二字不必說到人心知所畏知所敬處三箇天下字不關正言其大也利字愚意利者義之和也故者以利爲本此利字作人心自然而然而看何如

### 以德報德節

以德報德段言報之常以德報怨段言報之變中間

引詩書不過爲前段之証佐耳摘訓乃分三層以次  
甲爲主于從厚子曰以下爲主于過厚不可曉舊解  
竟身之仁謂人將德之而有餘裕亦支離

無欲而好節

欲惡卽指仁不仁說安仁難得故責人不可以不恕  
是故二句全重置法邊議道句伴說蓋議道特以示  
人之的故必以無欲無惡者盡其神而立法則所以  
導人之從則必以有欲有惡者牖其機

仁有三節

禮記新義 卷之二十六

四

此條專重情字情不可襲取故觀仁者不可以功情  
不能獨運故體仁者又不可無功自成績處則曰功  
自推行處則曰道揔是一箇仁之外見處與仁同過  
不重過過處正是情甚言情之重以見功之不足據  
耳仁知畏罪同行乎仁者也正是功同處安畏強正  
是情異處利仁者以仁爲美而利之此以言失論強  
仁者俱不仁之禍而勉爲之此又以利害論仁右道  
左卽志至氣次意全重相資爲用不重先後之序左  
右且虛人義正申其故仁屬人以本然者言道屬義

以當然者言仁曰人則人能弘道故曰右道曰義  
待人後行故曰左須知左能助右之不及義能輔仁  
之行方見相資處厚於仁四句舉偏廢之弊以見情  
與功之不可缺一也

道有至節

道都在治道上講至道就是以善養人而欲罔天下  
于同仁意義道就是以正自持而欲以正人之不正  
意考道則不能如仁義之及人但斤斤自持稽考成  
規而不敢輕有舉動也以德行仁容保天下之氣象  
禮記新義 卷之二十六 五

故可以王循名守分率表諸侯之規模故可以伯無  
失卽遵法無失之意

子言之節

仁有數見人貴有以會其全不可以一得自足義有  
長短小大見人貴有以合其宜不可以一偏自泥

仁之爲節

重遠以仁之本體言莫能勝莫能致只是極言重遠  
選着仁說至勉于仁二句方是人之難于體仁也取  
數多就在其能勝莫能致上見之舊註遠取古人之



例不切了疑問云有一念之仁而擴之天地萬物有一時之仁而推之天下萬世是取數之多真舉其能勝而行莫能致者勉于仁者不亦難乎極體得好勉于仁度人望人俱就舉行上看義字集註把長短小大混入大非愚意只當箇宜字看蓋人有此仁則重便宜舉而勝之遠便宜行而致之但以此量度求人則少有未勝少有未致便不得爲仁了故雖爲人以人望人是就今之人屬望今之人則請有能舉能行者亦異于不舉不行者矣故曰賢者可知前後俱禮記新義 卷之二十六

言安仁之難此并屬勉仁亦曰難者蓋勉自有勉之分量倘弘毅纖毫未致必不能任重道遠如大雅之莫助小雅之行止則正所以由勉而入于安者在君子雖以人望人而人必不可一息不勉也故下節承云鄉道數句正摹出箇勉仁的光景進之則安矣中心節

安仁者少正見人當勉仁說者謂安仁固雖然亦無不可至之理便覺意思不接好仁全在一箇舉字行字上看出舉至于莫助行至于景仰則心誠好仁矣

若以吉甫之愛莫助與景人之德行為好仁便不勝刺謬矣鄉道以下通是贊辭勉人意在言外

### 仁之難成節

此節依舊說看來頭緒甚多大抵易辭以上只虛言成仁之所以寡過成仁在得其所好上見得其所好在寡過上見故曰過易辭易辭正是成仁處下中其實也只以敬讓行此以上貼仁者二字雖有過句貼過易辭三字自明恭寡過以下又申釋之曰恭曰儉曰信皆德之可好處曰禮曰情曰仁揔是箇仁字以禮記新義 卷之二十六

七

其未着人只論理故曰近不可因近字把恭儉信看得淺了能敬讓以行此則隨所顯設不論一仁是謂得其所好而仁以成過豈不易辭故曰雖有過其不甚矣夫行此三者何以過便不甚恭寡過云云以此失之者不亦鮮乎文氣如此說者謂寡過所以成德看寡過屬有工夫了把敬讓以行作了一層把寡過又作一層把成仁又作一層至謂成仁比寡過進一步豈不支離大抵過字要看得圓活有不得已而受過者雖仁人不能無過故聖人曰不甚曰不失正見

易辭處只不死煞斷之而寡過豈淺鮮者哉說者俱以詩辭應成仁在不甚不失之後故看得如許破碎不知引詩只証恭近禮一句以恭近禮爲德之基則成仁豈在寡過之后乎新裁云夫子歷來說許多仁的難處此節教人下手工夫人之遠於仁只是註誤重那點真心一時反不來寡過是近仁之機恭儉信與敬讓是寡過之實過寡則德進而仁成矣甚妙○情是本然誠實之理不可作性情之情看下句變信爲情者以有下信字相碍也信既近情則信亦直可禮記新義

卷之二十六

八

謂之情矣

仁之難節

上節言成己之仁此節言成人之仁責之太嚴則有以重其畏難之心而教之大疎又無以啓其從人之路此仁之所以難成也無欲而好無畏而惡此己之所能人之所不能也君子聖人只是一箇人上言其立心之恕下言其立教之恕當一串說非兩平意上言愧人我愧之也下言愧恥彼自愧也我未有制而先愧之民徒知仁之道非我所能行之物而甘心受

恥是以愧之者沮之也我已有了制行之法而民猶不能仁彼將自愧是以愧之者激之也勸勉暗與病人相反愧恥暗與愧人相反制行制民之行也言字從制行來乃立教之言疑問云人雖庸衆亦必有向仁之言特未能行耳茲能勸勉愧恥將實行其言而不爲虛辭矣下文遂其辭則實以君子之德正與此相照應更詳之五箇之字汎說內外夾持人已交脩慮之甚周防之甚密欲其念念皆仁事事皆仁而不爲他岐所惑所以專一於此仁也疑問云衣服以移之禮記新義

卷之二十六

九

是故君子節

服其服六句歸重德上恥服其服四句歸重行上兩段俱一步緊一步相推說下看前數則字是體仁不容己之功後數恥字是體仁不容己之心唯所恥在此故所欲在彼正上下相足之詞

子言之節

君子所謂義猶言義之爲義也貴賤有事重貴遜故

字由天子親耕倡率也勤字重看輔字指得廣事上帝事天子正與上有事相照應

### 下之事上節

此節只重不敢有君民之心一句而所以不敢有君民之心者只一箇小心畏義盡之仁之厚猶言厚于仁非以仁屬德厚屬心也仁禮卽在上二句見出蓋有此德無此心便是愛敬吾君之至故又名之曰仁禮役舊訓作爲亦不切役者服用也仁禮渾然無迹而以恭儉信讓體貼出來如服用一般恭是不以寵

禮記新義

卷之二十六

十

利居成功而求用吾寡過之仁儉是不以小言受大祿而求用吾無欲之仁信是秉精白以永休德而求用吾靖獻之禮讓是竭忠順以媚一人而求用吾嚴上之禮不自尚以下皆後仁後禮之事但不必如前說瑣瑣分貼此數語正摹出一箇小心的光景乃所以凜凜于名義也這小心無往不是不論得與不得曰求以事君者求以自盡仁禮祇事吾君也求自我言乃後仁後禮之心非有求于君也以臣事君正天命所在得之無覬覦不得無厭望便是聽天命了引

詩証聽天命也誰人能之舜禹文王周公是已蓋德不足而勉爲下猶易如四聖人者德則大而心則小是誠仁之厚者詩言小心翌翌昭事上帝足發古純臣事君之心事矣大德如濬哲文明祇台德先緝熙敬止制禮作樂皆是小心如讓德弗嗣祇承于帝以服事殷致政成王皆是

### 先王謚節

此條謚法意原輕只借名行意以起事君者耳全重自卑二字事與功對則所爲者爲事所成者爲功善

禮記新義

卷之二十六

士

與功對則德謂之善事謂之功處情處厚下賢通加一求字可以規君子之心矣一手一足新說謂豈一人之手足所能及哉蓋論其事雖一手足所爲論其功則非一手足所及也亦是

### 子言之節

此總論君道難于盡仁而人君當兼體意者二句作冒引詩至父母矣詳言其仁也非至德句正見其難蓋仁以教養兼舉爲全德以剛柔不偏爲至此其所以難也強教二句不可作什詩詞看乃承凱第一字

而就以君子言之也下四句重下半截些貽以樂利樂也而非逸居無教奚其有荒秩以倫常禮也而非離情少恩奚而不親戚莊在望而肅由自然孝慈惠廣而恩非姑息則強教說安並行而不偏此乃至仁豈不足爲民之父母有父之尊二句不要分開聯講爲妙

### 今父之節

父之親子

云

自是人情水柔則狎而玩之火烈則望而畏之土近于人而有利可愛天遠于人而有威

禮記新義

卷之二十六

十一

可畏命令示人于明而近于人鬼神示人于幽而遠于人此尊親之所以異也舊說命字作造化之所以示人者但玩下節尊命尊神則命字端作命令不辨自明

### 夏道尊命節

近人而忠夏周之所同也然夏之敝裔而野周之敝文而不慚何哉蓋夏之近人本乎尊命命之所制者簡周之近人本于尊禮禮之所制者煩其源既異故其流亦不同也這三樣民之弊着實有分別你看

愚喬朴之民雖是癡呆何等樸實到那動蕩好勝就有不安分的意思了然機心機事還不深至利巧等風一熾則雕琢元氣極矣

### 夏道節

此雖承上章來不必說上人政之有偏了只是言民心日以不古而聖人因時以力挽意舊註以尊命爲未瀆辭後禮爲未瀆禮這兩箇未瀆字一樣解說而尊字后字大相懸絕如何總來解未瀆

子言之曰節

禮記新義

卷之二十六

十二

此節只重在子民如父母上前二句不過要起此一句耳然須要看得二句不閒方是蓋生歿都無所私只一心在爲民故耳惻惻二句正是子民如父母處愛如寡居足食惻有哀戚意但有痛憫意是其愛出于中心而不可解者愛何至也所以有母之親也教如明倫制器忠是教善之誠利是兼利之功是其教在上則爲實心在下則爲實用教何善也所以有父之尊也親而尊即在惻怛忠利見出安而敬四句是惻怛忠利的實事又承尊而親說來看兩有字并五

而寧惻怛忠利事異而機實合親中有尊尊中有親  
以時出之妙運無迹所謂用其中于民也如此故其  
君子亦化之而歸于中矣尊仁畏義以內外相對恥  
費輕實以人已相對蓋慈仁者多無斷恥費者多吝  
嗇唯尊仁而又畏義恥費而又輕實方見君子之全  
德而化于中處君子如此小人可知感人如此已德  
可知要歸重到舜上甫刑正意言苗民以虐察爲威  
明舜以德爲威明此引來說子民如父母處便是德  
威蓋威則能嚴上下相臨之分屬尊言也子民如父  
禮記新義 卷之二十六 古  
母處便是德明蓋明則能通上下一體之情屬親言  
也唯威唯明則天下無不威不明矣如此緊頂德威  
二句說孰能與不可及相應

### 子言之節

信約信也未拜之先必先進言于君以爲將來之憑  
藉這就是信了然後拜而受命于是竭忠盡節委身  
于君使前日所約之信皆見諸行事而不爲空言則  
信成矣自獻其身是豫說後來事不重只重在先資  
其言上唯先資其言故君有責于其臣臣有死于其

言矣此二句不可平說死字要看得活必踐其言生  
死以之也到這裡方是實說自獻其身以成其信處  
既有死于其言則有功而不爲尸祿無過而鮮至獲  
罪矣

### 事君大言入節

小言而受小祿儘可以成小利了原無非常之樹立  
無假于尊官而後可行也大言而受大祿須得如此  
柄用方可展布以興大利者若以小言而受大祿則  
受者大而望者小報禮之重難以稱其所居矣以大  
禮記新義 卷之二十六 圭  
言而受小祿則受者小而望者大名位之卑難以遂  
其所期矣引易爲不以大言受小祿之証

### 事君不下達節

非其人弗自以下要補獲上意以爲詩末二句張本  
神聽式穀乃甚言之詞要歸到君上

### 事君遠而諫節

此節還重在諫上遠者固不可諫近者何可以不諫  
乎邇臣宰大臣皆近君者也故法皆當諫如君德未  
和百官未正四方未安之類守和守字宜味有維持

調護可否相濟以成一德意

事君欲諫節

要看欲不欲三字此以人臣之心言也陳亦是諫然諫而至于陳則近于訐矣龍逢比干之諫可謂非陳乎然非二臣之心也

事君難進節

君子進以禮禮主于辭遜故難退以義義主于斷制故易由是人知自重位必稱德有序而不亂若易進難退雖奸人在位吾亦安爲之黨賢不肖溷淆而亂禮記新義 卷之二十六 十六

事君三違節

去國非人臣之得已豈樂于出竟哉然心迹之間不可不自白也

事君軍旅節

辟難辭賤便是不履其事臣之厚只在不得志一邊見之然終事而退意輕必終其事而後退正見無不履之事引易言不事王侯則唯是高尚其事可耳豈有居位而辟難辭賤以卽于亂者哉

唯天子節

通重天子說上順逆字次下順逆字活註中順天命逆天命尚稍在君命順逆之前士受命于君與天子受命于天同乃臣有順命逆命者何也天命有順而無逆君之命不無順逆故其臣一視君命以爲順逆也

君子不以節

下四句正不以辭盡人之故道德者本也言行皆枝葉枝葉在行則行盛而世盛枝葉在言則言盛而世禮記新義 卷之二十六 十七

衰可見言非盛世之所尚聽言亦非取人之所重而可以之盡人乎

是故君子節

觀人者既不可以辭盡則君子之自處而可徒尚枝葉之辭乎是故君子云三不問就是如水如水就是淡淡自無後怨而可久甘言反此

君子不以節

譽只是稱之舊註揚人之善而過其實不必用稱人之善則爵之正是不以口譽人饑寒二句客辭耳

口惠而實節

諾正是口惠而實不至試于交接處體味之自見

君子不以色節

情辭俱宜就接人上看重上句方與上文有情

子言之節

上筮正是事之之敬不違不褻又是用上筮之敬不犯日月謂他祭日月不犯此常期此句乃不用上筮者不甚重特以起下文耳

大事有時日節

禮記新義

卷之二十六

六

有時日無時日正見不犯日月一說不違句仍屬上文剛曰柔日皆不違此龜筮時日既卜而以其牲牲禮樂齊盛者屬之于神明是以神欲其誠錫之以多福而災害不生人說其誠皆以爲知禮而怨恨不作也若依註不違句在齊盛之下則禮樂齊盛未聞有卜而用之者亦通

后稷之祀節

富訓備乃全具充足之意不可作備辦看易富辭恭欲儉不宜三平言雖易富而辭恭欲儉自足以格神

亦唯心一千恭敬而無希冀之念所以易富也

大人之器節

威敬不着人說只言龜筮之體尊嚴而可畏可敬也

君子敬節

用祭器是敬彼之來不廢日月不違龜筮是敬我之往不廢者如期而往不違者獨吉而往也一說如此分對是以二字說不去乃以用祭器句與坊記同例泛說上下頗覺無情徐註徑以君子作天子與大國說唯其待之者如此彼是以敬事之而不敢忽也未

禮記新義

卷之二十六

十九

知是否

禮記新義卷之二十六 終

禮記新義卷之二十七

父中立湯三才命意 男平子湯道衡撰述

緇衣第三十三

子言之曰節

上難事故下難知下難知故刑罰煩一直縮下蓋上焉者好惡悖于正喜怒失其常下于是有匿其誠信以爲容悅者屈其忠直以爲阿諛者也其禍心以爲詐僞者苟可以罔上而免其咎則笑所不至刑之所以煩也篇名緇衣而首章不及者見君明乃能好賢禮記新義 卷之二十七 一

好賢如緇衣節

緇衣之詩曰緇衣之宜兮敝予又改爲今適子之館兮還予授子之餐兮言好之無已也巷伯之詩曰取彼譖人投畀豺虎豺虎不食投畀有北有北不受投畀有昊欲其效之甚也詩與刑所以助好惡之不及好惡誠真民心自有一段躍然處要言云爾則不能不用故但曰不瀆刑或可以無用故遂曰不試可玩儀刑與兩如字相照文王與緇衣巷伯相照作字與

作恩威服相照舊註誤認文王爲天下之所儀刑便涉作字意矣而以好善惡惡屬在文王身上與儀刑文王口氣不肖

夫民教節

此節以中段爲主以首段引起而又以末段反証之雖中段申言德禮之效末段申言政刑之效還分賓主爲是以子信恭應德禮亦是大槩說不必分貼絕其世比遜心又深了一步可見親之不信而有遜心則安富尊榮而能長世不但有格心而已也

禮記新義 卷之二十七

二

下之事上也節

下字都就民說好是物就是行了是民之表又原其不可不慎之故就在好是物下必有甚上見之表者人之所取以爲正也

禹立三年節

此言聖君化民之易見上爲民之表也立者立于位便有立極樹表以仁率先天下意豈必盡仁是因禹之事而推言以斷之暗寓責君之意在內引詩書只証此句大抵禹承堯舜之後體如天好生之德以仁



天下故民易遊于唐虞之天若王者與姓受命承亂世之後則必世后仁此又不可不知

### 上好仁節

上好仁二句且汎說上下感應之理于章志貞教處方見好仁意于致力行已以悅上方見爭先人意爭先人甚言爲之勇也子愛百姓非姑息保愛之謂推此仁以教天下之民使志存乎仁身行乎仁如父之愛子而欲成其德也民之悅上非奉養承順之謂只感其子愛之心亦志存乎仁身行乎仁使已之爲卽禮記新義 卷之二十七 三

上之好如子從父母之命曰章曰貞曰尊于好字最切曰致力于爭字最切

### 王言如絲節

絲綸四句只見得王言所關之大平說不可一串看蓋王者之言始于宮闈而家道之齊否判焉達于朝廷而政事之得失形焉布于畿甸而風俗之美惡著焉宜于海隅而生民之休戚分焉動于天地而兩間之災祥應焉傳于史策而萬世之是非明焉至微而至鉅不可不慎也不倡游言承上文來若倡游言則

其出又當何如論言後及行者言不離行也二可字不宜說煞兩箇不可字亦假設之詞二者總歸于過危與安對不可言不可行便于理有未安處是謂言危行行危言引詩以証君子慎行則慎言可例見矣

### 君子道人節

道是開道禁是禁止舊註解禁爲謹飭不妥既以言行去禁人道人則言行有關于民矣豈可苟哉所終所敝還只就自己之言行不要說到人去曰慮有務求爲善後意曰稍有求協于中正意引詩謹言行禮記新義 卷之二十七 四

而化民意自見

### 長民者節

不二有常則上之德一矣齊者齊其德非齊其容貌衣服也一字從齊字生民德一是民各自一其德也雖不專指容服然亦臚不得在務脩德以稱此容服上看在長民者由中以達于外在民則由外以求于中衣服不二則民之德亦不二矣從容有常民之德亦有常矣

### 爲上可望節

要看兩箇可字非真去望他述他只形容君臣相與之誠處述字對望字看淺只重在知與志不可以述字對志字平講咸有一德乃引書之辭決無復引詩以明之之理淑人君子兼上下看不忒不可作威儀要體可知可志處講見其儀則之無差忒也然終不甚協詩証前二句書証后二句先不忒而後相得也有國家者節

示厚就在上人說不二就在下人說只是箇有善無惡自性之本然處曰厚自心之必然處曰不二也

禮記新義

卷之二十七

五

上人疑節

疑與難知俱要照下文有疑乃上人自執狐疑非令人可疑也難知是口裡說的一樣自身行的又是一樣便難知了好惡乃君心之所注爲之章而剖之慎而操之則不遷就于善惡之兩途所以爲不疑好惡亦不必着人說如前章上好仁好也章志貞教則章矣令人爭先仁則示民成俗矣惡邊例見行乃格君之要靜而正之自無事煩稱辭說不及以詭異之事言不知以隱僻之理言不可當責難看不如此則皆

之所以事君者表表可以質天日而非有私意以干主上所以爲不難知上與下渾是箇誠信相與又何至卒瘞與印病乎

政之不行也節

爵祿刑罰正是政教之大端此而無爲勸懲則政教之本意先失尚何冀其成與行哉

大臣不親節

此節全以大臣爲主因大臣說到邇臣因邇臣又說到遠臣忠敬二字俱屬上人說孟子曰待先生如此

禮記新義

卷之二十七

六

其忠且敬也是一証舊註將忠敬分貼君臣未是邇臣比與小謀大不同相比以奪其柄在不治之後讒謀以成其隙在不治之先從古大臣之離間未有不由小人之讒構者故敬大臣又要慎邇臣唯有以慎之則嚴肅之至卽欲乘間抵隙而無從何至以小謀大既有以慎之則侍御僕從自有紀綱無有煬竈之奸伏于內而事遠臣之懷忠盡以清君側者且遠近之間體統自在也何庸以遠言近方有以慎之雖不至逞奸于心胥而或肆毒于屏藩猶之不慎也吾唯

禁絕之何得以內圖外是則大臣常相親而不怨邇臣肅然于宮禁之側不忿疾以啓危疑卽遠臣亦直達于梳櫛之前無間隔而成壅蔽矣如此乃爲真能敬大臣而百姓何虞不寧哉

### 大人不親節

曰所賢所賤亦明知其賢與不肖矣而所用非所賢所置非所賤蓋其初出于本心之良而其終奪于昏愚之鑑也

### 小人溺於水節

禮記新義 卷之二十七

七

大旨歸重民上水與口例辭也近于人與德易狎不可作一意近于人以其切于用者言易狎則言其柔也煩是煩瀆可厭尚未到人煩悔是悔其失言尚未到招禍易以溺人纔是禍曰有鄙心則不但鄙陋不通便有任其臆見以希冀在上者了舟而不游所以慎其溺于水也發必當理所以慎其溺于口也仁育義正所以慎其溺于民也

### 大甲曰節

太甲言天命之當重事機之當審允命言庶政之當

戒大甲言禍患乃所自取尹吉言忠信乃所自盡皆明不可不慎于民也若因唯口起羞把此節連慎于口說誤矣

### 民以君爲心節

民以君爲心見得君當慎于正已以率民君以民爲體見得君當慎于愛民以全已心莊云正見民以君爲心也心以體全云正見君以民爲體也重君爲民心上一身之中全是心作主君民之間全是君作主民不過率從而護衛之耳所以引詩言君當寧

禮記新義 卷之二十七

八

成生全小民不當勞而使之怨也天之于民厚矣而寒暑之過正雨暘之失中民猶怨咨況人君不能愛養之有不怨咨乎旣怨咨則君必至于亾矣

### 下之節

義不一從言不信來行無類從身不正來蓋言信則有不可移之義故一身正則無有好異之行故有類言行須貼事君上說方切不可奪則義一行類矣此主已到處言也生死字要看得圓活卽中庸至死不變意言不因死而變志遂貽不令之名也多聞多志

是一層工夫守之親之是一層工夫到行之處方是有物有格精知不甚重只重行邊行之包上言說新裁云畧者約也王道妙于易簡道之至極者自無不約正上義一行類是也行之卽執兩端而用中也正是見言言行處師虞是証質而守之質而親之言其用功也儀一是証義一行類言其成功也

唯君子節

君子小人俱是在位者有鄉有方當就進賢退不肖說

禮記新義

卷之二十七

九

輕絕貧賤節

輕重當難易字看此自是勢利中一輩人故輕絕貧賤而重絕富貴全不問人之賢與否了不必泥定貧賤的人是賢富貴的人是不賢

私惠不節

惠兼禮與物說惠乃交際之常私惠引詩推不留之故不歸德則非示我周行者便非所以好我矣故不留之

苟有車節

此節原不重見聞只重君子之言行所以爲見聞之地者不可不慎也要看二必字言則必聞行則必見誰得而匿之亦誰得而掩之何可不慎舊註有軾則有車無車則何所憑而軾之乎有衣然後可敝無衣則何敝之有不知何解然則夫子示人但欲其有言行而已不必問其慎與不慎也背謬之甚

言從而行之節

從而二字虛說以從爲順理便與下面兩箇不可字相碍言行亦不必纏上節當以信字爲主飾與信相

禮記新義

卷之二十七

十

及飾字卽大美小惡大美小惡卽不成信了大者侈張其美小者掩覆其惡此言有餘而行不足之故南人節

不能知還是不能測其心術吉凶意尚畧後些充命多有脫誤純而二字作黷于二字惡德黷祀分作兩項爲的

禮記新義卷之二十七 終

禮記新義卷之二十八

父中立湯三才命意 男平子湯道衡撰述

深衣第三十九

古者深衣節

古者衣裳殊制所以別上下也唯深衣連而不殊蓋燕私之服耳蓋有制度以應規矩繩權衡當一句讀制度只管此一句說者以蓋有制度作總以應規矩繩權衡爲制度中之 目而與下文相接說去則以應二字何所係屬且不見通篇重規矩繩權衡之意

禮記新義

卷之二十八

一

制十有二幅節

袂在前以動而致用故欲員員者動也袷在中以靜而成體故欲方方者靜也如矩只言其方負繩只言其直如權衡只言其平矩繩權衡字不可看重了方直乎三字上方實指矩繩權衡而言

故規者節

直政以正人言方義以正己言權衡二字重衡說以

平爲主志以應物動而爲用安危無常故譬則權心

以存主靜而爲體本自平故譬則衡此既有所取義

矣下文取其無私取其直取其平不又爲一義乎蓋

上文爲制服所寓之義就著深衣之人說下爲川服

所取之義只就深衣上說惟其有所取故必當用義

稍淺唯其有所寓故用之而可深長思也義稍深聖

人先王只作一人看服之貴之微有先後耳

投壺第四十

已拜受矢節

禮記新義

卷之二十八

二

已拜受矢有兩意言主人已拜送矢于賓而又自受矢于贊也

請賓曰節

比投不釋是什算在投之時請爲勝者立馬是立馬又在勝之時每一入而卽釋一算所以記其入之數每一勝而始立一馬所以表其勝之數什之則爲什立之後爲馬明是兩樣方氏誤作一樣矣

命弦者曰節

狸首言賓主燕會不以微薄廢禮雖諸侯之節亦可

通用也間若一雖就狸首說正要與投壺之疾徐行止相應也

左右告矢具節

前言奉中正為盛算也則此言釋算乃釋于中耳舊註謂釋一算于地未知何解

卒投節

疑問曰一純以取一算為奇是一句不是二句蓋計數時一算為奇不必說故但從二算為純說起二算既為一純若中三矢是于一純又加一算即亦為奇禮記新義 卷之二十八 三

故曰一純以取一算為奇遂以奇算取云者進而加之也此三句專為奇則曰奇一句設訓詁者不察此義將一純以取為一句一算為奇又一句則遂以二字何以解且一算為奇遂以奇算則奇則曰奇句又何以解細玩似覺有理且此就一番論非通三番論也舊註乃云假令十算則云五純九算則曰九奇真可發一笑

正爵既行節

此言止馬在正爵既行之後可見前行觴俱一番時

事了而卒投不屬終竟益明矣

算多少節

籌五扶七扶九扶壺七寸五寸二寸半斗五升去席二矢半陽數也算長尺二寸天數也君子之所法象必本諸天求諸陽因節文而託其義焉雖小事不廢也

禮記新義卷之二十八 終

禮記新義 卷之二十八

禮記新義卷之二十九

父中立湯三才命意 男平子湯道衡撰述

儒行第四十一

魯哀公節

此對與俎豆軍旅相似正欲啓其所當問而勉之以學也

哀公曰節

四待字要體得好儒者學專爲已何心于人知直待之爾已曰我爲此以待世用便不是真儒了珍已是

禮記新義 卷之二十九

一

貴重之物而又以席上藉之以防外物之或褻尊之至也此只喻其德之可貴如珍之在席上耳舊註自貴而待賈便涉在待聘上了及講學于燕閒從容乎席上又把席上看成真矣聘是幣聘問是顧問舉是任之爲股肱心膂取是使之以理煩治劇四句俱有兩截意有所預于已無所求于人自立合此二意然玩四待字還宜重無求邊

儒有節

中只是適中舊註解中于禮誤認去聲了動只以身

言解作心之所動便非容貺矣慎其德解慎字亦太深大讓小讓大小難易都是他好處慢爲威愧無能皆是不好處如而實非正藉以形容其好處耳

儒有居節

愛死二句以渾承爲是說者以愛死句貼恕養身句貼敬覺紐備豫二字串唯備方能豫也

儒有不寶節

近人非近于人情卽如中庸不遠人爲道之意舊說把近人看粗了故只在易祿二字討出分曉如此將

禮記新義 卷之二十九

二

通節所云俱屬葫蘆提乎細玩註德義俱是他近人處蓋世有專殖于外而不務反求有苟同于世而不務自效者名爲近人實則遠人以爲道也儒者不寶金玉不祈土地不祈多積似遠人矣而吾自有忠信自有義自有文何者非人之所同得難得難畜似遠人矣而以相吾時以守吾義以盡吾勞何者非人之所當盡故曰近人按忠信則其德可貴故以爲寶立義則正大光明隨其身之所處無往而非大道正路故以爲地多文則學以聚之充滿積實而道統有餘

矣故以爲富非時不見以出處言在未仕之先非義不合以去就言在既仕之後

### 儒有委之節

貨財着一委字是恣其出入樂好着一淹字是浸灌之深于此處見得明守得定是謂不虧其義來者不豫與不習其謀要有辨二者俱是用智但來是我在于此聽物自來而不必豫也下是我去謀事倉卒應變而不必習也疑問曰往者不悔二句註甚妙但就愚見往已往也已往者過而不留曾何執悔吝之意

禮記新義

卷之二十九

三

來未來也未來者順而不逆曾何執豫待之心又曰不斷其威二句註亦妙愚意威以時奮可也先主之以斷則威峻謀以事出可也先加之以習則謀深此儒者所爲不斷不習也是亦一說存之以長識

### 儒有可親節

可親至辱也是剛毅之見于與人者而數也以上是剛毅之見于處已者過失句謂微有差失辨而即改不可面數以即改故也此正他勇于改過處若說不可直言其過不幾爲剛愎自用者乎

### 儒者忠信節

忠信以存心言甲冑服之于身而在內故喻忠信禮義以處事言干櫓運之于手而在外故喻禮義仁之體大而尊故尊之若戴于首義之體方而嚴故守之若抱于懷也只是持守意

### 儒有今人節

爲稽爲楷此便是憂世之心非至不忘百姓處然后見之但適弗逢世以下是舉其時勢之艱而猶不忘其憂以見其憂之深耳雖危二句卽身可危二句上

禮記新義

卷之二十九

四

### 儒有博學節

禮之句就禮說下二句全重優游之法優游所謂和也忠信句只言其學禮之本耳慕賢二句重涵容邊纔與寬裕合毀方貼慕賢瓦合貼容衆如此則于道無所不體行成而不隘以私于人無所不容普物而不傷于迫寬裕之行有如此者○一說以禮之和爲



實作頭忠信優游慕賢容衆相對毀方句摠承都貼  
禮講若五句命題如此不妨

儒有內稱節

程莫之積累之不以一事偶合輕許其爲人之實但  
此節只重荐賢之公不輕荐意還輕然亦必如此而  
后可以不辟親不辟怨也由下位舉于大僚曰進由  
隱居使之行義曰達君得句不可與苟利句對蓋側  
席求賢以共治國家君之志也國家享安富之利則  
入君遂望治之心矣

禮記新義

卷之二十九

五

儒有聞善節

疑問云任舉不專是任舉于朝廷之上或窮或達任  
重而道遠皆有職業之當盡者世儒但見上條有舉  
賢援能句此條有爵祿相先句將久相待遠相致通  
曲解在升進上去若此則所謂患難相成者亦將成  
于爵祿乎謬矣大抵相告相示是恥獨爲君子必欲  
友朋同歸于善也相先相示是好友悉與其相待相  
致是彼此終不渝若此等人同處于達克堪國家之  
重寄同處于窮克勝道義之重託是爲儒者之任舉

也必曰與同升與同進任舉以職事固哉俗儒之爲  
見矣又曰人情可暫不可久可近不可遠久相待而  
不忘遠相致而不遺是始終如一之君子也細玩頗  
覺理勝錄以俟訂

儒有澡身節

看他曰伏曰不知曰不急爲真是格君心之非務引  
其若干當道者而從容委婉絕無粗浮急遽之習自  
非澡身浴德者不能不臨深二句也俱根事君來摘  
訓欲不指定行與文講極是疑問云恥自高焉用臨

禮記新義

卷之二十九

六

深不貴多安事加少世治可進而或自輕焉其誰爲  
重世亂可退而或自沮焉其誰與易人皆附同然其  
中有不可苟合者弗與也人皆惡異然其中有未可  
輕訾者弗非也是謂特立獨行之儒如此說大足徵  
舊說之捏晦矣以上二條見解極高徑闕陳註從之  
何害但相沿日久主司徂于舊聞恐反至以是獲戾  
者不得已姑錄舊註而附此于簡端以俟高明訂之  
記中多有如此不能盡志

儒有上不節

徐註如此細玩頗覺圓活舊說不臣不事固高不仕之節矣然豈輕世者哉以其自脩者常內有所重而不屑于外也夫儒者亦何嘗以不仕爲高況上有分國如錙銖之君正儒者效用之日而猶抗言不仕以爲節則枯槁沉淵傲世玩物甚矣豈夫子所以論儒哉慎靜尚寬平說強毅比尚寬進一步博學比慎靜進一步近文章就承博學說砥礪廉隅就承強毅說以知服對以與人看要有以字舊註作博文約禮相對則強毅與人亦可作兩意相對耶近文章只重有禮記新義 卷之二十九 七

儒有合志節

志嚮也故下一方字易曰方以類聚道路也故下一術字孟子曰術不可不慎也舊註方卽術也似糊塗此二句正是交友之事並立四句只言其交之固其行以下又原其始也不可以同道同術爲不厭不信之本如此說便不消後三句了亦不必分此爲窮而相友以下爲達疑問云合志管道窮達之所同也並能立于志與道之中是爲並立屈已以下賢曰相下註訓並立爲爵位相等相下爲尊位相讓恐非本旨亦新其行本方立義則素行已爲端人乃是取友之禮記新義 卷之二十九 八

溫良者節

仁體事而不遺悉數之不盡于八者約而言之則止是此心而已溫良四句摘訓云仁道雖大必德性溫良乃能發出這仁去愛人豈不是仁之根本敬慎然後心能收斂始不爲人欲所間豈不是仁之實地如此講更直截八者總是仁道之流通未着人至兼此三句方實就儒者說

儒有不隕節

摠承上文而申結之儒者衆行皆備如此故道具于已而無往不善也言行謂儒者之言行義者以爲是而義之也

### 冠義第四十三

古者二十而冠故儀禮有士冠禮而此則釋其義也凡人之所節

人只是一箇禮而禮以義起故聖賢開口便說禮義禮義始于容體辭色而其用莫切于人倫故纔說容體正顏色齊辭令順而後禮義備隨轉到以正君臣

禮記新義

卷之二十九

九

親父子和長幼君臣正父子親長幼和而后禮義立中間以字正是過度處然只虛虛帶下不可云以禮義去正君臣等也君臣父子長幼不可平只重子臣幼邊備是無欠缺立是無傾倒禮義備便是人道備禮義立便是人道立隱然已伏成人之者在然必由冠始故緊承冠而后服備三加便有三加之服服是服便有是容色辭令則冠非禮之始乎故聖王重之重冠卽下筮日筮賓等

古者冠禮節

聖王重冠是重禮故緊承冠禮筮日筮賓云見若此其致敬端是重禮以爲國本重禮曷云爲國本國之所植在綱常重禮而禮義立綱常其至于淪歎乎傳曰有基無壞所以爲國本也事是冠的節目卽下冠于阼醮于客位等禮是冠之統體卽下所謂成人禮意爲國本卽下可以爲人而后可以治人意

故冠於阼節

筮日筮賓是敬冠事然未及所行之禮故緊接冠于阼以著代云成人之道也汎汎說意若曰冠而字

禮記新義

卷之二十九

十

自是成人之道責成意雖未露而已寓于此語中矣

見於母節

一則曰成人而與爲禮一則曰以成人見此其人可無自責乎故緊承成人之者將責成人禮焉也云

成人之者節

上但說責成人禮下緊承責爲人子爲人臣爲人弟爲人少之禮行禮非虛文必實見之行然後始成其禮始成其爲人始可以治人也此卽爲國本意前由冠說起故言重冠是重禮此由責禮行覆說上曰聖

人重禮故重冠前以筮日筮賓爲聖王重冠此又以行之于廟爲重冠者亦互見也前云爲國本卽可以治人意後云可以治人卽爲國本意但各有所指耳

#### 昏義第四十四

取妻之禮以昏爲期故謂之昏禮必以昏者取陰往陽來之義也

#### 昏禮者節

周禮同姓者百世而昏姻不通故曰合二姓之好以承祖考以傳子孫言所係之重也一或不謹則上不

禮記新義

卷之二十九

土

足以奉先下不足以傳後比之不慈不孝其罪大矣故君子重之而六禮所由設也兩箇主人俱是女之父曰重之何又加敬慎正三字凡人重其事必先主敬然其間更有許多宜詳慎處如納采而下却何等細密周到凡此皆所以正其始使永終而無敵故必敬慎正三字然后足以盡重之義二家皆宜如此新裁云重男黨說方得重正敬慎本意蓋昏是男家的大事女黨所係輕于男也此節止主人筵几于廟而拜迎着女家說其餘都是男家的事

#### 父親醮子節

上言五禮此又言親迎之一禮然却有將迎之禮有方迎之禮有既迎之禮親之乃入室以后事耳其牢而食合卺而醮總是合體同尊卑以親之方氏分合卺爲合體其牢爲同尊卑似泥

#### 敬慎重正節

禮之大體要看得與末句一樣此句尚未着人說成男女之別立夫婦之義一串說下只重在成男女之別上說者以上句頂敬慎重正下句頂親之做兩平

禮記新義

卷之二十九

土

看便與下文男女有別而后夫婦有義不協矣成別在今日義在他日立在今日蓋不敬慎重正則禮未盡而失之慢男女嫌于無別若不親之則情未盡而失之疎男女又嫌于過別今日無以成男女之別則亦無以立夫婦之義于他日矣君臣正父子親俱有敬親意章內昏禮外四禮字俱以人道言

#### 風興節

醴婦與享婦不同醴婦是使婦執醴事享婦則舅姑享之也

厥明節

此條專重在著代上著代必重其事故先之以獻享然家人不事多文且以尊臨卑故享唯一獻然男女不相授受舅姑以爵親獻于婦乃獻又不可不親舉也意饗婦時尊卑皆有席舅但執爵同姑獻于婦席上不親授婦拜受卒爵更二爵酢舅姑亦奠于席上舅姑又復更爵奠于婦席上故記禮者特下一奠字奠安也置也見此爵但安置在席上不親授也崇其禮而又別其嫌若是

禮記新義

卷之二十九

三

成婦禮節

重責婦順句極重婦人之德只在一順字上成婦禮明婦順又申之以著代總是責成其婦完守此順字耳故隨接婦順者云順于舅姑五句語有次第婦所事者夫也當于夫是一義然必從順于舅姑始知事舅姑而不和室人猶未順也故次和于室人順舅姑和室人然后善承夫志而克稱爲婦故下一當字稱心愜意之謂也順和二字此子虧欠便不稱愜夫意矣如是而后可以勤紡績以成絲麻布帛之事可

以謹收藏以審守委積蓋藏是之謂婦順備由是順以處一家之人藹然有情而內無不和順以處一家之事井然有條而內無不理內和則有所維係而家可長久端由此起聖人重之正與責婦順句相應是以古者節

婦順還是上節之婦順成則素有以教之也蓋德言容功既無不善則婦順有本由是以處一家之人以理一家之事自無不能是雖未爲人婦而其將來之

禮記新義

卷之二十九

十四

婦順今日已先成矣成只重在教上祭亦只告其教之成耳詩云婦有長舌維厲之階言固德之著也故言婦德隨受之以婦言又曰無非無儀容亦德之徵也故揭婦德婦言隨受之以婦容又曰婦無公事休其蠶織婦功亦定不可少者故終之以婦功○冠義一篇重在將責爲人子爲人弟爲人臣爲人少者之禮行焉昏義一篇重在所以重責婦順焉也一句

古者天子節

此因昏禮推而上之一以明后妃嬪御關乎天下取

之尤當慎重不特如士大夫僅關一家之長久而已一以明先王所以成婦順者其本原固自有在又不但公官宗室之教而已也三夫人以下就是立六官之職三公以下就是立六官之職以聽以明章兩以字相趕說聽之即所以明之也內和而家理而字有相因意與前面內和理作兩平說者不同天子聽男教后聽女順此二句爲上下四句只就此上起去這通是上文意但申言之耳盛德只在聽男教聽女順上見之不必又纏到身教上

禮記新義

卷之二十九

五

是故男教節

上節言聽治以成國家之治此節言脩治以弭日月之變于是總繳之曰故天子之與后云相須而后成此句不連日月陰陽只指天子與后說脩男教脩女順兼聽治脩職二項不可偏重上節

鄉飲酒義第四十五

按鄉飲酒之禮所以正交接序長幼仁鄉黨鄉人凡有會聚皆當行之不特三年賓賢能鄉大夫飲國中賢者州長習射黨正蜡祭四事而已

鄉飲酒之義節

首句是一篇大旨揖讓盥洗交拜言其禮尊讓絜敬言其義免于人禍又言其義之善處拜迎三揖三讓通是賓主相讓處曰致尊讓者讓本于此心之所尊也舊說三揖爲尊三讓爲讓主言尊不言讓賓言讓不言尊以鄉飲主尊而賓卑也不知何據盥是絜其手洗是絜其爵絜正在此上見揚觶二字不重所以相接字宜味蓋交接在飲酒之儀而交接的神情意趣一歸于禮義而相安于大道之中者全是這行禮之心免人禍要得行禮之久自有潛移默奪不知不覺的意思先王亟亟制禮專在約束人羣使免于禍亂故曰免人禍須玩一人字

故聖人節

一尊耳一酒耳一羞耳一洗耳各有其道如此則尊讓絜敬不獨在儀節之間而且在陳列之際矣

賓主節

此什立人之尊賓有盛德人所則效猶天成象于上所取正也主人陳其酒饌以敬養賓猶地厚德載

物萬物養生也天地間唯陰陽二氣之運行耳介俛在賓主之間故象陰陽三光麗天而行懸象著明亦所以輔天而成覆幬也

### 讓之三也節

主常尊而賓常卑故主必三讓始見賓之爲尊明常盛而魄常隱故明必三日始見月之成魄一說月成魄漸盈矣主賓之不敢遽升其讓有三猶月之不敢即盈必待三日而后成魄也更有理存以俟訂

### 四面之坐節

禮記新義

卷之二十九

七

象四時且虛說下文天地一段就是四時賓主一段就是象四時不可再添一步看

### 天地嚴凝節

曰嚴凝便見尊嚴不可犯故言義曰溫厚便見德盛而可親故言仁非仁義之外別有所謂尊嚴盛德嚴凝溫厚也但盛德尊嚴在氣上見之仁義又在物上見之四此字相起說下來亦相承說上去不可平亦不必把仁義說到天地生物之心成物之心上去看此章原只爲坐席俎豆有數不過即席間之所

陳設者而帶言之說者乃至以俎豆有數句與仁義接二句對下俱以坐席豆數並承說去不是仁義接便是賓主有事只以坐席言不必說太深俎豆有數何以曰聖理原寓于數也由交際自然之理而將之以敬則天理之節文燦然于揖讓之中故曰禮禮無所不體而只言長幼者鄉飲所迎之賓俱年齒德邵之人故云云能於坐立上下之間實明大長長幼幼之序則是體也倫序既明則所得于身者非淺淺矣故曰德而緊承之曰德也者得于身也此段只以禮記新義

卷之二十九

大

德爲主曰聖曰禮只要歸到德上得于身得身又是申其所以爲德聖人務焉就承這德說正與聖人制之相應

### 祭薦祭酒節

前三禮字以主人之物言後四禮字以賓之行禮言不一噉肺則虛其禮矣故嘗之不敢使虛不一啐酒則廢其禮矣故啐之不敢使廢首三句且先平說于席末是于三事中抽出啐酒來說卒解又是因啐酒而併言之只是就席中席末見得貴禮賤財之義就

席上階上見先禮後財之義至于貴禮賤財先禮后財俱說開去不在鄉飲上了但其義則在此耳重一作字看以義利之辨興起其敬禮讓財之心蓋人之輕禮教不是無良心只是爲財的念頭所汨溺了這趨利的念頭是不期然而然者聖人只把財的那邊教人輕賤他則禮自然貴重了爭心大約爲禮而起者少爲財而生者多所以一輕財爭便息了

### 鄉飲酒之禮節

立侍相連讀不可以立爲句通節只重孝悌二字明

禮記新義

卷之二十九

十九

尊長以養老正教孝悌處成教者卽孝悌風行而見孝悌之教有成功也國安卽親親長長而天下平意須玩三而后字是三疊文法歸重成孝悌之教尊養只爲孝悌說耳君子之教所以不必身至其家日見其人者正見得此鄉飲之教至約而其化甚溥至暫而其化甚速合諸鄉射二句連說謂合諸鄉射之所而教以鄉飲酒之禮也

### 孔子曰節

吾觀於鄉舍下五項意節文委曲有名分等威之辨

而儀則詳明無凌亂流放之非新裁云王道易易時講俱云論理如此說得不是蓋合天下無一處不治平纔爲王道然天下雖大分開處處各自爲一鄉令鄉鄉都去行此正身之禮教則分開各成一禮俗合來便成一蕩平世界了豈不是王道其關係只在一鄉飲之禮故曰觀于鄉而知王道之易易又云重一道字蓋王政不止于鄉飲而王者之道盡于鄉飲何也鄉飲能使民知孝悌則下民真性都是此禮能使他全得王者化民之道盡于此矣故曰易易

禮記新義

卷之二十九

二十

### 工人節

先分作次間作次合作以漸致和樂之極也蓋不更迭而作則汎濫無統無以辨其異不合併而作則音曲間斷無以統其同獻之疑問徑作獻賓詩曰我有嘉賓鼓瑟吹笙吹笙鼓簧承筐是將此獻賓之一証也甚是

### 賓酬主人節

始入時主人酬賓則止至此則賓又酬主人以荅其厚養之禮也獻介後介酢主人則止至此則主人又



酬介以酬其輔賓之勞也坐祭立飲時衆賓不酢而降至此則介又酬乎衆賓以三賓之屬亦有勞于斯席也

### 朝不廢朝節

朝莫二句不對只重下句言朝固不廢朝矣莫亦不至以脩爵無數而遂至于廢夕也

### 貴賤明節

五行有恭敬辭遜之節則內足以養心有節文度數之詳則外足以治躬

### 禮記新義

卷之二十九

三十一

### 鄉飲酒節

禮之大綱曰經禮之輔翼曰紀禮之間雜曰參此三句只收拾上文不重在天地日月三光字上意思在未句耳上文自篇首以下說歸國可安此屬教一邊自孔子曰以下說歸天下安此屬政一邊此節又申言之歸到賓主諸人上以見政教之有自也

### 烹狗於東方節

此申篇首羞出自東方洗當東榮并尊有玄酒之義尊有玄酒節

玄酒如何爲禮之所由起蓋初設玄酒后世以漸而設酒非謂酒必始于水也新裁云天一生水水是木火金的本一陽來復之始玄酒味方淡淡是諸味之本

### 賓必南鄉節

此申賓位未盡之義也前言位此言鄉東方四段言四方之德且勿露尊賓意至天子段方詳之蓋假中什四方之義聖仁義藏著四方之德聖字屬天地原非借聖人之聖字以名舊註聖人德合天地不是禮記新義

卷之二十九

三十一

### 介必東鄉節

三卿與三讓原無干玩本文是以禮有三讓自是結句了三卿明明與三賓相形而說者乃以三卿硬屬三讓此不通之論也蓋三卿是參治之人三賓是參禮之人說三賓所以爲政教之本者蓋此篇重賓介

處多而三賓似若無甚緊要故復就經紀叅中抽出  
言之明不特賓主介俱爲政教之本只此三賓便爲  
政教之本矣所以然者何也以其爲禮之大叅也

禮記新義卷之二十九

禮記新義

卷之二十九

重

禮記新義卷之三十

父中立湯三才命意 男平子湯道衡撰述

射義第四十六

射者男子之所有事其爲禮若緩而實急若輕而實  
重先王患人不知其急且重也故于鄉射以習禮樂  
于燕射以致安譽于賓射以通好于大射以擇士天  
下無事則用之于禮義天下有事則用之于戰勝皆  
不可闕也

古者諸侯節

禮記新義

卷之三十

此節以射爲主二禮進一步說二義又進一步說習  
射而先有所行之禮則用射不苟行禮而各有所明  
之義則紀射益深明君臣之義拜君之賜答臣之拜  
也明長幼之序坐立之位俎豆之數也

故射者節

審固者審而固也由內志正外體直來然却不必分  
貼中未有不本于審固審固又本于內外之正直如  
是而中乃謂之中故曰可以言中不然即倖而偶中  
不爲中也此字指中禮與言中說德不可泛言即行

禮明義志正體直是已中禮則由其禮義素有所養而德行已在未射之先中的則由其心身兩有所慎而德行已在未中之先故曰可以觀德行矣

其節節

其節一段言射各有其節騶虞者一段言節各有其義是故一段又是因次段所樂之義以申前段爲節之義下則推其效而以盛德稱之不復就射上言矣四樂字通就四詩講若就說到射上則爲節一段不必用矣志志此事也有此事則有此功總之皆德也

禮記新義

卷之三十

二

上文內志正下文盡志于射釋已之志通是此志字宜認志字正是那四樂字因射之節以明其所樂之志遂因吾之分以盡其所爲之事如天子志在充庶位以宣仁育則有廣賢才之事諸侯志在奉天子以脩朝會則有謹侯度之事卿大夫志在循所學之古法以與國政則有壯行之事士志在敬以從事不失其職則有脩職之事能各明得此取節之志以不失其事則在天子官備而政無不脩懋脩以建皇極者此其克端矣在諸侯時會而職無不述一德以尊天

予者此其不渝矣在大夫浚明有家而信度之忱足以昭敬在士庶事克舉而從事之恪足以表忠功有不成而德行有不立哉由是而無暴亂之禍由是而有國安之效非盛德孰與于斯德行立雖于功成處見之然本文則無暴亂則國安明明兩項分項摘訓說扭捏不可從觀盛德與前觀德行不同觀德行觀已往之德行觀盛德觀將來之盛德兩觀字亦不同一在禮上觀一在樂上觀

是故古者節

禮記新義

卷之三十

三

首二節爲行禮之事而以射觀德行三節爲用樂之事而以射觀盛德此則通承觀德行觀盛德言之德旣以射而觀則考德亦必以射而取通篇以射選士俱爲與祭此處說選諸侯卿大夫士下文卽承有與祭不與祭等語則所謂選者選主與祭爲是選亦只是較其德行之優劣耳諸侯繼世當立卿大夫有功當封似爲無據今依徐註改之要看盡志於射的盡志二字要習禮樂不盡志去習如何習得來盡志者于平日未射之先敬以直內義以方外的工夫習熟

得憤然後臨射時將平素正直的厚養發出來所以  
比禮比樂而得命中也射為諸侯者謂併諸侯的賢  
否殿最都在此上來也盡禮樂句有三層意相起渾  
說

### 是故古者節

是故二字又進一步說謂先王既務為以選諸侯卿  
大夫上遂以射試諸侯之貢士而并以賞罰諸侯也  
然不可即以此為選之之制制是法制非制馭也此  
即義之與比比字言比合而無間也射雖求中而要  
禮記新義 卷之三十 四

以禮樂為事故不但曰其中多必先曰比禮比樂焉

### 故詩曰節

觀此節所載狸首詩詞則知前時會之義陳註之說  
為訛矣則燕則舉單說諸侯之君帶臣在內蓋士以  
中多與祭而君因有益地之慶其心豈不安樂乎又  
有奸德賢賢有功之譽其名舉豈不光顯乎而大夫  
君子庶士亦與有榮施也天子制之應上節天子之  
制諸侯務焉應上節諸侯君臣盡志于射以習禮樂  
是以二字却從則安則譽來此天子二句又申言天

子所以制射諸侯所以務射之意不作效說養字下  
得極妙道之禮樂使習而安焉不知其化此養之說  
也易曰天地以養萬物

### 孔子射三節

此下三節是引証凡鄉射以習禮樂者當以孔子為  
準也來觀中有欲射者故使子路執弓矢而延之入  
然却誓衆而選賢焉

### 又使公節

使裘點揚觶而語蓋使觀者知自評忖不安居此位  
也 禮記新義 卷之三十 五

### 射之為節

釋有知意在始射時看舍有行意在既射時看先言  
釋後言舍蓋必先釋以思之而後能舍以止之也釋  
已之志且慢說理之所在如此則又與為鵠處沓復  
了四箇以為鵠總是那箇射的但彼視之如已之道  
然以為此我之鵠也不可不中也于是射而中之其  
中者依舊是那射的但彼中之如已之道然以為我  
能中已之道矣此所謂以神遇而不以目視者

天子將祭節

說者俱以此節爲申上文得爲諸侯不得爲諸侯之實自愚觀之似屬兩事蓋上節射爲諸侯以下遂承云射中射不中云則中與不中自屬諸侯况前有以射選諸侯卿大夫士者則所謂射侯卽自諸侯射之何必定以屬士也且書所謂庶頑詭說侯以明之其屬士乎屬諸侯乎然云射侯者射爲諸侯澤者所以擇士語太穿鑿

故男子生節

禮記新義

卷之三十

六

以桑爲弧以蓬爲矢以未能射惟備射之義耳疑問云桑弧蓬矢自天子達于庶人皆然不獨人臣而已也凡爲男子者皆當有事于天地四方然後享天地四方之養止謂臣道拘矣蓋陳澧氏止因敬事後食語例遂硬以此爲臣道而未之攷也

射者仁之道節

首句且虛說下文正見之正已二句是始射發不中三句是既射始終唯反求諸已而已這求正已是所由以爲仁者故曰仁之道

孔子曰節

先引孔子之言而申之以指其能中之人又引詩而什之以表其求中之心此節比上節所引孔子之言又進一步言未射固揖讓而升不中固揖讓而飲然既射而能中者求免于爵而不飲亦所以崇讓矣求中見爭意然其所以求中者乃所以辭爵其所以辭爵者乃所以辭養是其爭也乃其所以讓也又豈特揖讓而升下而飲然后見其爲君子哉

燕義第四十七

禮記新義

卷之三十

七

燕有四等諸侯無事朝畢而燕一也卿大夫有勤勞之功與羣臣燕飲而樂之二也卿大夫有聘而來還與之燕三也四方聘客與之燕四也然此皆諸侯之禮王燕禮今亡

古者周天子節

此周禮諸子職文以下有獻庶子之文而及之也當依吳氏次篇末庶子就是卒卒乃庶子之名號謂衆適子之爲卒者舊註副倅于父之事則庶子以人言倅以事言矣戒而令之鑄其材欲其爲有用之品教

而治之陶其性欲其爲大受之器戒令教治兩者不可平看全重存字修德學道正是存之之事諸侯卿大夫士聽于王故其子亦聽于太子唯所用之因能授任使奔走服役于行禮之日也軍法治之處之以義司馬弗征優之以恩脩德屬行看學道屬知看下三句又進一步說既使之脩德學道而又考校之也春合秋合連下考統讀統還屬文統武統此正道德之所屬而人之優劣可考而知者但此道德爲人所習故曰統耳

禮記新義

卷之三十

八

諸侯燕禮節

諸侯燕禮之義管下三節定臣位在君位上見君立阼階東南南鄉爾卿作一句讀不重君說只是以君身爲準使諸臣皆南面東上而遙相次以至于西也君席阼階以設席言君獨升二句以登席言席上還是東唯立則面西耳

設賓主節

此上兩節雖一事各爲一義然定位居主位似處之以情而莫敢適又臨之以分莫敢亢禮似臨之以分

而禮之又處之以情蓋席位則嫌于太褻賓主則嫌于太峻也

君舉旅節

臣禮君上之禮禮之用此三禮字汎以爲治之禮言禮無不答只是足上句之辭不必另說竭力盡能此是不虛受報之爵祿意原輕力是分之所當爲能是才之所能爲君寧繫國安下最有意國之不安未有君之寧者書曰民唯邦本本固邦寧正此意明正道以道民只重不虛取用足意原輕分田制里所謂正禮記新義

卷之三十

九

道也而民皆足衣食則有功矣和寧不曰禮之効而曰禮之用最宜體會蓋禮之用和爲貴人有禮則安和寧原是禮之用君臣上下梢不和寧便乖而不親危而不安矣成何世界此必和且寧善禮之用君臣上下乃相維而不至于相攜也此君臣上下之大義也義曰大君不得無以爲君臣不得無以爲臣者燕禮之拜儀節耳爲何說出這般大義來禮會間無非勸勉交儆之意且以見設立君臣無過明道道民盡心立功兩件唯一心立功以報君明道道民以利

下此乃君上臣下之義中之最大者也但平日各自做各自的事不得明燕時正君臣交會之日情意淡洽之時借拜之禮以明之

### 席小鄉節

燕禮本是明君之義而臣之貴賤亦因以明焉貴賤專指臣言席位則上貴而下賤獻酬則先貴而后賤若羞則隆貴而殺賤

### 聘義第四十八

禮有朝有聘諸侯朝于天子及自相朝朝宗親遇會

禮記新義

卷之三十一

十

向皆朝也若聘則有天子無諸侯者大行人歲徧存三歲徧覲五歲徧省是也有諸侯事天子者大行人時聘殷覲是也有隣國交相聘者大行人諸侯之邦交歲相問殷相聘是也儀禮所載及此篇乃隣國交聘之禮

### 聘禮節

貴賤只以出聘之卿相較不可以下君一等爲兼明君臣之貴賤

### 介紹節

此傳命與三讓而后傳命一也彼既爲傳來聘之命而以此爲傳主君之命不是

### 三讓而后節

四箇而后字俱屬聘賓揖讓之禮有四所以致尊讓于主君迎勞拜受之禮有五所以致敬于使臣下文敬讓二字分屬末二句又著敬讓之效

### 君使士節

廟受受使者所銜之命也拜覬拜受所賜之物也拜君命之辱雖什北面拜覬之義只當云北面拜覬以

禮記新義

卷之三十一

士

拜君命之辱若另作一句什之便與下句相碍

### 故天子制節

制諸侯以禮制馭諸侯也只重相厲以禮一句宜一直說使者至厲之也正申相厲以禮之實諸侯相厲三句作效此天子二句又是天子制諸侯之意

### 以圭璋聘節

上禮字以聘禮言下二禮字又以圭璋言輕財重禮又說出了此特有其義耳讓者推以與人解以去已也亦是重義輕財意一說財與禮都指圭璋受之則

以財爲主故曰重財不受則以禮爲主故曰重禮更不必補出璧琮束帛亦是

### 主國待客節

餽牢天產陽物也故陳于內米禾芻薪陰物也故陳于外有餽牢則無飪腥矣燕盛于享享盛于食享所以訓恭儉也故至再燕與時賜所以示慈惠也故無數盡之于禮云者禮之所在不敢不盡也盡之于禮則內君臣知有禮而已不知有財也何至相陵外亦各以禮自守不知有財也何至相侵上文不相侵陵禮記新義 卷之三十 士

從相厲以禮來此又從盡之于禮來只當就各段說不必牽紐

### 聘射之禮節

此條轉折煩多然大義可一言而盡只強有力者將以行禮也句是一篇大旨酒清至以和長幼正強有力行禮之實此衆人之所難至有義之謂勇敢是因行禮而推其勇敢之得名故所貴于勇敢至貴其敢行禮義是就其行禮之事而推其勇敢之可貴一是順推下來一是逆推上去故勇敢強有力至如此也

又進了一步見勇敢之可貴不獨在行禮合之戰勝而盛德益可貴矣亂人一段反言其亂順治國安正言其效總之見勇敢強有力之可貴不在此而在彼也但以禮義爲主戰勝無敵推言其用伴說者也順治國安極言其效併言者也○質明而始行事言行之太早唯禮之至大故行之至久便見得難行了故歸之強有力酒清人渴三句只說他專心行禮而不暇飲食意三不敢平成禮節承三不敢來正君臣三句又承成禮節來有始有卒曰成正親和俱緊靠聘禮記新義 卷之三十 士

射上說不可汎言此是禮節之大者故特舉之能人所難行故爲有行行則義無不盡是爲有義見義必爲是爲勇敢勇敢云者勇爲而敢任也由酒清人渴說到成禮節有行有義乃稱勇敢揔說強有力者之能行禮故所貴于勇敢六句又覆說一下歸重勇敢之人必貴敢行禮義乃有用于天下義者人所當行然必先立定乃可見諸行所行又貴中于禮非禮卽非義矣故遍遍相承說下總之曰所貴于勇敢者貴其敢行禮義語意一步一緊前面故謂之有行禮實



指行禮說貴其有行也又虛說爲有貴其行禮句在下故也然豈唯敢行禮義而已哉無事固用之于禮義以行聘射之禮有事又用之于戰勝矣此四句一申說到無敵順治方纔平重順治當說在君臣正父子親長幼和之后順是上下協和而無違逆之心治是國家治平而無違亂之禍盛德就順治無敵上見不可把盛德又說在順治無敵之前以下又反言以見勇敢之必在行禮義也如此只承誅亂人說唯所誅在亂人故所任在行禮義由以臻順治之休而國禮記新義

卷之三十

古

又何不安哉

子貢問於節

此因聘禮用玉故論玉之德以結之貴賤就用舍上說溫潤等每上句以玉之質言仁也等方以玉之德言德本人之德但玉具之耳實在玉具此等德講不可用象似字面至溫其如玉方見比德意仁義道德之類總是一理粗爲人道精爲天道過于分別矣寬裕溫柔澤及于物曰仁文理密察且有定守曰智義剛方不惡而嚴禮卑以自牧樂作止有節忠就不撓

上見之言不欺也信則真實無妄表裡如一之意白虹非虹霓乃烟雲之氣如虹而白者耳玉之爲天者天之氣亦如白虹也玉之爲地者地之精神亦見于山川也不可便以白虹爲天山川爲地德者足乎已無待于外道則天下之所共由也溫是德如玉是比德于玉獨以溫証者應首句溫潤而澤以例其餘也喪服四制第四十九

凡禮之大體節

四制但取人情而先言陰陽四時者人之性情卽天

禮記新義

卷之三十

古

地之陰陽四時也不及天地者天地之道亦盡于陰陽四時人情也

禮記新義卷之三十 終

禮記新義三十卷

江西巡撫  
採進本

明湯三才撰三才字中立丹陽人朱彝尊經義考  
叙其書於王翼明趙宦光之前蓋隆慶萬厯間人  
也前有其子道衡序其書與先儒傳注多所牴牾  
如解純素謂純字不當讀準解負劍辟咎謂負劍  
爲長者背負童子皆不可爲訓惟於名物度數偶  
有考證間或可備一解耳

重訂禮記疑問十二卷

〔明〕姚舜牧撰

南京圖書館藏明萬曆刻五經疑問本

附《四庫全書總目·禮記疑問

十二卷》提要

重訂禮記疑問序



嘗以孔子贊周易刪詩書修春秋定禮樂垂憲萬世曰  
定則一守不易之書也胡然  
而猶以記名也豈以禮樂二書  
體序

乙

雖經而志所裁定而後來  
漢張儒或稍有見焉又各出  
意見以記述而禮樂多所採  
取故雖以記名而考之者  
實大學中庸外如禮記禮記

樂記學記出聖賢之口吻也為  
勇而他所載者數多繁文  
縟節讀之不能厭厭似不可  
不一為刪正然而制度品節  
之詳聲容音律之奧其義

禮序

二

於斯有實於身心性命之術  
而學士大夫家朝夕從事又  
未可遽為刪也訓詁之功烏  
可已哉有宋陳氏澧出如集  
衆說以爲考其綜覈之

勸亦既博且勞矣乃所哀集  
不妨旁搜博採而妄以中理  
為歸是神者體也由之而出  
也樂者志也由之而生者也自  
心求之而歸真是志乃其中

禮序

三

有大誤不然者亦混存而不  
刪此何以解也余獨讀是書  
有終思之似得其槩而尚未  
悉也特加數年大為搜求考  
正凡出聖賢之口吻者務採

其所從來究其所歸宿而  
出於諸儒之記述為世所必  
用者亦深求其義以為參訂  
之資其旨訓詁求附會穿  
鑿紕繆之說以誤傳於世者

附序

四

必為制之四者不知有為於  
聖人之教者必欲質之海內  
大方清忠融之神以及制度  
品節之詳由心之樂以及解  
官音律之奧必求其至者


而後已夫禮樂之書昭然為經  
於天下其大業中庸並垂不  
朽孰亦或孔子刪定之意  
乎

萬曆戊午歲季夏之吉

附序

五

烏程後學姚舜牧書於  
六經堂中



讀禮記者所宜知

禮者體也心體也心體內何物不具而隨所發見何物無節而無文子云君子博學於文約之以禮亦可以弗畔矣夫蓋文與禮原非二物初無彼此畔于其間者學者知所謂弗畔則於心體其可幾矣竊怪訓詁家但訓禮為節文而遺其心體甚且分為體用而不知用之即體也禮記四十九篇中間或有未純於道語然出聖賢之口吻者為多而經儒先之採錄者為備大學中庸嫡出聖派無疑其他如禮運樂記學記等篇亦何亞於學庸哉即曲禮冠昏喪祭諸篇總讀禮記者所宜知

根心體所發昭揭以示人使人克已復禮為仁何可少也乃世儒置喪祭等篇弗顧即禮運禮器諸篇偶見語涉凶諱即批抹弗誦焉噫此安足以學禮哉四十七篇語或未盡若學庸之純粹然自一篇論首尾血脉聯絡貫穿有不可少間焉者舍一脉棄一絡可稱全體哉他無暇悉姑舉禮運一篇論初稱上古大同之世渾渾焉人游于無情而忘其為禮後世則漸以流矣聖人亟反而為小康全在禮義以為紀一着故即提承天道以治人情一語蓋世之治亂在人情也人本天地之心稟五行之秀氣以生心體何嘗不

與天合乃五聲五色五味與稟俱來不能不間以人於是始失其本情而為僭為竊為瀆為亂無所不至矣此其治能幾小康以適大同哉聖人為懼亟以禮義為耕耨治此人情之田使內外尊卑親疎大小各得其所而熙焉草木魚鼈罔不咸若復歸于太和之世故總之曰禮義以為柄人情以為田四靈以為畜蓋人情果治于禮義而氣可還淳也倘非禮義以為治則荆榛交橫於其中齒牙角毒競逐於其外即同類且相噬食而況於異類乎此為柄為田為畜字有深義而語如貫珠意相聯屬直至達順而後已而讀禮記者所宜知

後知小康之還大同果以禮為運也彼分截而不究其終之流渾解而不知其旨之要者豈足以論禮哉引而伸之諸篇皆是而自來訓講未貫漫云解經如是而止噫斯真悞乎其為禮哉牧非敢稱知禮但於每篇中頗探其意旨頗究其脉絡必若大學中庸直窺其蘊奧而後已斯或夫子博文約禮亦可以弗畔之意乎海內高明倘鑒余言虛心考訂取聖賢之口吻一一融會於衷併儒先之探錄一一辯析其義母置喪祭母抹凶諱務使四十七篇與學庸二篇並垂訓于天下萬世而不朽斯禮教之大幸也夫斯世教

之大幸也夫

萬曆壬子季夏望日姚舜牧又書於重訂五經疑問處

讀禮記者所宜知

三

重訂禮記疑問卷之一

烏程後學承菴姚舜牧著

曲禮上

朱子云此篇雜取諸書精要之語集以成篇雖大意相似而文不連屬是固然矣但所雜取之語相因者多而不相屬者亦有學者但就其相因者因之就其不相屬者別之固不必強為牽合以求其屬亦不必過為分別而割裂其文義之相通者曲禮曰毋不敬儼若思安定辭安民哉

毋不敬三句一直下不當作三事看安民哉是責禮記曲禮疑問卷之一

成語不當作其效看作記者意若曰禮有經曲曲禮尤切於日用身心而通於家國天下之大者也必主之以敬而毋不敬常儼若有思焉而不忘由此心出之而安定其辭庶其可安民哉不然而有一毫之不敬或若忘焉而不思至於出辭之輕疾未有可以安民者君子將安民是務可不常存此敬畏之心哉此通是責成語

毋不敬一語足以冠此篇亦足以冠全經矣儼若思者常存此敬而不忘之謂也即惺惺意款不可長欲不可從志不可滿樂不可極

書曰無若丹朱敖敖是凶德不可有者若此篇教字則大學傳之其所教情之教也故云不可長此志字乃得志不得志志字故云不可滿教欲志樂皆人情所必有者惟一任其所之則長從滿極未有不至於招尤取悔者故皆着不可字以為戒賢者狎而敬之畏而愛之愛而知其惡憎而知其善積而能散安安而能遷

人情狎則不知敬畏則不知愛愛則不知其惡矣憎則不知其善矣積未有能散者安安未有能遷者故首冠賢者以見其能人之所不能也

禮記曲禮疑問卷之一

二

凡人所畏憚者必敬而踈乃獨致親愛焉非實懷尊德樂道之誠者其孰能與於此

安安者安於其所安也人情安於其所安則不知變遷矣於此見得分明徙得勇決匪賢者其孰能之左傳云懷與安實敗名正是此安字

臨財毋苟得臨難毋苟免狠母求勝分母求多疑事母質直而勿有

止  
臨財四句病在二苟字二求字故通着母字以禁

凡事有可疑者當從容與人詳確若斷然質正執

已見以為是則非矣故即直陳其所見亦俟聽者之詳擇勿可據為已有也此二句總是教人慎處其所疑者

禮從宜使從俗

禮時為大順次之宜次之宜者隨時順事以從其宜也易曰觀其會通以行其典禮正從宜之說居魯逢掖居宋章甫此從俗之說

夫禮者所以定親疏決嫌疑別同異明是非也

親疏嫌疑同異是非該得甚廣註疏是舉一二以明其旨耳不可泥

禮記曲禮疑問卷之一

三

親疏有等故下一定字嫌疑難辨故下一決字同

異之際則在慎別之耳是非之間則在明審之耳總之皆禮之限制品節也故曰夫禮者所以定親疏云云

不辭費

不辭費者不辭其所費也此費字即費心費力費字禮運云力惡其不出於已也是一證若註所云本文當云不費辭乃與不妄說不踰節等語相類矣

脩身踐言謂之善行行脩言道禮之質也



聖賢所重在行脩身踐言則行脩言道矣故謂之善行為禮之質不然則皆虛文也禮云乎哉易曰脩辭立其誠所以居業也正行脩言道之謂此篇云行脩言道禮之質樂記云中正無邪禮之質必中正無邪方行脩言道唯行脩言道則中正無邪總一樣

禮聞取於人不聞取人禮聞來學不聞往教

取於人取人即則於人則人之謂是一事來學往教又一事觀二聞字可見載觀前條禮不妄說人二句禮不踰節三句各以禮字提掇尤可見似不禮記曲禮疑問卷之一

必牽合作一事也敢問明者

道德仁義非禮不成教訓正俗非禮不備分爭辨訟非禮不決君臣上下父子兄弟非禮不定官學事師非禮不親班朝治軍涖官行法非禮威嚴不行禱祠祭祀供給鬼神非禮不誠不莊是以君子恭敬樽節退讓以明禮

道德仁義八條宜細味不成不備不決不定不親等字見禮之所關於人者甚大總之則皆本此心之恭敬樽節退讓以明之也故結語云云嘗謂禮是心體心體上原有道德仁義失却本體

則道德仁義蕩然矣故說非禮不成立教訓正風俗皆由心體中一一財成輔相得來使歸於中正之則否則未有能設立如此其詳且盡也故說非禮不備爭訟大抵在是非曲直必由吾心體上一見得分明然後可以分辨其是非剖斷其曲直故說非禮不決君臣上下父子兄弟其天秩在吾心有確然不易者心體稍有差失便紊焉而無秩矣故說非禮不定官學事師雖是尊敬事然尊師重傳却求身心政治之益與汎汎相與者不同必吾心體上真知成我之恩與生我者並始可望其禮記曲禮疑問卷之一

五

訓誨以有成也故說非禮不親班朝治軍涖官行法其要統在威嚴心體上一不檢飭紀綱法度之謂何故說非禮威嚴不行禱祠祭祀供給鬼神必誠必莊可望其克享然誠與莊皆由中出苟心體有一毫之急忽若既灌而往跛倚以臨誠與莊安在也故說非禮不誠不莊由此數者看來禮雖散見於事物大小之間而皆具在吾心之本體上苟非恭敬則教慢而昏非樽節則放溢而昏非退讓則矜肆而昏未有能昭明其本體之真者是以君子必恭敬必樽節必退讓兢惕收斂常惺惺焉以

明此心之本體廣此禮常具於心而體於事物大小之間無所往而不當也愚謂禮當就心體者是如此未識是否敢問高明

道德仁義統言其體備而成此人也故下一戊字教訓是一事教訓以正俗有許大規條節目在故下一備字

爭是爭鬪訟是獄訟皆有是非曲直在

子曰汎愛衆而親仁此曰宦學事師非禮不親事師而不知親之義非真求師者也

祭祀鬼神意在禱祠而裸獻之間然有供給之役

禮記曲禮疑問卷之一

六

註將禱祠祭祀分四者可嘆

此禮在天地間昭布森列本常明於天下唯是此心稍怠忽放肆焉便昏懵而莫知所從是以君子貴明其本體而其要只在恭敬博節退讓三者又總之則一敬而已也

恭敬是此心常肅將博節是此心常收歛退讓是

此心常謙抑

鸚鵡能言不離飛鳥猩猩能言不離禽獸今人而無禮雖能言不亦禽獸之心乎夫惟禽獸無禮故父子聚鹿是故聖人作為禮以教人使人以有禮知自別

於禽獸

味人而無禮雖能言不亦禽獸之心可見禮是人心之故愚認禮是心體不徒在節文間也

使人以有禮有字宜重看有固有也實有也使人以有禮便有許大體驗之功在

太上貴德其次務施報禮尚往來往而不來非禮也來而不往亦非禮也人有禮則安無禮則危故曰禮者不可不學也

太上貴德非無施報往來而忘之也務施報尚往來則由禮以全此德矣故緊承說人有禮則安無

禮記曲禮疑問卷之一

七

禮則危雖然有禮則安無禮則危此二句所關甚大即泛泛言亦可子曰不學禮無以立立於禮全在人之自學耳故曰禮者不可不學也

夫禮者自卑而尊人雖負販者必有尊也而况富貴乎富貴而知好禮則不驕不淫貧賤而知好禮則志不懾

自卑而尊人即前篇退讓之意

此禮無人不具無人不可由要在知而好之耳人唯此志志由禮定不驕不淫不懾總之皆此禮之所制也

人生十年曰幼學二十曰弱冠三十曰壯有室四十曰強而仕五十曰艾服官政六十曰耆指使七十曰老而傳八十九十曰耄七年曰悼悼與耄雖有罪不加刑焉百年曰期頤大夫七十而致事若不得謝則必賜之几杖行役以婦人適四方乘安車自稱曰老夫於其國則稱名越國而問焉必告之以其制

人生十年以下六條是一截見自幼至老皆必有所以自處者有所以處之者皆禮之所在也

曰幼學見幼時不可不學是一生大受用處曰弱冠見責以成人之禮不同於幼學者曰壯有室見禮記曲禮疑問卷之一

有所以居室之禮又不止於弱冠者曰強而仕見當以仕為事曰艾服官政見當以官政為事此皆有不可諉者曰耆指使則當自節其力矣曰老而傳則當自謝其事矣曰耄有罪不加刑曰期頤見年愈高則與世故愈不相涉但當自安養而已也順此者為禮違此者為非禮此人之所以貴自處也

服官政者服之而無斂也

四十強而仕五十艾服官政大夫七十而致事禮有明訓盛世所遵行也乃今入仕籍者多隱年而

不實至滌鬚髮以為欺此不知始於何時觀此可發一大笑

要末不得謝三字七十而致事得謝輒飄然去矣唯軍國大事無可寄托君留之再四而謝不可得則姑未致耳彼顧戀祿位不忍釋去至隱年以苟留者不知其獨何心也

賜几杖以婦人乘安車此皆君待老臣之禮後世文潞公庶幾近之

自稱曰老夫於其國則稱名越國而問焉必告之以其制此皆老臣所以自處之禮

禮記曲禮疑問卷之一

九

凡為人子之禮冬溫而夏清昏定而晨省在醜夷不爭

人子事親之禮無時無處而不致其情溫清定省醜夷不爭言其槩耳

夫為人子者三賜不及車馬故州閭鄉黨稱其孝也兄弟親戚稱其慈也僚友稱其弟也執友稱其仁也交遊稱其信也

三賜不及車馬不敢並其親是其孝也然有此一念孝心於兄弟親戚必加恩焉故稱慈於僚友必致遜焉故稱弟於執友必推心焉故稱仁於交遊

必不忍欺焉故稱信總之皆孝之所著也註孝之所該者大故所稱最廣說得好

見父之執不謂之進不敢進不謂之退不敢退不問不敢對

見父之執凡進退應對由父而加敬焉即所以敬其父也故曰孝子之行

夫為人子者出必告反必面所遊必有常所習必有業恒言不稱老

出反遊習是人子日用之常然皆父母之心之所注也所以要必告必面必有常必有業

禮記曲禮疑問卷之一

十

燕朋燕辟最能壞人心術游手好閑最能蕩人心志唯遊必有常然後可無匪人之比唯習必有業

然後可無非理之為凡為人子宜三復此二語

恒言不稱老則無一念不在父母之年矣

年長以信則父事之十年以長則兄事之五年以長

則肩隨之群居五人則長者必異席

年長以倍二條因事親而推言之也邵氏謂以此

事親則愛敬之道盡說得極好

看古人父事兄事肩隨異席其禮曲致有如此近

世垂髫之童遇長漫不知敬甚則以小弟自稱以

兄丈稱尊長者風俗薄惡至此極矣有志復古者宜敦厚以為尚焉

為人子者居不主與坐不中席行不中道立不中門食饗不為樂祭祀不為尸聽於無聲視於無形不登高不臨深不苟訾不苟笑孝子不服闇不登危懼辱親也

一居一坐一行一立一食饗一祭祀皆以親為念是謂孝子

聽於無聲二句作先意承志看甚好易曰雖無師保如臨父母正是此意抑愚有說焉人子事親豈

禮記曲禮疑問卷之一

十一

直先意承志而已哉立身行道揚名於後世孝之終也而立身行道之要在存心養性戒慎乎其所不睹恐懼乎其所不聞此謂聽於無聲視於無形乎詩曰不聞亦式書曰不見是圖皆此意也敢問明者

登高臨深皆知其險若苟訾苟笑人直謂細故耳記禮者並舉以為戒何也凡人深怒積怨多起於談笑之間苟一不謹而取罪於人禍且不測與登高臨深何以異善哉昔人之戒子曰聞人過失如聞父母之名耳不忍聽口不忍言也此後生小子

之箴銘不可輕忽

不登高四句是樂舉之詞不服闇不登危懼辱親也是申說之辭看後提孝子字面可見

不服闇則必不惰行於冥冥而訾笑之不苟不登危則必不失身於險陷而高深之不臨

士可生可殺而不可辱辱及其親是不孝之大者故孝子深用以為懼懼則聽於無聲視於無形必

求免其辱而後已也曾子曰戰戰兢兢如臨深淵如履薄冰而今而後吾知免夫此曲禮是篇之說也

禮記曲禮疑問卷之一

十二

為人子者父母存冠衣不純素孤子當室冠衣不純素

按深衣篇衣純以續衣純以青衣純以素則此純

訓冠飾領緣夫有所受之也雖然彼特舉深衣之制故裕袷袂袷袂無不詳舉言之耳若論語麻冕禮

也今也純儉此純字將亦作飾緣解乎愚謂字隨時而異用宜隨事而異解此條純字即直作本字

解可也

父母存人子冠衣亦有時乎服素矣但全素則嫌於忘親是以不敢純用素宜畧存采焉可也孤子

當室冠衣宜得服采矣但全采則於心不安是以不忍純用采宜必存素焉可也是或亦一說也

幼子常視母誑

訓視與示同常視母誑訓常示之以不可欺誑亦是但據愚見凡幼稚之子固在示之誠信母啓其

誑然尤在父母之謹視之也視之不謹則非僻之念將自此萌矣故記禮者下常視二字於母誑之

上教為父母者於幼子須常加審視不可令有一毫之放肆又須誠實道之母誑焉以啓其偽令有

一念之欺妄如孟母初視其子之習於葬埋也而

禮記曲禮疑問卷之一

十三

遷繼視其子之習於賈術也而遷問東家殺猪何

為曰以啖女必市以實其言是常視母誑之一証也論語云謹而信亦是此意恐非常示之以不可

欺誑之說也敢問明者

長者與之提攜則兩手奉長者之手負劬辟呬詔之則掩口而對

負劬辟呬詔之是長者側向童子語其首斜俯而背從之若負劬之狀耳劉氏訓或從童子背後而俯與之語云云似欠妥

從長者而上丘陵則必鄉長者所視登城不指城上

不呼

鄉長者所視可便應對登城不指城上不呼固恐駭惑其見聞者然亦是自約其不謹處

戶開亦開戶闔亦闔有後入者闔而勿逐

此二句註開闔皆如前不違主人之意愚竊惑焉

戶之開闔皆主人事也如註所云主將命客以開

闔其戶乎抑客領主人意而自為開闔乎且擬如

前之說則此戶已開已闔矣又若何以開闔之乎

即謂主人他出而任其開闔也則開者可入闔者

不可入如何云亦開亦闔乎又如何而猶待後入

禮記曲禮疑問卷之一

十四

者乎以愚見方主迎客而其戶或閉也必先舉手

以開戶客亦隨身與開之既入主或闔其戶客亦

舉手與闔之皆致不敢當客之意但恐猶有後入

者則闔之而勿逐耳高明以為何如

看後篇主人跪正席客跪撫席而辭便見此戶開

亦開戶闔亦闔當是客不敢當而與主共開闔之

也

吳郡范氏曰禮以制形為用而以制心為本一念

不正發於方寸者其微而形於舉錯者弗可掩流

於放僻邪侈而不自知故升堂入戶日用之常而

君子致嚴如此以心術之邪正繫焉此一段說得極好

大夫士出入君門由闕右不踐闕

子敬父自然行不中道立不中門臣敬君自然由

闕右不踐闕此皆心體中所自有者中庸云禮所

生也極妙

帷薄之外不趨堂上不趨執玉不趨堂上接武堂下

布武室中不翔

帷薄之外不必趨堂上不宜趨執玉不敢趨堂上

不趨而接武其步亦紫堂下布武則視堂上為少

禮記曲禮疑問卷之一

十五

舒矣室中不翔猶帷薄之外之不趨也

凡為長者糞之禮必加帚於箕上以袂拘而退其塵

不及長者以箕自鄉而扱之

古人於幼學必教之灑掃應對非假是瑣細者以

重勞之也凡人之心志每自少時漸漸放肆出來

於此不加檢飭其長也矜驕倨情有不可勝言者

聖人知其然故於此幼學時獨加謹而豫養焉蓋

教之敬謹使日習而安而驕心浮氣之不能作也

看為長者糞之禮一段却是如何小心如何敬謹

此非誠意正心之根柢而何故灑掃應對進退之

節謂聖學之始事則可謂小學之末節則非也子  
夏正子游一章說得極好易曰蒙以養正聖功也  
凡有志教子弟者必當由灑掃應對進退之節始  
奉席如橋衡請席何鄉請社何趾席南鄉北鄉以西  
方為上東鄉西鄉以南方為上若非飲食之客則布  
席席間函丈主人跪正席客跪撫席而辭客徹重席  
主人固辭客踐席乃坐主人不問客不先舉將即席  
容毋怍兩手樞衣去齊尺衣毋撥足毋蹶

奉席以下數條曰奉席曰請席曰布席見奉與請  
與布之各有其儀曰正席曰撫席曰徹席曰踐席  
禮記曲禮疑問卷之一

十六

曰即席見主與客就席之時之各有其儀  
奉席如橋衡者衡本平而如橋焉則高奉以致敬  
也訓如橋之高如衡之平作二義解恐非

席有定向社有定趾必如是以為請者致敬而不  
敢專也

飲食之客其席就左右而相聯接非飲食之客其  
席宜展布而間函丈此布字即堂下布武之布字  
與接字相反對者

將即席容毋怍意即席時宜恪恭謹飭成賓主之  
禮不宜周章覲腴若慚赧而不勝者然乎今俗

云做客要有冠裳正是此意劉氏訓須詳緩而有  
容儀毋使有失而可媿作似欠摹擬之當

先生書策琴瑟在前坐而遷之戒勿越

註疏云云亦是但先生書策琴瑟必置在几席間  
不在當行之處胡謂弟子將行若遇師諸物或當  
已前則跪而遷之耶愚謂在前二字是弟子或有  
事於几席間遇先生諸物在已面前將欲遷之則  
俯首屈體遷之安處且兢兢自戒併戒他人勿得  
肩越也云爾非戒慎不得踰越也載詳篇記中坐  
字多作跪字解愚謂跪自是跪坐必是屈體若坐

禮記曲禮疑問卷之一

十七

者然非跪也不然記中未嘗不用跪字也何變用  
坐字為新巧耶敢問明者

言  
虛坐盡後食坐盡前坐必安執爾顏長者不及毋僂

食坐有俎豆在前虛坐宜無俎豆註古者席地而  
俎豆在其前統解虛坐食坐似宜改

僂从亻从僂此必從同列中攬越而進言也註音  
暫謂暫然錯雜長者之說似未妥表記云君子不  
以一日使其僂焉如不終日應氏註僂者參錯不  
齊之貌解得是

必則古昔稱先王

詩曰自古在昔先民有作正則古昔稱先王之謂孟子道性善言必稱堯舜其準也

侍坐於先生先生問焉終則對請業則起請益則起問焉終則對承顏接辭然何等敬慎請業請益則起安意承教然何等敬慎

父召無諾先生召無諾唯而起

唯者應之速諾者應之徐父召先生召與他召不同故唯而即起

侍坐於君子君子欠伸撰杖屨視日蚤莫侍坐者請禮記曲禮疑問卷之一

出矣

欠伸總是體覺疲倦為之俯仰屈伸耳不必分氣之體疲解撰杖屨撰字恐便未持論語云異乎三子者之撰撰意思也將有事焉之意

君子問更端則起而對

請業請益弟子有求事故起而請君子問更端是長者有問事故起而對

侍坐於君子若有告者曰少閒願有復也則左右屏而待

曰少閒願有復便見因我在未得閒意故左右屏

而待屏則不敢聞待且不敢去呂氏謂屏而待不敢干以私嚴陵方氏謂既屏而又待且防君子之有所召須兼此二義體貼

母側聽母數應母淫視母怠荒遊母倨立母跛坐母箕竢母伏欽髮母髻冠母免勞母袒暑母褰裳

母側聽四條總是從人情所易肆者一一檢束之令收斂此心於禮法之內

前云不傾聽是不傾意以為聽此云母側聽是不側耳以為聽凡人之側聽淫視者必非正人君子也故重以為戒

禮記曲禮疑問卷之一

十九

母怠荒一語雖與母側聽數語並列其實此一語足以該衆語也書曰無怠無荒四夷來王所附甚大

離坐離立母往參焉離立者不出中間

離坐離立母往參焉是說見人相離時不可攙入中間去離立者不出中間是說已與人相離處不可放空中間也應氏解欠分曉

男女不離坐不同梳枷不同中櫛不親授嫂叔不通問諸母不漱裳外言不入於梱內言不出於梱女子許嫁纓非有大故不入其門始姊妹女子子已嫁而



反兄弟弟與同席而坐弗與同器而食父子不同席男女非有行媒不相知名非受幣不交不親故日月以告君齊戒以告鬼神為酒食以召鄉黨僚友以厚其別也取妻不取同姓故買妾不知其姓則卜之寡婦之子非有見焉弗與為友

男女不離坐雖因離坐離立牽說來其實自不雜坐至寡婦之子十一條是謹內外之閑重男女之別當自作一節看

長樂劉氏云家人內政不嚴以防之細微之初不剛以正之未然之始則其悔咎不可追矣易曰閑禮記曲禮疑問卷之一

二十

有家志未變也男女之志既為情邪之所變閑禁雖嚴求其无咎而咎可无哉故夫婦未七十雖同藏未有可嫌也聖人制禮必爾者以無嫌正有嫌也用有情之難正無情之易也而况男女未有室家哉此一段說得極好

嫂叔不通問訓無問遺之往來極是不然嫂叔比室而居寧禁無一語之往來乎觀一通字可見諸母不漱裳裳下飾也以裳求漱或亦通問之意乎所以遠嫌而不漱註亦教父之道也解欠切此父子不同席子字是指女子已嫁者言非男子

也詩曰女子有行遠父母兄弟則出嫁之女不特兄弟當遠嫌不與同席即父亦應不與同席矣故此句緊綴在姑姊妹女子子已嫁而反兄弟弗與同席而坐弗與同器而飲下語自分明若男子與父坐立雖有定體然朝夕隨侍寧無一與同席之時乎看上下文十一條皆言男女遠嫌之禮自見得敢問高明

受幣即問名納吉納采之六禮也禮必有幣故云日月以告君等語此舉有位者言若士庶之家但告鬼神召親友足矣

禮記曲禮疑問卷之一

廿一

厚別厚字下得極好男女有別原不相知名不交不親今有行媒以相知名受幣以相交相親尤必告君告鬼神召鄉黨僚友若是其慎而不苟其於有別上可謂益加厚矣寧有永終之敝哉易曰物不可以苟合故受之以賁厚別之謂也

禮不取同姓買妾或不知其所姓可無加之卜乎故買妾二句正申明取妻一句見同姓之必不可取也細體一故字自見

有見訓才能卓異是矣然寡婦之子或不幸而無才能將終無與為友乎且友也者友其德也未聞

必求其才能之卓異也愚謂有見云者有介紹以相見之謂也記禮者若曰寡婦之子禮當遠嫌必其人有介紹以相見然後可與為友耳不然而介李之嫌可無避乎哉是必有見焉之說也

衛七子豈不才能卓異乎哉然其母不安其室是未可輕與為友也以斯知有見是介紹之引見非才能卓異之謂也

貧者不以貨財為禮老者不以筋力為禮

藍田呂氏於此禮外推言又有法之所不得為者

有疾而不能行者臨難而不得已者土地之所不

禮記曲禮疑問卷之一

十一

有者君子亦不責也此段說極通徹

名子者不以國不以日月不以隱疾不以山川男女

異長男子二十冠而字父前子名君前臣名女子許

嫁笄而字

此以下五條當自為一節首言命其名次言別其

長又次言重其字又次言名有所不必諱者末則

及女子之字耳

名子者不以國等語恐非謂常語易及避諱為難

也國世所尊也日月人所仰也隱疾人所惡也山

川民所賴以為生者可舉以命名乎哉是以知禮

者避之而不名非謂名而難為避諱也

冠而字全是尊其名責以成人之禮

父前子名二句與廟中不諱同義君父之前臣子

不敢避其名宗廟之中臣子不敢通其諱

凡進食之禮左轂右截食居人之左羹居人之右膾

炙處外醯醬處內葱蒜處末酒漿處右以脯脩置者

左胸右末客若降等執食興辭主人興辭於客然後

客坐主人延客祭祭食祭所先進穀之序徧祭之三

飯主人延客食哉然後辯穀主人未辯客不虛口侍

食於長者主人親饋則拜而食主人不親饋則不拜

禮記曲禮疑問卷之一

十一

而食共食不飽共飯不澤手毋搏飯毋放飯毋流歔

毋啗食毋齧骨毋反魚肉毋投與狗骨毋固獲毋揚

飯飯黍毋以箸毋還羹毋絮羹毋刺齒毋歔醢客絮

羹主人辭不能亨客歔醢主人辭以寧濡肉齒決乾

肉不齒決毋嘍炙卒食客自前跪徹飲齊以授相者

主人興辭於客然後客坐侍飲於長者酒進則起拜

受於尊所長者辭少者反席而飲長者舉未釂少者

不敢飲長者賜少者賤者不敢辭賜果於君前其有

核者懷其核御食於君君賜餘器之漑者不寫其餘

皆寫飯餘不祭父不祭子夫不祭妻御同於長者雖

貳不辭偶坐不辭羹之有菜者用挾其無菜者不用挾

此下二十條總言飲食之禮然就中細分之則前五條是由進食之禮說及執食者祭食者及所以食載辯殺者主客各有其儀不可忽也侍食於長者八條則由侍食及共食以至於卒食主客各有其儀不可忽也侍飲於長者以下則由酒進以至於飲少者致敬於其長而因及長者之賜之不敢辭又由長者之賜及賜果懷核之不敢忽又由賜餘及餽餘之不祭又由御食於君及御同於長者

禮記曲禮疑問卷之一

中甲

之所不必辭又微及於用挾不用挾之異致以見寫不寫祭不祭辭不辭挾之用不用皆有禮在焉而不敢忽也是則所謂禮之曲而具在飲食之間使人由微之不敢忽以至於大之無不謹潛消其易縱之欲以絕樽俎折衝未形之大禍也學禮者其毋忽於微

左穀右載云云非是一時所擺列教人以漸而進當由此制而不可紊也看下文穀之序自見得祭食祭所先進註謂主人所先進者則先祭之後進者後祭如此是為偏祭也下文胡以又有穀之

序偏祭之之說不知此食字是上文食居人之左食字食亦多品矣總之五穀也故但祭其所先進者而後進者不祭若穀則犬豕牛羊各一其物是不可不偏祭者故就其所進之序偏祭之觀本文自明白註糊塗不分曉

辯何作偏字解辯者細咀嚼之謂載純肉切故云食穀肉帶骨故欲細嚼以稱辯耳若作偏字解上文已出偏祭偏字矣此何必另用辯字耶

進食左穀右載便於食也故延食先載而後穀主人敬延客客亦敬視主人故主人辯則與俱辯

禮記曲禮疑問卷之一

中五

主未辯則敬待焉而不敢先虛其口也母反魚肉訓不以所餘反於器謂器中尚有餘不以箸反掀焉而盡食之也鄭氏謂已歷口反於器非

絮羹是就器中攪和絮絮然也訓調和也未當侍食於長者所重在食故客跪徹飯齊以授相者客於主相敵猶交相敬也况少者侍飲於長者乎所以起拜之必致其敬

父不祭子二句從前解以食餘之物褻也是貳加益也易曰樽酒簋飯用缶正是此貳字

禮貴辭遜而亦有以不辭為禮者御同於長者一條是也識得此義無所往而不為禮

父母有疾冠者不櫛行不翔言不惰琴瑟不御食肉不至變味飲酒不至變貌笑不至矧怒不至訾疾止復故

父母有疾人子之心便不自安凡衣冠言動飲食喜怒各變其節皆心體中所自生者所以載之禮以肅訓

言不惰謂其言急切而不敢怠慢也

有憂者側席而坐有喪者專席而坐

禮記曲禮疑問卷之一

十六

側席是不能正席非獨坐一席也專席是另設一席非單設其席也

水潦降不獻魚鼈獻鳥者佛其首畜鳥者則勿佛也獻車馬者執策綏獻甲者執冑獻杖者執末獻民屬者操右袂獻粟者執右契獻米者操量鼓獻熟食者操醬齊獻田宅者操書致凡遺人子者張弓尚筋弛弓尚角右手執簫左手承珣尊卑垂悅若主人拜則客還辟辟拜主人自受由客之左接下承珣卿與客並然後受進劔者左首進戈者前其鐔後其刃進矛戟者前其鏃進几杖者拂之效馬效羊者右牽之效

犬者左牽之執禽者左首飾羔鴈者以績受珠玉者以掬受子劔者以袂飲玉爵者弗揮凡以子劔苞苴

簞筥問人者操以受命如使之容此下二十一條當自為一節緊要在獻遺進效等字面見有一物則有一物之儀承事者毫不可忽也

獻甲者執冑非謂冑小而易舉冑居體之上當執此以致敬也

右契如左券之類執此以見數之多寡耳註米云

量則粟亦量粟云契則米亦書極體得圓融

禮記曲禮疑問卷之一

十七

書致即今契券中詳書此田宅坐落何處賣到某處之謂

下奉上曰獻敵者曰遺以物供尊者之用曰進致之尊者之前使之見曰效久不相見使人訊安否

曰問

凡為君使者已受命君言不宿於家君言至則主人出拜君言之辱使者歸則必拜送于門外若使人於君所則必朝服而命之使者反則必下堂而受命首舉為君使者之禮因及主人拜君言之至及送使者歸之禮又舉使人于君所及受使者反命之

禮總之皆所以尊君也吳郡范氏云朝受君言夕舍於郊非必使事如此其急也不敢慢君之命也使者以君言至出而拜迎出而拜送非拜使者也拜君之命也使人請命於君其往則朝服而遣之其反則下堂而受之非嚴使者也嚴君之命也此一段說得極妙

博聞強識而讓敦善行而不怠謂之君子

君子者德實有諸己者也自矜其所有自怠其所行便不能實全其德所以記禮者必歸之讓且不急者

禮記曲禮疑問卷之一

廿九

君子不盡人之歡不竭人之忠以全交也

盡人之歡竭人之忠說得極廣

不盡不竭全是以已之心體人之心而無深求過

責焉所以彼此之心常相愜而克全其交

君子抱孫不抱子此言孫可以為王父尸子不可以為父尸為君尸者大夫士見之則下之君知所以為尸者則自下之尸必式乘必以几

此言孫可以為王父尸二句是解君子抱孫不抱子一句為君尸者以下則著君尸之尊重以見君子之所為抱孫者蓋豫重其為尸者也

大夫士見尸當在致齋之時非在散齋之日敢問明者

生與來日死與往日

生者方來未艾與日而俱來故與來日死者一往不返與日而俱往故與往日

適墓不登壘助葬必執紼揖人必違其位望柩不歌入臨不翔當食不歎鄰有喪舂不相里有殯不巷歌適墓不歌哭日不歌送喪不由徑送葬不辟塗潦臨喪則必有哀色執紼不笑臨樂不歎介冑則有不可犯之色故君子戒慎不失色於人

禮記曲禮疑問卷之一

廿九

下九條論喪葬之儀為多而間雜揖人當食臨樂介冑之事總結君子戒慎不失色於人蓋處其事則有其容有其容乃稱其事皆有不可苟焉而已者此民望其容貌瞻其顏色而喻其德也要重者戒慎二字戒慎是常存此心也容色皆自心體中流出

國君撫式大夫下之大夫撫式士下之

此節宜從前說為是若後一說大夫遇君車士遇大夫車皆宜先下以俟本文不應若此之顛倒禮不下庶人刑不上大夫

先王不以禮過責于卑賤然在卑賤者不可不習于禮此記有禮不下庶人之文而先儒補之曰其有事則假士禮而行之也先王不以刑輕加諸尊貴然在尊貴者不可不自遠其刑此記有刑不上大夫之文而周官掌囚凡有爵者與王之同族奉而適甸師氏以待刑殺又若此之不宥也要識得刑人不在君側

當燕近德遠怨二義為是春秋傳曰無邇怨

兵車不式武車綏旌德車結旌史載筆士載言前有水則載青旌前有塵埃則載鳴鳶前有車騎則載飛

禮記曲禮疑問卷之一

三十

鴻前有士師則載虎皮前有擊獸則載貔貅行前朱鳥而後玄武左青龍而右白虎招搖在上急繕其怒進退有度左右有局各司其局

此下九條是軍禮當自為一節

史載筆士載言本是國君常御之事而載之兵車下見雖一軍行之際此禮亦不可廢也

載青旌以下五載字音作戴而以戴字解非也凡軍行號令不易于言傳示導莫先于旗物青旌鳴鳶飛鴻虎皮貔貅此等旗物皆當悉載于兵車前一遇之則舉以示衆令可先事而為備故于載筆

載言下並舉而陳之耳何見而作戴字解也

易曰師衆也古者文武一途兵出于士曰士師耳今世亦稱為軍士故載虎皮以導其威非詰刑之士師也

軍行前朱鳥云云歸到急繕其怒怒者天地之義氣也天地無此怒氣則無以震動乎庶類王者無此怒氣則無以安戢乎羣黎故曰一怒而安天下之民然其怒上着急繕二字見怒貴急發而又若營繕之有其制不可過猛而毒天下也

收誓云不愆于六步七步乃止齊焉不愆于四伐

禮記曲禮疑問卷之一

三一

五伐六伐七伐乃止齊焉是進退有度甘誓云左不攻于左女不恭命右不攻于右女不恭命是左右有局

父之讎弗與共戴天兄弟之讎不反兵交遊之讎不同國

呂氏殺人者一段說得極明見父之讎所以在必報新安顧氏又看輕重如何一段亦說得好見凡復讎者又當細斟酌以善其所為報

四郊多壘此卿大夫之辱也地廣大荒而不治此亦士之辱也

此段語極和淡而責成于卿大夫士者實嚴且切不知此辱者非卿大夫士也

臨喪不情祭服敝則焚之祭器敝則埋之龜筮敝則埋之牲死則埋之

此恐非人鬼所用陰陽之說祭服敝原不可埋祭器龜筮敝與牲死原不可焚處之自當若是耳是之謂禮

禮不諱嫌名二名不偏諱君所無私諱大夫之所有公諱

二名不偏諱言二名全則當諱若止及一名則不禮記曲禮疑問卷之一 三二

消偏諱得此偏字當作偏愛偏字者

凡卿大夫之諱于君所則為私諱于其家則為公諱

外事以剛日內事以柔日凡卜筮日旬之外曰遠某日旬之內曰近某日喪事先遠日吉事先近日曰為日假爾泰龜有常假爾泰筮有常卜筮不過三卜筮不相襲龜為卜筮為筮卜筮者先聖王之所以使民信時日敬鬼神畏法令也所以使民決嫌疑定猶豫也故曰疑而筮之則弗非也日而行事則必踐之此四條是卜筮之禮當自為一節

用剛用柔或遠或近此國家大事大禮所係故若此其慎重耳

上古信理以為行其次擇日以從事故四條中連下十日字

旬內外不必泥今月來月其所用亦不必分大夫與士記禮者但謂國家有大事則詢之卜筮蓋世所通用之禮也看下文所以使民信時日敬鬼神云云便自見得

信時日敬鬼神畏法令雖似分三段其實只是一个小慎重不敢輕忽以從事耳然大要得力處在決禮記曲禮疑問卷之一 三三

嫌疑定猶與以見諸行易曰夫易所以開物成物冒天下之道如斯而已者也是故聖人以通天下之志以定天下之業以斷天下之疑

嫌疑是當幾而未決故下一決字猶與是臨事而未定故下一定字

易曰明於天之道而察於民之故是興神物以前民用聖人以此齊戒以神明其德夫是聖人制為卜筮亦用卜筮以決其疑以神明其德也而易嘗非之書曰朕志先定詢謀僉同鬼神其依著龜協從卜不襲吉是所謂日而行事則必踐之之說

車驅而騶至下大門君撫僕之手而顧命車右就車門閭溝渠必步

騶至大門騶字不作騶字解君車吉行日不過三十里何驅至大門之用騶也顧命車右就車亦不是備非常門閭溝渠必步亦不足下車以致敬騶者騶從也車行必騶從在前大門之內車右於禮或不應即上車故車驅而騶至于大門君始撫僕手顧命車右就車耳及至門閭則恐有限閭過溝渠則恐有險阻故車右必下車步行以維持之耳若謂非常不測或在門閭之外大門堂堂人所屬禮記曲禮疑問卷之一

三四

目奸竊安所伏匿顧命車右就車以謹避之耶愚見如此敢問高明

君命召雖賤人大夫士必自御之

大夫士是大夫之士也必自御者御其車也不宜

作迂字解

國中以策彗卹勿驅塵不出軌

御車以策未聞所謂策彗者卹勿二字聯讀作極摩解亦未知出何典愚擬字義解彗掃也卹恤也彗掃而加存恤焉勿急策以驅前故辭云然耳

曲禮下

執天子之器則上衡國君則平衡大夫則綏之士則提之

此綏字不必讀曰妄疑即正立執綏之綏言大夫奉器端重若執綏者然耳照上上衡平衡照下提之看自見得

君子行禮不求變俗祭祀之禮居喪之服哭泣之位皆如其國之故謹修其法而審行之去國三世爵祿有列於朝出入有詔於國若兄弟宗族猶存則反告於宗後去國三世爵祿無列於朝出入無詔於國唯興之日從新國之法

禮記曲禮疑問卷之一

三五

君子行禮一條註指卿大夫士徙居他國者言蓋照下文去國三世云云併泥本文其國一其字耳不知此祭論之辭也王制云修其政不易其俗齊其教不易其宜豈亦指其俗其宜之為他國耶愚謂此條作在本國看下條作去國看為是

行禮不求變俗該得廣祭祀之禮以下蓋舉喪祭之禮之大者言耳子曰禮與其奢也寧儉喪與其易也寧戚聖賢論禮嘗即說到喪與祭

檀弓曰我魯有初又云自上世以來未之有舍孟子曰我宗國魯先君莫之行我先君亦莫之行是



所謂國之故即法之所在故緊接謹修其法而審行之見違其國之故即干法而不可行也禮法原不相離

脩上加謹字行上加審字謹脩而審行甚言其法之不可不守也

去國一條總言已去者之從厚道耳

居喪未葬讀喪禮既葬讀祭禮喪復常讀樂章

喪祭之禮甚大故居喪時謹讀二禮恐失禮之不可悔也禮樂不可斯須去身故喪復常即讀樂章恐樂之久廢而不我用也

禮記曲禮疑問卷之一

王六

君子將營宮室宗廟為先廡庫為次居室為後凡家造祭器為先犧賦為次養器為後

斯干之詩似續妣祖築室百堵云云是先宗廟也約之閣閣椽之橐橐云云是次廡庫也如跂斯翼如矢斯棘云云是後宮室也此為營宮室之次序凡事有次序品節便是禮

藍田呂氏曰宗廟祭器事吾先也廡庫犧賦待吾衆也居室養器奉吾私也此先後之序也

大夫士見於國君若君若勞之則還辟再拜稽首君若迎拜則還辟不敢答拜大夫士相見雖貧賤不敵主

人敬客則先拜客客敬主人則先拜主人凡非弔喪非見國君無不答拜者大夫見於國君國君拜其辱士見於大夫大夫拜其辱同國始相見主人拜其辱君於士不答拜也非其臣則答拜之大夫於其臣雖賤必答拜之男女相答拜也

此下七條詳拜有答否之異當自為一節

大夫士出聘他國其君勞之還辟再拜稽首敬如已國之君不敢以不拜也其君迎拜還辟不敢答拜敬如已國之君不敢以答拜也若與其國大夫士相見止以其敬為先後未有不相答拜者矣故禮記曲禮疑問卷之一

三七

舉弔喪一節及見國君一節總提言之說唯是二者為不答拜耳自非弔喪非見國君未有不答拜者大夫見於國君上見於大夫同國始相見無有不拜其辱者即君於士不答拜也然非其臣則答拜之矣大夫於其臣雖賤必答拜之矣即遠嫌若男女亦相答拜也此統舉無不答拜者以明唯大夫士出聘他國及見本國之君始有不答拜者耳細味自得

首條大夫士見於國君之君是他國之君三條非見國君之君是本國之君唯見本國之君不答拜

此大夫士聘於他國若勞焉不敢以不拜若迎拜則不敢答拜耳然在他國之君非其臣未有不答拜者要在各自盡而已

國君春田不圍澤大夫不掩群士不取麇卵

蒐苗獮狩四時皆有田此特舉春田言之耳不圍澤不掩群不取麇卵總是於取物之中寓育物之意是之謂禮

歲凶年穀不登君膳不祭肺馬不食穀馳道不除祭祀不縣大夫不食梁士飲酒不樂

有年斯有民有民斯有君歲凶年穀不登民將何禮記曲禮疑問卷之一 三八

所依哉君不得不自貶損矣况大夫士乎此皆於心體上合如此故聖人制為禮以示之節

君無故王不去身大夫無故不徹縣士無故不徹琴瑟

禮樂不可斯須去身故君之佩王大夫之縣樂士之和琴瑟無故必不可去必不可徹是禮也

大夫私行出疆必請反必有獻士私行出疆必請反必告君勞之則拜問其行拜而後對

人臣無私交無私行此云私行者何或與親故相往來或承父兄之命問候於他邦有必不可免者

乃始出疆耳然其出也必請其反也必有獻必告則私行亦是公出也是之謂禮

國君去其國止之曰柰何去社稷也大夫曰柰何去宗廟也士曰柰何去墳墓也國君死社稷大夫死衆士死制

國君以社稷為重大夫以宗廟為重士以墳墓為重故記禮者於其去也教人各舉所重者以勸止然君之社稷受命於天子大夫之衆士之制受命於其君有必不可棄捐者故記禮者又教其人必有死而無二

禮記曲禮疑問卷之一

三九

衆是民衆制是法制

君天下曰天子朝諸侯分職授政任功曰予一人踐阼臨祭祀內事曰孝王某外事曰嗣王某臨諸侯畛於鬼神曰有天王某甫崩曰天王崩復曰天子復矣告喪曰天王登假措之廟立之主曰帝天子未除喪曰余小子生名之死亦名之天子有后有夫人有世婦有嬪有妻有妾天子建天官先六大曰大宰大宗大史大祝大士大卜典司六典天子之五官曰司徒司馬司空司士司寇典司五衆天子之六府曰司土司木司水司草司器司貨典司六職天子之六工曰

土工金工石工木工獸工草工典制六材五官致貢  
曰享五官之長曰伯是職方其擯於天子也曰天子  
之吏天子同姓謂之伯父異姓謂之伯舅自稱於諸  
侯曰天子之老於外曰公於其國曰君九州之長入  
天子之國曰牧天子同姓謂之叔父異姓謂之叔舅  
於外曰侯於其國曰君其在東夷北狄西戎南蠻雖  
大曰子自稱曰不穀於外自稱曰王老庶方小侯入  
天子之國曰某人於外曰子自稱曰孤天子當依而  
立諸侯北面而見天子曰覲天子當寧而立諸公東  
面諸侯西面曰朝諸侯未及期相見曰遇相見於卻  
禮記曲禮疑問卷之一 四十

父母則自名也列國之大夫入天子之國曰某士自  
稱曰陪臣某於外曰子於其國曰寡君之老使者自  
稱曰某  
此三十條統論天子諸侯內外大小之名稱朝覲  
會遇聘使之差等及垂拱奔趨之容貌當合為一  
節  
天子是君天下之統稱朝諸侯分職授政任功曰  
予一人謂皆一人所宰制也踐阼臨祭祀內事曰  
孝王某謂孝在承先也外事曰嗣王某謂職在繼  
嗣也臨諸侯畛於鬼神曰有天王王某謂君天下  
禮記曲禮疑問卷之一 四十一

者宜臨祭而稱字以示謙也崩曰天王崩若天之  
墜復曰天子復舉天下望其復歸也告喪曰天王  
登假謂上升而不復反也措之廟立之主曰帝則  
以至尊極大者為沒後之徽稱耳若天子未除喪  
曰予小子生死皆名焉謂未朝諸侯以行事未踐  
阼臨鬼神故不得不別其名也舉內治則統之有  
后而又有夫人有世婦有嬪有妻有妾宮中若是  
其全設也舉外治則總之天官而又有五官有六  
府有六工及五官之致貢若是其極備也五官之  
長九州之長四夷庶方小侯名稱各異而莫非天

子之朔衛故當依而立諸侯皆北面曰覲焉覲天子之耿光也當寧而立公侯東西面曰朝焉朝天子之威顏也下此而遇而會而聘而誓而盟之異名蓋與朝覲之禮之尊大者相懸別矣故諸侯見天子曰臣某侯某見自侯而下之莫非王臣也其與民言自稱曰寡人其在凶服曰適子孤大別於予一人之稱也臨祭祀內事曰孝子某侯某外事曰曾孫某侯某大別於孝王某嗣王某之稱也死曰薨復曰某甫復大別於天王崩天子復也既葬見天子曰類見言謚曰類無有不請命於天子者

禮記曲禮疑問卷之一

四十二

使人於諸侯使者自稱曰寡君之老無有敢稱同於曰長曰牧者是天子與諸侯名稱之大較也故論天子之容穆穆然與天而同運也諸侯則皇皇然美盛之可觀矣大夫濟濟以相讓矣士蹇蹇以趨事矣庶人則焦焦然爾已故論天子之妃以德相配曰后諸侯曰夫人大夫曰孺人士曰婦人庶人則曰妻焉而已然公侯自夫人而下亦有世婦有妻有妾而夫人所自稱於天子自稱於諸侯自稱於其君則各以義起焉自世婦而下則又不同矣子於父母則各自名矣列國之大夫又隨在而

異其名矣是稱謂之有別一隨其名位之尊卑有關禮制之極大者故記者條分縷析而致其慎焉學禮者其辨諸

數條字眼通在曰字上

易曰聖人南面而聽天下嚮明而治如下文當依當寧而立是所謂朝諸侯者如下文建天官等各分其職守各授以政事各任其功能是所謂分職授政任功也

未除喪時或不幸而死則止稱予小子而不稱天子故曰生名之死亦名之

禮記曲禮疑問卷之一

四十三

建天官先六大便見別於五官而六府而六工則舉其所藏所用之最切者四條文雖平而不對六典是典禮之最大者故天官先六大以典司五官各率其屬曰典司五衆六府各司其藏曰典司六職六工各效其能以隨材而致之用曰典制六材

五官典司五衆各效其職獻之天子如王制所云則致貢之謂也

覲是入覲故北面朝是常朝故東面西面然書曰輯五瑞既月乃日覲四岳羣牧又曰五載一巡守

羣后四朝則天子臨朝以見諸侯亦曰覲矣諸侯來朝於天子亦曰朝矣要之入覲即常朝四朝即日覲其義未始不相通也此所云云但就當依當

寧以別其名耳

穆穆皇皇濟濟跼跼雋雋總足狀其容貌老婦如老臣老夫之稱云爾陳氏不以老稱不以婦稱云云可矣

子於父母則自名也定泛論之辭自天子達於庶人無以異也

天子不言出諸侯不生禮記曲禮疑問卷之一心君子不親惡諸侯失地名

戚同姓名

四四

論語云親於其身為不善者君子不入也君子而可親為不善哉諸侯大地滅同姓其惡特甚矣生而名之明著其親惡之罪也然則天子可槩見已春秋書天王出居于鄭謂其德不足以君天下也德不足以君天下即是其親惡處

為人臣之禮不顯諫三諫而不聽則逃之子之事親也三諫而不聽則號泣而隨之

事君有犯而無隱茲云不顯諫者何君臣之義無所逃於天地之間茲云三諫而不從則逃之者何

諫陳善閉邪未有不犯其顏者唯是辭氣直憤顯

暴其君之惡使之無所容則諫者與君之心忤而

必不可入其諫亦無益也故記禮者教為人臣者

不必若是其顯諫也但一而再再而三反覆開譬

以祈其必聽至於再三而必不聽則寧可逃而必

不可顯著其惡故曰三諫而不聽則逃之耳此二

句正申明所以不顯諫之意非真教之逃也若謂

諫時不可顯是教其臣之隱隱也若謂不聽則必

逃是教其臣之悻悻也非所以訓天下要善體會

號泣而隨之必其親之聽無他也故曰勞而不怨

禮記曲禮疑問卷之一君有疾飲藥臣先嘗之親有疾飲藥子先嘗之醫不

四五

三世不服其藥

飲藥必先嘗所以慎重君父之身不三世不服其

藥所以慎重其身

天子祭天地祭四方祭山川祭五祀歲徧諸侯方祀

祭山川祭五祀歲徧大夫祭五祀歲徧士祭其先凡

祭有其廢之莫敢舉也有其舉之莫敢廢也非其所

祭而祭之名曰淫祀無福天子以犧牛諸侯以肥牛

大夫以索牛士以羊豕支子不祭祭必告於宗子凡

祭宗廟之禮牛曰一元大武豕曰剛鬣豚曰腍肥羊

曰柔毛鷄曰翰音犬曰羹獸雉曰䟽趾兔曰明視脯  
曰尹祭橐魚曰商祭鮮魚曰臠祭水曰清滌酒曰清  
酌黍曰薌合梁曰薌箕稷曰明梁稻曰嘉蔬韭曰豐  
本鹽曰鹹醴玉曰嘉玉幣曰量幣

此下二十五條皆論祭祀之禮當自為一節

子曰非其鬼而祭之諂也此云非其所祭而祭之

云云卽是此意

北溪陳氏云淫祀不必皆是不正之鬼假如正當

正神自家不應祀而祀便是淫祀極闢祭得透

支子不祭祭必告於宗子古人只是一个小重宗宗

禮記曲禮疑問卷之一

四六

法立本支自是不渙散無他姓滅宗之禍是最好

風俗

呂藍田曰祭宗廟之禮內則盡志外則盡物所謂

盡物者盡其物之至美以薦之然後可以不慊於

心故祝辭皆舉其美而言說得極妙

天子視不上於袷不下於帶國君綏視大夫衡視士

視五步凡視上於面則教下於帶則憂傾則姦

天子視作視天子解誤矣天子端冕凝旒其首與

袷有若相聯屬者稍一仰則上於袷稍一俯則下

於帶故云天子視不上於袷不下於帶解者不通

本條上於袷之義且泥下條上於面之說誤解作

視天子不知所謂上於袷者謂視稍仰首昂而上

於袷也故下云上於面則教上於面云者卽俗語

所謂仰面云爾非上他人之面也必泥此而解

子視爲視天子則於天子國君大夫猶可以曲解

至士視五步將何以曲解耶此愚斷據本文爲天

子之視非視天子也載按玉藻云視帶以及袷註

作自視解是明証

天子穆穆故其視端然不仰而上於袷不俯而下

於帶國君皇皇其視較天子少俯焉如執綏者然

禮記曲禮疑問卷之一

四七

矣故曰綏視大夫則又俯而平衡矣士則又益俯

而視五步之內矣此何以故凡視上於面則教下

於帶則憂傾則姦此天子國君大夫士之視俯仰

之間不可少踰其則也愚謂二節宜如是解

君命大夫與士肄在官言官在府言府在庫言庫在

朝言朝朝言不及犬馬輟朝而顧不有異事必有異

慮故輟朝而顧君子謂之固在朝言禮問禮對以禮

此下四條是舉其所當肄所當言及非所當顧者

及問對宜從其禮者是自為一節

君命條註云人君有命令則大夫士相與肄習之

解得極是但接云其中或在官或在府或在庫或在朝隨其所在而謀議之若承上君命肄習言似欠分曉愚謂大君有命大夫與士宜相為肄習若其所言則宜各就其所居不可出乎其位也  
異事異慮訓他事他慮是

禮記曲禮疑問卷之一

四八

禮記疑問卷之二

烏程後學承菴姚舜牧著

檀弓上

公儀仲子之喪檀弓免焉仲子舍其孫而立其子檀弓曰何居我未之前聞也趨而就子服伯子於門右曰仲子舍其孫而立其子何也伯子曰仲子亦猶行古之道也昔者文王舍伯邑考而立武王微子舍其孫腓而立衍也夫仲子亦猶行古之道也子游問諸孔子孔子曰否立孫

公儀仲子舍孫立子而檀弓弔以免司寇惠子舍禮記檀弓疑問卷之二

嫡立庶而子游弔以麻衰先儒謂皆以過禮之弔致譏是則然矣自愚論之彼所行既為非禮即明白以非禮正之猶可挽回其失也何必身為過禮之弔耶聖人斷不如是

文王舍伯邑考而立武王微子舍其孫腓而立衍其事皆不可知唯嫡子死嫡孫承重是禮之正千萬世不可易故孔子特言以垂訓

事親有隱而無犯左右就養無方服勤至死致喪三年事君有犯而無隱左右就養有方服勤至死方喪三年事師無犯無隱左右就養無方服勤至死心喪

三年

事親事君事師皆禮之大者禮由中出其有隱而無犯有犯而無隱無犯而無隱心體上自合如是故記禮者並舉以垂訓耳朱氏分仁義道三字已覺支離長樂陳氏謂師之成我同乎仁而不全乎仁同乎義而不全乎義益支離甚矣

季武子成寢杜氏之葬在西階之下請合葬焉許之入宮而不敢哭武子曰合葬非古也自周公以來未之有改也吾許其大而不許其細何居命之哭

成寢而夷人之墓是季武子之大橫處杜氏之請禮記檀弓疑問卷之二

合葬豈所欲哉畏其勢敵之難敵以得請為幸蓋出於萬不得已耳故入宮而不敢哭武子猶然謂其非古命哭以文已過其暴橫何如其毒螫何如至今讀之者猶憤憤生氣註乃以杜氏之非孝與武子之不仁文過並舉竊恐其未當也

子上之母死而不喪門人問諸子思曰昔者子之先君子喪出母乎曰然子之不使白也喪之何也子思曰昔者吾先君子無所失道道隆則從而隆道污則從而污伋則安能為伋也妻者是為白也母不為伋也妻者是不為白也母故孔氏之不喪出母自子思

始也

禮隨時變易以從道或隆或污唯道所在聖人亦順道以為隆污耳謂聖人可自為隆污焉非也子思所云蓋謂吾先君子自身無所失道其隆其污可得一順其道以為之若伋則未能無所失道也但行唯據禮焉耳不為伋也妻則不為白也母故不許白之喪出母也此其於夫妻父子之間必有所難言者故其辭晦抑而不爽學者但當以意行之不可徒泥其辭而失其意也

道隆二句張子謂就出母以定污隆極看得是然禮記檀弓疑問卷之二

必先自吾身始吾自身無所失道可就其道以為隆污自身未能無所失道難就其道以為隆污也故但一據禮以止其喪耳

孔子曰拜而后稽顙顙乎其順也稽顙而后拜頌乎其至也三年之喪吾從其至者

順亦從哀中出但先拜猶知禮賓不若先稽顙自致其哀耳故孔子從其至者

孔子既得合葬於防曰吾聞之古也墓而不墳今立也東西南北之人也不可以弗識也於是封之崇四尺孔子先反門人後雨甚至孔子問焉曰爾來何遲



也曰防墓崩孔子不應三孔子泫然流涕曰吾聞之古不修墓

畢竟合葬是古禮不得已乃分葬耳看孔子所為便是萬世之師法季武子云云恐非周公之定制也

不是孔子竟不修墓其所云蓋深嘆作墓之宜加謹耳今既不能所以泫然流涕急為修治之計

孔子哭子路於中庭有人弔者而夫子拜之既哭進使者而問故使者曰醢之矣遂命覆醢

覆醢只是一個不忍之心註謂不忍食其似長樂禮記檀弓疑問卷之二

陳氏云非特不忍之又不可忍見之也尤佳

子思曰喪三日而殯凡附於身者必誠必信勿之有悔焉耳矣三月而葬凡附於棺者必誠必信勿之有悔焉耳矣

必誠必信謂此心無所不盡百凡事無所不用其情故既着一誠字又着一信字耳方氏解必誠謂於死者無所欺必信謂於生者無所疑較反為未暢也

喪三年以為極亡則弗之忘矣故君子有終身之憂而無一朝之患故心日不樂

故君子有終身之憂二句重在上一句專申明亡則弗之忘矣一句耳註將冢宅崩毀出於不意為一朝之患似欠體會

孔子少孤不知其墓殯於五父之衢人之見之者皆以為葬也其慎也蓋殯也問於耶曼父之母然後得合葬於防

孔子少孤不知其墓先儒辯之甚確惟是其慎也慎字讀作引而解為殯引誰則見之且記禮者胡不即用一引字耶愚謂孔子少孤不知父墓嘗皇皇求之而弗得故殯母五父之衢必求知者指示禮記檀弓疑問卷之二

以合葬然後能慊於其心故人見之者謂為葬而不知若斯之慎也蓋殯也問於耶曼父之母而指示之真然後得合葬於防耳此其事有無不可知但據本文慎字自有解而必改讀為引解為殯引愚之所不敢從也

古人於喪葬之禮極加慎曾子曰慎終追遠柳若謂子思曰子聖人之後也四方於子乎觀禮盡慎諸即是此慎字

有虞氏瓦棺夏后氏聖周殷人棺槨周人牆置翬蓋上世嘗有不葬其親者掩埋之禮所自起也然

不知所以比化者瓦棺焉聖周焉而後棺槨牆置  
晏漸以加厚焉是人子愛親無已之情熟思深慮  
以必求其至者以懽於其心也是之謂禮故記禮  
特詳之

穆公之母卒使人問於曾子曰如之何對曰申也聞  
諸申之父曰哭泣之哀齊斬之情饘粥之食自天子  
達布幕衛也繆幕魯也

曲禮云祭祀之禮居喪之服哭泣之哀皆如其國  
之故謹修其法而審行之曾申於穆公之間既舉  
自天子達者告之矣又舉布幕繆幕用于魯衛者  
禮記檀弓疑問卷之二

言蓋知魯之僭用而不忍斥言之特舉兄弟國之  
循禮者令其自省可一改以從其禮耳最得告君  
之體且啓口稱申也聞諸申之父何等中禮

晉獻公將殺其世子申生公子重耳謂之曰子蓋言  
子之志於公乎世子曰不可君安驪姬是我傷公之  
心也曰然則蓋行乎世子曰不可君謂我欲弑君也  
天下豈有無父之國哉吾何行如之使人辭於狐突  
曰申生有罪不念伯氏之言也以至于死申生不敢  
愛其死雖然吾君老矣子少國家多難伯氏不出而  
圖吾君伯氏苟出而圖吾君申生受賜而死再拜稽

首乃卒是以為恭世子也

先儒於申生責之不貸是春秋責備賢者之意自  
愚論之其所處地位極難人只謂其可言不言不  
知晨牝先杜其諫路有必不可言者人又謂其可  
逃不逃不知女戎先絕其去路有必不可逃者在  
申生亦出于不得已耳而從容就義略無幾微讐  
怨之意形于辭色之間此人子之所至難者稱為  
恭世子其然哉其然哉

伯氏不出而圖吾君句要體得好申生意若曰吾  
君老矣子少國家多難所賴以匡扶者伯氏也伯  
禮記檀弓疑問卷之二

氏不出而圖吾君則誰與圖之蓋激其必出也故  
下文緊接伯氏苟出而圖吾君

魯莊公及宋人戰於乘丘縣賁父御卜國為右馬驚  
敗績公隊佐車投綏公曰末之卜也縣賁父曰他日  
不敗績而今敗績是無勇也遂死之國人浴馬有流  
矢在白內公曰非其罪也遂誅之士之有誅自此始  
也

末之卜也註謂卜國微末無勇審若是卜國赴闕  
而死本文亦宜明載焉今乃止載縣賁父之言不  
及卜國何也二人赴闕而死不知註何所據或者

公因馬驚敗績專罪縣貴父之失御故稱末之卜也。以開卜國之罪縣貴父因此激而赴鬪以死耳。未之卜猶云非由卜也。之謂未識是否然卜姓也。國君宜稱臣名而乃稱其姓此皆所不可曉闕之可也。

國君大小必用卜。末之卜也。或悔其初之不卜。以至於敗也。與卜國卜字無干。亦一說。敢問高明。

曾子寢疾病。樂正子春坐於牀下。曾元曾申坐於足。童子隅坐而執燭。童子曰華而脫。大夫之簣與子春曰止。曾子聞之瞿然曰呼。曰華而脫。大夫之簣與曾禮記檀弓疑問卷之二

子曰然。斯李孫之賜也。我未之能易也。元起易簣。曾元曰夫子之病革矣。不可以變。幸而至於旦。請敬易之。曾子曰爾之愛我也。不如彼君子之愛人也。以德細人之愛人也。以姑息。吾何求哉。吾得正而斃焉。斯已矣。舉扶而易之。反席未安而沒。

知禮者不以長幼論。若童子再言華而脫云云。其見亦過人一等矣。曾子所以亟易之以全歸且稱君子之愛人以德也。

孟獻子禪縣而不樂。比御而不入。夫子曰獻子加於人一等矣。

比御而不入。從前說為長加於人一等。便見其超越處。長樂陳氏謂孟獻子過於禮云云。較責之太甚。非夫子稱之之意。

孔子既祥五日。彈琴而不成聲。十日而成笙歌。有子蓋既祥而絲屨組纓。

彈琴而不成聲。十日而成笙歌。正見其變禮之合宜。處有若之絲屨組纓似變之太速矣。故並載以俟人之自擇。

死而不弔者三。畏厭溺。

見理不明者。畏懼不知所出。多自經於溝瀆。此狀

禮記檀弓疑問卷之二

九

得畏字分明

廣安游氏曰古之君子欲正人之過失。不專恃乎刑罰而已。使生者有所愧。死者有所憾。皆所以誅罰之云云。極說得好。蓋使死者有所憾。正教生者有所重。而不敢自輕其身。若畏厭溺者之所為也。子路有姊之喪。可以除之矣。而弗除也。孔子曰何弗除也。子路曰吾寡兄弟而弗忍也。孔子曰先王制禮行道之人。皆弗忍也。子路聞之遂除之。

道路之人苟有死喪之事。亦君子之所弗忍也。但或瑾之耳。救之耳。而瑾之救之外弗敢有所加也。

此先王之制禮所為不可過也然則喪服之制其可任情而太過哉愚謂行道之人皆弗忍也句宜如此看敢問高明

太公封於營丘比及五世皆反葬於周君子曰樂樂其所自生禮不忘其本古之人有言曰狐死正丘首仁也

仁是人心禮樂皆從此心出樂其所自生不忘其本正是能全此心處故謂之仁

舜葬於蒼梧之野蓋三妃未之從也季武子曰周公蓋祔

禮記檀弓疑問卷之二

十

舜都平陽巡狩蒼梧之野崩即葬焉必其遺命是聖人之明達處是延陵季子所謂魂氣則無不之說也三妃未從亦何妨於合葬哉記禮者云云蓋証古不必祔祔自周公始耳

季武子嘗云合葬非古也自周公以來未之有改也此云周公蓋祔者何祔自周公始定其制武子前日之言蓋重人之罪以文已之過耳此所云則禮之正可通行於後世者也記者並載之正著其前日文過之罪

子張病召申祥而語之曰君子曰終小人曰死吾今

日其庶幾乎

詩曰有生靡樂凡人一生須常存敬畏方可無忝於所生子張之庶幾曾子之知免是皆其實實自信處長樂陳氏云觀其將死喜幸之言足以見其平生恐懼之意說得極好

曾子謂子思曰伋吾執親之喪也水漿不入於口者七日子思曰先王之制禮也過之者俯而就之不至焉者跂而及之故君子之執親之喪也水漿不入於口者三日杖而后能起

人子執親之喪水漿不入於口蓋痛傷其親之極禮記檀弓疑問卷之二

十一

而不敢為食也非強制而必不入于口至于數日而後可也先王之禮因人情以為之節故定為三日之制

曾子曰小功不稅則是遠兄弟終無服也而可乎

正服小功與降而在緦小功者不同曾子所云意在正服小功也

伯高之喪孔氏之使者未至冉子攝束帛乘馬而將之孔子曰異哉徒使我不誠於伯高

伯高與孔子厚使所不免也而攝束帛乘馬以將之則冉子不知禮之過耳

攝訓貸也愚竊惑焉冉子之為此束帛乘馬之將也將令伯高之家直受乎抑姑虛文以見意乎如虛文以見意貸可也而非孔子之意也如今其家之必受也曷之何其貸之抑先為貸而待孔氏之使者至乃償之耶皆不通之論也愚就本文以細繹或者攝自為句宜作代字解蓋孔子與伯高厚冉子所素知也一見其喪謂夫子必遣弔且賻也不待其使之至先代孔子行其禮故本文云孔氏之使者未至冉子攝束帛乘馬而將之耳

伯高死於衛赴於孔子孔子曰吾惡乎哭諸兄弟吾禮記檀弓疑問卷之二

十二

哭諸廟父之友吾哭諸廟門之外師吾哭諸寢朋友吾哭諸寢門之外所知吾哭諸野於野則已疏於寢則已重夫由賜也見我吾哭諸賜氏遂命子貢為主曰為爾哭也來者拜之知伯高而來者勿拜也伯高由子貢以見夫子夫子哭諸賜氏而命其主此禮之以義起者長樂陳氏云禮生於人情之所安義起於人情所未有說得極好

子夏喪其子而喪其明曾子弔之曰吾聞之也朋友喪明則哭之曾子哭子夏亦哭曰天乎予之無罪也曾子怒曰商女何無罪也吾與女事夫子於洙泗之

間退而老於西河之北使西河之民疑女於夫子爾罪一也喪爾親使民未有聞焉爾罪二也喪爾子喪爾明爾罪三也而曰爾何無罪與子夏授其杖而拜曰吾過矣吾過矣吾離羣而索居亦已久矣

子夏哭子喪明曾子責之云云未知果有然否但擬本文曾子直辭以攻過子夏安然以受責然有古意是今世之所無者

夫晝居於內問其疾可也夜居於外弔之可也是故君子非有大故不宿於外非致齊也非疾也不晝夜居於內

禮記檀弓疑問卷之二

十三

古君子居處有常故變其常者必問必弔今之反其常者多矣晝居於內怠且淫者也夜居於外游且蕩者也

孔子蚤作負手曳杖消搖於門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放夫子殆將病也遂趨而入夫子曰賜爾來何遲也夏后氏殯於東階之上則猶在阼也殷人殯於兩楹之間則與賓主夾之也周人殯於西階之上則猶賓之也而丘也殷人也予疇昔之夜夢坐奠於

兩楹之間夫明王不興而天下其孰能宗子子殆將死也蓋寢疾七日而沒

孔子中天地以生而天地賴以立心生民賴以立命千聖賴以立極是其生與死有不偶然者故孔子於夢之兆凶亦自傷泰山之頽梁木之壞哲人之萎然消槎於曳杖之歌而自解其真楹之夢視死與生有若晝夜然者是則聖人之達也

孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服

禮記檀弓疑問卷之二

十四

疑所服疑當服何喪服也故下云若喪父而無服子貢意若謂但心喪而無服也訓詁者泥後章二三子經而出乃云此無服是弔服加麻嗟乎弔服加麻則有喪服矣曷以云無服耶可發一嘆子貢雖云若喪父而無服然築室于塲獨居三年然後歸則其喪為特至矣二三子皆經疑二三子亦各自為服以為報耳註必強合而謂此無服為弔服加麻愚所未解

孔子之喪公西赤為志焉飾棺牆置翣設披周也設崇殷也綢練設旒夏也子張之喪公明儀為志焉褚

幕丹質蟻結于四方殷士也

門人厚葬顏淵夫子為不可則備三代之禮以葬夫子夫子必以為非禮也但夫子所不能正耳公西赤願學禮樂曷為備三代之禮以葬孔子哉公明儀葬子張一從殷禮其識殆過赤遠甚矣孔子之喪二三子皆經而出群居則經出則否

皆經而出是初喪孔子時之所服也羣居則經出則否是初喪以後時之所服也看本文孔子之喪及羣居字面便見得先儒泥定出則否一句不能解經而出一句乃訓羣為弟子相為朋友之服真禮記檀弓疑問卷之二

十五

可發一嘆

易墓非古也

易字訓莫治草木竊謂未然蓋上世嘗有不葬其親者有虞氏始為瓦棺焉夏為堅周焉商為棺梓焉周加牆置翣焉葬埋之禮以漸而加隆矣誰謂莫治其墓反不如古人者此所云易墓或移易其墓之謂乎古人之立墓也唯求安親之體魄耳後世葬埋之禮雖以漸加隆而多惑於堪輿家之說有思移易其墓者故記禮者特嚴為之防曰易墓非古也以止人移易其墓之邪心耳恐非莫治草

木之說敢問高明

將軍文子之喪既除喪而后越人來弔主人深衣練冠待于廟垂涕洟子游觀之曰將軍文氏之子其庶幾乎亡於禮者之禮也其動也中

夫禮雖先王未之有可以義起也義起之禮即是禮所謂亡於禮者之禮也識得亡於禮者之禮便知有於禮者有時乎其不必拘故曰非禮之禮非義之義大人弗為

公叔文子升於瑕丘蘧伯玉從文子曰樂哉斯丘也死則我欲葬焉蘧伯玉曰吾子樂之則環請前

禮記檀弓疑問卷之二

十六

公叔文子亦當世之表表者其曰樂哉斯丘也死則我欲葬焉者亦其視死生若循環然謂死則可葬此樂丘也云爾然斯丘各有主也使其後人不善體此意而遂循斯語未必不占他人之故業矣故伯玉請前行不欲與聞其事蓋因其一語之或有遺失而直言以規之此要看得好公叔文子斯言決非若後世侵占人風水之所為者弁人有其母死而孺子泣者孔子曰哀則哀矣而難為繼也夫禮為可傳也為可繼也故哭踊有節可傳是我可傳可繼是人可繼凡人所不可繼者

在我必不可為以傳之後也

叔孫武叔之母死既小斂舉者出尸出戶袒且投其冠拊髮子游曰知禮

叔孫武叔固不是好人然其所為果失禮節子游當正言以為譏即畏其勢當默而不言而胡反以知禮嗤之世祿之家鮮克由禮况三家尤不知禮之甚者乎今叔孫於小斂猶知袒拊髮之禮是可與其進者故子游曰知禮云蓋獎而進之以禮也謂反以知禮致嗤焉吾不信也敢問高明

喪事欲其縱縱爾吉事欲其折折爾故喪事雖遽不

禮記檀弓疑問卷之二

十七

陵節吉事雖止不急故騷騷爾則野鼎鼎爾則小人君子蓋猶猶爾

縱縱是總理之敏且密折折是周旋之曲而中折字不必作提字解

欲其云者望夫人之行禮因時而中其節也是期責之辭

喪服兄弟之子猶子也蓋引而進之也嫂叔之無服也蓋推而遠之也姑姊妹之薄也蓋有受我而厚之者也

引而進不是作意去引心體上覺有傷自合當如

是其進之耳推而遠不是作意去推心體上覺有  
嫌自合當如是其遠之耳其薄也亦不是作意要  
薄心體上覺有受我而厚之者我自合於彼可以  
稍薄之云耳愚謂禮是心體蓋如此

孔子曰之死而致死之不仁而不可為也之死而致  
生之不知而不可為也

細味此四句其用情也厚矣其見理也明矣真聖  
人之言萬世不可改易者

將之荆蓋先之以子夏又申之以冉有

將之荆先之以子夏又申之以冉有只是急為行

禮記檀弓卷之二

十八

道計耳註謀其可處之位句當削

今之大夫交政於中國雖欲勿哭焉得而弗哭且臣  
聞之哭有二道有愛而哭之有畏而哭之

愛而哭畏而哭二語說透世情看當時既死且畏

而哭則其生時之問遺有不可言者矣君弱臣強  
如何成得世界

仲憲言於魯子曰夏后氏用明器示民無知也殷人  
用祭器示民有知也周人兼用之示民疑也魯子曰  
其不然乎其不然乎夫明器鬼器也祭器人器也大  
古之人胡為而死其親乎

喪禮本出人子一念愛親無已之心上世質凡所

為具者如是足以送死焉則已矣後世人子以漸

加隆故夏用明器殷用祭器周人兼用之若曰必

如是而後慊於其心也但就明器看來不可用就

祭器看來若可用就兼用二器看來似在可用不

可用之間此仲憲之所以有是言也不知凡此之

具皆人子所以不忍死其親者其大段則孔子道

之矣之死而致死之不仁而不可為也之死而致

生之不知而不可為也體此心于生死之間則得

之矣示民無知示民有知示民疑之之說俱不是

禮記檀弓卷之二

十九

子思之母死於衛柳若謂子思曰子聖人之後也四

方於子乎觀禮子蓋慎諸子思曰吾何慎哉吾聞之

有其禮無其財君子弗行也有其禮有其財無其時

君子弗行也吾何慎哉

有其禮無其財云云此二股文法似乎對然子思

之意却專重在一時字上喪母有其禮矣致喪有

其財矣然時乎出嫁則與從父而終者異矣此雖

有禮與財而亦有弗可行者他日子上之母死而

不喪門人疑焉而問子思曰為伋也妻者是為白

也母不為伋也妻者是不為白也母則此之所謂



有其禮有其財無其時君子弗行也其意斷可識矣

子游問喪具夫子曰稱家之有亡子游曰有無惡乎齊夫子曰有毋過禮苟亡矣歛首足形還葬縣棺而封人豈有非之者哉

此一語是千古所不可易者豈唯喪具哉人嘗以此語處事自無有不適其可者矣即此便是中道便是禮

司士賁告於子游曰請襲於牀子游曰諾縣子聞之曰汰哉叔氏專以禮許人

禮記檀弓疑問卷之二

二十

諮問禮事須直據禮裁答乃可啓人之知定禮之議子游當世所稱習禮者司士賁襲牀之問可但應之曰諾而已哉縣子病叔氏之汰專以禮許人當矣

成子高寢疾慶遺入請曰子之病革矣如至乎大病則如之何子高曰吾聞之也生有益於人死不害於人吾縱生無益於人吾可以死害於人乎哉我死則擇不食之地而葬我焉

古人於死時必反生時之所為而致歎故曰吾縱生無益於人吾可以死害於人乎哉欲擇葬於不

食之地今人生時常為不死計殯死猶侈然自以為是焉未嘗一反其所為視成子高之所言為何如

賓客至無所館夫子曰生於我乎館死於我乎殯生於我乎館死於我乎殯曰一死一生乃見交情

國子高曰葬也者藏也藏也者欲人之弗得見也是故衣足以飾身棺周於衣槨周於棺土周於槨反壤樹之哉

葬也者藏也數語說得不差但欲舉壤樹而廢之禮記檀弓疑問卷之二

廿一

較非禮之中制耳然其人則賢者觀擇不食之地而葬我自見得

魯哀公誅孔丘曰天不遺耆老莫相予位焉嗚呼哀哉尼父

孔子曰明王不興天下其孰能宗子使哀公能宗孔子魯其東周乎乃生不能宗其道於其死也誅曰天不遺耆老莫相予位焉嗟哉其亦所謂虛辭也與哉其亦欺天也與哉

檀弓下

君於大夫將葬弔於宮及出命引之三步則止如是

者三君退朝亦如之哀次亦如之

命引之三步則止註謂柩已行也孝子攀號不忍君命引之奪其情也愚竊以為未然君將以哀禮教臣子之致情者乃命引以奪其情耶必不然矣所謂命引云者君念大夫之平日效勞國家令一旦捐館舍出不可不為之助力故於其柩之行也命引之以致其隆重之禮而猶不忍其行之遽也姑三步則止如是者三焉以致其繼留不忍舍之情是則君之所以禮大夫者訓詁者乃反是謂命引以奪孝子之情此豈君禮哉下文朝亦如之哀禮記檀弓疑問卷之二

廿二

次亦如之則孝子不忍親柩之行故於君退後舉柩朝廟時亦如是其三步則止耳至平日待賓客次舍之處亦如是其三步則止耳註乃謂君來時不必恒在殯宮或當柩朝廟之時或已出大門至平日待賓客次舍之處則所謂將葬弔於宮者何為哉豈大君弔臣之禮可任情為之或弔於宮或弔於柩朝廟之時或弔於其柩之出至平日待賓客之次耶國君舉動悉有成則決不若此之任情也記者嚴其禮故筆之簡曰君於大夫將葬弔於宮以著其弔之有定時有定所曰命引之三步則

止如是者三君退以著其弔而命引也有定禮而既弔而退也不踰時然後著朝亦如之句又著哀次亦如之句以別此是孝子之所以致其親者其辭旨蓋辨且嚴矣訓詁家不細理會漫云命引之以奪其情又云君來時不必恒在殯宮真齊東野人之語也不得不辯以問明者

季武子寢疾疇固不說齊衰而入見曰斯道也將亡矣士惟公門說齊衰武子曰不亦善乎君子表微及其喪也曾點倚其門而歌

季武子所作所為蔑視禮法故疇固於其疾也故禮記檀弓疑問卷之二

廿三

為齊衰之見提公門二字以抑其平日橫邪之心曾點倚門而歌或亦是此意然所為自陷於狂將何以正人之失

晉獻公之喪秦穆公使人弔公子重耳且曰寡人聞之亡國恒於斯得國恒於斯雖吾子儼然在憂服之中喪亦不可久也時亦不可失也孺子其圖之以告舅犯舅犯曰孺子其辭焉喪人無實仁親以為實父死之謂何又因為利而天下其孰能說之孺子其辭焉公子重耳對客曰君惠弔亡臣重耳身喪父死不得與於哭泣之哀以為君憂父死之謂何或敢有

他志以辱君義稽顙而不拜哭而起起而不私子顯以致命於穆公穆公曰仁夫公子重耳夫稽顙而不拜則未為後也故不成拜哭而起則愛父也起而不私則遠利也

四條眼目總在一利字上秦穆公之弔不於晉而於重耳明者諸公子中唯重耳為可餌於利耳故以亡國得國致辭挑動其心於時重耳未知適從也以告舅犯舅犯教其致辭唯在仁親而不因為利重耳領其意旨致辭云云而不私其利穆公因是稱其為仁稱其愛父而遠利是則然矣然其禮記檀弓疑問卷之二

利心實醞蓄於中未忘也故其後來却原做到利上去

喪禮哀戚之至也節哀順變也君子念始之者也復盡愛之遺也有禱祠之心焉望反諸幽求諸鬼神之道也北面求諸幽之義也拜稽顙哀戚之至隱也稽顙隱之甚也飯用米貝弗忍虛也不以食道用美焉爾銘明旌也以死者為不可別已故以其旗識之愛之斯錄之矣敬之斯盡其道焉耳重主道也於主綴重焉周主重徹焉真以素器以生者有哀素之心也唯祭祀之禮主人自盡焉爾豈知神之所饗亦以主

人有齊敬之心也辟踊哀之至也有筭為之節文也袒括髮變也愠哀之變也去飾去美也袒括髮去飾之甚也也有所袒有所襲哀之節也弁經葛而葬與神交之道也有敬心焉周人弁而葬殷人呼而葬歟主人主婦室老為其病也君命食之也反哭升堂反諸其所作也主婦入于室反諸其所養也反哭之弔也哀之至也反而亡焉失之矣於是為甚殷既封而弔周反哭而弔孔子曰殷已慙吾從周葬於北方北首三代之達禮也之幽之故也既封主人贈而祝宿虞尸既反哭主人與有司祝虞牲有司以几筵含奠於禮記檀弓疑問卷之二

墓左反日中而虞葬日虞弗忍不日離也是日也以虞易奠卒哭曰成事是日也以吉祭易喪祭明日祔于祖父其變而之吉祭也比至於祔必於是日也接不忍一日未有所歸也殷練而祔周卒哭而祔孔子善殷君臨臣喪以巫祝桃茢執戈惡之也所以異於生也喪有死之道焉先王之所難言也喪之朝也順死者之孝心也其哀離其室也故至於祖考之廟而後行殷朝而殯於祖周朝而遂葬孔子謂為明器者知喪道矣備物而不可用也哀哉死者而用生者之器也不殆於用殉乎哉其曰明器神明之也奎車芻

靈自古有之明器之道也孔子謂為芻靈者善謂為  
備者不仁不殆於用人乎哉

此下二十七條曰復曰飯曰銘曰重曰奠曰葬曰  
封曰虞曰祔曰朝曰明器備詳送死者之事曰拜  
稽顙曰辟踊曰袒括髮曰弁經葛曰歆曰反哭曰  
卒哭備詳送死者之情總之所謂哀戚之至也中  
間盡愛之道也有禱祠之心焉哀戚之至隱也隱  
之甚也弗忍虛也愛之敬之有哀素之心也有齊  
敬之心也哀之至也哀之變也哀之節也有敬心  
焉哀之至也於是為甚弗忍一日離也不忍一日

禮記檀弓疑問卷之五

廿六

未有所歸也通本首條喪禮哀戚之至也一句而  
申發之也要識得

節哀順變變字當是凶變之變字觀下文袒括髮  
變也愠哀之變也自見得所謂順變云者意欲居  
喪者順處其變而毋至於滅性傷生乎其語意與  
節哀二字相同

愛之敬之總是此心心慕戀而不忍忘曰愛故曰  
斯錄之心欽仰而不敢忽曰敬故曰斯盡其道

祝宿虞尸之宿是齊宿之宿言整以待也不必改  
讀為肅

其變而之吉祭也恐不是以有他故未及葬期之  
說以吉祭易喪祭明日祔于祖父上文已明白言  
之矣唯是明日即祔似嫌於太急故復申言之曰  
其變而之吉祭也云云見必於是日也接而無間  
是不忍一日未有所歸之意此與上文葬日虞弗  
忍一日離意同解者不察此變字即上文一易字  
乃云以有他故未及葬及解比至於祔曰虞後遇  
剛日連接其祭紕繆之甚不敢不辯敢問高明  
死與生自不同人死斯惡之矣惡生於所畏自合  
如此所以君臨臣喪必先巫祝桃茢執戈以為之

禮記檀弓疑問卷之二

廿七

祓除

穆公問於子思曰為舊君反服古與子思曰古之君  
子進人以禮退人以禮故有舊君反服之禮也今之  
君子進人若將加諸膝退人若將隊諸淵毋為戎首  
不亦善乎又何反服之禮之有

戎首冠讐之意子思孟子皆有激乎言之欲其君  
之反悟也君使臣以禮進退之間誠不可不盡其  
道

曾子曰晏子可謂知禮也已恭敬之有焉有若曰晏  
子一狐裘三十年遺車一乘及墓而反國君七介遺

車七乘大夫五个遣車五乘晏子焉知禮曾子曰國無道君子恥盈禮焉國奢則示之以儉國儉則示之以禮

晏子只是一味儉約然是儉約也用在自己身上猶可若喪祭之間自有定制過則失之鄙陋不成禮矣此有若之所以致譏也然禮奢寧儉喪易寧戚則儉約其猶可取乎曾子之言自見得道理大分明

禮如是足矣而浮溢於其外是之謂盈君子耻盈禮此其寧過於儉約也國奢示儉國儉示禮二語禮記檀弓疑問卷之二

極關於世道

穆伯之喪敬姜晝哭文伯之喪晝夜哭孔子曰知禮矣文伯之喪敬姜據其牀而不哭曰昔者吾有斯子也吾以將為賢人也吾未嘗以就公室今及其死也朋友諸臣未有出涕者而內人皆行哭失聲斯子也必多曠於禮矣夫季康子之母死陳襲衣敬姜曰婦人不餽不敢見舅姑將有四方之賓來襲衣何為陳於斯命徹之

既曰文伯之喪晝夜哭又曰據其牀而不哭何也豈晝夜哭在其初喪出一時母子之情而據牀不

哭則徐察其平日之所為乃以義斷其哀耶

者敬姜所以哭其夫哭其子及所以不哭其子止襲衣之陳儼然一丈夫之大有識者此孔子稱之為知禮

子游曰禮有微情者有以故興物者有直情而徑行者戎狄之道也禮道則不然

微情微字作殺字解愚竊未然微微婉也有深愛者必有愉色有愉色必有婉容反是而有深憂者則有悲思有悲思則有戚容其情致曲曲若下文所形真有不可以直遂而行者是謂微情耳

禮記檀弓疑問卷之二

廿九

以故興物亦本微情來有深愛愉色婉容自因是故而興所以宣愛之物有深憂悲思戚容自因是故而興所以致哀之物總是非直情而徑行者人喜則斯陶陶斯咏咏斯踊猶斯舞舞斯愠愠斯戚戚斯歎歎斯辟辟斯踊矣品節斯斯之謂禮

五至篇云禮之所至樂亦至焉樂之所至哀亦至焉哀樂相生即是此意

禮全在品節上品節斯哀樂自無不中節者人死則惡之矣

此惡字不是厭惡之惡生人所愛也反愛則為惡

矣

知悼子卒未葬平公飲酒師曠李調侍鼓鐘杜蒧自  
外來聞鐘聲曰安在曰在寢杜蒧入寢歷階而升酌  
曰曠飲斯又酌曰調飲斯又酌堂上北面坐飲之降  
趨而出平公呼而進之曰蒧曠者爾心或開予是以  
不與爾言爾飲曠何也曰子卯不樂知悼子在堂斯  
其為子卯也大矣曠也太師也不以詔是以飲之也  
爾飲調何也曰調也君之褻臣也為一飲一食忘君  
之疾是以飲之也爾飲何也曰蒧也宰夫也非刀匕  
是共又敢與知防是以飲之也平公曰寡人亦有過  
禮記檀弓疑問卷之二

三十

焉酌而飲寡人杜蒧洗而揚觶公謂侍者曰如我死  
則必毋廢斯爵也至于今既畢獻斯揚觶謂之杜舉  
杜蒧之酌飲與平公之任過皆今時之所無者湯  
觶至今杜蒧平公名亦至今可美哉

公叔文子卒其子戌請謚於君曰日月有時將葬矣  
請所以易其名者君曰昔者衛國凶饑夫子為粥與  
國之餓者是不亦惠乎昔者衛國有難夫子以其死  
衛寡人不亦貞乎夫子聽衛國之政修其班制以與  
四鄰交衛國之社稷不辱不亦文乎故謂夫子貞惠  
文子

玩昔者衛國凶饑數語古之謚必求稱其實矣所  
以能慰死者於九原勵生者於來茲

石駘仲卒無適子有庶子六人卜所以為後者曰沐  
浴佩玉則兆五人者皆沐浴浴佩玉石祁子曰孰有執  
親之喪而沐浴佩王者乎不沐浴佩玉石祁子兆衛  
人以龜為有知也

凡人之行當天理合人情便是著龜協從處觀石  
祁子不沐浴浴佩玉兆可驗天理人情之至矣彼忘  
親而逐利者狗彘哉

陳子車死於衛其妻與其家大夫謀以殉葬定而陳  
禮記檀弓疑問卷之二

廿乙

子亢至以告曰夫子疾莫養於下謀以殉葬子亢曰  
以殉葬非禮也雖然則彼疾當養者孰若妻與宰得  
已則吾欲已不得已則吾欲以二子者之為之也於  
是弗果用

陳子亢欲以妻與宰殉子車卒能止其妻與宰之  
定人殉人情不喜聽其正辭唯畏聽其嚇辭此亦  
是个嚇止之法

子路曰傷哉貧也生無以為養死無以為禮也孔子  
曰啜菽飲水盡其歡斯之謂孝飲首足形還葬而無  
椁稱其財斯之謂禮

此當重看盡其歡稱其財六字歡之不盡是徒養口體者也烏乎孝財之不稱是以天下儉其親者也烏乎禮

衛獻公出奔反於衛及郊將班邑於從者而后入柳莊曰如皆守社稷則孰執羈勒而從如皆從則孰守社稷君反其國而有私也毋乃不可乎弗果班

柳莊數言與守藏者語晉文公之意同其理明其語透故皆能感悟其君

陳乾昔寢疾屬其兄弟而命其子尊已曰如我死則必大為我棺使我二婢子夾我陳乾昔死其子曰以禮記檀弓疑問卷之二

廿二

陳尊已不用亂命可為萬世法

戰于郎公叔禺人遇負杖入保者息曰使之雖病也任之雖重也君子不能為謀也士弗能死也不可我則既言矣與其鄰重汪錡往皆死焉魯人欲勿殤重汪錡問於仲尼仲尼曰能執干戈以衛社稷雖欲勿殤也不亦可乎

公叔禺人罪君子不能謀罪士弗能死卒欲死戰以見志所以能激汪錡之偕往也汪錡勿殤禺人之識亦越于肉食諸公子哉

子路去魯謂顏淵曰何以贈我曰吾聞之也去國則哭于墓而后行反其國不哭展墓而入謂子路曰何以處我子路曰吾聞之也過墓則式過祀則下

贈我處我悉以廟祀為重古人見大義如是

工尹商陽與陳弃疾追吳師及之陳弃疾謂工尹商陽曰王事也子手弓而可手弓子射諸射之斃一人轅弓又及謂之又斃二人每斃一人揜其目止其御曰朝不坐燕不與殺三人亦足以反命矣孔子曰殺人之中又有禮焉

古人於殺人中且有禮今人平居時煞放縱無忌禮記檀弓疑問卷之二

廿三

常存殺人之心視古之人可自愧死矣

哀公使人弔蕢尚遇諸道辟於路畫宮而受弔焉曾子曰蕢尚不如杞梁之妻之知禮也齊莊公襲莒于奪杞梁死焉其妻迎其柩於路而哭之哀莊公使人弔之對曰君之臣不免於罪則將肆諸市朝而妻妾執君之臣免於罪則有先人之敝廬在君無所辱命辟路畫宮而受弔固不是禮然哀公使人弔蕢尚不先時日而遇諸道尤非禮也記者止評受弔者弔人者之失自見於言外矣

季子臯葬其妻犯人之禾申祥以告曰請庚之子臯

曰孟氏不以是罪予朋友不以是棄予以吾為邑長於斯也買道而葬後難繼也

買道而葬無是理然犯人之禾亦不可此中必有善處之法

舍故而諱新

舍故故字恐不是高祖之父當遷者高祖而下止四代上高祖者亦不過數十人而已何即謂諱多難避耶舍故諱新云者謂今宜舍故名從新諱也二名不偏諱夫子之母名徵在言在不稱徵言徵不言在

禮記檀弓疑問卷之二

二字全宜諱單一字不消偏諱得夫子之母名徵在云云則二名不偏諱之註疏也

孔子過泰山側有婦人哭於墓者而哀夫子式而聽之使子路問之曰子之哭也壹似重有憂者而曰然昔者吾舅死於虎吾夫又死焉今吾子又死焉夫子曰何為不去也曰無苛政夫子曰小子識之苛政猛於虎也

嚴陵方氏云虎之害人也機畧檻穽所能制之政之害人無可制之械虎之害人也深宮固門所能逃之政之害人無可逃之地說得極痛徹楊雄傳

酷吏曰虎哉虎哉角而翼者也今苛政之虎誠有然者讀之可為於邑

魯人有周豐也者哀公執摯請見之而曰不可公曰我其已夫使人問焉曰有虞氏未施信於民而民信之夏后氏未施敬於民而民敬之何施而得斯於民也對曰墟墓之間未施哀於民而民哀社稷宗廟之中未施敬於民而民敬殷人作誓而民始畔周人作會而民始疑苟無禮義忠信誠慤之心以渰之雖固結之民其不解乎

哀公問民信民敬是大望於民周豐提出禮義忠信誠慤之心來見此是感民之本苟無是心即用誓會以固結終亦聯屬不得也是大望於君

禮記檀弓疑問卷之二

廿五

延陵季子適齊於其反也其長子死葬於贏博之間

孔子曰延陵季子吳之習於禮者也往而觀其葬焉其坎深不至於泉其斂以時服既葬而封廣輪揜坎其高可隱也既封左袒右還其封且號者三曰骨肉歸復于土命也若魂氣則無不之也無不之也而遂行孔子曰延陵季子之於禮也其合矣乎

讀其坎深不至於泉數句見延陵季子之所為葬其子者讀骨肉歸復于土數語見延陵季子之所



為哀其子者此孔子深與其合於禮

易曰精氣為物游魂為變骨肉是精氣所結成者魄也故有時而復歸于土魄歸復于土則魂升矣故曰魂氣則無不之也延陵季子豈唯葬達于禮而已哉生死鬼神之情狀蓋亦識之明且微矣

天子崩三日祝先服五日官長服七日國中男女服三月天下服

先祝次官長次國中男女次天下謂自內及外由近至遠其成喪服也有先後之次第云耳疏乃指上二服字為服杖嗟乎既成喪服則應杖者自必

禮記檀弓疑問卷之二

廿六

用杖矣曰是喪服之數故呼杖為服吾不知其說也

虞人致百祀之木可以為棺槨者斬之

棺槨用木有數而中度為難曰致百祀之木可以為棺槨者斬之非盡致而盡斬之也蓋先令虞人採訪於百祀中度可為用者然後斬之耳看可以為三字便見得

齊大饑賧教為食於路以待餓者而食之有餓者蒙袂輯屨貿然來賧教左奉食右執飲曰嗟來食揚其目而視之曰予唯不食嗟來之食以至於斯也從

而謝焉終不食而死曾子聞之曰微與其嗟也可去其謝也可食

微與訓細故末節愚竊以為未然凡人所重者生死也而要準於道義道義至纖至微即可食中而不可不去者在即可去中而有尚可以食者存此其分限處極微而不可終泥也故曾子云云語曰君子識微正謂能識此微也

就食本為生也而彼其嗟來則可以無生不可以失節不食嗟來本以重節也而彼其致謝則又不可以輕生此其間道理極微故曾子曰微與云云

禮記檀弓疑問卷之二

廿七

若曰其嗟也則可去耳一致謝則可以復食矣惜其人未識此微而終守小諒焉以致死也

晉獻文子成室晉大夫發焉張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要領以從先大夫於九京也北面再拜稽首君子謂之善頌善禱

聚國族訓燕集國賓聚會宗族愚竊以為未然歌於斯家之歌也哭於斯家之哭也國族之聚聚家之族姓也趙文子是國之望族故稱國族耳

季孫之母死哀公弔焉曾子與子貢弔焉閭人為君

在弗內也。曾子與子貢入於其廐而修容焉。子貢先入，闢人曰：「鄉者已告矣。」曾子後入，闢人辟之。涉內，雷卿大夫皆辟位，公降一等而揖之。君子言之曰：「盡飾之道斯其行者遠矣。」

劉氏致疑於二子之修容極有理，但自愚論二子之弔於季孫也。適值君在，自當待命而入。斯時致肅敬，比致弔有加，亦臣禮合如此。第當時俗人不知者，謂為修容，其君子則稱盡飾之道。斯其行者遠耳。要之此君子是當時之號為君子者，非知禮之君子也。敢正高明。

禮記檀弓疑問卷之二

廿八

孔子之故人曰原壤，其母死，夫子助之沐樽。原壤登木曰：「久矣予之不託於音也。」歌曰：「貍首之班然，執女手之卷然。」夫子為弗聞也者而過之。從者曰：「子未可也。」已乎。夫子曰：「丘聞之，親者毋失其為親也，故者毋失其為故也。」

原壤登木之歌，無復人道。夫子為弗聞也者而過之。朱子極說得好。凡人處非禮義之人，自合如此。趙文子與叔譽觀乎九原文子曰：「死者如可作也，吾誰與歸？」叔譽曰：「其陽處父乎？」文子曰：「行并植於晉國，不沒其身，其知不足稱也。其舅犯乎？」文子曰：「見利不

顧其君，其仁不足稱也。我則隨武子乎！利其君，不忘其身，謀其身，不遺其友。」晉人謂文子知人。文子其中退然，如不勝衣。其言呐呐然，如不出諸其口。所舉於晉國，管庫之士七十有餘家，生不交利，死不屬其子焉。

前四條記文子之審所歸，後二條則記文子平日之所為，以見其行與言之相符也。

其中中字不宜作身字解，中心也。其中心謙退，則其體常抑降，自若不勝其衣者然矣。

管庫之士，言司管鑰倉庫之賤士耳，不必定指為

禮記檀弓疑問卷之二

廿九

管庫藏者也。晉國管庫藏者，安得有七十餘家？成人有其兄死而不為衰者，聞子臯將為成宰，遂為衰。成人曰：「蠶則績而蟹有匡，范則冠而蟬有綏，兄則死而子臯為之衰。」

蠶則績而蟹有匡，三句恐不若註所云成人意。若曰：「兄死者宜自為衰，如蠶之績宜自有匡也。」范之冠宜自有綏也。今兄死者不為衰，聞子臯為宰而為衰，是非出其人之本心。實子臯為之衰也。故曰：「蠶則績而蟹有匡，范則冠而蟬有綏，兄則死而子臯為之衰。」若註云成人之服衰非為兄之死也，為

子臯而已則本文當云兄則死而為子臯衰不當云子臯為之衰矣

歲旱穆公召縣子而問然曰天久不雨吾欲暴尫而奚若曰天則不雨而暴人之疾子虐母乃不可與然則吾欲暴巫而奚若曰天則不雨而望之愚婦人於以求之母乃已疏乎

讀雲漢之詩則知君之所以為民請命者當以誠不以文矣文尚不可而况虐尫與巫之甚者乎甚矣後世之君之昏於感格也

暴尫云者暴此人於日中見其已瘠病若此之可

禮記檀弓疑問卷之二

四十

哀祈天一見憫而降澤耳註瘠病之人其面上向

云云可發一嘆

暴巫即今用僧道祈雨而不搭殿不張蓋之類

孔子曰衛人之祔也離之魯之祔也合之善夫

曰祔則宜合不宜離孔子所以善魯

重訂禮記疑問卷之三

烏程後學承菴姚舜牧著

王制

王者之制祿爵公侯伯子男凡五等諸侯之上大夫卿下大夫上士中士下士凡五等天子之田方千里公侯田方百里伯七十里子男五十里不能五十里者不合於天子附於諸侯曰附庸天子之三公之田視公侯天子之卿視伯天子之大夫視子男天子之元士視附庸制農田百畝百畝之分上農夫食九人其次食八人其次食七人其次食六人下農夫食五

禮記三制疑問卷之三

人庶人在官者其祿以是為差也諸侯之下士視上農夫祿足以代其耕也中士倍下士上士倍中士下大夫倍上士卿四大夫祿君十卿祿次國之卿三大夫祿君十卿祿小國之卿倍大夫祿君十卿祿凡四海之內九州州方千里八州州二百一十國天子百里之內以共官千里之內以為御千里之外設方伯五國以為屬屬有長十國以為連連有帥三十國以為卒卒有正二百一十國以為州州有伯八州八伯各以其屬屬於天子之老二人分天下以為左右曰二伯千里之內曰甸千里之外曰采曰流天子二公

九卿二十七大夫八十一元士大國三卿皆命於天子次國二卿命於天子一卿命於其君小國二卿皆命於其君天子使其大夫為三監監於方伯之國國三人天子之縣內諸侯祿也外諸侯嗣也制三公一命卷若有加則賜也不過九命次國之君不過七命小國之君不過五命大國之卿不過三命下卿再命小國之卿與下大夫一命

此以下二十一條當統看首二條是槩舉王朝制祿爵之等因次天子之田云云見唯天子享千里之奉公侯而下其受田有差明首條之所謂五等禮記王制疑問卷之三

者蓋自天子而降也因次天子之三公之田云云見天子之公卿以下其受田視外諸侯有差明次條之所謂五等者不獨諸侯之國也因次制農田百畝云云見制祿之等悉以為準是所謂祿以代其耕者因次諸侯之下士云云二條見王朝之所以制祿者各有其等因次次國之上卿二條見王朝之所以詔爵者亦各有其等因次凡四海之內三條見一州之建國若斯天子之縣內建國若斯統九州之建國若斯而祿爵之等不越此制之範圍也因次天子百里之內云云見天子千里之奉

止足以共御而不私因次千里之外設方伯云云見方伯連帥之設乃所以統攝而無外因次千里之內曰甸云云見畿甸侯服之名所由立而率土內外無有不歸天子之統御者然後舉天子三公九卿云云見王朝之設官若是其具備也舉次國三公皆命於天子云云見王朝之分設若是其有等也舉天子使其大夫為三監云云見王朝之監制若是其森嚴也舉天子之縣內云云則明內外之祿爵未有敢自為制者舉制三公一命卷云云則明君臣之命服未有敢稍踰越者故章內所稱禮記王制疑問卷之三

天子不一而足焉見唯天子為能詔爵唯天子為能詔祿唯天子為能錫命而不由天子之命者是為篡為逆之流皆不容于王者之世是則所謂王制也

自王者之制祿爵至其有中士下士者九條大抵與孟子周室班爵祿章相出入

孟子論班爵祿故五等六等止言爵而後詳制祿之等此篇論制祿爵故五等五等雖論爵而實含詔祿之制觀下文天子之田以下云云自見得三等之國其卿其大夫其士名稱雖同而爵以次

降品秩上中下有不可踰紊焉者若然則其頒聘並會之時自然位有等第不必言矣註疏乃指定此是頒聘並會時尊卑之序恐失記者之意

易曰先王以建萬國親諸侯蓋不過相地以分列之耳此定說州建百里之國幾何七十五十里之國幾何共九州來為三等之國幾何拘泥開方之法鑿鑿定限而毫無短長多寡於其間似非聖王衆建諸侯之制朱子曰恐只是諸儒做箇如此等法其實不然此一段斷得極當

以共官以為御亦大約說所共所御取足於此地

禮記王制疑問卷之三

四

也云耳方氏註似多轉摺

天子三公四節見建官若是其具備錫命若是其有等監制若是其甚嚴耳

石林葉氏云內之公卿大夫其受田視公侯伯子男固亦通稱為諸侯也內以世祿為主而有賢者亦得世爵外以世爵為主而不賢亦止於世祿此數語可以補註所未備

制三公一命卷二節特詳命服之制見此之謂王制也

凡官民材必先論之論辨然後使之任事然後爵之

位定然後祿之爵人於朝與士共之刑人於市與衆棄之是故公家不畜刑人大夫弗養士遇之塗弗與言也屏之四方唯其所之不及以政示弗故生也此承上爵祿命數說來故有爵之祿之句因爵人及刑人說到不畜弗養弗與言示弗故生當為一節

天生民材本為世用然因材而任使詔之爵祿非論辨之加詳有不可輕與焉者故下必先論之四

宇大約與孟子國君進賢之意同

禮記王制疑問卷之三

五

百年者就見之命大師陳詩以觀民風命市納賈以觀民之所好惡志淫好辟命典禮考時月定日同律禮樂制度衣服正之山川神祇有不舉者為不敬不敬者君削以地宗廟有不順者為不孝不孝者君紕以爵變禮易樂者為不從不從者君流革制度衣服者為畔畔者君討有功德於民者加地進律五月南巡守至于南嶽如東巡守之禮八月西巡守至于西嶽如南巡守之禮十有一月北巡守至于北嶽如西巡守之禮歸假于祖禰用特

天子繼天立極故巡守必先柴祭望祀然後觀諸

侯就見百年者以行事

命太師陳詩觀民風欲正其俗命市納賈觀民好惡欲定其志命典禮考時月定日同律禮樂制度衣服正之欲一其制有不敬不孝不從為畔者異罰焉有功德於民者特進焉總是欲明其賞罰若是而巡守之事畢矣此天子巡四方其禮總不外是也大約與虞典巡守之禮同

志淫好辟絜頂觀民之好惡來

天子將出類乎上帝宜乎社造乎禰諸侯將出宜乎社造乎禰天子無事與諸侯相見曰朝考禮正刑一禮記王制疑問卷之三

六

德以尊于天子天子賜諸侯樂則以祝將之賜伯子男樂則以鼗將之諸侯賜弓矢然後征賜鈇鉞然後殺賜圭瓚然後為鬯未賜圭瓚則資鬯於天子天子命之教然後為學

此絜頂巡守來遂兼說諸侯因及諸侯之朝見唯考禮正刑一德以尊天子因及天子賜諸侯禮樂弓矢斧鉞圭瓚因及天子命之教然後為學

天子巡守不過考禮正刑一德耳故諸侯之朝見皆以此尊天子

天子諸侯無事則歲三田一為乾豆二為賓客三為

充君之庖無事而不田曰不敬田不以禮曰暴天物天子不合圍諸侯不掩羣天子殺則下大綏諸侯殺則下小綏大夫殺則止佐車佐車止則百姓田獵獺祭魚然後虞人入澤梁豺祭獸然後田獵鳩化為鷹然後設罝羅草木零落然後入山林昆蟲未蟄不以火田不麝不卵不殺胎不殀天不覆巢

此四條是田獵之禮先王為祭祀賓客充庖不得已而取禽獸然對時育物之意當流益于其中如合圍掩羣及取之非時用之無制則其心有惻然不自安者故此篇于田不以禮曰暴天物獨加詳

禮記王制疑問卷之三

七

焉易曰先王以茂對時育萬物是此意

合圍掩羣這便是田不以禮暴天物

天子殺一節雖言田獵時尊卑貴賤之次第然細玩下大綏下小綏止佐車語分明有止殺之意這便是取之有制與下文取之以時意甚聯合

不合圍不掩羣是不欲盡取殺則下大綏小綏止佐車是取之有制獺祭魚然後虞人入澤梁云云是取之有時麝卵殺胎殀天覆巢其殘賊物生尤甚故詳舉以示戒總之則所謂田必以禮不敢暴殄天物也

冢宰制國用六十八節

自冢宰制國用起至然後休老勞農成歲事制國用止雖其中分冢宰司徒司空馬司寇大史司會大樂正等官其實皆統于冢宰當自為一節

冢宰制國用必於歲之杪五穀皆入然後制國用用地小大視年之豐耗以三十年之通制國用量入以爲出祭用數之仂喪三年不祭唯祭天地社稷爲越綿而行事喪用三年之仂喪祭用不足曰暴有餘曰浩祭豐年不奢凶年不儉國無九年之蓄曰不足無六年之蓄曰急無三年之蓄曰國非其國也三年耕禮記王制疑問卷之三

必有一年之食九年耕必有三年之食以三十年之通雖有凶旱水溢民無菜色然後天子食日舉以樂凡朝覲祭祀燕饗一應軍國之需皆是國用國用不制則費出無經有不可爲國者故王制獨首舉之而總其權于冢宰周禮王后太子皆總于太宰亦是此意

歲杪五穀皆入可制國用然其用因地之小大視年之豐耗且必通之三十年則其所定之制始爲中正可通行於萬世矣制國用雖浩繁可以一言蔽曰量入以爲出

禱祀祭祀共給鬼神總代民以圖報所謂昭民力之普存是已仂字从人从力是此意喪亦臣子所宜効力故亦用此字

喪三年不祭疑是但致時祭不舉禘祫之大典耳若併廢時祭如何使得

暴即暴棄之暴祭盡誠盡物物之不具誠烏乎盡是暴棄其禮之大者故下一暴字

祭以八簋爲禮然易之損曰曷之用二簋可用享則祭亦有時乎從儉矣此曰凶年不儉者何曰聖人論禮隨時變易以從道故于萃曰用大牲于損禮記王制疑問卷之三

曰用二簋此禮時爲大之說也王制但舉一定不易之制言之故云不奢不儉耳看上文祭用數之仂一句便見得

三十年之通不專祭葬二事緣此爲典禮之極大故特舉言之而下著其詳

民有菜色言其萎黃如菜之色也註饑而食菜則色病者非

天子七日而殯七月而葬諸侯五日而殯五月而葬大夫士庶人三日而殯三月而葬三年之喪自天子達庶人縣封葬不爲雨止不封不樹喪不貳事

三日而殯三月而葬雖大夫之禮然士庶人家有其力不能即辦者大約此為中制耳註似拘泥不通

縣封不封不樹是庶人禮不為兩止喪不貳事則天子以下之所同也制為此言者恐庶人家葬具不備易以兩止食用不足易以事奪耳

天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢

七廟之說紛紛矣朱子引孫毓語謂太廟在公宮禮記王制疑問卷之三

之東南其制外為都宮中為太祖廟左右為昭穆廟皆南向各有門堂寢室而牆宇四周焉有親盡而祧各即以昭穆序升焉蓋宗廟之制但以左右為昭穆不以昭穆為尊卑五廟同為都宮則昭常在左穆常在右而外有以不失其序一世自為一廟則昭不見穆穆不見昭而內有以各全其尊必大祫會于一室然後序尊卑之次耳此一段說得極明

天子諸侯宗廟之祭春曰祈夏曰禘秋曰嘗冬曰烝天子祭天地諸侯祭社稷大夫祭五祀天子祭天下

名山大川五嶽視三公四瀆視諸侯諸侯祭名山太川之在其地者天子諸侯祭因國之在其地而無主後者天子植祫禘祫嘗祫烝諸侯祫則不禘禘則不嘗嘗則不烝烝則不祫諸侯祫植禘一植一祫嘗祫烝祫

祭有天子諸侯之所同者祫禘嘗烝是也然其禮在天子亦有時乎植與祫異焉者在諸侯又有一時之不舉者又有禘一植一祫者是則所謂王制也

禮以分定以義起天子祭天地諸侯祭社稷大夫祭五祀天子祭天下名山大川諸侯祭其封內是以分定者天子諸侯祭因國之在其地而無主後者是以義起者此之謂禮此之謂王制

祭備庶物薦以時物諸侯無故不殺牛大夫無故不殺羊士無故不殺犬豕庶人無故不食珍庶羞不踰牲燕衣不踰祭服寢不踰廟

看諸侯無故不殺牛云云見古人必行一大典禮始用一牲物却何等重禮何等惜物今牛羊犬豕珍羞無故輒妄用之禮教如之何其不壞物用如



之何其不乏

庶羞是常所用牲曰牛羊犬豕是祭所用庶羞不踰牲者言不敢踰用此牲也觀下文不踰祭服不踰廟自見得

古者公田籍而不稅市廛而不稅關譏而不征林麓川澤以時入而不禁夫圭田無征用民之力歲不過三日田里不耨墓地不請

冢宰制國用莫重于喪祭故相因說到祭品祭器然稅與征與用民力田里等項亦制國用者之所財成也故亦相因及之

禮記王制疑問卷之三

十二

此七條宜重看不稅不征不禁無征不過不耨不請字面

古者不征不稅今所求于民財者竭矣古者用民之力歲不過三日今所役于民力者竭矣任是深山更深處也應無計避征徭讀此詩可為於邑

司空執度度地居民山川沮澤時四時量地遠近與事任力凡使民任老者之事食壯者之食

書曰司空掌邦土居四民時地利地利上加一時字極妙

天氣與地宜本相通度地居民山川沮澤而時四

時則民無有不安居樂業者矣易曰后以財成天

地之道輔相天地之宜以左右民是此意

民居既定宜有力役之征却量地遠近興事任力其政之均平何如其所使民又任老者之事食壯者之食其政之優卹何如此庶民子來懽然樂終其事也

凡居民材必因天地寒煖燥濕廣谷大川異制民生其間者異俗剛柔輕重遲速異齊五味異和器械異制衣服異宜修其教不易其俗齊其政不易其宜中國戎夷五方之民皆有性也不可推移東方曰夷被

十三

禮記王制疑問卷之三

髮文身有不火食者矣南方曰蠻雕題交趾有不火食者矣西方曰戎被髮衣皮有不粒食者矣北方曰狄衣羽毛穴居有不粒食者矣中國夷蠻戎狄皆有安居和味宜服利用備器五方之民言語不通嗜欲不同達其志通其欲東方曰寄南方曰象西方曰狄韞北方曰譯凡居民量地以制邑度地以居民地邑民居必參相得也無曠土無游民食節事時民咸安其居樂事勸功尊君親上然後興學

既居民必居民材以儲其用然天地間風氣大殊寒煖燥濕必因其宜以居之然後可以備其用故

首舉焉若修教齊政亦有不可拂其俗之所宜者故緊承言之

廣谷大川天地所以立其限也故下異制二字民生其間各一習尚若下文云不可推移者故下異俗二字剛柔輕重遲速有彼然而此不然者故下異齊二字五味則各一調和矣器械則各一制用矣衣服則各一宜適矣此其俗可易乎但修舉其教令同歸于善耳固不必易俗以為之也此其宜可易乎但齊一其政令皆歸于治耳固不必易宜以為之也易曰先王以省方觀民設教正修其教

禮記王制疑問卷之三

十四

不易其俗意又曰神而化之使民宜之正齊其政不易其宜意

居民雖居中國之民然四夷皆吾赤子也其安居和味宜服利用備器之欲無有不同故雖言語不通必設官以通之達其志通其欲乃為王者無外之治

居中國之民曰修其教齊其政居四夷之民曰達其志通其欲通合如是

必參相得也註未見分曉參者參酌而調停之謂地有廣狹高下邑可隨其形勢為之乃從而調劑

分棹使內外遠近居民之心無有間然者是之謂參相得也註所云似未當

地邑居民既參相得中間便無不耕之土無籍之民食從其節事當其時民咸安其居矣所以樂事勸功尊君親上而教學之可興也

民咸安其居一句是承上起下語無曠土無游民食節事時是上之人使民安居事樂事勸功尊君親上是下之民安居以後事

從度地居民起直說到民咸安其居是為司空一大案

禮記王制疑問卷之三

十五

司徒修六禮以節民性明七教以興民德齊八政以防淫一道德以同俗養耆老以致孝恤孤獨以逮不足上賢以崇德簡不肖以紂惡

因說興學隨舉司徒修六禮云云是一篇文字若此條舉舉八目下文但承說上賢簡不肖事養耆老恤孤獨詳舉于篇中六禮七教八政僅舉于篇末而不語及一道德何也建學興賢無非修明此禮教耳齊一此政治耳而養老恤孤其節目之至大者故縷縷及之總之則所謂一道德以同俗者故不復贅言此文字之極妙處

不曰節民情曰節民性性情所出也凡民任性為之有多少過不及處故司徒修六禮以為之節衣服器械事為等項不立政以為之防便多僭擬放溢之失故曰齊八政以防淫

民生雖異俗而道德只一箇修六禮明七教齊八政總是将此道德之一者一民之不一使其俗歸于大同耳修是整舉而不壞明是昭示而不晦齊是限制而不紊一則一定而不易

上云不易其俗此云同俗者何不易者不強易之也不強易而但以道德之一者一之俗自歸于大禮記王制疑問卷之三

同矣是不易之所謂同也

司徒教官也教莫大乎孝友睦婣任恤養耆老恤孤獨是教之最先務也故特舉言之

命卿簡不帥教者以告耆老皆朝于庠元日習射上功習鄉上齒大司徒帥國之俊士與執事焉不變命國之右卿簡不帥教者移之左命國之左卿簡不帥教者移之右如初禮不變移之郊如初禮不變移之遠如初禮不變屏之遠方終身不齒

立教在簡賢絀不肖然不肖者不絀則賢者無由勸故先舉簡不帥教者

不由禮教不脩政治不歸道德不知養老恤孤是之謂不帥教

耆老皆朝于庠有朝禮習射習鄉有射禮鄉禮大司徒帥國之俊士與執事執此典禮之事也此全是將禮教去風動他使不肖者知所改易故不變則移之左右移之郊移之遂皆如此禮為之也看四次示之禮教却何等陶鎔何等警礪此而不變真無可化誨者故屏之遠方終身不齒

命卿論秀士升之司徒曰選士司徒論選士之秀者而升之學曰俊士升於司徒者不征於鄉升於學者禮記王制疑問卷之三

不征於司徒曰造士

選以擇用名俊以傑出名造則成就其才德使為世大用也下文詩書禮樂以造士皆國之俊選皆造焉通承此箇造字

樂正崇四術立四教順先王詩書禮樂以造士春秋教以禮樂冬夏教以詩書

凡道德政教之大具在先王詩書禮樂中奉此以示術是謂崇四術舉此以設教是謂立四教乃所崇所立一順先王之遺文故典毫無勉強拂戾于其間此士之所為樂從其教而各自成其德以為

世大用也

王太子王子羣后之太子卿大夫元士之適子國之俊選皆造焉凡入學以齒

大學賢士所關王太子王子羣后之太子卿大夫元士之適子國之俊選皆入此學以造就且入學以齒貴賤勿論焉蓋必如是上下咸思自奮勵陶鎔詩書禮樂之中涵養身心性情之德可克勝家國天下之重任也大學云天子以至於庶人壹是皆以修身為本正是此意

將出學小胥大胥小樂正簡不帥教者以告于大樂

禮記王制疑問卷之三

正大樂正以告于王王命三公九卿大夫元士皆入學不變王親視學不變王三日不舉屏之遠方西方曰棘東方曰寄終身不齒大樂正論造士之秀者以告于王而升諸司馬曰進士司馬辨論官材論進士之賢者以告于王而定其論論定然後官之任官然後爵之位定然後祿之大夫廢其事終身不仕死以士禮葬之

學學之終身原無出入但自入學論如學記一年視離經辨志云云至于九年則學已成就可為世用故小胥大胥等簡不帥教告於大樂正告于王

論造士之秀告于王升諸司馬

王命三公九卿大夫元士皆入學王親視學總其令其觀感興起必到成人有德處

此專重在造士上故論其秀者升之司馬簡不帥教之尤者屏之遠方若王太子王子羣后之太子卿大夫元士之適子當別自有處法恐不可如是之遠屏也

論定後官進之為卿大夫士也乃其中有不稱官者又有廢置之典舉大夫則卿與士可驟見矣此是王制之周匝處

禮記王制疑問卷之三

十九

有發則命大司徒教士以車甲

古文武不分為二司徒教士司馬論定以官材司馬治軍司徒教士以車甲此當時之號為士者入可相出可將若詩所云文武吉甫萬邦為憲方叔元老克壯其猶至今猶稱為美談也

凡執技論力適四方羸股肱決射御凡執技以事上者祝史射御醫卜及百工凡執技以事上者不貳事不移官出卿不與士齒仕於家者出卿不與士齒曰執技論力要見入學官材皆是論其德矣適四方言其技可通于世用羸股肱決射御則言其所

以適四方者用力以任事非苟焉而已也

古執技以事上者不貳事不移官所以定一其心志無敗事負官者

此執技以事上者即世子篇所云曲藝皆誓之以待又語之人也所以不與士齒

司寇正刑明辟以聽獄訟必三刺有旨無簡不聽附從輕赦從重

刑易失其平貴持之正辟欲當其罪貴察之明故司寇聽獄訟必加三刺有旨無簡者不聽其所聽者附從輕赦從重一本此欽恤之心所謂罪疑惟

禮記主制疑問卷之三

二十

輕與其殺不辜寧失不經正合如是

凡制五刑必即天論郵罰麗於事

即就也即天論者就天理斷論之也書曰天討有罪五刑五用哉易曰君子以遏惡揚善順天休命是明証不必改論作倫

郵是遞運之所五罰等序次而遞降如郵焉故

云郵罰註郵與尤同訓責一非

凡聽五刑之訟必原父子之親立君臣之義以權之意論輕重之序慎測淺深之重以別之悉其聰明致其忠愛以盡之疑獄汜與衆共之衆疑赦之必察小

大之比以成之成獄辭史以獄成告於正正聽之正以獄成告于大司寇大司寇聽之棘木之下大司寇以獄之成告於王王命三公參聽之三公以獄之成告於王王三又然後制刑

凡人罪過非蔑倫理即干法紀蔑倫無親干法無君皆于名教上有關故聽訟之始即原父子之親立君臣之義以權之今大明律序服制別尊卑貴賤加減科等正是此意

犯有輕重入有淺深輕重之序宜論也而以意逆焉必使其序之不清淺深之量宜測也而特加慎

禮記主制疑問卷之三

廿一

焉必使其量之有准是則所謂別之也

聰明下一悉字忠愛下一致字總二者下一盡字見有一之未悉有一之未致即有一毫之未盡也原父子之親立君臣之義是聽訟一大斷案故下一權字從而意論其輕重慎測其淺深方可以分斷罪惡之大小故下一別字然于中猶恐其或枉也必悉聰明致忠愛乃可以得其情故下一盡字有疑則汜與衆共衆疑則直赦之却何等寬宥有不可赦者必察小大之比以成之却何等明慎總之所謂即天論麗以事而我無與焉者也

王三又然後制刑此從刑之極重者論

凡作刑罰輕無赦刑者側也側者成也一成而不可變故君子盡心焉析言破律亂名改作執左道以亂政殺作淫聲異服奇技奇品以疑衆殺行偽而堅言偽而辨學非而博順非而澤以疑衆殺假於鬼神時日卜筮以疑衆殺此四誅者不以聽

易曰君子以赦過宥罪此云凡作刑罰輕無赦又云凡執禁以齊衆不赦過何也曰此立法不得不嚴也嚴則人畏其難犯而無輕自入矣此刑禁中之仁愛也

禮記王制疑問卷之三

廿二

曰作刑罰無赦曰刑者例也云云見唯立法之甚嚴此用法之不可不致詳也歐陽公云求其生而不得則死者與我俱無憾也此方是君子之盡其心者

亂名者亂其名也是干名犯義之人改作者改其作也是作聰明變舊章之人

學學習也順順習也學習其非理者却以涉獵濟其奸順習其非為者却以文飾掩其惡此是極奸險之惡人故不待聽而誅

行偽言偽學非順非猶可恕也而堅而辨而博而

潤不可恕也孔子誅少正卯正是此意

假鬼神時日卜筮是今假降邪術私習天文妖書妖言以惑衆者

人皆知亂政之可惡不知作為淫巧習為奸偽設為妖妄以惑衆心者其惡與亂政者等也故槩殺以絕其禍皆不待聽而誅

凡執禁以齊衆不赦過有圭璧金璋不粥於市命服命車不粥於市宗廟之器不粥於市犧牲不粥於市戎器不粥於市用器不中度不粥於市兵車不中度不粥於市布帛精麤不中數幅廣狹不中量不粥於市

禮記王制疑問卷之三

廿三

市姦色亂正色不粥於市錦文珠玉成器不粥於市衣服飲食不粥於市五穀不時果實未熟不粥於市木不中伐不粥於市禽獸魚鼈不中殺不粥於市關

執禁以譏禁異服識異言

聖王制刑以遏惡又設禁以防奸禁于未然則必不陷于刑辟矣故因論刑併及之

圭璧金璋是重寶命服命車是名器宗廟之器非所常用者犧牲非所常畜者戎器非所常御者故禁不粥于市

錦文珠玉成器是錦文珠玉以成其器者

衣服飲食此民生日用之需也何以不粥於市曰  
唯其為民生日用之需也粥衣服則寒暖有不蔽  
其體者矣粥飲食則朝夕有不贍其口者矣厲禁  
不粥正使之皆足于衣食也

異服雖非其所作然此亦作異服者之徒也故禁  
之異言不究將必有潛出入以為奸者故識之識  
云者窮詰之使無可往也

大史典禮執簡記奉諱惡天子齊戒受諫

諱惡恐非廟諱忌日之謂凡人所自諱者其惡也  
太史執簡以記言動且奉諱而使知所惡則君必

禮記王制疑問卷之三

廿四

凜凜于廟堂壹稟法度之正矣所以承語云天子

齊戒受諫

司會以歲之成質於天子冢宰齊戒受質大樂正大  
司冠市三官以其成從質於天子大司徒大司馬大  
司空齊戒受質百官各以其成質於三官大司徒大  
司馬大司空以百官之成質於天子百官齊戒受質  
然後休老勞農成歲事制國用

司會以歲成質天子何以冢宰齊戒受質大樂正  
大司冠市以其成從質于天子何以大司徒大司  
馬大司空齊戒受質曰質於天子則天子必下其

事于所司矣今所謂該部知道是也故該部各稟  
凜承旨

嚴陵方氏云大司徒掌邦教敷五典者也樂正崇  
四術立四教故樂正之質則司徒受之司馬掌邦  
教統六師者也司寇詰姦慝刑暴亂故司寇之質  
則司馬受之司空掌邦事居四民者司市掌偽飾  
之禁在民在商在賈在工者各十有二焉故司市  
之質則司空受之蓋各以其類受之也

又云物作於春長於夏歛於秋藏於冬則一歲之  
終固可休之時也帝出乎震見乎離說手兌勞手

禮記王制疑問卷之三

廿五

坎則一歲之終固可勞之時也老者血氣既衰是  
為可休之人農之稼穡亦已勤矣是為可勞之人  
于可休之時而休其可休之人于可勞之時而勞  
其可勞之人先王所以奉時為政者如是而已  
休老勞農所以成今歲之事然即于是時制來歲  
之國用體國勤民之心蓋無時而或忘矣所以為  
王者之制

曰冢宰制國用曰司空度地居民曰司徒修六禮  
曰司冠正刑明辟曰司馬辨論官材若止五官而  
大樂正造士大史典禮亦寓其中且司徒論秀升

諸司馬司馬有發徵之司徒司會之質成受之冢宰大樂正三官之質成受之大司徒等百官又各質成于三官達之天子而又各受成于其下總之冢宰制國用以成始成終焉若一身元氣分攝于五官流通于百骸而總主于一心無偏而不舉之處是則所謂王制也要識得

從冢宰制國用說至此原歸到制國用去是為一篇文字

凡養老有虞氏以燕禮夏后氏以饗禮殷人以食禮周人修而無用之五十養於鄉六十養於國七十養於學達於諸侯八十拜君命一坐再至瞽亦如之九

廿六

十使人受五十異糧六十宿肉七十貳膳八十常珍九十飲食不離寢膳飲從於遊可也六十歲制七十時制八十月制九十日修唯絞給衾冒死而後制五十始衰六十非肉不飽七十非帛不煖八十非人不煖九十雖得人不煖矣五十杖於家六十杖於鄉七十杖於國八十杖於朝九十者天子欲有問焉則就其室以珍從七十不俟朝八十月告存九十日有秩五十不從力政六十不與服戎七十不與賓客之事八十齋衰之事弗及也五十而爵六十不親學七十

致政唯衰麻為喪有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊有虞氏皇而祭深衣而養老夏后氏收而祭燕衣而養老殷人罍而祭縞衣而養老周人冕而祭玄衣而養老凡三王養老皆引年八子者一子不從政九十者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯三月不從政自諸侯來徙家期不從政少而無父者謂之孤老而禮記王制疑問卷之三

廿七

無子者謂之獨老而無妻者謂之矜老而無夫者謂之寡此四者天民之窮而無告者也皆有常餼瘠齔跛躄斷者侏儒百工各以其器食之道路男子由右婦人由左車從中央父之齒隨行兄之齒鴈行朋友不相踰輕任并重任分斑白者不提挈君子耆老不徒行庶人耆老不徒食

凡養老句是提語虞夏殷周以燕以饗以食修而無用之是隨時以異其禮也然至周大備周禮之無用萬世所不可易者

上提養老之禮句下則詳其所為養者



自五十而上皆謂之老然其年彌高則其禮彌隆故言養於鄉直至使人受

養老之禮焉能家賜而人益然必其家養生送死而無憾始謂之善養老也故出五十異饗二節言所以養生者當如是其周至也所以送死者當如是其曲備也斯王者養老之心與其人而俱盡乎上言所以養生備死者詳矣此復舉五十始衰云云見老之所為老者其當養如是此杖於家杖於鄉杖於國杖於朝欲有問焉則就其室以珍從其禮宜若是之異等也

禮記王制卷之三

廿八

杖家杖鄉杖國云云是縣言若國之元老尚在朝請及已致政者其禮宜特加優重故又云不俟朝月告存日有秩

不從力政不與服戎不與賓客之事齊喪之事弗及也是優庶人之老曰而爵曰不親學曰致政曰唯衰麻為喪則教有位之老宜以時進退可自盡其天年也

養國老於上庠云云是著養老之地皇而祭云云是舉養老之禮

看引年二字見三王老吾老及人之老必盡四海

之高年皆養焉唯恐其或遺也一子不從政其家不從政正引年優恤之政

將徙於諸侯是自內將徙於外者自諸侯來徙是自外來徙於內者故一則恤其行而寬之三月一則恤其來而寬之期註二說俱未當經旨

由養老說到疾與喪與徙在所宜卹又說到窮民無告者又說到殘廢技藝之人總之皆優恤之政王政有所以隆其優養者有所以示其禮讓者有所以教其任恤者知優養禮讓任恤之義則君子庶人之老各得其所無徒行徒食者矣提掇養老

禮記王制卷之三

廿九

起歸結到耆老不徒行徒食是一篇文字

方一百里者為田九百畝下十九節

自方一里者起至諸侯之大夫不世爵祿止覆申篇首爵祿之制似亦不可少但中間開方封建之法牽合拘泥有必不可行於後世者

書但曰東漸西被朔南暨聲教而已詩但曰自西自東自南自北無思不服而已此篇乃自恒山說到衡山自東河說到流沙曰千里而近千里而遙不知從何人丈量過又謂古尺八尺為步今尺六尺四寸為步說古與今步口多寡差幾尺幾寸不

知從何人較勘過且舉方千里者為方若干封方百里而下者為方若干若干不知從何時封建過此秦漢之文之最下者

天子之大夫為三監一條祿視諸侯之卿爵視次國之君其祿取之方伯之地

方伯為朝天子皆有湯沐之邑亦有理今京師都有會館豈亦其遺意歟

六禮冠昏喪祭鄉相見七教父子兄弟夫婦君臣長幼朋友賓客八政飲食衣服事為異別度量數制

周禮有古凶軍賓嘉此舉冠昏喪祭鄉相見似遺禮記王制疑問卷之三 三十

軍禮然有發教士以車甲則此禮亦未嘗不具

書止五教此加長幼賓客為七教似為少殊然總之明倫多寡所不必拘也

政舉飲食衣服事為度量數制無說已乃以異別為一政吾惑焉按燕儀饗禮皆主飲其食禮則專

主食飲食或亦可分為二乎飲食衣服事為中間等則既殊品節亦異故記者下異別二字始及度量數制耳

此篇先儒謂雜舉歷代之典為王制一篇斷案

重訂禮記疑問卷之四

烏程後學承菴姚舜牧著

月令

此呂不韋延諸儒所纂者故官間出秦官事間雜秦事且多識諱災祥語似乖聖賢口吻但其中所載儘與禮經相出入有不可不存以備覽考者

孟春之月 東風解凍蟄蟲始振魚上冰獺祭魚鴻鴈來

卓風解凍云云是一月之氣候今曆書載七十二候皆本乎此

禮記月令疑問卷之四 一

天子居青陽左个

孟子曰明堂者王者之堂也此篇所載青陽總章云云是王者之遺制王者果能居此以出政則必有奉天而弗違者

食變與羊其器䟽以達

穀食四時並用牲亦四時並用曰食變與羊菽與鷄云云言當其時則以此二者為主耳

易曰備物致用立成器以為天下利則器有一定之制矣此何以云其器䟽以達高以粗圓以閎燕以深閎以奄若是其異制也曰器之制本有定則

但其用各宜于時如東作南訛西成朔易其器便自有不同處

是月也以立春先立春三日太史謁之天子曰某日立春盛德在木天子乃齊立春之日天子親帥三公九卿諸侯大夫以迎春於東郊還反賞公卿大夫於朝命相布德和令行慶施惠下及兆民慶賜遂行毋有不當

春為歲首宜迎之以迓時氣之和行鼓舞之政夏秋與冬何消迎得此月令之所為秦書也

獻歲有慶賀禮故天子有賞賜以馭幸然兆民難禮記月令疑問卷之四

手其暨及也故命相布德和令行慶施惠以及之終之曰慶賜遂行毋有不當又見其所及者無壅而無不宜也

布德和令行慶施惠分四事而實相因此通說在上的意思到慶賜遂行則其實惠施及于下民矣乃命太史守典奉法司天日月星辰之行宿離不貸母失經紀以初為常

曆象日月星辰是王政首務故迎春後命太史守典奉法司天日月星辰之行此與周官職掌大相合且命之曰宿離不貸母失經紀以初為常却何

等勅慎之至

周官太史職掌建邦之六典以逆邦國之治掌八法以逆官府之治又正歲年以序事頒之于官府及都鄙順天應人之政莫大乎此此命其守典奉法命其司天日月星辰之行云云正責其舉所以治人者合所以承天者非徒命之而已也

是月也天子乃以元日祈穀于上帝乃擇元辰天子親載耒耜措之于參保介之御間帥三公九卿諸侯大夫躬耕帝籍天子三推三公五推卿諸侯九推反執爵于太寢三公九卿諸侯大夫皆御命曰勞酒禮記月令疑問卷之四

王者之政無非為民請命于天故孟春元日祈穀於上帝仲春元日命民社季春為麥祈實而為民祈祀山川百源為民祈福祈來年于天宗祈祀四海大川名源淵澤井泉篇中不一而足蓋示後世人君實實時舉此政無負上天為民立君之意天子躬耕帝籍豈便收得若干可供祭祀但天子所以共郊廟者其禮當如是所以興起斯民之勸於農者其道當如是故必躬必親不敢視為具文而已

是月也天氣下降地氣上騰天地和同草木萌動王

命布農事命田舍東郊皆修封疆審端徑術善相丘陵阪險原隰土地所宜五穀所殖以教道民必躬親之田事既飭先定準直農乃不惑

易曰天地交泰后以財成天地之道輔相天地之宜以左右民孟春天地和同草木萌動正交泰之時也王命布農事又命田舍東郊使皆修封疆審端徑術善相丘陵阪險原隰土地所宜五穀所殖以教道民又必使躬親以飭其事財成輔相左右之事莫備于此

農事雖專重五穀然丘陵阪險原隰又各有土地禮記月令疑問卷之四

所宜者須善相度以因地利始得故曰土地所宜五穀所殖

是月也命樂正入學習舞乃修祭典命祀山林川澤犧牲毋用牝禁止伐木毋覆巢毋殺孩蟲胎夭飛鳥毋麇毋卵毋聚大眾毋置城郭掩骼埋胔

入學習舞未便用之于祭乃修祭典亦未便通舉其祭但習之修之以俟其行耳命祀山林川澤是祭中之一事也

先王仁民愛物之心無時不存而孟春為物生之始尤惻然其加惠焉故犧牲毋用牝也毋覆巢殺

孩胎夭麇卵也禁止伐木也此一念之愛恤直流及于昆蟲草木之微毋聚大眾置城郭也恐妨農事也而又掩骼埋胔焉此一念之惻隱直下及于死生骨肉之際斯為王者不忍人之全政哉是月也不可以稱兵稱兵必天殃兵戎不起不可從我始毋變天之道毋絕地之理毋亂人之紀禍民之事非一而好兵為尤無故而稱兵其違天殃民有不可勝言者而終必反及其身故決言以示警曰稱兵必天殃

孟春行夏令則雨水不時草木蚤落國時有恐行秋禮記月令疑問卷之四

今則其民大疫疾風暴雨總至黎莠蓬蒿並興行冬今則水潦為敗雪霜大擊首種不入

雨水不時云云此天道之反常也胡以君戒其令則召是災曰天與人非二也和致祥乖致異即匹夫猶爾况君乎天以民命付之君而君顧恣睢以行其政若四時之忒其令則天必先之以怪異申之以災變而猶終不悛則凶禍之隨有捷若桴鼓者此洪範之咎徵可為萬世之龜鑑也彼昏不知而謂如日之不喪亦未察于此理哉書曰古幽不僭在人唯天降災祥在德可畏哉

人君行令失時災異其所必召也但必曰春行夏令其應如何行秋令冬令其應如何此秦儒拘泥之說不可盡信者耳乃註言人君于孟春之月行孟夏之令孟秋孟冬之令豈其君於此時更無行仲季之令者乎此後儒之拘泥又甚於秦儒者春秋但書行事不配災異肯深哉

仲春之月 安萌芽養幼少存諸孤

王者仁民而愛物唯生氣可驗於草木故首言安萌芽隨舉養幼少存諸孤二事

是月也玄鳥至之日以太牢祠于高禘天子親往禮記月令疑問卷之四

后妃帥九嬪御乃禮天子所御帶以弓韣授以弓矢于高禘之前

古有禘嗣之禮故天子於玄鳥至之至致祠高禘

后妃帥九嬪御是今日所侍御者嚴陵方氏解此

御為九御誤矣禮天子所御是平日所御幸者註

謂御幸而有娠者拘矣

先雷三日奮木鐸以令兆民曰雷將發聲有不戒其容止者生子不備必有凶災

先雷三日奮木鐸以令兆民云云與詩敬天之怒無敢戲豫意同

日夜分則同度量鈞衡石角斗甬正權概

度量衡石斗甬權概皆王者所以齊一天下之制也唯仲春仲秋日夜平分取是而較若畫一焉是謂因時之政

是月也耕者少舍乃修闔廟寢廟畢備母作大事以妨農之事

闔廟門戶之蔽人所居也如何可先之寢廟愚謂是月鮮羔開冰將薦寢廟故先修闔廟于寢廟中耳

此時所重在農不得已為修闔廟于寢廟耳觀少禮記月令疑問卷之四

舍母作大事語自見得

命樂正習舞釋菜天子乃帥三公九卿諸侯大夫親往視之

孟春但入學習舞茲習舞釋菜則用之以祭矣天子親帥三公九卿等往視之蓋重其事也

季春之月 命舟牧覆舟五覆五反乃告舟備具于

天子焉天子始乘舟薦鮪于寢廟乃為麥祈實天子為祈麥實薦鮪于寢廟而若此其慎重于舟

致薦于廟此為特謹耳

是月也生氣方盛陽氣發泄句者畢出萌者盡達不

可以內

生氣陽氣何以別天地之大德曰生四時皆此生意而唯春主生其氣為尤盛故曰生氣方盛然所以主生者陽氣之用事故曰陽氣發泄要之總是一氣

不可以內一句說得極好天子盡四海以為富何須藏富於國唯是倉廩府庫儲積以制國用備水旱不時之災不可已耳若鹿臺鉅橋昏冒之甚不足法矣外本內末爭民施奪其萬世之龜鑑乎

天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮賢者

布德行惠是大綱命有司發倉廩以下則德惠之實政也

貧窮乏絕其近者可發倉廩以賜賑天下大且遠必開府庫出幣帛乃足以周濟故其文若此

聘名士禮賢者何以與賜貧窮賑乏絕並舉周有大賚善人是富聘禮名賢固賜予之首務也况名賢懷挾經濟禮聘而出其施及寧有限乎故勉諸侯亟行之易曰聖人養賢以及萬民正是此意

是月也命司空曰時雨將降下水上騰循行國邑周

視原野修利隄防道達溝瀆開通道路母有障塞嚴陵方氏云方春物生需雨澤之時故其雨為時雨然或過淫則超下之水反上騰而為災愚以為未然天降時雨山川出雲山澤之氣本相通也時雨將降下水自然上騰特謂不可不豫為備耳非必謂雨過淫而上騰也

國邑中有原野原野中有隄防溝瀆道路循行而周視焉修而利之道而達之開而通之則可無障塞之害矣太史公曰甚哉水之為利害也豫備之術可無亟講乎

禮記月令疑問卷之四

九

田獵置罟羅網畢翳餒獸之藥母出九門

易曰先王以茂對時育萬物方春時和萬物皆向于生育而或罹于死亡其忍乎孟春母覆巢殺孩蟲胎天飛鳥母麝母卵仲春母竭川澤母焚山林季春田獵置罟羅網畢翳餒獸之藥母出九門仁恩之流盡逮於跂行喙息之微是為王者之政

是月也命野虞母伐桑柘鳴鳩拂其羽戴勝降于桑具曲植蓬篚后妃齊戒親東鄉躬桑禁婦女觀省婦使以勸蠶事蠶事既登分繭稱絲效功以共郊廟之服母有敢惰

鳴鳩拂其羽戴勝降于桑是可蠶之候故亟具曲  
植籩筐教民皆勤于蠶事后妃齊戒以下則王家  
為郊廟之重躬親其蠶事也與天子躬耕藉藉同  
季春蠶事方始即曰蠶事既登云云蓋謂郊廟之  
服取足于斯不可不蚤夜以勤其事也

是月也命工師令百工審五庫之量金鐵皮革筋角  
齒羽箭幹脂膠丹漆母或不良百工咸理監工日號  
母悖于時母或作為淫巧以蕩上心

易曰備物致用立成器以為天下利審五庫之量  
母或不良此是備物致用事百工咸理監工日號  
禮記月令疑問卷之四

云云則教所立之成器必堪為天下利不可悖時  
而失良也然但足為天下利已耳不可過巧以啓  
侈也

是月之末擇吉日大合樂天子乃帥三公九卿諸侯  
大夫親往視之

孟春入學習舞仲春入學習樂此月大合樂皆節  
宣陽氣之事

孟夏之月 行賞封諸侯慶賜遂行無不欣說

行賞封諸侯各一事慶賜又汎言之

命大尉贊桀俊遂賢良舉長大行爵出祿必當其位

贊桀俊遂賢良兼之舉長大此真是秦事

繼長增高毋有壞墮

繼長增高所該者廣但毋壞墮則繼增之術也恐  
此外不可加添

命野虞出行田原為天子勞農勸民毋或失時命司  
徒循行縣鄙命農勉作毋休于都

易曰君子以勞民勸相勞而不勸其及未徧也故  
勞農勸民並舉言之

好逸惡勞人情也故命司徒循行縣鄙以察之命  
農勉作毋休于都則管子謂農安于農不見異物

禮記月令疑問卷之四

十一

而遷焉之謂也  
農乃登變天子乃以彘嘗變先薦寢廟

季春薦鮪于寢廟為麥祈實茲以彘嘗麥先薦寢  
廟其禮合如此

斷薄刑央小罪出輕繫

斷薄刑三句此恤刑以順時令事然此當月月行  
之不獨孟夏也

蠶事畢后妃獻繭乃收繭稅以桑為均貴賤長幼如  
一以給郊廟之服

曰后妃獻繭則必后妃獻繭于君君復于后妃始

命衆婦分繅以効功也註后妃受內命婦之獻繭或恐未然收繭稅即今起夏絲綿之稅故本文有貴賤長幼如一句註外命婦食蠶亦用國北近郊之公桑故稅其繭十之一亦恐未然且給郊廟之服是收此繭稅頒分于有事者使各製服以承祭耳必非取此命婦之稅給其夫之祭服也

仲夏之月 養壯佼

看養壯佼三字亦秦時事

命有司為民祈祀山川百源大雩帝用盛樂乃命百縣零祀百辟卿士有益於民者以祈穀實

禮記月令疑問卷之四

十二

大雩帝雩字从雨从亏本祈雨之祭乃註云吁嗟其聲又引周禮女巫為証此不經之語也

孟春祈穀于上帝祈五穀也此祈穀實祈秋成之穀實也

毋燒灰毋暴布

火日用所需且夏祀在竈曷為禁四方山谷中多野燒此時非所宜也或者其禁是歟布亦日用所需且夏日宜暴曷為禁厥民因無所事布是時不用亦暴殄之一節也或者其禁是歟

關市毋索

譏而不征是王政此云關市毋索則他月其可索乎此可証其為秦書也

游北別群則繫騰駒班馬政

秦孝公牧馬汧渭有功受封蓋得此游北別羣之法也故鐵駟車轡遂稱為天下雄此篇所陳大抵本是然驂北三千斯馬斯臧其有關於戎政者亦不可少也

是月也日長至陰陽爭死生分君子齊戒處必掩身毋躁止聲色毋或進薄滋味毋致和節者欲定心氣人物稟陰陽之氣以有生仲夏五陽盛長一陰方

禮記月令疑問卷之四

十三

至此雖未見其搏擊而爭端實基于此此是人物死生一大關鍵物則無內傷無外損順其氣以生死焉已矣乃人之一身食味聲色情也靜躁之間所係不小故教君子于是時必齋戒靜處而毋躁聲色止而不進滋味薄而不和節諸者欲以定心氣斯其體常定而常和不犯陰陽之爭而罹死亡之患此調燮生理之大節也故特陳之以示戒齋戒掩身毋躁一串下飲食男女聲色貨利皆從躁之一字失故舉聲色滋味言之然猶謂其未盡也又益者欲二字止聲色薄滋味而又節諸者欲



則心氣其可定矣心氣定形氣自然不乖雖當陰陽之爭死生之分自可保全無虞者孟子曰其為人寡欲雖有不存焉者寡矣是實語

躁字與定字正相對毋躁則常定則不爭

百官靜事無刑以定晏陰之所成

晏陰晏字下得極好陽主生陰主殺聖人雖不喜其來然陽之生非陰不能成是亦造化所不可少者唯相爭而不定此見陰之為害耳果能靜以待之相得而無逆則陰為晏陰而其所成就不小矣易之姤曰天地相遇品物咸章也此何妨于一

禮記月令疑問卷之四

十四

陰之遇哉人靜攝則和疑以成其身事靜處則安妥以成其事國靜一而不擾則事治民安以成其治是晏陰之所成皆由吾主靜之所定也百官靜事無刑以定晏陰之所成其語本粗淺而其理之所寓實關于心學之至大者敢發明以正有識者可以居高明可以遠眺望可以升山陵可以處臺榭居高明遠眺望非以快意娛心也時將溽潤鬱蒸之氣及焉必思爽然以自豁也故順時令之宜為之

升高陵處臺榭不妨假是而登封遊觀及阿房沉

香之營建則動擾殃民犯時所忌未有不反及其身者

季夏之月 命漁師伐蛟取鼉登龜取鼃

鼃可為鼓龜可為卜故曰取曰登蛟與鼃則民之害也故曰伐曰取

是月也命四監大合百縣之秩芻以養犧牲令民無不咸出其力以共皇天上帝名山大川四方之神以祠宗廟社稷之靈以為民祈福

禮莫重于祭祭莫大于皇天上帝及名山大川四方之神宗廟社稷之靈故命四監大合百縣之秩

禮記月令疑問卷之四

十五

芻以養犧牲令民咸出其力以共之然總之以為民祈福而已主者之敬神而子民也如是

是月也命婦官染采黼黻文章必以法故無或差貸黑黃倉赤莫不質良毋敢作偽以給郊廟祭祀之服以為旗章以別貴賤等給之度

祭服旗章皆極大典禮故特嚴婦官之命一則曰必以法故無或差貸一則曰莫不質良毋敢作偽

蓋用以辨貴賤等級之度此不敢不致其慎也不可以興土功不可以合諸侯不可以起兵動衆毋舉大事以挫養氣毋發令而待以妨神農之事也水

濟盛昌神農將持功舉大事則有大殃

春曰生氣夏曰養氣養氣是養萬物之本舉大事以槌養氣則物不繁育民無所賴矣此其于造化不小故又曰舉大事則有天殃

曰母舉大事以槌養氣足矣何又曰母發令而待以妨神農之事益興土功合諸侯興兵動衆中間便有許大期會許大徵召許大發遣時月遲待有不勝其疲苦者此其妨農事為不小故又抽出言之

中央土 天子居太廟太室

禮記月令疑問卷之四

十六

土本寄旺于四時但此篇首語俱分五行則此段亦不可少且天子居太廟太室則實有此制非虛語也

孟秋之月 鷹乃祭鳥乃始行戮

鷹乃祭鳥二句言鷹先祭而始戮也不可就順時令看

天子乃命將帥選士厲兵簡練桀俊專任有司以征不義詰誅暴慢以明好惡順彼遠方

易曰長子帥師又曰利執言又曰王三錫命懷萬邦也此選士厲兵四句得長子帥師之義詰誅暴

慢三句得利執言懷萬邦之義此可為訓者

不義橫行於天下遠方之民陷水火矣天討所臨正出斯民于衽席之上也是謂順彼遠方註遠方順服似未快

是月也命有司修法制繕囹圄具桎梏禁止姦慎罪邪務搏執命理瞻傷察創視折審斷決獄訟必端平戮有罪嚴斷刑天地始肅不可以贏

春生秋殺陽舒陰慘是造化之常故當孟秋即命有司修法制繕囹圄具桎梏云云然非特之以明慎不可也故又命理瞻傷察創視折云云存欽恤

禮記月令疑問卷之四

十七

于審斷之內此何以故天地之氣始肅不可以贏也曰肅則宜順時以制刑曰始肅則宜明慎以用刑此之謂贊化誦和之政

嚴陵方氏曰審斷決故獄決又端平有罪然後戮則不及于無辜斷刑以嚴則不敢輕易體得極好

是月也農乃登穀天子嘗新先薦寢廟命百官始收斂完隄坊謹壅塞以備水潦修宮室坏垣牆補城郭命百官始收斂是收斂穀實完隄防謹壅塞以備水潦使不為收斂之害修宮室坏垣牆補城郭則推此收斂之意而悉為之者也

是月也母以封諸侯立大官母以割地行大使出大幣

秋以刑不以賞故母以封諸侯立大官秋主斂不主發故母以割地行大使出大幣

使必以幣隨行大使出大幣當作一事看

仲秋之月乃命司服具飭衣裳文繡有恒制有小大度有長短衣服有量必循其故冠帶有常

前此非無衣裳也此時氣肅宜為寒備故具飭耳文繡朝祭所用故曰有恒又曰制有小大度有長短衣服燕私所用故曰有量必循其故冠帶則通禮記月令疑問卷之四 十八

朝祭燕私無不有之者也故曰有常註泥文繡為祭服則朝服之九章其無文繡乎通衣服曰朝服燕服及他服則燕服他服可聚同于朝服乎是不可以不辨者

乃命有司申嚴百刑斬殺必當母或枉撓枉撓不當反命其殃

前月但云戮有罪嚴斷刑而已此曰斬殺必當母或枉撓且曰枉撓不當反受其殃蓋欽念民命之當重而深致其警也近有殘民以逞者中其身及其子孫可畏哉乃知斯語之非欺我也

是月也乃命宰祝循行犧牲視全具按芻豢臠肥瘠察物色必比類量小大視長短皆中度五者備當上帝其饗

五者備當皆主牲體言一須視全具二須臠肥瘠三須察物色四須量小大五須視長短此其事易見者芻豢特所以養牲者耳註却分所按所臠為二事併小大長短為一事吾不知其何謂也

是月也易開市來商旅納貨賄以便民事四方來集遠鄉皆至則財不匱上無乏用百事乃遂

中庸云來百工則財用足此云四方來集遠鄉皆禮記月令疑問卷之四 十九

至則財不匱蓋農末相資須商旅以接濟易開市來商旅納貨賄以便民事則貨遷有無四方自然來集遠鄉無不畢至矣此財之所以阜而不匱也貢賦職修亦由貨遷有無得之

凡舉大事毋逆大數必順其時慎因其類

凡舉大事四句可繫月令一篇但此綴在仲秋之月則在相時以發揮耳

季秋之月是月也申嚴號令命百官貴賤無不務內以會天地之藏無有宣出

號令加申嚴准命百官貴賤無不務內蓋丁寧凡

事之收歛非專指財物也

天地氣藏吾所為發散便兩不相會凡事務收歛無務宜洩則吾所藏與天地之藏兩相會矣此下一會字為極妙

乃命冢宰農事備收舉五穀之要藏帝籍之收於神

冢宰制國用必於歲之杪然西成之候亦可舉其大要矣玩下藏帝籍之收於神會見此舉五穀之要專為會計歲收欲共郊廟之大祭也

祇敬必飭言祇敬之必飭也註分三事解非

禮記月令疑問卷之四

二十

合諸侯制百縣為來歲受朔日與諸侯所稅於民輕重之法貢職之數以遠近土地所宜為度以給郊廟之事無有所私

周仲冬頒來歲十二月之朔於諸侯此于季秋制百縣為來歲受朔日分明是秦制若稅法貢數西成已畢宜即令諸侯分勅會計達之天子然後可斟酌次第頒行故併及之乃所會計則止以遠近土地所宜為度以給郊廟之事無有所私則王者公天下之政又不可以秦書目也

是月也天子乃教於田獵以習五戎班馬政命僕及

七駟咸駕載旌旒授車以級整設于屏外司徒樞朴北面誓之天子乃厲飾執弓挾矢以獵命主祠祭禽于四方

易曰君子以思患而豫防之書曰必有備乃無患除戎器戒不虞及牧馬車攻之法典籍每加重焉茲于田獵時習五戎併班馬政及所以駕車者天子厲飾執弓挾矢親獵以祭除戎豫備之計即寓于獮獵祠祭之中一舉而兩得是法之極良者乃趣獄刑毋留有罪

趣獄刑毋留有罪非盡斬刈之也刑有小大與獄

禮記月令疑問卷之四

廿一

而相比即小大決之母留于獄耳易曰君子以明慎用刑而不留獄正是此意

孟冬之月 命太史釁龜策占兆審卦吉凶

易曰天生神物聖人則之命太史釁龜策占兆審卦吉凶正豫為卜筮之用也左傳曰國之大事其何不下

是察阿黨則罪無有掩蔽

易曰訟元吉以中正也獄吏不中正而阿黨則此心先掩蔽其所枉縱不小矣是察阿黨無所容罪寧至于掩蔽乎治獄末也治治獄之人則正本清

源之道也

不獨察曰是察唯是可正不是非是莫能察也此用字之妙處

命有司曰天氣上騰地氣下降天地不通閉塞而成冬命百官謹蓋藏命有司循行積聚無有不斂坏城郭戒門閭修鍵閉慎管籥固封疆備邊竟完要塞謹關梁塞後徑

天有是時人有是事天地閉塞而成冬則人事亦宜以閉塞應矣命謹蓋藏令致謹于公儲也命循行積聚無有不斂令悉斂於私藏也坏城郭戒門

禮記月令疑問卷之四

廿二

閭云云則嚴局于畿甸者至矣固封疆備邊境云云則慎守于斥堠者至矣此皆順時閉塞之義後徑是邊疆關要中或有旁後曲徑可由以潛達者故加閉塞在固備完謹之下

陸氏云坏城郭而門閭不戒無益也修鍵閉而管籥不慎無益也固封疆而邊境不備無益也完要塞謹關梁而後徑不塞無益也此段發得極透是月也命工師效功陳祭器按度程毋或作為淫巧以蕩上心必功致為上物勒工名以考其誠功有不當必行其罪以窮其情

祭器用器皆有度程而祭器為重故特舉之凡諸器枝或作淫巧是格侈之一事也故篇中兩致戒焉然功必至到乃可用之永久故又教以必功致為上物勒工名是考工之一妙法

作淫巧不功致皆為不當不功致者罪則窮其所為冒破之情作淫巧者罪則窮其所為格侈之情天子乃祈來年于天宗大割祠于公社及門閭臘先祖五祀勞農以休息之

初祠烝嘗是王者四時之祭此篇獨舉季秋嘗孟冬烝而春夏不及焉豈以其時物之未備耶且季

禮記月令疑問卷之四

廿三

秋方嘗而孟冬即舉烝恐亦未合疏數之節也况加大飲于烝之上乎此為秦書

春祈秋報常典也此於農事甫畢即祈來年于上帝無一時不念及民生也

易曰勞乎坎成言乎艮孟冬正可勞之候也故勞農以休息之

是月也乃命水虞漁師收水泉池澤之賦毋或敢侵削衆庶兆民以為天子取怨于下其有若此者行罪無赦

山澤之利王者與民共之茲收其賦亦異于上世

矣然曰母或敢侵削衆庶兆民以為天子取怨于下則萬世之法戒也後世賦加于秦而暴吏侵刻腹削無所不至其為天子取怨于下有不可勝言者讀此語可為於邑

仲冬之月 命有司曰土事母作慎毋發蓋毋發室屋及起大衆以固而閉地氣沮泄是謂發天地之房諸蟄則死民必疾疫又隨以喪命之曰暢月

起大衆與教大閱不同秦尚威力每興大兵衆并吞天下大干造化之和故此篇于起大衆三致意焉蓋規戒之書也註反駁為呂氏之書誤矣

禮記月令疑問卷之四

廿四

命之曰暢月一訓暢為充言此月萬物充實于內一謂陽久屈而後伸愚皆以為未然季冬之月不曰行春令則胎夭多傷國多固疾命之曰逆乎此命之曰暢月即命之曰逆之文法也蓋此月一陽生于五陰之下其氣尚微唯是安靜以固養斯可為他日發生之本故易于復曰先王以至日閉關商旅不行蓋教之固而閉也母發天地之房也如反是而沮泄則蟄死民疾而死喪隨之矣命之曰暢月謂其反閉而為暢失時令之特甚也註所云未敢謂是

是月也命奄尹申宮令審門閭謹房室必重閉省婦事毋得淫雖有貴戚近習毋有不禁

法令之不行貴戚近習所阻撓耳故于此嚴其禁乃命大酋秫稻必齊麴蘖必時湛熾必絮水泉必香陶器必良火齊必得兼用六物大酋監之母有差貸酒用之祭祀用之賓客故時製而謹藏之非以崇飲也

是月也農有不收藏積聚者馬牛畜獸有放佚者取之不詰山林數澤有能取蔬食田獵禽獸者野虞教道之其有相侵奪者罪之不赦

禮記月令疑問卷之四

廿五

取之不詰非教之奪也甚欲其收藏之及時耳詩曰彼有不穫穉此有不斂穧伊寡婦之利亦此意曰取之不詰教民之亟為藏曰罪之不赦教民之善為取

是月也日短至陰陽爭諸生蕩君子齊戒處必掩身身欲寧去聲色禁者欲安形性事欲靜以待陰陽之所定

微陽初生陰未退聽故至于爭君子齊戒掩身絕去多欲以安形性靜以待其定則不至于爭而蕩矣此是善養元神之要術

身欲寧頂齋戒掩身來寧身在安形性安形性在  
去聲色禁者欲然不止寧身而已也凡事皆須安  
靜靜則可待陰陽之所定不至于爭而蕩也此立  
言之次第

身欲寧事欲靜是大端然事本于身故先從寧身  
說起身寧而事不靜猶不寧也故又着事欲靜句  
孔明云寧靜致遠亦待定之意乎

形與性本不相離汨沒于聲色者欲則形勞而性  
裂矣如之何其得安內養家解開關為絕欲后不  
省方為天君不外馳是亦大道理不可謂丹術家  
禮記月令疑問卷之四 廿六

之言樂之也

身欲寧事欲靜從齋戒說起唯此心齊一而不亂  
警戒而不忘然後可寧身而靜事易曰聖人以此  
洗心退藏於密是齋戒之極至處

可以罷官之無事去器之無用者

不直言罷官之無事去器之無用者加可以二字  
在上見唯此時有無事之官無用之器亦謂此時  
暇佚可以簡閱而罷去之也

季冬之月 命有司大難旁磔出土牛以送寒氣  
篇中難凡三見季春命國難磔攘以畢春氣仲秋

天子乃難以達秋氣季冬命有司大難旁磔出土  
牛以送寒氣氣一也春曰春秋曰秋冬曰寒耳送  
寒氣送陽和達秋氣遂萬物此于理有可解若春  
氣一畢則夏氣繼之矣曷云畢豈以時方陽決或  
以陰慝反噬而物被其災故命國逐之耶禮雖戲  
而義必有所取決非是舊本禳星之說若註謂春  
者陰氣之終磔攘以畢厲氣則宜直曰畢厲氣矣  
胡以曰畢春氣此不通之論也唯仲秋註云除過  
時之陽暑則其解為正當耳

乃畢山川之祀及帝之大臣天神之祇

禮記月令疑問卷之四 廿七

一歲中時舉山川等祀此祭似告畢然故曰乃畢

山川之祀云云

水方盛水澤腹堅命取水冰以入

嚴陵方氏曰萬物負陰而抱陽冲氣以為和陰盛  
閉塞而陽無所泄則氣戾不和為愆陽為伏陰然  
則鑿冰非特為備暑亦以達陽氣也此段說理極  
明可玩

令告民出五種命農計耦耕事修耒耜具田器

穀種宜藏出云者各出所有之謂也耕各盡力耦  
云者同力合作之謂也然必先曉告而豫計故特

著為令

命樂師大合吹而罷

王制休老勞農成歲事大合吹而罷疑作樂以合族人致休息之意恐非作樂頓停之說

是月也日窮于次月窮于紀星回于天數將幾終歲且更始

聖王所重者農事歲將更始專而農民母有所使則農亦專心盡力于其事矣與七月之詩意同

凡在天下九州之民者無不咸獻其力以共皇天上帝社稷寢廟山林名川之祀

禮記月令疑問卷之四

廿八

臨川吳氏云諸侯之列同姓之邦及卿大夫等所供亦皆出于民力故云天下九州之民無不咸獻其力也極是

新安顧氏曰月令當取其體天行事之大意如一歲之內因天時提擲一巡且過幾時到那時節又整一巡如春行慶賞刑以秋冬此因天時整頓大綱若他時有繫合即施行非一一到那時方行也此段說極有理

曾子問

曾子問一篇習禮者謂為凶禮置之而不顧愚按註中有大謬於經旨者數條倘不加明辯後世有好古者泥其文而不察則註疏之大罪也敢考正於左以問高明

孔子曰諸侯適天子必告于祖奠于禴冕而出視朝命祝史告于社稷宗廟山川

諸侯之出告于祖奠于禴而又命祝史告於社稷宗廟山川重其事也嚴陵方氏謂推事親之道以事神似未當

禮記曾子問疑問卷之四

廿九

曾子問曰並有喪如之何何先何後孔子曰葬先輕而後重其奠也先重而後輕禮也自啓及葬不奠行葬不哀次反葬奠而後辭於殯遂修葬事其虞也先重而後輕禮也

此條當是父母之喪與祖父母之喪同時而並有也故云葬先輕而後重奠先重而後輕蓋父母祖父母均所重於天下者第以子視父母以孫視祖父母較稍有輕重於其間父母不幸與祖父母同喪則祖父母之喪父母不能舉待孫以舉也而可無先乎故葬必先輕而後重若奠與虞必推其所



自生者故俱先重而後輕此子與孫自然之情其序有如此者故聖人特舉以垂訓耳若註將父母分重輕則中庸所云父母之喪無貴賤一也其肯豈若是乎且哀次既訓在大門外之右平生待賓客之處矣及解行葬不哀次云行葬母之時孝子不得為母伸哀於所次之處則大門外之右平生待賓客之處母亦有之乎此不通之論也父與祖父平生待賓客皆在大門外之右其行葬皆所當哀者唯是葬祖父母時猶有所重父母在後其葬為當舉故急於行而不及哀次耳或曰父祖父則禮曾子問疑問卷之四

三十

有待賓客之次在大門之右行葬所必哀也然則母祖母或異時而行葬將亦不哀次乎曰禮別內外母祖母無次在大門外必不當停柩而致哀或又曰祖父母同時而行葬則若之何曰婦從夫行即哀次可也

孔子曰宗子雖七十無無主婦非宗子雖無主婦可也

此甚言主婦之不可缺耳註謂七十之年猶必再娶非所為訓

大夫七十可以致政宗子七十尚強有力不可不

主祭也無主婦則若之何曰此禮必更有權宜大宗無子或子幼其祭必主於七十之老人即先以無主婦不成禮拜告於祖廟立於其側命其次行之可也今奉使之臣必先行出使禮於御座之前曾子問曰昏禮既納幣有吉日女之父母死則如之何孔子曰壻使人弔如壻之父母死則女之家亦使人弔父喪稱父母喪稱母父母不在則稱伯父世母壻已葬壻之伯父致命女氏曰某之子有父母之喪不得嗣為兄弟使其致命女氏許諾而弗敢嫁禮也壻免喪女之父母使人請壻弗取而后嫁之禮也女禮曾子問疑問卷之四

廿一

之父母死壻亦如之

父喪稱父四句註云彼是父喪則此稱父之名弔之云云竊謂不然父喪母喪謂已之父母已喪也與父母不在同例稱父稱母稱其父母為父母也與稱伯父世母同例觀一世字可見註謂此稱父之名稱母之名弔之又改世母為伯母誤矣若解致命以下尤可嘆父母之喪重於婚娶雖有吉日不得不致命已之辭曰不得嗣為兄弟致命者致已之意也嗣云者嗣此吉日成昏之謂也註訓致命為致還其許昏之命訓不得嗣為兄弟言不欲

使彼女失嘉禮之時使之別嫁他人恐繼此不得為夫婦刺謬之甚若女之父母使人請壻弗取而後嫁之者言壻雖免喪未忍遽言昏事女之父母使人為請焉壻猶未即取必待女之父母再請而後嫁之此甚言人子之心重喪而輕昏有若是耳此所以卒全夫婦之倫繼父母之後是孔子所謂禮也註乃謂女氏雖許諾而不敢以女嫁於他人待壻祥禪之後請壻成昏壻終守前說不取而後此女嫁於他族則所待之謂何且壻亦人子也將終身不娶乎非情也此女尚在必待其嫁而後別

禮會子問疑問卷之中

廿二

取亦非禮也况既納幣有吉日父母之命也一遭父母之喪輒違父母之命絕此女不取而別取此尤不通之甚者若謂女之父母死女之伯父致命於男氏男氏許諾而不敢娶女免喪壻之父母使人請女家不許壻然後別娶則尤不通之甚矣此何以刻之成書以訓後人哉可恨可恨亟宜削之曾子問曰女未廟見而死則如之何孔子曰不遷於祖不祔於皇姑壻不祔不菲不次歸葬于女氏之黨示未成婦也

照親迎女在塗而壻之父母死女改服布深衣縗

總以趨喪是女雖未成昏未成婦廟見即奔舅姑之喪事以舅姑之禮矣乃女至壻家已成昏在三月之內特未廟見而死耳顧斥之歸葬女氏之黨將謂此女為婦耶女耶且舅姑存明日即見舅姑稱來嫁豈有已成昏在三月之內令復歸葬其黨此必非孔子之言也曾子問一篇習禮者置不視蓋疑其雜出於後儒之附會若此類者無恠已喪之二孤則昔者衛靈公適魯遭季桓子之喪衛君請弔哀公辭不得命公為主客入弔康子立於門右北面公揖讓升自東階西鄉客升自西階弔公拜興

禮會子問疑問卷之中

廿三

哭康子拜稽顙於位有司弗辯也今之二孤自季康子之過也國君弔鄰國之臣尊卑不等故衛君弔季桓子而哀公為之主但當答拜而已不必哭也乃公拜興哭拜而稽顙於位疑是二孤因遂有二孤之說其實哀公特為之主非孤也習禮者所宜辯卒哭成事而后主各反其廟本文云卒哭成事而后主各反其廟則必當有時祭矣註何以云三年不祭殤不祔祭

殤不祔祭言殤不祔於祖也改祔為備何為

曾子問曰殤不祔祭何謂陰厭陽厭孔子曰宗子為殤而死庶子弗為後也其吉祭特牲祭殤不舉無所組無玄酒不告利成是謂陰厭

其吉祭特牲祭殤不舉云云言吉禮宗子之祭本用特牲故有胙俎玄酒告利成今唯其殤不舉特牲之禮故無胙俎無玄酒不告利成也註乃謂祭殤本用特豚云云謬甚

祭在祖廟之與鬼神厭飲之而已曰陰厭

夏后氏三年之喪既殯而致事殷人既葬而致事

禮曾子問疑問卷之四

廿四

此二句要體得好人臣遭三年之喪初聞即致其事曰既殯而致事者言即既殯而猶致其事也曰既葬而致事者言即既葬而猶致其事也註云夏禮親喪既殯即致還其事於君殷禮葬後乃致其事則殯葬以前將亦事其事乎此不通之論也

子夏曰金革之事無辟也者非與孔子曰吾聞之老聃曰昔者魯公伯禽有為之也今以三年之喪從其利者吾弗知也

從其利利字恐即貪戀祿位以為利利字

文王世子

文王之為世子朝於王季日三鷄初鳴而衣服至於寢門外問內豎之御者曰今日安否何如內豎曰安文王乃喜及日中又至亦如之及莫又至亦如之其有不安節則內豎以告文王文王色憂行不能正履王季復膳然後亦復初食上必在視寒煖之節食下問所膳命膳宰曰未有原應曰諾然後退武王帥而行之不敢有加焉文王有疾武王不說冠帶而養文王一飯亦一飯文王再飯亦再飯旬有二日乃間文王謂武王曰女何夢矣武王對曰夢帝與我九齡文王曰女以為何也武王曰西方有九國焉君王其終

禮文世子疑問卷之四

廿五

撫諸文王曰非也古者謂年齡齒亦齡也我百爾九十吾與爾三焉文王九十七乃終武王九十三而終文王為人子止於孝朝王季日三問安問膳色喜色憂此理當如是是之謂止孝非於理有加也謂聖人過人之行非也然如是不能復加矣故武王不敢有加焉謂不可踰越父之所行亦非也要識文武每日三問及視膳侍疾皆中心所發非徒事節文而已者此稱大舜之孝即稱文武食上必在視寒煖之節言上膳時文王必身在其

所親臨視之也註訓在察也則與視較重複矣愚謂食上必在宜讀

武王念親之篤當文王有疾時應有夢文王幸病間問女何夢矣亦應有是言及以夢帝與我九齡對曰古者謂年齒齒亦齡也而為其子喜此亦人情之常若我百爾九十云云則涉於誕矣

成王幼不能蒞阼周公相踐阼而治抗世子法於伯禽欲令成王之知父子君臣長幼之道也成王有過則撻伯禽所以示成王世子之道也文王之為世子也

禮文世子疑問卷之四

廿六

曷下一抗字大君之前以法繩其子是謂抗也此與分庭抗禮之抗字同

所以示成王世子之道也文王之為世子也此二句語意極佳記者意若曰周公抗世子法於伯禽欲令成王知父子君臣長幼之道成王有過則撻伯禽所以示成王世子之道也此非他即文王之為世子之道也蓋文王世子之道凡為人子皆不可不知而況君天下者知此道則可為人父為人君為人長而君天下故周公於此特惓惓云爾王氏謂文王之為世子句衍文非也劉氏謂伯禽所

行即文王所行世子之道非王世子之禮尤非也

凡學世子及學士必時春夏學干戈秋冬學羽籥皆於東序小樂正學干大胥贊之籥師學戈籥師丞贊之胥鼓南春誦夏弦大師詔之瞽宗秋學禮執禮者詔之冬讀書典書者詔之禮在瞽宗書在上庠此以下連下數凡字皆提掇之辭

不曰教世子教士曰學世子學士者教之使進於學也學方是教教通是學此古人下字之極妙處曰學世子兼及學士者上下之人皆有國家天下之責者也大學云自天子以至於庶人壹是皆以修身為本

禮文世子疑問卷之四

廿七

王制云春秋教以禮樂冬夏教以詩書此云春夏學干戈秋冬學羽籥要知詩書禮樂干戈羽籥皆學者之所有事也四時所共習但隨時各舉其所重者耳觀下文學干學戈必於小學正大胥籥師籥師丞其人且云春誦夏弦秋學禮冬讀書則知其事未嘗不相通矣必拘執以為定非善讀禮者也

胥鼓南南字註南夷之樂且云先王作樂至矣盛矣而猶以遠方蠻夷之樂教之者所以示興圖之

無外異類之咸賓奏之宗廟之中侈其盛也若此則當教世子時即教之以侈心乎非所為訓也鼓鐘之詩曰以雅以南以籥不僭南二南也周南自開辟至麟趾召南自鵲巢至騶虞無非言修身齊家事而治國平天下之理皆寓其中聖人教世子正教之修齊治平為他日出震繼離之本故命胥鼓此二南之詩示之知所適從耳若註所云愚不敢謂是也

凡祭與養老乞言合語之禮皆小樂正詔之於東序大學正學舞千戚語說命乞言皆大樂正授數大司

禮文世子疑問卷之四

廿八

成論說在東序凡侍坐於大司成者遠近間三席可以問終則負墻列事未盡不問

祭與養老乞言合語是學之大頭腦處故記者於春誦夏弦秋學禮冬讀書下即提此以見學世子者宜亟從事於斯

祭與養老乞言合語通在學中故下文曰釋奠曰釋菜曰語說命乞言曰語于郊

干戈羽籥非漫習之也將有事於祭用之也是極大事故小樂正大胥籥師籥師丞學之而統於大樂正語說命乞言亦極大典禮故小樂正詔之而

亦授數於大樂正總之所以成其德也然非論說之詳其曷以警動而陶鎔之故特命大司成論說在東序以竟其成大司成即今胥監之祭酒大樂正疑即今監丞博士小學正大胥籥師籥師丞等疑即今助教學正學錄之類小註謂大司成即大司樂恐不其然

大司成論說在東序註論說此受教者義理之淺深才能之優劣竊恐未然論說云者細論而詳說之謂也學于學戈弦誦書禮祭與養老乞言合語雖各有所詔之者大樂正統授其數然止是聲容

禮文世子疑問卷之四

廿九

器數之具耳若其中義理之精微及所以當習此者係身心性情之大關家國天下之重須大司成一一細論而詳說使世子及士自然融會於內外如下文所謂其成也懌恭敬而溫文則此論說功為居多故緊接凡侍坐於大司成者云云見教者如此其論說學者當如此其請問乃可兩相成也註解論說此受教者云云誤謬之甚

問者何問其論說之未明併其論說所未及也凡學春官釋奠于其先師秋冬亦如之凡始立學者必釋奠于先聖先師及行事必以幣凡釋奠者必有

合也有國故則否凡大合樂必遂養老

凡學春官釋奠云云是常時之祭凡始立學者必釋奠云云是初建學之祭凡釋奠者必有合也見祭與樂而兼舉凡大合樂必遂養老見養老與祭而兼行蓋祭與養老乞言合語雖三事而意實相通故遂及凡語于郊者一節

凡語于郊者必取賢歛才焉或以德進或以事舉或以言揚曲藝皆誓之以待又語三而一有焉乃進其等以其序謂之郊人遠之於成均以及取爵於上尊也

禮文世子疑問卷之四

四十

凡語于郊非徒資論辯而已正欲實知其賢才而取歛之也故緊接德進事舉言揚三事

王制云天子命之教然後為學小學在宮南之左大學在郊則此語于郊是諸侯之大學也故云以德進以事舉以言揚唯是曲藝者執技以事上與賢才不同故語三而一有焉者名之為郊人亦與而進之也與天子國學簡不肖者移之郊郊字不同

諸侯大學在郊是儲養賢才之淵藪故曲藝亦在所畜曰皆誓之以待又語者命令告戒使凡通一

藝者皆奮力於修德敏事慎言待又語時進舉而明揚之也

合語全是求真賢才故有德有事有言者即舉進而明揚之雖曲藝三而一有焉亦進其等以其序雖謂之郊人遠之然於成均中使亦得與有事之榮也

始立學者既興器用幣然後釋菜不舞不授器乃退價于東序一獻無介語可也教世子

興器是造學宮一應之器授器是授舞者之器

嚴陵方氏云一獻則無酬酒之煩無介則無傳命

禮文世子疑問卷之四

四一

之助無語則無合語之禮亦是但以愚見合語必以介無介語者無介以合語也當是一事

自凡學世子至始立學者諸條皆為教世子而發故末綴教世子句然此法自三代以來未之有改周公抗法於伯禽意全在成成王之德故復提三王教世子句終以周公踐阼句

凡三王教世子必以禮樂樂所以修內也禮所以修外也禮樂交錯於中發形於外是故其成也懌恭敬而溫文

千戚羽籥弦誦書禮祭與養老乞言合語皆禮樂

之所在故曰凡三王教世子必以禮樂然其實則君臣父子長幼之大倫是已

禮樂原不相離故分言之則樂所以修內禮所以修外合言之則禮樂交錯於中發形於外及其成也恭敬而溫文總之是這一箇學者知其所以分又知其所以合而陶鑄渾化以底於成是之謂善學禮樂

修內修外總欲涵養此心原不是兩項工夫故緊承交錯於中發形於外

註將懌字體作魯論不亦悅乎之悅最善若恭敬禮文世子疑問卷之四 四二

而溫文是徹內徹外自然有此養成之景象正其成也懌之妙境也註分恭敬之實德溫潤文雅之氣象較失體認

子曰文之以禮樂亦可以為成人矣與此言正相發

立太傳少傳以養之欲其知父子君臣之道也太傳審父子君臣之道以示之少傳奉世子以觀太傳之德行而審喻之太傳在前少傳在後入則有保出則有師是以教喻而德成也師也者教之以事而喻諸德者也保也者慎其身以輔翼之而歸諸道者也記

曰虞夏商周有師保有疑丞設四輔及三公不必備唯其人語使能也

教世子到有成處全在早諭教而養之豫故緊出立太傳少傳以養之句審父子君臣之道以示之奉世子以觀太傳之德行而審喻之正所以養之也故云教喻而德成兼之教以事而喻諸德慎其身以輔翼之而歸諸道却有何勉強苦難之功上文樂所以脩內禮所以脩外禮樂交錯於中發形於外是故其成也懌恭敬而溫文胥由此輩輔導之人早諭教而豫養之也賈誼治安疏全本此杜禮文世子疑問卷之四 四三

黃裳云要成儲德須尋天下第一等人始得即此意

曰審示曰審喻曰喻諸德曰歸諸道曰教喻而德成此數喻字最妙宜體味

教喻而德成成字正應上其成也懌成字下文德成而教尊父師司成統應此成字

師道之教訓保保其身體傳訓之德義總之皆以身教也玩審示審喻喻德歸道字面可見

語使能也能字須重看是所謂天下第一等人伊尹周公之流也後世諸葛孔明庶幾近之

君子曰德德成而教尊教尊而官正官正而國治君之謂也

君子曰德言君國子民必由於成德也語氣與天地之大德曰生相似

德成而教尊教字是身教故官正而國治隨之仲尼曰昔者周公攝政踐阼而治抗世子法於伯禽所以善成王也聞之曰為人臣者殺其身有益於君則為之況于其身以善其君乎周公優為之

善成王善字下得極妙君德在止至善周公抗世子法於伯禽總欲歸其君到至善處故下云行一

禮文世子疑問卷之四

四四

物而三善皆得

是故知為人子然後可以為人父知為人臣然後可以為人君知事人然後能使人成王幼不能蒞阼以為世子則無為也是故抗世子法於伯禽使之與成王居欲令成王之知父子君臣長幼之義也君之於世子也親則父也尊則君也有父之親有君之尊然後兼天下而有之是故養世子不可不慎也

上但言欲其知君臣父子之道此却將父子君臣事使挑剔出來見必先知此然後可為此以見商於學之不容已所以為君者必由世子之法欲善

其君者必抗世子之法然其要在慎教而豫養故曰養世子不可以不慎

諺云做得小做得大與知為人子然後可以為人父等語正相發明

父子君臣是道其事父事君為子為臣之合宜處是義總之禮所生也由此禮而全體道義以成其身曰德故本文間出此數字

有父之親有君之尊然後兼天下而有之三有字相呼應上二有字當重看註能盡君父之道以教其子云云說極透

禮文世子疑問卷之四

四五

行一物而三善皆得者唯世子而已其齒於學之謂也故世子齒於學國人觀之曰將君我而與我齒讓何也曰有父在則禮然然而衆知父子之道矣其二曰將君我而與我齒讓何也曰有君在則禮然然而衆著於君臣之義也其三曰將君我而與我齒讓何也曰長長也然而衆知長幼之節矣故父在斯為子君在斯謂之臣居子與臣之節所以尊君親親也故學之為父子焉學之為君臣焉學之為長幼焉父子君臣長幼之道得而國治語曰樂正司業父師司成一有元良萬國以貞世子之謂也



學為子則知為父學為臣則知為君學教長則知慈幼故連下三學字註訓教之也誤矣

凡學世子及學士至此統是一篇文字故引樂正司業父師司成等語以結之見弦誦書禮之教皆所以脩其內外以歸其成其實落達於成德處則公輔之蚤諭教而豫養之功居多也

世子之謂也句指世子之法言

庶子之正於公族者十七節

自此起至公族無官刑不剪其類也止通是論所以處公族者與世子之法相表裏周道親親為人禮文世子疑問卷之四

上者所宜亟知也

四六

庶子之正於公族者教之以孝弟睦友子愛明父子之義長幼之序其朝于公內朝則東面北上臣有貴者以齒其在外朝則以官司士為之其在宗廟之中則如外朝之位宗人授事以爵以官其登饌獻受爵則以上嗣

教世子使知父子君臣長幼之義正公族教之以孝弟睦友子愛明父子之義長幼之序立人大經原不出此故其教亦不出此

內朝以齒外朝以官宗廟授事以爵以官登饌獻

受爵以上嗣皆於理合如是是之謂禮

詩曰本支百世天子本也餘皆支也胡為乎其復有上嗣意者恭伯仲雍季歷以次相序其宗法原不索耶且文王亦舍伯邑考而立武王固知本支之說從天子諸侯言上嗣之說從公族宗法言兩者自不相妨也

臣有貴者以齒是內朝之禮

世子治之雖有三命不踰父兄

雖有三命不踰父兄是常時之禮故復提世子治之句以冠下文恐不即指臣有貴者以齒為雖有禮文世子疑問卷之四

四七

三命不踰父兄也

其在軍則守於公禰

軍行雖載祧主其稱則為公禰不必改禰為祧族之相為也宜弔不弔宜免不免有司罰之至于賙賻承舍皆有正焉

玩族之為相也句見族本出於一而其情義自有不可解者

賙賻承舍分明是四事註於賙賻舍之外加祧一節將承字改讀為贈解吾不知其何謂也然則承之義何居曰此不可強解然有疑可闕也改承為

贈而加以祿不可也

族朝于內朝內親也雖有貴者以齒明父子也外  
初以官體異姓也宗廟之中以爵為位崇德也宗人  
穆事以官尊賢也登餼受爵以上嗣尊祖之道也喪  
紀以服之輕重為序不奪人親也公與族燕則以齒  
而孝弟之道達矣其族食世降一等親親之殺也戰  
則守於公禰孝愛之深也正室守太廟尊宗室而君  
臣之道著矣諸父諸兄守貴室子弟守下室而讓道  
達矣五廟之孫祖廟未毀雖及庶人冠取妻必告死  
以赴不忘親也親未絕而列於庶人賤無能也敬弔  
禮文世子疑問卷之四 四八

刑不翦其類也

自此起至不翦其類也是覆釋前件然於中曰孝  
弟之道達曰君臣之道著曰讓道達似與前教世  
子知父子君臣長幼之義相照應此是文章之血  
脉處是為一篇文字

體異姓者與異姓為一體也下體百姓亦如此  
弔臨贈賻上加一敬字見實出至情非虛文是為  
睦友之道

前云德成而教尊教尊而官正官正而國治此云  
庶子之官治而邦國有倫邦國有倫而衆鄉方是  
文章之照應處

看骨肉之親無絕也公族無官刑不翦其類也却  
何等親親之至語曰周道親親誠然哉

天子視學大昕鼓徵所以警衆也衆至然後天子至  
乃命有司行事興秩節祭先師先聖焉有司卒事反  
禮文世子疑問卷之四 四九

命始之養也適東序釋奠於先老遂設三老五更羣  
老之席位焉適饌省醴養老之珍具遂發味焉退修  
之以孝養也反登歌清廟既歌而語以成之也言父  
子君臣長幼之道合德音之致禮之大者也下管象  
舞大武大合衆以事達有神興有德也正君臣之位  
貴賤之等焉而上下之義行矣有司告以樂闋王乃  
命公侯伯子男及羣吏曰反養老幼于東序終之以  
仁也是故聖人之記事也慮之以大愛之以敬行之  
以禮修之以孝養紀之以義終之以仁是故古之人  
一舉事而衆皆知其德之備也古之君子舉大事必

慎其終始而衆安得不踰焉先命曰念終始典于學  
前篇提凡祭與養老乞言合語之禮而未竟其說  
此自天子視學起至念終始典于學止總是申明  
此意見此皆天子之所有事者皆世子之所當豫  
知也所以慎輔導而蚤諭教必先從齒於學始  
天子視學何為視先師先聖以示法天下養老乞  
言合語以興起天下使知鄉方耳故終之曰古之  
君子舉大事必慎其終始而衆安得不踰焉  
天子視學必行養老之禮故聯綴成文  
三老五更謂老而更事者記曰設四輔及三公不  
禮文世子疑問卷之四  
必備唯其人於三老五更亦云  
乞言合語雖二事而相通故此於修孝養登歌下  
即云語以成之言父子君臣長幼之道  
合德音之致合字不宜作集合之合解登歌清廟  
肅肅雍雍德之極致具在聲音中今所言父子君  
臣長幼之道與此德音之致相合而無間是語言  
之昭示即登歌之感動是所謂語以成之也是之  
謂禮之大者也下文註云大會衆學士以行此養  
老之事而樂之所感足以通達神明興起德性正  
是此意

言父子君臣長幼之道正君臣之位貴賤之等而  
上下之義行與前知父子君臣長幼之節孝弟之  
道達君臣之道著讓道達等語相照應通是文章  
血脉  
視學養老合語其事關係於天下國家為甚大聖  
人思慮首及於此故云慮之以大三老五更世所  
尊敬而未必其能愛也聖人釋奠於先老為設席  
為省具一自誠愛之心發出來故云愛之以敬然  
所為設席省具皆禮也故云行之以禮  
古人舉事自始至終本敬慎而毫無忽易於其間  
禮文世子疑問卷之四  
故不期衆之踰而衆自無不踰也  
五一

重訂禮記疑問卷之五

烏程後學承菴姚舜牧著

禮運

此篇不皆孔子之言禮家因見大道之行及周公其衰等語遂將演成一書此大同小康用知去詐等語自露本相然禮治人情使歸大順其旨意却亦立得好且人者天地之德也數語大有來歷非淺淺之見可到

讀此篇者要識謹於禮句是其大旨蓋能謹於禮乃可挽小康之世復歸於大同然其要在承天道禮記禮運疑問卷之五

以治人情故先從禮之初說到禮之大成處見禮之制度本如是其當守也而人情之縱放者為僭為脅不可勝言故提禮者君之大柄句示其必將此以窮人情使歸大順之治然治貴有本故教先立無過之地焉教中心無為以守至正焉教其作則教其修義之柄禮之序教其明於順以守危焉語語責成不少加貸乃知君子之謹於禮蓋不獨以禮繩其下而要在其身之先謹也此本本原之論

昔者仲尼與於蜡賓事畢出遊於觀之上喟然而嘆

仲尼之嘆蓋嘆魯也言偃在側曰君子何嘆孔子曰大道之行也與三代之英丘未之逮也而有志焉魯周公之後也周公制禮開萬世太平而子孫僭用天子之禮致大夫陪臣皆上陵焉禮於何有此孔子之所為嘆也

夫子不及見上古之治與三代英賢所為然其志未嘗一日忘也故深致嘆而望魯焉此即夢寐周公之意

大道之行也天下為公選賢與能講信脩睦故人不獨親其親不獨子其子使老有所終壯有所用幼有所長矜寡孤獨廢疾者皆有所養男有分女有歸貨

禮記禮運疑問卷之五  
惡其棄於地也不必藏於已力惡其不出於身也不必為已是故謀閉而不興盜竊亂賊而不作故外戶而不閉是謂大同今大道既隱天下為家各親其親各子其子貨力為已大人世及以為禮城郭溝池以為固禮義以為紀以正君臣以篤父子以睦兄弟以和夫婦以設制度以立田里以賢勇知以功為已故謀用是作而兵由此起禹湯文武成王周公由此其選也此六君子者未有不謹於禮者也以著其義以考其信著有過刑仁講讓示民有常如有不由此者

在執者去衆以為殃是謂小康

看大道之行一條果然大同無我是帝者之治下是則有所不逮矣天地渾噩之氣以漸而漓自如此全賴聖人禮教之立挽之使復歸於大同

道公諸天下本至大而無外也而人自小之本常行於天下也而人自隱之隱在人不在道

上古天下為公得後世若復傳賢人皆侮慢自賢紛爭並起莫可為救矣故聖人亦只得天下為家耳

正君臣篤父子睦兄弟和夫婦皆禮義為紀事

禮記禮運疑問卷之五

三

設制度立田里不妨唯賢勇知以功為已則人皆騁其勇知而自為功故謀用是作而兵由此起耳大道既隱天下為家至謀作而兵起自非聖人盡心力以挽回便不成世界了禹湯文武成王周公於此時盡所為挽回之道故曰由此其選

謀作而兵起唯禮可以已之故六君子皆謹於禮以挽回世道此是一篇之大旨

人所重在義著之使明所約在信考之使成有過當改著之使改刑仁使無不親講讓使無不遜此皆謹於禮事所以示民有常者

在六君子之世亦稱極治矣但照大同看曰小康

耳然非此數聖人之挽回不知世道竟如何也

蔣氏曰聖人處大同之世固能運無為之化聖人處小康之時要亦無不盡之心夫唯無不盡之心而後能居小康之時成極治之化當大道之隱使大道之行此極說得有理

言偃復問曰如此乎禮之急也孔子曰夫禮先王以承天之道以治人之情故失之者死得之者生詩曰相鼠有禮人而無禮人而無禮胡不遄死是故夫禮必本於天殺於地列於鬼神達於喪祭射御冠昏聘

禮記禮運疑問卷之五

四

聘故聖人以禮示之故天下國家可得而正也

天有秩叙之可因故曰本地有高下之可效故曰殺鬼神有屈伸往來之昭布故曰列喪祭射御冠昏朝聘莫不用之故曰達聖人以禮示之者即此顯設於天地鬼神者節文乎喪祭射御冠昏朝聘而使莫不知率由也

屈伸往來昭布森列曰列於鬼神註訓禮有五經莫重於祭誤矣

言偃復問曰夫子之極言禮也可得而聞歟孔子曰我欲觀夏道是故之杞而不足徵也吾得夏時焉我

欲觀殷道是故之宋而不足徵也吾得坤乾焉坤乾之義夏時之等吾以是觀之

夫子欲觀夏殷之道故之杞之宋乃文獻皆無可徵僅得夏時坤乾觀之則斯禮之全蓋亦不復見矣

坤乾夏時吾不得見矣然曰坤乾必有一種大義理在故曰義夏時如東作南訛西成朔易等項亦必有大等列在故曰等

夫禮之初始諸飲食其燔黍捭豚汙尊而杯飲蕢桴而土鼓猶若可以致其敬於鬼神及其死也升屋而

禮記禮運章句卷之五

五

號告曰皋某復然後飯腥而苴孰故天望而地藏也體魄則降知氣在上故死者北首生者南鄉皆從其

初

此以下非必孔子之言觀後復提孔子曰可見此原禮之所由始易曰物生必蒙蒙者物之穉也

物穉不可不養也故受之以需需者飲食之道也正與此合

燔黍捭豚汙尊杯飲此飲食事蕢桴而土鼓則由飲食而為樂之事也易曰雲上于天需君子以飲食宴樂正此意

燔黍捭豚汙尊杯飲蕢桴土鼓若非後世之盡物而成文者然其意誠其事質此敬實可通於神明也故曰猶若可以致其敬於鬼神

體魄則降二句即易游魂為變一句意

昔者先王未有宮室冬則居營窟夏則居橧巢未有火化食草木之實鳥獸之肉飲其血茹其毛未有麻絲衣其羽皮後聖有作然後修火之利范金合土以為臺榭宮室牖戶以炮以燔以亨以炙以為醴酪治其麻絲以為布帛以養生送死以事鬼神上帝皆從其朔

禮記禮運章句卷之五

六

養生送死祭祀必用宮室火化麻絲故從古初未有時說到後聖有作見此禮之行非自今日始也天生五材民並用之修火之利范金合土以為臺榭宮室牖戶雖不言木與水而已備於中矣

長樂陳氏曰開端之始謂之初繼終而有始謂之朔極說得二字明白

故玄酒在室醴醖在戶染醢在堂澄酒在下陳其犧牲備其鼎俎列其琴瑟管磬鍾鼓脩其祝嘏以降上神與其先祖以正君臣以篤父子以睦兄弟以齊上下夫婦有所是謂承天之祐作其祝號玄酒以祭薦

其血毛腥其俎孰其敫與其越席疏布以寡衣其滌帛醴醢以獻薦其燔炙君與夫人交獻以嘉魂魄是謂合莫然後退而合亨體其犬豕牛羊實其簋簠豆鉶羹祝以孝告嘏以慈告是謂大祥此禮之大成也

承上既有宮室烹燔醴酪布帛可事鬼神上帝因備言其祭所陳設以降上神及其先祖且言其祭極倫理之詳足以承天之祐又言其初祭時若是其嘉魂魄也足以合冥漠既退時又若是其為祝嘏也足以稱大祥此其志無古今之情義極質文禮記禮運章句卷之五

之變乃為禮之大成也夫禮之初始諸飲食可致敬於鬼神者必至是而後為備故歷歷推言之君臣父子兄弟上下夫婦原是天所秩敘祭時一如天而弗違天其有不助乎易曰豫順以動故天地如之而況於鬼神乎正此意

玄酒以祭至腥其俎曰法上古之禮孰其敫至君與夫人交獻曰中古之禮退而合亨以下曰當世之禮是則然矣然愚以為非也本旨所重在合莫與大祥耳蓋鬼神之冥漠不可見矣望其來而歆饗全在聚已之精神以契合之然而非物不足以

表其誠也故如是而作為祝號也如是而祭以玄酒也如是而薦其血毛也如是而腥其俎又孰其敫也又如是其越席布寡之必備也滌帛之為衣也醴醢之為獻也燔炙之為薦也君與夫人交獻以嘉其魂魄也此足以合其莫矣而猶為未愜也又退而合亨焉體其犬豕牛羊實其簋簠豆鉶羹焉祝以孝告而儼若有以交于神嘏以慈告而恍若有以致其福斯其為祭之盡善乎斯其為禮之大成也蓋此條所陳無非言祭者盡古今之變之禮凡可以歆饗鬼神者無所不至耳不必條

禮記禮運章句卷之五

而分之曰此其為上古此其為中古此其為當世也凡論禮者貴得禮之情凡讀書者貴得書之旨區區分割之辭非有識者之所取也敢妄訂以質高明

嘉其魂魄句極妙凡死者魂已升矣魄已降矣二者分而不相屬矣然而陰為野土其氣發揚於上為招明焉蒿悽愴者如在也祭備極其物君親與夫人交獻之儼若所以事生者然已分之魂魄其若復屬而與我相嘉會乎是所謂嘉魂魄也是所謂以其恍惚以與神明交也是所謂合莫也細體

自得

大祥本嘉魂魄合莫來祭欲嘉其魂魄合其冥漠  
今以孝告以慈告真如嘉其所會者其祥孰大於  
是

後世祭祀之禮可謂備且盛矣乃不忘玄酒之設  
者何禮之所貴貴其初也凡人之初其心一而不  
他也誠而無偽也如初為事即一菽水而誠在也  
不必其多具也如初為祭即一汙尊而誠在也不  
必其多設也然而君子以為未足以致敬也而漸  
以陳且設焉備且具焉如是而其初猶在也是所  
禮記禮運樂問卷之五

九

謂合莫也是所謂大祥也而何害其為禮哉乃恐  
其禮漸以盛且備而其初之漸以失也其初漸以  
失而盛且備何為者故聖人為教必推禮之初言  
之而再三曰皆從其初皆從其朔又再三曰玄酒  
在室玄酒以祭意深哉

孔子曰嗚呼哀哉我觀周道幽厲傷之吾舍魯何適  
矣魯之郊禘非禮也周公其衰矣杞之郊也禹也宋  
之郊也契也是天子之事守也故天子祭天地諸侯  
祭社稷

周公之盛盛於制禮以開萬世之治周公之衰衰

於子孫僭禮以踰萬世之防

祝嘏莫敢易其常古是謂大假祝嘏辭說藏於宗祝  
巫史非禮也是謂幽國醜等及尸君非禮也是謂僭  
君冕弁兵革藏於私家非禮也是謂脅君大夫具官  
祭品不假聲樂皆具非禮也是謂亂國故仕於公曰  
臣仕於家曰僕三年之喪與新有昏者期不使以衰  
裳入朝與家僕雜居齊齒非禮也是謂君與臣同國  
故天子有田以處其子孫諸侯有國以處其子孫大  
夫有采以處其子孫是謂制度故天子適諸侯必舍  
其祖廟而不以禮籍入是謂天子壞法亂紀諸侯非  
禮記禮運樂問卷之五

十

問疾弔喪而入諸臣之家是謂君臣為譖

自古以來所常用曰常古不必分常事古法

吉祥善事皆天所假以綏有道者詩曰假樂君子  
不必作嘏

聖人舉孝慈相感之義發之於禮經曰祝嘏辭說  
仁人孝子宜齊戒而世藏之而對越以為祭者乃  
僅藏於宗祝巫史焉禮意安在哉是誠昏於禮者  
也昏於禮而百度無不昏矣非幽國而何

此下五節連下非禮也三字其辭旨特嚴  
君者天子諸侯之通稱諸侯僭天子之禮曰僭君



者僭其君也何以訓僭上之君大夫陵諸侯之尊  
曰脅君者脅其君也何以訓見脅於強臣之君  
幽國是暗昧不明亂國是荒紊無序君與臣同國  
語所謂鯉鼠同遊也

公叔文子之臣大夫僕嘗與文子同升諸公矣此  
其特薦於朝乃稱盛舉故聖人特舉而美之其與  
家僕雜居齊齒大別矣

新安王氏曰幽國僭君脅君亂國君與臣同國皆  
諸侯卿大夫失禮也禮之失起於制度之壞故此  
明言先王制度制度一定上下截然安得有前五  
禮記禮運雜問卷之五

失諸侯僭差起於天子失禮大夫僭差起於諸侯  
失禮故下文言之此一段說得極好

是故禮者君之大柄也所以別嫌明微儼鬼神考制  
度別仁義所以治政安君也故政不正則君位危君  
位危則大臣倍小臣竊刑肅而俗敝則法無常法無  
常而禮無列禮無列則士不事也刑肅而俗敝則民  
弗歸也是謂疵國

由上文非禮也而君非其君國非其國看來則禮  
誠人君之大操柄不可一日舍者矣蓋天下有嫌  
之當別有微之當明有鬼神之當儼有制度之當

考有仁義之當別皆政之所在而於禮有關焉者  
也所以別嫌明微儼鬼神考制度別仁義不藉是  
禮乎所以治政安君不藉是禮乎此禮為君之大  
柄不可一日舍也

別嫌明微云云不必他求但就上文看便有許多  
可嫌處當別而遠之有許多極微處當明而示之  
鬼神由此以歆饗不可無儼制度由此以異等不  
可無考仁義由此以等殺不可無別凡此皆政之  
所在於君有開焉者如此則政治而君安不如此  
則政亂而君危若下文所云此其禮之切於人何  
禮記禮運雜問卷之五

如者故曰君之大柄也

長樂陳氏曰夫治之為道由內以及外故禮出而  
後有法法出而後有刑及其亂也由外以及內故  
刑肅而後法無常法無常而後禮無別

故政者君之所以藏身也是故夫政必本於天殺以  
降命命降于社之謂穀地降于祖廟之謂仁義降於  
山川之謂興作降於五祀之謂制度此聖人所以藏  
身之固也

此緊頂治政安君來夫政以下正所謂治政者  
聖人承天以治人上天之命與君人之命原無二

也故首提本於天殺以降命然命之大者唯社與祖廟山川五祀之祭故繫承命降說下見此皆政之所在即命之所在而聖人所以藏身之固端不出乎此也註乃謂因祭社而出命有事於祖廟而出命云云吾不敢謂是也

唯天惠民唯聖時憲論政必本於天矣然天安在哉昭然以示人者是已聖人殺以降命君之命即天之命矣故有事於社分明以地道示人使人知美報也有事於祖廟分明以仁義示人使人知反始也有事於山川分明以興作示人使人知從事禮記禮運章句卷之五 十五

也有事於五祀分明以制度示人使人知率守也政之所在與天命合一而無二焉而有不承天之祐者乎故曰此聖人所以藏身之固也

殺命之政是為治政藏身之固是為安君天命無乎不在聖人殺以降命亦無乎不在故有事於社即謂命降于社有事於祖即謂降于祖廟也

殺地云者將此顯設於地者示人也

自仁率親自義率祖是廟中事

天生五材民並用之而皆產於山川故教人備物

致用率作興事在山川之祀

制度所該者廣而內外之列高下之等實於門行戶竈中雷創始焉故於五祀之祀有制度之政上止云藏身下云藏身之固必固乃為善藏其身也

故聖人參於天地並於鬼神以治政也處其所存禮之序也玩其所樂民之治也故天生時而地生財人其父生而師教之四者君以正用之故君者立於無過之地也

觀上本天殺地降祖廟山川五祀為藏身之固則禮記禮運章句卷之五 十四

此政與天地鬼神原相合而無間者故聖人治政只在參天地並鬼神而此外別無政焉若是則其身必有所處有所玩矣處必求其所可存者無如禮之序玩必求其所可樂者無如民之治故天生時地生財人其父生而師教之四者君以正用之是所謂本禮之序以致民之治者是所謂參天地並鬼神之實政也使非以正則君先立於有過之地矣政烏乎治而身烏乎藏哉故曰君者立於無過之地也

非所處而處焉身必危唯禮之序可正身而安民

故說處其所存禮之序也非所玩而玩焉憂必至  
唯民之治可快意而藏身故說玩其所樂民之治  
也天生時以下正其庸禮治民事正其所處存而  
樂玩者註乃云處天地鬼神之所存此禮之所以  
序玩天地鬼神之所樂此民之所以治愚不識天  
地之上下鬼神之往來其所存所樂安在且禮之  
序民之治內通加所以二字愚未知其所解也  
易曰君子所居而安者易之序也所樂而玩者父  
子辭也其語氣與此正相似

禮記禮運經問卷之五

十

順天之時因地之利舉其生且教者歸之富善之  
此君之以正用之也即此便見其政之有序是  
禮之序也即此便見其民之歸治是民之治也此  
非其所常存而常樂者乎故曰處其所存玩其所  
樂

故君者所明也非明人者也君者所養也非養人者  
也君者所事也非事人者也故君明人則有過養人  
則不足事人則失位故百姓則君以自治也養君以  
自安也事君以自顯也故禮達而分定故人皆愛其  
死而患其生

據註三明明字為則字愚謂君所貴者明也民所則

者君之明也易曰君子以自昭明德孟子曰賢者  
以其昭昭使人昭昭明自是明字則自是則字不  
必改也

君要立無過之地須先自明其德不明則立有過  
之地矣故云君者所明也非明人者也又云君明  
人則有過所養所事是帶說

則君以自治養君以自安事君以自顯是禮也此  
禮達於天下民自知所分守民自不甘犯義故說  
禮達而分定故人皆愛其死而患其生

生死人所重也能使所欲有甚於生所惡有甚於  
死非禮教之達何以有此

禮記禮運經問卷之五

十六

故用人之知去其詐用人之勇去其怒用人之仁去  
其貪

此語未粹且與上下文若不相蒙然細為繹之因  
前有以賢勇知句故此曰用人之知去其詐云云  
蓋謂但用其知用其勇用其仁而其詐其怒其貪  
則擯去之而不取也此或記者之意乎

故國有患君死社稷謂之義大夫死宗廟謂之變

大天自有宗廟此當作死守已之宗廟解非死衛  
君之宗廟也此變字作通變之變解通達權之變

執世守之義總是一般

故聖人耐以天下為一家以中國為一人者非意之也必知其情辟於其義明於其利達於其患然後能為之何謂人情喜怒哀懼愛惡欲七者弗學而能何謂人義父慈子孝兄良弟弟夫義婦聽長惠幼順君仁臣忠十者謂之人義講信修睦謂之人利爭奪相殺謂之人患故聖人之所以治人七情脩十義講信修睦尚慈讓去爭奪含禮何以治之

天下為一家中國為一人此是大同之治

王道本乎人情故聖人之治在必先知其情

禮記禮運第九

十七

人之所宜曰人義人之所利曰人利人之所患曰人患通本人情來

知得人情之同辟於人義明於人利達於人患人莫不各得其所矣此中國為一人而天下為一家

禮緣人情而立禮以制義禮無不信不睦不慈讓禮無爭奪故聖人治人七情修十義云云皆不能舍此禮也

飲食男女人之大欲存焉死亡貧苦人之大惡存焉故欲惡者心之大端也人藏其心不可測度也美惡

皆在其心不見其色也欲一以窮之含禮何以哉此二節申明禮所以治人情之意

飲食男女人之大欲死亡貧苦人之大惡欲惡心之大端乃此心藏焉不可測度也美惡皆在其心不見於色也其將何以窮之唯窮之以禮彼中節與不中節者昭然畢露美惡不能掩其藏矣故治人情者不能舍焉

禮窮人情方可辟於其義而曉之以利害

故人者其天地之德陰陽之交鬼神會五行之秀

氣也故天秉陽垂日星地秉陰竅於山川播五行於

禮記禮運第九

十八

四時和而後月生也是以三五而盈三五而闕五行之動迭相竭也五行四時十二月還相為本也五聲六律十二管還相為宮也五味六和十二食還相為質也五色六章十二衣還相為質也故人者天地之心也五行之端也食味別聲被色而生者也

因說人藏其心不可測度故推本人之所以為人者本天地陰陽鬼神五行來而食味別聲被色而生此其情有未易窮者必在聖人謹禮以作則此要重體一其字此其字直貫到底易曰天地之大德曰生生生理具在人身則是人者其即天地

之德也無二也然天地生生之理安在哉唯陰陽鬼神之交會妙合於五行而成萬物而人獨得其氣之秀者焉則是人者其即陰陽之交乎其即鬼神之會乎其即五行之秀氣乎此有不可以分別言者此人生天地間必當與天地合其德與陰陽鬼神同其屈伸往來而保合五行之最秀者其有不然則有愧其為人矣故聖人作則亦不能外是焉

天地之大德曰生孰為生之曰陰陽而已矣然獨陽不能生也獨陰不能成也必交而後能生且成

禮記禮運疑問卷之五

十九

焉故易曰陰陽合德而剛柔有體此交之說也曰交則便有往來屈伸於其間矣而其間煞有會合處能生成變化而不窮故易曰此所以成變化而行鬼神也此會之說也然曰交曰會一氣耳不可見也唯此氣始出而可見者曰水次出曰火又次出曰木又次出曰金又次出曰土是為五行此五行之生出非陰陽鬼神之交會為之乎而其所流播却又生許多萬物出來皆是五行之氣也然或偏而不全或全而不粹唯是人得其全如所謂耳目口鼻心者又得其粹如所謂仁義禮智信者豈

非五行之秀氣乎書洪範首五行次五事蓋見於此周子太極圖陽變陰合而生水火木金土乾道成男坤道成女亦本於此

天地間一氣耳一氣分列曰陰陽陰陽往來曰鬼神分列往來其間妙合而可見者曰五行總之是氣耳故曰五行之氣

天地一陰陽也然就天地而分天輕清上浮陽氣之所積也而在天者成象故曰天秉陽重日星焉地重濁下凝陰氣之所積也而在地者成形故曰地秉陰竅於山川焉然是陰陽之往來即五行也

禮記禮運疑問卷之五

二十

孰播蕩是於四時一氣之自為屈伸耳氣自往來而屈伸各主其事而不乖各循其軌而不忒於月生為可見焉是以三五而盈三五而闕歷萬世而不改故曰播五行於四時和而後月生也是以三五而盈三五而闕

天雖秉陽而其氣未嘗不交於陰地雖秉陰而其氣未嘗不交於陽長樂劉氏曰陰氣合陽於天上則為日星是以其光下垂焉陽氣合陰於地下則為山川是以其竅上通焉此極說得有理

天地一陰陽也陰陽之氣自然流播而不窮有初

寒有極寒有初暑有極暑有溫和這便是五行而春夏秋冬各順其序是為播五行於四時

播五行於四時以一年論和而後月生也以一月論三五而盈三五而闕以一月之屈伸論易曰日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈伸相感而利生焉與此正相發五行自一至五合之得十有五有三五之數數有生有生成數主進漸來而伸故三五而盈成數主退漸往而屈故三五而闕

禮記禮運經問卷之五

一十

此承播五行於四時說播便有動的意思動便有相尅相生之義如木尅土土尅水水尅火火尅金金尅木此漸以盛而受尅者漸以竭是謂迭相竭然水生木木生火火生土土生金金生水此方用事而未來者實由此以托其始是謂還相為本蓋滅息而又生息如環無端實未嘗止息也註五行之運於四時迭相終而還相始又云已往者為見在者所竭見在者為方來者所本解得極明易曰終則有始天行也亦此意

五行之迭相竭於其動見之其還相為本於四時

十二月見之然非動則四時十二月亦幾乎息矣此動字下得極妙

五行播而為四時分而為十二月則凡聲色臭味皆有所不能違者何者天地間凡有形與聲與色者皆此五行之呈露也則皆與四時十二月交相應而實皆循環而無端者也故一指而言之

五行之宣盪為五聲五行之調劑為五味五行之敷施為五色此皆自然而然而非有待於勉強者五聲便應以六律十二管而還相為宮五味便應以六和十二食五色便應以六章十二衣而皆還相

禮記禮運經問卷之五

廿二

為質此亦皆自然而非有假於安排者此五行無物不有無時不然而究之皆所以養人之生故下承說云食味別聲被色而生者而聖人作則不能外焉

孟子曰不以六律不能正五音五聲不協於六律非正也而音之從律又必驗之十二管蓋當此時此管自應此律便為宮而如環無端故曰還相為宮

天地無心成化矣而人得其至虛至靈者以運用昭然此心之昭示也五行如環無端矣而人得其

秀貌言視聽思之悉具焉仁義禮智信之蕪該焉  
恍然若露其端倪者故曰人者天地之心也五行  
之端七

曰食味別聲被色而生便見聲色臭味皆人所不  
能免也然人或有歎於此者或有溺於此者則在  
聖人制禮以裁成之耳故繫承說聖人作則云云  
故聖人作則必以天地為本以陰陽為端以四時為  
柄以日星為紀月以為量鬼神以為徒五行以為質  
禮義以為器人情以為田四靈以為畜以天地為本  
故物可舉也以陰陽為端故情可睹也以四時為柄  
禮記禮運疑問卷之五 廿五

故事可勸也以日星為紀故事可列也月以為量故  
功有藝也鬼神以為徒故事可守也五行以為質故  
事可復也禮義以為器故事行有考也人情以為田  
故人以為與也四靈以為畜故飲食有由也

百姓則君以自治故聖人作則以立民極必以云  
者必用是而不舍也

聖人作則非意之也本乎天殺乎地而已矣故必  
以天地為本天地成列陰陽運乎其中四時日月  
星辰鬼神五行自昭布森列而不可掩凡人動靜  
起居出入內外未有能外此陰陽者故以陰陽為

端凡人趨事赴功率作期會未有能舍此四時者  
故以四時為柄然所以趨時者唯日星為可驗故  
以日星為紀唯月為能考成故月以為量鬼神不  
可度思矣然而屈伸往來凡人動與之俱焉故鬼  
神以為徒五行如環無端矣然而五事五常凡人  
體無不具焉故五行以為質凡此云云皆所謂禮  
義也所以治人情者也然則禮義其若器乎日用  
飲食無不藉其利也人情其若田乎耕耨收斂斯  
可底於成也本此器力此田而歲功成焉叶氣應  
焉神物其畢至乎故四靈以為畜也聖人之作則  
禮記禮運疑問卷之五 廿四

蓋如此  
凡人一動一靜無非陰陽聖人教人作內作外用  
動用靜亦無非陰陽曰為端者事事由此以拈起  
若其端緒云爾也

鬼神與人幽明岐矣曷云徒不曰體物而不遺乎  
鬼神體物而不遺人亦體事而無不在一出入一  
動靜一往來悉與俱焉而不離這是為徒處  
貌言視聽思是人之五事五事一五行也仁義禮  
智信是人之五常五常一五行也然則人非五行  
不成其為人矣故聖人作則必五行以為質

人稟五行之秀氣乃其食味別聲被色而生或多  
有自縱佚而失其秀者聖人以人治人故其作則  
也即五行以為質焉使其食味而不耽於味別聲  
而不溺於聲被色而不淫於色則禮義之制不可  
少也故繫出禮義以為器句要細玩自得

聖人本天地順陰陽察四時驗日月星辰合鬼神  
五行以作則總是將此禮義去治人情使人皆歸  
於大順人既歸於大順便以順召順而四靈畢至  
故記者歷數之若此學者要於中探討其大旨始  
得若註云云愚所未解

禮記禮運雜問卷之五

廿五

易曰觀其所感而天地萬物之情可見矣觀其所  
恒而天地萬物之情可見矣所感所恒無非陰陽  
也而其情可見焉是情可睹之說也不專主在善  
惡上

人與鬼神為徒則凡事之屈伸往來可據守以為  
常矣故曰事可守註將祭祀之鬼神配到政事上  
去似紐捏

天與我以五事我還他箇五事去天與我以五常  
我還他箇五常去天與我以聲色臭味我但用之  
而不溺於其中還他箇五味五聲五色去這是事

可復聖人作則五行以為質正是教人去復此事  
也國家歲有常事云云未得本旨

禮義如器一般制與人用人便利用出入凡事皆  
藉之以有成故說事行有考易曰立成器以為天  
下利是禮義以為器曰以制器者尚其象是事行  
有考

人以為與言人以為居也下文其居人也居字正  
應此與字

飲食有由只說物無不至人無不遂其欲意  
說物可舉正證聖人作則必當以天地為本也下

禮記禮運雜問卷之五

廿六

做此

此要先認物字情字事字功字事行字人字飲食  
字凡聖人作則通是要人則而象之如以天地為  
本原是要盡物故曰物可舉以陰陽為端原是要  
達情故曰情可睹以四時為柄日星為紀月以為  
量鬼神為徒五行為質原是要人去作事成功故  
曰事可勸事可列功有藝事可守事可復禮義以  
為器便要人成其德行不止事焉而已也故事下  
加箇行字曰事行有考人情則人而已矣四靈則  
飲食所需而已矣故曰人以為與也飲食有由也



訓詁家却將此箇物字事字東解西解大失此章之旨

何謂四靈麟鳳龜龍謂之四靈故龍以為畜故魚鱉不淪鳳以為畜故鳥不猶麟以為畜故獸不狘龜以為畜故人情不失

魚鱉不淪鳥不猶獸不狘是形容四靈畢至一段光景不專為飲食有由說觀人情不失句可見趨吉避凶人情也有神物以決趨避人情其可不失矣

故先王秉耒耨龜列祭祀瘞繒宣祝嘏辭說設制度故禮記禮運章問卷之五

國有禮官有御事有職禮有序

上說禮義以為器然禮有五經莫重於祭故先從祭祀之禮說起

先王重祭必加之卜筮耒耨龜而下言祭禮之次第如此故總承國有禮句官有御事有職緊頂國有禮來而又指說其禮之有序也

祭祀非一事中間制度各有不同非設不能齊備國有典禮可守為常官有定御無侵官也事有職掌無廢事也禮有定序於有御有職見之是之謂國有禮

故先王患禮之不達於下也故祭帝於郊所以定天位也祀社於國所以列地利也祖廟所以本仁也山川所以儆鬼神也五祀所以本事也故宗祝在廟三公在朝三老在學王前巫而後史卜筮瞽侑皆在左右王中心無為也以守至正故禮行於郊而百神受職焉禮行於社而百貨可極焉禮行於祖廟而孝慈服焉禮行於五祀而正法則焉故自郊社祖廟山川五祀義之脩而禮之藏也是故夫禮必本於大一分而為天地轉而為陰陽變而為四時列而為鬼神其

子曰命其官於天也

禮記禮運章問卷之五

國雖有禮然不達於下猶制器而置之不用也故先王患之必祭帝於郊云云然不先自立於禮無以立下民之則故又出宗祝在廟云云一段

照列地利看定天位是定天之位使人知所尊也註所云失旨

照定天位列地利儆鬼神看本仁是本祖考啓佑之仁本事是本五祀各司之事註所云俱失旨前巫後史卜筮瞽侑皆在左右分明王在中間了何消更出王中二字中字宜聯心字讀詩曰中心藏之孟子曰中心悅而誠服中心二字原相聯

中心無為以守至正言王心一無所為唯正之為守也至正莫若禮王守禮以先天下禮教不患其不達矣故承說禮行於郊而百神受職云云

百神稟命於天郊定天位則神皆受職無愆違也百貨悉產於地社列地利則貨皆充獻無遺棄也人本乎祖祖廟之禮行則孝慈之心油然而起而帖服矣人各有祀五祀之禮行則法則之守秩然循分而各正矣故自郊社祖廟山川五祀匪直是文而已義之修而禮之藏也蓋祭祀由禮義以行禮義又因祭祀以立非明義不足以達禮而非此禮記禮運疑問卷之五

祭禮之行則義之脩而禮之藏亦不可見於天下

也故其詞云云此句要細加體會

脩得始可藏得故中着一箇而字

因說義脩而禮藏故復推本禮之所從來

此皆主禮之自然者說其降曰命是天命故曰其官於天也

夫禮必本於天動而之地列而之事變而從時協於分藝其居人也曰養其行之以貨力辭讓飲食冠昏喪祭射御朝聘

此承上其降曰命二句說來見此禮之制自然而

然無一毫矯強於其間者

禮本天秩故曰必本於天動行動也必隨地所宜如禮從宜使從俗是已故曰動而之地列分列也列必各有司存如官有御事有職是已故曰列而之事變則唯其時之所趨而要在協於其分藝耳從時協藝無事無物無不有之難以枚舉然要之皆所以居人也其居人也要在涵養其德性耳故其行之也必先於貨力無財不可以為悅非強有力者不能行也又在於辭讓非樽節退讓不足以明禮也又在於飲食汗尊而杯飲此禮之所自起禮記禮運疑問卷之五

也乃其禮則冠昏喪祭射御朝聘焉而已矣審觀

此禮孰非本於天動而之地列而之事者乎孰非

變而從時協於分藝者乎孰非以善養人者乎孰

非資於貨力辭讓飲食者乎此聖人制禮一順人

情為之無毫髮矯強於其間也註所云紛雜偏戾

不敢從

動便行之於地列便見之於事故曰動而之地列

而之事

變而從時所謂禮時為大也然中間唯各隨其分為之故又曰協於分藝

曷云居人曰養聖人與人同此人也夫禮治政安君聖人所以藏身之固正使民安習以藏身者故下一居字禮以養人為本故下一養字訓詁家改

養為義愚所未解

故禮義也者人之大端也所以講信脩睦而固人肌膚之會筋骸之束也所以養生送死事鬼神之大端也所以達天道順人情之大寶也故唯聖人為知禮之不可以已也故壞國喪家亡人必先去其禮

由上文看來禮義真是人之大端苟非禮義人道將無以自立者所以講信脩睦養生送死云云皆

禮記禮運疑問卷之五

卅十

不能外之也故唯聖人為知禮之不可已

大道之行自然講信脩睦此以禮義去講信脩睦挽世之小康復歸於大道全賴有此耳

天道遠而達之使通人情隱而順之使治由此禮義為之耳故下箇審字

故禮之於人也猶酒之藥也君子以厚小人以薄有藥方成酒有禮方成人所得厚薄則存乎其人耳

故聖王脩義之柄禮之序以治人情故人情者聖王之田也脩禮以耕之陳義以種之講學以耨之本仁

以聚之播樂以安之

禮義是人之大端則人所執持莫如義而所踐履者莫如禮矣故聖人修義之柄禮之序以治人情此是提撥語所以修治者通在下文

曰禮義治人情是矣何下箇柄字序字又看箇修字禮義人所共有而人不知其所可執也所可由也吾將那所可柄持的教人執將那所可序列者教人由全在吾先修舉而整治之故下字如此修是修舉之謂非講明之謂也

人情者何即前所云欲惡之心不可測度者是也

禮記禮運疑問卷之五

卅十

蓋人食味別聲被色而生其間情偽萬狀不能窮詰不知其情所向善惡稍殊而天下治忽開焉如田有收有不收民命實係之有不可一日不治焉者治田農夫之事也治人情非聖王之事而誰事哉故曰人情者聖王之田也此要體得極親切方知聖王修禮陳義云云之不容已

修禮以下是聖王修道之教雖兼人已說却要重治人一邊

人情縱放如田地荒蕪一般急便下不得種子須先加耕治一番修耒耜可去其荒蕪修禮教可收

其縱放故說修禮以耕之易三陳九卦亦先之履  
曰履德之基也正此意

人情既約於禮教可以漸向於善矣然其資性却  
有不同須隨事制宜使皆各全其生意如田已耕  
後將種種穀子陳列隨其高下所宜而樹藝之也  
故說陳義以種之

禮耕義種人情亦云治矣然內欲外誘不無竊發  
潛萌其間唯是講明其學使種種欲誘悉交除而  
不存方可望其有秋也不然而草萊之害嘉種不  
小也故又看講學以耨之句

禮記禮運章句卷之五

卅三

所學何事學全此心而已此心燕統萬善故稱仁  
焉推本此仁而必求全其所固有與治田者由耕  
而種而耨而穫焉以聚藏者一般故說本仁以聚  
之

此心之理雖已完聚然非優游厭飫無望其自得  
也唯將樂去陶鎔他使日詠歌舞蹈於其中不覺  
其漸磨焉以入於化如田家已聚藏而含哺鼓腹  
熙熙然其自如焉是謂之安享也樂必有發越散  
布一段光景故說播樂以安之

故禮也者義之實也協諸義而協則禮雖先王未之

有可以義起也義者藝之分仁之節也協於藝講於  
仁得之者強仁者義之本也順之體也得之者尊

修禮陳義講學本仁播樂云云發揮修義之柄禮  
之序以治人情足矣然記者猶恐人不知禮義與  
仁之甚切而不知所修也故又提禮義與仁申言  
之使治人情者之亟加意焉

此三節將禮義仁錯綜說見三者原相合而不離  
不可以不修不可以不陳不可以不聚然語內便  
含有學與樂的意思在見又不可以不講不可以  
不安也玩講於仁一講字及順之體一順字自見

禮記禮運章句卷之五

卅四

得詞畧而意到此古人之善為文處  
禮義本不相離然非禮有定制則義亦無可見者  
故說禮是義之實協諸義而協以下正言此禮以  
義而起則此禮即義之所在也是義之實也

協諸義而協禮便可以義起則協諸義而不協禮  
便可以義已矣神而明之全在其人之權度有不  
可以執泥焉者故說非禮之禮非義之義大人弗  
為

藝之執有分孰分之義也仁之施有節孰節之義  
也然則義其可以不協乎仁其可以不講乎協於

藝講於仁方是義義便可自立於天下故說得之者強

義是仁之節仁便是義之根故說仁者義之本然仁百順之原也故又說是順之體義由此生順由此具其尊如何故說得之者尊

故治國不以禮猶無耜而耕也為禮不本於義猶耕而弗種也為義而不講之以學猶種而弗耨也講之以學而不合之以仁猶耨而弗穫也合之以仁而不安之以樂猶穫而弗食也安之以樂而不達於順猶食而弗肥也四體既正膚革充盈人之肥也父子篤禮記禮運疑問卷之五

冊五

兄弟睦夫婦和家之肥也大臣法小臣廉官職相序君臣相正國之肥也天子以德為車以樂為御諸侯以禮相與大夫以法相序士以信相考百姓以睦相守天下之肥也是謂大順者所以養生送死事鬼神之常也

治人情所以治國也故照前覆說一番見治國者必須修禮以耕陳義以種講學以耨本仁以聚播樂以安而安又貴達於順也乃成大順之治安之以樂未有不達於順者立詞者云云不過示治人情者必至大順而後止耳註所云非旨

稼穡以養人則人無弗肥禮義以治人則人無不順家之肥國之肥天下之肥是影字文法

人情原通於上下故說家之肥直到天下之肥止君臣皆以正自處曰相正

治至大順是挽小處而為大同矣此篇通用是謂文法直至此相照應

前說禮義所以養生送死治鬼神之大端此說大順所以養生送死事鬼神之常蓋人之道唯此三者而已三者各得其常便是大順非於此常外更有所謂大順也所以聖王之治只本此禮義以治

禮記禮運疑問卷之五

冊五

人情

故事大積焉而不苑並行而不謬細行而不失深而通茂而有間連而不相及也動而不相害也此順之至也故明於順然後能守危也

此節註極明唯守危二字不如是解書曰遺大投艱易曰履虎尾皆言君位之危也明於順則君位之危方可守得故曰守危耳前云禮者君之大柄所以治政安君也此守危二字正應前安君二字故禮之不同也不豐也不殺也所以持情而合危也故聖王所以順山者不使居川不使渚者居中原而

弗敬也用水火金木飲食必時合男女頒爵位必當年德用民必順故無水旱昆蟲之災民無凶饑妖孽之疾故天不愛其道地不愛其寶人不愛其情故天降膏露地出醴泉山出器車河出馬圖鳳皇麒麟皆在郊極龜龍在宮沼其餘鳥獸之卵胎皆可俯而闕也則是無故先王能脩禮以達義體信以達順故此順之實也

明於順然後能守危然究竟只在能守此禮耳故緊承說禮之不同也不豐也不殺也所以持情而合危也故聖王所以順云云

禮記禮運章句問卷之五

廿七

禮之不同禮之情也當殺的如何可豐得當豐的如何可殺得故緊承說所以持情而合危

持情持字下得極好驕者過於豐吝者過於殺皆此情之不能持也持得此情定便不驕縱淫佚不鄙吝齷齪而危可常保矣此正應然後守危句此合字宜作保字解

聖王所以順所以二字極妙山者不使居川至用民必順正是其所以順處究竟只是一箇禮所以持情而合危何者凡不明於禮者多自任其情不能因地之利若天之時而體人之情聖王唯明得

所以順所以事無不順而以順召順能致大順之實也

書曰水火金木土穀惟修此舉水火金木飲食飲食便有土穀在

以順召順則順氣無不呈象矣故既說無水旱昆蟲之災無凶饑妖孽之疾又說天不愛其道地不愛其寶人不愛其情又說天降膏露地出醴泉云云一步進一步若不可言鑒者

嚴陵方氏曰不愛者盡其所以而與之也極當

禮記禮運章句問卷之五

廿八

使人曉然知義之所在率由此禮之不吝已耳即此便是體信以達順處何者禮義人之實德也先王實體此禮義於一身而行無不順因以教天下使人皆知實體是禮義而皆和順於道德之中非體信達順而何

臨川吳氏曰順理淵微初無形象今兩間嘉端昭然顯著此順之實迹可見者說得透

重訂禮記疑問卷之六

烏程後學承菴姚舜牧著

禮器

禮器是故大備大備盛德也禮釋回增美質措則正  
施則行其在人也如竹箭之有筠也如松柏之有心  
也二者居天下之大端矣故貫四時而不改柯易葉  
故君子有禮則外諧而內無怨故物無不懷仁鬼神  
饗德

禮運云禮義以為器人能致禮治躬與制器利用  
一般故稱大備為盛德禮釋回增美質以下則推  
禮記禮器疑問卷之六

禮之為禮本如是其立本此君子有禮則外內人  
神無所不協是為大備盛德也釋回增美質句宜  
重看

美質者何人所未雕未琢者是已人人皆有此美  
質只緣回邪誘於其外此美質漸為之加損身禮  
本天則治人情日檢束收斂於其中放心邪氣無  
自而入回邪漸以釋美質漸以增措則正施則行  
有不期然而然者此人必以禮為治身之器也  
竹箭之有筠松柏之有心美質之謂也筠言幹節  
之堅勁心言本實之貞固故貫四時而不改柯易

葉註却將筠字訓致飾於外致飾者能無柯葉之  
改易乎失其旨矣

人道大端在外堅勁內貞固雖物亦然竹箭有筠  
松柏有心蓋已獨居其要矣故說居天下之大端  
二者指筠與心非指竹箭松柏也細詳自見得  
君子有禮回盡釋而全以美質用事矣所以外諧  
而內無怨故物無不懷仁鬼神饗德也

外諧而內無怨云云正見其措則正施則行然此  
以則字故字遞下却又相承意

到物無不懷仁鬼神饗德乃為盛德二德字正相  
禮記禮器疑問卷之六

應

先王之立禮也有本有文忠信禮之本也義理禮之  
文也無本不立無文不行

此條本文二字平看然本字實根上美質來  
心無不實是忠信事無不宜是義理莫將此四字

大分析

義理二字所該甚廣下文合天時設地財順鬼神  
合人心理萬物是義理也舉定國之數為禮之大  
經以地廣狹與年之上下是義理也時為大順次  
之體次之宜次之稱次之是義理也合義即是理

中理即是義故無說此二字不可太分析

苟無實心虛文爾虛文如何立苟無文飾徑情爾  
徑情如何行

禮也者合於天時設於地財順於鬼神合於人心理  
萬物者也是故天時有生也地理有宜也人官有能  
也物曲有利也故天不生地不養君子不以為禮鬼  
神弗饗也居山以魚鼈為禮居澤以鹿豕為禮君子  
謂之不知禮

忠信禮之本不必說了行禮者全在合義理之宜  
故自此以後皆以義理言要識得

禮記禮器卷之六

三

合於天時五句平說下

天時有生四句泛泛說見行禮者所以必順天之  
時隨地之宜量人之能因物之利註助祭執事之  
官似太早且禮非止一祭焉已也

王制云凡官民材人各有能便是官之所在物之  
利固有直而用者而委曲制用為多故下一曲字  
上說合於天時凡五件天時有生以下似止說得  
四件中間着鬼神弗饗也句便完備無遺矣此是  
文章之妙處

故必舉其定國之數以為禮之大經禮之大倫以地

廣狹禮之薄厚與年之上下是故年雖大殺衆不匡  
懼則上之制禮也節矣

此節註極明舉禮之大經大倫薄厚便舍下時順  
禮宜稱等云云矣

禮時為大順次之體次之宜次之稱次之竟授舜舜  
授禹湯放桀武王伐紂時也天地之祭宗廟之事父  
子之道君臣之義倫也社稷山川之事鬼神之事體  
也喪祭之用賓客之交義也羔豚而祭百官皆足大  
牢而祭不必有餘此之謂稱也諸侯以龜為寶以圭  
為瑞家不寶龜不藏圭不臺門言有稱也

禮記禮器卷之六

四

此五字足以盡禮了竟授舜以下云云雖各指一  
事說其實理相融貫要識得

聖人不能為時能不失時而已矣堯舜之授受湯  
武之放伐皆時也易曰承天而時行書曰唯聖時  
憲

禮欲其稱然其事不可枚舉故畧舉而悉言之  
一則曰此之謂稱言有稱也又曰蓋言稱也又曰唯  
其稱也然稱未有不合於時者未有不歸於順者  
未有不循其體者未有不協於宜者看下文種種  
所舉自見得



禮有以多為貴者 有以少為貴者 有以大為貴者 有以小為貴者 有以高為貴者 有以下為貴者 有以文為貴者 有以素為貴者 孔子曰 禮不可不省也 禮不同不豐不殺此之謂也 蓋言稱也

長樂陳氏曰 多少者禮之數 大小高下者禮之度 文素者禮之容 是雖所設之不同 皆緣情以制宜 隨宜以為貴 以求其稱而已 此說極有理

論禮到多少大小高下文質備矣 然豈聖人作意於其間哉 本乎天 殺乎地 順乎鬼神 合乎人心 然

禮記禮器解問卷之六

五

自有恰好者在 不可得而豐 不可得而殺 蓋必如是而後稱焉者 故引孔子之言以結之

不豐不殺禮之中也 此中具在 吾心省則合 不省則乖 故曰禮不可不省

禮之以多為貴者 以其外心者也 德發揚 詡萬物大 理物博 如此則得不以為多為貴乎 故君子樂其發也 禮之以少為貴者 以其內心也 德產之致也 精微觀 天下之物 無可以稱其德者 如此則得不以為少為貴 乎 是故君子慎其獨也 古之聖人 內之為尊 外之為 樂 少之為貴 多之為美 是故先王之制禮 也不可多

也不可寡也 唯其稱也

外心曰樂其發 樂吾心之盡於物也 內心曰慎其 獨 慎吾心之盡於誠也

二君子總是行禮之君子 註一訓制禮 一訓行禮 欠體認

德之發揚 總歸詡育萬物 則盡天下之大 無不各 得其理 而物之所成者 博矣 易曰 夫乾其靜也專 其動也直 是以大生焉 夫坤其靜也翕 其動也闢 是以廣生焉 正此之謂也 嚴陵方氏訓詁字曰 言 能翕張也 極當

禮記禮器解問卷之六

六

詩曰 有物有則 物各有理 而各正性命 保合太和 是謂大 理 物博

恭敬之心 唯盡物足以發之樂 其發者 樂其備物 也 樂其備物之能發吾心也

天地之大德曰生 故稱德產 然所為生者 孰得而 狀其神化乎 孰得而窺其機械乎 故曰德產之致 也 精微致者 極至之謂也 詩曰 上天之載 無聲無 臭

論禮到多少大小高下文質可謂盡其變矣 然其 本皆在吾心 故就多少而論 曰 外心內心 結以樂

其發慎其獨則大小高下文質之間其情可例知矣

凡禮內盡志外盡物然凡物皆天地之所產也故

一曰德發揚詡萬物一曰德產之致也精微

德既難為報物又不足報唯存此心之誠敬或可

期其昭格耳故天地之祭曰升中曰告虔

禮行於君子折衷於聖人制於先王故迭出三等

字面

聖人唯內之尊外之樂少之貴多之美則王者之

制自不能違矣故緊接先王之制禮云云

禮記禮器集解問卷之六

七

內之為尊吾心尊之也外之為樂吾心樂之也

唯其稱也稱此心之施也易曰君子以東多益寡

稱物平施

是故君子大牢而祭謂之禮匹士大牢而祭謂之攘

管仲饗簋朱紘山節藻稅君子以為濫矣晏平仲祀

其先人豚肩不掩豆幹衣濯冠以朝君子以為隘矣

是故君子之行禮也不可不慎也衆之紀也紀散則

衆亂

禮貴盡心盡物然要歸於稱耳稱不稱而禮攘之

辨天淵矣可不慎哉

君子雖樂其發而亦有不可不嚴其辨者管仲之

濫失之矣君子雖慎其獨而亦有不可不盡其物

者平仲之隘失之矣故緊接君子之行禮不可不

慎云

禮是人心之綱紀綱紀一失衆散不可收拾矣此

君子於內心外心處不可不慎所辨於多少之度

數不可不慎所守也

禮也者猶體也體不備君子謂之不成人設之不當

猶不備也禮有大有小有顯有微大者不可損小者

不可益顯者不可揜微者不可大也故經禮三百曲

禮記禮器集解問卷之六

八

禮三千其致一也未有入室而不由戶者

禮猶體也比得極好天下有人而無體者乎有人

而無體者乎

禮有大有小云云正說此禮之設自有恰好各當

處不可以意損益揜著其間也如以意損益揜著

其間便如四肢百骸倒置一般了其何以成人乎

故曰設之不當猶不備也

經禮三百曲禮三千究竟只是一箇我能由此大

小顯微處一一體驗將去自然達其所以然之故

不然誠猶入室而不由戶者將何以窺其奧哉此

欲知禮之與者必當審節文度數之詳不可以意損益揜著於其間也

經曲之禮皆由心體中裁度出來故曰其致一也由心體中裁度出來自然有大有小有顯有微所以設之宜當不循其所設而欲窺禮之精微其可得乎故比之入室而不由戶者

此段既以體備成人喻又以入室由戶喻無非欲人由此禮之設究此禮之意以成其為人也

君子之於禮也有所竭情盡慎致其敬而誠若有美而文而誠若

禮記禮器疑問卷之六

九

曰竭情曰盡慎曰致其敬是極致此心之誠所謂內心而慎其獨也曰美而又加文焉是致飾此心之誠所謂外心而樂其發也

禮心體也唯誠則心體常實此禮之行不是虛文要識竭情盡慎致其敬處必有假於美而文有美而文處乃為竭情盡慎而致其敬總之一誠焉耳君子之於禮也有直而行也有曲而殺也有經而等也有順而討也有漸而播也有推而進也有放而文也有放而不致也有順而撥也

禮原有直遂處有須委曲處有經常不易處有須

權宜以善其用處易曰觀其會通以行其典禮識

得典禮之立又達會通之觀則於禮也其幾乎

君子曰禮之近人情者非其至者也郊血大饗腥三獻爛一獻孰

國家有大典禮非可同日用常行者必加敬慎焉而後可記者恐人但以常禮視之故出此一節

是故君子之於禮也非作而致其情也此有由始也是故七介以相見也不然則已慤三辭三讓而至不

然則已慤故魯人將有事於上帝必先有事於頻宮晉人將有事於河必先有事於惡池齊人將有事於

禮記禮器疑問卷之六

十

泰山必先有事於配林三日繫七日戒三日宿慎之至也故禮有擯詔樂有相步溫之至也禮也者反本脩古不忘其初者也故凶事不詔朝事以樂醴酒之用玄酒之尚割刀之用鸞刀之貴管簞之安而橐鞬之設是故先王之制禮也必有主也故可述而多學也

此六節是一段看此有由始也句不忘其初者也句必有主也句自見得

君子於禮有許多委曲周旋處非是作而致其情此禮從古以來有必如是然後可以達其敬者不

然則已慙不然則已感此其情所必致而非作也  
擯詔相步舊所解固是自愚膚見禮行於聘問則  
有擯禮行於祭祀則有詔觀下文詔於庭詔於室  
詔於堂可見註謂有擯相以詔告之恐未然又按  
樂之奏也有文武相雅其舞也有綴兆舒疾總若  
是其不處猶禮之有擯有詔若是其從容也故摘  
取相步二字對擯詔言曰溫之至耳此皆就行禮  
樂之時說註以相樂工之行步對擯詔之相禮似  
未得其旨樂記云治亂以相又云三步以見方  
反本脩古節註亦明嚴陵方氏云逐末之源而不

知其所反從今之便而不能有所修則先上之禮  
意亡矣較更說得明透

知制禮必有主則其要已先得矣故可述而多學  
不然而失制禮之主意多學奚為

君子曰無節於內者觀物弗之察矣欲察物而不由  
禮弗之得矣故作事不以禮弗之敬矣出言不以禮  
弗之信矣故曰禮也者物之致也

節節制也胸中先有箇節制在物到面前中節不  
中節自然一覽而見不則未有能察者然所謂節  
者何禮是也欲察物而不由禮其何可得耶故作

事而不以禮則弗之敬矣出言而不以禮則弗之  
信矣敬與信人可一日以哉而禮為要故曰禮也  
者物之致也知禮為物之致則未事未言之先必  
思自節於禮立敬信之大本矣  
易曰節以制度又曰君子以制數度議德行數度  
德行皆所謂節也無節於內者謂無此德行數度  
於胸中耳註胸中不能通達禮之節文似未懇  
弗之敬弗之信皆主於我言註將弗之敬解曰何  
以能存主敬之心是矣將弗之信解曰何以能使  
人之信其言非也

綱常倫理事物細微皆物也而皆歸於禮故曰物  
之致樂記曰致禮以治躬致其致也

是故昔先王之制禮也因其財物而致其義焉爾故  
作大事必順天時為朝夕必放於日月為高必因丘  
陵為下必因川澤是故天時兩澤君子達疊疊焉

作大事為朝夕為高為下皆禮之制順天時放日  
月因丘陵川澤皆各有所因而取財物以為用故  
天時兩澤君子達疊疊焉取其所生成者以致報  
本之誠自是情之所不容已者

財物外也義者宜也內也凡禮皆假外心之物達

內心之敬

為高為下即名山大川之祭

天地之生物本疊疊而不窮而於雨澤尤易見焉君子達疊疊故即以其生成之財物報答其生成之大德也

是故昔先王尚有德尊有道任有能舉賢而置之聚衆而誓之是故因天事天因地事地因名山升中于天因吉土以饗帝于郊而風雨節寒暑時是故聖人南面而立而天下大治

禮記禮書卷之十

十三

祭必取財物以致用固矣然執豆蓬駁奔走非得有道德才能者與其事不足以稱也故昔先王必尚有德尊有道任有能舉賢而置之聚衆而誓之若斯其致慎也然後始舉祭焉故其為祭能致神祇之格臻極盛之治也

德以所成言道以所履言能以所任言皆賢也置諸左右以助祭如下文所謂卿大夫從君是也衆則散供執事之用者亦必聚而誓之俾臨事不至失禮

中者衆也王者守此中以臨萬民故其巡守也隨

所至之地即因名山以升中于天蓋告至而後行事也註謂升進此方諸侯治功平成之事則入其疆土地不闢田野不治遺老失賢格克在位者將遂廢此祭耶且書叙柴望在肆覲之先其語意甚明白

風雨節寒暑時有是理鳳凰降龜龍假無是事或有之亦未必升中之應也記者云云不過極言感格之盛使郊祭者之致其誠耳後世諸臣遂執此啓封禪以殃民亦戾禮之本旨哉

天道至教聖人至德廟堂之上疊尊在阼犧尊在西禮記禮書卷之十

十四

廟堂之下縣鼓在西應鼓在東君在阼夫人在房大明生於東月生於西此陰陽之分夫婦之位也君西酌犧象夫人東酌壘尊禮交動乎上樂交應乎下和之至也

因論祭到感格之極處故出至教至德二語若曰唯天道有此至教於穆不已常感通於人心惟聖人有此至德純亦不已能昭格於天地耳此二語是泛言不必入陰陽禮樂廟堂之上以下則舉禮樂之作通極於陰陽者言以証至教至德所以相感應於幽明也此雖諸侯時祭之禮然大旨則在

至教至德上

廟堂之上六句是序列便自分箇陰陽含箇應和了君在阼夫人在房本日月東西之義是陰陽之分君西酌犧象夫人東酌壘尊有禮樂相交之情是太和之至總之則夫道之至教聖人之至德也壘尊犧象是禮器縣鼓應鼓是樂器東酌西酌是禮交動二鼓倡和是樂交應

禮行時樂隨以作所謂肅肅雝雝者是已故曰和之至

禮也者反其所自生樂也者樂其所自成是故先王禮記禮器疑問卷之六

十五

之制禮也以節事脩樂以道志故觀其禮樂而治亂可知也遽伯玉曰君子之人達故觀其器而知其工之巧觀其發而知其人之知故曰君子慎其所以與

人者

禮主於報本反其所自生也樂象其成功樂其所自成也曰反本則凡事皆有所本不可無節也故先王制禮以節事曰樂成則凡事皆成於志不可不道也故先王修樂以道志由節事道志看來則禮樂之廢興具見而治亂從可知已故引遽伯玉之言望君子慎其所以與人者

君子所以與人者不過志與事而已禮以節事樂以道志則慎之之術也

大廟之內敬矣君親牽牲大夫贊幣而從君親制祭夫人薦盞君親割牲夫人薦酒卿大夫從君命婦從夫人洞洞乎其敬也屬屬乎其忠也勿勿乎其欲其饗之也納牲詔於庭血毛詔於室羹定詔於堂三詔皆不同位蓋道求而未之得也設祭於堂為祔乎外故曰於彼乎於此乎

凡祭只一箇敬在夫婦身親之詔求之徧索之必求其神之我格也

禮記禮器疑問卷之六

十六

凡祭君為外主而助在卿大夫夫人為內主而助在命婦

上只一敬字此又看箇忠字欲饗字言敬無不盡而必欲神之我饗也

屬屬是心無間斷勿即四勿之勿勿勿者禁無他欲唯神之我饗也

求而未之得故無所不詔不知於彼乎於此乎故無所不祭

一獻質三獻文五獻察七獻神

此條註亦明但自愚見似只就獻之多寡論其有

質文察神之異耳恐非定指所獻之為何神也

一獻禮簡故曰質三獻則成文矣五獻則加察矣七獻則以神事之又徒察而已者

大饗其王事與三牲魚腊四海九州之美味也蓮豆之薦四時之和氣也內金示和也束帛加璧尊德也龜為前列先知也金次之見情也丹漆絲纁竹箭與衆共財也其餘無常貨各以其國之所有則致遠物也其出也肆夏而送之蓋重禮也

此論大饗之禮之重觀首以王事句終以重禮句自見

禮記禮書雜問卷之六

十七

盡四海九州之所有四時之所成及金玉難得之物以列於祭祀此王者敬事祖考之心故記者詳悉言之

一金也曰內金又曰金次之意者先內之而後陳之耶

祀帝於郊敬之至也宗廟之祭仁之至也喪禮忠之至也備服器仁之至也賓客之用幣義之至也故君子欲觀仁義之道禮其本也

敬仁忠義隨在異名總是盡吾心耳故約而言之曰仁義之道而又究言之則禮其本也何者禮固

吾心之本體也中庸曰仁者人也親親為大義者宜也尊賢為大親親之殺尊賢之等禮所生也亦是此意延平周氏曰禮雖出於仁義而仁義之成體乃在於禮故欲觀仁義之道禮其本也亦說得明白

君子曰甘受和白受采忠信之人可以學禮苟無忠信之人則禮不虛道是以得其人之為貴也

禮原不是虛文此唯忠信之人可以學得

孔子曰誦詩三百不足以一獻一獻之禮不足以大饗大饗之禮不足以大旅大旅具矣不足以饗帝母

禮記禮書雜問卷之六

十八

世之議禮者大抵徒逞其詞說而不實踐諸躬行不知此禮精微非真實體驗有未可易言者故孔子云云

嚴陵方氏曰禮有大小故行之有難易此愈大者所以愈難焉行其事者其難如此則言其義者可

不重乎此說得明快

子路為季氏宰季氏祭逮闇而祭日不足繼之以燭雖有強力之容肅敬之心皆倦怠矣有司跛倚以臨祭其為不敬大矣他日祭子路與室事交乎戶堂事

交乎階實明而始行事晏朝而退孔子聞之曰諱謂由也而不知禮乎

周人祭日以朝及闇言朝時猶及闇而行祭非行之至於闇也季氏逮闇而祭至繼之以燭則失禮之意矣他日子路與祭實明而始行事晏朝而退於禮意為甚達故孔子稱之嚴陵方氏曰君子之行禮固不欲速又惡夫久而怠焉久而怠寧若速而敬爾蓋禮以敬為主故也此語極闡得明

禮記禮器辨問卷之六

十九

郊特牲

石梁王氏曰此篇專記祭事而雜昏冠兩段余謂不然冠昏喪祭其理本一而君臣賓主射鄉之事皆理之所不可渝者此篇一一悉之而於天子諸侯大夫之失禮替禮者尤加意焉蓋深有感於僭竊之非而特詳於喪祭昏冠之間若無所為而作也此則作者之本意也觀由夷王而下由齊桓公始由趙文子始由三桓始等語則可得其槩矣觀者其毋忽諸

郊特牲而社稷太平天子適諸侯諸侯膳用饋諸侯

二十

適天子天子賜之禮太牢貴誠之義也故天子牲孕弗食也祭帝弗用也大路繁纓一就先路三就次路五就郊血大饗腥三獻燭一獻就至敬不饗味而貴氣臭也諸侯為賓灌用鬱鬯灌用臭也大饗尚賡餉而已矣大饗君三重席而酢焉三獻之介君專席而酢焉此降尊以就卑也饗禘有樂而食嘗無樂陰陽之義也凡飲養陽氣也凡食養陰氣也故春禘而秋嘗春饗孫子秋食嗜老其義一也而食嘗無樂飲養陽氣也故有樂食養陰氣也故無聲凡聲陽也鼎俎奇而遠豆偶陰陽之義也遠豆之實水土之品也不



敢褻味而貴多品所以交於旦明之義也

此六節重貴誠之義也句重至敬不褻味而貴氣臭也句重用臭也尚服修而已矣句重降尊以就卑也句重不敢用褻味而貴多品所以交旦明之義也句

因上說大饗遂承說饗客之設席降尊臨卑全是一箇敬字

此論饗禘食嘗有樂無樂之異統是陰陽之義

此以器之奇偶分陰陽隨及器之所實者併及所以交旦明之義詩曰昊天曰明及爾出王昊天曰

禮記特牲義問卷之六

廿一

旦及爾游衍此旦明二字之來歷旦明即神明不

必改

賓入大門而奏肆夏示易以敬也卒爵而樂闋孔子屢歎之奠酬而工升歌發德也歌者在上匏竹在下貴人聲也樂由陽來者也禮由陰作者也陰陽和而萬物得

賓主所尚者敬也而主尤貴溫厚焉入門而奏肆夏和易之氣藹然於敬接之間矣故曰示易以敬也

易以敬不可見也乃於肆夏之奏見焉故曰示

樂由陽來三句汎汎說而賓主嘉會之合寓其中

樂主發散曰由陽來禮主收斂曰由陰作然其為發散者不傷於淫其為收斂者不傷於固二者妙合於嘉會之間而內外大小無不相安於熙皞之世此所謂陰陽和而萬物得也

旅幣無方所以別土地之宜而節遠邇之期也龜為前列先知也以鍾次之以和居參之也虎豹之皮示服猛也束帛加璧往德也

土地各有所宜而遠近之期不可取必故下一別字一節字

禮記特牲義問卷之六

廿二

庭實所陳大抵幣帛為多故云旅幣曰無方者不先定其方所也唯其所產無方故其所陳亦無方旅幣雖無方而唯龜先列鍾次之虎豹之皮亦列焉束帛則必加璧焉蓋各有取爾也

人所嚮往時在德矣故束帛必加璧焉恐非謂往進此比德之王也

此以上似陳禮之定制以下則舉借禮者而致悼也

庭燎之百由齊桓公始也大夫之奏肆夏也由趙文子始也

齊桓公趙文子世稱賢諸侯大夫也乃皆不無僭擬焉况其他乎故記者特舉以示戒

朝覲大夫之私覲非禮也大夫執圭而使所以申信也不敢私覲所以致敬也而庭實私覲何為乎諸侯之庭為人臣者無外交不敢貳君也大夫而饗君非禮也大夫強而君殺之義也由三桓始也

大夫從諸侯朝覲不得私覲大夫執圭聘問則有之然猶有所不敢以致敬焉彼公然庭實之具陳何為哉亦未聞不敢貳君之大義耳

大夫無饗君之禮大夫強君有可殺之義

禮郊特牲疑問卷之六

十三

天子無客禮莫敢為主焉君適其臣升自阼階不敢有其室也覲禮天子不下堂而見諸侯下堂而見諸侯天子之失禮也由夷王以下諸侯之官縣而祭以白牡擊玉磬朱干設錫冕而舞太武乘大路諸侯之僭禮也臺門而旅樹反坫繡黼丹朱中衣大夫之僭禮也故天子微諸侯僭大夫強諸侯脇於此相貴以等相覲以貨相賂以利而天下之禮亂矣諸侯不敢祖天子大夫不敢祖諸侯而公廟之設於私家非禮也由三桓始也

天子無客禮四句是起覲禮之語

諸侯大夫之僭禮皆起於天子之失禮故從天子說起

於此相貴以等云云言於此之時皆尊尚如彼不知禮之制何如也

天子存二代之後猶尊賢也尊賢不過二代

微子之命曰崇德象賢統承先王存王者之後原其尊賢之義猶尊云者謂雖歷代之久而猶尊之也

周封夏殷之後為上公封黃帝堯舜為三恪故記者曰尊賢不過二代耳其實先帝王有大功德在

禮郊特牲疑問卷之六

申南

萬世當食萬世之報不正二代而已也

孔子曰射之以樂也何以聽何以射

射義云其容體比於禮節比於樂然後可以言中射之以樂也正所以觀德處於此何以聽何以射之時而能比於樂而能中是謂禮射

孔子曰士使之射不能則辭以疾縣弧之義也

男子生桑弧蓬矢射於天地四方其義自是當射豈可以不能辭故不能但可辭以疾耳註辭以疾而未能則亦與初生之未能相似失本旨矣

社祭土十九節

此下七節論社禮天子適四方以下十二節論郊禮然其語意多互見須通融看始得

社祭土而陰主氣也君南鄉於北墉下答陰之義也日用甲用日之始也天子大社必受霜露風雨以達天地之氣也社所以神地之道也地載萬物天垂象取財於地取法於天是以尊天而親地也故教民美報焉

易曰天道下濟而光明地道卑而上行天地之氣不達則無以生成萬物矣故大社必受霜露風雨以達其氣

禮郊特牲疑問卷之六

廿五

天地以美利利天下故教民美報焉美者嘉大意郊之祭也迎長日之至也大報天而主日也兆於南郊就陽位也掃地而祭於其質也器用陶匏以象天地之性也於郊故謂之郊性用騂尚赤也用犢貴誠也郊之用辛也萬物本乎天人本乎祖此所以配上帝也郊之祭也大報本反始也

郊以迎長日之至必長日以至而始郊焉若其所用辛者自有義在上文不曰日用甲用日之始乎社用甲有甲之義郊用辛有辛之義必非適遇冬至是辛日之謂也易曰先甲三日後甲三日先甲

三日辛也取自辛之義此之用辛亦必有取爾也嚴陵方氏曰陽始于甲而物生陰極于辛而物成地雖以陰而成物然始其事者存乎陽故社用甲以原其始焉天雖以陽而生物然終其功者存乎陰故郊用辛以要其終焉此語極有理

萬物本乎天五句主意重在郊祭上

郊與社皆所以報本反始也而天為尊故特加一大字

天子大蜡八伊耆氏始為蜡蜡也者索也歲十二月合聚萬物而索饗之也蜡之祭也主先嗇而祭司嗇

禮郊特牲疑問卷之六

廿六

也祭百種以報嗇也饗農及郵表畷禽獸仁之至義之盡也古之君子使之必報之迎貓為其食田鼠也迎虎為其食田豕也迎而祭之也祭坊與水庸事也曰土反其宅水歸其壑昆虫毋作草木歸其澤皮弁素服而祭素服以送終也葛帶榛杖喪殺也蜡之祭仁之至義之盡也

八蜡曰先嗇曰司嗇曰農曰郵表畷曰貓虎曰坊曰水庸無容議矣唯是昆虫特見於祝辭註稱螟蝗之屬害稼者夫螟蝗之害稼與田鼠田豕之害稼何異哉一則以貓虎能食害稼者而祀之一則

以螟蝗之屬害稼而祀之豈成祭典昆蟲必黜無疑者然則曷以足其數曰本文有之矣不曰祭百種以報嗇乎百種者嗇之所為嗇也先嗇特先其事耳司嗇特司其事耳百種粒食之功有萬世報之不能盡者故祭字下又着箇報字其語意極明世儒不察本文遺百種之當報而妄入昆蟲以足入蜡之數陋哉可發千古之一哂也特為訂正

禮記集說卷之六

卷之六

祭無不及曰仁之至報以其功曰義之盡

土反其宅云云蓋致祝於八蜡之辭若曰自今土反其宅息焉而復生於其始水歸其壑藏焉而復閭於其始昆蟲母作草木歸其澤無災無害不為稼穡之妨也云爾訓詁家乃據此昆蟲二字杜湊八蜡之數反遺百種一神吁可哂哉  
前仁之至義之盡謂其為祭也無不周到而各以其功此仁之至義之盡謂其行禮也極其款曲而各有所取

大羅氏天子之掌鳥獸者也諸侯貢屬焉草笠而至

尊野服也羅氏致鹿與女而詔客告也以戒諸侯曰好田好女者亡其國天子樹瓜華不飲藏之種也

論蜡祭何以突出大羅氏長樂劉氏曰四方諸侯當仲冬而遇于天子者必助其祭祀也故其為蜡而獵莫不從焉貢其禽於天子則大羅氏受之草笠而至尊野服者明諸侯及其臣皆野服馳騁從禽以助王也既受草笠之獻則致鹿與女于庭而詔獻禽之客俾還告于其君以申天子之戒勸也曰好田好女者亡其國又曰天子樹瓜華不飲藏之種也戒諸侯毋廣樹殖務收斂以奪其民之利

禮記集說卷之六

卷之六

此其說大有理

所俘亡國之女未必常有但此就獵時所得者併及之且及樹瓜華云云蓋通以為詔戒云爾不必拘其必有也  
馬氏曰好田好女不飲藏之種者戒其貪也其意似謂民有終歲之勞而有一日之佚而為之上者豈可以好樂無厭而淫德不倦乎民有終歲之勞而有一日之積而為之上者豈可以好貨無厭而貪利無已乎此論極為懇惻書不邇聲色不殖貨利正此意

八蜡以記四方四年不順成八蜡不通以謹民財也順成之方其蜡乃通以移民也既蜡而收民息已故既蜡君子不興功

五氣時若九穀皆登曰順成

曰民息已君子不興功蓋憫其終歲之勞而稍息之也且以養其來歲之力也

籩豆之薦水土之品也不敢用常藥味而貴多品所以交於神明之義也非食味之道也先王之薦可食也而不可者也卷冕路車可陳也而不可好也武壯而不可樂也宗廟之威而不可安也宗廟之器可用

禮記特牲饋食禮卷之六

卷九

也而不可便其利也所以交於神明者不可同於所安樂之義也酒醴之美玄酒明水之尚貴五味之本也黼黻文繡之美疏布之尚反女功之始也莞簞之安而蒲越橐鞞之尚明之大羹不和貴其質也大圭不琢美其質也丹漆雕幾之美素車之乘尊其樸也貴其質而已矣所以交於神明者不可同於所安樂之甚也如是而后宜

水土之品無不具却非常藥之味何者神之所享將在德馨而非實食其味也故緊承說可食而不可者云云乃申束之曰所以交於神明者不可同

於所安樂之義也隨又緊承說貴五味之本反女功之始云云再申束之曰所以交於神明者不可同於所安樂之甚也語意極暢達而關鍵

貴五味之反本女功之始明之也貴其質也美其質也尊其樸也總唯質之貴也故曰貴其質而已矣

曰不可同於所安樂之義者言如其或同焉非所宜也曰不可同於所安樂之甚也如是而后宜言如其不同焉乃所謂義也前後語相顧而有情

禮記特牲饋食禮卷之六

三十

黃目鬱氣之上尊也黃者中也目者氣之清明者也言酌於中而清明於外也

黃是中央之色取以形心德之中易坤六五黃裳曰黃者中也是將中央之色形心德之中坤黃裳曰文在中鼎黃耳曰中以爲實與此正相發目者氣之清明者也亦將目氣之清明形祭時清明之氣方氏云孝子將祭虛中以治之此非清明於中之義乎不御內不聽樂不飲酒茹葷此非清明於外之義乎語極微

冠義始冠之緇布之冠也大古冠布齊則緇之其緇

也孔子曰吾未之聞也冠而敝之可也適子冠於阼以著代也黜於客位加有成也三加彌尊喻其志也冠而字之敬其名也委貌周道也章甫殷道也母追夏后氏之道也周弁殷咺夏收三王共皮弁素積天子之元子士也天下無生而貴者也

此與冠義一篇大同然亦有補所未及者宜合看凡禮存古意者宜存古制失古之制則非古之意矣故孔子感緇冠之縷曰敝之可也

喻其志訓使知廣充志意以稱尊服極是

冠義但稱三加不及冠名茲舉委貌章甫母追等禮如特牲疑問卷之六

云云見此冠服之加備三代之制不可不知所自成

天子之元子人皆謂其貴彼亦以貴自居矣此特曰士也天下無生而貴者也所以責其為人子為人弟為人臣者與士無異焉是冠禮之所以成其為君也此與冠義責成人禮節意相發

禮之所尊尊其義也失其義陳其數祝史之事也故其數可陳也其義難知也知其義而敬守之天子之所以治天下也

禮有義有數數具典章昭然畢陳而其義實有未

易知者此不求知禮於何有即知之而不敬守猶夫祝史而已矣故記者特揭敬守二字以垂訓天子所以治天下不過仁孝誠敬而已矣禮之所存大抵皆是物也故知其義而敬守便可以治天下

天地合而后萬物興焉夫昏禮萬世之始也取於異姓所以附遠厚別也幣必誠辭無不腆告之以直信信事人也信婦德也壹與之齊終身不改故夫死不嫁男子親迎男先於女剛柔之義也天先乎地君先乎臣其義一也執摯以相見敬章別也男女有別然禮如特牲疑問卷之六

後父子親父子親然後義生義生然後禮作禮作然後萬物安無別無義禽獸之道也壻親御授綏親之也親之也者親之也敬而親之先王之所以得天下也出乎大門而先男帥女女從男夫婦之義由此始也婦人從夫者也幼從父兄嫁從夫夫死從子夫也者夫也夫也者以知帥人者也玄冕齊戒鬼神陰陽也將以為社稷主為先祖後而可以不致敬乎共牢而食同尊卑也故婦人無爵從夫之爵坐以夫之齒器用陶匏尚禮然也厥明婦盥饋舅姑卒食婦餽餘私之也舅姑降自西階婦降自阼階授之室也昏禮

不用樂幽陰之義也樂陽氣也昏禮不賀人之序也此五節補昏義所未及者甚多宜合看

昏禮萬世之嗣言此後嗣續於不窮也昏禮萬世之始言此嗣續於不窮者自今日始也易曰歸妹人之終始也正與此相發

同姓異姓遠近別焉取異姓不取同姓正是附於遠厚其別也訓託於遠嫌之義者似未安

嚴陵方氏曰事人者必以信而婦人以事人為事故信為婦德也此解極有理

易曰地道也妻道也臣道也此曰男先於女天先禮郊特牲疑問卷之六

乎地君先乎臣其義一也語相發

男女無別人知有母不知有父矣如何得父子親唯有別則一本而父子親註一本二字極妙

父子有相親之恩便有相親之義然不獨此也君臣上下兄弟朋友交際之間皆有義存焉而皆燦然有禮以相接秩然有分以相安故曰義生禮作而萬物安

易曰有夫婦然後有父子有父子然後有君臣有君臣然後有上下有上下然後禮義有所錯與此語正相發

親御授綬躬親之也必若是其躬親之者於禮宜致敬而親之也故緊接敬而親之句解者曰親之乃可使之親已似欠體認

敬而親之太王季文王由此其選也能慎閨門之始斯植風化之原而可以御天下詩曰刑于寡妻至于兄弟以御于家邦正此意得天下得字要善體

夫以知帥人便當端其所為帥者易曰恒其德貞婦人吉夫子凶象曰夫子制義從婦凶也不明知帥之義必蹈從婦之凶矣大夫宜審所帥哉

禮郊特牲疑問卷之六

廿四

玄冕齊戒本事鬼神之神而陰陽配合之際乃慎為此焉故曰鬼神陰陽也嚴陵方氏極體得好註鬼者陰之靈神者陽之靈似無謂

前云敬章別也敬而親之此云將以為社稷主為先祖後而可以不致敬乎三敬字極下得好藍田呂氏曰敬則克終苟則易離此語足以闡發

昏義曰成婦禮明婦順申之以著代此共牢而食至牢用陶匏是成婦禮厥明婦盥饋至私之也是明婦順舅姑降自西階至授之室也是申之以著代

有虞氏之祭也尚用氣血腥爛祭用氣也殷人尚聲臭味未成滌蕩其聲樂三闕然後出迎牲聲音之號所以詔告於天地之間也周人尚臭灌用鬯臭鬱合鬯臭陰達於淵泉灌以圭璋用玉氣也既灌然後迎牲致陰氣也蕭合黍稷臭陽達於牆屋故既奠然後燔蕭合羶薌凡祭慎諸此

上古之禮質故但以牲體為薦後世漸以文而益以音聲焉又並以鬱鬯羶薌焉記者遂因說虞尚氣殷尚聲周尚臭以求諸陰陽之義耳此猶尚忠尚質尚文之說未必有虞氏之祭曰吾如是其尚禮如特牲疑問卷之六

廿五

氣也殷人曰吾如是其尚聲也周人曰吾如是其尚臭也然即其所尚之氣之聲之臭然有可通於陰陽可格於鬼神者則亦不必病其辭而失其意矣

血腥爛祭無非欲用此氣以交於神明耳

聲音之號原可通徹於冥漠故曰詔告於天地之間也此明殷人所以尚聲之意

鬱合鬯者言擣此鬱金香草之汁和合鬯酒為灌之所用也此句正申足灌用鬯臭意

鬼神不過一氣耳而陰陽分焉故臭陰達於淵泉

臭陽達於牆屋凡祭慎諸此慎此既灌既奠之事也

魂氣歸于天形魄歸于地故祭求諸陰陽之義也殷人先求諸陽周人先求諸陰詔祝於室坐尸於堂用牲於庭升首於室直祭祝于室索祭祝于祊不知神之所在於彼乎於此乎或諸遠人乎祭于祊尚曰來諸遠者與

易曰精氣為物游魂為變魂氣歸于天形魄歸于地若便有陰陽之分不可不兩相求以致其饗矣故承前尚氣尚聲尚臭之祭申說無非求諸陰陽禮如特牲疑問卷之六

廿六

之義而又有先求諸陽者又有先求諸陰者因言求諸陰陽之義或先求諸陽或先求諸陰隨備舉其所為詔祝者所為坐尸者所為用牲者所為升首者所為直祭索祭者見祭不知神之所在無所不用其求也

祊之為言倥也所之為言敬也富也者福也首也者直也相饗之也嘏長也大也尸陳也毛血告幽全之物也告幽全之物者貴純之道也血祭盛氣也祭肺肝心貴氣主也祭黍稷加肺祭齊加明水報陰也取腍骨燔燎升首報陽也明水洗齊貴新也凡洗新之



也其謂之明水也由主人之絜著此水也君再拜稽首肉袒親割敬之至也敬之至也服也拜服也稽首服之甚也肉袒服之盡也祭稱孝孫孝子以其義稱也稱曾孫某謂國家也祭祀之相主人自致其敬盡其嘉而無與讓也腥肆醢醢祭豈知神之所饗也主人自盡其敬而已矣舉犖角詔安尸古者尸無事則立有事而復坐也尸神象也祝將命也縮酌用茅明酌也醢酒澆于清汁獻澆于醢酒猶明清與醢酒于舊澤之酒也

因說祭於祊隨解祊之為義併敬尸之所及相及

禮郊特牲疑問卷之六

廿七

嘏辭併及祭之薦首薦毛血又及血祭肺肝心黍稷祭齊明水脾骨燔燎又及君之再拜稽首肉袒親割併所稱孝孫孝子曾孫復舉腥肆醢醢及舉犖角詔安尸之禮而又及其所以澆齊者辭有枝葉而次第然不過發明詔祝於室坐尸於堂用牲於庭升首於室直祭祝於主索祭祝於祊以求神之所在之意耳要識得

玩後尸神象也句此尸陳也三字宜統作一句讀蓋嘏以慈告若天保曰降爾遐福此福所謂長也若楚茨曰以介景福此福所謂大也皆尸之所陳

也所謂嘏以慈告如是也未識是否敢正高明明水澆齊總之貴新也凡澆新之也雖不及主人然觀其謂之明水也由主人之絜著此水也則知凡澆之新亦主人之新著此澆也

服也解敬之至也拜服也稽首服之甚也肉袒服之盡也又分解服也之為敬之至也

凡祭主於敬曰致其敬足矣何以曰盡其嘉嘉者此心之嘉樂也此心嘉樂而不能忘故致敬以為祭耳詩曰物其多矣維其嘉矣正是此嘉字訓盡其嘉善恐未當

禮郊特牲疑問卷之六

廿八

嚴陵方氏曰凡牲解而生之之謂腥體而陳之之謂肆醢而未醢之謂醢孰而為穀之謂醢此分得極明本文肆字不必改讀為剔字

不知神之所在只一求豈知神之所饗只一敬前但舉澆齊二字未及其所為澆者故於此詳之祭用醢齊盎齊柶而澆各不同疏語得之矣祭有祈焉有報焉有由辟焉

祭為祈為報不可枚舉辟訓為弭宋見的據如欲以弭災兵遠罪疾解則辟讀如字解辟除不祥若所謂禳災者未為不可也何必改為弭哉

齊之玄也以陰幽思也故君子三月齊必見其所祭者

陰幽思在心而必服乎玄者即服而儼若思也要識朝祭昏喪等禮各一其服皆是啓人之思處

內則

詩云天生蒸民有物有則則者一定不易之理也而何間於內與外然外而朝堂之上整肅威嚴其則自然不渝若閨門之內恩常掩義自非立有定則安能善其終哉此易曰閑有家內則所由作也此篇專主教家者言故名內則然非在人上者命官以垂訓下民易克知而由之故首冠以后王命冢宰降德於衆兆民語見下文所云種種皆是后王所立之則也家則莫要於子事父母婦事舅姑而其間然有許大節目有非筆楮所能既者故一禮記內則疑問卷之六

篇之中不厭煩瑣而細列焉然要之唯養老者之志而已故歸到養老處見自古以來皆以此為重為人子者不可不慎所以養之者然養以珍羞為要故復縷及焉然此非可以旦夕能也要在為夫婦者謹內外之別由初生男女時即加慎重而承諭教之使習與性成有不待督責而自合於刑範者此后王命官降德之至意也是為內則

后王命冢宰降德于衆兆民

衆人所共也書曰降衷下民德人所秉也記曰降德於衆兆民意深遠矣

子事父母雞初鳴咸盥漱緹笄總拂髦冠紱纓端  
韞紳擗笏左右佩婦事舅姑如事父母雞初鳴咸盥  
漱緹緹笄總衣紳左右佩衿纓縶屨以適父母舅姑  
之所及所下氣怡聲問衣燠寒疾痛苛癢而敬抑搔  
之出入則或先或後而敬扶持之進盥少者奉槃長  
者奉水請沃盥盥卒授巾問所欲而敬進之柔色以  
溫之饌醢酒醴芼羹菽麥黃稻黍粱秫唯所欲棗栗  
飴蜜以甘之菹薑粉榆免薨滫瀡以滑之脂膏以膏  
之父母舅姑必嘗之而後退男女未冠笄者雞初鳴  
咸盥漱緹緹拂髦總角衿纓皆佩容臭昧爽而朝問  
禮記內則疑問卷之六 四一

何食飲矣若已食則退若未食則佐長者視具凡內  
外雞初鳴咸盥漱衣服歛枕簟灑掃室堂及庭布席  
各從其事孺子蚤寢晏起唯所欲食無時

子事父母婦事舅姑只在孝敬二字上乃其間許  
多瑣碎處有不可不知者故曰節文斯之謂禮  
讀雞初鳴咸盥漱等語要知夙興夜寐自是人一  
生所宜爾者乃為無忝所生晏安鴆毒何以為人  
何以為子

記曰婦事舅姑如事父母則為舅姑者亦宜以子  
女字其婦矣婦不以父母事舅姑舅姑不以子女

字其婦皆不知內則之義者也

此連下三箇敬字極妙敬不在儀文間主一之謂  
也一心去抑搔一心去扶持一心去進奉而唯恐  
其不如意焉是之謂敬

苛訓齊也未妥嚴陵方氏曰體煩而為苛氣虛而  
生癢是

細玩及所三節曰敬抑搔之曰敬扶持之曰敬進  
之曰甘之滑之膏之必嘗之然何等多方承順然  
却下氣怡聲柔色以溫之唯所欲而必求其遂焉  
此可知為人子為人婦者敬養之至情矣須參子

禮記內則疑問卷之六

四二

游子夏問孝二章看

唯所欲正應上問所欲却又加甘之滑之膏之必  
嘗之養口體中全是養其志

男女未冠笄者未任養老之責然朝見時問何食  
飲佐長者視具則自童子時已習此孝養之事矣  
任養時又何憂不中禮節哉

看子事父母婦事舅姑如男女未冠笄者凡內外雞  
初鳴咸盥漱一家中若男若女若長若幼無有不  
蚤起以任事者家教不患其不立家業不患其不  
興

由命士以上父子皆異宮昧爽而朝慈以旨甘日出而退各從其事日入而夕慈以旨甘

朝夕皆慈以旨甘唯日中則各從其事要見為人子者只有孝養一節為極大

旨甘上加慈以二字極妙慈是老之所以字幼者無所不用其極者也幼者能復將此以養其老是為真孝

不有敬事不敢袒裼

袒裼裸裎原非是敬唯服勞任事時或有宜袒裼為之者是之謂敬事也註袒與裼皆禮之敬大誤

禮記內則疑問卷之六

四三

子婦孝者敬者父母舅姑之命勿逆勿怠若飲食之雖不者必嘗而待加之衣服雖不欲必服而待加之事人代之已雖弗欲姑與之而姑使之而后復之子婦有勤勞之事雖甚愛之姑縱之而寧數休之子婦未孝未敬勿庸疾怨姑教之若不可教而后怒之不可怒子放婦出而不表禮焉

既教子婦之所以事父母舅姑又教父母舅姑之所以字其子婦是為內則大學傳為人子為人父並舉言之亦是此意

姑與之者有矣鮮能姑使也或能姑使之矣鮮能

后復也姑與之而姑使之而后復之是為真孝敬之子婦也

甚愛者必多姑息曰姑縱之而寧數休之愛而知勞勞以成愛是之謂真慈

凡知痛癢的人皆可化諒唯是諭之不知省辱之不知媿鞭策之不知改任伊怒之之極而彼之頑劣如故諺所謂頑妻劣子無法可治者是所謂不可怒者也不幸遇若等人只有放出而不表禮一着此外別無術矣

父母有過下氣怡色柔聲以諫諫若不入起敬起孝

禮記內則疑問卷之六

四四

說則後諫不說與其得罪於鄉黨州閭寧就諫父母怒不說而撻之流血不敢疾怨起敬起孝

曰下氣曰怡色曰柔聲然何等委婉之極

子弟未孝未敬勿庸疾怨父母有過諫不入怒不說而撻之流血不敢疾怨疾怨原非所行於父子之間

父母雖沒將為善思貽父母令名必果將為不善思貽父母羞辱必不果

父母望子不專在起家立業上全望其為善以成名為人子者將一有為必思及父母則雖欲不為

善不可得矣孝經論孝之終在立身行道顯親揚名於後世正與此相印証

子弟猶歸器衣服衾衾車馬則必獻其上而后敢服用其次也若非所獻則不敢以入於宗子之門不敢以貴富加於父兄宗族

猶歸對若非所獻言記者意謂父兄職分原合有此器用衣服等物子弟一時幸有之猶可得歸其父兄則獻其上而服用其次若父兄職分不合有此是非所獻者則不敢以入宗子之門蓋子弟雖貴顯不敢以此加於父兄宗族也註所云失旨

禮記內則疑問卷之六

四五

不曰富貴曰貴富者唯貴則有此器用衣服衾衾車馬也一字先後不苟下

曾子曰孝子之養老也樂其心不違其志樂其耳目安其寢處以其飲食忠養之孝子之身終終身也者非終父母之身終其身也是故父母之所愛亦愛之父母之所敬亦敬之至於犬馬盡然而況於人乎樂其心不違其志是一正一反語樂其耳目安其寢處以其飲食忠養之正樂其心不違其志之實也註樂其心喻父母於道也似太深飲食有宜於老者有不宜於老者故下以其二字

讀父母所愛亦愛之父母所敬亦敬之至於犬馬盡然語而愛敬之心有不油然而生者真無人心之甚者也今人為一財帛一語言致傷天性之和戾父母之心萬世罪人孰大於是

凡養老五帝憲三王有乞言五帝憲養氣體而不乞言有善則記之為惇史三王亦憲既養老而后乞言亦微其禮皆有惇史

養氣體而不乞言有善則記之所重在惇厚之德也既養老而後乞言亦微其禮所重亦在惇厚之德也故上曰為惇史下曰皆有惇史

禮記內則疑問卷之六

四六

禮始於謹夫婦至末

前但畧舉男女外內之別此復以禮字提撮起曰始於謹夫婦云云又提夫婦之禮云云說到妻妾之生子處如何而加慎重如何而發論教直至於男女成人自然陶型於禮教中不期協於則而自中其則是所謂降德於衆兆民者也自此以後為一大支節

禮始於謹夫婦為宮室辨外內男子居外女子居內深宮固門閨寺守之男不入女不出男女不同櫛櫛不敢縣於夫之櫛櫛不敢藏於夫之篋篋不敢共

浴夫不在欽枕篋簾席褥器而藏之少事長賤事貴咸如之

一家中少長貴賤不一其禮節繁多有不可縷舉者前論子事父母婦事舅姑之禮曰少事長賤事貴共帥時此論夫婦男女之別曰少事長賤事貴咸如之言約而該博是文字之徑約處

異為孺子室於宮中擇於諸母與可者必求其寬裕慈惠溫良恭敬慎而寡言者使為子師其次為慈母其次為保母皆居子室他人無事不往

異為孺子室異字當作特字解特為室而不與同禮記內則疑問卷之六 四七

處焉誠重之也世子國之本冢子家之本可無重手

古人胎時有胎教孺子時有孺子教擇寬裕慈惠溫良恭敬慎而寡言者為子師為慈母為保母他人無事不往引而置之莊嚴之間孰善於是

十年出就外傳居宿於外學書計衣不帛襦袴禮帥初學幼儀請肄簡諒十有三年學樂誦詩舞勺成童舞象學射御二十而冠始學禮可以衣裘帛舞大夏惇行孝弟博學不教內而不出三十而有室始理男事博學無方孫友視志四十始仕方物出謀發慮道

合則服從不可則去五十命為大夫服官政七十致事女子十年不出姆教婉婉聽從執麻枲治絲繭織紝組紃學女事以共衣服觀於祭祀納酒漿籩豆醢醯醢相助奠十有五年而笄二十而嫁有故二十三年而嫁聘則為妻奔則為妾

子云三十而立二十而冠尚未立也只宜嚮學而務內故云博學不教內而不出

男子十年以後即朝夕學幼儀女子十年以後即姆教婉婉聽從習與性成自然知事父母舅姑之禮內則以子婦之禮始以男女之教終是一篇大禮記內則疑問卷之六 四八

文字

男女陶鎔於禮教子婦率循乎禮度總之皆德性所固有者后王命官以示訓蓋教之以是德使各成其為人耳故曰降德於衆兆民

王藻

天子王藻十有二旒前後延龍卷以祭玄端而朝日於東門之外聽朔於南門之外閏月則闔門左扉立于其中皮弁以日視朝遂以食日中而酸奏而食日少牢朔月太牢五飲上水漿酒醴配卒食玄端而居動則左史書之言則右史書之御警幾聲之上下年不順成則天子素服素車食無樂諸侯玄端以祭裨冕以朝皮弁以聽朔於太廟朝服以日視朝於內朝朝辨色始入君日出而視之退適路寢聽政使人視大夫大夫退然後適小寢釋服又朝服以食特牲禮記王藻疑問卷之六

四九

三俎祭肺夕深衣祭牢肉朔月少牢五俎四簋子卯稷食菜羹夫人與君同庖君無故不殺牛大夫無故不殺羊士無故不殺犬豕君子遠庖厨凡有血氣之類弗身踐也至于八月不雨君不舉年不順成君衣布櫛本關梁不租山澤列而不賦土功不興大夫不得造車馬

此紀天子諸侯祭朝聽朔之前服及所供庖及所以處凶札者見一被服一飲食皆導率乎禮典而軫念民瘼不曰錦衣下食惟我敢稍縱恣於其間也

祭用袞冕朝日聽朔俱云端閏月聽朔則其禮稍異於常月視朝則用皮弁自朝至日中再食有奏有不奏常日朔月或少牢或太牢五飲必上水餘以次列卒食玄端以居言動有史御警幾聲上下而不忘儆惕年不順成則素服素車食無樂而深自貶損焉此天子守禮之為天下則毋敢稍自放佚者

動則左史書之言則右史書之一言動其敢以或苟乎御警幾聲之上一政令其敢以或苟乎此通是朝夕之自為警處

禮記王藻疑問卷之六

二

以日視朝天子諸侯之所同也辨色始入日出而視亦天子諸侯之所同也天子不言者互見耳諸侯所聽之政必簡於大夫然不敢先自佚也故必使人視大夫必待其退而後適小寢釋服書曰無教逸欲有邦正此意

古國君大夫士無故不妄殺非直從儉恐多戕物命于天地之和耳今恣飲食屠生生命者獨無是心哉

讀八月不雨君不舉樂年不順成君衣布櫛本關梁不租山澤列而不賦土功不興等語要知古之

為君者無日不念及於生民稍見凶荒即痛自貶損凡可寬恤以慰其困者無所不用其情此水旱或仍而國無捐瘠之民也不貶損更益焉不寬恤加取焉民命之謂何天命之謂何

卜人定龜史定墨君定體

按書曰體王其罔害詩曰體無咎言體龜兆之形體也然其吉其凶君曷以定之傳曰國之守龜其何事不卜書曰朕志先定著龜協從意必君先定卜此事而後其體形焉乃始決其吉凶從之耳此定字當作先定之定字解不作決定之定字解

禮記王藻疑義卷之六

五一

將適公所宿齊戒居外寢沐浴史進象笏書思對命既服習容觀王聲乃出揖私朝輝如也登車則有光矣

宿齊戒居外寢云云通是先致其虔既服習容觀云云通是加謹其度

國家未通則不充其服焉

不充其服是自愧之意能自愧則必將自責自修求至乎其道矣此聖人所望于天下者

裘之褻也見美也弔則襲不盡飾也君在則褻盡飾也服之襲也充美也是故尸襲執王龜襲無事則褻

弗敢充也

褻者盡飾故云見美襲者不盡飾故云充美禮有以文為貴者必見美而褻有以質為貴者必充美而襲表記曰褻襲之不相因也示民之不相賣也正謂此

古之君子必佩玉右徵角左宮羽趨以采齊行以肆夏周還中規折還中矩進則揖之退則揚之然後玉鏘鳴也故君子在車則聞鸞和之聲行則鳴佩玉是以非辟之心無自入也

禮記王藻疑問卷之六 五二

其如王矣此一趨一行周折進退不期其叶而自叶耳若臨行時去修飾焉能如是其曲中

君賜車馬乘以拜賜衣服服以拜賜君未有命弗敢即乘服也

車馬衣服有恩命所特賜者有常秩所宜得者乘服以拜賜者其特典也弗敢即乘服者其常秩也雖常秩而必待君命自是人臣敬慎之禮註謂諸侯之卿大夫為使臣而受天子之賜云云不知其方受天子之賜時可弗乘服以拜賜乎否也如已乘服拜賜而歸又獻於其君待君之命而後乘服



是二天子也愚細繹弗敢即三字此條當是常秩所宜得者猶必待君之命耳決非若註所云云父沒而不能讀父之書手澤存焉爾母沒而杯圈不能飲焉口澤之氣存焉爾

古人於父母之沒也執其書與杯圈感愴其口澤手澤之不勝至於不能讀不能飲其衷情如何今人不但忘其澤且有弁髦視之者讀此語可赧然流汗矣

君與尸行接武大夫繼武士中武徐趨皆用是疾趨則欲發而手足毋移

禮記玉藻疑問卷之六

五三

唯君與尸之行接武大夫則繼武矣士則中武矣此說大夫與士之行不同於君與尸之行也註乃謂大夫士與其尸行可啖若徐趨正與疾趨對註却謂或徐或趨皆用此與尸行步之節將亦訓疾趨之為或疾或趨耶此尤可嘆

凡行容惕惕廟中齊齊朝廷濟濟翔翔君子之容舒遲見所尊者齊遯足容重手容恭目容端口容止聲容靜頭容直氣容肅立容德色容莊坐如尸燕居告溫溫凡祭容貌顏色如見所祭者妻容孳孳色容顙顙視容瞿瞿梅梅言容誦誦戎容暨暨言容詒詒色

容屬肅視容清明立容辨卑毋譙頭顙必中山立時行盛氣顙實揚休玉色

惕惕是心常兢惕訓直而且疾未當

立貴有分辨自卑下古大臣行止不踰尺寸者是其辨也不必讀為貶

孟子曰充實而有光輝之謂大顙實是充實揚休是光輝註息之出也若陽氣之煦物其來無窮未得其解

王溫潤而澤縝密以栗廉而不剝瑕瑜不相掩其光容色澤最佳人之色宜如玉然蓋有變動而總

禮記玉藻疑問卷之六

五四

歸於色澤之可嘉也非無變動之喻

曰廟中曰朝廷曰見所尊者曰坐曰燕居曰祭曰喪曰戎其地不同其事不同其容儀亦不同所謂動容周旋中禮者若足容手容目容口容頭容既舉其形體以教之曰行容聲容氣容立容色容視容言容又舉其所動於形體者教之山立時行顙實揚休玉色則又教其容必象乎此然後為曲中也詩曰抑抑威儀維德之隅正此之謂讀是為者須細加體驗自立於德禮之內

明堂位

周公未嘗踐天子之位也天子之禮樂成王未嘗賜魯也魯公之後自僭用之耳儒者不察遂作為此篇以廣魯於天下其誣其誇有不待辯而明者唯是四代禮樂服物器具亦畧具於斯考禮者所不廢耳

昔者周公朝諸侯于明堂之位天子負斧依南鄉而立周公相武王以伐紂武王崩成王幼弱周公踐天子之位以治天下六年朝諸侯於明堂制禮作樂頒度量而天下大服七年致政於成王

禮明堂位疑問卷之六

五五

曰昔者周公朝諸侯于明堂之位天子負斧依南鄉而立則分明有天子在周公特輔相以朝諸侯耳未嘗身踐天子之位也此二句不曾差在下文周公踐天子之位句

明堂也者明諸侯之尊卑也

明堂明諸侯之尊卑乃獨不明已分之尊卑乎此下皆不必解

君臣未嘗相弑也

下殺上曰弑君臣弑君云相弑哉此人於字義尚未明晰安能識禮樂之大

重訂禮記疑問卷之七

烏程後學承菴姚舜牧著

喪服小記

親親以三為五以五為九上殺下殺旁殺而親畢矣上高曾祖考下子孫曾玄已居其間是為九族九族一體也然唯已與父與子三者較為尤親故親親者必以三為五以五為九服屬從此以降殺親親之情其盡乎是所謂親畢也親親必有殺而至於親畢乃謂之親親此當重親親二字不可謂親畢而已也

禮喪小記疑問卷之七

別子為祖繼別為宗繼禰者為小宗有五世而遷之宗其繼高祖者也是故祖遷於上宗易於下尊祖故敬宗敬宗所以尊祖禰也

祖易可遷宗易可易繼禰者為小宗至於五世則恩愛漸以輕矣且後之人各欲自繼其高祖則由高祖而上不得不升其主於上而小宗易於其下此亦各敬其宗之意故曰敬宗所以尊祖禰也除喪者先重者易服者易輕者

除喪就一喪言哀漸以減宜先其重者易服主重喪言服從其重宜易其輕者若服齊衰未滿適遭

斬衰則可易若服斬衰未滿適遭齊衰則不可易也註所云云愚不敢從

報葬者報虞

報即火速之意讀如字足矣何必改讀為赴

繼父不同居也者必嘗同居皆無主後同財而祭其祖禰為同居有主後者為異居

此段在必嘗同居截蓋此是釋繼父不同居一句

母再嫁而子不隨往繼夫路人也曷以稱父稱繼

父不同居也者必其嘗同居者也唯是皆無主後同財而祭其祖禰其情義不可解離是為同居繼

禮喪小記疑問卷之七

二

父若雖隨母以往而猶各有主或不同財以祭其祖禰後各為爨則為異居然不謂之父不可也此謂不同居繼父也註牽同居皆無主後解似欠分曉

為慈母後者為庶母可也為祖庶母可也

嫡不可為庶後庶後其生母者亦不得為他庶後唯妻子無母而為慈母後者可為庶母可為祖庶母蓋慈母原無子之妻為慈母後者原無母之子乃可通融其間耳若他妻子自有母在其可為庶母祖庶母後耶

陳器之道多陳之而省納之可也省陳之而盡納之可也

之死而致死之不仁之死而致生之不知陳器之道云云語意總歸到省納處若曰雖不多陳亦可也然則所陳未盡納者將若何焚之耳

與諸侯為兄弟者服斬

一與諸侯為兄弟者其與大夫士特異故特揭諸侯二字註云不言與君為兄弟而言與諸侯為兄弟明在異國也非是

禮喪小記疑問卷之七

三

大傳

禮不王不禘王者禘其祖之所自出以其祖配之  
開首說禘其祖之所自出何也萬物本乎天本  
乎祖不尊祖敬宗不成人道此篇專論人道之大  
故先從尊祖說起

牧之野武王之大事也既事而退柴於上帝祈於社  
設奠於牧室遂率天下諸侯執豆籩逡奔走追王太  
王亶父王季歷文王昌不以卑臨尊也

此要識武王追王之意既事而退即柴於上帝祈  
於社設奠於牧室遂率天下諸侯執豆籩逡奔走  
禮記大傳疑問卷之七 四

則其所追王者豈獨以已意而已乎

不以卑臨尊句要體得好子孫卑也父祖尊也子  
孫王矣而不追王其父祖不將以已為天子臨祖  
父之尊乎然即以已意追王焉又不將以子孫之  
卑輒用天子之號臨祖父之尊乎唯時柴於上帝  
祈於社設奠於牧室遂率天下諸侯執豆籩逡奔  
走追王太王亶父王季歷文王昌若曰此皇天后  
土之所嘉貺也此天下人心之所共與也即稱天  
以謚之意是之謂不以卑臨尊也若註所云未敢  
謂是

上治祖禰尊尊也下治子孫親親也旁治昆弟合族  
以食序以昭繆別之以禮義人道竭矣

合族以食序以昭繆使各安其分各適其宜是別  
之以禮義也恐不承上治下治說

說尊尊親親即出合族二字族屬漸疎非合不可  
故下文詳論宗法歸到收族上去

小記上殺下殺旁殺而親畢總是親其親此上治  
下治旁治而人道竭總是盡人之道

聖人南面而聽天下所且先者五民不與焉一曰治  
親二曰報功三曰舉賢四曰使能五曰存愛五者一  
禮記大傳疑問卷之七 2

得於天下民無不足無不瞻者五者一物紕繆民莫  
得其死聖人南面而治天下必自人道始矣

所且先者口氣若曰他未暇舉且先去理會五件  
而民不與焉者

先世嘗有功德於民民思慕而不忘是之謂愛為  
之興滅繼絕則所以存其愛也大傳一篇總論周  
道存愛是周道之大者論語與滅國繼絕世下曰  
天下之民歸心焉非以其存愛而何註將察字解  
存字曰察其所親愛而辟焉四者無私意之累何  
以云所且先者五

無一不得曰一得五者一得於天下則事事各歸其理物物各得其所人人各遂其願矣安有不足不贍者如一物紕繆則胥失其理而民莫可匡以生矣故云莫得其死

報功舉賢使能存愛皆治親之所推及也故上曰上治下治旁治而人道竭此承上文首叙治親云而曰必自人道始意深哉

立權度量考文章改正朔易服色殊徽號異器械別衣服此其所得與民變革者也其不可得變革者則有矣親親也尊尊也長長也男女有別此其不可得禮記大傳疑問卷之七

與民變革者也

六

將所得與民變革者剔出所不可得變革者見治必親親尊尊長長男女有別乃可使天下各得其理以申明聖人南面而治天下必自人道始之意曰尊尊親親又益以長長何也宗法以嫡以長是

一大節目故特並舉焉

曰尊尊親親長長又益以男女有別何也易曰有男女然後有夫婦有夫婦然後有父子上自高曾下逮曾玄皆男女夫婦之所生也非有別其易能嗣續之無敝哉此與尊尊親親長長並重於天下

不可得與民變革也

同姓從宗至末

同姓從宗三句緊承上文親親尊尊長長男女有別來隨出從宗主名二語因詳名不可紊為人治之大隨發百世而昏姻不通以明男女之有別如此此主名以治際會者不可以不慎也服術有六以下則又詳其所謂從宗合族者以申親親尊尊長長之意明治天下者果必自人道始也

同姓一本而親而宗族遠繁非宗法不能收其族屬上文合族以食序以昭繆正從此大宗小宗以禮記大傳疑問卷之七

收合之也故下文詳悉言之

七

同姓從宗合族屬異姓主名治際會名著而男女有別其夫屬乎父道者妻皆母道也其夫屬乎子道者妻皆婦道也謂第之妻婦者是嫂亦可謂之母乎名者人治之大者也無慎乎四世而總服之窮也五世袒免殺同姓也六世親屬竭矣其庶姓別於上而戚單於下昏姻可以通乎繁之以姓而弗別綴之以食而弗殊雖百世而昏姻不通者周道然也

曰同姓從宗合族屬即曰異姓主名治際會何也同姓一本而生宗法可以收合得若異姓來配的

將如何分辨唯是此名此分耳此名不辨男女幾於淆亂矣故所主全在是名可以治交際會合之事方有親疎尊卑長幼之等序出來人不期治而自無不治矣此名為人治之大者也不曰治人曰人治正見人從此治人道胥由此立不可不致其慎也

四世而總兩節總說同姓之不通昏中上男女有別之意

曰窮曰殺曰竭曰單其理勢必至於是然繫之以姓綴之以食則弗別而弗殊也此昏姻之不可通禮記大傳疑問卷之七

同姓通昏族屬便不可合了此亟立宗法以收拾乃萬世無散之達道也

服術有六一曰親親二曰尊尊三曰名四曰出入五曰長幼六曰從服從服有六有屬從有徒從有從有服而無服有從無服而有服有從重而輕有從輕而重

周道只一箇親親便自有名便自有出入便自有長幼便自有從服此其服有大不同者故曰服術上說名者人治之大故論服術首親親次尊尊隨次以名乃次出入次長幼次從服是文章之血脉

### 點綴處

徒從徒字宜訓作但字但從之服似亦服之不可少者註訓空字大無情

自仁率親等而上之至于祖名曰輕自義率祖順而下之至于禰名曰重一輕一重其義然也

親與祖如何可輕重得但從下推上去必由禰而祖而曾而高從上說下來必有高有曾有祖有禰故曰輕曰重耳所謂一輕一重其義然也知此則欲立人道者必盡親親之仁必隆尊祖之義不可闕一者

禮記大傳疑問卷之七

九

莫認壞輕重二字曰輕要人先親親曰重要人去尊祖

親親尊祖總是仁但人各親其親而或不知親之所自出漸加輕去了故以義斷言之曰重要人必尊祖如親親也易曰立人之道曰仁與義仁義並舉中着一與字特妙

君有合族之道族人不得以其戚戚君位也庶子不祭明其宗也庶子不得為長子三年不繼祖也別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別

子之所自出者百世不遷者也宗其繼高祖者五世則遷者也尊祖故敬宗敬宗尊祖義也有小宗而無大宗者有大宗而無小宗者有無宗亦莫之宗者公子是也公子有宗道公子之公為其士大夫之庶者宗其士大夫之適者公子之宗道也

此與下節不苟下正起別子為祖繼別為宗二句蓋君可以合族族人不得以其戚戚君此必以別子為祖庶子不祭庶子不得為長子三年此必以繼別為宗然人各親親故又益繼禰者為小宗句尊祖故敬宗敬宗尊祖之義也此論宗法專為尊禮記本傳疑問卷之七

祖而設故反覆申言之耳

繼別為宗繼禰者為小宗大抵皆以嫡言未及諸公子故復出公子二條有小宗而無大宗者二條註極解得明

絕族無移服親者屬也

絕族句恐非若註所云四世而總服之窮也五世祖免殺同姓也六世親屬竭矣然親屬雖竭或有喪葬必袒免以相恤是其服有終不可易者是絕族無移服也所以然者何繫之以姓而弗別綴之以食而弗殊親者自屬而不可散也愚謂如此解

可應前同姓從宗合族屬及後親親故尊祖尊祖故敬宗敬宗故收族等語若註所云是教親者之為疎也不敢從

自仁率親等而上之至于祖自義率祖順而下之至于禰是故人道親親也親親故尊祖尊祖故敬宗敬宗故收族收族故宗廟嚴宗廟嚴故重社稷重社稷故愛百姓愛百姓故刑罰中刑罰中故庶民安庶民安故財用足財用足故百志成百志成故禮俗刑禮俗刑然後樂

此復提擬前語歸到親親二字上是本領

禮記本傳疑問卷之七

十一

唯親親故尊祖唯尊祖故敬宗而唯敬宗故收族唯收族故宗廟嚴此完得我家事宗廟嚴故重社稷而下則由家而國而天下各得其理而治化成此聖人南面而治天下必自人道始也此是徹首徹尾一篇大文字要細理會細咀嚙

宗廟祭祀必資土穀以為奉且守得社稷方主得宗廟故曰宗廟嚴故重社稷非重社稷之禮也百姓即是庶民何謂百官族姓訓詁者因下有庶民安句故別言之不知愛是上之加愛安則下之自安唯上加愛下可自安故上曰愛百姓愛字在

上下曰庶民安安字在下原自不相妨也

百志成還主在上者言易曰天地交而萬物通也上下交而其志同也財成輔相以左右民為人君者然有許大志願而未可輕議唯至民安而用阜則制禮作樂以開萬世太平事皆可為而其志俱可自得矣是謂百志成故禮俗刑然後樂也非是非心邪念不萌之說

禮俗刑刑字即儀刑刑字言風移俗易而自相儀刑也

通篇總言人道之大人道莫先於親親而尊祖為

禮記大傳疑問卷之七

十二

重然不知男女之別則名不正而人無從生且同姓賣亂而莫可聯屬故於名加重焉又豈宗法以收族焉則尊尊親親長長而治化成矣篇內凡三言人道一言人治之大是大主意宗字名字是大綱領尊尊親親長長男女有別是大節目首提祖之所自出末歸到尊祖敬宗是文章之大照應處細玩自當得之

必儀

聞始見君子者辭曰某固願聞名於將命者不得階

階猶階梯之階主猶觀近臣以其所為主之主求見君子者辭曰某固願聞名於將命者恐不得將命者導達為之階主耳夷之因徐辟而求見孟子是此意

適有喪者曰比

易曰比輔也適有喪者曰比謙言比輔其執事者耳不作比於將命解

禮記大傳疑問卷之七

十三

受立授立不坐性之直者則有之矣

授受必坐禮也徑情直行者直立相授受而不坐故曰性之直者則有之若註云立為委曲坐為直情吾所不敢信也

不疑在躬不度民械

凡性分職分所當為者在躬者也直任之而不疑度量權衡及他器械民生所必資者是民械也悉從上之制作而不度

又按此篇有衣服在躬而不知其名為罔句豈此在躬即衣服之在躬者耶併問之高明



不貳問問卜筮曰義與志與義則可問志則否

著龜神物也問必以正曷敢以不正者再問耶易曰初筮告再三瀆瀆則不告書曰卜不習吉不貳問云者唯一問而不敢再也

勝則洗而以請客亦如之不角不擢馬

角訓兕觥未審何據以愚見角角勝也非兕觥也蓋勝飲不勝之爵必置豐上假使置豐上者原非兕觥不得素用以犯禮假使原是兕觥亦不得輒改以廢禮故知不角即不擢馬以居勝之意非不用兕觥之說也敢問高明

禮記少儀疑問卷之七

十四

執君之乘車則坐僕者右帶劔負良綬申之面施諸帶以散綬升執轡然後步

執君之乘車則坐謂初執乘車時則坐而執之也未便是御僕者右帶劔以下方是御者事註凡御必立今坐者君未升車而車未行也則凡御車者未行時皆坐而不立胡必綴之執君之乘車下哉請見不請退朝廷曰退燕遊曰歸師役曰罷請見在卑者命退在尊者故曰請見不請退詩云退食自公語云詠而歸孟子云悅而罷三軍之師朝廷燕遊師役其辭自合如此

原缺第十五葉

也不必讀報為赴

賓客主恭祭祀主敬喪事主哀會同主詡軍旅思險隱情以虞

主恭主敬主哀主詡皆在心上說看主字自見孟子曰恭敬之心人皆有之曰恭以容言曰恭見乎外皆非也

軍旅思險二句即臨事而懼好謀而成意謀主隱而密也

衣服在躬而不知其名為罔

不知其名者不知其名為罔也知名義則服之在朝

禮記少儀疑問卷之七

十六

必思恭服之在廟必思敬服之在喪必思哀矣不然而徒知其名與罔何別

為人祭曰致祭

祭外神是為人祭祭先祖是為己祭致福云者若神貺之福也訓為人祭為攝主非

國家靡敝則車不雕幾甲不組滕食器不刻鏤君子不履絲屨馬不常秣

國家靡敝則所乘所衛所養所履所御悉從貶損是禮也豈直此哉損卦曰二簋可用享享尚可從省約况其他乎是有國者所宜知也

學記

石梁王氏云此篇不詳言先王學制與教者學者之法多是泛論不如大學篇教是教箇甚學是學箇甚亦評得是然愚就是篇細加繙閱論化民成俗要歸諸大學及詳大學之教揭敬道一語揭大學之法首禁於未發一語而嚴師聽語直歸諸務本是大有裨於世教之書也永嘉戴氏曰大學之論自本以但末學記之論由末以造本庶幾為定論云

發慮憲求善良足以諉聞不足以動衆就賢體遠足

禮記學記疑問卷之七

十七

以動衆未足以化民君子如欲化民成俗其必由學乎玉不琢不成器人不學不知道是故古之王者建國君民教學為先兌命曰念終始典于學其此之謂乎雖有嘉肴弗食不知其旨也雖有至道弗學不知其善也是故學然後知不足教然後知困知不足然後能自反也知困然後能自強也故曰教學相長也兌命曰教學半其此之謂乎古之教者家有塾黨有庠術有序國有學比年入學中年考校一年視離經辨志三年視敬業樂羣五年視博習親師七年視論學取友謂之小成九年知類通達強立而不反謂之

大成夫然後足以化民易俗近者說服而遠者懷之此大學之道也記曰蛾子時術之其此之謂乎

此下七節總言化民成俗必由於學責建國居民者必教學為先以期其大成是謂大學之道故下文乃詳言之

發慮憲發字是發動之發言發動此念憲在憲此上不他適也

教到不能通處是因非困辱也

教學半繫承教學相長來自反自強總歸於至道其功益若相半焉者故云非始之修已所以立其體是一半終之教人所以致其用又一半也要善

禮記學記疑問卷之七

十八

體會

離者麗也離經辨志云者麗附於經義辨別其志向也不作離絕經書之句讀解

離經辨志等句雖各分截而實相聯屬蓋經即是業業而不舍即是習習而為已即是學非二也曰離曰敬曰博曰論隨其所事而序言之耳志辨方知趣味而樂羣樂羣方親明師而就正又取良友以廣益亦非二也云云者亦隨其所進而序言之

耳

辨志者辨於已也離經而辨則所辨不淆樂羣者羣於人也敬業而樂則所樂匪僻親師是定所宗唯博習道藝所宗必得其人取友是須以成唯論議學問所取可受其益此四字為句通是學朱子曰這幾句上兩字說學下兩字說所得處似未當延平周氏曰考校之法逐節中先觀其學問之淺深徐察其德行之虛實說得好

化民易俗近悅而遠懷此方是明德新民之究竟故云大學之道

大學始教皮弁祭菜示敬道也入學鼓篋孫其業也禮記學記疑問卷之七

十九

宵雅肄三官其始也夏楚二物收其威也未卜禘不視學游其志也時觀而弗語存其心也幼者聽而弗問學不躐等也此七者教之大倫也記曰凡學官先事士先志其此之謂乎

道人所同具唯先聖先師體道以立極始教必先致敬焉示道尊而使民皆知敬學也

朱子曰聖人教人合下便要他用此極說得好既要他用須教學鹿鳴四牡皇皇者華乃為稱職故令肄小雅三詩以官其始耳若曰以居官受任之美訪諭其初志恐欠當

居官必以正官其始者正其始也嚴陵方氏曰游其志所以俟其自成存其心所以使之自得體得好

七者教之大倫通主教者司成上說官先事士先志二句緊承上說若曰凡居官者必由是教以出此通是責成教者之詞恐非先志所以明德先事

所以新民之說若謂七事上句皆教者之事七事下句皆學者之志則戾旨尤甚

大學之教也時教必有正業退息必有居學不學操禮記學記疑問卷之七

二十

纓不能安弦不學博依不能安詩不學雜服不能安禮不興其藝不能樂學故君子之於學也藏焉脩焉息焉遊焉夫然故安其學而親其師樂其友而信其道是以雖離師輔而不反也允命曰敬孫務時敏厥脩乃來其此之謂乎今之教者呻其佔畢多其訊言及于數進而不顧其安使人不由其誠教人不盡其材其施之也悖其求之也佛夫然故隱其學而疾其師苦其難而不知其益也雖終其業其去之必速教之不刑其此之由乎

時教退息皆學之地正業居學皆學之事

學操縵學博依學雜服總是游藝事有此興趣弦誦詩禮之學自然日益而不知此居學與正業交相養而非二也註為學之道貴於能安安則心與理融而成熟未至於安則在乎為之不厭極說得痛快

安與學皆學之自得處安斯樂樂益安故下文緊承安其學而親其師樂其友而安其道句要之非二事也

藏是居藏息是燕息修是修其正業遊與游同是游於道藝四字不宜平看

禮記學記疑問卷之七

廿一

使人不由其誠句極難看延平周氏曰孔子曰求也退故進之由也燕人故退之蓋進之必顧其所安而使之進也使燕離開仕曰吾斯之未能信子說蓋使之必由其誠而不強其中心之所欲也於門人問仁問孝之類其答皆不同蓋教必盡材故所答雖有難易而未嘗不隨其材之大小也看得極好

施與求皆主教者言教之所及曰施致望於學者曰求施之於其所不願求之於其所弗能學者其誰與之

佛字从人从弗言人之所弗能也不作拂字解隱退避也教者不善引其進故學者退避焉非不自表見之說

大學之法禁於未發之謂豫當其可之謂時不陵節而施之謂孫相觀而善之謂摩此四者教之所由興也發然後禁則扞格而不勝時過然後學則勤苦而難成雜施而不孫則壞亂而不脩獨學而無友則孤陋而寡聞燕朋逆其師燕辟廢其學此四者教之所由廢也君子既知教之所由興又知教之所由廢然後可以為人師也故君子之教喻也道而弗牽強而弗抑開而弗達道而弗牽則和強而弗抑則易開而弗達則思和易以思可謂善喻矣

禮記學記疑問卷之七

廿二

禁於未發之謂豫極說得好凡善為教者必先保完其真純而思為保完計唯在豫遏其情實乘其未發而禁止之真純固而問學進矣易曰童牛之牯元吉是豫禁之說也然則曷為牯曰一以正耳弟子入則孝一章是也易曰蒙以養正聖功也語深哉

扞扞禦也格梗格也不禁於未發則真純盡斷外誘作梗其何以勝之言即嚴為禁將亦有不可得

也

時過後學固勤苦難成若有志之士肯加百倍之功當無不可成者

施之陵節則學無入頭下手處雖欲勉強從事有不可得者故壞亂而不脩

易曰麗澤兌君子以朋友講習兩澤相麗自有許多滋益出來即相觀而善之謂摩也反是則孤陋而寡聞矣將何所須以有成耶

上止禁於未發四事此復加燕朋燕辟二事者何蓋凡教之法舍未發之禁失當可之時為陵節之

禮記學記疑問卷之七

廿三

施無相親之善則學者所比必匪正人所習必匪正業逆師廢學其事有必然者故特揭言之

故君子之教喻也喻字極下得好喻有不言自契意凡教貴喻以不言不專在論說上示以入道之

所由而不牽率其必進作與其志氣之所尚而不沮抑之使退開其從入之端而不竟其所通之地則受教者自從容以和自樂從而易自尋繹以思而喻以不言矣此可為善喻可為人師也下文曰

罕譬而喻曰博喻通是此箇喻字

學者有四失教者必知之人之學也或失則多或失

則寡或失則易或失則止此四者心之莫同也知其

心然後能救其失也教也者長善而救其失者也

多者憤求之太過也寡者精進之不力也易者或不量而敢承止者或自畫而不進此皆在學者之意念上故總云心之莫同也

博文約禮是一事易云約我以禮所以救其失之多博我以文所以致其失之寡

東萊呂氏曰四者心之莫同病各自別知其心然後能救其失譬如醫者要識他病處方始隨證用

藥極說得好

禮記學記疑問卷之七

廿四

善歌者使人繼其聲善教者使人繼其志其言也約而達微而臧罕譬而喻可謂繼志矣

微而臧者言意微婉而盡善也易曰其言曲而中可謂繼志者謂使人能繼其志也

君子知至學之難易而知其美惡然後能博喻能博喻然後能為師能為師然後能為長能為長然後能為君故師也者所以學為君也是故擇師不可不慎也記曰三王四代唯其師此之謂乎

美惡以資質言非是向道叛道

教莫善於博喻莫不善於舉施隨難隨易隨美隨

惡而曲成之不一舉取必是教之極善者

師能因材造就便能長養萬民便能君理天下故曰能為長能為君非以貴得民之說詩曰克明克類克長克君

師也者所以學為君也言師其人所以學為君也其所關甚大故擇師不可不慎

凡學之道嚴師為難師嚴然後道尊道尊然後民知敬學是故君之所不臣於其臣者二當其為尸則弗臣也當其為師則弗臣也大學之禮雖詔於天子無北面所以尊師也

禮記學記疑問卷之六

廿五

嚴師即尊師嚴陵方氏曰以一人之貴而師匹夫之賤以四海之富而師環堵之貧此嚴師所以為難也極造

輔源慶氏曰道未嘗不尊因其尊而尊之則係乎人之嚴師也說得好

善學者師逸而功倍又從而庸之不善學者師勤而功半又從而怨之善問者如攻堅木先其易者後其節目及其久也相說以解不善問者反此善待問者如撞鐘叩之以小者則小鳴叩之以大者則大鳴待其從容然後盡其聲不善答問者反此此皆進學之

道也

進學在善學善問又在善待問之人此條說善學不善學善問不善問又及善待問不善答問者教學之事亦畧備矣故曰此皆進學之道也待問與答問不同

記問之學不足以為人師必也其聽語乎力不能問然後語之語之而不知雖舍之可也

聽學者所問之語是聽語然必自家心領神會到融化貫通處乃能隨所聽而善應之也與記問之學正相反

禮記學記疑問卷之七

廿六

力不能問力字要細玩學者有疑思問至於力不能問可謂深於思矣語之當即有得此與憤悱之教同若語之而不知是強聒也雖舍之亦可舍之云者姑舍以俟其求然後教之進於知也非謂其終不可入德也註欠妥

哀公問曰寡君欲問不得其辭是力不能問良冶之子必學為裘良弓之子必學為箕始駕馬者反之車在馬前君子察於此三者可以有志於學矣弓冶之子尚學為箕裘况號為儒者乎馬子猶反駕而使之馴習而況於人乎此惕人之志於學極

警切

古之學者比物醜類鼓無當於五聲五聲弗得不和水無當於五色五色弗得不章學無當於五官五官弗得不治師無當於五服五服弗得不親物必有類比方事物而醜其類思慮將日以新神智將日以啓矣

鼓無當於五聲云云正其比物醜類處知得學禪五官師禪五服嚮學親師之念其敢一息懈乎

君子曰大德不官大道不器大信不約大時不齊察於此四者可以有志於本矣

禮記學記疑問卷之七

廿七

到不官不器不均不齊方是學之至極處然必造詣精深充養完粹實實先立箇大本始可以語此也註凡此四者皆以本原盛大而體無不具故變通不拘而用無不周也說得透

三王之祭川也皆先河而後海或源也或委也此之謂務本

祭先河而後海是務本之祭學先體而後用是務本之學

重訂禮記疑問卷之八

烏程後學承菴姚舜牧著

樂記

凡音之起由人心生也人心之動物使之然也感於物而動故形於聲聲相應故生變變成方謂之音比音而樂之及干戚羽旄謂之樂樂者音之所由生也其本在人心之感於物也是故其哀心感者其聲嗷以殺其樂心感者其聲嘽以緩其喜心感者其聲發以散其怒心感者其聲粗以厲其敬心感者其聲直以廉其愛心感者其聲和以柔六者非性也感於物

禮記樂記疑問卷之八

一

而後動是故先王慎所以感之者故禮以道其志樂以和其聲政以一其行刑以防其姦禮樂刑政其極一也所以同民心而出治道也

人知音聲之為樂而不知音之所自起故是篇論樂首提凡音之起由人心生也句示世之聞樂者必究樂之所自來不徒泥聲音之末世之作樂者必善其樂之所自始不徒事聲容之盛而已也此可該一篇之大義

物使之然也物字該得廣世道之盛衰政治之得失百凡事體之順逆凡有感於外而觸於中者皆

是也故下繫承感於物而動句

人心至虛至靈虛故無物不有無物不足以動其中靈故隨事即應隨事而各一其動

易曰咸感也天地感而萬物化生聖人感人心而天下和平觀其所感而天地萬物之情可見矣感於物而動即天地萬物自然之感也莊子天籟人籟之說亦足發感物之義

易曰同聲相應同氣相求人與天地萬物同此氣也此氣感於人心而聲自形焉如桴與鼓有不知其然而然者及其聲相應和清濁高下之變自生

禮記樂記疑問卷之八

二

亦不期然而然是為天機

辭根於意而意嘗不盡於辭便生許多疾徐長短之變節出來故註云聲之辭意相應

孟子曰樂則生矣生則惡可已也惡可已則不知足之蹈之手之舞之干戚羽旄手舞足蹈之形容也通從生則惡可已來樂兼聲容而後備故比音而樂之下必着及干戚羽旄句

樂者音之所由生也二句繫承上覆說一下隨起下其衷心感者云云見其感物而動有若此之異者故先王必慎其所以感之者不可忽也

感物而生哀曰衷心感感物而生樂曰樂心感此心在我不在物

哀樂喜怒敬愛及噍殺嘽緩發散粗厲直廉和柔字面方氏極體會得好但六箇以字較未發揮耳易曰六二之動直以方也言不徒直而又方也然其方却又自直中出也其直又直至於方也愚謂此六以字亦宜如此體貼

噍以殺分明寫出一箇哀來嘽以緩分明寫出一箇樂來詩曰我心寫字寫而形於聲也

禮記樂記疑問卷之八

三

性生理也生理在人心原無哀無樂無喜無怒無敬無愛却隨所感觸而哀樂喜怒敬愛形於聲焉

易曰寂然不動感而遂通天下之故正如此

六者皆物也物理具在性中曷云六者非性曰性非物也能物天下之物然方其未感時性自若耳及其有感亦隨物以應之已耳性之為性亦自若也是性原非物而六者原非性也下文人生而靜天之性也云云是此二句註疏

哀樂喜怒敬愛皆人情所不可無者要歸於中節為妙一不中節而天下治忽開焉所係非小故先王必慎所以感之者然其術不在乎他在禮樂刑



政各中其則適愜民心所願欲總歸於治耳

志難持故下箇道字聲或乖故下箇和字行不齊故下箇一字姦易萌故下箇防字道則使知自道也和則使無不和也一則使皆齊一也防則使無可防也註道其志之所行和其聲之所言似畫蛇添足

其極一也極字即書皇建其有極極字蓋禮樂政刑四者皆治法也總歸皇極之建是治本也治本立於上而治法備於下則其所好惡必與民心同而治道從此出矣是謂慎所以感之者

禮記集說卷之八

四

不徒曰慎感之曰慎所以感之者是必有本原者在愚固謂不專禮樂政刑四者之兼舉要在皇極之建也前後所以字正相應

王道本乎人情欲出治道未有不先同民之心者哀樂喜怒敬愛悲與民同而不異是謂同民心

凡音者生人心者也情動於中故形於聲聲成文謂之音是故治世之音安以樂其政和亂世之音怨以怒其政乖亡國之音哀以思其民困聲音之道與政通矣宮為君商為臣角為民徵為事羽為物五者不亂則無怙惡之音矣宮亂則荒其君驕商亂則敗其

臣壞角亂則憂其民怨徵亂則哀其事勤羽亂則危其財匱五者皆亂迭相陵謂之慢如此則國之滅亡無日矣鄭衛之音亂世之音也比於慢矣桑間濮上之音亡國之音也其政散其民流誣上行私而不可止也

首二句又是一提掇語承上而起下

上云六者非性也感物而後動分明是箇情了此故云情動於中

上文云聲相應故生變變成方謂之音此云聲成文謂之音成文而可聽即相應生變而成方也

禮記集說卷之八

五

其政和民心必安以樂其政乖民心必怨以怒其民困民心必哀以思故其音隨之曰聲音之道與政通安以樂怨以思哀以思語意相承然一字煞重一字道由也聲音之道謂聲音之所由也

觀聲音之道與政通則禮樂政刑不可不慎其所感矣此句是承上語而足其意然君臣民事物其綱也不得其理禮樂政刑之謂何此句又起下語而發其端

上只說箇音字不曾說出五音此提官商角徵羽來隨貼為君為臣為民為事為物見一音各主一

事五音之克諧在五事之各得其理也不然未有不至於滅亡者可畏哉而奈何不慎所感也語意極聯絡而懇惻

商角徵羽旋相為宮皆統於宮也臣民事物待命於君皆統於君也此立言者之外意

宮亂則荒云云是分言之辭五者皆亂云云是合言之辭然一亂則胥亂矣要識得

荒陂憂哀危在音上見驕壞怨勤墮在治上見有是治方有是音則治從可知矣滅亡無日益究其極言之也

禮記樂記疑問卷之八

六

書以貌言視聽思分屬五行曰皇建其有極此以君臣民事物分貼五音曰禮樂刑政其極一其意旨深矣

勤者畢力之謂也畢力而不勝若東南民力竭矣之謂其情亦可哀矣故曰徵亂則哀其事勤

易曰先王以茂對時育萬物萬物長育至昆蟲草木無不咸若財其充盈乎斧斤不以時入數畧入洿池財未有不匱者

鄭衛之音節正證滅亡無日

民流本政散來誣上行私而不可止則究極言之

耳此語氣一直下

凡音者生於人心者也樂者通倫理者也是故知聲而不知音者禽獸是也知音而不知樂者衆庶是也唯君子為能知樂是故審聲以知音審音以知樂審樂以知政而治道備矣是故不知聲者不可與言音不知音者不可與言樂知樂則幾於禮矣禮樂皆得謂之有德德者得也

此又一提擬聲音與政通却生於人心樂本聲音來却通於倫理知得倫理方知樂知樂則幾於禮是謂有德甚哉樂不可不知也

禮記樂記疑問卷之八

七

倫理非他君臣民事物各得其理之謂也八音克諧無相奪倫正是此倫字不止事物之倫類也

五者不亂則無怙懣之音五者皆亂則有滅亡之禍樂誠通於倫理矣知得樂通倫理則君臣民事物必令各得其所而後可也欲令各得其所禮樂刑政可不建極於其上乎是則先王之慎所以感之者語意極照應血脉極聯絡

審樂之和則必其君明其臣良其民安其事理其物阜其政之善所致也審樂之乖則必其君驕其臣慢其民怨其事勤其財匱其政之不善所致也

若此則禮樂刑政安得而不修皇極安得而不建  
故曰審樂以知政而治道備矣備云者無不修舉  
之謂也

幾禮幾字即易可與幾也幾字言通極於禮之精  
微也禮樂非二物知樂之精微知禮之精微非二  
事故總云禮樂皆得謂之有德德者得也

於聲音上知君臣民事物之理是謂知樂知此則  
君臣民事物將必各歸其理而皆止於至善矣是  
謂幾於禮

深造自得非強探力索德者得也

禮記樂記疑問卷之八

八

是故樂之隆非極音也食饗之禮非致味也清廟之  
瑟朱絃而疏越壹倡而三歎有遺音者矣大饗之禮  
尚玄酒而俎腥魚大羹不和有遺味者矣是故先王  
之制禮樂也非以極口腹耳目之欲也將以教民平  
好惡而反人道之正也

此條緊承禮樂皆得來故說樂非極音然自有遺  
音禮非致味然自有遺味要在自得之耳故隨承  
說先王之制禮樂云云

壹倡而三歎註云一倡之時僅有三人從而和之  
言和者少也以其非極聲音之美故好者少不知

此有遺音是倡之音耶抑和之音耶若倡之音此  
瑟一鼓那就有不盡之音若和之音則和在人聲  
與此瑟之鼓無與也何謂有不盡之音且本文是  
歎字決不當作和字解愚再三思之倡者音之倡  
也疑即今曲之引子乎歎者音之咏歎淫泆也疑  
即今之曲繼引子以後之轉調乎記者意若云此  
音之比於瑟者初時一倡耳繼而咏歎淫泆亦不  
過三耳音節何其簡畧哉乃太和之音寓於此倡  
此歎中者然聽之有不能盡者是謂無遺音耳敢  
問高明

禮記樂記疑問卷之八

九

一倡引而咏歎繁多然無可聽是無遺音一倡引  
而咏歎簡少然有可聽是有遺音

有遺音何須極音有遺味何須致味非極音非致  
味而自得其所謂有遺音有遺味者是謂有德  
何謂人道人所親敬者是也相親相敬而無悖逆  
詐偽之心無淫泆作亂之事是謂人道之正人道  
不正必自好惡不平和始此註極體得好

人生而靜天之性也感於物而動性之欲也物至知  
知然後好惡形焉好惡無節於內知誘於外不能反  
躬天理滅矣夫物之感人無窮而人之好惡無節則

是物至而人化物也。人化物也者，滅天理而窮人欲者也。於是人有悖逆詐偽之心，有淫佚作亂之事。是故強者脅弱，弱者暴寡。知者詐愚，勇者苦怯，疾病不養，老幼孤獨不得其所。此大亂之道也。是故先王之制禮樂，人為之節，衰麻哭泣，所以節喪紀也；鍾鼓干戚，所以和安樂也；昏姻冠笄，所以別男女也；射鄉食飪，所以正交接也。禮節民心，樂和民聲，政以行之，刑以防之。禮樂刑政四達而不悖，則王道備矣。

人生而靜，云云復原起好惡頭腦來，見民情嘗由此不得其平，失人道之正。此先王禮樂之制不可

禮記樂記疑問卷之八  
十  
廢於天下也。若感物而動等語，照應篇首又文章之血脉處。

生未與物接，是謂生而靜。性命於天者也。未與物接時，此性原是一天命，故曰天之性。

此性感物而動，天也。此欲自性而出，亦天也。唯無節而知，誘始為人欲耳。

好惡人所必有，但貴有節，不為物所誘耳。然一誘即知反躬，猶可自節而得其平。唯無節於內，知誘於外，而又不能反躬，至於人化物而悖逆詐偽淫佚作亂，無復人道之存，則大亂之道耳。此一節語

意與牛山之木章相似，讀者不可草草。

人只向前不知自反，所以乖好惡之情，能反躬而察理之，是非則好惡必有節而知，不能誘矣。安至於天理之滅哉？

知知之至，是知之本體。雖接於物，實無物也。知誘之知，則通是物誘，失却本體之知矣。此處要辨分明。

知如鏡然，鏡未看塵，隨至無所不照。是物至知知一着塵，染日漸昏，翳失其光明，是為知誘於外。

人化物三字極妙。人所異於物者，謂有此天性之禮記樂記疑問卷之八  
十一

知能應物，不為物所誘耳。為物所誘，則人亦化為物矣。然此三字語意玄微，恐人未曉，故緊申說滅

天理而窮人欲者也句。

嗟乎人欲何窮之有哉？天理制却不敢窮，是欲是稱人焉耳。滅却天理去窮人欲何時了？得名雖為人，實無異禽獸。此發明人化物三字極透發。

滅天理窮人欲的人心，無饜足悖逆詐偽何所不為？事無忌憚，淫佚作亂何所不至？強脅弱衆，暴寡

知詐愚，勇若怯，正其恣此心，此事以求遂其所欲者，天理安在哉？人道安在哉？而可復稱為人哉？此

先王亟制禮樂而人為之節也

滅天理而窮人欲總根好惡無節來故緊承說先王之制禮樂人為之節言節之以維人道以成其為人也註加一文字便失旨

人為之節是節其好惡之情然喪紀安樂男女交接其大者故承說云云

殺紀人之情節之使不過安樂人之情和之使不流男女人之情節之使不亂交接人之情正之使不實總之則所謂節也

有是心即有是聲有是行而宜防故禮樂政刑亦禮記樂記疑問卷之八

有次第

民心易蕩而難制故禮為之節民聲易發而常乖故樂為之和政以行之使必由禮樂之中刑以防之使不踰禮樂之外

前云禮樂刑政其極一也所以同民心而出治道也此云禮樂刑政四達而不悖則王道備矣可見王者之治不出此四端慎所以感之者慎此而已人為之節節此而已故反覆言之而不置也

樂者為同禮者為異同則相親異則相敬樂勝則流禮勝則離合情飾貌者禮樂之事也禮義立則貴賤

等矣樂文同則上下和矣好惡著則賢不肖別矣刑禁暴爵舉賢則政均矣仁以愛之義以正之如此則民治行矣

樂者禮者口氣若曰所謂樂者禮者之意云爾為同為異是禮樂之本體相親相敬則其本體之自然也唯一偏勝則離與流所不免耳故必合情飾貌乃成其為禮樂曰禮樂之事也

有是情必有是貌情與貌原非二物也合云飾云者從流與離說來若曰必如此則相親相敬始無敬成其為人道耳為禮為樂者不當若是乎故曰禮記樂記疑問卷之八

禮樂之事也

禮義立以下繫頂合情飾貌來歸到仁義上去見仁義禮樂交相為用是民治之行王道之所為備也

禮義立則貴賤等似飾貌而合情寓其中樂文同則上下和似合情而飾貌寓其中

禮必有義樂必有文故二字相聯說

樂文同何以云上下和文非聲容而已也樂根於心而見諸交際者罔非實情之發越也隨所交際而罔非真情之發越則行之於家莫不和親一家

之上下和行之於國莫不和敬一國之上下和推之天下莫不皆然

禮義立樂文同本上禮樂之事來說到好惡刑爵上去禮樂刑政王道之大端好惡著刑爵辨而政均是刑政與禮樂相為用者故總歸到仁愛義正曰如此則民治行

好惡明於上賢不肖別於下不肖之尤者曰暴可無刑乎賢者可無爵乎刑暴非偏惡爵賢非偏好是政之均也

上分政刑為二此合政刑為一此下更不復及政禮記樂記疑問卷之八

刑益政刑特輔禮樂之具耳移風易俗其必由禮樂乎故以下專言興禮樂事

不曰治民曰民治行見民由此治者無不行也

樂由中出禮自外作樂由中出故靜禮自外作故文大樂必易大禮必簡樂至則無怨禮至則不爭揖讓而治天下者禮樂之謂也暴民不作諸侯賓服兵革不試五刑不用百姓無患天子不怒如此則樂達矣合父子之親明長幼之序以教四海之內天子如此則禮行矣

究竟禮樂不可分內外記者但就所出所作者言

耳延平周氏曰樂由中出文在於外禮自外作本在於中說得好

禮樂無大無小無不貫徹然究其大體不在聲容節目間也故稱大禮大樂

易曰乾以易知坤以簡能易則易知簡則易從又曰易簡而天下之理得矣必易必簡本乾坤之易簡來此禮樂之至無怨不爭揖讓而天下治也

非極音非致味便見其必易必簡樂至禮至是禮樂之極也嚴陵方氏曰至則無以復加之謂

暴民不作諸侯賓服便兵革不試五刑不用兵革禮記樂記疑問卷之八

不試五刑不用便百姓無患天子不怒若此則太和在宇宙間有不薰蒸透徹乎是之謂樂達父子

有親合之自我長幼有序明之自我且舉斯心不敢慢於人以敬四海之內則人人親其親長其長

而天下平矣是之謂禮行樂達禮行便是無怨不

爭世界便是揖讓而治光景樂之關於民治豈小哉此王道之所必尚也此節語意是如此不必說禮之本立而用行禮之用行而樂之效達也

大樂與天地同和大禮與天地同節和故百物不失節故祀天祭地明則有禮樂幽則有鬼神如此則四

海之內合敬同愛矣禮者殊事合敬者也樂者異文合愛者也禮樂之情同故明王以相沿也故事與時並名與功偕

上文大樂必易大禮必簡已含箇天地意思了未直說出此直指天地言之見此禮樂之情原與天地無間故其功用亦與天地同流此明王以相沿而功名事業與天地相垂於不朽也

必易必簡分貼天地說同和同節統籠天地說天地非二氣禮樂非二物分言亦可合言亦可知其可以分可以合則幾於禮樂矣

禮記樂記疑問卷之八

十六

前但言禮節樂和不知此和此節直與天地相為配合與天地同其功用

百物各一其性也太和罔不保合是和故曰和故百物不失天地相合無間也祭祀秩以時舉是節故曰節故祀天祭地雖然辨上下定民志非百物不失乎易何以繫之履作樂崇德殷薦之上帝以配祖考非祀天祭地乎易何以繫之豫和與節原非二也節而不乖即為和而不流即為節唯和由節來故百物不失唯節由和出故祀天祭地一而二二而一者也知易與此記之旨之無異始可

言易言禮

明則有禮樂二句須細體會記者意若曰禮樂非苟焉而已者屈伸往來人知鬼神天地之功用不知此禮此樂之屈伸往來實與鬼神無間焉禮樂鬼神無間幽明更無差別則其和其節直與天地同其功用非苟焉而已者故曰如此則四海之內合敬同愛矣此只泛論禮樂未及聖人制作

暴民不作至天子不怒是同愛合父子之親至敬四海之內是合敬如此則四海之內合敬同愛矣正照上文以申足其意

禮記樂記疑問卷之八

十七

禮者殊事二句承上推言見此禮原殊事而合敬此樂原異文而合愛此明有禮樂而四海之內自然合敬同愛也然曰合敬曰同愛則其情本無不同凡欲以愛敬治天下者皆不能外此禮樂矣故承說禮樂之情同故明王以相沿也

禮之事亦殊矣然要之此敬無殊者樂之文亦異矣然要之此愛無異者此愛敬何從來感於物而動性之欲也情也情同而愛敬達之天下矣此殊事合敬異文合愛而明有禮樂四海之內無不合敬同愛也此情字下得極好

人同此性同此情制度文為可稍損益禮樂之情萬世不可改故曰五帝不相沿樂三王不相襲禮此曰禮樂之情同明王以相沿

帝王所建立曰事所表見曰名當是時有是事是事與時並成是功享是名是名與功偕通本沿禮樂之情泛泛說似爽快不宜分貼禮樂

故鍾鼓管磬羽籥干戚樂之器也屈伸俯仰綴兆舒疾樂之文也簠簋俎豆制度文章禮之器也升降上

下周還褐襲禮之文也故知禮樂之情者能作識禮樂之文者能述作者之謂聖述者之謂明明聖者述

禮記樂記疑問卷之八

十八

作之謂也

因說禮樂之情隨說器與文以形容之蓋禮樂之所重重其情也然器與文由此情以作用亦所不可少者故知得此情則聲為律身為度禮樂古所未有能先天而創作焉識得此文則聲比樂節比禮制作古所授受能後天而紹述焉此非聖明其孰能與於此故云作者之謂聖述者之謂明又云明聖者述作之謂也

以文論禮樂足矣何以又出器字情蘊於中文見乎外二者皆非器弗彰故所叙必先器而後文

此情字即情動於中情字孩提之童無不知愛其親及其長也無不知敬其兄此非真情乎禮樂之情即此愛敬之真情故極其至也四海之內合敬同愛焉耳恐不作理趣之深奧解

此識字要看得好夫子入廟必問欲行此禮於廟也是識禮之文季札觀樂而一一評論真知此意於樂也是識樂之文子貢曰賢者識其大者不賢者識其小者識原有小大不同若此篇識字當又在賢者之上也

文與情非二也知禮樂之情者一下併知之識禮樂之文者亦因文以識其情矣非止識文而已也

禮記樂記疑問卷之八

十九

要識得

聖與明無大別就作者言曰聖就述者言曰明耳明聖者述作之謂也是申說之詞

樂者天地之和也禮者天地之序也和故百物皆化序故群物皆別樂由天作禮以地制過制則亂過作則暴明於天地然後能興禮樂也

作者聖述者明總是能興禮樂之人然非知禮樂原頭不足以與於斯故直指此樂是天地之和此禮是天地之序制作皆有所不能外者故必明於



天地然後能興禮樂也

上說和節與天地同此說和序本原於天地

和是二氣之絀緼故百物皆化序是兩儀之森列故群物皆別

樂本天地之和以作而訢合無間若天運然故謂由天作禮本天地之序以制而各正不踰若地勢然故謂以地制曰以地制一過則踰其防矣故亂曰由天作一過則傷於戾矣故暴曰亂與暴與化與別頌殊故必明於天地然後可興禮樂

曰易曰簡禮樂分屬於天地矣而又合言曰大樂禮記樂記疑問卷之八

二十

與天地同和大禮與天地同節曰和曰序禮樂同出於天地矣而又分言曰樂由天作禮以地制分而合合而分以此知禮樂本非二物而論禮樂者之不可執於一也

延平周氏曰天地之所以節與和者以禮樂也禮樂之所以節與和者以天地也是天地則禮樂也禮樂則天地也此語極精粹可玩

論倫無患樂之情也欣喜歡愛樂之官也中正無邪禮之質也莊敬恭順禮之制也若夫禮樂之施於金石越於聲音用於宗廟社稷事乎山川鬼神則此所

與民同也

明天地能興禮樂然未達禮樂之本旨將如何明天地故舉樂之情樂之官禮之質禮之制詳言之論即宮商角徵羽倫即君臣民事物論與倫協而無患所謂五者不亂則無怙懣之音此樂之本情禮本大中本至正本中正而無邪此禮之本質註將二句通分作二段解或恐未當

論倫無患是樂之本情而欣喜歡愛則所以論倫無患者所以云樂之官中正無邪是禮之本質而莊敬恭順則所以由以中正無邪者所以云禮之禮記樂記疑問卷之八

十一

制劉氏註而在人者四字極中肯綮

欣喜歡愛四字細分之稍別而總歸一箇愛字莊敬恭順四字細分之亦稍別而總歸一箇敬字合敬同愛上文已明言之矣

論倫無患八句分明影出箇禮樂之情若夫禮樂五句則情之見於文而可見者也

王者功成作樂治定制禮其功大者其樂備其治辨者其禮具千戚之舞非備樂也執事而祀非達禮也五帝殊時不相沿樂三王異世不相襲禮樂極則憂禮粗則偏矣及夫教樂而無憂禮備而不偏者其唯

大聖乎

禮之詳悉曰辨達禮達字即達人達觀之達字

此方論帝王禮樂之不相沿襲曷云樂極而悲來  
曷云行禮粗畧而不能詳審愚謂此皆非本旨也  
上文不曰論倫無患乎欣喜歡愛之所比悉論倫  
而無患夫何憂又不曰中正無邪乎莊敬恭順之  
所履悉中正而無邪夫何偏此憂字正應上患字  
此偏字正應上邪字樂極是樂之任情處禮粗是  
禮之外飾處恐非若註所云云也

上云明聖此云大聖下云聖人明則禮樂幽則鬼

禮記樂記疑問卷之八  
廿二

神信非聖人不能作也

天高地下萬物散殊而禮制行矣流而不息合同而  
化而樂興焉春作夏長仁也秋歛冬藏義也仁近於  
樂義近於禮樂者敦和率神而從天禮者別宜居鬼  
而從地故聖人作樂以應天制禮以配地禮樂明備  
天地官矣天尊地卑君臣定矣卑高以陳貴賤位矣  
動靜有常小大殊矣方以類聚物以羣分則性命不  
同矣在天成象在地成形如此則禮者天地之別也  
地氣上齊天氣下降陰陽相摩天地相蕩鼓之以雷  
霆奮之以風雨動之以四時煖之以日月而百化興

焉如此則樂者天地之和也化不時則不生男女無  
辨則亂升天地之情也及夫禮樂之極乎天而蟠乎  
地行乎陰陽而通乎鬼神窮高極遠而測深厚樂著  
太始而禮居成物著不息者夫也著不動者地也一  
動一靜者天地之間也故聖人曰禮樂云

自天高地下至居鬼而從地統論天地間有自然  
之禮樂未便說到聖人至作樂以象天制禮以配  
地方說是聖人之效法註禮行樂興說聖人法之  
似太早近樂近禮說效法之所本似俱未當

二氣流行未嘗停息而細緼化醇是流而不息合

禮記樂記疑問卷之八

廿三

同而化易曰天地感而萬物化生

仁近樂義近禮是泛論禮樂敦和率神而從天別  
宜居鬼而從地亦泛論禮樂作樂以配天制禮以  
配地方看聖人說

合天地而言同此和也同此宜也同此鬼神之屈  
伸也分天地而言太和流行氣常發揚其天手樂  
敦和率神所以從天也辨物居方氣常收斂其地  
手禮別宜居鬼所以從地也此敦字率字別字居  
字從字通主自然者說註厚其氣之同辨其質之  
異達其氣之伸歛其氣之屈說不着行於天具於

地解從天從地更說不着

君臣貴賤小大性命象形皆禮之所在天尊地卑而君臣定卑高以陳而貴賤位動靜有常而小大殊類聚羣分則性命不同在天成象在地成形則禮制昭然其顯設矣禮非天地之別而何故曰如此則禮者天地之別也

觀天地尊卑即見君臣之禮定非定君臣之禮者取於天地尊卑之勢觀卑高之陳即見貴賤之位列非列貴賤之位者取於山澤卑高之勢也

嚴陵方氏曰陽常動而長陰常靜而消消則小而禮記樂記疑問卷之八

廿四

有別於大長則大而有別於小體得爽快

傳曰禮所以定性命也方類聚物羣分則性命原自不同矣禮定性命豈出此類聚羣分外耶

如衣與旗常之章是象也在天先已成其象宮室器具各有高卑大小之制是形也在地先已成其形

上齊下降相摩相盪雷霆風雨四時日月皆是氣之流行也而百化興焉則樂非天地之和而何觀此段說二氣之流行處即是樂則上段說兩儀之分列處即是禮矣不必說定君臣之禮列貴賤

之位為聖人之效法也天高地下萬物散殊而禮制行流而不息合同而化而樂興愚通主禮樂之自然說未着聖人正有見於此敢正高明化不時則不生是不和之所致男女無辨則亂升是無別之所致方興而未艾曰升

不期然而然雖欲不然不容不然是天地之情樂本天地之和禮本天地之別如此其明備則天地官如彼其不時無辨則不生亂升聖人明於天地明此而已

及夫禮樂以下是推極其至而言原禮樂之始本禮記樂記疑問卷之八

廿五

乎天穀乎地順陰陽而列鬼神究禮樂之致極乎天蟠乎地行陰陽通鬼神足矣猶以為未盡也故

復着窮高極遠而測深厚句

易曰乾知大始坤作成物樂著太始而禮居成物本此二句來三著字一樣看

太始易以著成物易以居草木茂區萌達羽翼奮角胎生蟄蟲昭蘇羽者嫗伏毛者孕鬻胎生者不殯卵生者不恤若後所云昭然顯著於兩間是謂著太始辨物居方安然各得其所是謂居成物

著太始昭然示人以不息矣分明是天居成物昭然示人以不動矣分明是地著太始而居成物渾然一動一靜往來循環而無端矣分明是天地之間故聖人曰禮樂云言唯此天地之和天地之別明備於禮樂故獨言禮不可獨言樂不可必合言禮樂始可盡其同流天地之至妙至妙也明於天地而興禮樂者必至此乃為無憾哉

易曰一陰一陽之謂道顯諸仁藏諸用鼓萬物而不與聖人同憂生生之謂易陰陽不測之謂神大地之間原一動一靜循環而無端者

禮記樂記疑問卷之八

廿六

前云大樂必易大禮必簡此云樂著太始禮居成物是文章之照應處

明於天地者必明到天地之間乃可興禮樂故聖人曰禮樂云

昔者舜作五絃之琴以歌南風夔始制樂以賞諸侯故天子之為樂也以賞諸侯之有德者也德盛而教尊五穀時熟然後賞之以樂故其治民勞者其舞行綴遠其治民逸者其舞行綴短故觀其舞知其德聞其謚知其行也大章章之也成池備矣韶繼也夏大也殷周之樂盡矣天地之道寒暑不時則疾風雨不

節則饑教者民之寒暑也教不時則傷世事者民之風雨也事不節則無功然則先王之為樂也以法治也善則行象德矣夫恭承為酒非以為禍也而獄訟益繁則酒之流生禍也是故先王因為酒禮壹獻之禮賓主百拜終日飲酒而不得醉焉此先王之所以備酒禍也故酒食者所以合歡也樂者所以象德也禮者所以綴淫也是故先王有大事必有禮以哀之有大福必有禮以樂之哀樂之分皆以禮終樂也者聖人之所樂也而可以善民心其感人深其移風易俗故先王著其教焉

禮記樂記疑問卷之八

廿七

明天地興禮樂古聖皆有之而唯舜為盛故稱舜作五絃之琴以歌南風云云其文章極有原委作樂以賞諸侯似無謂若德盛而教尊云云其語俱粹且自此以下時出一箇德字大有義理在德盛而教尊雖承諸侯說其實是泛論故說觀其舞知其德隨舉大章成池韶夏等言見其德其教非後世所可倫者故遂承說教者民之寒暑也因推說到善則行象德又說樂所以象德先王著其教其語似漫而實聯學者識得此意始可言樂舜作五絃之琴歌南風之詩解愠阜財其時風雨

節寒暑時變始制樂即此而被之管絃形之于羽也善則行象德斯其極乎先王著其教必若舜而後可故特首此語以起下文

德盛而教尊五穀時熟便含寒暑時風雨節意舜生三十登庸三十在位五十載陟方乃死其治民勞乎逸乎其舞行綴遠乎短乎故曰樂則韶舞曰章曰備曰繼曰大曰盡可以觀當時之教矣可以徵當時之德矣德盛而教尊五穀時熟數君有焉疏註數德字極有見

咸池備矣之備即上文其功大者其樂備備字

禮記集記疑問卷之八

廿八

堯德章明於天下咸池德被於天下韶繼堯德而重華夏光大堯舜之德殷周盡人事以弔民其德亦無愧於堯舜

教與事雖並舉然事特教之事耳

先王之為樂先王之自為樂也未施於教而教寓其中

先王之為樂也以法治也先王和其心以出治也先王不知也下文樂也者聖人之所樂也而可以善民心正申發此意讀之者要細體會為樂以法治先王不知其善也民共由之而象君

之德民亦不知其善也此即風移俗易一段光景但此則畧舉言之下文始詳發明之耳

方說為樂以法治何突出泰豕為酒一段樂非禮不節禮以綴淫乃先王之所為樂也

故酒食者三句語雖平而意有輕重若曰酒食以合歡樂其可已乎然樂所以象德非徒歡焉而已也禮所以綴淫要是以禮坊淫乃可以成此樂耳故繫承先王有大事云云

陳敬仲飲桓公酒辭曰臣卜其晝未卜其夜君子曰酒以成禮不繼以淫此禮以綴淫之一証

禮記集記疑問卷之八

廿九

哀樂總出於人情通是樂

樂可以善民心其感人深其移風易俗而皆本聖人之所樂來先王著其教即此所樂者而著之也夫民有血氣心知之性而無哀樂喜怒之常應感起物而動然後心術形焉是故志微噍殺之音作而民思憂彈諧慢易繁文簡節之音作而民康樂粗厲猛起奮末廣賁之音作而民剛毅蕪直勁正莊誠之音作而民肅敬寬裕肉好順成和動之音作而民慈愛流辟邪散狄成滌濫之音作而民淫亂因說樂可以善民心其感人深故從民之性情應

感處說起方及其所著之教非申言篇首一條之謂也然此語却與篇首語相照應

人只一團血氣耳血氣之靈竅曰心心含明覺曰知此皆生而有之者也故總名之曰性

凡民有性而情則無常其應其感皆起於物而後動然後心術形焉是音之所自來也故即志微雝殺等音而可知其心術

前再言感於物而動此加一應字一起字者何凡有感必有應而感應之動皆起於物由無哀樂喜怒之常也

禮記樂記疑問卷之八

三十

馬氏曰論樂之所始則起於心之所感而後發於聲音論樂之所成則反以感人心者也是故自哀心感者其聲雝以殺至於愛心感者其聲和以柔此言其音起於心之所感也至於所謂志微雝殺之音作而民思憂以至於狄成滌濫之音作而民淫亂故言其樂之所以感於人心也

是故先王本之情性稽之度數制之禮義合生氣之和道五常之行使之陽而不散陰而不密剛氣不怒柔氣不懾四暢交於中而發作於外皆安其位而不相奪也然後立之學等廣其節奏省其文采以繩德

厚律小大之稱比終始之序以象事行使親疏貴賤長幼男女之理皆形見於樂故曰樂觀其深矣

思憂康樂剛毅肅敬慈愛淫亂皆民心術之形其間有善有不善自非慎所為教曷由行象德是故先王本之情性稽之度數制之禮義云云以慎其所為教焉

本之情性而下註通就聖人作樂言固是自愚庸見先王著樂之教豈專聲音而已哉凡禮樂刑政之施制度文章之具所以昭示以為民極者無非教也無非樂也而總之因民而設非有強也故育

禮記樂記疑問卷之八

卅一

本之情性然欲善其情性不可無度數之陳也隨曰稽之度數不可無禮義之防也隨曰制之禮義生氣之和民所同賦合之而不乖五常之行民所固有道之而共由凡若此者無非約情而歸性使其發也可收陽而不散也使其卷也可舒陰而不密也高明者柔克剛氣不怒也沉潛者剛克柔氣不懾也此四者交暢於中而發作於外皆安其位而不相奪也則分明樂游於和氣中矣然後立之學等廣其節奏省其文采以繩德厚律小大之稱比終始之序以象事行使親疎貴賤長幼男女之

理皆形見於樂則樂與民情無間然矣民之情其深於樂乎樂之作其深於民情乎故曰樂觀其深先王著樂之教當必至是而後為著也愚味是節當如是體會若註聖人始因人情而作樂有變數禮義之詳而以之和天地之氣平天下之情云云然後推樂之教以化民成俗云云則始之度數禮義亦已詳矣乃至推樂之教以化民若樂師掌國學之政云云則此教更加於度數禮義上耶始和天地之氣平天下之情亦已盛矣乃至推樂之教以化民若十三舞勺成童舞象之類則此教更超

於平情和氣外耶此皆不通之論至將合生氣之和分陰陽將道五常之行分剛柔又謂天地之陰陽人心之剛柔并戾混淆吾不知其何見也敢問高明

王者之治本乎人情然凡民陰陽剛柔異稟其情性最難收攝而諧和除是分別度數可以約束得然度數一歸於禮義故本之情性下紫接稽之度數制之禮義句此無他合其生氣之和道其五常之行耳生氣五常民所共有不合則乖戾不和未有能由於常道者合且道之陰陽剛柔咸歸於和

暢而莫不各安其所矣先王本情性以立教固如此然惟民德厚非久久陶鎔不能固也故又立之學等廣其節奏省其文采以繩之繩云者使之繫而不解也然欲其行象德未可速化也故又律大小之稱比終始之序以象之象云者立象而使之同也若是則親疎貴賤長幼男女之理一一象上之德皆形見於樂矣此豈淺淺焉化理而已哉故曰樂觀其深

民函二氣以有生其生氣本同而五常亦同唯是陰陽剛柔異稟不能合却此生氣之和而五常亦時或有乖耳稽度數制禮義詳所為合之道之之術則生氣之和莫不保合而不散不散不怒不懾固有若或使之者矣且此四暢交於中而發作於外五常之行各安其位而不相奪焉非本情性稽度數制禮義其孰能至於此

立天之道曰陰與陽立地之道曰柔與剛本相和而不相悖者陽不散陰不密剛不怒柔不懾則與天地生氣之和適相合矣此由合生氣之和來氣曷以生名此氣有陰有陽有剛有柔總歸於生萬物也

道者道之使行也五常之行各有其位皆安其位而不相奪是可徵五常之無不道矣

本情性稽度數制禮義合生氣之和道五常之行到四暢交於中而發作於外皆安其位而不相奪此非樂之教而何然非專事聲音而已者故愚不取聖人作樂之說

德行者何此五常之具於性者也事行者何此五常之見於行者也觀親踈貴賤長幼男女之理句自見得

民德本厚繩之則厚者不壞事行本與民同象之禮記樂記疑問卷之八

卅四

則民皆嚮方親踈貴賤長幼男女之理皆形見於樂是前章之所謂行象德也

小大之稱終始之序樂也律之比之象此事行以示民也故民皆則而像之曰使親踈貴賤長幼男女之理皆形見於樂

皆安其位而不相奪分明親踈貴賤長幼男女之理唯又益陶鎔於禮教中故此理皆形見於樂如此以繩德厚如此以象事行使親踈貴賤長幼男女之理皆形見於樂更何得失之可言註人倫之理其得失皆可於樂而見之似謬

親踈貴賤長幼男女之理皆形見於樂其化非淺淺者樂皆備有之亦非淺淺者故曰樂觀其深

土敝則草木不長水煩則魚鼈不大氣衰則生物不遂世亂則禮慝而樂淫是故其聲哀而不莊樂而不安慢易以犯節流酒以忘本廣則容姦狹則思欲感條暢之氣減平和之德是以君子賤之也凡姦聲感人而逆氣應之逆氣成象而淫樂興焉正聲感人而順氣應之順氣成象而樂興焉倡和有應回邪曲直各歸其分而萬物之理各以類相動也是故君子反情以和其志比類以成其行姦聲亂色不留聰明禮記樂記疑問卷之八

卅五

淫樂慝禮不接心術情慢邪辟之氣不設於身體使耳目鼻口心知百體皆由順正以行其義然後發以聲音而文以琴瑟動以干戚飾以羽旄從以蕭管奮至德之光動四氣之和以著萬物之理是故清明象天廣大象地終始象四時周還象風雨五色成文而不亂八風從律而不姦百度得數而有常小大相成終始相生倡和清濁迭相為經故樂行而倫清耳目聰明血氣和平移風易俗天下皆寧故曰樂者樂也君子樂得其道小人樂得其欲以道制欲則樂而不亂以欲忘道則惑而不樂



先王著樂之教固若此其詳且備矣然以身教者從自非君子反情以和志比類以成行則此身與樂尚有間焉者安能移風易俗以觀樂教之成故復從禮慝樂淫說起見聲氣感應之必然故君子必反情和志比類成行皆由順正以行其義發形於樂則風俗之移易天下之皆寧有不期然而然者語意極融貫而聯絡

樂以象德全由禮以綴淫始世亂禮慝而樂淫其聲多不中其節感條暢之氣滅平和之德有必然無疑者

禮記集說疑問卷之八

卅六

哀而不莊六句通根其聲來是樂之淫處然語有次第感條暢之氣滅平和之德則淫樂所必致者故緊接姦聲感人而逆氣應之云云

哀樂不莊不安便慢易以犯節流湎以忘本其縱放處則容姦其緊隘處則思欲

哀樂皆有節皆有本不莊不安其慢易如何其流湎如何所以犯節而忘本

慢易流湎到放蕩而無收處姦所淵藪也故曰廣則容姦到偏隘而不堪處欲其勝求乎故曰狹則思欲感條暢之氣感字訓感傷極妙

天地之氣本條暢也一感傷將何以合其和人心之德本平和也一漸滅將何以道其行應氏曰聲感於微而氣之所應者甚速氣應於微而象之所成者甚大此四句說得極好

倡和有應至各以類相動也是究淫樂和樂之興之極致處

反情比類二句是頭腦不留不接不設至皆由順正以行其義則所謂反情比類之實事也

情者性之欲也欲無涯志亦無涯故常苦而不自得將此情收約將來而不窮其欲則此志常自適

禮記集說疑問卷之八

卅七

而無不和故曰反情以和其志反取收約之義萬物之理各以類相動君子欲善其行須是比方其類使必向善而背惡然後其行為可成也故曰比類以成其行

順與淫逆對正與回邪對皆由順正以和其義情其歸於太和乎是謂反情以和其志行其歸於善類乎是謂比類以成其行

耳目口鼻心知百體皆由順正以和其義一身皆樂矣故承說然後發以聲音而文以琴瑟云云發以聲音是人聲琴瑟其所被者故曰文蕭管其

所協者故曰從于戚羽旄則應此聲音舞蹈以為儀者也故曰動曰飾

聖人極至之德照耀於來茲者於此聲容發越出來故曰奮至德之光天地和順之氣流行於四時者於此聲容鼓盪出來故曰動四氣之和萬物之理各得其所而莫知其所以然也有此聲容之備其情可立見矣故曰以著萬物之理君子由順正以行義發形於聲音者其妙一至於此則此樂之清明廣大終始周還真有未易以名言者故復備舉而形容焉

禮記樂記疑問卷之八

廿八

五色配五聲八風按十二律百度合天地之數皆樂之所有也音合於律曰小大焉曰終始焉曰倡和清濁焉皆樂之所有也五色成文而不亂則聲之和可知八風從律而不姦則律之和可知百度得數而有常則數之合可知小大相成無乖悖焉終始相生無止息焉倡和清濁迭相為經無怙懣焉斯樂也其通於倫理乎其論倫無患乎故樂行而倫清其在人身則耳目聰明血氣和平動盪於此樂之中不知其所使也其在天下則風移俗易而咸寧陶鑄於此樂之中不知誰之所為也樂也

者聖人之所樂也而可以善人心其感人深其移風易俗一至於此此記者所為言之疊疊也

君子由順正以行義風移俗易而咸寧則知廣樂之教必有其本矣然所以反情和志者全在以道制欲故復推出而申明之

惑於物而動性之欲也人情皆有之唯君子樂得其道不為欲使能以道而制欲異於小人之以欲忘道者耳

君子以得道為快自以道而制欲小人以得欲為快便以欲而忘道

禮記樂記疑問卷之八

廿九

樂而不亂是謂真樂惑惑也惑惑其心滅天理而窮人欲欲其有窮乎哉所以終不樂

是故君子反情以和其志廣樂以成其教樂行而民鄉方可以觀德矣德者性之端也樂者德之華也金石絲竹樂之器也詩言其志也歌咏其聲也舞動其容也三者本於心然後樂器從之是故情深而文明氣盛而化神和順積中而英華發外惟樂不可以為偽

以道制行此情常不放而此志常自適是教本也由此情此志發越於聲音如上文所云以成其教

則樂之行也民皆卿方矣是所謂行象德也即行象德而君子之德作則於民者不從可知哉故曰可以觀德矣

教必至樂而後成故曰廣樂以成其教

曷謂卿方親踈貴賤長幼男女各歸於理而無悖也是謂風移是謂俗易是謂天下寧

因說可以觀德隨說德者性之端云云見德根所性樂象此德中外相符有不可為偽者

德即性也何以下箇端字性蘊於中不可見也德則有可舉言者若端之可拈起耳故下字若此

禮記集說卷之八

四十

詩言其志歌咏其聲舞動其容華也而皆本於心所謂奮至德之光者故曰樂者德之華

樂有情有文其情深者其文自明有是情自有一段勃鬱而不可遏之氣便可以格神祇和上下至

百獸率舞之神化故說氣盛而化神此曷以故和順充積於中而英華自發越於其外也然則樂豈

可以為偽哉一性焉而已矣德焉而已矣故曰此可以觀德也愚謂情深而文明三句宜如此看

和順二字不分情與氣自然充適而無乖逆也和樂者心之動也聲者樂之象也文采節奏聲之飾也

樂者心之動也聲者樂之象也文采節奏聲之飾也

君子動其本樂其象然後治其飾是故先鼓以鼗三歩以見方再始以著往復亂以飭歸奮疾而不拔極幽而不隱獨樂其志不厭其道備舉其道不私其欲是故情見而義立樂終而德尊君子以好善小人以聽過故曰生民之道樂為大焉

由三者本於心樂器從之看來樂是心之動匪動則無是樂金石絲竹之聲象此心之動而出之者豈不是樂之象若其間文采節奏則所以飾其聲

者君子動其本本字即是心字動其本樂其象所謂感於物而動比音而樂之者也比音而樂之方

禮記集說卷之八

四一

及于戚羽旄故說然後治其飾先鼓以鼗戒六句

正治其飾事獨樂其志以下則著樂之妙有若此者此足以感動人心說生民之道樂為大也

奮疾句訓舞之容如其不過於疾當矣極幽句訓樂之道雖曰幽微難知云云似未見樂愚謂樂之作也究其至蓋通極於深微窮渺之中而實則

未嘗不顯著於其外是謂極幽而不隱也

人各有志故稱獨樂道公天下故稱備舉獨樂便

備舉不厭備舉便蕩蕩無私曰獨樂其志不厭其道者言樂有深愜其人之志者皆本此道為愉快

習常而不厭者也曰備舉其道不私其欲者言樂有推及大道之公者皆從所欲以宣暢大同而不私者也道外無志欲外無道

日用飲食而不知是不厭其道欲立欲達而同人是不私其欲

情到發見處乃見時措之宜故曰義立樂到終竟處方知充養之盛故曰德尊

樂由心生者也是心之動聲比於器者也是樂之象文采節奏則所以飾是聲者君子動其本而心和樂其象而聲著然後治其飾而樂作焉是故先禮記樂記疑問卷之八

四二

鼓以警戒齊其志也三步以見方習其容也再始以著往明其進焉復亂以飭歸謹其退焉舞有軼起而奮疾者不失之拔音有通極於幽玄者不終於隱是皆治飾事也而由此以獨樂其志則日用不知不厭其道矣由此以備舉其道則大同無我不私其欲矣是故即其情之見也知所作作用皆協諸義而義立觀其樂之終也見所造詣皆深於德而德尊君子以好善小人以聽過蓋皆各有所得而與樂俱化矣故曰生民之道樂為大焉言樂深於治而移風易俗莫有善於斯者也愚謂此條大

意是如此解

樂也者施也禮也者報也樂樂其所自生禮反其所自始樂章德禮報情反始也

樂樂其所自生言此中有一種樂處如天生的一般有遏抑而不可得者所謂樂斯二者樂則生而惡可已也此其所為施也然則樂非章德而何禮反其所自始言此中常思本來有所以受我者如萬物本乎天人本乎祖皆不可不反也此其所為報也然則禮非報情反始而何

樂也者情之不可變者也禮也者理之不可易者也禮記樂記疑問卷之八

四三

樂統同禮辨異禮樂之說管乎人情矣

樂隨感而變然皆根於情情哀則哀情樂則樂實有未嘗變者故曰情之不可變禮隨時而易然要歸於理理行則行理止則止實有未嘗易者故曰理之不可易情不可變則統觀天下人同此情是為統同理不可易則析觀天下各一其理是為辨異然則其同也乃所以合其異乎其異也乃所以別其同乎人情唯同而異所以與天地同其序與天地同其和也禮樂於是備焉故曰禮樂之說管乎人情

情理亦時有變易矣然其變也乃所不可變者也其易也乃所不可易者也要識得

窮本知變樂之情也著誠去偽禮之經也禮樂傾天地之情達神明之德降興上下之神而疑是精粗之體領父子君臣之節

上說不可變此何以云知變人心感物而動本極其變也唯極其變者未嘗改移故曰情之不可變耳

樂由心生窮究本原而知其變則真情得矣故曰樂之情禮非飾貌顯著誠實而去其偽則常經立禮記樂記疑問卷之八

矣故曰禮之經

四四

論禮樂到情處經處極矣故說傾天地之情云天地欲以高下散殊合同不息者示人其情也然情不可見也禮樂若負之而出故下箇傾字高下散殊合同不息其迹也而神明之德寓焉禮樂之制作直與之貫徹故下箇達字上下之神相為陟降也故下降興二字精粗之體異矣然形而上者悉具在形而下者實合一而無間也故下箇疑字若父子君臣之節則其所總會矣故下箇領字論說到天地神明上下精粗父子君臣至矣盡矣

乃禮樂傾且達焉降興而疑且領焉則其制作之妙真有不可以名言盡者故下文隨說大人舉禮樂則天地將為昭焉

是故大人舉禮樂則天地將為昭焉天地訢合陰陽相得煦妪覆育萬物然後草木茂區萌達羽翼奮角觝生蟄蟲昭蘇羽者偃伏毛者孕鬻胎生者不殯而卵生者不殯則樂之道歸焉耳

初說大樂與天地同和大禮與天地同節言禮樂之本體與天地無二也次說樂者天地之和禮者天地之序則天地具在禮樂中矣茲說大人舉禮樂天地將為昭焉則禮樂又有助於天地矣一節

四五

禮樂之道大矣非大人疇能舉之故下大人二字舉禮樂云者舉所領所達所降興疑領者悉體於身心顯設於政治也天地將為昭即得一以清得一以寧自為覆載生成昭著而不可掩耳註將以禮樂而昭宣天地化育之道恐失本旨不敢從

天地訢合云云正為昭之實功獨曰樂之道歸焉耳者因說太和之極故止歸於樂且見本旨之在論樂也

樂者非謂黃鍾大呂弦歌干揚也樂之末節也故童者舞之鋪筵席陳尊俎列饌豆以升降為禮者禮之末節也故有司掌之樂師辨乎聲詩故北面而弦宗祝辨乎宗廟之禮故後尸商祝辨乎喪禮故後主人是故德成而上藝成而下行成而先事成而後是故先王有上有下有先有後然後可以有制於天下也論禮樂至天地為昭極矣然恐世儒不察率求之聲容器數之末也故舉而歸之德行焉易曰神而明之存乎其人默而成之不言而信存乎德行正此箇德行

禮記樂記疑問卷之八

四六

德成者在上藝成者在下其位自如此行成者居先事成者居後其序自如此有上有下有先有後則先王為之也

凡治天下者未嘗無制於天下然位序不明人誰與我唯將德藝行事如是其序列則民莫不從矣故說然後可以有制於天下

前云立之學等廣其節奏省其文采以繩德厚律小大之稱比終始之序以象事行正謂此德此行之為重也

魏文侯問於子夏曰吾端冕而聽古樂則唯恐卧聽

鄭衛之音則不知倦敢問古樂之如彼何也新樂之如此何也子夏對曰今夫古樂進旅退旅和正以廣弦匏笙簧會守拊鼓始奏以文復亂以武治亂以相訊疾以雅君子於是語於是道古脩身及家平均天下此古樂之發也今夫新樂進俯退俯姦聲以濫溺而不止及優侏儻獲雜子女不知父子樂終不可以語不可以道古此新樂之發也今君之所問者樂也所好者音也夫樂者與音相近而不同文侯曰敢問何如子夏對曰夫古者天地順而四時當民有德而五穀昌疾疫不作而無妖祥此之謂大當然後聖人

禮記樂記疑問卷之八

四七

作為父子君臣以為紀綱紀綱既正天下大定天下大定然後正六律和五聲弦歌詩頌此之謂德音德音之謂樂今君之所好者其溺音乎文侯曰敢問溺音何從出也子夏對曰鄭音好濫淫志宋音燕女溺志衛音趨數煩志齊音敖辟喬志此四者皆淫於色而害於德是以祭祀弗用也詩云肅雍和鳴先祖是聽夫肅肅敬也雍雍和也夫敬以和何事不行為人君者謹其所好惡而已矣君好之則臣為之上行之則民從之詩云誘民孔易此之謂也

曰端冕而聽古樂便見聽鄭衛之音不必端冕矣

人情惡拘檢樂故縱冕而聽自倦於不冕而聽者冠而見自倦於不冠而見者

和不乖也正不偏也以廣無所不該也讀弦匏笙簧六句可識其所謂和正以廣矣

樂初作時翕然齊鳴故稱始奏以文將終時雜然並舉故稱復亂以武於其雜亂時必有所以治之者矣而以相焉相者輔也於其亂而奮疾也必有以訊之者矣而以雅焉雅者正也此其和也如何正也如何以廣如何而執其事者皆齊一而無參差故從進旅退旅說起

禮記樂記疑問卷之八

四八

君子於是語於是道古蓋深有契乎其衷而自稱道之不容已也所以用之修身而齊家治國平天下不能外焉註於此而語樂云云似未得旨

世既大當而治又大定當是時而作樂非德音而何引詩只重莫其德音句

知德音之謂樂則知害於德者不足以語樂矣

四國之音皆溺音也而皆從淫志溺志頌志喬志出故以答溺音何從出之問

志本一也志常定也而好濫燕女趨數教辟至於淫焉溺焉頌焉喬焉則皆淫於色之故而非其德

也故害於德而祭祀弗用也

趨數便有苟合意教辟則肆無忌憚如莊公通於魯夫人者然是皆淫於色而害於德者

雍雍之和本肅肅之敬來故曰夫敬以和人君貴慎所以感之者而音樂為最

茲聲則與正聲異矣且以濫焉溺而不正焉而及優侏儒優雜子女不知父子焉分明胡樂雜劇故曰樂終不可以語不可以道古

然後聖人作為鞀鼓柷敔塤箎此六者德音之音也然後鍾磬竽瑟以和之干戚旄狄以舞之此所以祭

禮記樂記疑問卷之八

四九

先王之廟也所以獻酬酢也所以官序貴賤各得其宜也所以示後世有尊卑長幼之序也

此節應叙在莫其德音下看六者德音之音句及此所以祭先王之廟也句自見得

長樂陳氏曰播鞀而鼓從之中聲以發焉擊柷而柷止之中聲以節焉吹塤而箎應之中聲以和焉

蓋弦歌詩頌中聲之所止也而謂之德音則鞀鼓柷敔塤箎中聲之所出也謂之德音之音不亦宜乎此一段說得極明

鍾聲鏗鏗以立號號以立橫橫以立武君子聽鍾聲

則思武臣石聲磬磬以立辨辨以致死君子聽磬聲則思死封疆之臣絲聲哀哀以立庶庶以立志君子聽琴瑟之聲則思志義之臣竹聲溫溫以立會會以聚聚君子聽箏篳蕭管之聲則思畜聚之臣鼓鼙之聲謹謹以立動動以進衆君子聽鼓鼙之聲則思將帥之臣君子之聽音非聽其鏗鏘而已也彼亦有所合之也

此五條無甚意義但歸在末三句要聽音者有契於其心耳

君子之心常欲得武臣以禦侮欲得死封疆之臣禮記集記疑問卷之八 五十

以固守欲得志義之臣以礪世欲得畜聚之臣以養民欲得將帥之臣以立功故隨所聽之聲輒各致思焉耳不然而奚以聽矣以思

鏗然中然有一段橫放之氣使儒者之能自立也故連下三箇立字詩曰赳赳武夫公侯干城其橫如何其武如何此君子聽橫武之聲而深致思也到死生之際不易其介方稱立辨

庶以立志全以義勝不奪於欲故稱志義之臣聲音溫然處不期會而自會不期聚而自聚矣會是合將籠來聚便有生養之意故下云思畜聚

之臣易曰君子以容民畜衆

易曰師衆也貞正也能以衆正可以王矣長子帥師正能謹動以進衆者

彼亦有所合之也不在樂契吾心在吾心之契於樂魏文侯之心喜溺音而不喜德音蓋於古樂未有所合也焉怪其聽焉而唯恐卧哉

魏文志方有為故子夏別古樂於新樂使之知所聽齊宣資性庸下故孟子進今樂於古樂使之知所進

賓牟賈侍坐於孔子孔子與之言及樂曰夫武之備禮記集記疑問卷之八 五一

戒之已久何也對曰病不得其衆也咏歎之淫液之何也對曰恐不逮事也發揚蹈厲之已蚤何也對曰及時事也武坐致右憲左何也對曰非武坐也聲淫及商何也對曰非武音也子曰若非武音則何音也對曰有司失其傳也若非有司夫其傳則武王之志荒矣子曰唯丘之聞諸義弘亦若吾子之言是也賓牟賈起免席而請曰夫武之備戒之已久則既聞命矣敢問遲之遲而又久何也子曰居吾語汝夫樂者象成者也摠干而山立武王之事也發揚蹈厲太公之志也武亂皆坐周召之治也且夫武始而此出再



成而滅商三成而南四成而南國是疆五成而分周公左召公右六成復綴以崇天子夾振之而駟伐威威於中國也分夾而進事蚤濟也久立於綴以待諸侯之至也且女獨未聞牧野之語乎武王克殷反商未及下車而封黃帝之後於薊封帝堯之後於祝封帝舜之後於陳下車而封夏后氏之後於杞投殷之後於宋封王子比干之墓釋箕子之囚使之行商容而復其位庶民弛政庶士倍祿濟河而西馬散之華山之陽而弗復乘牛散之桃林之野而弗復服車甲衅而藏之府庫而弗復用倒載干戈包之以虎皮將

禮記樂記難問卷之八

五二

帥之士使為諸侯名之曰建纛然後天下知武王之不復用兵也散軍而郊射左射狸首右射騶虞而貫革之射息也裨冕擗笏而虎賁之士說劍也祀乎明堂而民知孝朝覲然後諸侯知所以臣耕籍然後諸侯知所以敬五者天下之大教也食三老五更於大學天子袒而割牲執醬而饋執爵而酌冕而揔于所以教諸侯之弟也若此則周道四達禮樂交通則夫武之遲久不亦宜乎

看武王之志荒矣句賓年賈亦可與言樂者故孔子詳問之復詳告之

武王之征誅豈得已哉天與人歸責不容辭耳病不得其衆恐不逮事二語俱得武王之意及時事也正說發揚蹈厲之以其時非武王坐也便見武無此坐法修文治者則有之之意若論聲淮及商斷然曰非武王之志則其識時過人遠甚矣夫子曰是也蓋通所對皆是之非獨是其最後一段也恐不逮事句賈蓋謂武王之心恐不及與諸侯同此事耳是自抱其恐也註訓武王恐諸侯後至者不及戰事則武王有意於富天下望諸侯之至為我助矣失旨之甚

禮記樂記難問卷之八

五三

或曰然則孔子所謂待諸侯之至者非與曰待者待其自至也至則共其事不至則可無伐也此武王之志也若恐諸侯後至不及戰事致望慕之情則與孔子之所謂待者異矣此愚謂賓年賈之言合孔子待字之意而訓詁家則失賈恐字之旨也子謂武未盡善亦惜其所遇之不幸耳若其志固昭然於天下萬世者此賓年賈之言與長私合而孔子亟是之也

總干而山立可槩武樂之象成矣下文則詳發之耳

凡祭與養老皆冕而總干總干非便欲為征討也  
夫子說武王心事在山立二字上如山之立巍然  
不動何嘗有心以取天下哉諸侯皆至不得已以  
為伐耳註持盾以待諸侯之至似未得肯  
武王之事武王之志為之也即太公居東海之濱  
亦何意於奮武哉唯時商紂暴虐之甚民皆不堪  
而天意欲殄滅之故奮揚威武相武王平其禍亂  
耳太公之志武王任之即武王之志也易曰湯武  
革命順乎天而應乎人

左文右武武坐致右憲左蓋偃武而修文也故說  
禮記樂記疑問卷之八

五四

是周召之治

且夫武一節備舉武六成以申上意夾振之二句  
又申始而北出以下事分夾二句申其北出之欲  
登濟也久立二句申其初時無意於北出也

易之解曰无所往其來復吉有攸往夙吉言聖人  
解天下之難如可以無往則宜來復其所不輕出  
以始其禍如不得已而有往則宜早往早復不可  
耽延在外貽其禍於無窮也此事登濟也句正有  
攸往夙吉之意

以待諸侯之至待其自至耳武王初何意於得天

下哉其未出也只是箇待字待又至於久其既出  
也只是箇濟字濟又極其蚤

延平周氏曰必封先代之後如此者示其無意於  
天下雖曰得之亦與先代之後共之也此語是  
金華應氏曰商容開廢於家武王固已親式其閭  
以致敬而未敢輕起之而遽任以事也故使箕子  
同類之賢先行而訪之道達殷勤而後復其位此  
解使之行三字有着落

毒天下莫如兵武王下車反商政偃干戈不復用  
最得靖亂之大體

禮記樂記疑問卷之八

五五

治天下以禮讓而暴戾驚悍無所用之貫革射息  
示天下以德虎賁之士說劍示天下以文祀明堂  
以示孝朝覲以示臣耕籍以示敬而又臨視大學  
養三老五更以教諸侯之弟其氣象甚從容其節  
目甚詳密周道四達禮樂交通固其所矣此豈一  
朝一夕之故哉此武之遲而又久之所以為宜也  
金華應氏曰戒之久立之久固無急於富天下之  
心遲之遲而又久又必緩以待天下之化說極透  
君子曰禮樂不可斯須去身致樂以治心則易直子  
諒之心油然而生矣易直子諒之心生則樂樂則安安

則久久則天天則神天則不言而信神則不怒而威  
致樂以治心者也致禮以治躬則莊敬莊敬則嚴威  
心中斯須不和不樂而鄙詐之心入之矣外貌斯須  
不莊不敬而易慢之心入之矣

凡人一身自內及外或動或靜皆與禮樂相周旋  
有不可須臾離者故曰禮樂不可斯須去身

致樂以治心是徹上徹下語故其始也着此句到  
天且神也亦綴此句

致樂治心雖是研窮此樂之情以治內然此樂却  
從何來我心所自有者也我研窮我心所自有者

禮記集說疑問卷之八

五六

日充養而融液之使畧無乖戾之形此心自然日  
歸於和順渣滓不期消而自消邪穢不期滌而自  
滌矣是謂致樂以治心

易直子諒之心非由外來我所自有也唯人無自  
治之意此心隱而不見耳我實致樂以治心此心  
便油然而生而樂而安而久而天且神莫能禦之矣

孟子樂則生矣一段與此正相印

初間致樂治心易直子諒之心便生生則愈益樂  
焉至於安且久天且神皆是天機之不容已也  
樂是此心之悅豫安是此樂之馴習久則此安之

有常也真西山曰久久則天渾然天成無作為也天  
則神變化無方不可度思也天雖何言人自信之  
以其不惑也神雖不怒人自畏之以其不測也

論語曰天何言哉四時行焉此便是不言而信易  
曰神武而不殺者夫此便是不怒而威

到天則不言而信神則不怒而威纔了得致樂治  
心事故收語曰致樂以治心者也

玩中庸禮所生也句禮亦我身所自有者我日研  
窮以治其躬此躬便日收斂檢束而莊敬所謂莊  
敬日強者是也莊敬日強則不期尊嚴而自嚴不

禮記集說疑問卷之八

五七

作威福而自威矣致禮治躬者到嚴威地位與致  
樂治心者到天神地位一般故其語不叔結

和樂莊敬心之本體鄙詐易慢非心體也何亦以

心言曰心只一箇除却和樂便是鄙詐了豈不是  
鄙詐之心除却莊敬便是易慢了豈不是易慢之

心但和樂莊敬是心之本主而鄙詐易慢是客從  
外來者故曰入耳易曰剛自外來而為主於內言

本心已失而復來也是好的此曰鄙詐易慢之心  
入之矣言中心無主而竊入也是不好的朱子曰  
入之一字正見外誘使然非本心實有此惡雖非

本有然既為所奪而得以為主於內非心而何此  
極闡得明白

禮雖曰治躬曰外貌然皆此心主之也故說不莊  
不敬而易慢之心入

故樂也者動於內者也禮也者動於外者也樂極和  
禮極順內和而外順則民瞻其顏色而弗與爭也望  
其容貌而民不生易慢焉故德輝動於內而民莫不  
承聽理發諸外而民莫不承順故曰致禮樂之道舉  
而錯之天下無難矣

由治心治躬看來樂也者動於內者也要貴於和  
禮記樂記疑問卷之八 五八

禮也者動於外者也也要貴於順安久天神則樂極  
和矣莊致嚴威則禮極順矣內和而外順則其威  
人動物自有不可言者故說致禮樂之道舉而錯  
之天下無難焉

禮何以下箇順字動容周旋中禮非順而何  
禮樂原不可分故說內和外順中下一而字

瞻其顏色而弗與爭便是承聽了望其容貌而不  
生易慢便是承順了故德輝動於內云云蓋本禮  
樂之發動打緊重說一下耳

致禮致樂致字與中庸致中和致字一般

樂也者動於內者也禮也者動於外者也故禮主其  
減樂主其盈禮減而進以進為文樂而反以反為  
文禮減而不進則銷樂盈而不反則放故禮有報而  
樂有反禮得其報則樂樂得其反則安禮之報樂之  
反其義一也

上本治心治躬說來見禮樂感動之深此亦本治  
心治躬說來見禮樂會歸之一

禮動於外以樽節退讓為本故主減樂動於內以  
和順充積為本故主盈然減未有不進者盈未有不  
反者易曰天地盈虛與時消息而況於人乎故  
禮記樂記疑問卷之八 五九

一以進為文一以反為文

愚謂進是進而行事反是反而歸約文非文飾之  
文是文理之文言進而行事乃成禮之文理反而  
歸約乃成樂之文理也故緊接禮減而不進則銷  
樂盈而不反則放二句恐非若註所云

禮進而行事莫大於報本故下箇報字樂則一於  
反而已

禮得其報方愜故事之心故樂樂得其反乃合性  
情之正故安

禮之報報本也樂之反反本也報本反本皆人道

之所宜為者故曰其義一也

夫樂者樂也人情之所不能免也樂必發於聲音形於動靜人之道也聲音動靜性術之變盡於此矣故人不耐無樂樂不耐無形形而不為道不耐無亂先王耻其亂故制雅頌之聲以道之使其聲足樂而不流使其文足論而不息使其曲直繁瘠廉肉節奏足以感動人之善心而已矣不使放心邪氣得接焉是先王立樂之方也是故樂在宗廟之中君臣上下同聽之則莫不和敬在族長鄉里之中長幼同聽之則莫不和順在閭門之內父子兄弟同聽之則莫不和禮記樂記疑問卷之八 六十

親故樂者審一以定和比物以節節節奏合以成文所以合和父子君臣附親萬民也是先王立樂之方也故聽其雅頌之聲志意得廣焉執其干戚習其俯仰詘伸容貌得莊焉行其綴兆要其節奏行列得正焉進退得齊焉故樂者天地之命中和之紀人情之所不能免也

上論禮樂之進反詳矣然禮之進而有報易知也樂之反未易言也故復出此節以見樂之宜反觀先王耻其亂故制雅頌之聲以道之使其聲足樂而不流云云自見得

樂者樂也是人情樂必發於聲音形於動靜是人道然此皆性之所著也而種種變態悉具在聲音動靜中故可盡性術之變焉樂盡性術之變則不可不歸於道矣先王制雅頌之聲以道之使其聲足樂而不流使其文足論而不息使其曲直繁瘠廉肉節奏足以感動人之善心而已矣不使放心邪氣得接焉此正其立樂之方所以教人之為樂者必以反為文歸諸道而後已也

性術之變盡在聲音動靜中可謂盈矣不反諸道能無亂乎制雅頌以道之使其如此而不使其如禮記樂記疑問卷之八 六一

彼是正教之善反處故說是先王立樂之方

依雅頌以為聲其聲必中於節故云足樂而不流依雅頌以成文其文必歸於正故云足論而不息依雅頌以為節奏其樂律必止於至善足以感動人之善心而不使放心邪氣之得接也雅頌之聲上着箇制字下着箇道字極有意味

文到伏縱處便厭勸而息論倫無患可不至於息也

足樂足論云者但足如是而不過也下足以而已矣亦此意

詩可以一言蔽曰思無邪樂可以二言蔽曰足以感動人之善心而已矣不使放心邪氣得接焉是故承上章說來言此樂用之宗廟用之族鄉用之閨門莫不和敬和順和親其感動人心有若斯之妙則必有所本矣故又推說其審一以定和云云所以能合和附親之若是也再言是先王立樂之方深明先王之所為制樂者其意正在於此宗廟之內原主敬族長鄉里之中原主順閨門之內原主親而皆無一毫強勉矯拂之意此方是太和之治

禮記樂記疑問卷之八

六二

所同聽者何聽先王之所道者而已矣雅頌之聲是也故下文云故聽其雅頌之聲

一者何也心也此心在宗廟只一箇敬在族長鄉里只一箇順在閨門只一箇親豈不貞天下之一而或有乖戾其間者一之未審而和之未定也先王制樂審知其至一者如是教其無乖無戾定然皆歸於一而無不和這是審一以定和如是則可比於物矣乃比音而樂之及干戚羽旄這是比物以飾節由是比於樂器者宣暢動盪合着樂舞而齊作這是節奏合以成文此其為聲也一太和之

發越也所以能感動至一之人心合和父子君臣附親萬民莫不和敬和順和親皆由於此也此要重者審一以定和句

物是樂器鍾磬等瑟之類是已比之鍾磬等瑟必飾之干戚旄狄所謂文采節奏聲之飾也節奏合以成文即此樂器樂舞比合而成其文耳前云聲成文謂之音是也此雖無樂舞說而重在聲音上可應前同聽數句

前下君臣上下長幼父子兄弟字面後下父子君臣萬民字面正相應

禮記樂記疑問卷之八

六三

此節論樂之應隨所在而無不和本審一以定和來似非樂以和禮之說

此緊頂審一以定和三句來故說聽其雅頌之聲執其干戚習其俯仰詘伸行其綴兆要其節奏志意得廣容貌得莊行列得正進退得齊則狀其內外無不自得所以能合和附親也故樂者天地之命云云又推極言之見關於人情之大所以不能免也註訓禮之節樂愚所未解

志意原貴廣容貌原貴莊行列原貴正進退原貴齊然非深於其樂不自得也四得字宜細體

流而不息合同而化而樂興焉樂是天地之命其聲中聲也其氣和氣也是中和之紀人情本乎天地歸於中和此其所不能免也此三句正應前夫樂者樂也二句是文章之關鍵處

命云紀云者言其命其紀在是也

夫樂者先王之所以飾喜也軍旅鈇鉞者先王之所以飾怒也故先王之喜怒皆得其儕焉喜則天下和之怒則暴亂者畏之先王之道禮樂可謂盛矣

人情喜怒而已矣喜怒無可自見其飾在樂與軍旅鈇鉞先王用樂以飾喜用軍旅鈇鉞以飾怒則

禮記樂記疑問卷之八

六四

喜與怒皆中其節天下莫不和且畏矣到和且畏處乃見禮樂之極功故曰先王之道禮樂可謂盛矣

自樂者樂也至此但論樂此節却由喜及怒由樂及軍旅鈇鉞由和及畏統贊禮樂之盛蓋此書之旨雖在樂而樂與禮却不相離故必統贊以著其盛也

子贛見師乙而問焉曰賜聞聲歌各有宜也如賜者宜何歌也師乙曰乙賤工也何足以問所宜請誦其所聞而吾子自執焉寬而靜柔而正者宜歌頌廣大

而靜疏達而信者宜歌大雅恭儉而好禮者宜歌小雅正直而靜廉而謙者宜歌風肆直而慈愛者宜歌商溫良而能斷者宜歌齊夫歌者直已而陳德也動已而天地應焉四時和焉星辰理焉萬物育焉故商者五帝之遺聲也商人識之故謂之商齊者三代之遺聲也齊人識之故謂之齊明乎商之音者臨事而屢斷明乎齊之音者見利而讓臨事而屢斷勇也見利而讓義也有勇有義非歌孰能保此故歌者上如抗下如隊曲如折止如橐木倨中矩句中鉤繁縵乎端如貫珠故歌之為言也長言之也說之故言之言

禮記樂記疑問卷之八

六五

之不足故長言之長言之不足故嗟歎之嗟歎之不足故不知手之舞之足之蹈之也子貢問樂

陳德一也有叶合以為陳者頌雅風是也有相濟以為陳者商與齊是也

頌宗廟樂章大抵稱揚先德寬靜未正為多雅朝廷樂章大小別焉大者必廣大而靜疏達而信小者必恭儉而好禮風則采之歌謠而已要在正直而靜廉而謙

論歌風歌雅歌頌却有三分靜字靜為衆動之根茲可睹已

寬者難於靜柔者難於正廣大者難於靜疏達者難於信恭儉者難於好禮正直者難於靜肅者難於謙故中間俱着箇而字

肆直而慈愛溫良而能斷已若相濟矣何以復歌商歌齊意者此慈愛者姑息之謂乎此能斷者徑行之謂乎姑息者必濟之以屢斷乃成肆直之美也徑行者必濟之以退讓乃成溫良之美也此相濟以為陳者

正直已身數陳其德已之不直陳之謂何

動已訓性天之流行極佳動已而天地應云云本禮記集說卷之八

直已而陳德來

有善貴乎能保詩歌咏歎淫液性情日歸於中正善其可常伯矣故曰有勇有義非歌孰能保此上如抗數句形容歌聲之妙殆盡歌之為言以下發之所為歌者又直至於化而不自知也

重訂禮記疑問卷之九

烏程後學承菴如安牧著

雜記上

諸侯行而死於館則其復如於其國如於道則升其乘車之左轂以其綏復大夫士死於道則升其乘車之左轂以其綏復

復諸侯以褻衣冕服爵弁服謂平日所服魂所附也今乘車在道綏其所執以升者以其綏復即以其服復之意乎改讀為綏旌旗之旄也奚取於招魂下文大夫士死於道亦曰以其綏復亦謂其魂禮記雜記疑問卷之九

所附也尊卑不嫌同復

上客臨曰寡君有宗廟之事不得承事使一介老某相執紼

吊舍祿賵外有臨以執紼禮辭曰寡君有宗廟之事不得承事使一介老某相執紼又再三曰寡君命某母敢視賓客則此禮為君所命審矣辭者訓自行臨哭之禮若聘禮之有私覲然非也下諸侯使人弔其次舍祿賵臨皆同日而畢事是明証

雜記下

子貢問喪子曰敬為上哀次之瘠為下顏色稱其情



戚容稱其服

喪雖以哀為主而附於身附於棺者必誠必信勿之有悔非敬其曷能辦之曰敬則扶而起杖而起垢面而已皆當自裁度而不專在於瘠矣敬為上三句極說得分曉

一心在喪事上是為敬顏色稱其情戚容稱其服則哀與瘠皆必中於禮矣非敬其孰能與於斯請問兄弟之喪子曰兄弟之喪則存乎書策矣

存乎書策云者非直依禮經所載行之而已也顏色亦必稱其情戚容亦必稱其服也註非若父母之喪哀容體狀之不可名言而經不能備言也此

語極透懇

君子不奪人之喪亦不可奪喪也

喪禮之大者必以禮處人是不奪人喪必以禮自處是不可奪喪

孔子曰大連少連善居喪三日不怠三月不解期悲哀三年憂東夷之子也

此東夷之子句極有意味夷狄之有君亦是此意親喪外除兄弟之喪內除

此哀不與服俱除曰外除此哀與服俱除曰內除

免喪之外行於道路見似目瞿聞名心瞿

見似目瞿二句然極痛懇讀是語而輒忘親者非孝子也

免喪之外行於道路間尚思及其親况未免喪乎况親之猶存乎

或問於曾子曰夫既遭而包其餘猶既食而暴其餘與曾子曰吾子不見大饗乎夫大饗既饗卷三牲之俎歸于賓館父母而賓客之所以為哀也子不見大饗乎

父母之喪至於葬時一出此門不可復入與賓客之出門也何異人子之致情也宜何如故既遭而

包其餘曾子曰父母而賓客之所以為哀也其辭旨極痛極惻

縣子曰三年之喪如斬期之喪如剝

如斬如剝所謂顏色稱其情戚容稱其服者誠可為訓

孔子曰身有瘍則浴首有創則沐病則飲酒食肉毀瘠為病君子弗為也毀而死君子謂之無子

人子之心痛親之亡若無欲自存者而致哀故至于毀非必至于毀然後為孝也毀瘠為病守身之

謂何此君子所弗為

以喪冠者雖三年之喪可也既冠於次入哭踊踴者三乃出

冠吉禮也與凶別然時至宜冠雖三年之喪亦可冠也

孔子曰伯母叔母踴衰踊不絕地姑姊妹之大功踊絕於地如知此者由文矣哉由文矣哉

鄭氏曰伯母叔母義也姑姊妹骨肉也義服之情

輕于骨肉故踊有絕地不絕地之殊雖然皆情也隨此真情所發自然各中於禮乃為得禮之謂也

禮記雜記問卷之九

四

先存箇絕地不絕地之意是專務於禮之文者而已矣再言由文乎哉蓋深識其情之未至也

禮之文宜知而禮之情不宜太分辨以求知

孔子曰管仲鏤簋而朱紘旅樹而反坫山節藻梲

賢大夫也而難為上也晏平仲祀其先人豚肩不掩

豆賢大夫也而難為下也君子上不僭上下不偪下

管仲晏子世所稱賢而一則奢僭以犯禮一則固

陋以廢禮禮教不從茲壞哉故孔子亟發不僭不

偏之論

君子有三患未之聞患弗得聞也既聞之患弗得學

也既學之患弗能行也君子有五耻居其位無其言君子耻之有其言無其行君子耻之既得之而又失之君子耻之地有餘而民不足君子耻之衆寡均而倍焉君子耻之

居其位以下五耻是從政之事若未聞而求聞既聞而求學既學而求行在學與仕皆不可廢也註訓為學為政太分別

方氏謂鄙夫之心在乎固其位故患既得而復失

君子之心在乎稱其位故耻既得而又失極有理

孔子曰凶年則乘鵠馬祀以下牲

禮記雜記問卷之九

五

王制凡祭豐年不齋凶年不儉是論制禮之不可

易此云凶年則乘鵠馬祀以下牲是論用禮之不

可執易之損曰曷之用二簋可用享是禮也

子貢觀於蜡孔子曰賜也樂乎對曰一國之人皆若

狂賜未知其樂也子曰百日之蜡一日之澤非爾所

知也張而不弛文武弗能也弛而不張文武弗為也

一張一弛文武之道也

易曰澤上於天夬君子以施祿及下一日之澤正

人君普施之恩澤也故下天上施

弗能者弗能以強民也弗為者弗為以縱民也訓

弗能為不能為治似未當

孔曰管仲取二人焉上以為公臣曰其所與遊辟也可人也管仲死桓公使為之服官於大夫者而為之服也自管仲始也有君命焉爾也

管仲取盜二人以為公臣是為出格之取桓公命二人為管仲服亦為出格之服

內亂不與焉外患弗辟也

臣子不幸而遭內亂豈直宜不與而已哉此云者唯是勢重難鋤即為所脅必不可與為亂耳

禮記雜記問卷之九

六

喪大記

此篇自疾病內外皆歸至於復歛沐浴殯葬大節目及哭泣拊踊之儀衾絞棺槨之制練祥禫虞之祭弔拜送迎之節亦畧備具皆有關於人道之大者讀禮者不可謂為凶禮不一究心也

為後者不在則有爵者辭無爵者人為之拜

有爵無爵就來弔者言來弔者有爵而為後者不在則以攝主無爵辭來弔者無爵而為後者不在

則攝主代為之拜可也蓋為後者雖無爵凡有爵無爵來弔皆可拜唯特加禮于有爵者耳

禮記雜記問卷之九

七

無爵則不得代拜於有爵者之弔也註似欠弔者一邊

祭法

吳興沈氏云祭法自燔柴於泰壇祭天也以至終篇即書肆類于上帝禋于六宗望秩于山川徧于羣神之義既也上只添禘郊祖廟一段說得是第其所述則首禘郊祖宗次天地四時日月星辰水旱四方又次廟祫壇墮社飭五祀乃叙聖王之所為祭祀者若曰此其所為祭典也是為祭法云爾祭法有虞氏禘黃帝而郊嘗祖顓頊而宗堯夏后氏亦禘黃帝而郊鯀祖顓頊而宗禹殷人禘嘗而郊冥祖契而宗湯周人禘嘗而郊稷祖文王而宗武王燔

禮記祭法卷之九

人

柴於泰壇祭天也瘞埋於泰折祭地也用騂犢禮少牢於泰昭祭時也相近於坎壇祭寒暑也王官祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲為風雨見怪物皆曰神有天下者祭百神諸侯在其地則祭之亡其地則不祭

萬物本乎天人本乎祖人本乎祖則不可無禘郊祖宗之祀萬物本乎天則不可無天地四時日月四方諸神之祀此記者立言之序

四時即包寒暑祭分為二者何四時各有所司而

一寒一暑若更有以同之者故別為祭之

大凡生於天地之間者皆曰命其萬物死皆曰折人死曰鬼此五代之所不變也七代之所更立者禘郊祖宗其餘不變也

此專重一箇不變生曰命死曰折曰鬼此五代所不變者七代更立禘郊祖宗祀名不同然總之祭鬼報其命之所自出者而已何變之有知所更立者終歸不變則為人報本反始必隆禘郊祖宗之祀為萬物報本反始必隆燔柴瘞埋等之祀此萬世所不可易者此記者立言之本旨也要識得

禮記祭法卷之九

九

夫聖王之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之是故厲山氏之有天下也其子曰農能殖百穀夏之杳也周棄繼之故祀以為稷共工氏之霸九州也其子曰后土能平九州故祀以為社帝嘗能序星辰以著衆堯能賞均刑法以義終舜勤衆事而野死鯀鄣鴻水而殛死禹能脩鯀之功黃帝正名百物以明民共財顓頊能脩之契為司徒而民成冥勤其官而水死湯以寬治民而除其虐文王以文治武王以武功去民之菑此皆有功烈於民者也及夫日月

星辰民所瞻仰也山林川谷丘陵民所取財用也非此族也不在祀典

此又是一提掇故自有功烈於民及民所瞻仰民所取財用立為祀典以見萬世之不可變

法施於民以死勤事以勞定國能禦大菑能捍大患其有造於生民不小本文但稱功烈特就其烈然昭著言耳

凡先天以創制後天以經綸立法以施及兆民者其功德萬世不可泯滅是萬世之所當祀也易稱曰齊之川為民以濟孤矢之利以成天下之利

禮記祭法疑問卷之九

十

利以濟不通服牛乘馬引重致遠以濟天下結繩以為網罟以佃以漁上棟下宇以待風雨結繩而治易之以書契垂衣裳而天下治此等法施於民萬世其孰能忘之

水火金木土穀六府正德利用厚生三事所關於民生者不小有人焉勤其事至於死其功德在天下何如身任國家安危盡心竭力不避艱險必易危為安底定而後已若詩所謂予手拮据予口卒瘁者其功德在天下何如

大菑莫如洪水八年於外三過其門而不入卒至

地平天成萬世永賴是能禦大菑之尤者桀紂暴虐民陷水火之中湯武誅君弔民若時兩降是能捍大患之尤者

厲山氏而下凡十五人程功度德其中不無差殊然其心其力則無有不盡者此其澤及天下萬世之遠其祀當與天而無極也

就十五人而論若有法施於民以死勤事以勞定國能禦大菑能捍大患之不同然其法施於民者即其所勤事定國者即其所禦菑捍患也且堯舜之功之德豈止能賞均刑法以義終勤衆事野死

禮記祭法疑問卷之九

十一

而已哉記者蓋各舉一事而言若曰如此十五人者有如是之法施有如是之勤勞有如是之捍禦功德在天下在萬世有决然不可泯滅者此祀典之所並載耳要善體會

玄我烝民莫非爾極詩以頌稷而厲山之子農能先之二人之功豈止一手一足哉自謂使人誠便於天下萬世者矣

非土不能生穀故稱稷即及於社

堯典首敬授人時本帝嚳序星辰以著衆來敬天勤民信有家法

堯不止能賞均刑法以義終而已然昭昭之多亦天也

舜生三十登庸三十在位五十載陟方乃死聖人在世一日必做一日事真所謂死而後已者

鯀矣所謂以死勤事非耶故曰鯀郭洪水而殛死禹脩鯀之功此記禮者不以成敗論人處石梁王氏曰祀禹非祀鯀也余則曰祀禹必祀鯀也

舜殛鯀謂方命也而不棄其子禹修功蓋父愆也而不讐其君皆聖賢至德事非後世所有

禮記祭法疑問卷之九

十二

按史黃帝創制立法其利澤及民不可枚舉而此但稱正名百物以明民共財猶其各舉堯舜之一事也云爾

到五品遜百姓親方為民成勞來匡輔翼厥功不小

冥勤其官而水死真所謂以死勤事者

湯除桀之虐文武去紂之暴其功與再造者同

及夫二字承上起下收拾前王官夜明等祭且總結之曰非此族也不在祀典見祭之不誦不嘯蓋

凜然嚴矣是謂祭法

### 祭義

祭不欲數數則煩煩則不敬祭不欲䟽䟽則怠怠則忘是故君子合諸天道春禘秋嘗霜露既降君子履之必有悽愴之心非其寒之謂也春雨露既濡君子履之必有怵惕之心如將見之樂以迎來哀以送往故禘有樂而嘗無樂

禮貴得中祭數與䟽皆非中也故必合諸天道悽愴怵惕之心感於時而動是天理自然之中也如何䟽得數得

致齊於內散齊於外齊之日思其居處思其笑語思其志意思其所樂思其所嗜齊三日乃見其所為齊者

禮記祭義疑問卷之九

十三

齊以交神明也統在吾心之神明思其居處笑語直至思其所樂所嗜此心之神明不合祖考之神明乎所以乃見其所為齊者

志意是平時所嚮往者樂則其所耽樂也嗜則其所獨嗜也

祭之日入室儼然必有見乎其位周還出戶肅然必有聞乎其容聲出戶而聽愴然必有聞乎其歎息之聲

必有見必有聞通在吾心之注想上

是故先王之孝也色不忘乎目聲不絕乎耳心志嗜欲不忘乎心致愛則存致慤則著著存不忘乎心夫安得不敬乎君子生則敬養死則敬享思終身弗辱也

死者往矣其聲色心志嗜欲不與之俱往可想而見也致愛致慤實存且著

此敬字下得極好敬養則承顏接辭自然不違其志敬享則若聞若見自然不蹈于非終身弗辱端在於此此當重看不忘不絕存字著字思字

禮記祭義疑問卷之九

十四

唯聖人為能饗帝孝子為能饗親饗者鄉也鄉之然後能饗焉是故孝子臨尸而不怍君牽牲夫人奠盞君獻尸夫人薦豆卿大夫相君命婦相夫人齊齊乎其敬也愉愉乎其忠也勿勿諸其欲其饗也

鄉之者心鄉之也一鄉之則成饗不鄉則皆虛文矣臨尸寧無報忤乎

敬曰齊齊心無不一也忠曰愉愉心無不盡也欲饗曰勿勿諸心無他念也是謂鄉之是謂能饗

文王之祭也事死者如事生思死者如不欲生忌日必哀稱諱如見親祀之忠也如見親之所愛如欲色

然其文王與詩云明發不寐有懷二人文王之詩也

祭之明日明發不寐饗而致之又從而思之祭之日樂與哀半饗之必樂已至必哀

如不欲生若欲與死者同歸也此極能狀孝子之哀思

曰如見親之所愛又曰如欲色然愉愉乎其忠也蓋如此

長樂陳氏云君子之於親生事之以禮故事事之日喜與懼半死祭之以禮故祭之日樂與哀半

極說得好

禮記祭義疑問卷之九

十五

仲尼嘗奉薦而進其親也慤其行也趨趨以數已祭子貢問曰子之言祭濟濟漆漆然然今子之祭無濟濟漆漆何也子曰濟濟者容也遠也漆漆者容也自反也容以遠若容以自反也夫何神明之及交夫何濟濟漆漆之有乎反饋樂成薦其薦俎序其禮樂備其百官君子致其濟濟漆漆夫何恍惚之有乎夫言豈一端而已夫各有所當也

濟濟漆漆皆自修飭之貌此助祭君子之容非孝子恍惚以交神明之事也言豈一端二句辯得極明

容也遠也言其容遠遠非可以淺近窺也訓非所以接親親也謬

薦俎薦進之俎也禮樂各有次第曰序百官各執一事曰備

孝子將祭慮事不可以不豫此時具物不可以不備虛中以治宮室既脩牆屋既設百物既備夫婦齊戒沐浴奉承而進之洞洞乎屬屬乎如弗勝如將失之其孝敬之心至也與薦其薦俎序其禮樂備其百官奉承而進之於是諭其志意以其恍惚以與神明交庶或饗之庶或饗之孝子之志也

禮記祭義鄭問卷之九

十六

凡事不可不豫不可不備也況於將祭時乎虛中以治之則無不豫不備矣

宮室薦俎禮樂百官百物皆所當豫慮者皆所當備具者

曰豫曰備便見有所當治者而要在虛中然不獨祭也虛中以治養則盡志盡物矣虛中以治喪則必誠必信矣又不獨養與喪已也凡事理有所當求者皆當虛中以求有所當應者皆當虛中以應虛中而天下之能事畢矣虛中之時用大矣哉曰如弗勝又曰如將失之總是慎重之意

上云夫何神明之及交夫何恍惚之有此云以其恍惚以與神明交庶或饗之庶或饗之斯謂之善承祭

孝子之祭也盡其慤而慤焉盡其信而信焉盡其敬而敬焉盡其禮而不過失焉進退必敬如親聽命則或使之也

端誠曰慤忠實曰信

慤信敬禮有必宜至是者茲皆至于于是而無少缺欠無少過差此謂盡慤而慤云云

則或使之者心之敬如聽親命不知誰所使也此

禮記祭義鄭問卷之九

十七

見孝敬之心之真處

孝子之祭可知也其立之也敬以訕其進之也敬以愉其薦之也敬以欲退而立如將受命已徹而退敬齊之色不絕於面孝子之祭也立而不訕固也進而愉疏也薦而不欲不愛也退立而不如受命教也已徹而退無敬齊之色而忘本也如是而祭失之矣可知也言於祭可知其孝心也精神在諸敬字上曰訕曰愉曰欲一以敬主之茲可想見其心矣故曰孝子之祭可知也

一心承祭曰敬齊是祭之本也



孝子之有深愛者必有和氣有和氣者必有愉色有愉色者必有婉容孝子如執玉如奉盈洞洞屬屬然如弗勝如將失之嚴威儼恪非所以事親也成人之道也

此形容平日之所為孝養者要重看三必有字四如字

論祭時曰洞洞乎屬屬乎如弗勝如將失之論平日亦曰洞洞屬屬然如弗勝如將失之必有此平日乃有此祭時也

自首節至此若分而實合通重一箇敬字其精神禮記祭義章句卷十九

在幾箇必字上似一截

十八

子曰立愛自親始教民睦也立敬自長始教民順也教以慈睦而民貴有親教以敬長而民貴用命孝以事親順以聽命錯諸天下無所不行

孩提無不知愛稍長無不知敬此是愛敬之本我將此本常立於其內是謂立愛自親始立敬自長始也我立此本便是立人樣子民睦民順有不待教而成者故曰教民睦教民順教身教也

皆知有親皆知用命是謂貴有親貴用命

宰我曰吾聞鬼神之名不知其所謂子曰氣也者神

之盛也魄也者鬼之盛也合鬼與神教之王也衆生必死死必歸土此之謂鬼骨肉斃于下陰為野土其氣發揚於上為昭明焄蒿悽愴此百物之精也神之著也因物之精制為之極明命鬼神以為黔首則百衆以畏萬民以服聖人以此為未足也築為宮室設為宗祧以別親疏遠邇教民反古復始不忘其所由生也衆之服自此故聽且速也二端既立報以二禮建設朝事燔燎膋蕭見以蕭光以報氣也此教衆反始也薦黍稷羞肝肺首心見間以使飪加以鬱鬯以報魄也教民相愛上下用情禮之至也

禮記祭義章句卷十九

十九

天地間一氣耳然有氣則有魄魄即是氣之凝結者疑結者有時乎散而氣未嘗散也故以氣言曰神以魄言曰鬼合鬼與神不可度思矧可射思曰教之至夫魄人所具也然生則必死死必歸土歸者歸也非鬼而何然所歸者骨肉耳陰為野土其氣發揚于上為昭明焄蒿悽愴有不與物俱泯者此百物之精也神之著也鬼神其可以分言乎哉故曰合鬼與神教之至也

氣不離魄然以魄言不見其為神唯若下文所謂發揚於上者昭明焄蒿悽愴乃見神之為神處故

曰氣也者神之盛也魄亦不離氣然以氣言不見其為鬼唯若下文所謂衆生必死死必歸上乃見鬼之為鬼處故曰魄也者鬼之盛也就是以觀一氣一魄一鬼一神也合氣與魄皆鬼皆神也明則有禮樂幽則有鬼神而可以忽慢乎哉肅然起敬凜然其不可近固人情所必至者故曰合鬼與神教之至也

人生時此氣此魄也此氣魄相為依附也死亦此氣此魄也魄則下降而魂氣則無不之也

曷為百物之精易曰精氣為物游魂為變凡人之

禮記祭義疑問卷五九

二十

生也稟受兩間之精氣方成其為物及死時精氣既漸消亡實消亡未盡故稱游魂游魂亦精氣也况有受精者多用物者弘若子產之所云者孰非此精氣之發露乎故曰此百物之精也神之著也鬼則歸矣無可見者故直曰鬼神則無不之而洋洋乎如在其上如在其左右也故特下一著字因問鬼神之名故曰因物之精制為之極明命鬼神云云然聖人制禮未聞命鬼神以為則者且曰黔首曰百衆曰萬民語多錯雜非出夫子口吻反古復始言反到古初復其本始也總之則反始

而已觀下文自見

人本乎祖制宗廟祭祀之禮以教民民自然推其所自不敢忘矣故曰衆之服自此故聽且速也以氣魄分鬼神亦可曰報氣報魄則不可然曰教衆反始教民相愛上下用情禮之至也則得聖人制禮之意矣

君子反古復始不忘其所由生也是以致其敬發其情竭力從事以報其親不敢弗盡也是故昔者天子為籍千畝冕而朱紘躬秉耒諸侯為籍百畝冕而青紘躬秉耒以事天地山川社稷先古以為醴酪齊盛

禮記祭義疑問卷五九

十一

於是乎取之敬之至也古者天子諸侯必有養獸之官及歲時齊戒沐浴而躬朝之犧牲祭牲必於是取之敬之至也君召牛納而視之擇其毛而卜之吉然後養之君皮弁素積朔月月半君巡牲所以致力孝之至也古者天子諸侯必有公桑蠶室近川而為之築宮仞有三尺棘牆而外閉之及大昕之朝君皮弁素積卜三宮之夫人世婦之吉者使入蠶于蠶室奉種浴于川桑于公桑風戾以食之歲既單矣世婦卒蠶奉繭以示于君遂獻繭于夫人夫人曰此所以為君服與遂副禕而受之因少牢以禮之古之獻繭者

其率用此與及良日夫人縗三盆手遂布于三宮夫人世婦之吉者使縗遂朱綠之玄黃之以為黼黻文章服既成君服以祀先王先之叙之至也

此以下不必皆孔子之言然為籍躬未以供醴醑齊盛躬朝視巡以備犧牲祭牲親蠶繅染以為黼黻文章皆極大典禮所以反古復始者所謂致敬發情竭力從事以報其親不敢弗盡者是則天子諸侯之所當知者故記禮者特舉以示訓

人之所由生不可不知也君子反古復始不忘其所由生則凡可以用吾敬達吾情者無所不至矣禮記祭義卷之九

故竭力從事以為報不敢弗盡焉是故昔者天子以下則其實事也故再三曰敬之至也孝之至也致敬發情云云雖云言實則一敬而已觀下文敬之至也句可見

發其情發字是暢達之義中有此情必暢達而後已也

天子為籍以下正其竭力從事處然本致敬發情來

一牲耳齊戒沐浴而躬朝之納而視之擇而卜之巡其所以致其力焉是之謂竭力從事是之謂致

### 敬發情

從公桑蠶室說卜入蠶之人如何而浴種如何而采桑如何而食蠶如何而獻繭如何而使縗如何而朱綠玄黃為黼黻文章一祭服之成皆從此心之致敬達情出所謂竭力從事以為報不敢弗盡者必若是而後為盡也中庸云齊明盛服以承祭祀其然哉

曾子曰孝有三大孝尊親其次弗辱其下能養公明儀問於曾子曰夫子可以為孝乎曾子曰是何言與是何言與君子之所謂孝者先意承志謝父母於道禮記祭義卷之九

參直養者也安能為孝乎

大孝三句說得極好尊親尚矣弗辱可勉而能也不知弗辱之義者難乎其為子矣

大孝尊親訓嚴父配天誤矣必爾則所謂大孝者必天子而後能耶孔孟身為聖賢尊其親為聖賢之親未嘗不為大孝也後儒唯泥中庸大孝章併孟子為天子父節謂唯尊其親為天子父始稱大孝耳不知舜之大孝首在德為聖人凡有如舜之德尊其父為聖人之父者可不謂大孝乎不必其為天子也且假舜當時而不允陟也將不得為大

孝乎若孟子所云尤極明白其曰為天子父尊之至也則知凡有盛德可承寵命者未嘗不為尊也特不可語尊之至耳豈必皆尊為天子哉謂嚴父配天為大孝吾所不信

先意承志最難而諭父母於道尤難益先意承志不遺父母之辱是吾身可自做的事諭父母於道必使其立於弗辱之地中間煞有許多大委曲開曉潛移默致之功在而極之即舜之蒸蒸又不格姦也豈易能哉此曾子之所不敢任也

曾子曰身也者父母之遺體也行父母之遺體敢不敬乎居處不莊非孝也事君不忠非孝也莅官不敬非孝也朋友不信非孝也戰陳無勇非孝也五者不遂哉及於親敬不敬乎亨孰羶薌葷而薦之非孝也

養也君子之所謂孝也者國人稱願然曰幸哉有子如此所謂孝也已衆之本教曰孝其行曰養養可能也敬為難敬可能也安為難安可能也卒為難父母既沒慎行其身不遺父母惡名可謂能終矣仁者仁此者也禮者履此者也義者宜此者也信者信此者也強者強此者也樂自順此生刑自反此作凡行皆於父母有關故曰行父母之遺體

自居處以至戰陳皆人子所當為的事却種種有關於吾親一有不遂便辱及其親奈何弗敬五者獨以居處為先便有使人慎獨意下文慎行二字正照此為此事盡得此理曰遂為人所指摘所非議即謂之裁

人無近名但幸哉有子如此之稱願不可少也欲人如此其稱願要在常存弗辱之心

養可能也六句極說得好敬且安而無卒猶未善也故又着慎行能終一段

禮記祭義疑問卷之九

廿五

曾子曰夫孝置之而塞乎天地溥之而橫乎四海施諸後世而無朝夕推而放諸東海而準推而放諸西海而準推而放諸南海而準推而放諸北海而準詩云自西自東自南自北無思不服此之謂也

此極言孝道之大要人必如此乃為盡孝

曾子曰樹木以時伐焉禽獸以時殺焉夫子曰斷一樹殺一獸不以其時非孝也

仁人孝子未嘗不用物也而常存時育之心蓋不敢身為不仁自蹈于非孝也

仁孝一理也孝親仁民物一事也不能仁是謂不

能孝

孝有三小孝用力中孝用勞大孝不匱思慈愛忘勞可謂用力矣尊仁安義可謂用勞矣博施備物可謂不匱矣父母愛之喜而弗忘父母惡之懼而無怨父母有過諫而不逆父母既沒必求仁者之粟以祀之此之謂禮終

用力用勞不匱自是三等非應上尊親弗辱能養三等審若註所云必天子始稱大孝諸侯大夫士皆中孝庶人皆小孝耶然則曾子之孝小孝耶舜不登庸允陟亦小孝耶吾恐其未然也

禮記祭義卷之九

廿六

凡可以報親之慈愛者無所不用其力曰用力必尊仁必安義而勞著於旂常曰用勞仁義博施於天下無所不至而物亦無不備曰不匱蓋用力者特用吾力耳未必知仁義也故曰小孝尊仁安義如祭法所謂以勞定國者則非一手一足之力矣故稱用勞曰中孝焉然猶有勞之可紀也德教加于百姓刑于四海所及無窮而所為養者亦無窮是詩之所謂孝子不匱永錫爾類者故以大孝稱焉雖然尊仁安義不必其勞之顯著也盡一生之精力皆勞也博施備物能必其遇之如吾意哉但

所為澤及天下萬世之遠是不匱之大者天下宗王祀萬世論大孝者當必以孔子為極至云祀必求仁者之粟身必不蹈不仁之域禮終者禮終父母之身併終父母之遺體無非禮也

樂正子春下堂而傷其足數月不出猶有憂色門弟子曰夫子之足瘳矣數月不出猶有憂色何也樂正子春曰善如爾之問也善如爾之問也吾聞諸曾子曾子聞諸夫子曰天之所生地之所養無人為大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今予忘孝之道予是有憂色也壹舉足而不敢忘父母壹出言而不敢忘父母壹舉足而不敢忘父母是故道而不徑舟而不游不敢以先父母之遺體行殆壹出言而不敢忘父母是故惡言不出於口忿言不反於身不虧其身不羞其親可謂孝矣

禮記祭義卷之九

廿七

不虧其體二句重下句人知不虧之謂全不知不辱之謂全知不辱之謂全則一舉足一出言自不敢忘父母矣曰不辱其身不羞其親意豁如矣詩曰無忝爾所生正此意

今之人亦知道而不徑矣舟而不游矣而如徑如游者皆趨而赴焉是亦以先父母之遺體行殆也可悼已

自大孝尊親至此通言孝昔者有虞氏以下六條通言第乃承說孝第發諸朝廷是記者之次第

昔者有虞氏貴德而尚齒夏后氏貴爵而尚齒殷人貴富而尚齒周人貴親而尚齒虞夏殷周天下之盛王也未有遺年者年之貴乎天下久矣次乎事親也是故朝廷同爵則尚齒七十杖於朝君問則席八十不俟朝君問則就之而第達乎朝廷矣行肩而不併禮記泰義離間卷之九

廿八

不錯則隨見老者則車徒辟斑白者不以其任行乎道路而第達乎道路矣居鄉以齒而老窮不遺強不犯弱衆不暴寡而第達乎州巷矣古之道五十不爲甸徒頌禽隆諸長者而第達乎搜狩矣軍旅什伍同爵則尚齒而第達乎軍旅矣孝第發諸朝廷行乎道路至乎州巷放乎搜狩脩乎軍旅衆以義死之而弗敢犯也

虞夏殷周皆貴德然爵富與親亦未嘗不並重也記者欲言尚齒之同却將德爵富親分貴於四代而訓詁家又說四代之治隨時以救弊此語與夏

尚忠商尚質周尚文云云同大抵皆不足憑者人道之大親親長長而已除却親親便是長長了此云年貴乎天下久矣次乎事親也甚有理

朝廷重孝第天下皆知所尚矣此寧死義而不敢犯也此當重首一句

祀乎明堂所以教諸侯之孝也食三老五更於大學所以教諸侯之弟也祀先賢於西學所以教諸侯之德也耕藉所以教諸侯之養也朝覲所以教諸侯之臣也五者天下之大教也食三老五更於大學天子袒而割牲執爵而饋執爵而酌見而摠干所以教諸禮記泰義離間卷之九

廿九

侯之弟也是故鄉里有齒而老窮不遺強不犯弱衆不暴寡此由大學來者也君子設四學當入學而太子齒天子巡守諸侯待于竟天子先見百年者八十九十者東行西行者不敢過東行西行者弗敢過欲言政者君就之可也壹命齒于鄉里再命齒于族三命不齒族有七十者弗敢先七十者不有大故不入朝若有大故而入君必與之揖讓而後及爵者

因說孝第達乎天下遂說教孝教弟以及教德教養教臣復抽孝第一節言之謂其由大學來隨說天子設四學而崇齒說君就言政說君與揖讓總

之則皆明年貴於天下之意也

延平周氏云先王之於教豈必諄諄而命之也哉  
蓋行禮於此而人得於彼而不知者乃教之至也  
此發教之一字極透

壹命再命齒于鄉族不必言唯是三命不齒然族  
有七十者亦弗敢先也此語意有輕重當體

天子有善讓德於天諸侯有善歸諸天子卿大夫有  
善薦於諸侯士庶人有善本諸父母存諸長老祿爵  
慶賞成諸宗廟所以示順也

天子儘做得參兩事業總是天所王成其有善而  
禮記祭義雜聞卷之九

讓焉耳也非過也下倣此

三十

父母生成我長老教訓我故本諸父母存諸長老  
存者記憶之不忘也

成諸宗廟成其禮於宗廟也

自有而自專曰逆不自有而自專曰順所以示順  
者言以此順示天下使不敢逆於上也

昔者聖人建陰陽天地之情立以為易易抱龜南面  
天子卷冕北面雖有明知之心必進斷其志焉示不  
敢專以尊天也

陰陽天地何情哉然冥漠之中實有欲昭然以示

人者不可謂非情也而不能自致也唯聖人知而

建之立以為易而必稟命以斷其志焉易曰聖人  
明於天之道而察於民之故是興神明以前民用  
聖人以此齊戒以神明其德夫正與此合

立以為易是官名若大卜筮人之類故曰易抱龜  
南面註將易龜平解恐未然

易曰夫易聖人以通天下之志以斷天下之疑此  
進斷其志之說也書曰官占唯先蔽志昆命於元  
龜亦此意

禮記祭義雜聞卷之九  
耳所聞目所見與心所注想合一焉曰不違  
倣然必有見乎其位肅然必有聞乎其容聲愾然  
必有聞乎其歎息之聲此耳目不違心之說也註  
不得以亂四字謬

卅一

重訂禮記疑問卷之十

烏程後學承菴姚舜牧著

祭統

凡治人之道莫急於禮禮有五經莫重於祭夫祭者非物自外至者也自中出生於心者也心怵而奉之以禮是故唯賢者能盡祭之義賢者之祭也必受其福非世所謂福也福者備也備者百順之名也無所不順者之謂備言內盡於已而外順於道也忠臣以事其君孝子以事其親其本一也上則順於鬼神外則順於君長內則以孝於親如此之謂備唯賢者能禮記祭統疑問卷之十

備能備然後能祭是故賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也

禮家見世之為祭者多徇其物而忘其本故首提非物自外至句指說自中出又指說生於心又承說心怵而奉之以禮此心怵二字最警惕者得心怵二字則雖欲不奉之以禮不可得矣此非賢者不可能也故歸說唯賢者能盡祭之義此節重看生於心者也一句

心怵而奉之以禮句可盡祭統一篇之義

此申賢者盡祭之義故直說到致其誠敬明薦不求其為

祭必受福似要其終而能備然後能祭却推其始慶源輔氏曰經之所謂福具於未祭之前世之所謂福應於已祭之後此言足以發之

內盡於已而外順於道是提綱忠臣以事其君三句申說內之當盡上則順於鬼神三句申說外之當順故總收云如此之謂備

誠信忠敬總由心怵以致其情奉之以物云云則所謂奉之以禮者然唯在明薦之而已矣不求其禮記祭統疑問卷之十

為此是孝子之心所謂能盡祭之義也

上但云奉之以禮然禮非物不將也此故云奉之以物道之以禮然非安之以樂則猶恐其強勉也

非參之以時則猶恐其遺忘也故又看此二句禮器云禮交動於上樂交應於下和之至也祭義云祭不欲數數則煩煩則不敬祭不欲䟽䟽則怠怠則忘此足以相發

祭者所以追養繼孝也孝者畜也順於道不逆於倫是之謂畜是故孝子之事親也有三道焉生則養沒則喪喪畢則祭養則觀其順也喪則觀其哀也祭則



觀其敬而時也盡此三道者孝子之行也

如有不及曰追唯恐其斷曰繼

孩提無不知愛人少則慕父母此點愛慕終父母之身又終其身此之謂畜畜則必順於道不逆於倫矣此心常念其親連道的決不敢行這是順於道悖倫的決不忍為這是不逆於倫順道祭倫終身孺子之慕是之謂畜

三道平言而意重在祭

順是順親之志如曾子之養志是也

敬而時總只是箇不忘

禮記祭統解開卷之十

三

此心只在明薦上是孝子之心終身只做事親事是孝子之行

既內自盡又外求助昏禮是也故國君取夫人之辭曰請君之王女與寡人共有敝邑事宗廟社稷此求助之本也夫祭也者必夫婦親之所以備外內之官也官備則具備水草之菹陸產之醢小物備矣三牲之俎八簋之實美物備矣昆蟲之異草木之實陰陽之物備矣凡天之所生地之所長苟可薦者莫不咸在示盡物也外則盡物內則盡志此祭之心也祭敬而時是內自盡又求外助又求助已之所不

能盡者是謂盡志

祭必備外內之官必自夫婦親之始有是官則有是具如君牽牲割牲夫人薦盎薦酒卿大夫從君命婦從夫人皆必各有所執故曰官備則具備由小物說到美物至陰陽之物可謂備矣故承說凡天之所生地之所長苟可薦者云云

盡志方可去盡物由官備具備說到物無不備是外盡其物然却由中出以內盡其心故總收之曰外則盡物內則盡志此祭之心也此祭之心正應前生於心心休此孝子之心三心字

禮記祭統解開卷之十

四

是故天子親耕於南郊以共齊盛王后蠶於北郊以共純服諸侯耕於東郊亦以共齊盛夫人蠶於北郊以共冕服天子諸侯非莫耕也王后夫人非莫蠶也身致其誠信誠信之謂盡盡之謂敬敬盡然後可以事神明此祭之道也及時將祭君子乃齊齊之為言齊也齊不齊以致齊者也是故君子非有大事也非有恭敬也則不齊不齊則於物無防也者欲無止也及其將齊也防其邪物訖其耆欲耳不聽樂故記曰齊者不樂言不敢散其志也心不苟慮必依於道手足不苟動必依於禮是故君子之齊也專致其精明

之德也故散齊七日以定之致齊三日以齊之定之謂齊齊者精明之至也然後可以交於神明也及入舞君執干戚就舞位君為東上冕而總干率其羣臣以樂皇尸是故天子之祭也與天下樂之諸侯之祭也與竟內樂之冕而總干率其羣臣以樂皇尸此與竟內樂之義也

非莫耕也非莫蠶也二語起身致其誠信云云語極透發

前下誠信忠敬四字此下誠信字曰誠信之謂盡盡之謂敬盡字分明是箇忠字或分開言或一氣

禮記祭統卷之十

下總發孝子之心是文章之妙處

五

大事是祀事恭敬如拜表進箋朝廷大慶賀大封賞之類則臣子不可不齊戒者

物與者欲無時無事而不防且止也茲論齊故以不齊時相形齊時之為尤慎耳

樂亦人情所不免也然安意肆志每生于其樂故齊時不樂併耳亦不敢聽樂也

不敢散其志也言收攝之使藏於宵密耳君子無時不收此為尤謹耳

心不苟慮必依於道精明收斂於其內矣手足不

原缺第六葉

莫重於武宿夜此周道也凡三道者所以假於外而以增君子之志也故與志進退志輕則亦輕志重則亦重輕其志而求外之重也雖聖人弗能得也是故君子之祭也必身自盡也所以明重也道之以禮以奉三重而薦諸皇尸此聖人之道也凡祭有餼餼者祭之末也不可不知也是故古之人有言曰善終者如始餼其是也可以觀政矣

凡祭在識所重識所重則此心倍加虔慎故曰假於外以增君子之志然君子之志豈必假於外哉故又承前與志進退見欲重其外必自重其內始也

禮記祭統卷之十

七

必身自盡也句正應前身致其誠敬句蓋身致其誠敬無非重祭之禮故曰所以明重也

夫祭之為物大矣其興物備矣順以備者也其教之本與是故君子之教也外則教之以尊其君長內則教之以孝於其親是故明君在上則諸臣服從崇事宗廟社稷則子孫順孝盡其道端其義而教生焉是故君子之事君也必身行之所不安於上則不以使下所惡於下則不以事上非諸人行諸已非教之道也是故君子之教也必由其本順之至也祭其是與

故曰祭者教之本也已

篇首云無所不順之謂備故由內盡志外盡物說到身致其誠信專致其精明之德必身自盡以明重以及於餽之善其終因說可以通於政因復提前順備字曰順以備者也其教之本因說君子之教必由其本原復歸到順字上去重重指點重重剔發而又重重關鎖極得文章之妙法

外則教之以尊其君長內則教之以孝於其親總是順立其教明君在上則諸臣服從崇事宗廟社稷則子孫順孝總是順從其欲盡其道盡祭之道禮記祭義解開卷之十

也順也端其義端祭之義也順也而教生焉故曰順以備者也其教之本

祭有所當行者曰通而其所宜爾者曰義前曰盡此三道者曰此祭之道也曰此聖人之道也統是此道字曰唯賢者能盡此祭之義正是此義字

君子之事君也云云是泛論以發明教必宜順之意君子之教必由其本云云則承正意說見唯祭為順之至此教之本不出於祭也註以已之心云云極訓得明透

夫祭有十倫焉見事鬼神之道焉見君臣之義焉見

父子之倫焉見貴賤之等焉見親疏之殺焉見爵賞之施焉見夫婦之別焉見政事之均焉見長幼之序焉見上下之際焉此之謂十倫

進凡祝祔祭之始終備矣而精神專在於致饗故曰交神明之道

君迎牲而不迎尸全於無疑上致其分辨故云明君臣之義

檀弓云君子抱孫不抱子孫可為皇父尸也故君之所不臣也是父子之倫

隨尸飲次第為獻卿大夫及士等之次第又所用禮記祭義解開卷之十

之爵或玉或瑤或散而又皆以齒此謂明尊卑之等

夫祭有昭穆指所祭者言然不獨所祭者生者亦有之故說昭穆者所以別父子遠近長幼親疏之序而無亂也何者太廟所生出者其本其支其屬固百億也是故有事於太廟則羣昭羣穆咸在而不失其倫焉此以明親疏之殺也

爵賞未必盡出於太廟此所言是大封拜必於廟行之者故言爵賞之施

異所立易所執授受不相襲爵必易皆是章男女

之別

惠上所施也即是政政有節目曰事事所就緒曰功凡政墜而不行至於事無成功不立者由惠之不均也惠均則政行政行則事成而功立矣是以見政事之均

賜爵雖旅酬事然必君先洗爵以獻而後衆方旅酬也觀上文君洗玉爵獻卿云云自見此謂長幼有序

上下分相應絕易至忽遺自非明炳在上未有不遺於微小者然知及而惠不及猶然其無見也故

禮記祭統卷之十

十

說唯有德之君為能行此明足以見之仁足以與之後又云明君在上則竟內之民無凍餒者矣至於無凍餒乃見其明且仁也然於祭之有異者見焉故曰此之謂上下之際

凡祭有四時春祭曰禘夏祭曰禘秋祭曰嘗冬祭曰烝禘禘陽義也嘗烝陰義也禘者陽之盛也嘗者陰之盛也故曰莫重於禘嘗古者於禘也發爵賜服順陽義也於嘗也出田邑發秋政順陰義也故曰禘嘗之義大矣治國之本也不可不知也明其義者君也能其事者臣也不明其義君人不全不能其事為臣

不全夫義者所以濟志也諸德之發也是故其德盛者其志厚其志厚者其義章其義章者其祭也敬祭敬則竟內之子孫莫敢不敬矣

禘禘嘗烝分陰陽不必論矣唯禘者陽之盛嘗者陰之盛方氏以陽道常饒陰道常乏解似未當何者饒故及於夏始為盛焉似也乏故及於秋已為盛矣其何以說也愚謂此盛字當以物為驗春時生意雖發而未盛長也唯夏則為盛長焉秋承盛長之後物漸收成而異於冬之歛藏故農稱有秋斯二祭時比春冬時較為不同故曰陰陽之盛耳

禮記祭統卷之十

十一

石林葉氏曰陽達於春物方蠢動陰終於冬物已退藏蓋亦此意

舉禘嘗之義則禘與烝具在矣要識得

論治國之道仁孝誠敬盡之矣而唯於祭為特著故揭為治國之本

明其義者君也云云蓋專以明義望其君故云然耳非其臣不當明也

夫義者所以濟志也云云重在一志字而德其本何者人君以子民為志中間然有許大經綸料理皆本諸德之發究竟則仁孝誠敬焉爾已然此義

莫備於祭也明得此義方可以子民故曰所以濟志也諸德之發也若然則非有德者不能有是志故說其德盛者其志厚厚篤厚也然欲濟是志者不可不明其義故說其志厚者其義章章明也其義章則其祭必敬竟內之子孫莫敢不敬此民之所以各得其所也義非所以濟志而何非治國之本而何

古者世官世祿同姓為多故說竟內之子孫莫敢不敬竟內之子孫莫敢不敬則竟內之民無凍餒者矣故下反言不敬者不足以為民父母

禮記祭統卷之十

十二

疑於其義疑字正應上章字明字

夫陽有銘銘者自名也自名以稱揚其先祖之美而明著之後世者也為先祖者莫不有美焉莫不有惡焉銘之義稱美而不稱惡此孝子孝孫之心也唯賢者能之銘者論譏其先祖之有德善功烈勲勞慶賞聲名列於天下而酌之祭器自成其名焉以祀其先祖者也顯揚先祖所以崇孝也身比焉順也明示後世教也夫銘者壹稱而上下皆得焉耳矣是故君子之觀於銘也既美其所稱又美其所為為之者明足以見之仁足以與之知足以利之可謂賢矣賢而勿

伐可謂恭矣

銘取自名之義已不能成其名未有能稱述先人之美著之後世者所以人貴自立稱揚者稱而揚之也稱揚先祖之明明著之後世顯親揚名孰大于是

銘之義固稱美而不稱惡然必其德善功烈勲勞實著於當世則可若但舉慶賞聲名凡居高位者皆有之可虛誣其祖以欺天下萬世乎是有銘不若無銘之貴也

德善雖似根於身心一遷然此與功烈勲勞並論禮記祭統卷之十

十三

則亦其被於當世者耳易曰善世而不伐德博而化正此德善二字

曰德善又曰功烈又曰勲勞言先祖當日所著之盛美有若斯之盛者無之慶賞聲名見當日所錫予所稱頌又若斯之盛者此其列在天下不可泯滅故必勒之鼎彝以垂不朽曰自成其名焉以祀其先祖者言必如此其銘勒乃成顯揚之名以彰祀典之盛美耳故緊承顯揚先祖所以崇孝也夫子論孝終以立身行道顯親揚名於後世此是孝之第一義故曰顯揚先祖所以崇孝也身得此

於銘勒之次如臨祖考之側而親承其訓也故稱順勒此明示於後世使萬世子孫皆尊奉祖宗之

彝訓而不敢越也故稱教

由崇孝與順與教看來則凡欲顯揚先烈而訓示子孫者非銘不可何者上不得則美不傳下不得則刑無法也故說夫銘者壹稱而上下皆得

稱是稱揚先祖所以稱揚而為銘者則後人也既美之又美之者美其能稱祖考之善而又不誣其實足以垂訓於來茲也故緊承說明足以見之云

禮記祭統卷之十

十四

及之而意愈愼散不能真誠以上請孰與其為銘然此銘世世之利也見不到可傳可法處孰利而為銘此明足以見之仁足以與之知足以利之非賢而何然此意專在顯揚其先唯恐其美而弗傳非以自伐其功曰我能如是以先其先也是謂賢而勿伐故又稱恭焉

使君上與已銘使字易一請字何如利之當是世世之利非獨利已之得次名於下也敢問高明古之君子論譏其先祖之美而明著之後世者也以其身以重其國家如此子孫之守宗廟社稷者其

先祖無美而稱之是誣也有善而弗知不明也知而弗傳不仁也此三者君子之所耻也

夫銘論譏先祖之美明著之後世此身得比盛美之後國家獲顯用賢之光其隆重如此此古之君子所以必為是銘也

無美不足稱不必銘也而必稱之是誣也

三者君子之所耻此有善者弗可弗知弗可弗傳也無美弗可稱弗可誣也然則銘誠論譏先祖之美明著之後世以比其身以重其國家非可效無美之極反誣其先人也

禮記祭統卷之十

十五

昔者周公旦有勲勞於天下周公既沒成王康王追念周公之所以勲勞者而欲尊魯故賜之以重祭外祭則郊社是也內祭則大禘嘗是也子孫纂之至于今不廢所以明周公之德而又以重其國也

謂周公有大勲勞而追念之是也賜之重祭非也子孫纂之至於今不廢尤非也周公之德重在宗室重在天下周天子宜銘其功德於宗廟之彝鼎不當賜之大祭以為重魯子孫亦宜請銘功德於其廟之彝鼎不當受大祭以重其國乃知此說之為謬也

經解

入其國節是一段天子者節是一段發號出令節  
是一段禮之於正國也至末是一段各不相蒙

孔子曰入其國其教可知也其為人也溫柔敦厚詩  
教也疏通知達書教也廣博易良樂教也絜靜精微  
易教也恭儉莊敬禮教也屬辭比事春秋教也故詩  
之失愚書之失誣樂之失奢易之失賊禮之失煩春  
秋之失亂其為人也溫柔敦厚而不愚則深於詩者  
也疏通知達而不誣則深於書者也廣博易良而不  
奢則深於樂者也絜靜精微而不賊則深於易者也

禮記經解卷之十

十六

恭儉莊敬而不煩則深於禮者也屬辭比事而不亂  
則深於春秋者也

此教字是風教之教其為人也云云若就一人言  
而被之風教者無異也故說入其國其教可知也  
易詩書禮樂春秋自有大義理在溫柔敦厚云云  
但只說得皮膚不曾說得聖人之精蘊

溫柔敦厚云云非必實以詩書禮樂為教也就其  
人之儀象如斯若得於詩書禮樂之教也云爾故  
就其溫柔敦厚而過者謂失之愚就其疏通知達  
而過者謂失之誣也云爾詩書禮樂何嘗有失習

之過者失之也觀下文深於詩深於書等一深字  
自見得

天子者與天地參故德配天地兼利萬物與日月並  
明明照四海而不遺微小其在朝廷則道仁聖禮義  
之序燕處則聽雅頌之音行步則有環佩之聲升車  
則有鸞和之音居處有禮進退有度百官得其宜萬  
事得其序

有天地不可無聖人天子原與天地參者天子與  
天地參便宜與天地合其德與日月合其明矣而  
合德與明要在兼利而無外明燭而不遺故並舉

禮記經解卷之十

十七

言之而又推其平日所自養者悉協於禮度之則  
此百官萬事無不各得其理而無愧於參贊之實  
也

必兼利萬物始合天地之德故德配天地下着此  
句必明照四海而不遺微小始合日月之明故與  
日月並明下着此句

聖作通明解仁聖禮義皆有序而皆率由之所謂  
非先王之法行不敢行也

居處有禮二句本上文泛泛說來起百官萬事二  
句

禮之於正國也猶衡之於輕重也繩墨之於曲直也  
規矩之於方圓也故衡誠縣不可欺以輕重繩墨誠  
陳不可欺以曲直規矩誠設不可欺以方圓君子審  
禮不可誣以姦詐

此節語意謂唯禮可以正國如唯衡可以知輕重  
唯繩墨可以辨曲直唯規矩可以成方圓耳方氏  
却將輕重曲直方圓通貼在禮上說失本旨  
國之不正由無禮以辨其姦也不可誣以姦詐則  
禮明而國正也

是故隆禮由禮謂之有方之士不隆禮不由禮謂之  
禮記經解卷之十

十八

無方之民敬讓之道也故以奉宗廟則敬以入朝廷  
則貴賤有位以處室家則父子親兄弟和以處鄉里  
則長幼有序孔子曰安上治民莫善於禮此之謂也  
故朝覲之禮所以明君臣之義也聘問之禮所以使  
諸侯相尊敬也喪祭之禮所以明臣子之恩也鄉飲  
酒之禮所以明長幼之序也昏姻之禮所以明男女  
之別也夫禮禁亂之所由生猶坊止水之所自來也  
故以舊坊為無所用而壞之者必有水敗以舊禮為  
無所用而去之者必有亂患故昏姻之禮廢則夫婦  
之道苦而淫辟之罪多矣鄉飲酒之禮廢則長幼之

序失而爭鬪之獄繁矣喪祭之禮廢則臣子之恩薄  
而倍死忘生者衆矣聘覲之禮廢則君臣之位失諸  
侯之行惡而倍畔侵陵之敗起矣故禮之教化也微  
其止邪也於未形使人日徙善遠罪而不自知也是  
以先王隆之也易曰君子慎始差若毫釐繆以千里  
此之謂也

隆尊崇也猶中庸尊德性尊字由率循也猶中庸  
道問學道字方氏謂隆禮所以極高明由禮所以  
道中庸不知其解

易曰君子以立不易方方是人之定所有方則為

禮記經解卷之十

十九

君子故稱士無方則為小人故稱民方氏道無方  
也云云愚亦不知其解

隆禮由禮謂之有方之士大別於庶民何也禮是  
敬讓之道不可一日而不隆不由能知此敬讓而  
服膺在廟在朝宜家宜鄉無所往而不善矣故說  
以奉宗廟則敬云云又証以孔子之語

繫項安上治民莫善於禮來見此禮之所明皆所  
以坊亂也坊則可無亂患不則亂生而不可止是  
以禁之不容已也然所為禁者豈待既發哉禮教  
日隆於其上使愾心佚志自然不敢竊發於其間



則教化之所止視刑罰之所止霄壤哉此禮為可貴而先王必隆之也

易之大畜曰童牛之牯元吉方其童而牯之烏乎觸此禁之說也學記曰禁於未發之謂豫

禮所從來舊矣故稱舊禮

禮之教化也微三句語極粹易曰臣弑其君子弑其父非一朝一夕之故其所由來者漸矣由辨之

禮記集說卷之十

二十

不知其教化如何其坊止如何此先王必隆之以

教天下也此隆字正應前隆禮一隆字政令刑賞皆教化也懸之象魏著矣人猶有肆其

哀公問

孔子曰民之所由生禮為大非禮無以節事天地之神也非禮無以辨君臣上下長幼之位也非禮無以別男女父子兄弟之親昏姻疏數之交也君子以此之為尊敬然後以其所能教百姓不廢其會節有成事然後治其雕鏤文章黼黻以嗣其順之然後言其喪筭備其鼎俎設其豕腊脩其宗廟歲時以敬祭祀以序宗族即安其居節醜其衣服卑其宮室車不雕幾器不刻鏤食不貳味以與民同利昔之君子之行禮者如此

禮記集說卷之十

十一

禮與生俱生者也無是禮則不能生矣詩曰人而無禮胡不遄死

此要細看三箇然後字面見君子尊敬此禮然後以其所能者教百姓不廢其會節不遽教也有成事然後治其雕鏤文章黼黻以嗣不遽治也其順之然後言其喪筭備其鼎俎設其豕腊脩其宗廟歲時以敬祭祀以序宗族不遽言之備之設之脩之也乃所自奉但即安其居節醜其衣服卑其宮室車不雕幾器不刻鏤食不貳味以與民同利焉其用於民者如是其有節也故下文曰昔之用民

者由前要禮會

易曰亨者嘉之會嘉會足以合禮凡禮嘉其除會處自有品節在君子特不廢之耳非創舉也此句正是以其所能教百姓意

禮有不可廢者事在必成雕鏤文章備歡其可已乎然必待有成事而後治則君子用民之有節也其順之然後言其喪筭云云亦此意其順之云者治所當治而上下皆無違心也古人行禮而必先之政通民和者蓋如此喪筭須細講乃明故下箇言字

禮記公問疑問卷之十

廿二

歲時二句宜相承看祭祀時必有燕以合族非二事也

即安即字下得極好即云者即如此而更無加也此字直貫到食不貳味

易云與民同利凡君子行禮若上文所云不無取用於其民而自身又過為崇奉若下文所云其誰堪之唯用其所不得不用者而儉於自奉乃可與民同利禹菲飲食而致孝乎鬼神惡衣服而致美乎黼冕卑宮室而盡力乎溝洫此便是用民的樣子

今之君子好實無厭淫德不倦荒怠教慢固民是盡午其衆以伐有道求得當欲不以其所昔之用民者由前今之用民者由後今之君子莫為禮也

好實無厭固民是盡求得當欲不以其所今之用民者若是哉可嘆已

求得當欲者必求其得以當其欲也

敢問人道誰為大孔子對曰人道政為大政者正也夫婦別父子親君臣嚴三者正則廢物從之矣

中庸哀公問政孔子對以人道此問人道孔子對以政為大可見政為人治之大人為出政之本二

禮記公問疑問卷之十

廿三

者固不可相離也

人之所以為人者三綱政之所以為政者三綱三綱不正未有可舉乎衆紀者

古之為政愛人為大所以治愛人禮為大所以治禮敬為大敬之至矣大昏為大大昏至矣大昏既至冕而親迎親之也親之也者親之也是故君子與敬為親舍敬是遺親也弗愛不親弗敬不正愛與敬其政之本與

此條專重一敬字

親之也者親之也句方氏解已親其人乃所以使

人之親已未當愚謂此二句專重在我親其人士  
孔子意若曰冕而親迎親之也親之也者為何我  
思此禮宜親而親之也故紫承君子與敬為親句  
又紫覆說舍敬是遺親也句

親之根愛來而善用其愛根敬來弗敬之愛雖親  
非正也慶源輔氏曰彼以褻為親者未要其終也  
唯敬以為親則愛得其正此語意極遠而可味

公曰冕而親迎不已重乎孔子對曰合二姓之好以  
繼先聖之後以為天地宗廟社稷之主君何謂已重  
乎孔子曰天地不合萬物不生大昏萬世之嗣也內  
禮哀公問問卷之十

以治宗廟之禮足以配天地之神明出以治直言之  
禮足以立上下之敬物耻足以振之國耻足以興之  
為政先禮禮其政之本與

天子諸侯其先皆有功德於民故稱繼先聖之後  
合二姓之好便生出子孫來繼先聖之後以為天  
地宗廟社稷之主非謂祭祀時君為外主夫人為  
內主之說也觀下文萬世之嗣也句自見得易震  
為長男其辭曰出可以守宗廟社稷以為祭主也  
是一証

大昏雖一時之好合然由是生子生孫而子又生

子孫又生孫傳之萬世而無窮故曰萬世之嗣  
直言之禮原難解石林葉氏曰夫婦正則名正名  
正則言順故出則足以治直言之禮亦通

宗廟至大禮也得后夫人為主于內而後治則斯  
禮之行其乾始坤成之大義乎故足以配天地之  
神明直言至大禮也得后夫人正名于內而後治  
則斯禮之行其辨別上下之綱紀乎故足以立上  
下之敬禮足以配天地辨上下而物其有不振舉  
乎國其有不興隆乎而何廢隆衰弱之可耻也故  
曰為政先禮禮其政之本與

禮哀公問問卷之十

廿五

昔三代明王之政必敬其妻子也有道妻也者親之  
主也敢不敬與子也者親之後也敢不敬與君子無  
不敬也敬身為大身也者親之枝也敢不敬與不能  
敬其身是傷其親傷其親是傷其本傷其本枝從而  
亡三者百姓之象也身以及身子以及子妃以及妃  
君行此三者則懍乎天下矣太王之道也如此則國  
家順矣

說三代明王之政必敬其妻子又說君子無不敬  
也敬身為大蓋此身是親之枝實妻與子之綱也  
所以君子先敬其身

讀身者親之枝也數語不能敬其身非孝子也  
身與妻子人皆有之而人不能盡其敬立箇敬的  
樣子與人看全在上之人故曰三者百姓之象也  
身以及身三句正是立象處然身尤其本也故先  
從身說起

身以及身三句說推及之理本如此若實能行此  
而推及之則天下之民無不各得其所矣愾以  
以氣有志氣充足無間意不但至焉駐焉而已也  
詩頌太王曰帝遷明德串夷載路天立厥妃受命  
既固其敬身也如何其敬妻子也如何此其立民  
禮家公問疑問卷之十

之象以愾乎天下者註但舉其平日之言不以養  
人者害人於此章之旨為未切

公曰敢問何謂敬身孔子對曰君子過言則民作辭  
過動則民作則君子言不過辭動不過則百姓不命  
而敬恭如是則能敬其身能敬其身則能成其親矣  
公曰敢問何謂成親孔子對曰君子也者人之成名  
也百姓歸之名謂之君子之子是使其親為君子也  
是為成其親之名也已孔子遂言曰古之為政愛人  
為大不能愛人不能有其身不能有其身不能安土  
不能安土不能樂天不能樂天不能成其身公曰敢

問何謂成身孔子對曰不過乎物仁人不過乎物孝  
子不過乎物是故仁人之事親也如事天事天如事  
親是故孝子成身

君子之言動下民所觀法也即有過焉民胥從之  
可無愾乎故君子言不過辭動不過則  
百姓不命而敬恭全在君子言動之不過不然而  
作辭作則敬於何有故曰如是則能敬身孝經云  
立身行道揚名於後世以顯父母是敬身成親之  
說也

使其親為君子方稱是箇人方稱是箇子

禮家公問疑問卷之十

廿七

前從愛人為大說到太昏而推本於敬身此復從  
愛人為大說到有身以至成其身蓋為政未有不  
務愛人者然非以敬成身未有可愾于天下者故  
反覆言之

詩曰天生蒸民有物有則一過乎物即失其則矣  
身惡乎成

因物賦物是身所由來隨物體物是身所由成  
究竟不過者何言不過辭動不過則而已

仁人孝子非二也自愛人言曰仁人自成親言曰  
孝子耳觀下文仁人事親孝子成身可見

事親如事天則其愛也敬事天如事親則其敬也  
愛敬兼盡而何愧于天何忝於親是謂成身  
開首論人道曰政為大推說愛與敬為政之本此  
論成身亦不出此二字意是為人道結局

仲尼燕居

子曰敬而不中禮謂之野恭而不中禮謂之給勇而  
不中禮謂之逆

禮是心之本體有自然之中在敬恭勇不協於自  
然之中是不中禮觀下文可見解禮者動以節文  
二字言愚謂不若訓心體之中之為當也

此敬字恭字勇字是就其致敬為恭尚勇處言合  
心與容皆有之不必分敬以心恭以容也

子曰禮乎禮夫禮所以制中也

禮乎禮口氣若曰人要為此中除非是禮但行禮

禮仲尼居疑問卷之十

廿九

時必求合乎禮之本體則得之矣何者夫禮在人  
心原是天然之中却制定的一般不可過不可不  
及者也行禮者而皆合此自然之制則中在是矣  
故將為此中者必在禮乎禮也

言游進曰敢問禮也者領惡而全好者與子曰然郊  
社之禮所以仁鬼神也嘗禘之禮所以仁昭穆也饋  
奠之禮所以仁死喪也射鄉之禮所以仁鄉黨也食  
饗之禮所以仁賓客也

領惡而全好則此心一仁也仁則無所往而不為  
仁矣故曰郊社之義所以仁鬼神也云云

子曰禮者何也即事之治也君子有其事必有其治  
治國而無禮譬猶瞽之無相與俛俛乎其何之譬如  
終夜有求於幽室之中非燭何見若無禮則手足無  
所錯耳目無所加進退揖讓無所制

禮體事而不遺故隨事而無不治

事之治事字所包甚廣自治心治躬以至於治國  
治天下皆是物也有其事必有其治言必有所以  
治之之理也故緊接治國而無禮云云

非燭何見言不明燭此禮也

子曰禮有九焉大饗有四焉苟知此矣雖在昧畝之  
禮仲尼是疑問卷之十

三十

中事之聖人已兩君相見揖讓而入門入門而縣興  
揖讓而升堂升堂而樂闋下管象武夏籥序興陳其  
薦俎序其禮樂備其百官如此而后君子知仁焉行  
中規還中矩和鸞中采齊客出以雍徹以振羽是故  
君子無物而不在禮矣入門而金作示情也升歌清  
廟示德也下而管象示事也是故古之君子不必親  
相與言也以禮樂相示而已

禮有九焉大饗有四此只形容大饗之禮之大不  
可不知耳訓詁家乃將揖讓入門以下分作九節  
謂此中大饗有其四焉似覺拘泥至將行中規還

中矩分為二節則尤為可哂之甚者

行中規三句不過形容其行其還其和鸞之曲中

耳行如何分得一節還如何分得一節

子曰人而不仁如禮何禮之周到處皆仁之貫徹  
也故曰如此而后知仁焉

一行一還一和鸞一出徹皆曲而中樂以和誠  
無物而不在禮也

賓主相接只是箇情而所尚只是箇德而其相成

只是箇事此於金作升歌管象悉示焉則古之君  
子豈必親相與言哉以禮樂相示焉耳矣識得禮

禮仲尼是疑問卷之十

卅一

樂相示處則雖畝畝之中而其事即聖人已蓋謂  
其所得之深也此當細加體認

子曰禮也者理也樂也者節也君子無理不動無節  
不作不能詩於禮終不能樂於禮素薄於德於禮虛

此承禮樂相示來禮樂相示而不以言則世論禮  
樂者當反求其本原不在聲容度數間矣故說禮

也者理也樂也者節也

理與節皆在吾心此心有理有節動作即是禮樂  
不然未可以輕云禮云樂也故說君子無理不動

無節不作

理與節非二物詩禮樂非三事一德焉耳矣

有理有節未有不能詩能樂者未有不厚於德者不能詩云云甚言理節之不可不熟耳

理節失諸口曰詩和於衷曰樂得諸身曰德

無序曰繆無文曰素無實曰虛此篇通主禮說故說於禮繆於禮素於禮虛

子張問政子曰君子明於禮樂舉而錯之而已子張復問子曰師爾以為必鋪几筵升降酌獻酬酢然後謂之禮乎爾以為必行綴兆與羽籥作鍾鼓然後謂之樂乎言而履之禮也行而樂之樂也君子力此二者禮仲尼左疑問卷之十

者以南面而立夫是以天下太平也諸侯朝萬物服體而百官莫敢不承事矣

政不過使民各得其所各適其欲而禮樂之道備焉故說明於禮樂舉而錯之而已

要知鋪几筵升降酌獻酬酢行綴兆與羽籥作鍾鼓皆禮樂所不可廢但其實則在言而履行而樂明於禮樂者明此履之樂之而已

### 孔子閒居

孔子閒居子夏侍子夏曰敢問詩云凱弟君子民之父母何如斯可謂民之父母矣孔子曰夫民之父母乎必達於禮樂之原以致五至而行三無以橫於天下四方有敗必先知之此之謂民之父母矣子夏曰民之父母既得而聞之矣敢問何謂五至孔子曰志之所至詩亦至焉詩之所至禮亦至焉禮之所至樂亦至焉樂之所至哀亦至焉哀樂相生是故正明目而視之不可得而見也傾耳而聽之不可得而聞也志氣塞乎天地此之謂五至子夏曰五至既得而聞禮孔子左疑問卷之十

卅三

之矣敢問何謂三無孔子曰無聲之樂無體之禮無服之喪此之謂三無子夏曰三無既得畧而聞之矣敢問何詩近之孔子曰夙夜其命宥密無聲之樂也威儀逮逮不可選也無體之禮也凡民有喪匍匐救之無服之喪也子夏曰言則大矣美矣盛矣言盡於此而已乎孔子曰何為其然也君子之服之也猶有五起焉子夏曰何如孔子曰無聲之樂氣志不違無體之禮威儀遲遲無服之喪內恕孔悲無聲之樂氣志既得無體之禮威儀翼翼無服之喪施及四國無聲之樂氣志既從無體之禮上下和同無服之喪以

萬萬邦無聲之樂日聞四方無體之禮日就月將無服之喪純德孔明無聲之樂氣志既起無體之禮施及四海無服之喪施于孫子

為民父母行政大抵以禮樂教化為首務然不達其原志屬儀文末節耳故必通達其原真知此心可通於四海究極其至而行自然廣被於天下且先事而豫防使必無禍敗之及則盡為民父母之實心可稱為民父母之實政是詩之所謂凱弟君子也

至以極言無以微言總本達禮樂之原來

禮孔子居新問卷之十

廿四

既無矣曷以行言實有是心實為是事而要歸于無思無為則不謂之行不可也

曰致五至行三無橫於天下足矣何又益以四方有敗必先知之也凡善為政者圖其成先虞其敗先知而為之所則可終無敗而四方安享其成矣此是致五至行三無實實憂民一大緊要處故特提出言之中庸論至誠參贊化育必說到善不善必先知之正是此意

詩禮樂哀四字要看得細五至雖有次第而總由一志字來此志一至四者自無不至不則雖欲強

其一至有不可得者故下文云志氣塞乎天地志之至志也詩禮樂哀之至皆氣也而其實有不相離者細體之自得

子民之心誠切懇到心口之間自然欲隱秘而不容得者這便是詩至有是心口之圖維自然有許多經綸料理出來這便是禮至有是經綸料理自然欣喜從事而不為疲這便是樂至樂此而不為疲則視民如傷唯恐或玷於危亡也將戚然而不自寧這便是哀至哀本於樂樂轉為哀朝夕往來於中無少止息這便是哀樂相生所以視不可得

禮孔子居新問卷之十

廿五

而見聽不可得而聞而此志此氣充塞於天地之間也此之謂五至恐非興於詩立於禮有其序有其和之說若謂君樂民之生哀民之死民亦樂君之生哀君之死為哀樂相生抑遠矣謂塞乎天地即所謂橫於天下也抑又戾矣

叙五至說到志氣塞乎天地總完得一箇志字樂必有聲乃欣喜懽愛有不可得而形容者則無聲之樂也禮必有體乃品節經制有不可得而儀象者則無體之禮也喪必因服乃哀閔痛傷有惻然出於衰絰之外者則無服之喪也故下文引三



詩以擬其近

無聲之樂樂字即上文樂亦至焉樂字無體之禮  
禮字即上文禮亦至焉禮字無服之喪則哀矣即  
上文哀亦至焉之意上文云正明日而視之不可  
得而見也傾耳而聽之不可得而聞也分明就是一箇無字了唯至乃可稱無唯無乃謂之至首節  
以致五至而行三無原一氣說下藍田呂氏曰先  
儒謂此三者皆行之在心故稱無也體得極好  
夫子斷章取義將其命宥容一語形容樂之無聲  
恐不當作寬靜安民解

禮孔子居疑問卷之十

廿六

威儀速速不可選將併威儀而悉忘之矣所以近  
無體之禮

君子服之云者常致五至行三無而頃刻不離于  
心也若爾則由中達外發越奮揚將有不可遏抑  
者此一段光景甚佳故云猶有五起恐非五種起  
發其義也

易曰美在其中而暢于四支發于事業美之至也  
此便是五起光景

人與已同此氣志也故始之氣志不違便氣志既  
得

五至總是一至三無總是一無就無聲之樂說到  
氣志既起完志氣塞乎天地一語其無體無服從  
可知矣

首節云四方有敗必先知之後何無一言之及也  
哀亦至焉哀甚麼無服之喪喪甚麼總是此憂民  
之心豫圖於未敗之先也故直說到氣志既起施  
及四海施于孫子處

氣志既得便氣志既從便日聞四方而氣志既起  
既起云者在在無不興起而不知其所自也心和  
則氣和氣和則形和形和而天地萬物之和莫不

禮孔子居疑問卷之十

廿七

應之這便是氣志既起光景

威儀遲遲便自然欽翼而不放故繼云翼翼  
上云志氣塞乎天地此就氣志不違直說到氣志  
既起總是此志此氣也上從志之所至說將下故  
云志氣此就無聲之樂發出來故云氣志耳必到  
氣志既起方完得志氣塞乎天地一語

子夏曰三王之德參於天地敢問何如斯可謂參天  
地矣孔子曰奉三無私以勞天下子夏曰敢問何謂  
三無私孔子曰天無私覆地無私載日月無私照奉  
斯三者以勞天下此之謂三無私其在詩曰帝命不

達至於湯齊湯降不遑聖教日齊昭假遲遲上帝是祇帝命式于九圍是湯之德也天有四時春秋冬夏風雨霜露無非教也地載神氣神氣風霆風霆流形庶物露生無非教也清明在躬氣志如神者欲將至有開必先降時兩山川出雲其在詩曰嵩高維嶽峻極于天維嶽降神生甫及申維申及甫為周之翰四國于蕃四方于宣此文武之德也三代之王也必先其令聞詩云明明天子令聞不已三代之德也弛其文德協此四國太王之德也子夏蹶然而起負牆而立曰弟子敢不承乎

禮孔子居疑問卷之十

廿八

其身為天下役豈好勞惡佚性與人殊哉天欲傾否開泰將此大任責之聖人雖欲辭其勞有不可得耳書曰一夫不獲時予之辜又曰天工人其代之易曰君子以勞民勸相總言此勞之不容辭也但唯所存毫無自私自利於胷中而實實為勞民勸相之事則至誠參贊化育之所為異於後世尋常萬萬者故曰奉三無私以勞天下曰三王之德參於天地

昭格遲遲上帝是祇此是湯之心事此正其聖教日躋處故曰是湯之德也註湯無心於得天付之

悠悠也語極精透

易曰立天之道曰陰與陽立地之道曰柔與剛立人之道曰仁與義陽舒陰慘皆天地之至教聖人所不能違者禹之禪受湯武之放伐何心哉一奉天地之無私耳故說天有四時一段

日月照臨雨露濡潤物所由生也然非雪霜之肅殺風霆之奮擊易由生且成哉易曰鼓之以雷霆潤之以風雨日月運行一寒一暑與此語相發乾道變化是天之神氣地載此神氣以有終全在風霆上見得故承說風霆流形庶物露生易曰坤

禮孔子居疑問卷之十

廿九

道其順乎承天而時行即此意

風霆易形哉然其披拂其奮擊却有不可掩者於庶物露生處可驗得易曰雲行雨施品物流形品物之流形即雲雨之流形也然則庶物之露生非風霆之流形易以致哉

清明二字緊承天地之教來天有四時風雨霜露何心哉此氣常清明也地載神氣風霆流形何心哉此氣常清明也聖心無私此清明與天地合其德則其氣志自與天地同其變化故曰清明在躬氣志如神在躬者身有之之謂也

聖心何欲哉乃時之所適天意人情有必至是者即聖人亦願欲為之是所謂者欲也要識聖人無欲而亦有者欲而原歸於無欲

湯之德在聖敬二字文武之德在清明二字

令聞從令德來必先其令聞者必先其令德也故上文曰湯之德曰文武之德此總曰三代之德也然又云太王之德者何禹治水土地平天成功德與天無極此不必言唯湯武放伐功在天下不小然所以篤生此人者全由祖宗積德所致故論湯之德曰帝命不違直究其自契以來為天命之所

禮孔子居疑問卷之十

四十

嚮論文武曰弛其文德協此四國直言此是大王之德見此令聞所從來者遠故其奉無私以勞天下其德與天地相參也

負牆而立者聞此教而謙退以承之也與循牆而懼意同

子夏問凱弟君子民之父母又問三王之德參於天地其有關於世道不小夫子一告以致五至而行三無一告以奉三無私而先令聞其有裨於世道甚大

重訂禮記疑問卷之十一

烏程後學承菴姚舜牧著

坊記

子言之君子之道辟則坊與坊民之所不足者也大為之坊民猶踰之故君子禮以坊德刑以坊淫命以坊欲子云小人貧斯約富斯驕約斯盜驕斯亂禮者因人之情而為之節文以為民坊者也故聖人之制富貴也使民富不足以驕貧不至於約貴不慚於上故亂益亡子云貧而好樂富而好禮衆而以罕者天下其幾矣詩云民之貪亂寧為荼毒故制國不過千

禮記坊記疑問卷之一

乘都城不過百雉家富不過百乘以比坊民諸侯猶有畔者

人心之欲無涯而常苦不足以不足向無涯未有不踰其則者故云坊民之所不足者也非天理人欲有餘不足之說

禮以坊德三句宜平看究竟宜重禮以坊德句觀下文禮因人情為節文以為民坊云云自見得蓋禮為民坊制有定則一踰即蹈于刑誰敢恣淫一踰即逆其命誰敢縱欲不恣淫欲自然保完德性不向于凶惡矣此之謂禮以坊德且通坊記一篇

大抵皆因人情為節文以為民坊未嘗及刑與命  
石林葉氏曰禮之所制亦多術矣富貴獨先焉者  
以人道之大欲所存極說得是

制富貴是禮却便是明刑處便是造命處  
何謂制富貴制國不過千乘云云即其大者也

子云夫禮者所以章疑別微以為民坊者也故貴賤  
有等衣服有別朝廷有位則民有所讓

貴賤有等三句總是章疑別微語極粹此正禮之  
節文處

禮記坊記疑問卷十一

子云君子辭貴不辭賤辭富不辭貧則亂益亡故君  
子與其使食浮於人也寧使人浮於食

辭貴不辭賤二句是君子之事與其使食浮於人  
二句是君子之心

子云君子貴人而賤已先人而後已則民作讓

此條專重一讓字讓猶有所犯也況不讓者乎唯  
君子貴人而賤已先人而後已則民作讓此禮教  
之貴退讓也虞廷讓於皋陶稷契堯龍此是先人  
後已的樣子

子云利祿先死者而後生者則民不倍先亡者而後

存者則民可以託詩云先君之思以畜寡人以此坊  
民民猶情死而號無告

先君之思二句詩謂思念先君以婦道最勉寡人  
此斷章取義謂思及先君畜養寡人證利祿先死  
者而後生者之意故改最為畜此畜字不作容畜  
解

子云上酌民言則下天上施上不酌民言則犯也下  
不天上施則亂也故君子信讓以准百姓則民之報  
禮重詩云先民有言詢于芻蕘

禮記坊記疑問卷十一

舜是也好問而好察邇言隱惡而揚善執其兩端  
用其中於民此可立酌民言者之極

天上施者戴土之施如天也

上不酌民言四句分明上下相對書曰罔失法度  
事唯獨斷不求詢謀之同便失法度即此便是犯  
了解民必違犯恐未然

心誠愛民退然不敢自用是信讓也信讓的必稽  
于衆舍已從人此酌民言之本

子云善則稱人過則稱己則民不爭善則稱人過則  
稱己則怨益亡子云善則稱君過則稱己則民作忠

君陳曰爾有嘉謀嘉猷入告爾君于內女乃順之于外曰此謀此猷惟我君之德於乎是惟良顯哉子云善則稱親過則稱己則民作孝大誓曰子克紂非子武惟朕文考無罪紂克子非朕文考有罪惟予小子無良

慶源輔氏云不爭始之事也又進則怨益亡又進則民讓善說得好

善稱人過稱己此君子長者事善稱君親過稱己此忠臣孝子事其人品特勝

子云從命不忿微諫不倦勞而不怨可謂孝矣詩云禮記坊記疑問卷十一

四

從命作承命解是然愚竊謂父母之命有治與亂不同若從治命惟然承之無容說矣唯承亂命或忿然氣有未平毋亦人情乎於此處能略無忿心略無怨氣唯知微諫而不倦即至於勞而不怨則非心誠諭親於道者不能也故總之曰可謂孝矣子云敬則用祭器故君子不以菲廢禮不以美沒禮故食禮主人親饋則客祭主人不親饋則客不祭故君子苟無禮雖美不食焉易曰東鄰殺牛不如西鄰之禴祭受實其福詩云既醉以酒既飽以德以此示

民民猶爭利而忘義

此條專重一敬字敬之所在是禮也禮主敬不憚於非可以非廢禮乎禮主敬不尚其美可以美沒禮乎故食禮主人親饋則客祭不親則不祭為其有敬有不敬也不敬則無禮雖美不食焉然則禮豈在非與美哉在非與美之主敬耳易言殺牛不如禴詩言醉酒而飽德皆重此敬也敬不至是利也非義也民爭利而忘義禮教不從此衰哉

子云七日戒三日齋承一人焉以為尸過之者趨走以教敬也醴酒在室醢酒在堂澄酒在下示民不淫禮記坊記疑問卷十一

五

也尸飲三象賓飲一示民有上下也因其酒食聚其宗族以教民睦也故堂上觀乎室堂下觀乎上詩云禮儀卒度笑語卒獲

此條詳祭時之禮儀故始曰教敬次曰示民不淫又次曰示民有上下又次曰教民睦終歸在堂上觀乎室堂下觀乎上見所為教為示一本此禮行之而可為觀法儀刑也引詩禮儀卒度笑語卒獲其意深矣

子云君子不盡利以遺民詩云彼有遺秉此有不斂穧伊寡婦之利故君子仕則不稼田則不漁食時不

力珍大夫不坐羊士不坐犬詩云采葑采菲無以下體以此坊民民猶忘義而爭利以亡其身

大夫無故不殺羊士無故不殺犬故云不坐羊坐犬不坐者不坐享之謂也犬羊之皮可為坐乎哉子云夫禮坊民所淫章民之別使民無嫌以為民紀者也故男女無媒不交無幣不相見恐男女之無別也詩云伐柯如之何匪斧不克取妻如之何匪媒不得以此坊民民猶有自獻其身

坊民所淫所字下得好飲食男女人之大欲存焉相不防閑此所必至于淫者章民之別使民一無禮記坊記疑問卷十一

可嫌之行民紀不從此立乎無媒不交二句正是章別而使無嫌處

易曰說以動所歸妹也又曰見金夫不有躬所歸在妹而不有其躬是謂自獻其身六禮不至貞女不行此可立萬世之防矣

諸侯不下漁色故君子遠色以為民紀  
竭澤而取曰漁諸侯下漁色其誰堪之故禮以為坊

表記

子曰君子不失足於人不失色於人不失口於人是故君子貌足畏也色足憚也言足信也

言動舉止必依名節必由道義是不失足不失色不失口於人故緊接貌足畏也云云

子曰褐襲之不相因也欲民之母相賣也

裘襲服也不可以敬事故有衣以覆之不相則謂之襲襲充美也袒謂之褐褐見美也謂裘之文飾也不文飾也不褐此呂氏之說也論語註亦云衣以褐裘欲其相稱

禮記表記疑問卷十一

七

曾子襲裘而弔子游褐裘而弔曾子反譏之及主人小飲子游始襲裘帶經而入是明不相因之義者

子曰君子慎以辟禍篤以不揜恭以遠恥

篤以不揜句如馬氏解亦可然以字較未融徹大學誠意章有揜其不善而著其善句愚謂篤實之士闇然日章無用為揜覆之計是所謂篤以不揜也

子曰君子莊敬日強安肆日偷君子不以一日使其躬儻焉如不終日

一存莊敬之心是先自強也故其強日加一萌安肆之念是先自偷也故其偷日甚僥焉如不終日畫出箇日偷的樣子與人看教人必莊敬毋安肆也

狎侮死焉而不畏也

書曰德盛不狎侮又曰弗畏入畏畏與狎侮正相反乃狎侮有至死而不畏者亦可悼已

子曰無欲而好仁者無畏而惡不仁者天下一人而已矣是故君子議道自己而置法以民

已與人同此仁也為仁是道由已而不由人故曰禮記表記疑問卷十一

議道自己教人為仁是法必因其人而不可強也故曰置法以民然其本末先後之間不可紊也故曰議道自己而置法以民

子曰仁有三與仁同功而異情與仁同功其仁未可知也與仁同過然後其仁可知也仁者安仁知者利仁畏罪者強仁

與仁同功其情未知何如故曰其仁未可知與仁同過其情却有可原故曰其仁可知安仁利仁強仁正是其情之異處此條專重同功而異情句

子曰仁之為器重其為道遠舉者莫能勝也行者莫

能致也取數多者仁也夫勉於仁者不亦難乎是故君子以義度人則難為人以人望人則賢者可知已矣

仁非器也借器以喻其莫勝耳

仁體天地萬物而不遺其為器也不亦重乎與天地萬物相終始其為道也不亦遠乎故曰舉者莫能勝行者莫能致

有一事之仁而通極于萬事萬物有一念之仁而統體乎天地萬物有一時之仁而推及于天下萬世是取數之多與舉莫能勝而行莫能致者勉於

禮記表記疑問卷十一

九

仁者不亦難乎

以義度人非寬而宥之也唯勉于仁者之難故君子不敢以全責耳然以此待人則可以此自恕則不可

子曰中心安仁者天下一人而已矣知道而行中道而廢忘身之老也不知年數之不足也俛焉日有孳孳斃而后已

中道而廢當作中道不可廢或而字原是箇不字或而字下脫落一不字皆不可曉力竭而止云云終屬曲解

曰忘身之老又曰不知年數之不足又曰俛焉日有孳孳斃而後已此方是聖人向學之心

子曰仁之難成久矣人之失其所好故仁者之過易辭也子曰恭近禮儉近仁信近情敬讓以行此雖有過其不甚矣夫恭寡過情可信儉易容也以此失之者不亦鮮乎詩云溫溫恭人維德之基

人之失其所好緊接上句以見仁之難成故仁者一得其所好雖有過亦易辭也

仁者之過易辭句不是為仁者辭過仁者求無愧此心耳然此心誠得其所好即不幸不免於過亦

禮記表記疑問卷十一

十一

天理人情之所宜有者知者亦必以天理人情原之矣故曰易辭非仁者欲釋其過而為之辭也

恭近禮三句言其本來如此敬讓以行此言其實能體此三者故雖有過不甚也夫恭寡過以下則申釋之辭

維德之基正是成仁之地

子曰仁之難成久矣惟君子能之是故君子不以其所能者病人不以其之所不能者愧人是故聖人之制行也不制以已使民有所勸勉愧恥以行其言禮以節之信以結之容貌以文之衣服以移之朋友以

極之欲民之有壹也

君子不以其所能者病人二句無非欲人之進於能故隨說聖人之制行云云見其所立教人人皆可以奮勵為者易曰聖人成能百姓與能

不制以已導以衆人所可能然所為制者禮以節之信以結之容貌以文之衣服以移之朋友以極之必欲其進于能而後已此方是君子之能成仁處

人雖庸衆亦必有向仁之言特未能行耳茲能勸勉愧恥便將實行其言而不徒為虛辭矣下文遂

禮記表記疑問卷十一

十一

其辭實以君子之言正與此相照應

履德之基也制行必先之禮節然禮貴誠實故隨教之以信結焉容貌衣服皆行禮約信者所不可廢也故隨教以文之移之然非朋友之夾持有不

可底于成者故終以極之之說焉

新沐者必彈冠新浴者必振衣服其服未有不循禮而蹈信者其潛移默化之力居多故此於衣服特下一移字改移為稱吾不知之也

欲民有壹者欲民實有此專一而不他也

是故君子服其服則文以君子之容有其容則文以



君子之辭遂其辭則實以君子之德是故君子耻服其服而無其容耻有其容而無其辭耻有其辭而無其德耻有其德而無其行是故君子衰經則有衰色端冕則有端色甲冑則有不可辱之色

服其服以下雖專就君子說然承上說來正見聖人之制行要人皆學為君子而實行其言也

人所易發者言故其辭獨下一遂字

有德者必能行然未見諸行似終未見其實踐也故云耻有其德而無其行

衰經有衰色端冕有端色甲冑有不可辱之色實

禮記表記疑問卷十一

十二

有諸中而形諸外非徒服其服而已者

前段仁之難成意在成已邊故教以寡過為德之基後段仁之難成意在成人邊故教以制行使民有所勸勉愧耻要之成已成人乃為成仁此聖人望人意也

子言之君子之所謂義者貴賤皆有事於天下天子親耕粢盛秬鬯以事上帝故諸侯勤輔事於天子義者宜也自天子而下皆必有所宜事者天子親耕粢盛以事上帝諸侯自勤以輔事天子其在下者又可知矣然義莫先於倡也應氏註極懇透

子曰下之事上也雖有庇民之大德不敢有君民之心仁之厚也是故君子恭儉以求役仁信讓以求役禮不自尚其事不自尊其身儉於位而寡於欲讓於賢卑已而尊人小心而畏義求以事君得之自是不得自是以聽天命其舜禹文王周公之謂與君民之大德有事君之小心詩云惟此文王小心翼翼昭事上帝聿懷多福厥德不回以受方國

仁之厚猶曰厚於仁極言其仁之至耳

仁禮人所固有然不能自致於人唯恭儉為能行仁唯信讓為能行禮是仁禮若為恭儉信讓所役

禮記表記疑問卷十一

十三

使也故曰恭儉以求役仁信讓以求役禮不自尚其事以下總是恭儉信讓之實事總求以事君以聽天命而毫無觀倖君民之心是所謂仁之厚也儘做得天大事來總是臣子職分所宜為者何消尚得

盡我所當為者以求事君而得與不得唯聽天命非古之純臣曷克有此

自是云者我唯知恭儉信讓如是焉而已

君民以德言事君以心言有君民之大德而唯懷事君之小心是誠仁之厚者詩小心翼翼昭事上

帝是發古純臣事君之心事矣

子曰先王謚以尊名節以壹惠耻名之浮於行也是故君子不自大其事不自尚其功以求處情過行弗率以求處厚彰人之善而美人之功以求下賢是故君子雖自卑而民敬尊之子曰后稷天下之為烈也豈一手一足哉唯欲行之浮於名也故自謂曰人

處情處厚下賢通加一求字茲可覘君子之心矣後學宜三復於斯言

耻名之浮於行欲行之浮於名語極粹而思極遠

禮記表記疑問卷十一

十四

之父母凱以強教之弟以說安之樂而毋荒有禮而親戚莊而安孝慈而敬使民有父之尊有母之親如此而后可以為民父母矣非至德其孰能如此乎

耕農樹畜愛敬尊親總是強教安居樂業遷善敏德總是說安

樂而毋荒四句統是君子之自治而強教說安即寓於此不宜瑣瑣分貼

泰然自得而所存實無懈放是樂而毋荒嚴以自律而所施却甚平易是有體而親戚莊而安與專事苛猛嚴厲者不同孝慈而敬與徒為趨承姑息

者大別是躬行率先之道所謂強教說安者莫有善於此也所以使民有父之尊有母之親非甚盛德其孰能與于斯

子言之事君先資其言拜自獻其身以成其信是故君有責於其臣臣有死於其言故其受祿不誣其受罪益寡

古人經世之具豫定于胷中應命時先形於言以為藉其君已略信之矣乃拜受命自靖自獻致命而畢酬之無一不踐是真所謂能成其信者伊尹太公其人也

禮記表記疑問卷十一

十五

子曰事君不下達不尚辭非其人弗自小雅曰靖共爾位正直是與神之聽之式穀以女

立朝以正直為本自古有抱負者必上達不下達必尚行不尚辭必由端人以升而弗自匪人此立朝軌儀自別於凡流而終膺大祉也

子曰事君遠而諫則調也近而不諫則尸利也子曰適臣守和宰正百官大臣慮四方

凡臣子皆可進諫然亦必量遠近信否而後為之遠者未必相信也未信而求知非調而何曰守曰正曰慮見遠適大小之臣各有所事不得

侵越亦不繇曠

子曰事君欲諫不欲陳詩云心乎愛矣瑕不謂矣中心藏之何日忘之

龍逢比干之諫可謂非陳乎然非二臣之心也欲不欲三字下得極好

子曰事君難進而易退則位有序易進而難退則亂也故君子三揖而進一辭而退以遠亂也

古之人未嘗不欲仕也又惡不由其道難進易退總是以道為行止耳

子曰事君慎始而敬終子曰事君可貴可賤可富可貧可生可殺而不可使為亂

慎始而敬終五字細宜咀嚼

君所宰者貴賤富貧生殺之權臣俱可受命于君臣所宰者理也君不得以此權加之而可使為亂

故君使其臣得志則慎慮而從之否則孰慮而從之

此得志與否要看得活凡君所使臣者皆臣之所當為也唯事處其順即可以見諸行者是謂得志

然非可專輒為也須敬慎謀慮而從之必圖維萬全而後可若非常之事非臣子之志所願為而時

與勢之所在有不容於不為焉者此非可鹵莽為也須熟復謀慮而從之及其成功又退然不居其

有是其始不憚于勤勩而其終悉忘其寵利乃臣之厚道也若謂有所不合又非所宜辭亦孰慮而

從之卒事則致為臣而去儻其所使必非理之所可從者將亦順其肯而為之耶

臣子所能為者皆其所當為者臣之厚臣之宜也非有加分外而為厚也唯自人視之見其為厚耳

子曰唯天子受命于天士受命于君故君命順則臣有順命君命逆則臣有逆命

禮記表記疑問卷十一

士受命於君與天子受命於天同乃臣有順命逆命者何也天命有順而無逆君之命不無順逆故

其臣一視君命以為順逆也

子曰君子不以辭盡人故天下有道則行有枝葉天下無道則辭有枝葉

註根本盛三字甚好世當有道人皆尚德充養完粹自然發生出來日益暢茂所謂行有枝葉也若

無道之世競尚辭華而忘本實則無辭莫說而已矣尚行不尚辭吾安得遊于有道之世

緇衣

子言之曰為上易事也為下易知也則刑不煩矣  
上造人難理會下造人便生出許多變詐又曲為  
承奉自陷於刑辟為上易事為下自然易知何煩  
於刑哉

子曰好賢如緇衣惡惡如巷伯則爵不濫而民作愿  
刑不試而民咸服大雅曰儀刑文王萬國作孚  
爵與刑所以助好惡之所不及也好惡誠真民心  
自有一段躍然處

子曰王言如絲其出如綸王言如綸其出如綍故大  
禮記緇衣疑問卷十一

十八

人不倡游言可言也不可行君子弗言也可行也不  
可言君子弗行也則民言不危行而行不危言矣  
可言也不可行二段雖平對意實重在謹言上  
危與安對不可言不可行便於理有未安處是謂  
言危行行危言

子曰君子通人以言而禁人以行故言必慮其所終  
而行必稽其所敝則民謹於言而慎於行

道教道也禁禁止也唯道人以言故言慮其所終  
必慎終如始其言乃為善言而可道人也唯禁人  
以行故行稽其所敝必永終無敝其行乃為善行

而可禁人也註訓禁為謹飾之也未安

子曰長民者衣服不貳從容有常以齊其民則民德  
壹

語曰通之以德齊之以禮衣服不貳從容有常是  
自處於禮處故可以齊其民

從容於禮教中有矣難乎其有常也必到從容有  
常處乃為身與禮一

子曰為上可望而知也為下可述而志也則君不疑  
於其臣而臣不惑於其君矣

心相契曰知心相孚曰志可望而知者君所存無  
禮記緇衣疑問卷十一

十九

表裡故一望其容儀而心與契也可述而志者臣  
所事皆忠誠故即事可稱述而心與孚也易曰上  
下交而志同正是此志字訓可稱述而記志非也

子曰有國家者章善癉惡以示民厚則民情不貳  
書曰唯民生厚厚者民之本性也而不慎所習焉  
則偷章善癉惡曉然使皆習於善不習於惡此是

示民之歸厚處註善居厚惡居薄語較未融  
子曰上不疑則百姓感下難知則君長勞

好惡不定於其中便是上之持疑處薄責已而厚  
責人便是下之難知處

子曰政之不行也教之不成也爵祿不足勸也刑罰不足耻也故上不可以棄刑而輕爵祿曰敬明乃

上所以整民者在政所以化民者在教政行教成爵與刑自足為世之懲勸政不行教不成則爵祿不足以示勸刑罰不足以示耻是棄刑而輕爵祿康誥曰敬明乃罰要見必先於敬明甫刑曰播刑之不迫要見必有所以迪之者

子曰大臣不親百姓不寧則忠敬不足而富貴已過也大臣不治而適臣比矣故大臣不可不敬也是民之表也適臣不可不慎也是民之道也君母以小謀大母以遠言近母以內圖外則大臣不怨適臣不疾而遠臣不蔽矣

此節重親大臣因大臣說到適臣又說到遠臣忠敬不足而富貴已過言為人上者不致忠敬於大臣也忠是實心敬是禮貌孟子曰待先生如此其忠且敬也是一證註將忠敬分貼君臣未當中庸曰敬大臣則不眩不親大臣則大臣不得任其事故曰大臣不治綴衣虎賁王家亦不可少但不可比周以為黨耳

大臣不治而適臣比則不成世界百姓如何得寧疏逃之臣亦有懷忠蓋以清君側者但論體統朝廷之上自有所以察適臣併馭之法以遠言近或恐風聞之未的論劾之未當反啓其危疑之心以益其禍者故重以為戒

子曰大人不親其所賢而信其所賤民是以親失而教是以煩

大人要親得其人所親非所賢民亦莫知所適從矣是以親失而教煩

子曰小人溺於水君子溺於口大人溺於民皆在其

禮記緇衣疑問卷十一 廿一  
所繫也夫水近於人而溺人德易狎而難親也易以溺人口費而煩易出難悔易以溺人夫民閑於人而有鄙心可敬不可慢易以溺人故君子不可不慎也

長人者不可存一褻心褻以為不足畏而不知大可畏在其中矣水能載舟亦能覆舟此溺於民之說也詩書所載曰如臨深淵如履春冰最為警惕閑於人而有鄙心言不通世務而唯抱一鄙陋之見也閑即讀如字無妨

子曰民以君為心君以民為體心以體全亦以體傷君以民存亦以民亡

若曰一體自古記之然未有不本於其君者識得  
心以體全亦以體傷則謹護其體而不傷是善養  
心者識得君以民存亦以民亡則愛養其民而不  
傷是能為君者剝心頭內翳眼前瘡視此當痛省  
矣

子曰下之事上也身不正言不信則義不壹行無類  
也子曰言有物而行有格也

義不壹行無類通頂上二句來不壹壹字宜照德  
惟一一字看無類類字宜照錫爾類類字看此條

本旨若曰人臣之義只有這一箇其所行者必宜  
禮記緇衣疑問卷十一

十二

以其類身不正言不信則義不壹而行無類矣然  
則當何如言有物而行有格耳言有物行有格正  
是正身信言處行無類又本義不壹來

子曰唯君子能好其正小人毒其正

好正者毒邪好邪者毒正是一定之理

子曰輕絕貧賤而重絕富貴則好賢不堅而惡惡不  
著也

此只主勢利一輩人說故曰輕絕貧賤而重絕富  
貴讀者不必拘泥好惡字面曲將貧賤富貴細為  
分解也

子曰私惠不歸德君子不自留焉

藏而不含曰留中心藏之何日忘之此自留之說  
也君子愛人以德故不留私惠

子曰苟有車必見其軾苟有衣必見其敝人苟或言  
之必聞其聲苟或行之必見其成

此將有車必見軾有衣必有敝二事起人有言必  
有聲有行必有成有不可自揜其聞見於外者所  
以君子宜服膺而弗射也呂氏乃曰有軾則有車  
無車則何所憑而式有衣然後可敝無衣則何敝  
之有不知何謂

禮記緇衣疑問卷十一

十三

子曰言從而行之則言不可飾也行從而言之則行  
不可飾也故君子寡言而行以成其信則民不得大  
其美而小其惡

從隨也凡所言者從而行之則言將見諸行不可  
飾也凡所行者從而言之則行欲踐其言不可飾  
也故君子寡言而行以成其信則民不得大其美  
而小其惡大美而小惡正是民之自飾處唯君子  
知言行不可飾而成信此民亦胥化而無自飾也  
飾正與信對註訓從為順於理云云大體貼

問喪

親始死難斯徒跪扱上社交手哭惻怛之心痛疾之意傷腎乾肝焦肺水漿不入口三日不舉火故鄰里為之糜粥以飲食之夫悲哀在中故形變於外也痛疾在心故口不甘味身不安美也

惻怛之心痛疾之意傷腎乾肝焦肺是致毀而初不自知者水漿不入口三日不舉火是致哀而如欲不生者非有所假也

其往送也望望然汲汲然如有追而弗及也其反哭也皇皇然若有求而弗得也故其往送也如慕其反

禮記問喪解問卷十一 廿四

也如疑求而無所得之也入門而弗見也上堂又弗見也入室又弗見也亡矣喪矣不可復見已矣故哭泣辟踊盡哀而止矣

讀其往送也望望然一節而不悲哀者無人心者也但悲哀而不求所以如慕如疑之故猶無悲哀者也

服問

傳曰舉多而刑五喪多而服五上附下附列也罪以情斷禮以義起刑雖先王未之有可以情附禮雖先王未之有可以義附其附之上下森列於兩間者昭如也此泛舉刑以論禮註大功以上云云似太泥

禮記服問疑問卷十一

廿五

三年間

三年之喪何也曰創鉅者其日久痛甚者其愈遲三年者稱情而立文所以為至痛極也斬衰苴杖居倚廬食粥寢苦枕塊所以為至痛飾也

創鉅者其日久二語喻痛傷者無已之情極妙為至痛極為至痛飾言痛傷之至者必止此為極必致此以為飾也三年之喪斬衰苴杖云云正稱情而立文處

凡生天地之間者有血氣之屬必有知有知之屬莫不知愛其類今是大鳥獸則失喪其羣禮三年間疑問卷十一月踰時焉則必反巡過其故鄉翔回焉鳴號焉踰焉踰焉焉然後乃能去之小者至於燕雀猶有啁噍之頃焉然後乃能去之故有血氣之屬者莫知於人故人於其親也至死不窮將由夫患邪淫之人與則彼朝死而夕忘之然而從之則是曾鳥獸之不若也夫焉能相與羣居而不亂乎

此二節比得極妙縱有極不孝者覽此當亦知自反不安於禽獸之不若矣  
患邪淫之人患字作患病患字看鳥獸羣而不亂不若鳥獸其可以同羣乎

深衣

古者深衣蓋有制度以應規矩繩權衡短毋見膚長毋被上續衽鉤邊要縫半下袼之高下可以運肘袂之長短反詘之及肘帶下毋厭髀上毋厭脇當無骨者刺十有二幅以應十有二月袂圓以應規曲袷如矩以應方負繩及踝以應直下齊如權衡以應平故規者行舉手以為容負繩抱方者以直其政方其義也下齊如權衡者以安志而平心也五法已施故聖人服之故規矩取其無私繩取其直權衡取其平故先王貴之故可以為文可以為武可以擯相可以治禮記深衣疑問卷十一

軍旅完且弗費善衣之次也  
一衣也而取義深遠名深衣自古有此服而制度之妙未有知者故特著此篇前二節分明畫出領深衣與人看後二節則舉其所為制者反覆以贊其服之特妙也

規矩繩權衡原是物之準則物無制度者鮮能應之深衣制度絕佳故一一能應此五者  
凡衣視身之長短有衽有邊有要有下有袼有袂有帶而短長適均續衽鉤邊要縫半下袼高下可運肘袂長短反詘之及肘帶下上當無骨則深衣



之制度與各衣較大殊故總舉其制度應規矩繩

權衡

上但舉深衣制度未及其幅此特著十有二幅應十有二月隨備舉其所為應規矩繩權衡者而一

一釋之見其制度之為特善也

十有二幅正是其續衽鉤邊要縫半下處

負繩及踝言此衣背縫從上至下之筆直也

權衡二物此云如權衡以應平非權不能使衡之

平也

深衣應規矩繩權衡於身心政治若有裨焉者故

禮記深衣疑問卷十一

廿八

著規者行舉手以為容云云曰聖人服之又表此五者於無私平直之義有取焉者曰先王貴之又備舉此衣之便於服有許大妙處稱其為善衣之次也此是一步深衣一步贊之語

非舉手以為容就服此服者言註欲使行者非

五法已施之施即尚書章施之施五法章施於此

服是法服也故聖人服之

服之便用處全在四可以上

投壺

司射進度壺間以二矢半反位設中東面執八筭與筭視矢賓主各四矢故司射執八筭執者執於手也賓主所投每中一矢即釋筭於中之上故云釋後註乃云地上取筭筭不釋於中釋於地則此器

易以名中哉

按嚴陵方氏云筭與馬一也方其執之則謂之筭而筭以計多少為義及其釋之則謂之馬而馬以勝敵為義愚竊以為未然後註云投壺與射禮皆三番而止每番勝則立一馬據此語初番賓主一

禮記投壺疑問卷十一

廿九

人勝司射將所釋一筭立一馬則止七筭在手矣矢固未必皆中然筭不可不備假令二番賓主矢皆中將止釋七筭乎抑別為記一筭乎二番賓主一人勝又將所釋筭立一馬則止六筭在手矣萬一三番賓主矢皆中將止釋六筭乎抑別為記二筭乎此不通之論也愚斷以為筭自是筭馬自是馬且前註云中者盛筭之器或如鹿或如兕如虎如閭如皮樹皆刻木為之上有圓圈以盛筭按下文云筭長尺二寸則釋筭云者必將此筭揅入此圓圈內耳若又即此筭為馬將又自圓圈內取出

以別立乎且筭長尺有二寸如何以為立也此又  
有不通者敢備論之以祈正

曰順投為入比投不釋勝飲不勝者正爵既行  
為勝者立馬一馬從二馬三馬既立請慶多馬

曰順投為入戒其投之必毋逆也曰比投不釋祝  
其投之必以序也

命弦者曰請奏狸首間若一

間若一訓詩樂作止所間踈數之節均平如一也  
愚亦以為未然凡射聽歌以為節每歌一句到中

間方發一矢故曰何以聽何以射言射之難為中  
禮記投壺賦間卷十一

三十

節也則所歌到中間處正宜均節以調方可使射  
者之中節也愚謂間是歌之中間不是作止所間

卒投同射執筭曰左右卒投請數二筭為純一純以  
取一筭為奇遂以奇筭告曰其賢於某若干純奇則

曰奇鈞則曰左右鈞

卒投是一番投竟二番三番皆照此

一純以取一筭為奇是一句不是二句蓋計數時  
一筭為奇不必說故但從二筭為純說起二筭既

為一純若中三矢是於一純又加一筭即亦為奇  
故云一純以取一筭為奇遂以奇筭取云者進而

取之也註却云一純則別而取之何以解

此條但就一番論而三番在其中如一番投時二

人俱不中無論已若一人中多一矢是賢於其一

奇若中多二矢是賢於其一純若中多三矢是賢

於其二奇若中多四矢是賢於其二純此告辭曰

其賢於某若干純奇則曰奇也一純以取一筭為

奇遂以奇筭二句蓋專為奇則曰奇一句設訓詁

者不察此義將一純以取為一句一筭為奇又一

句則遂以二字何以解且一筭為奇遂以奇筭則

奇則曰奇一句又何以解且此就一番論非通三

禮記投壺賦間卷十一

番論也註乃云假令十筭則云五純九筭則曰九

奇又何以解真可發一咲

正爵既行請立馬馬各直其筭一馬從二馬以慶慶

禮曰三馬既備請慶多馬

馬各直其筭言筭勝立一馬馬與筭相直也觀此

句馬與筭信各一物無疑者

三番左右鈞皆無立馬皆無行爵然未有適均者

且禮主於樂賓故云然耳

正申明上文執八筭之意

魯令弟子辭曰毋慙毋教毋偕立毋踰言偕立踰言有常爵辭令弟子辭曰毋慙毋教毋偕立毋踰言若

是者浮  
魯辭令弟子辭雖稍異總是一箇敬字慙自大也  
教自肆也背人而立曰偕立言及他事曰踰言浮  
即浮白之意言浮白以為罰也

禮記投壺疑問卷十一

四二

重訂禮記疑問卷之十二

烏程後學承菴姚舜牧著

儒行

藍田呂氏曰此篇之說有矜大勝人之氣少雍容  
深厚之風非出孔子口吻誠是然就所言考其行  
壹稟於義理之軌是亦大別於流俗人之所為也  
魯哀公問於孔子曰夫子之服其儒服與孔子對曰  
丘少居魯衣逢掖之衣長居宋冠章甫之冠丘聞之  
也君子之學也博其服也鄉丘不知儒服哀公曰敢  
問儒行孔子對曰遽數之不能終其物悉數之乃留  
禮記儒行疑問卷十二

更僕未可終也哀公命席孔子侍曰儒有席上之珍  
以待聘夙夜強學以待問懷忠信以待舉力行以待  
取其自立有如此者

服被於外行體諸身故孔子不對儒服而詳儒行  
四待字要體得好儒者學專為己何心於人知直  
待之爾已若曰我為此以待世用便不是真儒了  
嚴陵方氏曰席所以藉物曲禮所謂執玉有藉是  
也席以藉之則所藉之物居上故云席上之珍此  
極解好註儒者講學於閒燕從容於席上非  
道德實有諸身足弘經濟於天下弓旌玄黃所不

能却也故曰待聘實學在我可以備朝廷之顧問  
故曰待問忠信的可當重任曰待舉舉而任也力  
行的可幹大事曰待取取而用也

尊貴在求而無求於世曰自立

儒有居處齊難其坐起恭敬言必先信行必中正道  
奎不爭險易之利冬夏不爭陰陽之和愛其死以有  
待也養其身以有為也其備豫有如此者

齊難對恭敬說當是整肅而無輕易也中正對先  
信說當是所行必中正也

從居處坐起說到愛其死養其身總是必存敬謹

禮記儒行疑問卷十二

無敢輕易故曰其備豫有如此者似不必以敬恕  
二字紐捏分貼

爭險易之利陰陽之和便輕生而忘其身劉氏云  
不爭小者近者以害大者遠者極是

儒有不寶金玉而忠信以為寶不祈土地立義以為  
土地不祈多積多文以為富難得而易祿也易祿而  
難畜也非時不見不亦難得乎非義不合不亦難畜  
乎先勞而後祿不亦易祿乎其近人有如此者

世有專殖於外而不務反求有苟同於世而不務  
自効者名為近人實遠人以為道也儒者忠信以

為寶立義以為土地多文以為富非時不見非義  
不合先勞而後祿其切於人道者何如切於人道  
便是人所以可易知易能者故曰其近人有如此者  
中庸云道不遠人人之為道而遠人不可以為道  
遠於人便不是道則身與道俱者便是近於人者  
也

難得而易祿也二句是反覆說非時不見是相時  
非義不合是守義相時守義之士只管從時以行  
義豈以利祿動其心  
得是得其志畜是畜其身

禮記儒行疑問卷十二

三

儒有委之以貨財淹之以樂好見利不虧其義劫之  
以衆沮之以兵見死不更其守驚蟲攫搏不程勇者  
引重鼎不程其力往者不悔來者不豫過言不再派  
言不極不斷其威不習其謀其特立有如此者

貨財着一委字是出入之恣樂好着一淹字是浸  
灌之深於此處見得明守得定是謂不虧其義

勇力宜自量而有不必要量者如易解之上六曰公  
用射隼于高墉之上益之初九曰利用為大作皆  
所謂不程勇不程力者

往者不悔二句註甚妙但就愚見往已往也已往

者過而不留曾何執悔吝之意來未來也未來者順而不逆曾何持豫待之心是或一說也敢問明者

丘也幸苟有過人必知之是過言之不再公將不利於孺子公但赤舄几几而已是流言之不極不斷其威句註亦妙愚意威以時奮可也先主之以斷則威峻謀因事出可也先加以習則謀深此儒者所為不斷不習也亦一說敢質大方易大過之象曰君子以獨立不懼此儒於利義死生關頭能辨之極其明守之極其固於所宜者不禮記儒行疑問卷十二

程勇力而斷為於所不宜者一順往來而不與改過而無窮極於外順事而無斷習於中是其節其行真有亭亭獨立於儔伍之表者故曰其特立有如此者

儒有可親而不可劫也可近而不可迫也

此二句大註小註似俱未得其解愚謂世以勢力相劫迫者有矣彼誠以其勢力也在稍見道義者堅拒而不受焉無難者唯是彼以美情來若將親我者然而其意實主於劫彼以好禮來若將近我者然而其意實主於迫方其文章綢繆其禮

樂但見其親且近之情有加而劫與迫之形俱隱而未露焉於此之際自非察之明斷之決有必不能嚴拒焉者唯儒者堅持道義而潛燭其情於親且近之中故彼雖以親我來我但自守不因與親焉至受其劫而不可解彼雖以近我來我但自守不因與近焉至受其迫而不可脫如孔子之處陽貨是已未知是否敢質之高明

儒有忠信以為甲冑禮義以為干櫓戴仁而行抱義而處雖有暴政不更其所其自立有如此者

易曰艮其止止其所也戴仁而行抱義而處止其禮記儒行疑問卷十二

所也知止有定豈以暴政為更易哉易曰不易乎世正此謂已

曰暴政便見如彼其威無不震足而改步者此獨不更其所真能自立者矣

儒有一畝之宮環堵之室華門圭竇蓬戶甕牖易衣而出并日而食上答之不敢以疑上不答不敢以諂其仕有如此者

不敢以疑者信而必行其道也不敢以諂者守而不干其知也註患失患得較未切

儒有今人與居古人與稽今世行之後世以為楷適

弗逢世上弗援下弗推諱論之民有比黨而危之者  
身可危也而志不可奪也雖危起居竟信其志猶將  
不忘百姓之病也其憂思有如此者

今人與居古人與稽今世行之後世以為楷便有  
以天地民物為己任意故適弗逢世至於危其身  
其志不可奪也竟伸其志猶且不忘百姓之病也  
是之謂憂深思遠之儒

儒有博學而不窮篤行而不倦幽居而不淫上通而  
不困禮之以和為貴忠信之美優游之法慕賢而容  
衆毀方而瓦合其寬裕有如此者

禮記儒行疑問卷十二

六

幽居宜下一困字上通宜下一淫字今若此云者  
何小人窮斯濫矣是幽居之淫也易曰困于酒食  
是上通之困也其下字未嘗不是

儒者但主之以忠信出之以優游自人看來曰忠  
信之美優游之法耳非儒者以為美以為法也

毀方而瓦合即諺所謂方得圓得也註毀其圓以  
為方合其方而後圓極明

從博學篤行說到毀方瓦合心常暇逸而日休體  
常從容而自適故曰其寬裕有如此者

儒有內稱不辟親外舉不辟怨程功積事推賢而進

達之不望其報君得其志苟利國家不求富貴其舉  
貴援能有如此者

凡人一有求富貴之心只見自家不見他人好處  
斯人者稱舉不避親怨一味程功積事推賢而進  
達之不望其人之我報但願其君之得志斯其志  
在求富貴乎抑其志在利國家乎故總之曰苟利  
國家不求富貴其舉貴援能有如此者

儒有聞善以相告也見善以相示也爵位相先也患  
難相死也久相待也遠相致也其任舉有如此者  
任舉不專是任舉於朝廷之上或窮或達任重而

禮記儒行疑問卷十二

七

道遠皆有職業之當盡者世儒但見上條有舉賢  
援能句又見此條有爵祿相先句將久相待遠相  
致通曲解在升進上去若此則所謂患難相死者  
亦與同死於爵祿乎謬矣

聞善以相告見善以相示是恥獨為君子必欲友  
朋同歸於善也爵祿相先患難相死是好歹悉與  
共久相待遠相致是彼此終不渝若此等人同處  
於達克堪國家之重寄同處於窮克勝道義之重  
托是之謂儒者之任舉也必曰與同升與同進任  
舉以職事固哉俗儒之為見矣

人情可暫不可久可近不可遠久相待而不忘遠相致而不遺是始終如一之君子也故稱儒行抑愚又有見焉儒以久大自期而併以期友朋是久相待儒任重道遠而併期友朋之皆至是遠相致亦一說也

儒有澡身而浴德陳言而伏靜而正之上弗知也羸而翹之又不急為也不臨深而為高不加少為多世治不輕世亂不沮同弗與異弗非也其特獨行有如此者

澡身浴德是自潔陳言而伏是自晦靜而正若承禮記儒行疑問卷十二

八

澡身浴德來所謂唯大人為能格君心之非也故上弗知羸而翹若承陳言來所謂務引其君於當道者故又不急為取自高焉用臨深不貴多安事加少世治可進而或自輕焉其誰為重世亂可退而或自沮焉其誰與易人皆附同然其中有不可苟合者弗與也人皆惡異然其中有未可輕訾者弗非也是謂特立獨行之儒非世所謂俗儒也大人正己物正潛移默奪而君有不知其所以然曰上弗知

曷云特立獨行所立所行特異於衆人也玩上所

云云何者不與人特異然非求為異也理原是如此唯流俗人趨向一邊去了覺此人之立為特立行為獨行耳

特立獨行分不得應氏解云非但處而特立於一身亦出而獨行於一世非是

儒有上不臣天子下不事諸侯慎靜而尚寬強毅以與人博學以知服近文章砥厲廉隅雖分國如錙銖不臣不仕其規為有如此者

慎靜的難乎其能寬故着一而字強毅與人博學知服是一直事故着二以字

禮記儒行疑問卷十二

九

知服服字作服服服字看是博學以知所當服者文章二字真西山體得好即道德之謂近文章不敢自遠於道德也

廉隅即名節砥厲云者修飭而無使壞也

曷云規為凡人一生先自打度必作何等樣人及其成也如其所度則規為之說也此條首不臣不事終不臣不事便是其規為處不必作二字解儒有合志同方營道同術並立則樂相下不厭久不相見聞流言不信其行本方立義同而進不同而退其交友有如此者

志嚮也故下一方字易曰方以類聚道路也故下一術字孟子曰術不可不慎也

合志營道窮達之所同也並能立於志與道之中是謂並立屈已以下賢曰相下註訓並立為爵祿相等訓相下為尊位相讓而已處其下非

既合志同方營道同術而皆能自立其義重何如聚樂何如且虛心以求益相下不厭誠心以相結久不相見聞流言不信此君子之交也

從合志同方說到聞流言不信却何等金蘭之契然君子之同一歸道義之正如其不同又未始不

禮記儒行疑問卷十二

十

異也故出其行本方之義句見必義方之同始進而同修不則各退而自守也易曰君子以同而異即此意

本方是本體方立不易方便見立義坤文言曰君子義以方外非二也

溫良者仁之本也敬慎者仁之地也寬裕者仁之作也孫接者仁之能也禮節者仁之貌也言談者仁之文也歌樂者仁之和也分散者仁之施也儒皆兼此而有之猶且不敢言仁也其尊讓有如此者

仁體事而不遺悉而數之不盡於八者約而言之

則止是此心而已

仁主於愛溫良是本根仁由禮入敬慎是實地仁則不苛寬裕其作用也仁則克順孫接其良能也仁者必中禮其貌在禮節仁者必有言其文在言談仁與天地而同和於歌樂見焉仁合萬物而無施於分敵昭焉此唯體仁之君子無所往而不在也故曰儒皆無此而有之

加重而不敢當曰尊讓不可作二字解

儒有不墮獲於貧賤不充拙於言

墮獲充拙四字宜以得失詳得若墮失若獲得若

禮記儒行疑問卷十二

十一

充失若拙可謂之儒乎



冠義

此篇文極有次第冠是成人事故首提凡人之所以為人者次成人之道也次以成人見也次將責成人禮焉也又次可以為人而後可以治人總之皆由冠始故一則曰古者聖王重冠一則曰敬冠事所以重禮又申聖王重禮古者重冠且曰所以尊重事尊重事而不敢擅重事重重揭明而又重重收鎖是一篇好文字

凡人之所以為人者禮義也禮義之始在於正容體齊顏色順辭令容體正顏色齊辭令順而後禮義備

禮記冠義疑問卷十二

十二

以正君臣親父子和長幼君臣正父子親長幼和而後禮義立故冠而後服備服備而後容體正顏色齊辭令順故曰冠者禮之始也是故古者聖王重冠古者冠禮筮日筮賓所以敬冠事敬冠事所以重禮重禮所以為國本也故冠於阼以著代也醮於客位三加彌尊加有成也已冠而字之成人之道也見於母母拜之見於兄弟兄弟拜之成人而與為禮也玄冠玄端奠摯於君遂以摯見於卿大夫卿先王以成人見也成人之者將責成人禮焉也責成人禮焉者將責為人子為人弟為人臣為人少者之禮行焉將責

四者之行於人其禮可不重與故孝弟忠順之行立而後可以為人可以為人而後可以治人也故聖王重禮故曰冠者禮之始也嘉事之重者也是故古者重冠重冠故行之於廟行之於廟者所以尊重事尊重事而不敢擅重事不敢擅重事所以自卑而尊先祖也

人之所以為人者只一箇禮義此禮義原根於所性而發見於容體顏色辭令之間周旋於父子君臣長幼之際非是則不成人而欲責以成人之禮行必從冠禮始故先後次第言之

禮記冠義疑問卷十二

十三

人只一箇禮而禮以義起故聖賢開口便說禮義禮義始於正容體辭色而其用莫切於人倫故纔說容體正顏色齊辭令順而後禮義備隨轉到以正君臣親父子和長幼君臣正父子親長幼和而後禮義立中間一以字正是過度處  
備是無欠缺立是無傾倒禮義備便是人道備禮義立便是人道立隱然已伏成人者在然必由冠始故繫承冠而後服備云云  
三加便有三加之服服是服便有是容色辭令則冠非禮之始乎是以聖王重之

聖王重冠是重禮故繫承冠禮筮日筮賓云云見若此其致敬端是重禮以為國本

重禮易云為國本國之所植在綱常重禮而禮義立綱常其至于淪斃乎傳云有基無壞所以為國本也

筮日筮賓是敬冠事然未及所行之禮故繫接冠於阼以著代云

成人之道也泛泛說意若曰冠而字自是成人之道責成意雖未露而已寓於此語中矣

曰玄冠玄端莫摯於君則知此是卿大夫士之適

禮記冠義疑問卷十二

十四

子也

上但說責成人禮下繫承責為人子為人弟為人臣為人少之禮行禮非虛文必實見之行然後始成其為禮始成其為人始可以治人也故下文云云

前由冠說起曰聖王重冠是重禮此由責禮行覆說上曰聖人重禮故重冠

尊重事而不敢擅重事云云意若曰唯冠是重事故必行於廟者尊之而不敢擅也唯尊故不敢擅唯不敢擅乃見其為尊總之是重冠以重禮也

昏義

呂氏故則克終苟則易離二句是闡昏禮一篇宣唯昏禮凡吉凶軍賓嘉之禮統在敬而不苟

昏禮者將合二姓之好上以事宗廟而下以繼後世也故君子重之是以昏禮納采問名納吉納徵請期皆主人筮几於廟而拜迎於門外入揖讓而升聽命於廟所以敬慎重正昏禮也父親醮子而命之迎男先於女也子承命以迎主人筮几於廟而拜迎于門外婿執鴈入揖讓升堂再拜奠鴈蓋親受之於父母也降出御婦車而婿授綏御輪三周先俟于門外婦禮記昏義疑問卷十二

十五

至婿揖婦以入共牢而食合卺而醕所以合體同尊卑以親之也敬慎重正而后親之禮之大體而所以成男女之別而立夫婦之義也男女有別而後夫婦有義夫婦有義而後父子有親父子有親而後君臣有正故曰昏禮者禮之本也夫禮始於冠本於昏重於喪祭尊於朝聘和於射卿此禮之大體也

筮几於廟而拜迎於門外入揖讓而升聽命於廟男女家皆如此昏禮要是承先而啓後故二家慎重之必聽命於廟故其行禮亦曰先人有不腆之遺

昏合二姓之好上承宗廟下繼後世故君子重之是矣何必加敬慎正三字凡人重其事必先主敬然其間更有許多宜詳慎處如納采而下却何等細密周到凡此皆所以正其始使永終而無敝也故必加敬慎正三字然後足以盡重之之義共牢而食合卺而醕總是合體同尊卑以親之方氏分合卺為合體共牢為同尊卑似泥夫婦不相親易能生育以承宗祧然其親不可苟也必先之敬慎重正而後可故曰敬慎重正而後親之禮之大體

禮記昏義疑問卷十二

十六

始本重尊和五字一毫移易不得

夙興婦沐浴以俟見質明贊見婦於舅姑婦執筭棗栗醴修以見贊醴婦婦祭脯醴祭醴成婦禮也舅姑入室婦以特豚饋明婦順也厥明舅姑共饗婦以一獻之禮奠醢舅姑先降自西階婦降自阼階以著代也成婦禮明婦順又申之以著代所以重責婦順焉也婦順者順於舅姑和於室人而後當於夫以成絲麻布帛之事以審守委積蓋藏是故婦順備而後內和理內和理而後可長久也故聖王重之

易家人六二曰无攸遂在中饋婦人之職在中饋

始必致其敬故曰祭脯醢祭醴成婦禮也然生事舅姑是主中饋第一義故曰婦以特豚饋明婦順也成婦禮方明婦順是立言次第

婦與醴婦不同醴婦是使婦執醴事饗婦則舅姑饗之也

一獻之禮奠醢據昏禮註云舅獻爵姑薦脯醢是獻在舅也又云舅洗于南洗洗爵以獻婦姑洗于北洗洗爵以醴婦是獻在舅醴在姑也賈疏云舅獻姑醴共成一獻又云舅酌酒于阼階獻婦婦受卒爵婦酢舅舅受酢飲畢乃酬婦更爵先自飲畢

禮記昏義疑問卷十二

十七

再酌酒以酬姑是不特舅酬婦婦又酬姑也其說似俱含糊不明據臆見此條專重在著代上著代必重其事故先之以獻饗然家人不事多文且以尊臨卑故饗唯一獻然男女不相授受舅易以爵親獻于婦乃獻又不可不親舉也意饗婦時尊卑皆有席舅但執爵同姑獻於婦席上不親授婦拜受卒爵更二爵酢舅姑亦奠于席上舅姑又復更爵奠于婦席上故記禮者特下一奠字奠安也置也見此獻酬但安置在席上不親授也崇其禮而又別其嫌若是註疏不探此義但云舅獻姑酬且

更云酌以酬姑失記禮者立言之意矣敢問明者  
內則云男女非祭非喪不相授器其相授則女受  
以篚其無篚則皆坐奠之而后取之此奠之一証  
重責婦順句極重婦人之德只在一順字上成婦  
禮明婦順申之以著代總之責成其婦完守此順  
字故隨接婦順者云云

順於舅姑五句語有次第婦所事者夫也當於夫  
是第一義然必從順舅姑始知事舅姑而不和室  
人猶未順也故次和於室人句順舅姑和室人然  
後善承夫志而克稱為婦故下一當字當者稱心

禮記昏義疑問卷十二

十八

愜意之謂也順和二字些子虧欠便不稱愜夫意  
矣必如是而後可以勤紡績以成絲麻布帛之事  
可以謹收斂以審守委積蓋藏是之謂婦順備而  
後內和理內和理而後家可長久也成婦禮明婦  
順申之以著代總是重責之以如此如此此婦順  
之所為難而聖人特重焉以著其義教天下萬世  
於無窮也

世之婦人能成絲麻布帛審守委積蓋藏者有之  
能順舅姑和室人當於夫心者十無一有也記者  
載教婦之訓必先婦德次婦言婦容婦功其意亦

深遠矣

一字不虛下

成婦禮一條有家者宜大書於閨閣中使婦人知  
所遵信且示男子之儀刑也

無不周浹曰和悉有處分曰理內和理極難事

是以古者婦人先嫁三月教以婦德婦言婦容婦功  
詩曰婦有長古維厲之階言德之著也故揭婦德  
隨受之以婦言詩又曰無非無儀容亦德之微也  
故揭婦德婦言隨受之以婦容又曰婦無公事休

禮記昏義疑問卷十二

十九

其蠶織婦功其亦可少乎故終之以婦功

天子聽男教后聽女順天子理陽道后治陰德天子  
聽外治后聽內職教順成俗外內和順國家理治此  
之謂盛德

此篇語甚次第初言娶婦其事為特重故曰納采  
曰問名曰納吉納徵請期親迎若是其敬慎重正  
而后親以著其合之不苟次言婦于歸有著代之  
義故曰成婦禮曰明婦順曰重責婦順焉以著其  
責之難勝曰所以成婦順以著其教之宜豫又直  
推說到天子后明章婦順以助陽教必修其順得

其事而后可無謫於天稱天下之母儀意極周到而語極詳明論理是如此作文亦如此是一篇大文字

冠義一篇重在將責為人子為人弟為人臣為人少者之禮行焉一句昏義一篇重在所以重昏為順焉也一句不明冠義非夫也不明昏義非婦然詩曰刑于寡妻吾深有責於世之為夫者

鄉飲酒義

不曰鄉飲酒禮曰鄉飲酒見禮以義起也

鄉人以時會聚飲酒其情乎聖人因制為禮教之尊讓絜敬以免人禍且令知尊長養老以與孝弟之行由鄉而國而天下其幾而理乎此孔子所稱王道之易易者若其間賓主立鄉拜迎獻酬烹洗等儀然經天地紀日月參三光實開政教之本非苟焉而已又習禮者所當知也故前後反復言之鄉飲酒之義主人拜迎賓于庠門之外入三揖而後至階三讓而後升所以致尊讓也盥洗揚觶所以致禮鄉飲酒義疑問卷十二 廿二

絜也拜至拜洗拜受拜送拜既所以致敬也尊讓絜敬也者君子之所以相接也君子尊讓則不爭絜敬則不慢不慢不爭則遠於鬪辨矣不鬪辨則無暴亂之禍矣斯君子所以免於人禍也故聖人制之以道鄉人士君子

拜迎三揖三讓通是讓曰致尊讓者讓本此心之所尊也

人情不能無相接唯君子能尊讓絜敬自然不爭不慢遠鬪辨而免暴亂之禍則化民成俗誠莫有善於此禮者先王能無亟講於鄉哉故論君子之

相接到免於人禍處緊承說聖人制之以道鄉人

士君子

林林總總皆人也不尊讓不絮敬慢爭鬪辨暴亂之禍何可勝言唯由君子之行以相接庶可免耳聖人亟亟制禮專在約束此人羣以免其禍亂須細玩一人字

故聖人制之句是一篇之大旨

尊於房戶之間賓主共之也尊有玄酒貴其質也羞出自東房主人共之也洗當東榮主人之所以自絮而其事賓也

禮鄉飲義疑問卷十二

廿二

凡人不免於酒禍者狎於酒也聖人於盛酒之器

曰尊曰尊於房戶之間尊有玄酒意深哉

賓主共之也共字與主人共之也共字同宜通作恭字看

鄉飲以酒而尊有玄酒其陳設特佳

一尊耳一酒耳一羞耳一洗耳而共之貴質自絮以事賓之意寓焉此尊讓絮敬蓋不獨在拜迎揖讓盥洗等儀文之間矣

賓主象天地也介僕象陰陽也三賓象三光也讓之三也象月之三日而成魄也四面之坐象四時也天

地嚴凝之氣始於西南而盛於西北此天地之尊嚴

氣也此天地之義氣也天地溫厚之氣始於東北而

盛於東南此天地之盛德氣也此天地之仁氣也主

人者尊賓故坐賓於西北而坐介於西南以輔賓賓

者接人以義者也故坐於西北主人者接人以仁以

德厚者也故坐於東南而坐僕於東北以輔主人也

仁義接賓主有事俎豆有數曰聖聖立而將之以敬

曰禮禮以體長幼曰德德也者得於身也故曰古之

學術道者將以得身也是故聖人務焉

象天地是分上下之位耳非尊之養之之說

禮鄉飲義疑問卷十二

廿三

天地間惟陰陽二氣之運行耳介僕在賓主之間

故曰象陰陽也

月成魄漸盈矣主賓之不敢遽升其讓有三猶月

之不敢即盈必待三日而後成魄也

曰嚴凝便見尊嚴不可犯故言義曰溫厚便見德

盛而可親故言仁非仁義之外復有所謂尊嚴盛

德嚴凝溫厚也

賓只是箇接人以義主接人以仁又須加德厚焉

此聖字宜淺淺看仁義相接賓主有事於其間而

俎豆有數此天地自然之理不待勉強而然者也

故曰聖賓主由自然之理曰聖立

由交際自然之理而將之以敬則天理之節文燦然於交際揖讓之中是禮之所由名也

禮無不體而莫先於長幼之節一飲會獻酬間長長幼幼皆能以身體之使各成其禮則其所得於身者非淺淺矣故曰德繫承之曰德也者得於身也

卿飲所迎之賓在年高德邵之人故出禮以體長幼句下文詳尊長養老之禮

祭薦祭酒敬禮也齊肺嘗禮也啐酒成禮也於席末禮卿飲義疑問卷十二

廿四

言是席之正非專為飲食也為行禮也此所以貴禮而賤財也卒解致實於西階上言是席之上非專為飲食也此先禮而後財之義也先禮而後財則民作讓而不爭矣

因說聖立而將之以敬曰禮特詳舉祭薦祭酒齊肺啐酒卒解等儀見此飲所重在此故行禮者不可不將之以敬也

敬禮嘗禮成禮通是賓故主人然主人之所以敬賓者從可知矣

於席末故曰是席之正非專為飲食也於西階上

故曰是席之上非專為飲食也曰貴禮而賤財曰先禮而後財行禮者如是其敬專乃可令觀者之興起也故曰民作敬讓而不爭

飲食財也所以為是飲食者禮也

敬讓而不爭照前尊讓則不爭絮敬則不慢等語是文章之血脉

卿飲酒之禮六十者坐五十者立侍以聽政役所以明尊長也六十者三豆七十者四豆八十者五豆九十者六豆所以明養老也民知尊長養老而後乃能入孝弟民入孝弟出尊長養老而後成教成教而後禮卿飲義疑問卷十二

廿五

國可安也君子之所謂孝者非家至而日見之也合諸卿射教之卿飲酒之禮而孝弟之行立矣孔子曰吾觀於鄉而知王道之易易也

卿飲所迎之賓在年高而德邵然其間老者有等則所以事之者亦有等是所謂禮以體長幼也

於坐立見所尊在長於三豆有加見所養在老曰明尊長曰明養老則此禮昭然舉以示鄉人矣民

得于觀感者能無興起乎哉故曰民知尊長養老而后能入孝弟

始民知尊長養老乃能入孝弟既能入孝弟其出

必尊長養老是教之成也教成于家而徧之國中其有不胥化者乎故曰成教而后國可安也然君子之教不在乎他只合卿射併教之卿飲酒禮而孝弟之行立矣此其所重之在禮也此行是禮可以得身而聖人之所先務也其語意極聯絡有情學者當細加體會

非家至而有可家無不知者非日見之而有可日見諸行者則卿射與鄉飲酒之禮是已何者一鄉之中其年高者人所知也其德邵者人所知也如是而合諸卿射所觀唯在德而不以力教之卿飲

禮卿飲義疑問卷十二

廿六

酒之禮所重唯在尊長而養老曲盡其所以事之之敬則民皆知孝弟之當務其行自卓然立矣教就有善於是而在家至而日見之哉故孔子曰吾觀於鄉而知王道之易易也其意極緊嚴而語極聯絡

工入升歌三終主人獻之笙入三終主人獻之

獻之獻賓也詩曰我有嘉賓鼓瑟吹笙吹笙鼓簧承筐是將此獻賓之一証也註乃云工入而升堂歌鹿鳴四牡皇皇者華三篇終則主人酌以獻工焉吹笙者入於堂下奏南陔白華華黍三篇終則

主人亦酌以獻之也禮行于鄉將舉工與吹笙者盡獻之耶恐不若是之失體也且所謂獻賓者安在也照下文賓酬主人此二獻字決當作獻賓者不然旅酬之時即衆賓亦介代酬主不親事也工獻之禮主乃先及工與吹笙者耶此大謬之甚者貴賤明隆殺辨和樂而不流弟長而無遺安燕而不

此五行者足以正身安國矣彼國安而天下安故吾觀於鄉而知王道之易易也

安國在先正身此五行者足是能正身而安國故曰足以正身安國矣國鄉之推也天下國之推也

禮卿飲義疑問卷十二

廿七

國安而天下有不舉安乎然由卿飲酒之禮始故曰吾觀於鄉而知王道之易易也



射義

此篇專發觀德之射養人於無所事之時使其習之而不憚煩則不遜之行無自而作久而安焉則非禮不行無所往而非義此功成而德行立世無暴亂之禍而國賴以安故聖人務焉自世人視之若謂此禮之為迂而不知其有關於世教者之非淺也

古者諸侯之射也必先行燕禮卿大夫士之射也必先行鄉飲酒之禮故燕禮者所以明君臣之義也鄉飲酒之禮者所以明長幼之序也

禮記射義疑問卷十二

廿八

先行禮後習射然射亦所以行禮先王制燕禮鄉飲酒之禮教人以射終正已不爭求中以辭爵意深哉

故射者進退周旋必中禮內志正外體直然後持弓矢審固持弓矢審固然後可以言中此可以觀德行矣

唯大射鄉射在燕禮鄉飲酒禮之後則射以觀德禮射也非力射也故繫承射者進退周旋必中禮云云

進退周旋必中禮通射之始終言內志正外體直

專自射時言

審固者審而固也由內志正外體直來

中未有不本於審固者然審固又本內外之正直來偶發而中不足以語中也下文曰其容體比於禮其節比於樂而中多此曰然後可以言中其語意含蓄特深

呂氏云是必有樂於義理久於敬恭用志不分之心然後可以得之則其所以得之者其為德可知矣細味此數語本文此可以觀德行句當自得於心矣

禮記射義疑問卷十二

廿九

其節天子以騶虞為節諸侯以貍首為節卿大夫以采蘋為節士以采芣為節騶虞者樂官備也貍首者樂會時也采蘋者樂循法也采芣者樂不失職也是故天子以備官為節諸侯以時會天子為節卿大夫以循法為節士以不失職為節故明乎其節之志以不失其事則功成而德行立德行立則無暴亂之禍矣功成則國安故曰射者所以觀盛德也

進退周旋云云只說得容體比於禮未及樂之節故繫承其節二字

樂官備樂會時云云是發其所以取此四詩之意

是故天子以備官為節諸侯以時會天子為節云云則承說其所以取此四詩者其志各有所事焉故也故繫承明乎其節之志以不失其事云云

天子志在推天地好生之德以育萬物則有對時育物之事諸侯志在奉天子以修朝事則有謹侯度之事卿大夫志在循所學先王之法以與國政則有壯行之事士志在敬以從事不失其職則有修職之事能各明得此取節之志以不失其事則天子諸侯卿大夫士各成其功而德行立矣由是而免暴亂之禍由是而國安非盛德孰能與於斯

禮記射義疑問卷十二

三十

故曰射者所以觀盛德也志志此事也有此事則有此功總之皆德也德見諸行曰德行又見諸行乃可徵其盛德也上文內志正下文盡志於射釋已之志通是此箇志字

此可以觀德行謂於射為可觀也天子諸侯而下明乎其節之志以不失其事則功成而德行立信非射不足以觀德矣故曰射者所以觀盛德也語極應接而有情

明乎其節之志以不失其事則功成而德行立可

無暴亂之禍而國安德行其可以不立乎哉而非習射于無事之時不可幾也故繫承天子以射選諸侯云云

是故古者天子以射選諸侯卿大夫士射者男子之事也因而飾之以禮樂也故事之盡禮樂而可數為以立德行者莫若射故聖王務焉

古者天子以射選諸侯卿大夫士却是何意射者男子之事也因而飾之以禮樂也唯禮樂可以成德而事之盡禮樂可數為以立德行莫若射故聖王務焉語極緊嚴而明快

禮記射義疑問卷十二

卅一

飾之以禮樂即論語文之以禮樂非虛飾也因而云者因是而飾之也

大射必以燕卿射必以卿飲酒若男子之事則可數習焉陶鎔於禮樂之中故曰事之盡禮樂而可數為

是故古者天子之制諸侯歲獻貢士於天子天子試之於射官其容體比於禮其節比於樂而中多者得與於祭其容體不比於禮其節不比於樂而中少者不得與於祭數與於祭而君有慶數不與於祭而君有讓數有慶而益地數有讓則削地故曰射者射為

諸侯也是以諸侯君臣盡志於射以習禮樂夫君臣習禮樂而以流亡者未之有也故詩曰魯孫侯氏四正具舉大夫君子凡以庶士小大莫處御于君所以燕以射則燕則譽言君臣相與盡志於射以習禮樂則安則譽也是以天子制之而諸侯務焉此天子之所以養諸侯而兵不用諸侯自為正之具也

說天子以射選諸侯卿大夫士隨舉其所為選士者乃所為射侯也故諸侯君臣盡志於射以習禮樂免流亡之禍

比即義之與比比字言比合而無間也

禮記射義疑問卷十二

廿二

射雖求中而要以禮樂為事故不但曰其中多必先曰其容體比於禮其節比於樂

射之中否在士而榮辱在諸侯諸侯之君臣其敢忽乎哉是以盡志於射以習禮樂然非祇求免乎讓計也習禮樂則國安否則危故繫承說夫君臣習禮樂而以流亡者未之有也要體得好

君臣相與盡志於射以習禮樂則安則譽其榮享如何是以天子制之而諸侯務焉務其可免於流亡而榮享其安譽也然則此射之行夫豈徒哉此天子之所以養諸侯而兵不用諸侯自為正之具

也

養字下得極妙教之禮樂使習而安焉不知其化是養之說也易曰天地養萬物

孔子射於矍相之圃蓋觀者如堵牆射至于司馬使子路執弓矢出延射曰賁軍之將亡國之大夫與為人後者不入其餘皆入蓋去者半入者半又使公罔之裘序點揚觶而語公罔之裘揚觶而語曰勿壯孝弟者耆好禮不從流俗脩身以俟死者不在此位也蓋去者半處者半序點又揚觶而語曰好學不倦好禮不變旄期稱道不亂者不在此位也蓋勵有存者禮記射義疑問卷十二

廿三

此引證凡鄉射以習禮樂者當以孔子為準也來觀中有欲射者故使子路執弓矢而延之入然却誓衆而選賢焉

使衆點揚觶而語蓋使觀射者知自評忖不妄居此偶射之位也

幼壯孝弟者耆好禮不從流俗脩身以俟死者其人亦庶幾矣然苟求其至必好學不倦好禮不變旄期稱道不亂者乎乃為盛德也

不倦乃為真好學不變乃為真好禮不亂乃為守道而不變

射之為言者繹也或曰舍也繹者各繹已之志也故心平體正持弓矢審固持弓矢審固則射中矣故曰為人父者以為父鵠為人子者以為子鵠為人君者以為君鵠為人臣者以為臣鵠故射者各射已之鵠故天子之大射謂之射侯射侯者射為諸侯也射中則得為諸侯射不中則不得為諸侯

繹繹而思也繹之所至即為鵠故曰各射已之鵠前云內志正外體直此云心平體正正者未有不平直者未有不正

父子君臣各欲自盡其道即一射而志無不存即禮記射義疑問卷十二 卅四

一志而鵠無不在

天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭不得與於祭者有讓劑以地得與於祭者有慶益以地進爵紕地是也

此一條申前天子試之於射宮意

射於澤又射於射宮所以擇士者蓋亦深矣

故男子生桑弧蓬矢六以射天地四方天地四方者男子之所有事也故必先有志於其所有事然後敢用穀也飯食之謂也

此一條申前射者男子之事也意

參贊天地綱紀四方皆男子之所有事也故始生時即以此為教焉教之使立志而不失其事也桑弧蓬矢之射自天子達於庶人不獨人臣而已凡為男子者皆當有事於天地四方然後可享天地四方之養

射者仁之道也求正諸已已正而后發發而不中則不怨勝已者反求諸已而已矣

此條專重正已二字求正諸已其所由以為仁者故曰仁之道

禮記射義疑問卷十二

卅五

孔子曰射者何以射何以聽循聲而發發而不失正鵠者其唯賢者乎若夫不肖之人則彼將安能以中詩云發彼有的以祈爾爵所求也求中以辭爵也酒者所以養老也所以養病也求中以辭爵者辭養也此重求中以辭爵句辭養也句則申求中以辭爵之意也

此篇語意極極聯絡而血脉極貫串首以燕禮鄉飲酒之禮終以求中以辭爵其照應文法特佳

燕義

古者周天子之官有庶子官庶子官職諸侯卿大夫士之庶子之卒掌其戒令與其教治別其等正其位國有大事則率國子而致於天子唯所用之若有甲兵之事則校之以車甲合其卒伍置其有司以軍法治之司馬弗正凡國之政事國子存游卒使之脩德學道春合諸學秋合諸射以考其藝而進退之

此節與燕義毫無干涉必錯簡也無已附文王世子篇或王制乎

戒令教治宜泛言告戒命令及所以教之治之

禮記燕義疑問卷十二

廿六

法不應分貼下二字

世祿之家鮮克由禮必告戒命令可收刷其邪萌必教誨飭治可造就其人品然而等威不可不別也位分不可不正也凡此皆所為豫養之術使他日可稱國家之大任使者故庶子職有專掌焉散言曰庶子合言曰國子就國子中未仕者曰游卒

諸侯燕禮之義君立阼階之東南南鄉爾卿大夫皆少進定位也君席阼階之上居主位也君獨升立席上西面特立莫敢適之義也

燕禮諸臣畢集而君為主故先之以定位隨云居主位而取莫敢適之義

設賓主飲酒之禮也使宰夫為獻主臣莫敢與君亢禮也不以公卿為賓而以大夫為賓為疑也明嫌之義也賓入中庭君降一等而揖之禮之也

設賓主之禮通燕飲之情然君臣之名分終不可渝也故使宰為獻主不以公卿為賓及賓入庭乃降一等而揖之

君舉旅於賓及君所賜爵皆降再拜稽首升成拜明臣禮也君答拜之禮無不答明君上之禮也臣下竭禮記燕義疑問卷十二

廿七

力盡能以立功於國君必報之以爵祿故臣下皆務竭力盡能以立功是以國安而君寧禮無不答言上之虛取於下也上必明正道以道民民道之而有功然後取其什一故上用足而下不匱也是以上下和親而不相怨也和寧禮之用也此君臣上下之大義也故曰燕禮者所以明君臣之義也

君舉旅賜爵皆降拜升成拜是臣禮君答拜是君禮禮原通于上下拜無不答以明禮其情意之親洽為何如哉此未有不底于和寧者故舉臣下竭力盡能一段以發揮又舉明正道以道民一段以

申足

竭力盡能立功於國本臣下之心君報之爵祿其  
心將益奮勵焉是以國安而君寧今臣之拜下禮  
也升成拜且答之其所感奮當如何此必至於國  
安而君寧也

有取而無與是虛取禮無不答豈虛取乎哉上必  
明正道以道民至上下相親而不相怨正言不虛  
取于下者終必得下之歸心也

因民之所利而利之是為正道明此以道民民道  
之而有功民孰與君之不足哉以是而取其什一

禮記燕義疑問卷十二

廿八

非虛取也故上用足而下不匱上下和親而不相  
怨也今君以禮燕臣拜無不答不虛取於其下臣  
其不益感奮以親上哉

和寧本上文二段來如此國安而君寧又如此和  
親而不怨真禮之極善處而可常用於天下者也  
故曰禮之用

君寧繫國安下極有意思國之不安未見君之能  
寧者書曰民惟邦本本固邦寧正此意

取其什一上用足而下不匱上下和親而不怨反  
是則從可知已

論語云禮之用和為貴曲禮云人有禮則安和寧  
原是禮之用君臣上下稍不和寧便乖而不親危  
而不安矣成何世界成何事體此必和且寧善禮  
之用君臣上下乃相維而不至於相攜也此君臣  
上下之大義也要細體以得立言之深意

故曰燕禮者所以明君臣之義也所以二字極有  
味記者意若曰唯此君臣之義有關於天下者甚  
大但嚴堂陛之分無款接之情義安可明哉唯如  
是其賓禮如是其謙降乃至於如是之和寧則燕  
禮其可以不講哉此燕禮者所以明君臣之義也

禮記燕義疑問卷十二

廿九

君臣宜如此是君臣之義要細咀嚙得之

席小卿次上卿大夫次小卿士庶子以次就位於下  
獻君君舉旅行酬而後獻卿卿舉旅行酬而後獻大  
夫大夫舉旅行酬而後獻士士舉旅行酬而後獻庶  
子俎豆牲體薦羞皆有等差所以明貴賤也

上但說設賓主及賓主相接之情未及卿大夫士  
席位之次序及旅酬之先後及俎豆牲薦之等差  
此復終叙之曰所以明貴賤也明貴賤則君臣之  
義其昭于日月乎

聘義

此篇文意大約與鄉射燕義相同故其辭無特異末總舉聘射之禮

聘禮上公士介侯伯五介子男三介所以明貴賤也介紹而傳命君子於其所尊弗敢質敬之至也三讓而后傳命三讓而后入廟門三揖而后至階三讓而后升所以致尊讓也君使士迎于竟大夫郊勞君親拜迎于大門之內而廟受北面拜貶拜君命之辱所以致敬也敬讓也者君子之所以相接也故諸侯相接以敬讓則不相侵陵

禮記聘義疑問卷十二

四十

首舉出聘之介數次舉其所為傳命者又次舉其所為致讓者又次舉其所為迎勞拜受者歸到敬讓二字曰敬讓也者君子之所以相接也故諸侯相接以敬讓則不相侵陵是一篇大主意

卿為上擯大夫為承擯士為紹擯君親禮賓賓私面私覲致饗餼還圭璋賄贈饗食燕所以明賓客君臣之義也

有介必有擯擯為賓設也而用卿大夫士君且親加禮焉不敢輕也賓私而私覲賓道也臣道也致饗餼還圭璋賄贈饗食燕主道也君道也故云所

以明賓客君臣之義也

天子制諸侯比年小聘三年大聘相屬以禮使者聘而誤主君弗親饗食也所以愧屬之也諸侯相屬以禮則外不相侵內不相陵此天子之所以養諸侯兵不用而諸侯自為正之具也

天子制聘義意在相屬以禮故諸侯相屬以禮則外不相侵內不相陵

唯禮可以養人相屬以禮正其以禮自相養處註先王制禮以善養人於無事之際一段說極透快可熟誦

禮記聘義疑問卷十二

四一

註不安於偷惰而安於行禮不耻於相下而耻於無禮語極佳

以圭璋聘重禮也已聘而還圭璋此輕財而重禮之義也諸侯相屬以輕財重禮則民作讓矣

統聘禮始終言曰諸侯相屬以禮舉聘用圭璋受且還之一節言曰諸侯相屬以輕財重禮

天下所以擾擾者唯財之重也重禮而輕財民知作讓矣內有相陵焉者乎以是相交接外有相侵焉者乎故諸侯之行聘主人唯禮之重而輕其財寧用財之厚而盡禮於其賓

主客待客出入三積饋客於舍五牢之具陳於內米三十車禾三十車芻薪倍禾皆陳於外乘禽日五雙群介皆有餼牢壹食再饗燕與時賜無數所以厚重禮也古之用財者不能均如此然而用財如此其厚者言盡之於禮也盡之於禮則內君臣不相侵而外不相陵故天子制之而諸侯務焉爾

盡之於禮云者禮之所在不敢不盡也盡之乃所為禮也

盡之於禮則內君臣知有禮而已不知有財也何至於相陵外亦各以禮自守不知有財也何至於

禮記聘義疑闕卷十二

四二

相侵不侵不陵何至於用兵此天子之所以養諸侯兵不用而諸侯自為正之具也前後語極周匝而關鍵

曰諸侯相接以敬讓則不相侵陵曰諸侯相厲以禮則外不相侵內不相陵曰盡之於禮則內君臣不相陵而外不相侵此文章之血脉

前曰天子制諸侯結曰故天子制之而諸侯務焉爾一字不輕放

聘射之禮至大禮也質明而始行事日幾中而后禮成非強有力者弗能行也故強有力者將以行禮也

酒清人渴而不敢飲也肉乾人饑而不敢食也日莫人倦齊莊正齊而不敢解惰以成禮節以正君臣以親父子以和長幼此衆人之所難而君子行之故謂之有行有行之謂有義有義之謂勇敢故所貴於勇敢者貴其能以立義也所貴於立義者貴其有行也所貴於有行者貴其行禮也故所貴於勇敢者貴其

敢行禮義也故勇敢強有力者天下無事則用之於禮義天下有事則用之於戰勝用之於戰勝則無敵用之於禮義則順治外無敵內順治此之謂盛德故聖王之貴勇敢強有力如此也勇敢強有力而不用

禮記聘義疑闕卷十二

四三

之於禮義戰勝而用之於爭鬪則謂之亂人刑罰行於國所誅者亂人也如此則民順治而國安也

此條語多轉摺然大意可一言而盡也欲行至大禮須強有力乃強有力者貴敢行禮義故強有力者將以行禮也句是大旨

酒清人渴而不敢飲肉乾人饑而不敢食日莫人倦齊莊正齊而不敢解惰以成禮節故唯強有力者為能行禮也

禮中有大節目故云禮節正君臣親父子和長幼是禮節之大者故特舉之



由酒清人渴說到成禮節有行有義乃稱勇敢總說強有力之能行禮故所貴於勇敢者六句又覆說一下歸說勇敢之人必貴敢行禮義乃有用於天下

能行人所難是為有行行則義無不盡是謂有義見義必為是謂勇敢勇敢云者勇為而敢任也義者人所當行然必先立定乃可見諸行所行又貴中於禮非禮即非義矣故遞遞相承說下總之曰所貴於勇敢者貴其敢行禮義也語意一步一緊

禮記聘義疑問卷十二

四四

用之於戰勝必由用之於禮義來則無敵

外無敵內順治此盛德事非勇敢強有力者能之手故曰聖王之貴勇敢強有力如此也

勇敢強有力者不用之於禮義戰勝而用之爭鬪則謂之亂人亂人視盛德霄壤哉此所貴於勇敢者貴其敢行禮義也

子貢問於孔子曰敢問君子貴玉而賤珉者何也為王之寡而珉之多與孔子曰非為珉之多故賤之也王之寡故貴之也夫昔者君子比德於玉焉溫潤而澤仁也縝密以栗知也廉而不剌義也垂之如隊禮

也叩之其聲清越以長其終詘然樂也瑕不掩瑜瑜不掩瑕忠也孚尹旁達信也氣如白虹天也精神見于山川地也圭璋特達德也天下莫不貴者道也詩云言念君子溫其如玉故君子貴之也

澤色澤也言溫潤而更有色澤也

攄字義解孚誠也尹正也旁達者無不通也其誠正於內手其誠通於外乎

寬裕溫柔澤及于物曰仁玉溫潤而澤有焉文理密察且有定守曰知玉縝密以栗有焉義剛方不惡而嚴玉廉而不剌也禮卑以自牧玉垂之如隊

禮記聘義疑問卷十二

四五

也樂著往飭歸玉叩之其聲清越以長其終詘然也自靖自獻其忠乎玉實瑕瑜不相掩也誠中形外其信乎玉實孚尹而旁達也天有顯道玉氣如白虹焉地載神氣玉精神見于山川焉唯德莫與為京圭璋可以待達也唯道足為世重玉常貴重於天下也王之德於天人寧有間哉君子必若玉而後其德可稱於天下也故君子比德焉凡論德者縱言之不過曰仁義而已矣知禮樂而已矣忠信而已矣天地道德而已矣玉無不備所以可貴於天下

喪服四制

凡禮之大體體天地法四時則陰陽順人情故謂之禮譬之者是不知禮之所由生也夫禮吉凶異道不得相干取之陰陽也喪有四制變而從宜取之四時也有恩有理有節有權取之人情也恩者仁也理者義也節者禮也權者知也仁義禮知人道具矣

愚嘗謂禮是心體孩提知愛稍長知敬心體所自有也由此愛敬為之節文非禮而何此云凡禮之大體正由此心之本體為之節文者也

體天地體字即易體仁體字中庸體物體字言與禮表四制疑補卷十二

四六

為體而更無二也此禮尊卑原在心體上本乎天殺乎地皆是物也非二也是之謂體

禮所由生由心體上來取之陰陽取之人情此心體之所自取也故曰仁曰義曰禮曰知為人道之具

權圓通而不執由此心之明覺來故曰知

其恩厚者至末

恩何以曰制父子之恩天性也一定而不可解若制定者然故與義制節制權制並列而為四

正月仲冬男孺起校補

禮記疑問十二卷

浙江巡撫採進本

明姚舜牧撰舜牧有易經疑問已著錄是書依文訓義多作語錄之體間有新說則多與經義違背如曲禮為人子者父母存冠衣不純素孤子當室冠衣不純采鄭氏注純緣也玉藻曰縞冠元武子姓之冠也縞冠素純既祥之冠也深衣曰具父母衣純以青孤子衣純以素訓最明晰舜牧乃云論語麻冕禮也今也純儉此純字亦將作飾緣解乎是併字義未及詳考而漫與鄭孔為難也

檀弓輯註二卷

〔明〕陳與郊撰

北京大學圖書館藏明萬曆三十二年刻本

附《四庫全書總目·檀弓輯註

二卷》提要

檀弓考工記輯註序

近世謝東山氏合編檀孟頗爲學者所宗  
昔韓愈氏謂讀孟氏書而後知孔子之道  
尊聖人之道易行王易王霸易霸也則安  
得以文章桀之哉且當代五經之士疇不  
讀孟氏書尊之至與孔子竝也而以儷檀  
弓過矣其與檀弓竝者宜莫如考工記二  
書鄭氏註之註未晰者孔氏賈氏疏之間  
有奇辭奧旨疏所未竟者諸老師大儒互  
發焉而不佞復踵謝枋得氏各章句之而  
二書始豁焉無可疑則儷之不亦宜乎於  
是乃采掇傳註著于篇俾初學者觀焉韓  
氏又謂孔子從周爲文章之盛也然則讀  
是書者恍然習議論窺制作于成周嗚呼  
盛哉

萬曆甲午秋七月旣望

檀弓輯註姓氏

鄭玄註

玄字康成北海高密人東漢建安中累辟不就後公車徵為大司農以病自乞註周易尚書毛詩禮記等書

孔穎達疏

穎達字仲達冀州人唐貞觀中為司業撰五經正義

謝枋得章句

枋得字君直廣信弋陽人宋末官江西招諭使元至元間累薦不起不食卒學者稱疊山先生

《姓氏》

二

考工記輯註姓氏

鄭玄註

爵里見前

賈公彥疏

公彥洛州永年人受業於張士衡唐太學博士弘文館學士撰周禮義疏五十卷儀禮義疏四十卷

不佞竊做疊山先生撰章句又邢州時所著有三禮廣義亦間采數條附錄

萬曆甲辰吉刻

檀弓輯註卷上

檀弓

浙汜

陳與輝輯

孔穎達曰姓檀名弓今山陽有檀氏案子游譏司寇惠子廢適立庶又檀弓亦譏仲子舍適孫而立庶子其門習禮之人未足可嘉檀弓非首者子游是孔門習禮之人未足可嘉檀弓非是門徒而能達禮

故善之以為篇目  
廣義曰檀弓名篇猶之衛靈公季氏於篇之首輒取而立之豈為其達禮與

公儀仲子之喪檀弓免焉法仲子舍其孫而立其子

檀弓曰何居何也方何居則圓我未之前聞也辭婉倒趨而字法

就子服伯子於門右曰仲子舍其孫而立其子何也

檀弓輯註卷上

一

省文只一句伯子曰仲子亦猶行古之道也此一句提醒昔者古文法

者文王舍伯邑考而立武王微子舍其孫肫而立衍也夫仲子亦猶行古之道也疊句法子游問諸孔子孔

子曰否立孫問法兩句只三字省幾多言語免音徐本作通徒本反又從遜反衍以善反

註免焉故為非禮以非仲子也禮朋友皆在他邦乃袒免此其所立非也公儀蓋魯同姓周禮適子死立適孫為後居讀為姬姓之姬齊魯之間語助也前猶故也去賓位就主人兄弟之賢者而問之子服伯子蓋仲孫蔑之玄孫子服景伯蔑魯大夫

子服伯子蓋仲孫蔑之玄孫子服景伯蔑魯大夫

伯子爲親者隱耳立子非也文之立武王權也微子適子死立其弟衍殷禮也孔子曰否立孫據周禮

祖音但適多曆反下皆同幾芒結反爲干偽反

疏略公儀仲子喪亾檀弓與之爲友又非處他邦爲之著免故爲重服譏其失禮知者喪服記云若他邦來還家而無主猶爲之免故鄭註云歸有主人乃止明無主猶袒免也若朋友俱在家則弔服加麻加麻者素升上加總之環經若一在一否亦然知者以云皆在他邦乃袒免明不皆在者則否案史記魯相公儀休此云子服伯子是魯人故疑

檀弓輯註

卷上

二

魯同姓也知同姓者以春秋有公鳥公若公儀同稱公故知同姓也案賓位之法隨主人而變小飲之前主人未忍在主位有事在西階下則賓亦入門西弔於西階下故士喪禮君使人禭主人拜送拜賓卽位西階下東面鄭云未忍卽主人位也小飲之後尸則出堂廉然後有飾主人位則在阼階下西面賓弔者入門東於東階下弔也故士喪禮小飲訖男女奉尸俛於堂主人降自西階卽位踊襲經于序東鄭云卽位踊東方位也則衆主人不接賓發初在東耳而檀弓之來者當在小飲之前

初于西階行譏弔而主人未覺後乃趨嚮門右問伯子焉必知小飲前者以仲子初喪卽正適庶之位故也未小飲而著免者故爲非禮之弔亦異常也然則子游之弔惠子是小飲後也故服衰而在門東故鄭云大夫家臣位在賓後又云在門內北面云子服伯子蓋仲孫蔑之玄孫子服景伯者案世本獻子蔑生孝伯孝伯生惠伯惠伯生昭伯昭伯生景伯云蓋者彼云子服景伯此云子服伯子不同故云蓋景是謚伯是字也

檀弓輯註

卷上

三

陳澧曰祖免本五世之服而朋友之死於他邦而無主者亦爲之免其制以布廣一寸從項中而前交於額又卻向後而繞於髻也猶尚也亦猶擬議未定之辭伯邑考文王長子微子舍孫立衍或是殷禮文王之立武王先儒以爲權或亦以爲遵故制皆未可知否則以德不以長亦如太王傳位季歷之意與黃東發曰古者死他邦無親則朋友爲之袒免仲子舍嫡孫立庶子檀弓譏其父兄不能正猶無親也故爲之服以弔其親而問焉事親有隱而無犯法句左右就養無方服勤至死致字喪三年事君有犯而無隱法句左右就養有方服勤至死方字喪三年事師無犯無隱法句左右就養無方服勤至死心字喪三年得奸省幾多言語左右徐上音佐下音佑今並如字養以尚反下同

註隱謂不稱揚其過失也無犯不犯顏而諫論語  
曰事父母幾諫左右謂扶持之方猶常也子則然  
無常人勤勞辱之事也致謂戚容稱其服也凡此  
以恩爲制有犯無隱既諫人有問其國政者可以  
語其得失若齊晏子爲晉叔向言之左右就養有  
方不可侵官方喪資於事父凡此以義爲制心喪  
戚容如父而無服也凡此以恩義之間爲制證反  
語魚據反又如字向香亮反

檀弓輯註卷上

四

疏略無犯是同親之恩無隱是同君之義兼有親  
恩君義故言恩義之間爲制也

廬陵胡氏曰無隱謂不

四

檀弓輯註卷上

五

武子之寢合葬與孔子合葬於防同

廬陵胡氏曰無隱謂不  
匿情有方謂有常職  
饒氏曰左右音佐佑非也左右卽是方養不止飲  
食之養言或左或右無一定之方子之於親不  
職守事皆當理會無可推托事師如事父故皆  
無方有方言左不得越右右不得越左有一  
盡職守故曰有方  
劉氏曰隱非掩惡之謂若掩惡而不可揚於  
人則三者皆當然也惟秉史筆者不在此限  
張子曰古不制師服師服無定體也見彼之善而  
已效之亦師也故有得其一言一義而如朋友者  
有親炙如兄弟者有成就己身而恩如天地父母  
者此豈可一槩服之故聖人不制其服心喪之可  
也孔子死門人一時心喪又豈可責其一槩以傳  
道久近而各盡其哀之隆殺如子貢獨居三年而  
歸後

季武子成寢杜氏之葬在西階之下請合葬焉許之

入宮而不敢哭武子曰合葬非古也自周公以來未  
之有改也吾許其大而不許其細有味何居命之哭  
下得好葬徐才浪反合字徐音閭後合葬皆同

註武子魯公子季友之曾孫季孫夙自見夷人冢  
墓以爲寢欲文過之記此者善其不奪人之恩  
字徐音問

疏略武子自云合葬之禮非古昔之灋從周公以  
來始有合葬至今未改我成寢之時謂此冢墓是  
周公以前之事不須合葬故我夷平之以爲寢不  
肯服理是文飾其過先儒皆以杜氏喪從外來就

武子之寢合葬與孔子合葬於防同  
劉氏曰成寢而夷人之墓不仁也不改葬而又請  
合焉亦非孝也許其合而又命之哭焉獨僞以文  
過也且寢者所以安其家乃處其家於人之冢上  
於汝安子墓者所以安其先乃處其先於人之階  
下其能安乎皆不  
近人情非禮明矣  
張子曰自伯禽至於武子多歷年豈容城  
中有墓此必是猶欲取其柩以歸合葬也  
楊慎曰按張子之說新矣然合此文觀之則武子  
非古之云未有改之云許大許細之云皆無謂矣  
當如舊解乃  
與文協也

子上之母死而不喪法句門人問諸子思曰昔者子之  
先君子喪出母乎法句曰然子之不使白也喪之何也  
子思曰昔者吾先君子無所失道道隆則從而隆道

汚則從而汚伋則安能爲伋也妻者是爲白也母法句

不爲伋也妻者是不爲白也母法句故孔氏之不喪出

母自子思始也句法不喪如字下同徐息浪反下放此

註子上孔子曾孫子思伋之子名白其母出禮爲

出母期父卒爲父後者不服耳汚猶殺也有隆有

殺進退如禮伋則安能自予不能及記禮所由廢

非之反音急期居宜反本又作替後放此隆力中

也音餘

疏略案喪服齊衰杖期章出妻之子爲母又云出

妻之子爲父後者則爲出母無服傳云與尊者爲

檀弓輯註

六

一體不敢服其私親是也子思既在子上當爲出

母有服故門人疑而問之云子之先君子謂孔子

也令子喪出母乎子思曰然然猶如是也言是喪

出母故也伯魚之母被出死期而猶哭是喪出母

也道猶禮也言吾之先君子無所失道道有可隆

則從而隆謂父在爲出母宜加隆厚爲之著服道

汚者汚猶殺也若禮可殺則從而殺謂父卒子爲

父後上繼至尊不敢私爲出母禮當減殺則不爲

之著服伋則安能者子思自以才能淺薄不及聖

祖故云伋則何能鄭云自予不能及予猶許也自

許不能及也

陳皓曰子上之母子思出妻也禮爲出母齊衰杖

期而爲父後者無服心喪而已伯魚子上皆爲父

後禮當不服此者伯魚過門之期而猶哭夫于聞之

甚而後除之此賢者過門之期而猶哭夫于聞之

出母正欲用禮耳而門人以先君子之事爲問則

子思難乎言伯魚之過禮也故以聖人無所失道

爲對謂聖人之聽伯魚之過禮也故以聖人無所失道

之隆殺也惟聖人能降殺於道之所當加隆者則

是於先王之禮有所斟酌而隨時隆殺以從於中

道也我則安能如是哉但爲我妻則不當服矣子思

今既不以爲我妻則不當服矣子思是

欲守常禮而不欲使

張子曰道隆則從而隆道汚則從而汚亦就其出

母以定汚隆隆則從而隆道汚則從而汚亦就其出

子固不可違父當默特心喪亦禮也若父使之喪

而喪之亦禮也子思以爲我不可不於聖人不敢不

循理而孔子使喪出母乃不敢學孔子也

故曰道隆則從而隆道汚則從而汚

方氏曰父在而後不爲母服此從禮之隆

也父沒而伯魚父在故得爲出母服者支子思雖是父與

祖俱沒然亦得爲嫁母服者支子思雖是父與

子思雖有父在而不得爲嫁母服者支子思雖是父與

子思雖有父在而不得爲嫁母服者支子思雖是父與

子思雖有父在而不得爲嫁母服者支子思雖是父與

林葉氏長樂陳氏方氏張子皆有駁辭甚矣其不知言而輕於非議聖賢也或曰子思不尊代凡主祭而使其子繼之何也曰以已代凡無尊者命是也自奉宗也以子繼伯父則有父命非奉宗者也曰何以知子思之有兄曰子思哭嫂則有兄矣廣義曰孔穎達以父既沒其子乃名爲父後陳滿以爲身爲長子即名爲父後故其解不同吳澄則又以主祭者始稱爲後不論存沒蓋紛紛焉而吳說稍長經文子之先君子明謂伯魚則吾先君子安得謂之孔子愚謂道隆二句下始補惟孔子能使伯魚喪出母後則安能庶幾不悖本文爾若上先張子謂汚隆就出母以定汚隆較諸說似近

孔子曰拜而后稽顙顙乎其順也法稽顙而后拜顙乎其至也三年之喪吾從其至者

此一句下得好又音義反顧音悲顙素黨反顙徒回

檀弓輯註 卷上

八

註后稽顙此殷之喪拜也顙順也先拜賓順於事也后拜此周之喪拜也顙至也先觸地無容哀之至吾從其至者重有尚哀戚自期如殷可觸目欲反疏略殷之喪拜自斬衰以下總麻以上皆拜而后稽顙殷尚質故也周則杖期以上皆先稽顙而后拜不期杖以下乃作殷之喪拜

陳疏曰此言喪拜之次序也拜拜賓也稽顙者以頭觸地哀痛之至也拜以禮賓稽顙以自致謂之順者以其先加敬於人而后盡哀於己爲得其序也顙者側隱之發也謂之至者以其哀常在於觀而敬暫施於人爲極自盡之道也夫子從其至者亦與其易也寧戚之意

失澄曰周官九拜之目今約之爲三一曰拜先跪兩膝著地次拱兩手到地乃俯其首不致於地其

首懸空但與腰平荀子所謂平衡曰拜是也周官謂之空首尚書謂之拜手與凡經傳記單言拜字者皆謂此拜也此拜之正也故得專拜之名二曰頓首頓首者兩膝著地次兩手到地乃俯其首下至於手此拜之加重者也三曰稽首稽首者兩膝著地乃俯其首下至於地此拜之最重者也四曰下首下首者兩膝著地乃俯其首下至於地此拜之加重者也五曰叩首叩首者兩膝著地乃俯其首下至於地此拜之加重者也六曰屈膝屈膝者兩膝著地乃俯其首下至於地此拜之加重者也七曰叉手叉手者兩膝著地乃俯其首下至於地此拜之加重者也八曰空手空手者兩膝著地乃俯其首下至於地此拜之加重者也九曰稽顙稽顙者兩膝著地乃俯其首下至於地此拜之加重者也十曰稽顙稽顙者兩膝著地乃俯其首下至於地此拜之加重者也

孔子既得合葬於防曰吾聞之古也墓而不墳今丘也東西南北之人也不可以弗識也

九

是封之崇四尺孔子先反門人後雨甚至孔子問焉曰爾來何遲也曰防墓崩孔子不應三字法孔子泣然流涕曰吾聞之古不脩墓墳扶云反識式志反又如字如字三息暫反又如字

註言既得者少孤不知其墓墓謂兆域今之封塋也古謂殷時也土之高者曰墳東西南北言居無

常處也聚土曰封封之周禮也周禮曰以爵等爲丘封之度崇高也高四尺蓋周之士制孔子先反當脩虞事門人後後待封也言所以遲者脩之而



來孔子不應以其非禮三言之以孔子不聞脩猶治也

少詩召反處昌慮反之度本又作之數

疏略周禮冢人云高四尺蓋周之士制者其父梁紇雖為大夫周禮公侯伯之大夫再命與天子中士同防地之墓新始積土遇甚雨而崩庾蔚云防守其墓備衛其崩若如庾之言墓實不崩鄭何以言脩之而來孔子何以言古不脩墓違經背註妄說異同非也

陳澧曰東西南北之人言其宜游無定居也識記也為壘所以為記識一則恐人不知而誤犯一則恐人已或忘而難尋故封之高四尺也雨甚而墓崩門人脩墓而後反孔子流涕者自傷其不能謹之

檀弓輯註

卷上

十

於封墓之時以致崩地且言古人所以不脩墓者敬謹之至無事於脩也廣安游氏曰古者墓而不墳坎其中而踐其上使人弗見而已孔子欲盡從今之禮則非達者之心有所不安故泣然流涕而言之方希古曰取乎古而師之者以其合乎人情當乎理也父母之棺體然繫於防而不脩何取乎古也信如其言安足以為聖其証孔

孔子哭子路於中庭有人弔者而夫子拜之既哭進

使者而問故六字省使者曰醢之矣遂命覆醢七字法

省文 使色吏反 醢音海覆芳服反

註寢中庭也與哭師同親之夫子拜之為之主也使者自衛來赴者故謂死之意狀時衛世子蒯聵篡輒而立子路死之醢之者示欲啗食以怖衆覆棄之不忍食

蒯苦怪反 醢五怪反 蒯初患反 臨川吳氏曰哭師於寢哭朋友於寢門外中庭在寢之外寢門外之內故陸氏謂之師友之間特不忍食之又不忍見之也

曾子曰朋友之墓有宿草而不哭焉

註宿草謂陳根也為師心喪三年於朋友期可

檀弓輯註

卷上

十一

疏略朋友期而猶哭者非謂在家立哭位以終期年張敷云謂於一歲之內如聞朋友之喪或經過朋友之墓及事故須哭如此則哭焉若期之外則不哭也

嚴陵方氏曰師猶父朋友相視猶兄弟既以喪父之義處喪師則期年矣是以兄弟之義喪之也然必以墓草為節者蓋生物既變而墓心可已故也

子思曰喪三日而殯凡附於身者必誠必信勿之有悔焉耳矣章法只凡附於身四字包幾多事三月而葬凡附於棺者必誠必信勿之有悔焉耳矣七字婉喪三年以為極

亡則弗之忘矣故君子有終身之憂而無一朝之

患故忌日不樂

王以極字絕句亡作忘向下讀孫依鄭作亡而如王分句樂如字又音岳

註言其日月欲以盡心脩備之附於身謂衣衾附

於棺謂明器之屬喪三年以爲極亡去已久遠而

除其喪則之言曾有終身之憂念其親無一朝之

患毀不滅性忌謂死日言忌日不用舉吉事

疏略三日而殯者據大夫士禮三月而葬亦大夫

士禮也三日三月言棺中物少者三日之期家計

可使量度則必中棺外物多三月之餘思忖必就

故言日月欲見宜慎也

陳語曰喪莫重於三年既葬曰亡中庸曰事亡如事存雖已葬而不忘其親所以爲終身之憂而忌

檀弓輯註

卷上

士

日不樂也祭義曰君子有終身之喪忌日之謂也

信故無一

方氏曰必誠謂於死者無所欺必信謂於生者無所疑

金華邵氏曰附於棺者若卜其宅兆

丘封壤樹之事不獨明器之屬也

孔子少孤不知其墓殯於五父之衢人之見之者皆

以爲葬也其慎也蓋殯也法句問於邾曼父之母然後

得合葬於防

註孔子之父邾叔梁紇與顏氏之女徵在野合而

生孔子徵在耻焉不告殯於五父之衢欲有所就

而問之孔子亦爲隱焉殯於家則知之者無由怪

已欲發問端五父衢名蓋邾曼父之鄰見之者見

柩行於路慎當爲引禮家讀然聲之誤也殯引飾

棺以輅葬引飾棺以柳翼孔子是時以殯引不以

葬引時人見者謂不知禮曼父之母與徵在爲鄰

相善邾側留反又作鄒統恨發反徐胡劾反又胡沒反爲如字又干僞反曼音萬轄七見反翼

疏略按史記孔子世家云叔梁紇與顏氏女野合

而生孔子鄭用世家之文故註言野合不備於禮

也若論語云先進於禮樂野人也及野哉由也非

檀弓輯註

卷上

士

謂草野而合也但徵在耻其與夫不備禮爲妻見

孔子知禮故不告言不知其墓者謂不委曲適知

柩之所在不是全不知墓之去處其或出辭入告

揔望本處而拜今將欲合葬須正知處所故云不

知其墓今古不知墓處於事大有講學者誼誼競

爲異說恐非經記之旨案家語云叔梁紇年餘七

十無妻顏父有三女顏父謂其二女曰鄒大夫身

長七尺武力絕倫年餘七十誰能與之爲妻二女

莫對徵在進曰從父所制將何問焉父曰卽爾能

矣遂以妻之爲妻而生孔子三歲而叔梁紇卒王

肅據家語之文以爲禮記之妄又論語緯撰考云叔梁紇與徵在禱尼丘山感黑龍之精以生仲尼今鄭云叔梁紇與顏氏之女徵在野合於家語文義亦無殊何者七十之男始取徵在灼然不能備禮亦名野合又徵在幼小之女而嫁七十之夫是以羞慙不能告子又叔梁紇生子三歲而後卒是孔子少孤又與撰考之文禱尼丘山而生孔子於野合之說亦義理無妨鄭與家語史記並悉符同王肅妄生疑難於義非也云殯引飾棺以輊者案雜記云諸侯行而死於道其輊有綖緇布裳帷輊爲赤色大夫布裳帷士葦席以爲屋蒲席以爲裳帷大夫以下雖無輊取諸侯輊同名故飾棺以輊云引葬飾棺以柳髮者案喪大記云君龍帷黼荒黼髮二黻髮二畫髮二大夫畫帷畫荒黻髮二畫髮二士布帷布荒畫髮二在上曰荒在旁曰帷總謂之柳故云飾棺以柳髮

陳澧曰不知其墓者不知父墓所在也殯於五父之衢者殯母喪也禮無殯於外者今乃在衢先儒謂欲致人疑問或有知者告之也人見樞行於路皆以爲葬然以引觀之殯引飾棺以輊葬引飾棺以柳髮此則殯引耳按家語孔子生三歲而叔梁紇死是少孤也然顏氏之死夫子成立久矣聖人倫之至豈有終母之世不尋求父葬之地至母殯而猶不知父墓乎且母死而殯於衢路必無室

廬而死於道路者不得已之爲耶聖人禮法之宗主而忍爲之乎馬遷爲野合之誣謂顏氏諱而不告鄭註因之以滋後世之惑且如堯舜瞽瞍之事世俗不勝異論非孟子辭而闢之而後世謂何此經難出諸子所記其間不可據以爲實者多矣孟子曰主癰疽與侍人瘠環何以爲孔子愚亦謂終身不知父墓何以爲孔

廣義曰其慎也卽如字屬上讀謂必誠必信曰慎亦通

鄰有喪春不相里有殯不巷歌是錯對喪冠不綌綌又作綌同

註皆所以助哀也相謂以音聲相勸不綌去飾陳澧曰冠必有笄以貫之以紘繫笄順順而下結之曰纓垂其餘於前者謂之綌喪冠不綌蓋去飾也

有虞氏瓦棺夏后氏剋周般人棺椁周人牆置嬰周人以般人之棺椁葬長殤以夏后氏之剋周葬中殤下殤以有虞氏之瓦棺葬無服之殤聖子栗反又音六至十九爲長殤十二至十五爲中殤八歲至十一爲下殤七歲已下爲無服之殤生未三月不爲殤註瓦棺始不用薪也有虞氏上陶火熟曰剋燒土冶以周於棺也或謂之土周由是也弟子職曰右手折剋椁大也以木爲之言椁大於棺也般人上梓墻柳衣也凡此言後王之制文周以虞夏殷之棺通葬四殤略未成人陶大乃反何云治土爲甌云左手執燭右手折剋聖燭頭盛也弟子職其篇名梓音子

疏略崇帷荒所以衣柳則以帷荒之內木材爲柳其實帷荒及木材等總名曰柳故縫人云衣翼柳之材註云柳之言聚諸飾之所聚是帷荒總稱柳也云凡此言後王之制文者凡謂虞夏殷周有虞氏唯有瓦棺夏后氏瓦棺之外加聖周殷則梓棺替瓦棺又有木爲梓替聖周周人棺槨又更於梓傍置柳置翼扇是後王之制以漸加文也夏言后者白虎通云以揖讓受於君故稱后殷周稱人者以行仁義人所歸往故稱人

檀弓輯註

卷上

七

陳註曰牆柳衣也柳者聚也以此障柩猶垣墻之障家故謂之墻翼如扇之狀有畫爲繡者有畫爲

數者有畫雲氣者多寡之數隨貴賤之等  
夏后氏尚黑大事歛用昏戎事乘驪牲用玄般人尚白大事歛用日中戎事乘翰牲用白周人尚赤大事歛用日出戎事乘驪牲用驛即志反純黑色馬翰字又作驛胡旦反又音寒驛音原驛息營反徐呼管反純赤色也一云赤黃色

註以建寅之月爲正物生色黑昏時亦黑此大事謂喪事也戎兵也馬黑色曰驪爾雅曰驪牡驪牡玄玄黑類也以建丑之月爲正物牙色白日中時亦白翰白色馬也易曰白馬翰如以建子之月爲正物萌色赤日出亦赤驪驛馬白腹驛赤類

征驛音來馬七尺已上爲驛萌仁耕反驛力求反赤馬黑鬣尾

疏略三正記云正朔三而改文質再而復以此推之自夏以上皆正朔三而改也文質再而復者文法天質法地周文法地而爲天正殷質法天而爲地正者正朔文質不相須也建子之月爲正者謂之天統以天之陽氣始生爲下物得陽氣微稍動變故爲天統建丑之月爲地統者以其物已吐牙不爲天氣始動物又未出不得爲人所施功唯在地中含養萌芽故爲地統建寅之月爲人統者以其物出於地人功當須脩理故謂之人統統者本

檀弓輯註

卷上

七

也謂天地人之本也

陳註曰禹以治水之功得天下故尚水之色湯以征伐得天下故尚金之色周之尚赤取火之勝金也

長樂陳氏曰祭義云夏后氏祭其閭般人祭其陽周人祭日以朝及闇故子路與祭質明而行事則大事用日出者祭以朝之質明也

穆公之母卒使人問於曾子曰如之何對曰申也

聞諸申之父曰哭泣之哀齊斬之情饘粥之食自天

子達章布幕衛也句緣幕魯也衛法今人作文必曰

便拙一倒轉便精神齊音咨本亦作齋饘本又作饘之然反說文云饘也周謂之饘宋衛謂之饘粥之六反字林云淖饘也幕本又作幕音  
莫徐音覓下同緣音綃徐又音蕭

註穆公魯哀公之曾孫問居喪之禮曾子曾參之

子名申子喪父母尊卑同幕所以覆棺上也繆繆

也繆繆如綃衛諸侯禮曾天子禮兩言之者借已

久矣幕或為帟參所金反一音七南反繆古繆反

念反帟莫曆反

廣安游氏曰父母之喪貴賤不殊此所以自天子

達也若幕則天子以綃諸侯以布穆公苟欲行禮

所謂貴賤一者固當一也所謂天子諸侯異者固

當與也此二言喪禮盡矣且禮文之制曾申獨舉

他推是而可知矣

晉獻公將殺其世子申生公子重耳謂之曰子蓋言

子之志於公乎法句世子曰不可君安驪姬是我傷公

檀弓輯註卷上

之心也句法左傳七句不及此十一字曰然則蓋行

乎世子曰不可君謂我欲弑君也天下豈有無父之

國哉吾何行如之法章使人辭於狐突曰申生有罪不

念伯氏之言也以及至於死申生不敢愛其死雖然吾

君老矣子少國家多難伯氏不出而圖吾君此六句

忠臣之伯氏苟出而圖吾君申生受賜而死章法此

義總再拜稽首乃卒是以為共世子也句法驪本

作然音試徐云字又作嗣突徒忽反少詩召反難乃

目反共音恭

本亦作恭

註信驪姬之譖蓋皆當為盡意何不也惡意也重

耳欲使言見譖之意重耳申生異母弟後立為文

公言其意則驪姬必誅也驪姬獻公伐驪戎所獲

女也申生之母蚤卒驪姬嬖焉行猶去也言人有

父則皆惡欲弑父者辭猶告也狐突申生之傳舅

犯之父也前此者獻公使申生伐東山臯落氏狐

突謂申生欲使之行今言此者謝之伯氏狐突別

氏子驪姬之子奚齊圖猶謀也不出為君謀國家

之政然則自臯落氏反後狐突懼乃稱疾賜猶惠

也既告狐突乃雉經言行如此可以為恭於孝則

未之有蚤音早變必計反惡烏路反傳音富舅其

九反臯古刀反為于偽反雉經如字徐古

檀弓輯註卷上

疏略雉牛鼻繩也申生以牛繩自縊而死也故鄭

註封人云綏著牛鼻繩所以牽牛者也今時人謂

之雉或謂雉性耿介被人獲必自屈折其頭而死

漢書載趙人貫高自絕亢而死申生當亦然

楊慎曰此節僅百五十字而包括曲折有他人干

言不盡者合左傳國語及穀梁並觀之優劣自見

左傳云或謂太子子辭君必辨焉太子曰君非姬

氏居不安食不飽我辭姬必有罪焉太子曰君不

樂曰子其行乎太子曰君實不察其罪彼此名不

以出入誰納我十二月戊申縊於新城國語云人

謂申生非子之罪何不去子申生曰不可去而罪

必歸於君是惡君也章父之惡而笑諸侯吾誰鄉

有罪不死無勇去而厚惡惡不可重死不可避吾  
將伏以俟命驪姬見申生而哭曰有父忍之况國  
孰利之皆民之所惡也難以長生驪姬退申生乃  
難經於新城之廟穀梁云里充謂世子曰自明  
吾君已死矣可以生不吾君若此而入自明則驪  
死驪姬死則吾君不安所以使吾君不安者吾不  
若自死吾寧自殺以安吾君

魯人有朝祥而莫歌者法句子路笑之夫子曰由爾責

於人終無已夫三年之喪亦已久矣夫子路出夫子

曰又多乎哉踰月則其善也章法此二句婉而嚴

本或作已矣夫

註笑其為樂速為時如此人行三年喪者希抑子

檀弓輯註卷上

路以善彼又復也樂音洛又音岳復扶又反

疏略案喪服四制祥之日鼓素琴不譏彈琴而譏

歌者下註云琴以手笙歌以氣手在外而遠氣在

內而近也

陳澧曰名為三年之喪實則二十五月今已至二

十四月矣此去可歌之日又豈多有日月乎哉但

更踰月而歌則為善矣蓋聖人於此雖

不責之以備禮亦未嘗許之以變禮也

魯莊公及宋人戰於乘丘縣賁父御卜國為右馬驚

敗績公隊佐車授綬章法四句十公曰末之卜也法句

四字責之縣賁父曰他日不敗績而今敗績是無勇

也遂死之圍人浴馬有流矢在白肉馬之驚軍之敗

縣之無罪而死

至此明公曰非其罪也遂誅之法章士之有誅自此始也

句法乘繩誣反縣音玄卷內皆同賁父上音奔下

音甫人名字皆同隊宜類反緩息佳反圍魚呂反誅

註戰于乘丘十年夏縣卜皆氏也凡車右勇力者

為之驚奔失列戎車之貳曰佐授綬乘公末之猶

微哉言卜國無勇公他日戰其御馬未嘗驚奔二

人赴敵而死圍人掌養馬者白肉股裏肉流矢中

馬非御與右之罪誅其赴敵之功以為謚記禮失

所由來也周雖以士為爵猶無謚也殷大夫以上

為爵夏戶嫁反股裏上音古下音里中丁仲反上時掌反

檀弓輯註卷上

疏略知周以士為爵者案掌客云凡介行人宰史

皆有食饗餼以其爵等為之牢禮之數陳凡介行

人皆為士而云爵等是士有爵也故鄭註大行人

云命者五公侯伯子男爵者四孤卿大夫士云猶

無謚也者以此云士之有誅自此始也云殷大夫

以上為爵者案士冠禮云古者生無爵死無謚於

士冠之下不云諸侯大夫明生無爵死無謚據士

也士冠禮是周禮而云古者故知是殷以上

長樂陳氏曰馬驚在御不在右莊公末卜不末縣

記稱縣死而不言卜死何耶莊公之末卜責其輕

者以見其重者也記稱縣死即其責之所不及者

以見其責之所及者也春秋書敗宋師于乘丘敗

在宋不在莊公。禮弓則敗在莊公不在宋蓋莊公敗于二人未死之前宋人敗于二人既死之後春秋書其戰故詳其始而略其終禮弓

吳澄曰諫如今之祭文鄭玄以為諫非也楊慎曰東萊呂氏云釋文作馬驚敗而無續字當時只是馬驚耳不預軍之勝負此說非也軍戰無常形或有始敗而終勝者如秦晉韓原之戰晉將禽穆公以食馬者赴敵而反禽晉懷公乘丘之戰正符韓原宋師之敗豈非因縣下二子赴敵之故邪釋文因春秋所書與記不同遂去續字而東萊過信之且馬驚敗不成文始敗績而終取勝春秋止記其終而已兩無妨於義也

會子寢字法寢字須安類第一疾病樂正子春坐於牀下字法會元會申坐於足童子隅坐而執燭法童子隅坐而執燭法童子子曰華而睨大夫之簣與法童子春日止會子聞之

檀弓輯註 卷上 三  
瞿然形容驚起曰呼曰華而睨大夫之簣與會子曰然斯季孫之賜也我未之能易也元起易簣會元曰夫子之病革矣不可以變幸而至於旦請敬易之會子曰爾之愛我也不如彼君子之愛人也以德細人之愛人也以姑息吾何求哉吾得正只一字而斃焉斯已矣舉扶而易之反席未安而沒晚華板反明貌孫炎云晚漆也徐又音刮簣音責與音餘瞿紀具反又音極請七領反氣聲也一音况于反華紀力反徐又音極請七領反

註病謂疾困子春會參弟子元申會參之子隅坐不與成人竝華畫也簣謂牀第也說者以睨為刮節目字或為刮子春曰止以病困不可動呼虛憊

之聲未之能易已病故也言夫子者曾子親沒之後齊嘗聘以為卿而不為也華急也變動也幸覲也彼童子也成已之德息猶安也言苟容取安也斃仆也反席未安而沒言病雖困猶勤於禮畫衡

牀第上音牀下側更反訓古滑反德皮拜反羸困也觀音冀仆滿北反又音赴疏略韓詩外傳云曾子仕於莒得粟三秉方是之時曾子重其祿而輕其身親沒之後齊迎以相楚迎以令尹晉迎以上卿方是之時曾子重其身而輕其祿既言輕其祿是不為也但齊以相楚以令尹晉以上卿而鄭言齊嘗聘為卿者以三國文連

檀弓輯註 卷上 三  
舍帶為注耳且相即是上卿他人名已得呼為大夫之稱而言夫子若已不為大夫則已所為當須依禮不得寢大夫之牀也

陳皓曰華者畫節之美好睨者節目之平瑩簣簣也呼者歎而噓氣之聲曰童子再言也吳澄曰考之於禮寢簣之制未聞有貴賤之殊但貧者素質富者華美童子見之驚其華故曰大夫之簣與其意非欲曾子易之也使其易而曾子不聞童子之言必欲易之曰蓋禮制雖無違戾然不若臨終之際其謹有加於平時乎時夜臥在燕寢當臨終之際其謹有加於平時乎時夜臥在燕寢屏去而不使死於婦人時亦有女侍將終則一切生時可寢季孫所賜華美之手皆與平時異故曾子非大夫不可終於大夫之簣也諸儒舊說並謂曾子



夫之黃四字之意也。儻大夫之黃與士之黃有差。等則季孫之賜曾子自不當受之。亦不當用。今曾子明矣。若循舊說。是曾子自安於非禮。而不知子春陷師於非禮。而不言當時若無童子一語。見皆不及。以非禮而終。也是曾子子春曾元曾申之黃。知其華美而已。陳氏所謂童子以非禮而發問。曾元則其說非是。楊慎曰。華而跪至元。起易黃一節。童子驚訝之狀。與曾元曾申掩護之情。并曾子虛憊而不失其正之事。千載如在目前。左氏且走。儻况漢以下文人乎。廣義曰。曾子聞之。瞿然曰。呼。鄭康成以呼為虛憊之聲。陳皓以呼為歎。而虛氣之聲若云。噫。云歎。則于春已止。童子矣。何曾子方憊或歎。而童子復云。云也。必曾子聞之。未審使之大言。故曰。呼讀如呼。於再曰。有因。

檀弓輯註 卷上

五

始死。克克如有窮。既殯。瞿瞿如有求而弗得。法既葬。

皇皇如有望而弗至。法練而慨然。祥而廓然。始死。

既殯。既葬。練祥五事三變。句法。克克。皇皇。皇皇。慨然。廓然。三變。句法。字法。慨。苦。愛。反。廓。苦。郭。反。何。云。開。

註皆憂悼在心之貌也。求猶索物。索所白反

疏略親始死孝子匍匐而哭之心形克屈如急行

道極無所復去窮急之容也。既殯。瞿瞿如有求而

弗得者。殯歛後心形稍緩也。瞿瞿眼目速瞻之貌。

求猶覓也。貌恒瞿瞿如有所失而求覓之不得然

也。既葬。皇皇如有望而弗至者。又漸緩也。皇皇猶

栖栖也。至葬後親歸草土。孝子心形栖栖。皇皇無所依託。如有望彼人來而彼人不至也。練而慨然者。轉緩也。至小祥。但歎慨日月若馳之速也。祥而廓然者。至大祥。而寥廓情意不樂而已。

邾婁復之以矢。法蓋自戰於升陘始也。句魯婦人之

髮而弔也。法自敗於臺始也。句法。邾婁。公羊傳。與此記同。左氏。穀梁。但作邾。陘音形。臺側。瓜反。臺始上音。胡下音。臺。

註戰於升陘。魯僖二十二年秋也。時師雖勝。死傷

亦甚。無衣可以招蒐。敗於臺始。魯襄四年秋也。臺

當為壺字之誤也。春秋傳作狐貍。時家家有喪。髮

檀弓輯註 卷二

五

而相弔。去纚而紒。曰髮。禮婦人弔服大夫之妻。錫

衰士之妻。則疑衰與皆吉。并無首素總。備許宜反。去羗呂反。

纚。所買反。又所綺反。黑。纚。紒。紒。音。計。錫。衰。上。悉。歷。反。下。七。雷。反。與。音。餘。筭。音。雞。總。音。總。

疏略去纚而紒。曰髮者。案士冠禮。纚廣終幅。長六

尺。所以緇髮。今以凶事故去之。但露紒而已。云禮

婦人弔服大夫之妻。錫衰者。喪服傳云。大夫弔於

命婦。錫衰。命婦弔於大夫。亦錫衰。是大夫之妻。弔

服。錫衰也。云士之妻。則疑衰與者。以士妻無弔服

之文。故云疑衰與必以疑衰者。案周禮。司服有錫

衰。總衰。疑衰。錫衰。為上總衰。次之疑衰。為下案。喪



服大夫弔服錫衰喪服小記云諸侯弔必皮弁錫衰則君弔大夫大夫相弔皆錫衰其服同也錫衰之下但有總衰疑衰天子弔諸侯皆以總衰弔大夫士以疑衰若諸侯弔大夫以錫衰弔同姓之士總衰異姓之士疑衰故鄭註文王世子云同姓故鄭註司服云舊說士弔服素委貌冠朝服此士不以總衰爲弔服者以總衰是士喪服不以弔也故註喪服云士以總衰爲喪服其弔服則疑衰也改其裳以素避諸侯近庶人弔服而衣猶非也疑

衰變其裳以素耳以此言之是士弔服疑衰素裳也故以爲士妻弔服疑衰必知弔服夫妻同者以喪服大夫命婦俱以錫衰弔故也

陳澧曰夫以盡愛之道禱祠之心孝子不能自已冀其復生也疾而行之可也兵刃之下肝腦塗地豈有再生之理復之用矢不亦誣乎方氏曰矢所以施於射非所以施於復髮所以施於喪非所以施於世雖用兵臨軍之際未有不廣安游氏曰先王之世雖用兵臨軍之際未有不用禮者也唯其以禮相與則兩軍交戰殺人要有所以前未嘗無戰死者得復以衣而不以矢臺給以前未嘗無戰死者得復以衣而不以矢臺給以遂以爲常則升陘臺給必是殺人之甚自是而再失之矣

南宮縚之妻之姑之喪法句夫子誨之文省曰爾毋從從爾法句爾毋扈爾法句蓋榛以爲笄長尺而總八寸縚吐刀反母音無後同從音總高也一音崇又仕反縚音戶廣也大也榛側巾反木名又士鄰反長直亮反凡度長短曰長皆同此音

註南宮縚孟僖子之子南宮閱也字子容其妻孔

子兄女誨教爾女也從從謂大高扈謂大廣爾

語助總束髮垂爲飾齊衰之總八寸閱音悅女音汝大音泰一

疏略是夫子兄之女故誨之作髮法期之髮稍輕

毋得太高太廣如斬衰之髮也又教笄總之法用

榛木爲笄其長一尺而束髮垂餘之總垂八寸案喪服傳云總六升長六寸謂斬衰也故此齊衰長八寸以二寸爲差也以下亦當然喪服箭笄長一尺吉笄長尺二寸榛笄長尺斬衰齊衰箭同一尺降於吉笄二寸也但惡笄或用櫛或用簪故喪服有櫛笄故夫子稱蓋以疑之

陳澧曰笄即簪也斬衰之笄用箭竹竹之小者也婦爲舅姑皆齊衰不杖期當用榛木爲笄也束髮

謂之總以布爲之既束其本末而總之餘者垂於髮後其長八寸也

孟獻子禪縣而不樂法句比御而不入法句夫子曰獻子

加於人一等矣禪大感反比必利反下比及同

註可以御婦人矣尚不復寢孟獻子魯大夫仲孫茂加猶踰也

茂述結反

疏略不謂加於禮一等其祥禫之月先儒不同王肅以二十五月大祥其月爲禫二十六月作樂所以然者以下云祥而縞是月禫徙月樂又與上文魯人朝祥而莫歌孔子云踰月則其善是皆祥之後月作樂也又間傳云三年之喪二十五月而畢又士虞禮中月而禫是祥月之中也與尚書文王中身享國謂身之中間同又文公二年冬公子遂如齊納幣是僖公之喪至此二十六月左氏云納

檀弓輯註

卷上

天

幣禮也故王肅以二十五月禫除喪畢而鄭康成則二十五月大祥二十七月而禫二十八月而作樂復平常鄭必以爲二十七月禫者以雜記云父在爲母爲妻十三月大祥十五月禫爲母爲妻尚祥禫異月豈容三年之喪乃祥禫同月若以父在爲母屈而不伸故延禫月其爲妻豈亦不伸而祥禫異月乎若以中月而禫爲月之中間應云月中而禫何以言中月乎案喪服小記云妾祔於妾祖姑亡則中一以上而祔又學記云中年考校皆以中爲間謂間隔一年故以中月爲間隔一月也下

檀弓輯註

卷上

三

云禫而縞是月禫徙月樂者謂大祥縞冠是月禫是此也謂此月而禫徙一月而樂也二者各自爲義事不相干故論語云子於是日哭則不歌文無所繼亦云是日文公二年公子遂如齊納幣者鄭箴膏肓僖公母成風主婚得權時之禮若公羊猶譏其喪娶其魯人朝祥而莫歌及喪服四制云祥之日鼓素琴及夫子五日彈琴不成聲十日成笙歌并此獻子禫縣之屬皆據省樂忘哀非正樂也其八音之樂工人所奏必待二十八月也卽此文是月禫徙月樂是也其朝祥莫歌非正樂歌是樂之細別亦得稱樂故鄭云笑其爲樂速也其三年間云三年之喪二十五月而畢據喪事終除衰去杖其餘哀未盡故更延兩月非喪之正也王肅難鄭云若以二十七月禫其歲末遭喪則出入四年喪服小記何以云再期之喪三年如王肅此難則爲母十五月而禫出入三年小記何以云期之喪二年明小記所云據喪之大斷也又肅以月中而禫案曲禮喪事先遠日則大祥當在下旬禫祭又在祥後何得云中月而禫又禫後何以容吉祭故鄭云二十六月也戴德喪服變除禮二十五月

大祥二十七月而禫故鄭依而用焉鄭以二十八

月樂作喪大記何以云禫而內無哭者樂作矣以

禫後許作樂者大記所謂禫後方將作樂釋其內

無哭者之意非謂即作樂大記又云禫而從御吉

祭而復寢間傳何以云大祥居復寢間傳所云者

去聖室復殯宮之寢大記云禫而從御謂禫後得

御婦人必待吉祭然後復寢其吉祭者是禫月值

四時而吉祭外而為之其祝辭猶不稱以其妃配

故士虞禮云吉祭猶未配

陳註曰禫祭名禫者澹澹然平安之意大祥後間一月而禫故云中月而禫或云祥月之中者非小

檀弓輯註

卷上

三

記云一中一以上而附亦謂間一世也禮大夫判縣縣而不樂者但縣之而不作也此御而不入者雖

比次婦人之當御者而猶不復寢也

一說此及也親喪外除故夫子美之

長樂陳氏曰先王制禮以中為界子夏子張援琴於除喪之際孔子皆非之然則孟子獻子過於禮孔子

反禫之者非以為得禮也特稱其加諸人一等而

孔子既祥五日彈琴而不成聲十日而成笙歌有子

蓋既祥而絲屨組纓彈徒丹反笙音生

註五日彈琴而不成聲哀未忘十日而成笙歌踰

月且異旬也祥亦凶事用遠日五日彈琴十日笙

歌除由外也琴以手笙歌以氣譏其早也禮既祥

白屨無絢縞冠素紕有子孔子弟子有若絢其俱反縞古

老反又古報反

疏略絲屨組纓禫後之服今既祥而著故云譏其

早也云禮既祥白屨無絢戴德喪服變除禮文云

縞冠素紕者玉藻文素紕當用素紕為縵未用組

今用素組為縵故譏之案玉藻文云玄冠綦組纓

知此非綦組纓者若其綦組為縵則當以玄色為

冠若既祥玄冠則失禮之甚不應直譏組纓也案

士冠禮冬皮屨夏用葛無云絲屨者此絲屨以絲

為飾絢縵純之屬故士冠禮云白屨縞絢縵純縵

檀弓輯註

卷上

三

屨黑絢縵純鄭註屨人云絢屨頭飾縵是縫中紃

純緣也此有子蓋亦白屨以素絲為縵純也

陳註曰有子孔子弟子有若也禮既祥白屨無絢

以組為冠之縵服之吉者此二祥即以前為縵之飾

之速然蓋者疑辭恐記者亦是得於傳聞故疑其

辭也引孔子之事者

以見餘哀未忘也

吳澄曰成者樂曲之一終聲者曲調之聲也不成

聲謂不終曲也祥後可以彈琴矣然猶有餘哀故

彈琴終曲吹笙亦終曲矣哀情之殺以漸也

揚慎曰三章一聯為義獻子過有子不

及記者舉孔子於中以明祥禮之中制

以說之死之者孔子畏於匡厥行止危險之下溺不乘橋船

疏略此三事之外其有死不得禮亦不弔故昭二十年衛齊豹欲攻孟縶宗魯事孟縶是時齊豹欲攻孟縶宗魯許齊豹攻之不告孟縶及孟縶被殺而死宗魯亦死之孔子弟子琴張欲往弔之孔子止之曰齊豹之盜而孟縶之賊女何弔焉杜預云言齊豹所以為盜孟縶所以見賊皆由宗魯是失禮者亦不弔也

檀弓輯註卷上

三

其有溺而死者乎三者皆非  
正命故先王制禮在所不弔  
陳皓曰愚聞先儒言明理可以治懼見理不明者畏懼而不知所出多自經於溝瀆此真為死於畏矣似難專指  
廣安游氏曰古之君子欲正人之過失不專恃乎刑罰而已使生者有所愧死者有所憾皆所以誅死有所憾若死而不弔之類是也  
慈湖楊氏曰畏死於兵厭死於巖墻溺死於水非不弔也不忍為弔辭不忍言之也使孔子果死於匡則亦不可弔乎屈原之死亦不可弔乎而先儒謂賤之而不弔此乃固陋執言失意人心所不安也

子路有姊之喪可以除之矣而弗除也  
法章孔子曰何弗除也  
法章子路曰吾寡兄弟而弗忍也  
法章孔子曰先

王制禮行道之人皆弗忍也  
法章子路聞之遂除之  
如字徐治慮反

註行道猶行仁義

疏略庾蔚云子路緣姊妹無主後猶可得反服推已寡兄弟亦有申其本服之理故於降制已遠而猶不除非在室之姊妹欲申服過期也子路已事仲尼始服姊喪明姊已出嫁非在室矣

檀弓輯註卷上

三

於禮不可故夫子皆抑其過伯魚遂除之除其哭也子路遂除之除其服也  
大公封於營丘比及五世皆反葬於周君子曰樂樂其所自生  
法章禮不忘其本  
法章古之人有言曰狐死正丘首仁也  
大音泰樂樂並音岳一讀下五教反又音洛首手又反注同

註齊大公受封留為大師死葬於周子孫生焉不忍離也五世之後乃葬於齊齊曰營丘言其似禮樂之義正丘首正首丘也仁恩也  
離力智反

疏略樂者樂其所自生謂愛樂已之王業所由生以制樂名若舜愛樂其王業所由能紹堯之德即樂名大韶禹愛樂其王業所謂由治水廣大中國

則樂名大夏禮不忘其本者謂先王制禮其王業  
根本由質而興則制禮不忘其本而尚質也若王  
業根本由文而興則制禮尚文也然周公封魯其子  
孫不反葬於周者以其有次子在周世守其采地  
則春秋周公是也故鄭康成作詩譜云元子伯禽  
封魯次子君陳世守采地

陳結曰大公雖封於齊而留周為太師故死而遂  
葬於周子孫不敢忘其本故亦自齊而反葬於周  
以從先人之兆五世親盡而後止也樂生而教本  
禮樂之道也生而樂於此豈可死而倍於此哉狐  
雖微獸丘其所窟藏之地是亦生而樂於此矣故  
及死而倍正其首以向丘不忘其本也倍本忘初  
非仁者之用心  
故以仁目之

檀弓輯註 卷上

五

伯魚之母死期而猶哭法夫子聞之曰誰與哭者句  
法門人曰鯉也夫子曰嘻其甚也其甚意在此外  
伯魚聞之遂除之期音基鯉音

註伯魚孔子子也名鯉猶尚也嘻悲恨之聲其反  
又於其反

疏略悲恨之聲者謂非責伯魚悲恨之聲也時伯  
魚母出父在為出母亦應十三月祥十五日禫言  
期而猶哭則是禫後禫前祥外無哭於時伯魚在  
外哭故夫子怪之恨其甚也或曰為出母無禫期  
後全不合哭

陳結曰伯魚之母出而死父在為母期而有禫出  
母則無禫伯魚乃夫子為後之子則於禮無服期  
可無哭矣猶哭夫

子所以歎其甚  
廣安游氏曰天下之禮苟循其情而為禮則子路  
伯魚不知其所以終約其不及之情而為禮則原壤  
宰予不可以為訓故禮者通乎賢不肖而為之不可  
以過不可以不及也

葬葬於蒼梧之野蓋三妃未知從也季武子曰周公

蓋祔梧音吾  
祔音父

註舜征有苗而死因留葬焉書說舜曰陟方乃死  
蒼梧於周南越之地今為郡古者不合葬帝嚳而  
立四妃矣象后妃四星其一明者為正妃餘三小  
者為次妃帝堯因焉至舜不告而取不立正妃但

檀弓輯註 卷上

五

三妃而已謂之三夫人離騷所歌湘夫人舜妃也  
夏后氏增以三三而九合十二人春秋說云天子  
取十二即夏制也以虞夏及周制差之則殷人又  
增以三九二十七合三十九人周人上法帝嚳立  
正妃又三二十七為八十一人以增之合百二十  
一人其位后也夫人也嬪也世婦也女御也五者  
相參以定尊卑祔謂合葬合葬自周公以來力反  
升也嚳苦毒反高辛氏帝也嚳素刀反  
一音蕭差初佳反又初宜反嬪婢人反  
疏略長妃娥皇無子次妃女英生商均次妃癸比  
生二女宵明燭光是也

陳澧曰書陟方乃死蔡氏曰史記舜崩於蒼梧之野孟子言卒於鳴條未知孰是今零陵九嶷有舜冢

曾子之喪浴於爨室

爨七

註見曾元之辭易簣矯之以謙儉也禮死浴於適

室

矯居表反儉其檢反適丁歷反

疏略案上易簣之後反席未安而沒焉得有浴爨

室遺諸者以反席之前欲易之後足可有言但記

文不備必知謂曾元之辭易簣故矯之者曾子達

禮之人應須浴於正寢今乃浴於爨室明知意有

所為故云矯之也云禮死浴於適室者士喪禮死

檀弓輯註

卷上

三

於適室下云甸人掘坎于階間為塗於西墻下新

盆繫瓶造于西階下乃浴於適室也於爨室為謙

無甸人掘坎為塗之事是儉也

陳澧曰士喪禮浴於適室無浴爨室之文舊說曾子以曾元辭易簣矯之以謙儉然反席未安而沒未必有言及此使果曾子之命為人子者亦豈忍從非禮而賤其親乎此難以臆說斷之當闕之以俟知者

大功廢業或曰大功誦可也

註許其口習故也

疏略大功廢業者業謂所學習業則身有外營思

慮他事恐其忘哀故廢業也誦則在身所為其事

稍靜不慮忘哀故許其口習言或曰者以其事疑

故稱或曰然錄記之人必當明禮應事無疑使後

世作法今檢禮記多有不定之辭仲尼門徒親承

聖旨子游褻裘而弔曾子襲裘而弔又小斂之奠

或云東方或云西方同母異父昆弟魯人或云為

之齊衰或云大功其作記之人多云蓋多云或曰

皆無指而並設疑辭者以周公制禮永世作法時

經幽厲之亂又遇齊晉之強國異家殊樂崩禮壞

諸侯奢僭典法訛舛是以普天率土不開禮教故

子思聖人之胤不喪出母隨武子晉之賢相不識

檀弓輯註

卷上

七

殺烝作記之人隨後撰錄善惡兼載得失備書記

人所以不定未為怪也

陳澧曰業者身所習如學舞學射學琴瑟之類廢之者恐其忘哀也誦者口所習稍重焉之亦可然稱或曰亦未定之辭也

長樂陳氏曰業者弦歌羽籥之事誦者詩書禮樂之文大功廢業而誦可則大功而上不特廢業而誦亦不可大功而下不特誦可而業亦不廢也康誦於父子則不戒之以弗念天顯於弟則戒之以

其天性之厚者無事於戒天性之將薄者不可以不戒也禮不曰衰期廢業而曰大功廢業其意如此而

楊慎曰業樂業也

子張病召申祥而語之曰君子曰終小人曰死吾今

日其庶幾乎語反

註申祥子張子欲使執喪成已志也死之言漸也

事卒爲終消盡爲漸太史公傳曰子張姓顓孫今

曰申祥周秦之聲二者相近未聞孰是庶幾言易

成也斯本又作斯音賜下同韻音

陳結曰申祥子張子也終者對始而言死則漸盡無餘之謂也君子行成德立有始有卒故曰終小

爲是也子張至此亦自信其近於君子也

曾子曰始死之奠其餘閣也與莫田練反

註不容改新閣度藏食物度字又作度同九

檀弓輯註卷上

陳結曰始死以脯醢醢酒就尸牀而奠于尸東當死者之肩使神有所依也閣所以皮置飲食蓋以

生時皮閣上所餘脯醢爲奠也

則不忍易其舊故以閣上所餘脯醢以爲奠也

曾子曰小功不爲位也者是委巷之禮也子思之哭

嫂也爲位婦人倡踊申祥之哭言思也亦然嫂悉早反注同

倡昌尚反注

註譏之也位謂以親疏叙列哭也委巷猶街里委

曲所爲也子思以下善之也禮嫂叔無服有服者

娣姒婦小功倡先也說者云言思子游之子申祥

妻之昆弟亦無服過此以往獨哭不爲位街音佳

疏略知位謂親疏叙列者以其子思哭嫂爲位下

云婦人倡踊婦人既在先知爲位也子思哭嫂

是孔子之孫以兄先死故有嫂也皇氏以爲原憲

字子思若然鄭無容不註鄭既不註皇氏非也孔

氏連叢云一子相承以至九世及史記所說亦同

者不妨雖有二子相承者唯存一人或其兄早死

故得有嫂且雜說不與經合非一也案喪服小功

章娣姒婦報鄭註娣姒婦者兄弟之妻相名也長

婦謂穉婦爲娣婦娣婦謂長婦爲姒婦謂據婦年

之長幼則不據夫年之大小故成十一年左傳云

聲伯之母不聘穆姜曰吾不以妾爲姒穆姜魯宣

公夫人聲伯之母魯宣公弟叔肝之妻是弟妻爲

姒又昭二十八年左傳云子容之母走謁諸姑曰

長叔姒生男子容之母伯華之妻也長叔姒是伯

華之弟叔肝之妻是亦謂弟妻爲姒也皆不繫夫

身長幼

陳結曰委曲也曲巷猶言陋巷細民居於陋巷不見禮儀而鄙朴無節文故譏小功不爲位是曲巷

中之禮也

吳澄曰水下流之聚處爲委言至此窮盡無復可去委巷猶云窮巷委巷之人見小聞寡無所知識

廣義曰小功之服不爲哭泣之位故引子思以下無服且爲位者譏之申祥亦然謂亦爲位也非謂



亦婦人謂踊也馬氏以婦人倡踊而病非禮焉失經意矣

古者冠縮縫今也衡縫故喪冠之反吉非古也

縮所六反

縫音逢又扶朋反下同衡依註音橫華彭反

註縮從也今禮制衡讀為橫今冠橫縫以其辟積

多解時人之惑喪冠縮縫古冠耳

從子客反解佳買反

疏略古者自殷以上也縮直也殷以上質吉凶冠

皆直縫直縫者辟積禘少故一一前後直縫之今

也衡縫者今周也衡橫也周世文冠多辟積不復

一一直縫但多作禘而并橫縫之故喪冠之反吉

非古也者周吉冠文故多積禘而橫縫也若喪冠

檀弓輯註

卷上

聖

質猶疏辟而直縫是喪冠與吉冠相反故云喪冠

之反吉也而時人因謂古時亦喪冠與吉冠反故

記者釋云非古也正是周世如此耳古則吉凶冠

同從縫

長樂黃氏曰古禮喪冠直縫吉冠橫縫而衰世喪冠亦皆橫縫失禮無別故歎之曰喪冠之反吉非

古

曾子謂子思曰伋吾執親之喪也水漿不入於口者

七日子思曰先王之制禮也過之者俯而就之不至

焉者跂而及之故君子之執親之喪也水漿不入於

口者三日杖而后能起

伋音急漿子良反俯音甫跂丘敗反

註言已以疾時禮而不為曾子言難繼以禮抑

之為于

陳疏曰三日中制也七日則幾於滅性矣有扶而起者有杖而起者有面垢而已者

長樂陳氏曰先王制為喪親之禮其服衰止於三年其哭泣止於三月其水漿不入於口止於三日

蓋三日可以急而食三月可以解而沐三年可以

祥而除使過者俯而就之不至者或而及之也若

夫以親之恩為罔極吾之情為無窮猶其無窮之

情而不節之恩為罔極吾之情為無窮猶其無窮之

繼是悲賤天下之人而禍於孝也此曾子所以不

為子思取也樂正子春之母死五日而不食既而

七日手

他外反

檀弓輯註

卷上

聖

註據禮而言也日月已過乃聞喪而服曰稅大功

以上然小功輕不服言相離遠者聞之恒晚可乎

以已恩怪之

上時掌反

疏略此據正服小功也故喪服小記云降而在緦

小功者則稅之其餘則否鄭康成義若限內聞喪

則追全服若王肅義限內聞喪但服殘日若限滿

即止假令如王肅之義限內祇少一日乃始聞喪

若其成服服未得成即除也若其不服又何名追

服進退無禮王義非也

韓退之曰註云以情責情不識禮之所謂不稅果

不追服乎無乃別有所指而傳註者失其宗乎



伯高之喪孔氏之使者未至冉子攝法字束帛乘馬而將之孔子曰異哉徒使我不誠於伯高法字東帛乘馬而

註伯高死時在衛未聞何國人使謂賸賄者冉子  
孔子弟子冉有攝猶貸也徒猶空也禮所以副忠  
信也忠信而無禮何傳乎賸音附賄芳用反貸他  
代反副音仆導直導反

卷之四

陳蹠曰擗貨也十箇爲束每束五兩蓋以四十尺  
十箇二頭各卷至中則每卷二丈爲一箇束帛是  
不知何人意必與孔子厚者冉子知以財而行禮  
不知聖人之心則於其誠不於其物也  
雖若自責之言而實則深責冉子矣

卷二

聖

江陵項氏曰懽代也孔氏之賻賵未至冉有爲之  
如以束帛來馬也冉子蓋厚於恩而不講於禮者  
以財而己樂五乘與子華之母亦此類本其長於  
施故於師友如此而夫子皆以禮折之以此爲此  
信而終富也

伯高死於衛赴於孔子孔子曰吾惡乎哭諸法句兄弟

吾哭諸廟父之友吾哭諸廟門之外師吾哭諸寢朋

友吾哭諸寢門之外所知吾哭諸野於野則已疏矣

於寢則已重法句夫由賜也見我吾哭諸賜氏遂命子

主頁爲之主曰爲爾哭也來者去句拜之知伯高而來者

勿拜也如字 惡音烏惡乎 謂丈夫自高見中 字里 也 夫舊音才

反偽

註赴告也凡有舊恩者則使人告之惡乎哭以其  
交會尚新廟門外別親疏也寢寢門外野別輕重  
也已猶大也本於恩哭於子貢寢門之外命子貢  
爲之主明恩所由勿拜異於正主

爲之主明恩所由勿拜異於正主

馬氏曰兄弟出於祖而內所親者故哭之廟父友  
聯於父而外所親者故哭之廟門外師以成己之  
德兄弟故哭哭諸寢父故哭諸寢友之外至於輔已之仁而其親  
視兄弟故哭哭諸寢父故哭諸寢友之外至於輔已之仁而其親  
比有相趨者有相揖者有相問者有相見者皆泛  
交之者也孔子哭伯高以野爲太疏而以子貢爲  
主君子行禮其審詳於哭泣之位如此者是其所以表微者歟

管子曰張有疾食肉飲酒必有草木之滋焉以爲薑

桂之謂也

檀弓輯註

聖

註增以香味爲其疾不嗜食爲記者正曾子所云

草木滋者謂薑桂

陳皓曰以謂蓋桂之謂一句乃記者釋草木之滋亦或曾子稱禮書之言而自釋之歟

子夏喪其子而喪其明曾子弔之曰吾聞之也朋友

喪明則哭之曾子哭子夏亦哭曰天乎予之無罪也

曾子怒曰商女何無罪也吾與女事夫子於朱四之

間退而老於西河之上使西河之民疑女於夫子爾

罪一也喪爾親使民未有聞焉爾罪二也喪爾子喪

爾明爾罪三也而曰女何無罪與子夏段其杖而拜

曰吾過矣吾過矣吾離羣而索居亦已久矣而喪息

而喪息  
浪反下

喪明喪爾明同女音汝下同洙音殊泗音四洙泗二水名與音餘離羣羣朋友也上音晉索悉各反猶散也下註

註明目精朋友喪則哭之痛之怨天罰無罪言其有師也洙泗魯水名西河龍門至華陰之地罪一言其不稱師也罪二言居親喪無異稱罪三言隆於妻子投其杖而拜謝之且服罪也羣謂同門朋友也索猶散也

張子曰子夏喪明必是親喪之時尚強壯其子之喪氣漸衰故喪明然而曾子之責安得辭也疑女於夫子者子夏不推尊夫子使人疑夫子無以異於希古曰孔門曾子最少子夏曾子之父執友也名而數之非曾子事也傳者過也曰朋友有過以檀弓輯註卷上

其長也則不正之與曰非也正之者是也名而數之曾子不若是暴也何以明之曰其辭僂曾子之言謹

夫晝居於內問其疾可也夜居於外弔之可也是故君子非有大故不宿於外非致齊也非疾也不晝夜居於內晝知又反齊側皆反

註晝居於內似有疾夜居於外似有喪大故謂喪憂內正寢之中

疏略上云似有喪此註兼云憂者以其文云大故語意既寬非獨喪也故周禮每云國有大故皆據寇戎災禍故此兼云憂也身既有憂而夜在於外

者既憂禍難不暇入內或與臣下外人夜裏在外圖謀禍患此謂中門外也故禮斬衰及期喪皆中門外為廬聖室平常無事之時或出或入雖晝居於外亦有入內雖夜居於內亦有出外時唯致齊與疾無間晝夜恒居於內致齊在正寢疾則或容在內寢若危篤亦在正寢

高子臯之執親之喪也泣血三年未嘗見齒君子以為難見賢

註子臯孔子弟子名柴泣血言泣無聲如血出未嘗見齒言笑之微難言人不能然

檀弓輯註卷上

疏略凡人涕淚必因悲聲而出若血出則不由聲也今子臯悲無聲其涕亦出如血之出故云泣血凡人大笑則露齒本中笑則露齒微笑則不見齒衰與其不當物也寧無衰齊衰不以邊坐大功不以服勤衰七雷反下同後五服之

註惡其亂禮不當物謂精麓廣狹不應法制邊坐服勤為褻喪服邊偏倚也惡鳥路反麓本又作麤

之應褻息列反倚於彼反又於寄反疏略物謂升縷及法制長短幅數也衰以表情故制有法度若精麓不應廣狹非法便為失禮雖有

不如無也邊坐謂偏倚也喪服宜敬坐起必正不

可著衰而偏倚也齊衰輕既不倚斬重不言亦自

知也大功雖輕亦不可著衰而以爲勤勞事也齊

衰言不邊坐則大功可也大功不勤則小功可也

山陰陸氏曰物者謂朝服八十物七十物是已據此布之精粗非獨升數不同縷數亦不同

卑者服粗

謝氏曰物皆市之精粗當猶應也謂人服衰而心貌無哀戚之實與衰服之物不相應

孔子之衛遇舊館人之喪入而哭之哀出使子貢說

驂而賻之子貢曰於門人之喪未有所說驂說驂於

舊館無乃已重乎法章夫子曰予鄉者入而哭之遇於

檀弓輯註卷上

一哀而出涕子一哀是主人出涕是夫子惡夫涕之無

從也句法小子行之句法說本又作稅同他活反

反交服馬也鄉本又作鄉許亮反出如

字徐尺遂反涕音體惡烏路反夫音扶

註前日君所使舍已賻助喪用也驂馬曰驂言說

驂大重比於門人恩爲偏頗遇見也舊館人恩雖

輕我入哭見主人爲我盡一哀是以厚恩待我我

爲出涕恩重宜有施惠客行無他物可以易之者

使遂以往驂芳非反頗破

疏略知非舊所經過主人必以爲君所使舍已者

主人爲主今此云館人明置館舍於已故以爲君

所使舍已者既夕禮知死者贈知生者賻是賻爲

助生也說文云驂旁馬是在服馬之旁王度記云

天子駕六馬諸侯四大夫三士二古毛詩云天子

至大夫皆駕四孔子身爲大夫依王度記則有一

驂馬依毛詩說則有二驂馬予惡夫涕之無從者

謂我感舊館人恩深涕淚交下豈得虛然客行更

無他物易換此馬女小子但將驂馬以行之副此

涕淚頽回之喪子哭之慟慟比出涕慟則爲甚矣

又舊館之恩不得比頽回之極而說驂於舊館惜

車於頽回者但舊館情疏厚恩待我須有賻賻故

檀弓輯註卷上

說驂賻之頽回則師徒之恩親乃是常事則頽回

之死必當以物與之頽路無厭更請賈車爲椁以

其不知止足故夫子抑之

陳澧曰遇一哀而出涕情亦厚矣情厚者禮不可

薄故解脫驂馬以爲之賻凡以稱情而已客行無

他財貨故也惡夫涕之無從者從自也今若不賻

則是於死者無故舊之情而此涕爲無自而出矣

惡其如此所以必當行賻禮也舊說孔子遇主人

待孔子故孔子爲之賻然上文既曰入而哭之恩

哀則又何必迂其說而以爲遇主人之哀乎

孔子在衛有送葬者而夫子觀之曰善哉爲喪乎足

以爲法矣小子識之法章子貢曰夫子何善爾也法句曰

其往也如慕其反也如疑法章子貢曰豈若速反而虞

乎法子曰小子識之我未之能行也章法

注章識

註慕謂小兒隨父母啼呼疑者哀親之在彼如不

欲還然速疾哀戚本也祭祀末也呼火

疏略疑者孝子哀親在外不知神之來否如不欲

還然故如疑哀親在彼是痛切之本情反而安神

是祭祀之末禮故下文夫子不許

陳子曰往如慕反如疑此孝子不死其親之至情也子貢以爲如疑則反遲不若速反而行虞祭之禮是知其禮之常而不察其情之至矣夫子申言小子識之且曰我未之能行則此豈易言哉

顏淵之喪饋祥肉孔子出受之入彈琴而后食其

檀弓輯註

卷上

哭

註饋遺也彈琴以散哀也遺于

程子曰受祥肉彈琴殆非聖人舉動使其哀未忘則子於是日哭則不歌不飲酒食肉以全哀況彈琴手使其哀已忘則何必彈琴

孔子與門人立拱而尚右字

曰二三子之嗜學也我則有姊之喪故也章

皆尚左字法

註傲孔子也嗜貪尚左復正也喪尚右右陰也吉

尚左左陽也故教反下同

疏略此既凶事尚右吉事尚左案特牲少年吉祭

皆載右胖士虞禮是凶事載左胖者取義不同吉

祭載右胖者從地道尊右士虞禮凶祭載左胖者

取其反吉

張子曰孔子與門人立拱而尚右是又手以右手在上也以其姊之喪必如此者見於頭不忘也以

是知聖人之能敬二三子學之者恐此禮非三代所有直孔子自爲之耳如喪出母亦夫子自制

孔子蚤作負手曳杖消搖於門歌曰泰山其頽乎梁

木其壞乎哲人其萎乎既歌而入當戶而坐子貢聞

之曰泰山其頽則吾將安仰梁木其壞哲人其萎則

吾將安放夫子殆將病也遂趨而入夫子曰賜爾來

何遲也夏后氏殯於東階之上則猶在阼也殷人殯

檀弓輯註

卷上

哭

於兩楹之間則與賓主夾之也周人殯於西階之上

則猶賓之也而丘也殷人也予疇昔之夜夢坐奠於

兩楹之間夫明王不興而天下其孰能宗予予殆將

死也蓋寢疾七日而沒喪羊世反亦作世消搖本又

委同紆危反注同作才故反楹音

註作起負手曳杖消搖欲人之怪已泰山衆山所

仰梁木衆木所放哲人亦衆人所仰放也以上二

句喻之萎病也詩云無木不萎蚤坐急見人也覺

孔子歌意殆幾也坐望之以三王之禮占夢坐兩

楹之間而見饋食也言奠者以爲凶象疇發聲也

昔猶前也孰誰也宗尊也兩楹之間南面鄉明人君聽治正坐之處今無明王誰能尊我以為人君乎是我殷家奠殯之象以此自知將死明聖人知命放方兩反幾音福又音幾食如字又音福晴直留反鄉本又作嚮同詩亮反治直吏反生才臥反又如字

疏略杖以扶身恒在前而用今乃反手卻後以曳其杖示不復杖也又夫子禮度自守貌恒矜莊今乃消搖放蕩以自寬縱皆是特異尋常陵且如此故云欲人之怪已無木不萎小雅谷風刺幽王之詩君子尋常不自當戶已歌而入即當戶而坐故

檀弓輯註

卷上

手

云蚤坐坐不在隱處是急欲見人夏后氏殯於東階則猶在阼周人殯於西階則猶賓之夏與周並言猶者以其既死無所知識孝子不忍以生禮待之猶尚阼階以為主猶尚西階以為賓客故言猶也殷人殯於兩楹之間不云猶者庚蔚云東階西階平生賓主所行禮之處故云猶兩楹之間生無此禮故不云猶然禮賓主敵者授受於兩楹之間又是南面聽朝之處夫子夢在兩楹而見饋食知是凶象無聽朝之事不得云則猶尊之以有賓主二事故云與也禮有大宗小宗故云宗尊也

長樂陳氏曰聖人知夫身者天地之委形也天地之委和性命者天地之委順也視聽言動者天地之委用也聖人知此所以形於外哀樂不能間於內又孰以形骸為累哉此所以悟於將死之夢全於負手之忘形也杖之忘物道遠於自得之場以與天為徒也然安得超然忘物而吉凶不與之嗟歟此所以有泰山梁木哲人之嗟歟吳澄曰竊詳此文所載事辭皆妄聖人德容始終如一至死不變今負手曳杖消搖於門動容周旋中禮者不如此也聖人樂天知命視死生如晝夜豈自為歌辭以悲其死且以哲人為稱又以泰山梁木為比若此歌而自比乃若妄也蓋是周未可聖人自為此歌而自比乃若妄也蓋是周未七十子以後之人撰造為之欲表明聖人之豫知其死將以尊聖人而不知適以卑之也

檀弓輯註

卷上

手

父而無服註無喪師之禮無服不為衰弔服而加麻心喪三年疏略知為師弔服加麻者案喪服朋友麻其師與朋友同麻謂經與帶也皆以麻為之喪服總麻章云朋友麻鄭云朋友雖無親而有同道之恩相為服總之經帶是也鄭知服總之經帶者總為五服之輕又與錫衰等同為弔服之限故知總之經帶也論云為師及朋友皆既葬除之案司服云王為三公六卿錫衰為諸侯總衰為大夫士疑衰其首

服唯加總之經帶為異耳是以喪服朋友麻鄭註

孔子之喪公西赤為志字焉飾棺牆置翼法字設披字

周也法字設崇字殷也法字綱練設旒字夏也法字知吏反翼

所甲反披彼義反綱吐刀反韜也徐直留反注同旒直小反

註公西赤孔子弟子字子華志謂章識牆之障柅

猶垣墻障家牆柳衣翼以布衣木如櫛與夫子雖

殷人兼用三王之禮尊之披柅行夾引棺者崇牙

旌旗飾也綱練以練綱旌之杠此旌葬乘車所建

也旌之旒縹布廣充幅長尋曰旒爾雅說旌旗曰

服皆弁經鄭司農云錫者十五升去其半有事其布無事其縵鄭康成云無事其縵哀在內以服稍

重故但治事其布不治事其縵鄭司農又云總十五升布去其半有事其縵無事其布鄭康成云無

事其布哀在外以其稍輕故得治縵也司農又云疑衰十四升康成云疑之言擬也擬於吉服謂比

擬吉服十五升也首服弁經者鄭註司服云弁經如爵弁而素加環經其朋友之服諸侯及大夫等

則皆疑衰故鄭註喪服云朋友之相為服則士弔服也既特云士弔服明諸侯大夫等皆用士之弔

素錦綢杠衣於既反櫛所甲反又所洽反與音餘

廣俠曰廣他皆放此幅方木反

疏略孔子之喪公西赤以飾棺榮夫子故為盛禮

備三王之法以章明志識焉於是以素為褚褚外

加墻車邊置翼恐柅車傾虧而以繩左右維持之

此皆周之法也其送葬乘車所建旌旗刻繒為崇

牙之飾此則殷法又韜盛旌旗之竿以素錦於杠

首設長尋之旒此則夏禮也尊崇夫子故兼用三

代之飾此旌葬乘車所建也者案既夕禮陳車門

內右北面乘車載旒道車載朝服臺車載簠笠故

知此旌乘車所建也凡送葬之旌經文不具案既

夕士禮而有二旌一是銘旌是初死書名於上則

士喪禮為銘各以其物書名於末曰某氏某之柅

置於西階上葬則在柅車之前至壙與茵同入於

壙也二是乘車之旌則既夕禮乘車載旒亦在柅

之前至壙柅既入壙乃歛乘車所載之旌載於柅

車而還故鄭註既夕禮云柅車之壙祝脫載除飾

乃歛乘車道車臺車之服載之而還不空以歸送

形而往迎精而反此是士之二旌也天子亦有銘

旌是其一旌也司常又云建廠車之旌其旌則明

器之旌陳建於遣車之上行則執之以從遣車至壙從明器而納之壙中此二旌也士旣載殯天子亦當有乘車載太常謂以金輅載之至壙載之而歸此其三旌也士以禮無遣車故無廐車之旌但二旌耳熊氏以爲大夫以上有遣車卽有廐旌並存三旌也

長樂陳氏曰頽淵之死門人欲厚葬之孔子以爲不可子疾病子路使門人爲臣孔子以爲欺天而人之葬孔子則節塋置娶以至周披殷崇夏施而三代之禮莫不兼用豈孔子之心乎蓋門人以孔子有所不可及之道故報之以人所不可行之禮是雖禮兼三代蓋亦稱情以爲文而已故子貢曰年於其墓孟子不以爲非門人三代之厚葬君子不以爲過

檀弓輯註  
卷上

吳澄曰飾棺二字目下三者  
牆一也置翼二也設披三也

子張之喪公明儀爲志焉褚幕丹質蟻結於四隅

殷士也句法幕覆棺者褚張呂反幕音莫褚蟻魚綺反又作蛾

註志亦謂章識以丹布幕爲褚幕覆棺不牆不窆

畫褚之四角其文如蟻行往來相交錯蟻蚘蟬也

殷之蟻結似今蛇文畫學於孔子倣殷禮

夷反蜉  
音浮

疏略褚幕丹質者褚謂覆棺之物若大夫以上其

形似幄士則無褚今公明儀尊敬其師故特爲褚

不得爲幄但似幕形故云褚幕以丹質之布而爲

之也蟻結者蟻蚍蜉也又於褚之四角畫蚍蜉之

形交結往來故云蟻結於四隅所以不牆不嬰者

用殷禮也所以畫蟻者殷禮士葬之飾也棺蓋亦

或取蚍蜉公明儀雖尊其師祇用殷法上葬夫子

用三代之飾案士喪禮旣非聖人亦用夏祝商祝

彼謂祝習夏禮商禮總是周祝也夏祝於養宜故

主饋食商祝於接神宜故主衣服襲歛與夫子用

三代之禮其義不同夫子用三代不爲僭者用其

大夫之禮耳

長樂陳氏曰子張之喪公明儀爲志不牆不翬畫者以蟻而葬之以殷士之禮何也殷禮質周禮文

檀弓輯註  
卷上

質則厚文則薄子張之時既甚文矣故門人從質以救其弊此易小過用過乎儉孔子欲從先進之意也記曰掘中雷而浴毀竈以綴足及葬毀宗躡

意也記曰掘中雷而浴毀竈以綵足及勢毀宗廟  
行殷道也學者行之則喪禮從殷孔門之所尚與

子夏問於孔子曰居父母之仇如之何夫子曰寢苦

枕干不仕字法弗與共天下也字法遇諸市朝不反兵而

鬪字法曰請問居昆弟之仇如之何曰仕弗與共國字法

街君命而使法句雖遇之不鬪法句曰請問居從父昆弟

之仇如之何曰不爲鬼法妙主人能法妙見執兵而

陪其後反盾本又作楯食允反又育允朝直遙反注

同從如字徐才用反魁苦回反陪步回反  
主惟余喪居處皆苦喪也干箱也不可以並生言

註雖除喪居處循若喪也于盾也不言以並生言



雖適市朝不釋兵爲負而廢君命魁猶首也天文  
北斗魁爲首杓爲末爲其負當成之杓必遙反  
疏略朝在公門之內兵器不入公門身得持兵入  
朝者案閤人掌中門之禁但兵器不得入中門耳  
其大詢衆庶在臯門之內則得入也且設朝或在  
野外或在縣鄙鄉遂但有公事之處皆謂之朝兵  
者亦謂佩刀已上不必要是矛戟負猶不勝也爲  
其闢而不勝廢君命也爲其負當成之負亦謂不  
勝也春秋運斗樞云北斗第一至第四爲魁第五  
至第七爲杓

檀弓輯註 卷上

五

嚴陵方氏曰寢苦則常以喪禮自處枕于則常以  
戎事自防不仕則不暇事人而事人也弗與共天  
下則與不共戴天同義市朝非戰鬪之處遇諸市  
朝猶不反兵則無所往而不執兵矣由其恩之至  
重故其報之如此仕君命與共國則雖事人而事  
亦私與之相遇也街君命而使遇之則雖事人而  
以私警妨公事由其恩殺於父母曲禮言交游之  
警而不及從父昆弟此言從父昆弟之警而不及從  
父者蓋交游之警猶不同國則從父昆弟可知矣  
於從父昆弟且不可爲魁則交游不爲魁可知矣  
謝氏曰主人情有重輕也然意此亂世之事  
記者傳聞之言欲知孔門言行當主論語  
孔子之喪二三子皆絰而出羣居則絰出則否結反  
註尊師也出謂有所之適然則凡弔服加麻者出  
則變服羣謂七十二弟子相爲朋友服子夏曰吾  
離羣而索居

謝氏曰雖出外亦首絰門人於孔子則然若常禮  
惟羣居則絰出外則否舉常禮以明二三子之隆  
也師

易墓非古也

易以鼓反注同

註易謂芟治草木不易者丘陵也

芟所

疏略墓謂冢旁之地易謂芟治草木不使荒穢不  
易者使有草木如丘陵然言易墓非古則古者殷  
以前墓而不墳不治易也

子路曰吾聞諸夫子喪禮與其哀不足而禮有餘也  
不若禮不足而哀有餘也祭禮與其敬不足而禮有  
餘也不若禮不足而敬有餘也

法章

檀弓輯註 卷上

五

註喪主哀祭主敬

臨川吳氏曰哀敬言其心禮之本也禮言其物禮  
之文也禮有本有文本固爲重然謂之與其謂之  
不若此矯世救弊之辭爾蓋  
本與文兩相稱者爲盡善也

曾子弔於負夏主人既祖法甸填池推柩而反之降婦

人而后行禮從者曰禮與法甸曾子曰夫祖者且也且

胡爲其不可以反宿也法甸從者又問諸子游曰禮與

法甸子游曰飯於牖下小歛於戶內大歛於阼殯於客

位祖於庭葬於墓所以卽遠也法甸故喪事有進而無

退曾子聞之曰多矣乎予出祖者

章法填池依注

字推昌佳反又吐回反極其久反從音才用反下同  
夫音扶飯煩晚反牖羊久反急力驗反禮家凡小歛



大欽之字皆同不  
重出昨才故反

註負夏衛地祖謂移柩車去載處爲行始也填池  
當爲奠徹聲之誤也奠徹謂徹遣奠設祖奠反於  
載處榮曾子弔欲更始禮既祖而婦人降今反柩  
婦人辟之復升堂矣柩無反而反之而又降婦人  
蓋欲矜賓於此婦人皆非禮與怪之且未定之辭  
且胡爲其不可反宿也給說禮與疑曾子言非有  
進而無退明反柩非多矣乎予出祖者善子游言  
且服非禮也慮反下同遣奠非戰反本或作遷奠  
疏略既祖填池者案既夕禮啓殯之後柩遷于祖

檀弓輯註

卷上

五

重先奠從柩從升自西階正柩于兩楹間用夷牀  
鄭註云是時柩北首設奠于柩西此奠謂啓殯之  
奠也質明徹去啓奠乃設遷祖之奠于柩西至日  
側乃卻下柩載於階間乘廬車載訖降下遷祖之  
奠設於柩車西當前束時柩猶北首前束近北前  
束者謂棺於車束有前後故云前束乃飾柩設披  
屬引徹去遷祖之奠遷柩嚮外而爲行始謂之祖  
也婦人降卽位于階間乃設祖奠于柩西至厥明  
徹祖奠又設遣奠於柩車之西然後徹之苞牲取  
下體以載之遂行此是啓殯之後至柩車出之節

也曾子弔於負夏氏正當主人祖祭之明且既徹

祖奠之後設遣奠之時而來弔主人榮曾子之來  
乃徹去遣奠更設祖奠又推柩少退而返之嚮北  
又遣婦人升堂至明旦婦人從堂更降而後乃行  
遣車禮從曾子者意以爲疑問曾子云此是禮與  
曾子既見主人榮已不欲指其錯失爲之隱諱云  
夫祖者且也且是未定之辭祖是行始未是實行  
且去住二者皆得既得且住何爲不可以反宿明  
日乃去既夕禮文以既祖柩車南出階間既空故  
婦人得降立階間今柩車反還階間故婦人辟之

檀弓輯註

卷上

五

升堂婦人既已升堂柩車未迴南出則婦人未合  
降也今乃降之者以曾子賢人欲矜誇賓於此婦  
人也言皆非者柩無反而反之是一非既反之未  
迴車南出不合降婦人而降之是二非也禦人以  
口給謂不顧道理以捷給說於人也多猶勝也曾  
子自知已說之非聞子游之答是善服子游故言  
子游所說出祖之事勝於我所說出祖也  
劉氏曰徹奠推柩而反向內以受弔示死者將出  
行遇賓至而爲之暫反也柩既反則婦人復升堂  
以避柩至明日乃復還柩向外降婦人於階間而  
後行遣奠之禮柩初已遷而復推反之婦人已降  
而又升堂皆非禮所以徹奠者真在柩西欲推柩  
反之故必先徹而後可旋轉也婦人降階間亦以

奠在車西故立車後今概反故亦升避也小飲在  
戶之內大飲出在東階末忍離其為主之位也自  
牖下而戶內而作而客位而  
庭而墓皆一節遠於一節  
廣義曰孔氏前云概返轡北又遣婦人升堂至明  
旦婦人從堂更降而後乃行遣奠之禮後云概車  
反還階間故婦人未合降也今乃降之者以曾子  
未迴南出則婦人未合降也今乃降之者以曾子  
賢人欲俸誇賓於此婦人也一以明旦之更降為  
非一以即時之不合降而得之且而後行  
經意似即時之不合降而得之且而後行  
禮之行禮安知非謂曾子行中禮與  
應氏曰曾子雖給說以釋主人之過從者終未安  
不謂諸子游聖門之徒氣象忠厚其議人之失統而  
謂主人也子游觀之辭多矣乎者不欲深指其  
失也君子行禮雖不  
可察亦豈可多乎

曾子襲裘而弔子游裼裘而弔曾子指子游而示人  
檀弓輯註 卷上 十一

曰夫夫也為習於禮者知之何其裼裘而弔也章主  
人既小飲袒括髮子游趨而出襲裘帶經而入曾子  
曰我過矣我過矣夫夫是也章法 裼星曆反夫夫  
如字注及下同袒  
徒旱反括右注反

註曾子蓋知臨喪無飾夫夫猶言此丈夫也子游  
於時名為習禮既小飲襲裘於主人變乃變也所  
弔者朋友服是善子游言  
疏略凡弔喪之禮主人未變之前弔者吉服而弔  
吉服謂羔裘玄冠緇衣素裳又袒去上服以露裼  
衣則此裼裘而弔是也主人既變之後雖著朝服

而加武以經又掩其上服若是朋友又加帶則此  
襲裘帶經而入是也武吉冠之卷加武者明不改  
冠但加經於武主人成服之後弔者大夫則錫衰  
士則疑衰當事皆首服弁經

張子曰曾子子游同弔異服必是去有先後故不  
得同議各守所聞而往也曾子襲裘而弔先進於  
禮樂也子游亦儘有守文處如裼裘而弔必是守  
文也曾子子游皆聖門高弟其分契與常人殊若  
使一人失禮必而相告豈有私指  
子夏既除喪而見子之琴和之而不和彈之而不  
成聲作而曰哀未忘也先王制禮而弗敢過也章  
張既除喪而見子之琴和之而 和彈之而成聲作  
檀弓輯註 卷上 十一

而曰先王制禮不敢不至焉章法 見賢通反注及  
下同忘音亡  
音禾或胡臥反

註見於孔子樂由人心作起雖情異善同俱順理  
樂音岳  
又音洛  
疏略案家語及詩傳皆言子夏喪畢夫子與琴援  
琴而絃衍衍而樂閔子騫喪畢夫子與琴援琴而  
絃切切而哀與此不同者當以家語及詩傳為正  
陳澧曰均為除喪而琴有和不和之異者蓋子夏  
是過之者俯而就之出於勉強故餘哀未忘而不  
能成聲子張是不至者踈而  
及之故哀已盡而能成聲也  
山陰陸氏曰師也過商也不及  
今其除喪如此蓋學之力也

司寇惠子之喪子游爲之麻衰牡麻經文子辭曰子辱與彌牟之弟游又辱爲之服敢辭

法章子游曰禮也

曰子辱與彌牟之弟游又辱爲之服又辱臨其喪敢

辭法章子游曰固以請

文子退扶適子南面而立

曰子辱與彌牟之弟游又辱爲之服又辱臨其喪虎

也敢不復位

子游趨而就客位

注惠子衛將軍文子彌牟之弟惠叔蘭也生虎者

惠子廢適立庶爲之重服以譏之麻衰以吉服之

檀弓輯註

布爲衰游謝其存時辭止之服也子游名習禮文

子亦以爲當然未覺其所譏就諸臣之位深譏之

大夫之家臣位在賓後辭止之在臣位固以請再

不從命扶適子南面而立覺所譏也虎適子名文

子親扶而辭敬子游也南面而立則諸臣位在門

內北面明矣趨而就客位所譏行

疏略子游既與惠子爲朋友應著弔服加總麻帶

經今乃著麻衰牡麻經故云重服譏之云麻衰以

吉服之布爲衰者案詩云麻衣如雪又間傳云大

祥素縞麻衣皆吉服之布稱麻故知此麻衰亦吉

服之布也案喪服云公子爲其母麻衣鄭註云小

功布深衣者以大夫之子爲其母厭降大功則公

子爲其母厭降宜小功布衰與此別也案弔服錫

衰十五升去其半疑衰十四升今子游麻衰乃吉

服十五升輕於弔服而云重服以譏之者據牡麻

經爲重弔服升經大如總之經一股而環之今乃

用牡麻絞經與齊衰經同故云重也大夫之賓位

在門東近北大夫之家臣位亦在門東而南近門

竝皆北嚮故在賓後也

長樂陳氏曰司寇惠子之喪其庶嫡也無異公儀

仲子之立庶子游之於司寇惠子相友也無異檀

弓之於公儀仲子檀弓之譏仲子服免而已趨而

就門右而巳子游之譏惠子服不以免而麻衰牡

麻經趨不就門而就諸臣之位又檀弓之譏則見

於言子游之譏至於無言者蓋檀弓以仲子無賢

兄弟非可追而正之故服止於免趨止於景伯而

示之以言姑以正法而巳子游以惠子之兄弟有

文子者可以追而正之故重爲之服卑爲之趨示

之以無言使之自訟而改焉既而文子果扶適子

南面而立豈非

事與則禮與哉

吳澄曰文子名木今曰彌牟者彌牟二字反切則

爲木彼實稱爲木而聽者若曰彌牟猶爾之爲而

已而止諸之爲

之於之乎也

檀弓輯註

卷二

敦辭子游曰禮也文子退反哭注子游名習禮文  
子亦以為當然未覺其所議子游趨而就諸臣之  
位注添議之文子又辭曰子屏與彌牟之弟游又  
屏為之服又屏臨其喪敢辭子游曰固以請文子  
退扶適子南面而立曰子屏與彌牟之弟游又屏  
為之服又屏臨其喪虎也敢不復位注覺所議也  
子游趨而就客位注所議行按此一事僅非註文  
明言殆不可曉今用五議字詞意渙然至最後覺  
所議所議行六字尤為透徹也季孫之母死哀公  
弔焉曾子與子貢弔焉閻人為君在弗內也曾子  
與子貢入於其殿而脩容焉子貢先入閻人曰鄉  
者已告矣注既不敢止以言下之會子後入閻人  
辭之注見兩賢相隨彌益恭也今人讀此段直如  
親立季氏之庭親見當時之事注文尤得其要領  
云

將軍文子之喪既除喪而後越人來弔主人深衣練  
冠待於廟垂涕洟子游觀之曰將軍文氏之子其庶

檀弓輯註

卷上

室

幾乎亡於禮者之禮也其動也中

章法 涕音他計 反洟音夷自目曰

涕自鼻曰洟

仲反

註主人文子之子簡子瑕也深衣練冠凶服變也  
待于廟受弔不迎賓也中禮之變 瑕音遐本又作  
疏略將軍文子其身終亡既除喪大祥祭之後越  
人來弔謂遠國之人始弔其喪主人文子之子身  
著深衣是既祥之麻衣也首著練冠謂未祥之練  
冠也待賓於廟目垂於涕鼻垂於洟子游觀之曰  
將軍文氏之子其庶幾乎亡於禮者之禮也者亡  
無也其始死至練祥來弔是有文之禮祥後來弔

是無文之禮言文氏之子庶幾堪行乎無於禮文  
之禮也所以堪行者以其舉動也中當於禮之變  
節也深衣即間傳麻衣但制如深衣緣之以布曰  
麻衣緣之以素曰長衣緣之以采曰深衣練冠者  
謂祭前之冠若祥祭則縞冠也此謂由來未弔者  
故練冠若曾來已弔祥後為喪事更來雖不及祥  
祭之日主人必服祥日之服以受之故雜記云既  
祥雖不當縞者必縞然後反服注云謂有以喪事  
贈賵來者雖不及時猶變服服祥祭之服以受之  
重其禮也推此而言禫後始來弔者則著祥冠若

檀弓輯註

卷上

室

禫後更來有事主人則著禫服其吉祭已後或來  
弔者其服無文待于廟待弔於廟士喪禮始死為  
君命出小斂以後為大夫出是受弔迎賓此以敵  
禮待之故不迎也

陳澧曰廟者神主之所在待而不迎受弔之禮也  
不哭而垂涕哭之時已過而哀之情未忘也子游  
善其處禮之變故曰其近禮乎雖無  
此禮而為之禮其舉動皆中節矣  
長樂陳氏曰喪已除而弔始至非喪非無喪之時  
也深衣練冠非凶非不凶之服也待于廟非受弔  
非不受弔之所也文子於其非喪非無喪之時能  
處之以非喪非無喪之禮故子游曰其庶幾乎亡  
於禮者之禮也其動也中者猶射之有中中也中  
乎有於禮者之禮未足以為善中乎亡於禮者之  
禮則善矣

幼名冠字五十以伯仲死謚周道也經也者實也掘中雷而浴毀竈以綴足及葬毀宗躐行出於大門殷道也學者行之冠古亂反掘求月反又求勿反雷力救反綴丁劣反又丁衛反躐良賴反註經所以表哀戚明不復有事於此周人浴不掘中雷葬不毀宗躐行毀宗毀廟門之西而出行神之位復扶反在廟門之外學於孔子者行之倣殷禮又反疏略自殷以前爲字不在冠時伯仲不當五十以殷尚質不諱名故也又殷以上有生號仍爲死後之稱更無別謚堯舜禹湯之例是也周則死後別立謚士冠禮二十已有伯某甫仲叔季此云五十

以伯仲者二十之時雖云伯仲皆配某甫而言五十之時直呼伯仲禮緯含文嘉云質家稱仲文家稱叔死而掘室中之地作坎一則言此室於死者無用二則以牀架坎上尸於牀上浴令浴汁入坎毀竈以綴足者一則死而毀竈示死無復飲食之事二則恐死人冷強足辟戾不可著屨故用毀竈之甓連綴死人足令直可著屨殷人殯於廟至葬柩出毀廟門西邊墻而出于大門者一則明此廟於死者無事二則行神之位又反在廟門西邊當所毀宗之外若生時出行則爲壇幣告行神告竟車躐

行壇上而出使道中安穩如在壇今嚮毀宗處出仍得躐此行壇如生時之出也周人浴不掘中雷用盤承浴汁也葬不毀宗躐行周殯於正寢至葬而朝廟從正門出不毀宗也然周家亦不毀竈綴足而鄭注不云者以周綴足用燕几其文可見石林葉氏曰子生三川而父名之非特父名之人亦名之也至冠則成人矣非特人不特父名之人名焉故加之字而不名所以尊名也五十爲大夫則益尊矣有位於廟非特人不特父名也五十爲大夫焉故曰伯仲而不字所以尊字也禮固自有大第或言士冠禮既冠而字曰伯某甫仲叔季惟其所當則固已稱伯仲何待於此伯某甫仲叔季惟其不然始冠而字者伯仲皆在上此但以其序次之類是已至於五十爲大夫尊其爲某甫者則去

之故但言伯仲而冠之以氏伯仲皆在下如召伯南仲榮叔南季之類是也檀弓言伯仲者非加之伯仲也去其爲某甫者而言伯仲爾吳澄曰冠而字少者但稱其字如顏淵宰我言淵之類稍尊則字上加以其次如伯牛仲弓季路之類稍尊則字上加以其次如伯牛仲弓季路之類仲孔叔南季類所謂五十以伯仲者此也字下又加甫字如詩言仲山甫此極其尊敬之稱殷道也嚴陵方氏曰經之所用男子重首婦人重腰皆用其所重非徒爲虛名而已殷尚質故禮之所由本周尚文故禮之所由備生以文爲尚故名字之制禮者行乎周道焉死以質爲尚故喪葬之制學商道焉

子柳之母死子碩請具法子柳曰何以哉法子碩曰請粥底第之母子柳曰如之何其粥人之母以葬

母也法句不可既葬子碩欲以賻布之餘具祭器法句子

柳曰不可吾聞之也君子不家於喪法句請班諸兄弟

之貧者章法作鬻音育賣也注同

註具葬之器用子柳魯叔仲皮之子子碩兄言無

其財粥謂嫁之也妾賤取之曰買不粥人之母以

葬其母忠恕古者謂錢為泉布所以通布貨財不

家於喪惡因死者以為利以分死者所矜也祿多

則與鄰里鄉黨鳥反

疏略周禮云藏曰泉其行曰布取名於水泉其流

行無不徧也鄭又云泉蓋一品周景王鑄大泉而

檀弓輯註

卷上

充

充

有二品後數變易不復識本制至漢唯有五銖久

行案鄭云五銖者其重五銖凡十黍為一參十參

為一銖二十四銖為一兩故錢邊作五銖字也鄭

又云王莽改貨而異作泉布多至十品今存於民

間多者有貨布大泉貨泉貨布長二寸五分廣寸

首長八分有奇廣八分其圓好徑二分半足枝長

八分其右文曰貨左文曰布重二十五銖直貨泉

二十五大泉徑一寸二文重十二銖文曰大泉直

十五貨泉貨泉徑一寸重五銖右文曰貨左曰泉

直一案食貨志云今世謂之竿錢邊猶為貨泉字

大泉即今大四文錢四邊並有文也古又有刀刀

有二種一是契刀一是錯刀契刀直五百錯刀直

一千契刀無鏤而錯刀用金鏤之刀形如錢邊作

刀字形故世猶呼錢為錢刀也

陳澧曰夫粥庶母以治葬則乏於財可知而不家

於喪之言確然不易古人之安貧守禮蓋如此

君子曰謀人之軍師敗則死之謀人之邦邑危則亡

之章法註利已亡衆非忠也言亡之者雖辟賢非義退

應氏曰泉死而義不忍獨生焉得而不亡

死國危而身不可獨存焉得而不亡

方氏曰軍師既敗難以復勝故死其身

邦邑雖危猶可復安故亡其位而已

檀弓輯註

卷上

充

長樂陳氏曰思其敗之死則無輕軍師思其危之

亡則無輕邦邑先王懼夫為人臣者不知出此故

執咎殫忠致命而已

公叔文子升於瑕丘遽伯玉從文子曰樂哉斯丘也

死則我欲葬焉遽伯玉曰吾子樂之則瑗請前法

諫止之辭婉而嚴讀本又作瑗其魚反從才用反

又如字樂音洛下同一讀下樂五教反瑗于卷反又

於願

註二子衛大夫文子獻公之孫名拔刺其欲害人

良田瑗伯玉名拔皮八反徐蒲

劉氏曰伯玉之請前蓋始從行於文子之後及聞

文子之言而惡其將欲奪人之地自為身後計遂

譏之曰吾子樂此則我請前行以去子矣

嚴陵方氏曰葬死為禮蓋生者之所送終非死者之所豫擇擇之且不可又况狗已之樂而忘人之害乎苟惟樂已害人之事可為則夫人而為之矣此公叔文子樂眼丘之葬故遽伯玉有請前之譏也

吳澄曰前猶云豫先也請前請為豫定其所若狗其意實譏非之所謂異語之言也

弁人有其母死而孺子泣者且盡且省孔子曰哀則

哀矣而難為繼也夫禮為可傳也為可繼也章故哭

踊有節弁皮也反孺而注反傳直專反

註孺子泣言聲無節此誠哀失禮中

疏略雜記曾申問於曾子曰哭父母有常聲乎曰

中路嬰兒失其母何常聲之有則與此違者曾子

檀弓輯註

卷上

主

所言是始死之時悲哀志慙未可為節此之所言

在襲歛之日可以制禮故哭踊有節也

嚴陵方氏曰傳言由已以傳於後繼言使人有繼於前

叔孫武叔之母死既小歛舉者出尸出戶袒且投其

冠括髮子游曰知禮括古活反

註武叔公子牙之六世孫名州仇毀孔子者尸出

戶乃變服失哀節冠素委貌知禮嘔之嘔昌之反

疏略案士喪禮卒歛徹帷主人西面馮尸踊無算

主婦東面馮亦如之主人髻髮袒衆主人免下云

士舉男女奉尸俛于堂喪大記亦云卒小歛主人

袒說髻括髮以麻下云奉尸夷于堂是括髮在小

歛之後奉尸夷于堂之前主人為欲奉尸故袒而

括髮在前今武叔奉尸夷堂之後乃投冠括髮故

云尸出戶乃變服失哀節云冠素委貌者案雜記

云小歛環經公大夫士一也註云士素委貌大夫

以上素爵弁而加此經焉武叔是諸侯大夫當天

子之士故云士素委貌崔氏云將小歛之時已括

髮括髮後大夫以上加素弁士加素委貌至小歛

訖乃投去其冠而見括髮今案士喪禮及大記皆

小歛卒乃括髮無小歛之前為括髮者崔氏之言

檀弓輯註

卷上

主

非也案士喪禮小歛括髮鄭註喪服變除云襲而

括髮者彼據大夫以上之禮死之明日而襲與士

小歛同日俱是死後二日也鄭註士喪禮一括髮

之後比至大歛自若所以大記云小歛主人袒說

髻括髮是諸侯小歛之時更括髮者崔氏云謂說

去其髻更正括髮非重為括髮也子游是習禮之

人見武叔失禮反謂之知禮嘔之

陳澧曰禮始死將斬衰者并纓將齊衰者去冠小歛畢而徹帷主人括髮袒于房婦人髻于主舉者

出衆尸以出也括髮當在小歛之後尸出堂之前

今武叔待尸出戶然後袒而去冠括髮失節矣

故註以子游知禮之言為嘔之也



扶君小人師扶右射人師扶左君薨以是舉扶注音  
僕師長也謂大僕也本或無師字  
者非也前儒如字小人及醫師也

註謂君疾時也下當爲僕聲之誤也僕人射人皆  
平生時贊正君服位者以是舉不忍變也周禮射

人大喪與僕人遷尸

陳端曰方氏釋師爲衆應  
氏以小人爲下筮之人  
廣安游氏曰傳云男子不死於婦人之手春秋書  
人君不覺於路寢則爲死不以道故君之疾也以  
在寢有朝之正服位而從君者扶持之薨則外廷  
之人共治其喪疾則外廷之人共知其疾所以防  
微之漸致謹於疾病  
之際以正其死道也  
朱子曰後世僕射官各用  
此義也或以射音夜誤矣

檀弓輯註

卷上

三

從母之夫舅之妻二夫人相爲服君子未之言也或

曰同爨總

從才用反夫人音扶注同爲干僞反注及  
下注夫爲妻同爨總上七亂反下音思

註二夫人猶言此二人也時有此二人同居死相

爲服者甥居外家而非之以同居生總之親可

疏略云甥居外家而非之者以言從母及舅皆是

外甥稱謂之辭故知甥也若他人之言應云妻之

兄弟婦夫之姊妹夫相爲服不得云從母之夫舅

之妻也言甥居外家而非之者謂甥來居在外姓

舅氏之家見有此事而非之或云外家者以二人

同住甥居外旁之家遙讖之同爨總者甥既將爲

非禮或人以爲於禮可許既同爨而食合有總麻

之親此皆據總麻正衰非弔服也故云相爲服若

是弔服疏人皆可何怪此二人何胤以爲弔服加

麻經如朋友然非也凡弔服不得稱服

陳端曰從母之姊妹舅母之兄弟從母天於舅  
妻無服所以禮經不載故曰君子未之言時偶有  
據至外家見此二人相爨總之說以處之此亦原其情  
之不可已而極  
禮之變焉耳  
吳澄曰張子云此是甥自幼居於從母之家或舅  
之家孤穉恩養直如父母不可無服所以爲此服  
也非是從母之恩則雖禮之所無而可以義起此服也  
張子義是  
註疏非

檀弓輯註

卷上

三

或問從母之夫舅之妻皆無服何也朱子曰先王

制禮父族四故由父而子皆爲族曾祖父總麻姑之

三姊妹之父母之女子子之兄弟皆由父而推之也母族

大舅之妻皆不爲服推之兄弟故也妻族二妻之父

妻之母乍有似乎難亂無紀子細看則皆有義存

喪事欲其縱縱字爾吉事欲其折折字爾故喪事雖

遽不凌節吉事雖止不怠故騷騷字爾則野鼎鼎字

爾則小人君子蓋猶猶字爾繼依注音總急遠貌折

註縱縱趨事貌縱讀如摠領之摠折折安舒貌詩

云好人提提陵蹠也止立俟事時也怠惰也騷騷



謂大疾鼎鼎謂大舒猶猶疾舒之中

疏方報反肅  
徒計反大音

泰一音他佐  
反下注同

疏略好人提提魏風葛屨之詩魏俗褊薄遺新來  
婦人縫作衣裳故述而刺之云美好婦人初來之  
時提提然喪事雖須促遽亦當有常不得陵越喪  
禮之節吉事雖有行止住之時不得怠惰寬慢故  
過爲急疾則如田野之人不自嚴敬則如小人然  
形體寬慢也君子於喪事得疾之中於吉事得舒  
之中猶猶是曉達之貌

喪具君子耻具一日二日而可爲也者君子弗爲也

檀弓輯註

卷上

五

註辟不懷也喪具棺衣之屬一日二日而可爲謂

絞衾衾冒

絞戶交反後同衾  
其陰反昌莫報反

疏略王制云六十歲制七十時制八十月制九十

日修唯絞衾冒死而後制是也

喪服兄弟之子猶子也蓋引而進之也嫂叔之無服  
也蓋推而遠之也姑姊妹之薄也蓋有受我而厚之  
者也

句法亦三章法  
遠千萬反

註或引或推重親遠別欲其一心於厚之者姑姊

妹嫁大功夫爲妻期

期彼列反  
期音基

疏略喪服是儀禮正經記者錄喪服中有下三事

各以釋之其兄弟之子期姑姊妹出適大功皆喪

服經文嫂叔無服喪服傳文已子服期今昆弟之

子亦服期牽引進之同於已子或推者昆弟相爲

服期其妻應降一等服大功今乃使之無服是推

使疏而斥遠之也何平叔云夫男女相爲服不有

骨肉之親則有尊卑之異也嫂叔親非骨肉不異

尊卑恐有混交之失推使無服也姑姊妹之薄也

者未嫁之時爲之厚今姑姊妹出嫁之後爲之薄

蓋有夫婿受我之厚而重親之欲一心事於厚重

故我爲之薄

檀弓輯註

卷上

五

唐通典載魏徵議請嫂叔小功五月服制可程  
氏曰今之有服亦是豈有同居之親而無服者

食於有喪者之側未嘗飽也

註助衰戚也

應氏曰食字上  
疑脫孔子字

嚴陵方氏曰飢而廢事非禮也飽而志衰亦非禮  
也處其至於廢事故雖喪者之側必食又慮其忘  
哀故未嘗飽焉是禮也雖  
聖人之行不過如此而已

曾子與客立於門側其徒趨而出曾子曰爾將何之

曰吾父死將出哭於巷曰反哭於爾次曾子北面而

弔焉

註徒謂客之旅哭巷以爲不可發凶於人之館次

舍也禮館人使專之若其自有然

疏略案士喪禮主人西面其賓亦在東門北面謂

同國之賓曾子既許其哭於次故以同國賓禮北

面弔焉

陳端曰其徒

門弟子也

臨川吳氏曰曰吾父死

者立於門側之客曰也

廣義曰曰吾父者既立於門側之客之曰則

反哭於爾次者亦指立於門側之客之次與

孔子曰之死而致死之法句不仁而不可為也法句之死

而致生之法句不知而不可為也法句是故竹不成用瓦

不成味木不成斲琴瑟張而不平竽笙備而不和有

檀弓輯註

鐘磬而無簣虞其曰明器神明之也知音昧依注

陟角反竿音于笙音生和

胡臥反簣息父反虞音巨

註之往也死之生之謂無知與有知也為猶行也

成猶善也竹不可善用謂邊無膝味當作沫沫醕

也不和無官商之調無簣虞不縣之也橫曰簣植

曰虞言神明死者也神明者非人所知故其器如

此 滕本又作膝從登反音悔洗

面調直弔反植時力反又音值

疏略何胤云言往死者處而致此死之者之意謂

死如草木無知如此用情則不仁不可行於世也

往死者處而致此死者於全生之物則不知而不

可行也捨此二塗不仁不知之間聖人之所難言

付之不測之竟言無知與有知者即下云夏后氏

用明器示民無知殷人用祭器示民有知也聖人

為教使人子不死於亡者不便謂無知不生於死

者不便謂有知故制明器以神明求之不死不生

不可測也何胤云若全無知則不應有若全有知

則亦不應不成故有器不成是不死不生也味猶

黑光今世亦呼黑為沫也鄭註云沫醕也醕謂醕

面證沫為光澤

謝氏曰愚按瓦陶器也不成味

不可盛飲食也恐不必改字

檀弓輯註

長樂陳氏曰不曰神明之器特曰明器者以神之

幽不可不明故也周官凡施於神者皆曰明故水

之也蓋其有竹瓦木以至明燭明燭者皆神明

樂者明之也所用非所用所樂非所樂神之

也宋襄公葬其夫人醕醕百甕豈知此哉

有子問於曾子曰問喪於夫子乎法句曰聞之矣法句喪

欲速貧死欲速朽有子曰是非君子之言也法句曾子

曰參也聞諸夫子也法句有子又曰是非君子之言也

法句曾子曰參也與子游聞之有子曰然然則夫子有

為言之也法句曾子以斯言告於子游子游曰甚哉有

子之言似夫子也法句昔者夫子居於宋見桓司馬自

為石椁三年而不成夫子曰若是其靡也死不如速

為石椁三年而不成夫子曰若是其靡也死不如速

朽之愈也死之欲速朽為桓司馬言之也南宮敬叔

反法句必載寶而朝法句夫子曰若是其貨也喪不如速

貧之愈也喪之欲速貧為敬叔言之也法章曾子以子

游之言告於有子有子曰然吾固曰非夫子之言也

法句曾子曰子何以知之有子曰夫子制於中都四寸

之棺五寸之梓以斯知不欲速朽也法句昔者夫子失

魯司寇將之荆蓋先之以子夏又申之以冉有法句以

斯知不欲速貧也法句問喪問或作聞喪息浪反

民作為嫁母皆同朝直遙反注同注有子孔子弟子有若也夫子卒後問此庶有異

檀弓輯註 卷上 夫

聞也喪謂仕失位也魯昭公孫於齊曰喪人其何

稱貧朽非人所欲桓司馬宋向戌之孫名魋靡修

敬叔魯孟僖子之子仲孫閱蓋嘗失位去魯得反

載其寶來朝於君中都魯邑名也孔子嘗為之宰

為民作制孔子由中都宰為司空由司空為司寇

將應聘於楚先子夏申冉有言汲汲於仕得祿音孫

遜向式上反戌音恤魋大回反侈昌氏反又甲

氏反僖許宜反閱音悅應應對之應汲音急疏略崔靈恩云諸侯三卿司徒兼冢宰司馬兼宗

伯司空兼司寇三卿之下則五小卿為五大夫故

周禮太宰職云諸侯立三卿五大夫也五大夫者

司徒之下立二人小宰小司徒司馬之下以其事

省立一人為小司馬兼宗伯之事司空之下立二

人小司寇小司空今夫子為司空者為小司空也

從小司空為小司寇也崔所以知然者魯有孟叔

季三卿為政又有臧氏為司寇故知孔子為小司

寇崔解可依

方希古曰孔子之欲仕非為富也為行道也致美

於棺梓非為不朽也為廣孝也欲富而禍且趨以

求利於蠻夷之國曾謂孔子若是有子之疑曾子

之軀而因以為民制孔子何取乎有子之疑曾子

傳之者謬也陳莊子死赴於魯魯人欲勿哭繆公召縣子而問焉

檀弓輯註 卷上 夫

縣子曰古之大夫束脩之間不出竟法句雖欲哭之安

得而哭之法章今之大夫交政於中國雖欲勿哭法句焉

得而弗哭法章且臣聞之哭有二道有愛而哭之有畏

而哭之公曰然則則如之何而可縣子曰請哭諸異

姓之廟於是與哭諸縣氏繆音木竟音

註君無哭鄰國大夫之禮陳莊子齊大夫陳恒之

孫名伯古者不哭以其不外交言時君弱臣強政

在大夫專盟會以交接愛哭畏哭以權微勸之哭

諸異姓之廟明不當哭

嚴陵方氏曰縣子謂哭諸異姓之廟者以哭其非

所當哭之人故哭於非所當哭之廟也異姓之廟

必哭諸縣氏以其禮之所由起  
故爾則與哭伯高於賜氏同義  
焉氏曰孟子云哭死而哀非為生者也以有畏而  
哭之能無為乎縣子語君非引君以當道志於仁  
者也

仲憲言於曾子曰夏后氏用明器示民無知也法句般

人用祭器示民有知也法句周人兼用之示民疑也法句

曾子曰其不然乎其不然乎法章夫明器鬼器也祭器

人器也夫古之人胡為而死其親乎法章

註明器所謂致死之仲憲孔子弟子原憲祭器所

謂致生之言使民疑於無知與有知曾子不然非

其說之非也言仲憲之言二者皆非此或用鬼器

檀弓輯註 卷上

或用人器

疏略案仲尼弟子傳云原憲字子思夫明器鬼器

也祭器人器也言二代用此器送亡者非是為有

知與無知正是質文異耳夏代文言鬼與人異故

純用鬼器送之非言為無知也殷世質言雖復鬼

與人有異亦應恭敬是同故用恭敬之器送之非

言為有知也說二代既了則周兼用之非為疑可

知周家極文言亡者亦宜鬼事亦宜敬事故并用

鬼敬二器非為示民言疑惑也然周唯大夫以上

兼用耳士唯用鬼器不用人器古謂夏時言古人

雖質何容死其親乎若是無知則是死之義也

嚴陵方氏曰明器祭器三代之所兼用蓋處之以

死生之間而已豈特周而然哉而原憲必以夏用

鬼器設用人器則是夏有致死之不仁設有致生

之不知矣宜乎曾子不然其說也然曾子之言上

及於夏而不及於殷者以

死其親尤君子之所不忍

公叔木有同母異父之昆弟死問於子游子游曰其

大功乎法句狄儀有同母異父之昆弟死問於子夏子

夏曰我未之前聞也魯人則為之齊衰狄儀行齊衰

今之齊衰狄儀之間也章法又音朱徐之樹反

註木當為朱春秋作成衛公叔文子之子定公十

四年奔魯乎疑所服也親者屬大功是

檀弓輯註 卷上

或用人器

疏略同母異父昆弟之服喪服無文故子游疑之

其大功乎乎是疑辭也云親者屬大功是者鄭意

以為同母兄弟母之親屬服大功是也所以是者

以同父同母則服期今但同母而以母是我親生

其兄弟是親者血屬故降一等而服大功案聖證

論王肅難鄭禮稱親者血屬謂出母之身不謂出

母之子服也若出母之子服大功則出母之父母

服應更重何以為出母之父母無服王肅云同母

異父兄弟服大功者謂繼父服齊衰其子降一等

故服大功馬昭難王肅云異父昆弟恩繼於母不

繼於父肅以爲從繼父而服非也張融以爲繼父同居有子正服齊衰三月乃爲其子大功非服之差庾蔚云狄儀之前魯人先已行之故不云自狄儀始

儀始

陳端曰公叔木衛公叔文子之子同父母之兄弟期則此同母而異父者當降而爲大功也禮經無文故子游以疑辭答之魯人齊衰三月之服行之久矣故子夏舉以答狄儀而記者云因狄儀此問而今皆行之也此記

張子曰同母異父之昆弟狄儀服之齊

嚴陵方氏曰禮異父亦謂之繼父繼父同居則服斯焉服其父以期則其子以大功乃其稱也而子夏遂以魯人之事告狄儀

使之行齊衰不亦甚乎

檀弓輯註

卷上

全

廣義曰同母異父之昆弟之服鄭氏以爲同父同母則服期今但同母故降一等服大功而王肅以爲繼父服齊衰其子降一等服大功而馬昭又以爲繼父不繼於父安得從繼父而服難之張融則以爲繼父同居有子正服齊衰三月乃爲其子反服大功論難紛紛皆指身爲前出爲嫁母之後出者而言爾不知後出之乙爲前出之甲其服如之何後出者稱前出可云異父不可云繼父則謂服由繼父而降殺者未盡也且張氏以大功爲非鄭氏方氏皆以大功爲是陳氏以齊衰爲三月張氏方氏又以齊衰爲期信乎議禮之家如張訟矣

子思之母死於衛柳若謂子思曰子聖人之後也四方於子乎觀禮子蓋慎諸法章子思曰吾何慎哉吾聞之有其禮無其財君子弗行也有其禮有其財無其時君子弗行也吾何慎哉法章

註子思孔子孫伯魚之子伯魚卒其妻嫁於衛柳

若衛人也見子思欲爲嫁母服恐其失禮戒之嫁

母齊衰期謂時可行而財不足以備禮謂財足以

備禮而時不得行者時所止則止時所行則行無

所疑也喪之禮如子贈襚之屬不踰主人禮音

疏略嫁母之服喪服無文案喪服杖期章云父卒

繼母嫁從爲之服報則親母可知故鄭約云齊衰

期也又鄭止言齊衰期不言嫡庶故譙周袁準並

云父卒母嫁非父所絕嫡子雖主祭猶宜服期而

喪服爲出母期嫁母與出母俱是絕族故知與出

檀弓輯註

卷上

全

母同也張逸問舊儒世本皆以孔子後數世皆一子禮適子爲父後爲嫁母無服檀弓說子思從於嫁母服何鄭答云子思哭嫂爲位必非適子或者兄若早死無繼故云數世皆一子謂若嫁母之家主人貧乏歛手足形還葬已雖有財不得過於主人故下注喪之禮如子贈襚之屬不踰主人是也

嚴陵方氏曰禮有常時有變財有有限三者不備君子所不行也

廣安游氏曰爲嫁母服此後世之禮非先王之正也子思之意以爲雖有齊衰期之禮然財不足以備禮則行之必有所不備若有其禮有財可以行矣而非道隆之時亦非可以備行也以此觀之子思於嫁母之服蓋有行之而不備者矣古之君子嚴於父母男女之別以爲禽犢懷母不懷父君

子惡之故父在為母期以厭降於父母出嫁而其所  
禮之行有所不備以為母絕於父其尊統於父不親此  
禽猶之道謹於親也若厚於嫁母而於父不親此  
如子思道又不如子思未必能親其  
父而先絕其母此又君子所難言也  
方布古曰禮者君子恒履之器也不可斯須遠於  
身豈以家之貧富時之通塞為行否子思賢者其  
為道粹矣信斯言也烏在其喻於道

縣子璣曰吾聞之古者不降上下各以其親滕伯文  
為孟虎齊衰其叔父也法句為孟皮齊衰其叔父也法句

樂息果反依字作璣  
滕徒登反為干偶反

註古謂殷時也上不降遠下不降卑伯文殷時滕  
君也爵為伯名文

檀弓輯註 卷上

金

疏略周禮以貴降賤以適降庶唯不降正耳而殷  
世以上雖貴不降賤也上下各以其親不降之事  
也上謂旁親族曾祖從祖及伯叔之班族下謂從  
子從孫之流彼雖賤不以已尊降之猶各隨本屬  
之親輕重而服之故云上下各以其親庾蔚云上  
下猶尊卑也正尊周禮猶不降則知所明者旁尊  
也鄭恐尊名亂於正尊故變文言遠也滕國之伯  
名文為孟虎著齊衰之服虎是滕伯文叔父也為  
孟皮著齊衰之服滕伯是皮之叔父也言滕伯上  
為叔父下為兄弟之子皆著齊衰是上不降遠下

不降卑也

朱子曰夏殷而上大槩只是親親長長之意到得  
周來則又添得許多貴貴底禮數如始封之君不  
臣諸父昆弟封君之子不臣諸父而臣昆弟期之  
喪天子諸侯絕大夫降然諸侯大夫尊同則亦不  
絕不降姊妹嫁絕諸侯者則亦不絕不降此皆貴  
之義上世想皆簡略未有許多降殺貴貴底禮數  
凡此皆天下之大經前世所未備到得  
周公搜剔出來立為定制更不可易

后木曰喪吾聞諸縣子曰夫喪不可不深長思也買  
棺外內易我死則亦然易以  
改反

註后木魯孝公子惠伯輩之後此孝子之事非所  
託鞏恭  
勇反

疏略買棺之時當令精好斲削外內使之平易后

檀弓輯註 卷上

金

木既述縣子之言以語其子又云在後我身若死  
則亦當然

曾子曰尸未設飾故帷堂小歛而徹帷仲梁子曰夫  
婦方亂故帷堂小歛而徹帷小歛之奠子游曰於東  
方曾子曰於西方歛斯席矣小歛之奠在西方魯禮  
之末失也難意  
悲反

註歛者動搖尸帷堂為人褻之言方亂非也仲梁  
子魯人也曾子以俗說非又大歛奠於堂乃有席  
末世失禮之為

疏略知方亂非者以小歛之後豈無夫婦方亂之

事何故徹帷乃云方亂明爲動搖尸柩故帷堂禮  
小歛之奠設於東方奠又無席魯之衰末奠於西  
方而又有席曾子見時如是謂將爲禮故云小歛  
於西方斯此也其歛之時於此席上而設奠矣故  
記者正之云小歛奠所以在西方是魯人行禮未  
世失其法也知曾子所言非者案士喪禮小歛之  
奠設於尸東今曾子言西方故爲非也云大歛奠  
於堂乃有席者案士喪禮大歛之奠設於室今云  
堂者後人轉寫之誤當云奠於室故鄭答趙商堂  
當爲室也

檀弓輯註 卷上

全

陳浩曰始死去死衣用歛衾覆之以俟浴既復之  
後揆齒綴足畢具脯醢之奠事雖小定然尸猶未  
襲歛也故曰未設飾於是設帷於堂者不欲人褻  
之也故小歛畢乃徹帷按儀禮布席于尸內注云  
有司布歛席也在小歛之前及陳大歛衣莫則云  
奠席在饌北歛席在其東註云大歛奠而有席彌  
神之也據此則  
小歛莫無席  
嚴陵方氏曰人死斯惡之矣以未設飾故帷堂蓋  
以防人之所惡也小歛則既設飾矣故徹帷焉萬  
物生於東而死於北小歛之意也  
東方則孝子未忍死其親之意也  
縣子曰綌衰總裳非古也  
綌衰去逆反粗葛也下也  
綌反總音歲布細而疎曰

註非時尚輕涼慢禮

涼音

疏略總布疏者漢時南陽鄧縣能作之當記時失

禮多尚經細故有喪者不服麤衰但疏葛爲衰總  
布爲裳故云非古古謂周初制禮時也

方氏曰葛之麤而卻者謂之綌布之細而疎者謂  
之總五服一以麻各有升數若以綌爲衰以總爲  
裳則取其輕涼  
而已非古制也

子蒲卒哭者呼滅子臯曰若是野哉哭者改之  
高

註滅蓋子蒲名野非之也唯復呼名子臯孔子弟

子高柴

杜橋之母之喪宮中無相以爲沽也  
相息亮反  
沽音古

註沽猶略也

疏略禮孝子喪親悲迷不復自知禮節事儀皆須

檀弓輯註 卷上

全

人相導而杜橋家母死官中不立相待故時人謂

其於禮爲麤略

方氏曰即沽酒之沽  
以非自致故訓畧

夫子曰始死羔裘玄冠者易之而已羔裘玄冠夫子不

以弔  
易音亦徐  
以豉反

註不以吉服弔喪

疏略養疾者朝服羔裘玄冠卽朝服也始死則易

去朝服著深衣故云易之記時有不易者又有小

歛後羔裘弔者引孔子以譏之

馬氏曰弔者在小歛之前猶當服羔裘玄冠以主  
人未成服弔者麻經不收先也故子游錫裘而



既卜歛乃襲  
裹帶經而入

子游問喪具法句夫子曰稱家之有亡法句子游曰有亡

惡乎齊法句夫子曰有毋過禮苟亡矣歛手足形還法句

葬縣棺而封人豈有非之者哉法句亡皇如字無也一音

無法句下同惡音烏法同齊才細反注同毋音無歛力驗

反還音旋縣音玄封依注作窆彼驗反徐又南鄧反

註惡乎齊問豐省之比形體也還之言便也言已

歛卽葬不待三月不設碑綽不備禮封當爲窆窆

下棺也春秋傳作塋不責於人所不能比省所領反

碑彼皮反綽音律塋北鄧反

疏略禮葬日有數若貧者歛竟便葬不須停殯待

檀弓輯註卷上其月數足也封卽窆窆下棺內壙中貴者則用碑

綽若貧而卽葬者但手縣棺而下之同於庶人不

待碑綽不備禮

謝氏曰封者復土以閉掩之名不必改爲窆字

司士賁告於子游曰請襲於牀子游曰諾縣子聞之

曰汰哉叔氏專以禮許人字法賁音奔人名汰

註時失之也禮唯始死廢牀當言禮然言諾非也

叔氏子游字

疏略案喪大記始死廢牀至遷尸及襲皆在於牀

當時失禮襲在於地故司士賁告子游子游曰諾

者子游知襲在牀爲是故以許諾之縣子聞之曰

汰哉叔氏專以禮許人汰自矜大也叔氏子游別

字也言凡有來諮禮事當據禮以答之今子游不

據前禮以答之事輒許諾如似禮出於己是自矜

大故縣子聞而譏之

陳端曰賁司士之名也禮始死廢牀而置尸於地

及後而不生則尸復登牀襲者歛之以衣也沐浴

之後商祝襲祭服祿衣蓋布於牀上也飯含之後

遷尸於襲上而衣之襲於牀者禮也後世禮失而

襲於地則襲矣司士知禮而請於子游子游

不稱禮而答之以諾所以起縣子之譏也

揚慎曰機鋒極冷

宋襄公葬其夫人醯醢百甕曾子曰既曰明器矣而

檀弓輯註卷上又實之醯呼兮反醢音

註言名之爲明器而與祭器皆實之是亂鬼器與

人器

疏略曾子不譏器之多但譏其實爲非也言名之

爲明器而與祭器皆實之是亂鬼器與人器者案

既夕禮陳明器後云無祭器鄭云士禮略也大夫

以上兼用鬼器與人器若此大夫諸侯並得人鬼

兼用則空鬼而實人故鄭云與祭器皆實之是亂

鬼器與人器也士既無人器則亦實明器故既夕

禮云甕三醯醢屑又云醢二醴酒也夏后氏專用



明器則分半以實之般人全用祭器則亦分半以虛之周人兼用明器人器人器實之明器虛之

孟獻子之喪司徒旅歸四布夫子曰可也

註獻子魯大夫仲孫蔑旅下士也司徒使下士歸四方之賻布時人皆貪善其能廉

疏略孟獻子之喪送終既具賻布有餘其家臣司徒稟承主人之意使旅下士歸還四方賻主人之泉布也謂四方賻者泉布本助喪用今既有餘故歸還之時人皆貪獻子之家獨能如此故夫子曰可也善其能廉皇氏以爲獻子有餘布歸之於君

檀弓輯註

卷上

牛

君令國之司徒歸賻於四方熊氏以爲獻子家臣爲司徒故左傳叔孫氏之司馬驪戾是家臣亦有司徒司馬

長樂陳氏曰知死者贈知生者賻贈賻之餘君子不可利於已亦不可歸於人利於已則落天下家喪之心歸於人則絕天下恤喪之禮與其利於已寧歸於人與其歸於人寧班諸兄弟之貪者孟獻子之喪司徒旅歸四布孔子可之以其賢乎利於已者而已不若班諸貪者爲盡善也

讀贈曾子曰非古也是再告也

註曾子言喪禮袒而讀賻賓致命將行主人之史又讀賻所以存錄之

陳澧曰車馬曰賻賻所以助主人之送葬也既受則書其人名與其物於方版葬時柩將行主人之

史請讀此方版所書之賻蓋於柩東當前東西面而讀之古者奠之而不讀周則既奠而又讀焉故曾子以爲再告也

成子高寢疾慶遺入請曰子之病革矣如至乎大病則如之何子高曰吾聞之也生有益於人死不害於人吾縱生無益於人吾可以死害於人乎哉我死則擇不食之地而葬我焉

註成子高齊大夫國成伯高父也如之何觀其意革急也遺慶封之族不食謂不墾耕墾苦

陳澧曰國伯高父謚成遺慶封之族革與亟同急也入病死也諱之之辭

檀弓輯註

卷上

牛

子夏問諸夫子曰居君之母與妻之喪居處言語飲食衾爾

註衾爾自得貌爲小君側隱不能至爲于疏略居處言語是夫子答辭不云子曰者記人略也

陳澧曰君母君妻雖皆小君皆服齊衰不杖期然恩義則淺矣故居其喪則自處如此衾爾和適之貌此章以文勢推之喪下當有如何夫子曰字舊說謂記者之略亦或闕文歟又否則問當作聞方氏曰喪雖輕未有居之而樂者子夏失問夫子是以不答

賓客至無所館夫子曰生於我乎館法句死於我乎殯

註仁者不厄人

國子高曰葬也者藏也藏也者欲人之弗見也法章是  
故衣足以飾身法句棺周於衣法句槨周於棺法句土周於

槨法句反壤樹之哉法句而大反壤  
註言皆所以為深遂難人發見之也國子高成子  
高也成謚也反復也怪不如大古也而反封樹之  
意在於儉非周禮遠先遂反難乃旦反見如字又

疏略國子意在於儉非周禮之法

方氏曰壤言封土以為墳  
墳樹言種木以為表  
馬氏曰周官冢人用爵等為之丘封之度與其樹  
數故觀其封則知位秩之高下觀其樹則知命數

檀弓輯註

卷上

全

之多寡所以遺後世子孫之識非以為觀美者也  
封之崇四尺孔子之所不廢而國子高非之亦異  
矣

孔子之喪有自燕來觀者舍法字於子夏氏子夏曰聖  
人之葬人與人之葬聖人也子何觀焉法章昔者夫子  
言之曰吾見封之若堂者矣見若坊者矣見若覆夏  
屋者矣見若斧者矣從若斧者焉馬鬣封之謂也今  
一曰而三斬板而已封尚行夫子之志乎哉燕烏田反  
坊音防鬣

註與及也封築土為龍堂形四方而高坊形旁殺  
平上而長覆謂茨瓦也夏屋今之門廡也其形旁

廣而卑斧形旁殺乃上而長孔子以為乃上難登  
狹又易為功馬鬣封俗間名板蓋廣二尺長六尺  
斬板謂斷莫縮也三斷止之旁殺蓋高四尺其廣  
袤未聞也詩云縮板以載尚庶幾也豔力勇反細  
色戒反下同  
甲反易以啟反斷音短下同上時掌反下以上同  
廣古曠反袤音  
茂徐又亡侯反

疏略王肅云聖人葬人與屬上句以言若聖人葬  
人與則人庶有異聞得來觀者若人之葬聖人與  
凡人何異而子何觀之述昔聞夫子見四封之異  
此處可共是許燕人學之故備陳其教以赴遠觀

檀弓輯註

卷上

全

之意若堂堂基四方而高若坊坊堤也堤坊水上  
平而兩旁殺其南北長也若覆夏屋殷人以來始  
屋四阿夏家之屋唯兩下而已無四阿如漢之門  
廡若斧其乃嚮上長而高也既言四墳之異夫子  
之意從若斧者焉以為乃上難登狹又易為功力  
子夏既道從若斧形恐燕人不識故舉俗稱馬鬣  
封之謂也以語燕人馬鬣鬣之上其肉薄封形似  
之今一日者謂今作孔子墳正用一日之功儉約  
不假多時於一日之中而三斬板者謂作墳法也  
築墳法安板側於兩邊而用繩約板令立後復內

土於板之上中央築之令土與板平則斬所約板繩斷而更置於見築土上又載土其中三編如此其墳乃成故云今一日而三斬板也而已封者爲三編設板築土而止鄭注板蓋廣二尺長六尺板廣二尺疊側三板應高六尺而云四尺者但形旁表漸歛上狹下舒如斧刃之形使三板取高四尺以合周制也知板蓋廣二尺案祭義曰築宮仞有二尺公羊傳云五板爲堵則板廣二尺知板長六尺者左氏說雉長三丈公羊傳云五板爲堵五堵爲雉則堵長六尺知蓋高四尺者以上合葬於防

崇四尺今葬夫子不可過之其東西之廣南北之袤則未聞也縮板以載大雅綿之篇孫毓難云孔子墓魯城北門外西墳四方前高後下形似臥斧高八九尺今無馬鬣封之形不止于三板記似誤或後人增益不與原葬墳同

長樂陳氏曰門人於封則儉於披崇練旒則不儉者儉則行夫子之志不儉則行門人之志行夫子之志所以救時行門人之志所以尊師也

婦人不葛帶

註婦人質不變重者至期除之卒哭變絰而已

疏略此論齊斬婦人帶要絰也葬後卒哭變麻易

葛而婦人重要而質不變所重故不葛帶至期除之卒哭直變絰而已大功以下輕至卒哭並變爲葛與男子同絰首絰也婦人輕首重要故也

陳澧曰禮婦人之帶牡麻結本卒哭丈夫去麻帶服葛帶而首絰不變婦人以葛爲首絰以易去首之麻絰而麻帶不變所謂不葛帶也既練則男子除絰婦人除帶

有薦新如朔奠

註重新物爲之殷奠

疏略薦新謂未葬中間得新味而薦亡者朔奠月朔太奠於殯宮朔禮視大歛士則特豚三鼎今若有新物及五穀始熟薦於亡者則其禮牲物如朔

之奠也大夫以上則朔望大奠若士但朔而不望金華應氏曰朔祭謂之大奠薦新亦如之謂男女各卽位內外各從事而奠哭之儀如一也

既葬各以其服除

註卒哭當變衰麻者變之或有除者不俟主人

疏略既葬謂三月葬竟若三月之親至三月數滿應除者葬竟各自除不待主人卒哭之變

池視重霤

重南容反

註如屋之有承霤也承霤以木爲之用行水亦宮之飾也柳官象也以竹爲池衣以青布縣銅魚焉今宮中有承霤云以銅爲之

衣于既反

疏略池者柳車之池也重霑者屋承霑也以木爲之承於屋霑入此木中又從木中而霑於地故謂此木爲重霑也天子則四注四面爲重霑諸侯四注重霑則差降去後餘三大夫唯餘前後二士則唯一在前柳車亦象官室而在車覆鼈甲之下牆帷之上織竹爲之形如籠衣以青布以承鼈甲名之爲池以象重霑方面之數各視生時重霑

君卽位而爲禭歲一漆之藏焉禭蒲歷反徐反益反漆音七

註禭謂柩棺親尸者禭堅著之言也言天子禭內又有水兕革棺歲一漆之若未成然虛之不令地音

檀弓註

卷上

全

移著直略反兕徐里反令力政反本又作合言天子之言疑當作古

疏略柩棺也漆之堅強甕甕然也人君無論少長而體尊備物故亦卽位而造爲此棺藏焉者棺中不欲空虛如急有待也虛之不令也令善也言若虛空便爲不善故藏物於其中一本爲虛之不令者謂不以蓋合覆其上旣不合覆不欲令人見故藏焉

復楔齒綴足飯設飾帷堂並作父兄命赴者楔悉節反綴丁

劣反又奇貞衛反飯煩晚反舍也

註設飾謂遷尸又加新衣父兄命赴謂大夫以上

也士主人親命之

疏略復招魂也楔柱也招魂之後用角柶柱亡人之齒令開使舍時不閉也綴足者復用燕几綴亡人之足令直使著屨時不辟戾也飯者飯食也設飾者謂襲歛遷尸之時及又加著新衣也帷堂謂小歛時並作者作起爲也自復以下諸事並起以帷堂故云並作赴亦復後之事赴謂死者生時於他人有恩識者今死則其家宜使人往相赴告也士喪禮則孝子自命赴者若大夫以上則父兄命之雖代命之猶書孝子名也

檀弓註

卷上

全

陳端曰復至帷堂六事一時並起故云並作也儀禮亦總見一圖

山陰陸氏曰言復楔齒綴足飯設飾此五事並作於帷堂之時

君復於小寢大寢小祖大祖庫門四郊

註尊者求之備也亦他日所嘗有事

疏略君王侯也於小寢者前曰廟後曰寢爾雅云室有東西廂曰廟無東西廂有室曰寢小寢者高祖以下寢也王侯同大寢謂天子始祖諸侯太祖也小祖高祖以下廟也王侯同太祖天子始祖諸侯太祖廟也周禮夏采以冕服復於太祖廟其小廟則祭僕復之其小寢大寢則隸僕復之四郊則

夏采復之故夏采云乘車建綬復於四郊此天子之事也其諸侯復則小臣案雜記云復西上注各如其命數上公九命侯伯七命則小臣不足明更有餘官又復人雖依命數復處既多則復人不足當於此復了更轉嚮他處

陳澧曰天子之郭門曰卑門明堂位言魯之庫門即天子卑門是庫門者郭門也馬氏曰寢所居處之地祖有所事之地門所出入之地郊所嘗至之地君復必於此者蓋冤氣之往亦未離生時熟習之地也觀此則死生之說可知矣

喪不剝奠也與祭肉也與剝音餘下同

註剝猶僕也有牲肉則巾之爲其久設塵埃加也

檀弓輯註

卷上

六

脯醢之奠不巾僕力果反謂不巾覆也埃音哀

疏略案士喪禮小歛陳一鼎既奠于尸東祝受巾

巾之是有牲肉則巾之也又云始死脯醢醢酒奠

于尸東無巾又殯後朝夕乃奠醢酒脯醢如初設

不巾是脯醢醢酒不巾也案既夕禮柩朝廟重先

奠後奠設如初巾之此亦脯醢之奠巾之者爲其在堂恐埃塵故雖脯醢亦巾之

既殯旬而布材與明器

註木工宜乾腊且

材桴材也腊音昔

疏略布班也材謂桴材也殯後十日而班布告下

覓桴材及送葬明器之材或云布其木宜乾腊故須豫暴之也士喪禮筮宅吉左還桴獻明器之材于殯門外

朝奠日出夕奠逮日父母之喪哭無時使必知其反也逮音代或大計反

註陰陽交接庶幾遇之哭無時使必知其反謂既練或時爲君服金革之事反必有祭

疏略禮哭無時有三種一是初喪未殯之前哭不絕聲二是殯後除朝夕之外廬中思憶則哭三是

小祥之後哀至而哭或一日二日而無復朝夕之

檀弓輯註

卷上

六

時也此云哭無時謂小祥之後也何以知然下云

使必知其反是其可使之時也使謂君使之既小

祥哭無時其時可爲君所使服金革之事也反還

也若爲使還家當設祭告親之神令知其反亦出

必告反必面之義禮運云三年之喪期不使公羊

傳亦期不使則期外可使也而曾子問云卒哭服

金革之事無辟喪大記亦云鄭云權禮也

練練衣黃裏緇緣葛要經繩屨無絢角瑱鹿裘衡長

祛祛褐之可也緇七絹反淺赤色今之紅也緇悅緇緇下注同要經一遙反下注小要同

華彭反下衡三同祛起魚反一音丘據反襄本又作

袖音徐秀  
反楊音昔

註小祥練冠練中衣以黃爲內縗爲飾黃之色卑  
於縗縗之類明外除填充耳也吉時以玉人君  
有瑱衡當爲橫字之誤也祛謂袞緣袂口也練而  
爲袞橫廣之又長之又爲祛則先時狹短無祛可  
知吉時麤袞袞表袞也有祛而袞之備飾也玉藻  
曰麤袞青豸袞絞衣以袞之鹿袞亦用絞乎縗本又作

薰許云反袂面世反麤音述本又作鹿  
同鹿子也軒音芹胡地野犬絞戶交反

疏略練小祥也小祥而著練冠練中衣故曰練練  
衣者練爲中衣黃裏者黃爲中衣裏也正服不可

檀弓輯註

卷上

百一

變中衣非正服但承衰而已故小祥而爲之黃袷  
裏也縗緣者縗爲淺絳色也緣謂中衣領及袞緣  
也裏用黃而領緣用縗者領緣外也明其外除故  
飾見外也葛要經者亦小祥後事也小祥男子去  
葛經唯餘要葛也繩屨者謂父母喪菅屨卒哭受  
齊衰蒯屨屨至小祥受大功繩麻屨也無絢屨頭  
飾也填充耳也人君平常吉用玉爲之以掩於耳  
在初喪亦無至小祥微飾以角爲之鹿裘者亦小  
祥後也爲冬時吉凶衣裏皆有袞吉時則貴賤有  
異喪時則同用大鹿皮爲之鹿皮色白與袞相宜

也衡長祛者衡橫也祛袞緣口也小祥之前袞狹  
而短袂又無祛至小祥稍飾則更易作橫廣大者  
也又長之又設其祛也練而爲袞者爲猶作也前  
時已有袞但短小至小祥更作大長者橫廣之又  
長之爲祛更新造之又加此三法也祛袞之可也  
者袞謂袞上又加衣也吉時袞上皆有袞衣喪已  
後旣凶質雖有袞袞上未有袞衣至小祥袞旣橫  
長又有祛爲吉轉文故加袞之可也案如此文明  
小祥時外有袞袞內有練中衣中衣內有袞衣袞  
衣內有鹿裘鹿裘內自有常著襦衣縗是赤色其

檀弓輯註

卷上

百一

色華美黃雖是正色卑質於縗爾雅二漆謂之縗  
三漆謂之縗故言縗類也華者在外故云明外除  
案吉時君大夫士皆有瑱此唯云人君有瑱者以  
經云角瑱故鄭云吉時以玉據人君吉時又云人  
君有瑱故知人臣凶時無瑱引玉藻者以此經鹿  
裘直云袞之可不知袞用何衣大者曰鹿小者曰  
麤同類之物麤裘旣用絞爲袞則鹿裘亦用絞乎  
平者疑辭然麤裘用青豸爲袞則鹿裘之袞亦用  
青豸也

有殯聞遠兄弟之喪雖總必往非兄弟雖鄰不往所

識其兄弟不同居者皆弔

註往親骨肉也不往疏無親也就其家弔之成恩舊也

疏略若骨血兄弟雖總必往若非兄弟骨血雖鄰不往今有既非兄弟又非疏外平生所共知識往來同恩好今若身死者兄弟雖不同居亦就往弔之成其死者之恩舊也其死者兄弟不同居尚往弔之則死者子孫就弔可知舉疏以見親也皇氏以爲別更起文不連有殯之事所識者謂識其死者之兄弟是小功以下之親既識兄弟雖不同居

檀弓輯註

卷上

重

皆一一就弔之未知然否故兩存焉

天子之棺四重水兕革棺被之其厚三寸槨棺一梓棺二四者皆周棺束縮二衡三衽每束一柏梓以端長六尺重直龍反注皆同被皮寄反注同厚胡豆反度厚薄曰厚皆同此音地羊支反木名梓音子衽而審反又而鴛反

註尚深邃也諸公三重諸侯再重大夫一重士不重以水牛兕牛之革以爲棺被革各厚三寸合六寸也此爲一重槨棺所謂槨棺也爾雅曰檣槨梓棺所謂屬與大棺周市也凡棺因能濕之物衡亦當爲橫衽今小要衽或作漆或作髹以端題湊也

其方蓋一尺

遠雖遂反檣徒亂反屬音燭而本又作匪同子答反能濕乃代反髹又作槩許求反題徒低反頭也湊七豆反聚也

疏略四重者水牛兕牛皮二物爲一重也又槨爲第二重也又屬爲第三重也又大棺爲第四重也四重凡五物也以次而差之上公三重則去水牛餘兕槨屬大棺也侯伯子男再重又去兕餘槨屬大棺大夫一重又去槨餘屬大棺也士不重又去屬唯單用大棺也天子大棺厚八寸屬六寸梓四寸又二皮六寸合二尺四寸也上公去水牛之三寸餘兕槨屬大棺則合二尺一寸諸侯又去兕之

檀弓輯註

卷上

重

三寸餘合一尺八寸也列國上卿又除梓四寸餘合一尺四寸也大夫大棺六寸屬四寸合一尺士則不重但大棺六寸耳故庶人四寸矣天子卿大夫並與列國君同若天子之士與諸侯大夫同水兕二皮並不能厚三寸故合被之令各厚三寸也二皮能濕故最在裏近尸槨棺一者檣也材亦能濕故次皮諸侯無革則槨親尸卽前言君卽位爲槨是也爾雅曰檣槨一物二名梓棺二者槨棺之外又有屬棺屬棺之外又有大棺大棺與屬棺並用梓故云二也四者皆周謂四重之棺上下四方



悉周市也唯梓不周下有茵上有抗席故也棺束者古棺木無釘用皮束合之縮二者縮縱也縱束者用二行衡三者橫束者三行衽每束一者衽小要也其形兩頭廣中央小也既不用釘但先鑿棺邊及兩頭合際處作坎形以小要連之令固棺每束之處連以一行之衽若堅束處則堅著其衽以連棺蓋及底之木使與棺頭尾之材相固漢時呼衽爲小要也柏梓者謂爲梓用柏也天子柏諸侯松大夫□士雜木也以端者端猶頭也積柏材作梓並葺材頭也故云以端長六尺者天子梓材每

段長六尺而方一尺天子以下庶人以上鄭注喪大記具之如鄭此言梓材並皆從下壘至上始爲題湊湊嚮也言木之頭相嚮而作四阿也

陳澧曰衽形如今之銀則子兩端大而中小漢時呼爲小要不言何物爲之其亦木乎衣之縫合處曰衽以小要連合棺與蓋之際故亦名衽先鑿木置衽後束以皮每束必用一衽故云衽每束一也

天子之哭諸侯也爵弁經紵衣或曰使有司哭之爲之以樂食

紵本又作縗又作純同側其反

註服士之祭服以哭之明爲變也天子至尊不見尸柩不弔服麻不加於采此言經衍字也時人間有弁經因云之耳周禮王弔諸侯弁經總衰也使

有司哭之非也哀戚之事不可虛不樂食蓋謂殯歛之間

爲于偶反衍以善反

疏略薨在本國天子遙哭之不親見尸柩不服總衰弔而服爵弁紵衣紵衣絲衣也則諸侯以下雖不見尸柩仍弔服也爲之不以樂食此是記者之言非復或人之說也不以樂食者蓋謂殯歛之間鄭以意斷不用樂之期也諸侯五月殯然諸侯爲其臣或至葬不食肉卒哭不舉樂蓋臣少而已卑不得同王

天子之殯也菆塗龍輅以梓加斧于梓上畢塗屋天

子之禮也

菆才官反輅勑倫反

註菆木以周龍輅加梓而塗之天子殯以輅車畫轅爲龍斧謂之黼白黑文也以刺繡於緣幕加梓以覆棺已乃屋其上盡塗之

輅音衰黼音甫刺七亦反繡音消幕音莫

疏略菆叢也謂用木菆棺而四面塗之故云菆塗也龍輅者殯時輅車載柩而畫轅爲龍故云龍輅也以梓者亦題湊菆木象梓之形故云以梓加斧于梓上者斧謂繡覆棺之衣爲斧文也先菆四面爲梓使上與棺齊而上猶開也以棺衣從梓上入覆於棺故云加斧于梓上也畢塗屋者畢盡也斧



覆既竟又四注爲屋覆上而下四面盡塗之也故

云畢塗屋鄭云葢木以周龍輔者謂叢衆木直壘

周龍輔至上乃題湊則諸侯至上不題湊也

唯天子之喪有別姓而哭別彼列反注同

註使諸侯同姓異姓庶姓相從而爲位別於朝觀

來時朝觀爵同同位朝直遙反下同

疏略異姓者鄭注周禮云王昏姻甥舅庶姓者謂

與王無親者此言朝觀爵同同位則不分別同姓

異姓然觀禮諸侯受舍於朝同姓西面異姓東面

鄭注云分別同姓異姓受之將有先後也與此不

檀弓輯註卷上

夏

同者觀禮先公而後侯先侯而後伯是亦爵同同

位位就同姓之中先爵尊耳

魯哀公誄孔丘曰天不遺耆老莫相予位焉嗚呼哀

哉尼父誄力軌反耆巨支反相息亮反注同父音甫

註誄其行以爲謚也莫無也相佐也言孔子死無

佐助我處位者尼父因其字以爲之謚行下孟反

國亡大縣邑公卿大夫士皆厭冠哭於大廟三日君

不舉或曰君舉而哭於后土大縣縣縣之縣厭于葉反注同大音泰

註軍敗失地以喪歸也厭冠今喪冠其服未聞后

土社也

疏略國亡大縣邑者云失也失地爲先祖所哀故

在廟臣入廟三日哭故君亦三日不舉樂也又有

或者言亦舉樂而自於社中哭之社主土故也庚

蔚云舉者謂舉饌引周禮膳夫王日一舉又王齊

日三舉注云殺牲盛饌曰舉案庾蔚及前通合而

爲用也

應氏曰哭於廟者傷祖宗基業之虧損哭於后土者傷土地封疆之廢削也不舉自貶損也曰君舉者

孔子惡野哭者惡鳥路反

註爲其變衆周禮銜枚氏掌禁野叫呼歎呼於國

檀弓輯註卷上

三

中者行歌哭於國中之道者銜音咸枚木杯反呼火故火胡二反

陳澧曰所知吾哭諸野夫子嘗言之矣蓋哭其所知必設位而帷之以成禮此所惡者或郊野之際

道路之間哭非其地又且倉卒行之使人疑駭故惡之也方氏說哭者呼滅子臯曰野哉孔子惡者

未仕者不敢稅人如稅人則以父兄之命

謂以物遺也

註不專家財也稅謂遺于人遺維季反

疏略稅人謂以物遺人也未仕不敢專家財餉人

如稅人謂已仕者也雖得遺人亦當必稱父兄以

將遺之

陳皓曰未仕者身未尊顯故內則不可事家財外則不可私恩惠也或有情義之所不得已而當遺之命而行之

士備入而后朝夕踊

註備猶盡也國君之喪主人哭入則踊

疏略國君喪羣臣則朝夕卽位哭踊嗣君孝子雖先入卽位哭必待諸臣皆入列位畢後乃俱踊士早最後故舉士入爲畢也

陳皓曰國君之喪諸臣有朝夕哭踊之禮哭踊依次居位踊必相視爲節不容有先後也士早其入故舉士入爲畢而後踊焉

祥而縞是月禫徒月樂縞古老反注同禫大感反樂音岳

檀弓註卷上

註縞冠素紕也言禫明月可以用樂紕徒反

疏略祥大祥也縞冠大祥日著之鄭志曰既禫徒月而樂作禮之正也

馬氏曰祥禫之制施於三年之喪則其月同施於期之喪則其月異雜記曰十一月而練十二月而祥十五月而禫此期之喪也父在爲母有所屈三年所以爲極而至於二十五月者其禮不可過以三年之愛而斷於期者其情猶可伸在禫月而樂者聽於人也

君於士有賜亦音

註帝幕之小者所以承塵賜之則張於殯上大夫

以上幕人職共焉共音恭本亦作供

檀弓註卷上

檀弓註卷下

浙汜

陳澧

君之適長殯車三乘公之庶長殯車一乘大夫之適長殯車一乘適丁歷反下及下適室同長殯上丁丈反下式羊反乘繩澹反

註皆下成人也自上而下降殺以兩成人遣車五

乘長殯三乘下殯一乘尊卑以此差之庶子言公

卑遠之傳曰大功之殯中從上皆下尸緣反殺色初注反又初宜反遠于萬反

疏略君者五等諸侯也今此謂諸侯適子在長殯

而死故云君之適長殯也車三乘者遣車也葬柩

檀弓註卷下

朝廟畢將行設遣奠竟取遣奠牲體臂臠折之爲

段用此車載之以遣送亡者故謂之遣車然遣車

之形甚小周禮巾車云大喪飾遣車鄭云使人以

次舉之以如墓也又雜記遣車視牢具置于四隅

鄭云四隅梓中之四隅以此而推故知小也所以

必須遣車者雜記云大饗既饗卷三牲之俎歸于

賓館父母而賓客之所以爲哀也但遣車之數貴

賤不同若生有爵命車馬之賜則死有遣車送之

諸侯七乘大夫五乘此後有明文鄭惟諸侯既七

乘降殺宜兩則國王宜九乘士三乘也今此所明

並是殤未成人未有爵命車馬之賜而得遣車者言其父有之得與子也王九乘若適子成人則應七乘在長殤而死則五乘中殤從上亦五乘下殤三乘也若有國王庶子成人則應五乘長殤中殤三乘下殤一乘也諸侯既自得七乘其適子成人五乘長殤三乘故君之適長殤車三乘也中則從上若下殤則一乘也公之庶長殤車一乘者公亦諸侯也適長殤既三乘庶子若成人乃三乘而長殤則一乘故云車一乘也中殤亦從上若下殤則無大夫之適長殤車一乘者大夫自得五乘適子成人三乘長殤降二故一乘也中殤從上亦一乘若下殤及庶殤並不得也君是對臣之名有地大夫以上皆有君號公則五等之上又同三公之尊今庶子言公就其尊號是卑遠於庶子也此有公君相對故為此解若文無所對嫡亦稱公故喪服云公子嫡子是也又鄭引喪服傳云大功之殤中從上者證此遣車亦中從上也必知然者服是生人所著哀念死者車亦生者所有被及亡人車服雖殊皆緣生者之事故車馬與服同中從上

廣義曰君公一也皆謂五等諸侯也上言君故下變文言公耳鄭氏謂對庶子而稱公卑遠庶子附

公之喪請達官之長杖

已屬曲為之說而孔氏陳氏謂君兼有也大夫而公專言諸侯則與下士大夫句更矛盾矣

註謂君所命雖有官職不達於君則不服斬疏略不達於君謂府史之屬也賤不被命是不達於君也不服斬衰但服齊衰三月耳故喪服齊衰三月章有庶人為國君鄭云不言民而言庶人庶人或有人在官者若近臣閭寺之屬雖無爵命但嗣君服斬則亦服斬故喪服斬衰章云公士大夫之眾臣為其君布帶繩屨傳曰近臣君服斯服但眾臣降其帶屨用布帶繩屨耳

陳澧曰按凡官皆有長貳此以長言則不及貳也方氏曰受命於君者其名達於上故謂之達官若府史而下皆長官自辟除則不可謂之達官朱子曰達官謂得自通於君者如內則公卿宰執與六曹之長九寺五監之長外則監同郡守得自通章奏於君者凡此皆杖次則不杖也君於大夫將葬弔於宮及出命引之三步則止如是者三君退朝亦如之法哀次亦如之句法遙反注同註命引之以義奪孝子官殯官出謂柩已在路退去也三命引之凡移九步君弔不必於官朝喪朝廟也次他日賓客所受大門外舍也孝子至此而哀君或於是弔焉

疏略知此是殯官者以下云朝及衰次以朝及  
出大門衰次之事此文在其前以事前後故知是  
殯官也云出謂柩已在路者對宮中未行今已出  
殯門將往嚮廟謂之在路賀場以在路謂載柩之  
車義亦通鄭嫌退謂逡巡且退故云退去也次他  
日賓客所受大門外舍也者以觀禮諸侯受次舍  
于廟門外明大夫大門外亦有賓次也然主位在  
門東孝子必哀門西賓次者以平生門東待賓客  
無次孝子見門西張次之處而哀故云衰次

檀弓輯註 卷下

四

註謂以義奪  
孝子者未安

五十無車者不越疆而弔人

良反

註氣力始衰

季武子寢疾矯固不說齊衰而入見曰斯道也將亡

矣士唯公門說齊衰

武子曰不亦善乎君子表微

及其喪也曾點倚其門而歌

矯居表反矯固人姓

稅徐又音申銳反下同見賢通反

註季武子魯大夫季孫夙也世為上卿強且專政

國人事之如君矯固能守禮不畏之矯失俗也道

猶禮也時無如之何伴若善之表猶明也倚門而

歌明已不與也點字暫曾參父

矯居表反

疏略武子身既寢疾無奈之何乃佯言若美之汝

之所言不亦善乎所以善者若失禮顯著凡人皆

知若失禮微細唯君子乃能表明之及武子之喪

曾點慕矯固之直乃倚武子之門而歌明已不與

武子故無哀戚

陳澧曰記者蓋善矯固之

存禮讓曾點之廢禮也

長樂陳氏曰矯固哀服問疾示之以凶而欲其死

也曾點以歌臨喪示之以吉而樂其死也子產未

死國人歌之曰子產而死誰其嗣之况欲其死乎

李廣之死知與不知皆為盡哀况樂其死乎季孫

生不為人所愛死不知為人所哀夫人心可知

檀弓輯註 卷下

大夫弔當事而至則辭焉弔於是日不樂婦人不

越疆而弔人行弔之日不飲酒食肉焉弔於葬者必

執引若從柩及壙皆執紼喪公弔之必有拜者雖朋

友州里舍人可也弔曰寡君承事主人曰臨君遇柩

於路必使人弔之大夫之喪庶子不受弔

樂音岳反

註辭猶告也擅者以主人有事告也主人無事則

為大夫出君子哀樂不同日子於是日哭則不歌

婦人不越疆不過於外不飲酒食肉以全哀也執

引執紼示助之以力車曰引棺曰紼從柩贏者拜

者往謝之朋友州里舍人謂無主後承事示亦爲執事來臨謂君辱臨某臣之喪遇柩使人弔之君於民臣有父母之恩大夫庶子不受弔不以賤者爲有爵者主

擯必乃反本又作儻同後放此爲干僞反贏音盈

疏略大夫弔者謂大夫弔士也當事當主人有大小歛殯之事也大夫尊來弔士則孝子應出下堂迎之若正有事而至則孝子遣人辭告之道有事不得出也此出者正謂出之於庭不得出門外以男子之事自堂及門故也若未小歛以前唯君命出故士喪禮云唯君命出鄭註云大夫以下時來

檀弓輯註

卷下

六

弔祔不出始喪哀戚甚在室是小歛以前不爲大夫出也正當小歛之節大夫來弔則辭之以有事歛畢當踊之時延大夫而入絕踊而拜之或大夫正當歛後踊時始來則亦絕踊拜之故雜記云當袒大夫至雖當踊絕踊而拜之註云尊大夫來至則拜之不待事已也若士來弔雖當歛不告以有事事畢踊後引士入然後拜之故雜記云於士既事成踊襲而後拜之是也此云不當事則爲大夫出於士雖不當事則不爲之出不當事爲大夫出謂出迎至庭若大夫退則出送于門外故士喪禮

檀弓輯註

卷下

七

賓出主人拜送于門外鄭註云廟門外也廟門謂殯宮門也云從柩贏者贏餘也從柩者是執引所餘贏長者何東山云天子千人諸侯五百人大夫三百人士五十人贏數外也喪謂諸侯臣之喪公來親弔或遣人來弔喪家雖無主後必有以次疏親而往拜之以謝其恩疏親亦無雖死者朋友及同州同里及喪家典舍之人而往拜之可也己國之臣稱寡君者以其示欲供承喪家之事故謙言寡君此謂大夫之喪也若弔士直稱君故士喪禮君使其弔如何不淑是也適子主喪受弔拜賓若適子或有他故不在則雖庶子不敢受弔明已卑避適也言大夫庶子不受弔則士之庶子得受弔也言不受弔不可以賤者爲有爵者喪主也

長樂陳氏曰婦人見兄弟可以及闔而不可以出闔送迎可以及門而不可以出門弔人不可以出門而不可以越疆許穆夫人歸唁於衛而不可得則越疆而弔人如之何而可嚴陵方氏曰引在前屬之於車以道柩也柩在旁屬之於棺以弔柩也道柩者惟在路用之而已柩者至下棺亦用焉故雖不執引而或從柩及柩亦皆執紼也曲禮曰助葬者必執紼蓋謂是矣陳皓曰贊尚畫宮受弔不如祀梁之妻知禮而此言弔於路何也蓋有爵者之喪當以禮弔此謂臣民之微賤者耳禮不下庶人也言必使人弔者是汎言衆人之喪也

妻之昆弟爲父後者死哭之適室子爲主袒免哭踊

夫入門右使人立於門外告來者狎則入哭父在哭

於妻之室非為父後者哭諸異室

免音問使邑吏反又如字狎戶甲反

註哭之適室以其正也子為主親者主之夫入門

右北面辟正主狎相習知者父在哭於妻室不以

私喪干尊

辟音避下辟難同

疏略此一節論哭無服者之事適室正寢也禮女

子子適人者為昆弟之為父後者不降以其正故

也故姊妹之夫為之哭於適室之中庭也子為主

者子已子也甥服舅總故命已子為主受弔拜賓

也袒免哭踊者冠尊不居肉袒之上必先去冠而

檀弓輯註

卷下

八

加免故凡哭哀則踊踊必先袒袒必先免故袒免

哭踊也夫入門右者夫謂此子之父既哭妻兄弟

者也言夫者據妻之為喪也子既為主位在東階

之下西嚮父入門右近南而北嚮哭也鄭註知此

北面者鄭推子既為主在阼階下西嚮父不為主

若又西嚮便似二主故入門右而北面示辟為主

之處也鄭又所以知父必北面者曾子問云衛靈

公弔季康子魯哀公為主康子立於門右北面辟

主人之位故鄭知此當北面辟主人之位也案奔

喪禮妻之黨哭諸寢此哭於適室及異室者寢是

大名雖適室及妻室異室總皆曰寢

陳語曰此聞妻兄弟之喪而未往弔時禮也父在已之父也為父後妻之父也

有殯聞遠兄弟之喪哭於側室無側室哭於門內之

右同國則往哭之

註哭于側室嫌哭殯無側室近南者為之變位同

國則往哭之喪無外事

近附近

疏略近南者為之變位此哭於門內之右謂庶人

無側室者故內則云庶人無側室者言近南為之

變位以其尋常為主當作阼階東西面今稱門內

之右故知近南為之變位也鄭云近南則猶西面

檀弓輯註

卷下

九

但近南耳必知西面者案士喪禮朝夕哭衆主人

衆兄弟繼婦人南皆西面明此哭兄弟亦西面也

下云同國則往哭之上云聞遠兄弟之喪謂異國

也所以同國則往哭異國則否者以其已有喪殯

不得嚮他國故鄭云喪無外事

陳語曰側室者燕寢之旁室也門內大門之內也上篇言有殯聞遠兄弟之喪雖總必往其亦謂同

國方氏曰遠兄弟謂異國而居者也哭於側室遠殯

官也哭於門內之右不居主位示為之變也凡此

皆不得而往哭故也若同國則往哭

子張死曾子有母之喪齊衰而往哭之或曰齊衰不

以弔曾子曰我弔也與哉

句法與哉用語助字法與音餘

註齊衰不以弔以其無服非之曾子謂於朋友哀

痛甚而往哭之非若凡弔

疏略曾子與子張無服不應往哭故或人非之若

有服者雖總亦往也

陳澧曰以喪母之服而哭朋友之喪喻禮已甚故或人止之而曾子之意則曰我於子張之死豈常禮之平而已哉今詳此意但以友義隆厚不容不往哭之又不可釋服而往但往哭而不行弔禮耳故曰我弔也與哉

謝氏曰諸家以曾子之言為文過夫曾子於子張之死也乃用情於或人之答也乃言情曾子豈文過者哉

檀弓輯註

卷下

十

劉氏曰曾子嘗問三年之喪弔乎夫子曰三年之喪練不羣立不旅行君子禮以飾情三年之喪而弔哭不亦虛乎既聞此矣而又以母喪弔友必不然也凡經中言曾子失禮之事不可盡信

有若之喪悼公弔焉子游擯由左悼音道擯必忍反注同

註悼公魯哀公之子擯相侑喪禮者喪禮廢亡時

人以爲此儀當如詔辭而皆由右相是善子游正

之孝經說曰以身擯侑相息亮反下同詔音照侑音又

疏略此一節論擯相之法在主人曰擯在客曰介

庾蔚云相主人以禮接賓皆謂之擯亦無吉凶鄭

以爲相侑喪禮據此事而言之大宗伯注出接賓曰擯入詔禮曰相云喪禮廢亡時人以爲此儀當

如詔辭而皆由右相是善子游正之者少儀云詔

辭自右鄭云爲君出命也立者尊右案立者尊右

若已傳君之詔辭詔辭爲尊則宜處右若於喪事

則惟賓主居右而已自居左而當時禮廢言相喪

亦如傳君詔辭已自居右子游知禮故推賓居右

已居左也

齊穀王姬之喪魯莊公爲之大功或曰由魯嫁故爲

之服姊妹之服或曰外祖母也故爲之服穀音告又古毒反爲

下及注同

註穀當爲告聲之誤也王姬周女齊襄公之夫人

檀弓輯註

卷下

十一

春秋周女由魯嫁卒服之如內女服姊妹是也天

子爲之無服嫁於王者之後乃服之莊公齊襄公

女弟文姜之子當爲舅之妻非外祖母也外祖母

又小功也王如字徐干兄反

疏略喪服大功章君爲姑姊妹女子子嫁於國君

者著大功之服王姬既比之內女故服大功也云

天子爲之無服者以尊卑不敵故也若嫁於王者

之後天子以賓禮待之則亦大功也

晉獻公之喪秦穆公使人弔公子重耳且曰寡人聞

之亡國恒於斯得國恒於斯雖吾子儼然在憂服之



中喪亦不可久也時亦不可失也孺子其圖之以告  
舅犯舅犯曰孺子其辭焉法章喪人無實仁親以為寶  
父死之謂何又因以為利而天下其孰能說法字之孺  
子其辭焉法章公子重耳對客曰君惠弔亡臣重耳身  
喪父死不得與於哭泣之哀以為君憂父死之謂何  
或敢有他志以辱君義法句稽顙而不拜哭而起起而  
不私子顯以致命於穆公穆公曰仁夫公子重耳法句  
夫稽顙而不拜則未為後也故不成拜哭而起則愛  
父也起而不私則遠利也重直龍反注及下皆同儻  
浪反注及下皆同孺如樹反後同與音預音音息  
桑黨反顯依注音顯呼通反徐苦見反夫音符遠干

檀弓輯註 卷下 三

註獻公殺其世子申生重耳辟難出奔是時在翟  
就弔之亡國得國言在喪代之際勸其反國意欲  
納之喪謂亡失位孺穉也舅犯重耳之舅狐偃也  
字子犯寶謂善道可守者仁親親行仁義欲反國  
求為後是利父死說猶解也不得與於哭泣之哀  
以為君憂謝之他志謂私心使者公子繫也盧氏  
云古者名字相配顯當作鞮難乃旦反翟音迪本  
又作鞮同使色吏  
反繫陟立反後同  
帷殯非古也自敬姜之哭穆伯始也

註穆伯魯大夫季悼子之子公甫靖也敬姜穆伯  
妻文伯歎之母也禮朝夕哭不帷敬昌  
疏略案春秋文十五年公孫敖之喪聲已不視帷  
堂而哭公孫敖亦是穆伯此不云聲已之哭穆伯  
始者聲已是帷堂非帷殯也聲已哭在堂下怨恨  
穆伯不欲見其堂故帷堂敬姜哭於堂上遠嫌不  
欲見夫之殯故帷殯案張逸答陳鏗云敬姜早寡  
晝哭以辟嫌帷殯或亦辟嫌表夫之遠色也  
陳端曰禮朝夕哭殯之時必素開其帷敬姜哭其  
夫穆伯之殯乃以避嫌而不復素帷自此以後人  
皆倣之故記  
者云非古也

檀弓輯註 卷下 三

喪禮哀戚之至也節哀順變也君子念始之者也  
註始猶生也念父母生已不欲傷其性  
陳端曰孝子之哀發於天性之極至豈可止遏聖  
人制禮以節其哀蓋順以變之也言順孝子之哀  
情以漸變而輕減也始猶生也生我者  
父母也毀而滅性是不念生我者也  
復盡愛之道也有禱祠之心焉望反諸幽求諸鬼神  
之道也北面求諸幽之義也禱丁老反一音  
丁報反祠音詞  
註復謂招魂且分禱五祀庶幾其精氣之反鬼神  
處幽闇望其從鬼神所來鄉其所從來也禮復者  
升屋北面鄉本又作嚮  
同許亮反  
陳端曰行禱五祀而不能回其生又為之復是盡  
其愛親之道而禱祠之心猶未忘於復之時也



拜稽顙哀戚之至隱也稽顙隱之甚也

註隱痛也稽顙者觸地無容

陳澧曰就拜與稽顙言之皆為至痛而稽顙則尤其痛之甚者也嚴陵方氏曰孝子哀痛之容有若手之碎足之踊口之哭目之泣鼻之淚固非一類特不若稽顙之為甚

飯用米貝弗忍虛也不以食道用美焉爾飯扶晚反

註尊之也食道養米貝美衰息列反

疏略案喪大記云君沐梁大夫沐稷士沐梁又以

所沐之米以飯之故士喪禮祝淅米于堂又云祝受米奠于貝北主人左扱米實于右是飯用沐米

檀弓輯註

卷下

十四

也則是諸侯用梁大夫用稷士用梁士用梁者謂

天子之士諸侯之士用稻故士喪禮云稻米一豆

實於筐是也以次差之天子當沐黍與是天子飯

用黍也其含案周禮典瑞云大喪共飯玉含玉鄭

註云含玉如璧形而小耳是天子用璧也又飯玉

碎玉以雜米也故云共飯玉雜記云含者執璧將

命是諸侯亦含以璧也卿大夫無文案成十七年

公孫嬰齊夢贈瓊瑰註云食珠玉含象則卿大夫

盖用珠也案士喪禮貝三實于筭註云貝水物古

者以為貨江水出焉筭竹器名是士用貝三依雜

記則大夫當五諸侯七天子九何休註公羊云天

子以珠諸侯以玉大夫以璧士以貝又禮緯稽命

徵天子飯以珠舍以玉諸侯飯以珠舍以璧卿大

夫飯以珠舍以貝此等或是異代禮非周法也

嚴陵方氏曰弗忍虛則無致死之智不仁不以食道則無致生之不智

銘明旌也以死者為不可別已故以其旗識之愛之

斯錄之矣敬之斯盡其道焉耳銘音名旌音精別已彼列反注同本或無

已字非識式至反皇如字

註神明之精不見別形貌不見謂重與奠重與奠如字一本作重與奠與二與並音餘也與音

檀弓輯註

卷下

十五

疏略案士喪禮為銘各以其物又司常云大喪共

銘旌註云王則大常案司常云王建大常諸侯建

旂孤卿建旌大夫士建物則銘旌亦然但以尺寸

易之案士喪禮士長三尺大夫五尺諸侯七尺天

子九尺從遣車之差以喪事略故也若不命之士

則士喪禮云以緇長半幅長一尺經末長終幅長

二尺摠長三尺鄭以下文有重及奠故以此一經

為下張本故云重與奠也

陳澧曰士喪禮銘曰某氏某之柩初置于簷下西階上及為重畢則置於重殯而卒塗始樹於肆坎

東之

李氏曰葬埋謹藏其形也祭祀謹事其神也銘誄繫世謹傳其名也以傳其名故曰錄之事死而至

重主道也殷主綴重焉周主重徹焉綴丁分反又丁衛反聯音連

註始死未作主以重主其神也重既虞而埋之乃後作主春秋傳曰虞主用桑練主用栗綴猶聯也殷人作主而聯其重縣諸廟也去顯考乃埋之周人作主徹重埋之縣音玄

疏略言始死作重猶若吉祭木主之道主者吉祭所以依神在喪重亦所以依神故云重主道也殷人始殯置重于廟庭作虞主訖則綴重縣於新死

檀弓輯註 卷下

七

者所殯之廟周人虞而作主而重則徹去而埋之但殷人綴而不即埋周人即埋不縣於廟為異也案士喪禮云士有重無主而此云重主道者此據天子諸侯有主者言之卿大夫以下無主云重既虞而埋之乃後作主者謂既虞之後乃始埋重埋重之後乃始作主案天子九虞九虞之後乃埋重重與祔相近故公羊云虞主用桑謂虞祭之末也左傳云祔而作主謂用主之初俱是喪主其義不異知縣之廟者周主重徹焉明殷之作主重不徹焉主之與重本為死者入廟重既不徹故知重隨

死者縣於廟云去顯考乃埋之者謂今死者世世

遞遷至為顯考其重恒在死者去離顯考乃埋其

重及主以其既遷無復有廟故顯考謂高祖也其

主之狀范人云正方穿中央達四方天子長尺二

寸諸侯長一尺案既夕禮將葬甸人抗重出自道

道左倚之鄭注云重既虞將埋之是鄭埋重於門

外之道左也若虞主亦埋之於祖廟門外之道左

案異義戴禮及公羊說虞主埋於壁兩楹之間一

說埋之於廟北牖下左氏說虞主所藏無明文鄭

檀弓輯註 卷下

七

倚於道左柩將入於廟則重止於門西虞主與神

相隨之禮亦當然練時既特作栗主則入廟之時

祝奉虞主於道左練祭訖乃出就虞主而埋之如

既虞埋重於道左是鄭既練埋虞主於廟門之道

左也

嚴陵方氏曰重設於始死之時主立於既虞之後則重非主也有主之道爾設雖作主矣猶綴重以懸於廟不忍棄之也周既作主矣重遂徹而埋於土不敢漬之也不忍棄之者所以敬其愛而實於殷人行之不敢漬之者所以敬其敬而文故周人何也始死而未葬則有柩矣有柩而重或曰主以爲重也既有廟矣有廟而必立主是爲主也莫以素器以生者有哀素之心也唯祭祀之禮主人

自盡焉爾豈知神之所饗亦以主人有齊敬之心也

齊側皆反

註哀素言哀痛無飾也凡物無飾曰素哀則以素敬則以飾禮由人心而已

疏略莫謂始死至葬之時祭名以其時無尸奠置於地故謂之奠也虞祭之後及卒哭練祥之祭故云祭祀之禮哀則以素謂葬前敬則以飾謂虞後故士虞禮不用素器也

臨川吳氏曰喪主於祭祭主於敬故喪奠以素器之質而見其哀祭則盡禮之文以寓其敬

辟踊哀之至也有算為之節文也

辟踊亦反

檀弓輯註

卷下

六

註算數也

算桑亂反

疏略撫心為辟跳躍為踊男踊女辟是哀痛之至極也若不裁限恐傷其性故辟踊有算為準節文章每一踊三跳三踊九跳都為一節士含死日三日而殯凡有三踊初死日襲襲而踊明日小斂小斂而踊又明日大斂大斂又踊凡三日為三踊也大夫五踊舍死日四日而殯初死日一踊明日襲又一踊至三日小斂朝一踊至小斂時又一踊至四日大斂朝不踊當大斂時又一踊凡四日為五踊諸侯七踊舍死日六日而殯初死日一明日襲

又一至三日小斂朝一當小斂時又一四日無事

一五日又一至六日朝不踊亦當大斂時又一凡

六日七踊周禮王九踊舍死日八日而殯死日一

明日襲一其間二日為二至五日小斂為二其間

二日又二至八日大斂則其朝不踊也大斂時又

一凡八日九踊故云為之節文也

袒括髮變也愠哀之變也去飾去美也袒括髮去飾

之甚也有所袒有所襲哀之節也

袒括髮去美也袒括髮去飾之甚也有所袒有所襲哀之節也

疏略袒衣括髮者是孝子形貌之變也悲哀愠志

檀弓輯註

卷下

九

者是孝子哀情之變也去其尋常吉時服飾也者是去其華美也孝子去飾雖有多塗袒括髮者就去飾之中最為甚也孝子悲哀理應常袒何以有所袒有所襲時者表明哀之限節哀甚則袒哀輕則襲

弁經葛而葬與神交之道也有敬心焉周人弁而葬

般人哱而葬

哱况甫反

註接神之道不可以純凶天子諸侯變服而葬冠素弁以葛為環經既虞卒哭乃服受服也雜記曰凡弁經其袞修袂踰時衰衰而敬生敬則服有飾

大夫士三月而葬未踰時周弁殷嘒俱象祭冠而素禮同也

衰七雷反侈昌氏反袂彌世反衰所追反

疏略葬時居喪著喪冠麻經身服衰裳是純凶也又尋常弁經以麻為環經今乃去喪冠著素弁又加環經用葛不以麻故云交神之道不可以純凶云天子諸侯變服而葬者以下云有敬心焉以日月踰時故敬心乃生大夫與士三月而葬敬心未生故知天子諸侯也云冠素弁以葛為環經者素謂素帛為弁故鄭注周禮司服云弁如爵弁而素不云麻是用素絹也以葛者以弁經連文故云葛

檀弓輯註

卷下

二十

環經然則要帶猶用麻也云卒哭乃服受服也者以受服者無文故鄭解不定喪服注天子諸侯既虞大夫士卒哭乃受服此云卒哭乃受服是不定喪服以大夫以上卒哭與虞其月不同士虞與卒哭同在一月故解為大夫以上既虞士卒哭受服皇氏云檀弓定本當言既虞與喪服注會云卒哭者誤也引雜記其衰侈袂者證既服弁經其衰亦改案喪服衰袂二尺二寸袂尺二寸則葬時更制其衰袂三尺三寸袂尺八寸是改喪服之衰也能氏皇氏等並為錫衰皇氏又引鄭說稱鄭冲云小

記曰諸侯弔必皮弁錫衰則此弁經之衰亦是弔

服也案喪服改葬尚服總麻今葬服錫衰其義疑也案鄭箴膏肓云人君殯數來日葬數往月大夫

以上殯皆以來日數王制云夏后氏收而祭殷人

嘒而祭周人弁而祭此弁既對嘒故知俱象祭冠

嚴陵方氏曰麻冠麻經居喪之禮也至於葬則以弁易冠以葛易麻者示敬故也子游曰飯於殯下小歛於戶內大歛於阼殯於客位祔於庭葬於墓所以即遠也此至於葬則即遠之至矣故以神道

檀弓輯註

卷下

主

註尊者奪人易也歆歆粥也

易以改反粥之六反後同

疏略親喪三日之後歆粥之時主人亡者之子主

婦亡者之妻室老家之長相此三者並是大夫之家貴者為其歆粥病困之故君必有命食疏飯也

若非三者雖復歆粥致疾病君不命食之以其賤故也其士之主人主婦君不命也喪大記主婦食

疏食謂既殯之後此主婦歆者謂未殯前故問喪云鄰里為之糜粥以飲食之

謝氏曰大夫之家三貴者親喪三日之後君命食之食之者使歆粥也

反哭升堂反諸其所作也主婦入于室反諸其所養

也養徐羊  
尚反

註所作親所行禮之處所養親所饋食之處處反  
疏略謂葬窆訖反哭升於廟所以升堂者反復於  
親所行禮之處行禮者謂平生祭祀冠昏在於堂  
也主婦反哭所以入於室反復於親所饋食供養  
之處此皆謂在廟也故既夕禮主人反哭入升自  
西階東面鄭注云反諸其所作也又云主婦入于  
室注云反諸其所養也下始云遂適殯官故知初  
反哭在廟也下云反哭之弔也亦謂在廟也

禮記曰此堂與室皆謂廟中  
卒室而歸乃反哭於祖廟

檀弓輯註

卷下

三

反哭之弔也哀之至也反而亡焉失之矣於是為甚  
殷既封而弔周反哭而弔孔子曰殷已慤吾從周依封

江音寔彼驗反下同慤本  
又作殼若角反注及後同

註甚哀痛甚封當為窆窆下棺也慤者得哀之始  
未見其甚

疏略知非既封土為墳者以既夕禮實土三主人  
拜鄉人乃反哭周既如此明殷亦然且殷既不為  
墳故知封當為窆廟是親之平生行禮之處今反  
哭於廟思想其親而不見故悲哀為甚墳者非親  
存所在之處今柩暫來至此始有悲哀未是甚極

今弔者於此而來哀情質慤故云慤也

陳澧曰賓之弔者升自西階曰如之何主人拜稽  
顙當此之時亡矣失矣不可復見吾親矣哀痛於  
是為甚也賓弔畢而出主人送于門外遂適殯官  
即先時所殯正寢之堂也故曰殯官就殯所  
弔主人周禮則侯主人反哭而後弔孔子謂般禮  
太質慤者蓋親之在土固為可哀不若求親於  
生居止之所而不得其哀為尤甚也故弔於墓  
嚴陵方氏曰人之始死也則哀其死既葬也則哀  
其亡亡則哀為甚矣故反哭之時有弔禮焉問喪  
曰入門而弗見也上堂而弗見也入室而弗見也  
亡矣慤矣不可復見矣故哭泣辟踊盡哀而止矣  
亡蓋死之別如此

葬於北方北首三代之達禮也之幽之故也二之字  
借相形之妙  
首手又反

檀弓輯註

卷下

三

註北方國北也

疏略上之訓往下之語助言葬於國北及北首者  
鬼神尚幽闇往詣幽冥故也殯時仍南首者孝子  
猶若其生不忍以神待之

既封主人贈而祝宿虞尸

註贈以幣送死者於墳也於主人贈祝先歸

陳澧曰既行至城門公使宰夫贈玄纁束既定則  
用此玄纁贈死者於墓之野此時祝先歸而肅虞  
祭之尸矣宿讀為肅進也虞猶安也葬畢迎特而  
反日中祭之於殯官以安之也男則男子為尸女  
則女子為尸尸之為言主也男則男子為尸女  
所係故立尸而使之著死者之服所以使孝子之  
心主於此也禪祭以前男女異尸異几祭於廟則  
無女尸而几亦同矣少牢禮云某妃配是男女共

既反哭主人與有司視虞牲有司以几筵舍奠於墓左反日中而虞葬日虞弗忍一日離也是日也以虞易奠舍奠音釋注同離力音反下同

註日中將虞省其牲所使奠墓有司來歸乃虞也

舍奠墓左爲父母形體在此禮其神也周禮家人

凡祭墓爲尸葬日虞弗忍其無所歸虞喪祭也

疏略略有司脩虞之有司也几依神也筵坐神席也

席敷陳曰筵舍釋也奠置也墓道嚮南以東爲左

孝子先反脩虞故有司以几筵及祭饌置於墓左

檀弓輯註

卷下

五

禮地神也言以父母形體所在故禮其地神以安之也反日中而虞者反謂所使奠墓左有司歸也

虞者葬日還殯官安神之祭名必用日中者是日時之正也士虞禮云日中而行事注云朝葬日中

而虞君子舉事必用辰正也再虞三虞皆用質明

案周人尚赤大事用日出故朝葬也引周禮家人

凡祭墓爲尸者證葬畢奠墓案周禮家人爲尸謂

祈禱不同者以言凡祭墓凡者非一諸祭皆是

陳澧曰士之禮虞牲特承始死小歛大歛朝夕朔

月朝祖廟遣之類皆喪奠也此日以虞祭代去喪

奠故曰以虞易奠也

嚴陵方氏曰既封而贈則虞祭有期矣故祝先尸而宿虞尸焉主人不親舍奠而使有司代之者從速反而脩虞事故也必待有司反而後虞祭者葬禮畢然後敢成葬反之禮也弗忍一日離其親故不待明日而後虞也

卒哭曰成事是日也以吉祭易喪祭明日祔于祖父

易以讀反徐音亦祔音附

註既虞之後卒哭而祭其辭蓋曰哀薦成事成祭

事也祭以吉爲成卒哭吉祭祭告於其祖之廟

疏略虞與卒哭尊卑不同案雜記士三月而葬是

月而卒哭大夫三月而葬五月而卒哭諸侯五月

而葬七月而卒哭天子七月而葬九月而卒哭又

檀弓輯註

卷下

五

云諸侯七虞大夫五士三謂之虞者鄭注士虞禮

云虞安也所以安神虞皆用柔日柔日陰陰取其

靜最後一虞用剛日剛日陽陽取其動謂動而將

祔廟也雜記云諸侯七虞然則天子九虞也士三

虞卒哭同在二月初虞已葬日而用柔第二虞亦

用柔日假令丁日葬葬日而虞則已日二虞後虞

改用剛則庚日三虞也故鄭注士虞禮云士則庚

日三虞三虞與卒哭相接則壬日卒哭也士虞禮

云明日祔於祖父則祭明日祔也士之三虞用四

日則大夫五虞當八日諸侯七虞當十二日天子

一日而卒哭與

附則不問日

其變而之吉祭也比至於附必於是日也接不忍  
日末有所歸也殷練而附周卒哭而附孔子善殷必止

反利

註末無也日有所用接之虞禮所謂他用剛日也

其祭祀日哀薦曰成事期而神之人情

基期音

疏略上云虞卒哭及附皆據得常正禮此經所云  
謂不得正禮故謂之變以其非常禮也所以有變  
者或時有迫促或事有忌諱未及葬期死而即葬  
者即喪服小記篇云赴葬者赴虞者三月而後卒

九虞當十六日最後一虞與卒哭例同用剛日大  
夫以上卒哭者去虞相校兩月則虞祭既終不得  
與卒哭相接崔氏解既正禮得終其虞後卒哭之  
前剛日雖多不須設祭以正禮成也故此下云不  
忍一日末有所歸也謂不成正禮赴葬赴虞是也  
陳澧曰卒哭曰成事者祭以吉為成卒哭之祭乃  
吉祭故也吉祭卒哭之祭也喪祭虞祭也卒哭在  
虞之後故云以吉祭易喪祭也附之為言附也附  
祭者告其祖父以吉祭也附而告新死者以當入  
此廟也禮云明日以吉祭附明日者卒哭之次日  
也卒哭時告于新主曰哀子某未日附附爾于爾  
皇祖某甫及時則奉新主入祖之廟而并告之曰  
適爾皇祖某甫以附爾孫某甫孫必附祖者昭  
穆之位同所謂以其班也畢事虞主復于寢三年  
喪畢遇四時之吉祭而後奉新主入廟也虞祭間

藍田呂氏曰禮之附祭各以昭穆之班附于其祖

主人未除喪主未遷於新廟故以其主附藏于祖  
廟有祭即而祭之既除喪而後主遷于新廟故謂  
之附左氏傳云君薨而祭之於廟則作主於廟  
於廟周人未葬莫于殯虞則立尸有幾筵卒哭而  
附附始作主既附之祭有練有祥有禭皆特祀其  
主於附之廟至除喪然後主遷新廟以時而祭嘗  
禘焉不立主者其附亦然主遷新廟及禘記所載附  
祭皆是般人練而附則未練以前猶祭于  
寢有未忍遽改之心此孔子所以善般

君臨臣喪以巫祝桃茢執戈惡之也所以異於生也

喪有死之道焉先王之所難言也

荀音列徐音例杜預云黍稷也鄭注

周禮云若吊惡鳥路反

注及下注同難乃旦反

註為有凶邪之氣在側君聞大夫之喪去樂卒事  
而往未襲也其已襲則止巫去桃茢桃鬼所惡茢

哭彼據士禮而言速葬速虞之後卒哭之前其日  
尚賒不可無祭謂之為變其既虞之後變禮而之  
吉祭也之往也既虞往至吉祭其禮如何既虞比  
至於附以來必於是日接謂於是三虞卒哭之間  
剛日而連接其祭謂恒用剛日所以恒用剛日接  
之者孝子不忍使親每一日之間無所歸依  
陳澧曰虞士禮速葬速虞之後卒哭之前其日尚  
賒不可無祭之往也虞往至吉祭其禮如何日虞  
後比至於附遇剛日而連接其祭若丁日葬則已  
日再虞後虞改用剛日則庚日三虞也此後遇剛  
日則祭至附而後止此孝子不忍使其親一日無  
所依歸也孝經曰為之宗廟以鬼享之孔子善般  
於鬼其親也



崔君可婦不祥生人無凶邪言人之死有如鳥獸死之狀鳥獸之死人賤之聖人不明說爲人甚惡之凶邪似嗟反下注同崔音完若大彫反

疏略君謂天子臣喪未襲之前君往臨所則以巫執桃祝執芻又使小臣執戈所以然者惡其凶邪之氣必惡之者所以異於生人也若往臨生者但有執戈無巫祝執桃芻之事聞喪卽往故知未襲云已襲則止巫去桃芻者襲謂死之明日則止巫門外去桃芻祝代巫而入又小臣執戈鄭知然者案喪大記大夫之喪將大歛君往巫止于門外祝

檀弓輯註

卷下

无

先入又士喪禮大歛而往巫止于廟門外祝代之小臣二人執戈先二人後此皆大歛之時小歛及殯更無文明與大歛同此經所云謂天子禮故鄭注士喪禮引檀弓云君臨臣喪以巫祝桃芻執戈以惡之天子禮也諸侯臨臣之喪則使祝代巫執芻居前下天子也是天子未襲之前臨臣之喪巫祝桃芻執戈三者並具諸侯臨臣喪未襲之前巫止祝執芻小臣執戈若既襲之後歛殯以來天子與諸侯同並巫止祝代之無桃芻

靖江劉氏曰君臨臣喪以桃芻先非禮也周之末造也君臣之義非虛也寄社稷寄宗廟寄人民焉

爾故君有慶臣亦有慶君有戚臣亦有戚臣疾君而棄生而厚死而薄生而愛死而惡生而用死也施之於人者不變於存亡然後人之視其亡猶存矣則夫桃芻胡爲乎諸臣之廟哉或曰於死有之宜若禮然曰否是固周末之記也

喪之朝也順死者之孝心也其哀離其室也故至於祖考之廟而後行殷朝而殯於祖周朝而遂葬朝直注及下皆同

註朝謂遷柩於廟

疏略爲人子之禮出必告反必面今以車載柩而朝是順死者之孝心也然朝廟之禮每廟皆朝故

既夕禮云其二廟則饌於禰廟下云降柩如初適檀弓輯註

檀弓輯註

卷下

无

祖則天子諸侯以下每廟皆一日至遠祖之廟當日朝畢則爲祖祭至明日設遣奠而行殷人尚質敬鬼神而遠之死則爲神故云朝而殯於祖廟周則尚文親雖亡歿故猶若存在不忍便以神事之故殯於路寢及朝廟遂葬

陳結曰將葬而奉柩以朝祖順死者之孝心然求之死者之心亦必自哀其遠離寢處之居而永棄泉壤之下亦欲至祖考之廟而訣別也

孔子謂爲明器者知喪道矣備物而不可用也哀哉死者而用生者之器也不殆於用殉乎哉法章其曰明器神明之也法塗車芻靈自古有之明器之道也孔



子謂爲芻靈者善謂爲備者不仁不殆於用人乎哉

章法 殉辭俊反以人從死曰殉幾音祈又音機下同芻初拘反備音舅

註神與人異道則不相傷殆幾也殺人以衛死者曰殉用其器者漸幾於用人神明死者異於生人芻靈束茅爲人馬謂之靈者神之類言與明器同備偶人也有面目機發有似於生人孔子善古而非周

疏略孔子謂夏家爲明器者知死喪之道焉又言殷代之非故云可哀哉既言殷代之事將言周代用偶人爲非禮故先言明器芻靈後論偶人之事

檀弓輯註

卷下

三

記者既錄孔子之言又說孔子臧否古今得失以其語更端故重言孔子前言用殉殉是已死之人形貌不動與器物相似故言用殉此云用人者謂用生人入壙今備者形貌發動有類生人故云用人造作形體偶類人形故史記有土偶人木偶人皇氏云機識發動踴躍故謂之備也

謝氏曰後世明器改而用生者之器芻靈改而用木偶之人故流而至於用生人殉死者之葬孔子推其漸而哀之

穆公問於子思曰爲舊君反服古與字子思曰古之君子進人以禮退人以禮故有舊君反服之禮也今

之君子進人若將加諸膝退人若將隊諸淵毋爲戎首不亦善乎又何反服之禮之有

堅直 跪反

句法 爲于偶反膝音悉隊本又作

註仕焉而已者穆公魯哀公之曾孫言放逐之臣不服舊君也爲兵主來攻伐曰戎首

疏略凡舊君若年老致仕退歸在國不仕者身爲之服齊衰三月并各服其母妻若三諫不從待放已去而絕者唯妻與長子服之已則無服若待放未去爵位未絕身及妻子皆爲之服

悼公之喪季昭子問於孟敬子曰爲君何食敬子曰

檀弓輯註

卷下

三

食粥天下之達禮也吾三臣者之不能居公室也四方莫不聞矣勉而爲瘠則吾能毋乃使人疑夫不以情居瘠者乎哉

長句 我則食食瘠徐在益反夫音扶食食上如字下音嗣

註悼公魯哀公之子昭子康子之曾孫名強敬子

武伯之子名捷言鄰國皆知吾等不能居公室以

臣禮事君也三臣仲孫叔孫季孫氏存時不盡忠

喪又不盡禮非也孔子曰喪事不敢不勉

捷在接反

應氏曰季子之問有君子補過之心而孟氏之對可謂小人之無忌憚者矣

衛司徒敬子死子夏弔焉主人未小斂經而生子游弔焉主人既小斂子游出經反哭子夏曰聞之也與

四字三

字助語曰聞諸夫子主人未改服則不經

註司徒官氏公子許之後皆以朋友之禮往而二人異

疏略凡弔者主人成服則客乃服弔經今主人始小歛未成服而已便著經往隨主人變如五服親矣至小歛出經反哭與子游前楊襄弔朋友同前子游云帶經此不云帶知是朋友者凡弔則應弁經環經之屬此雖不云帶凡單云經則知有帶猶如喪服云直經檀弓爲師二三子皆經而出及朋友羣居則經皆是包帶之文

檀弓輯註

卷下

三

陳端曰司徒以官爲氏也主人未小歛則未改服故弔者不經子夏經而往弔非也其時子游亦弔俟其小歛後改服乃出而加經反哭之則中於禮矣

曾子曰晏子可謂知禮也已恭敬之有焉有若曰晏子一狐裘三十年遣車一乘及墓而反國君七個遣車七乘大夫五个遣車五乘晏子焉知禮曾子曰國無道君子耻盈禮焉國奢則示之以儉國儉則示之以禮

遣奔戰反乘繩證反

註言禮者敬而已矣言其太儉偏下非之及墓而反言其既窆則歸不留賓客有事也人臣賜車馬者乃得有遣車遣車之差大夫五諸侯七則天子

九諸侯不以命數喪數略也个謂所包遺奠牲體之數也雜記曰遣車視牢具時齊方奢矯之是也大音泰或他佐反偏音

通本或作通包伯交反

疏略狐裘貴在輕新而晏子一狐裘三十年是儉不知禮遣車一乘者其父晏桓子是大夫大夫遣車五乘其葬父唯用一乘又是儉失禮也及墓而反者禮窆後孝子贈幣辭親辭親畢而親情賓客應是送別別竟乃反於時晏子窆竟則反賓客並去又是儉失禮也經唯云及墓而反鄭知不以及墓而反而云既窆則歸者晏子雖爲儉約不應極

檀弓輯註

卷下

三

未入壙則歸故云既窆也云不留賓客有事也者案既夕禮乃窆主人哭踊無算襲贈用制幣玄纁束拜稽顙踊如初卒袒拜賓主婦亦拜賓賓出則拜送藏器於旁加見藏苞簪於旁加抗席覆之加抗木實土三主人拜鄉人乃反哭今晏子既窆贈幣拜稽顙踊訖則還不復拜賓及送賓之事故云不留賓客有事也云人臣賜車馬者乃得有遣車案士喪禮無遣車諸侯之士一命曲禮云三賜不及車馬故諸侯之士無遣車也若諸侯大夫雖未三命以其位尊故得有遣車云諸侯不以命數喪

數略也者案大行人上公九乘侯伯七乘子男五乘今總云七乘是不以命數喪事略也引雜記云遣車視牢具者以證經个與遣車數同故云个是牢具也故雜記注云天子大牢包九个諸侯亦大牢包七个大牢亦大牢包五个士少牢包三个案既夕禮苞牲取下體鄭注前脰折取臂臠後脰折取胾是一牲取三體士少牢二牲則六體也分爲三个一个有二體然大夫以上皆用大牢牲有三體凡九體大夫九體分爲十五段三段爲一包凡爲五包諸侯分爲二十一段凡七包天子分爲二十一段凡九包蓋尊者所取三體其肉多卑者雖取三體其肉少此遺奠所包皆用左胖以其喪禮反吉士虞禮載左胖也

陳澧曰狐裘三十年餘於已也遣車一乘餘其親也禮定後有拜賓送賓等禮晏子寔訖即還餘於賓也曾子主權有子主經是以二端之論不合謝氏曰晏子餘於已可也餘於其親不可也曾子以晏子恭敬爲知禮則是以晏子之餘爲知禮則非宜乎爲有若之所難

國昭子之母死問於子張曰葬及墓男子婦人安位子張曰司徒敬子之喪夫子相男子西鄉婦人東鄉曰噫母曰我喪也斯沾爾專之賓爲賓焉主爲主焉

婦人從男子皆西鄉音無斯音賜沾依注音覲勑廉反相息亮反下注同鄉許亮反下皆同意本又作意同于其反母

註國昭子齊大夫夾羨道爲位夫子孔子也噫不寤之聲母禁止之辭斯盡也沾讀曰覲覲視也國昭子自謂齊之大家有事人盡視之欲人觀之法其所爲專猶同也時子張相婦人從男皆西鄉非也夾古洽反一音類羨徐音賤音義隱云羨車道

疏略專同也爾當同此婦人與男子一處若婦女之賓爲賓位焉與男子之賓同處婦女之主爲主位焉與男子之主同處於是昭子家婦人從男子

皆西鄉同在主位賓之男子及賓之婦人皆西廂東鄉言非也

陳澧曰主人家男子皆西鄉婦人皆東鄉而男賓在衆主人之南女賓在衆婦之南禮也此記禮之變

嚴陵方氏曰自始死以至於葬男子則西鄉而位乎東婦人則東鄉而位乎西凡以辨陰陽之義而巳國昭子徒爲賓主之辨曾無男女之別則其失禮也不亦甚乎謝氏曰斯此也沾爾者沾沾然之類率爾而專輒爲之也國昭子不聽子張東鄉西鄉之說而自主謂我之喪而率然自專之

穆伯之喪敬姜晝哭文伯之喪晝夜哭孔子曰知禮矣

註喪夫不夜哭嫌思情性也

文伯之喪敬姜據其牀而不哭曰昔者吾有斯子也  
吾以將爲賢人也吾未嘗以就公室今及其死也朋  
友諸臣未有出涕者而內人皆行哭失聲斯子也  
必多曠於禮矣夫

章法夫音扶下同本亦有無夫字者

註蓋見其有才藝未嘗與到公室觀其行也季氏  
魯之宗卿敬姜有會見之禮內人妻妾

行下孟反見賢通反

下文不

疏略案家語云文伯歿卒其妻妾皆行哭失聲敬

姜戒之曰吾聞好外者士死之好內者女死之今

檀弓輯註

卷下

三

吾子早夭吾惡其好內聞也二三婦共祭祀者無

加服孔子聞之曰女智莫若公文氏之婦知禮矣

陳語曰以爲賢人必知禮矣故凡我平日出入公室未嘗與俱而觀其所行蓋信其賢而知禮也至死而覺其曠禮故歎恨之

季康子之母死陳襄衣敬姜曰婦人不飾不敢見舅

姑將有四方之賓來襄衣何爲陳於斯命徹之

章法

註襄衣非上服陳之將以歛言四方之賓嚴於舅

姑敬姜者康子從祖母

從才用反

疏略案世本悼子紀生平子意如意如生栢子斯

斯生康子肥世本又云悼子紀生穆伯靖靖與意

如是親兄弟意如是康子祖穆伯是康子祖之兄  
弟敬姜是穆伯之妻故云康子從祖母也

應氏曰敬姜森然法度之語

有子與子游立見孺子慕者有子謂子游曰予豈不  
知夫喪之踊也予欲去之久矣情在於斯其是也夫  
子游曰禮有微情者有以故與物者有直情而徑行  
者戎狄之道也禮道則不然人喜則斯陶陶斯咏咏  
斯猶猶斯舞舞斯愠愠斯戚戚斯歎歎斯辟辟斯踊  
矣品節斯斯之謂禮人死斯惡之矣無能也斯倍之  
矣是故制絞衾設奠襲爲使人勿惡也始死脯醢之

檀弓輯註

卷下

三

莫將行遣而行之既葬而食之未有見其饗之者也

自上世以來未之有舍也爲使人勿倍也故子之所

刺於禮者亦非禮之訾也

結得薪截去姜呂反徑

猶依注作播音通戚紆連反此喜怒哀樂相對本或於此句上有舞斯愠一句并注皆衍文辟婢亦反無心也惡烏路反倍音佩下同絞戶交反襲音柳襲所甲反食音嗣注同謂虞祭也舍音捨注同皆似斯反

註喪之踊猶孺子之號慕有微情者節哭踊有以

故與物者衰經之制有直情徑行者哭踊無節衣

服無制禮道則不然與戎狄異陶鬱陶也咏謳也

猶當爲搖聲之誤也搖謂身動搖也秦人猶搖聲

相近手舞之愠猶怒也戚憤恚歎吟息辟拊心踊

躍舞踊皆有節乃成禮無能心謂之無所復能絞  
衾尸之飾萋髮棺之牆飾周禮萋作柳將行將葬  
也葬有遣奠食反虞之祭舍猶廢也訾病也號尸  
誦本亦作嘔鳥候反近附近之近憤扶粉反  
志一端反吟本或作咎魚今反復扶又反

疏略有子與子游同立見孺子號慕者有子謂子  
游曰予壹不知夫喪之踊也言我專壹不知夫喪  
之踊也何須有節直似孺子慕者其事足矣予欲  
去此踊節其意久矣斯此也言孝子之情在於此  
小兒直號慕而已其是也夫但如小兒其事即是  
何須爲哭踊之節子游乃對之曰禮有微情者微

檀弓輯註

卷下

哭

殺也言若賢者喪親必致滅性故制使三日而食  
哭踊有數以殺其內情使之俯就也有以故與物  
者興起也物謂衰經也若不肖之屬本無哀情故  
爲衰經使其親服思哀起情企及也引由外來故  
云興物也有直情而徑行者謂直肆已情而徑行  
之或哀或不哀漫無哭踊節制乃是夷狄之道矣  
喜者外竟會心之謂斯語助也陶者鬱陶心初悅  
而未暢之意鬱陶情轉暢故口歌咏之也咏歌不  
足漸至自搖動身體乃至起舞足蹈手揚樂之極  
也愠者外竟違心之謂凡喜怒哀樂相生若

檀弓輯註

卷下

哭

舞而無節形疲厭倦事與心違所以怒生怒生由  
於舞極故云舞斯愠曲禮云樂不可極卽此謂也  
何胤云樂終則愠起相連繫也凡九句首末各四  
正明哀樂相對中央舞斯愠一句是哀樂相生愠  
斯戚者怒來觸心故憤恚起憤恚轉深故因發吟  
息歎息不泄故至撫心撫心不泄乃至跳踊奮擊  
亦哀之極也品節斯斯之謂禮者品階格也節制  
斷也若喜而不節自陶至舞俄頃則愠生若怒而  
不節從戚至踊踊極則笑故夷狄無禮朝殯夕歌  
童兒任情條啼條笑今若品節此二塗使踊舞有  
數有數則久長故云此之謂禮  
李氏曰禮者節文之也有節故有微情者有文故  
有典物者直情則無節徑行則無文故曰或狄之  
道也唯不節故陶不至於咏咏不至於舞舞不至  
于愠愠不至於踊此所以微情唯有文故制殺余  
談萋髮以使弗惡脯醢之莫遺而行之  
葬而食之使人弗倍此所以與物也  
吳侵陳斬祀殺厲師還出竟陳行人儀使於師夫差  
謂太宰嚭曰是夫也多言蓋嘗問焉師必有名人之  
稱斯師也者則謂之何法行人儀曰古之侵伐者不  
斬祀不殺厲不獲二毛今斯師也殺厲與其不謂之  
殺厲之師與法曰反爾地歸爾子則謂之何曰君王  
討敵邑之罪又矜而赦之師與有無名乎句法與乎皆疑辭不

直許之還音旋竟音境大音泰注及下文注大宰  
大師大史大廟大傳皆同音依反使色更反夫音

注祀神位有屋樹者屬疫病吳侵陳以魯哀元年

秋大宰行人官名也夫差吳子光之子盍何不也

嘗猶試也夫差脩舊怨庶幾其師有善名獲謂係

虜之二毛髮髮斑白欲微切之故其言似若不審

然正言殺厲重人子謂所獲民臣又微勸之終其

意吳楚僭號稱王疾音役珣伯山反

疏略穀梁傳云苞人民歐牛馬曰侵斬樹木壞官

室曰伐是侵輕而伐重也

檀弓輯註 卷下 罕

都陽洪氏曰按韜乃吳夫差之宰陳遣使者正用

行人則儀乃陳臣也記禮者簡冊差互故更錯其

名當云陳行人儀使於師夫差使太宰嚭門之

乃善忠宣公作春秋詩引斯事亦嘗辨正云

顏丁善居喪始死皇皇字焉如有求而弗得及殯望

望焉如有從而弗及既葬慨焉如不及其反而

息皆愛反慨

註顏丁魯人從隨也慨憊貌憊皮

疏略始死據內心所求殯後據外貌所求故此經

始死求而不得據內心也上檀弓云既殯求而不

得據外貌也殯後云從而不及似有可及之理既

葬慨焉如不及謂不復可及親亡哀悼在心初則

為甚已後漸輕耳

陳澧曰始死形可見也既殯極可見也葬則無所

見矣如有從而弗及似有可及之處也葬後則不

復知有所從矣故但言如不及其反又云而息者

息猶待也蓋葬者往而不反然孝子

於迎精而反之時猶如有所疑也

子張問曰書云高宗三年不言乃謹有諸仲尼曰

胡為其不然也古者天子崩王世子聽於冢宰三年

謹音

註時人君無行三年之喪禮者問有此與怪之也

謹喜說也言乃喜說則民臣望其長久冢宰天官

卿貳王事者三年之喪使之聽朝說音悅

檀弓輯註 卷下 罕

知悼子卒未葬平公飲酒師曠季調侍鼓鐘杜蒧自

外來聞鐘聲曰安在曰在寢杜蒧入寢歷階而升酌

曰曠飲斯又酌曰調飲斯又酌堂上北面坐飲

之降趨而出平公呼而進之曰黃囊者爾心或開予

是以不與爾言爾飲曠何也曰子邠不樂知悼子在

堂斯其為子邠也大矣曠也太師也不以詔法字是以

飲之也法字爾飲調何也曰調也君之喪臣也為一飲

一食忘君之疾是以飲之也法字爾飲何也曰黃也宰

夫也非刀匕是共又敢與知悼法字是以飲之也法字平

公曰寡人亦有過焉酌而飲寡人杜蒧洗而揚解公

謂侍者曰如我死則必毋廢斯爵也至於今既畢獻  
斯揚解謂之杜舉知音智下同李調如字左傳作外  
嬖嬖叔黃苦怪反注則同嬖飲於  
子邪不樂如字賈逵云樂以乙卯日死紂以甲子日  
亡故以爲戒鄭同漢書翼奉說則不然張晏云子刑  
邪邪刑子相刑之日故以爲忌而云夏殷亡日不推  
湯武以興乎爲于爲反必李反共音供與音預  
防音房又扶放反解之或反字林音支又云酒器

註悼子晉大夫荀盈晉昭九年卒與羣臣燕平公  
晉侯彪侍與君飲也燕禮記曰請旅侍臣鼓鐘樂  
作也燕禮賓入門奏肆夏既獻而樂闋獻君亦如  
之安在怪之也杜蕢或作屠蒯在寢燕於寢三酌  
皆罰曩曩也謂始來入時開謂諫爭有所發起紂

檀弓輯註

卷下

望

以甲子死祭以乙卯亡王者謂之疾日不以舉樂  
爲吉事所以自戒懼言大臣喪重於疾日也雜記  
曰君於卿大夫比葬不食肉比卒哭不舉樂詔告  
也大師典奏樂言調食酒食衰嬖也近臣亦當規  
君疾憂防禁放溢酌而飲寡人聞義則服揚解舉  
爵於君也禮揚作勝揚舉也勝送也揚近得之毋  
廢斯爵欲後世以爲戒此爵遂因杜蕢爲名畢獻  
獻賓與君彪彼蚪反闕苦穴反止也屠音徒曩本  
一作鷄同許亮反爭爭閭之爭疾日人  
一反比必利反下同變必計  
反近附近之近下聲相近同

疏略案燕禮記云凡公所酬既拜請旅侍臣謂公

檀弓輯註

卷下

望

既酬臣臣受酬者既拜謝公恩請行旅酬於侍臣  
引之者證師曠李調是侍飲之臣也燕禮記又云  
若以樂納賓則賓及庭奏肆夏賓拜酒主人答拜  
而樂闋是賓入門奏肆夏既獻而樂闋燕禮記又  
云公拜受爵而奏肆夏公卒爵主人升受爵以下  
而樂闋是獻君亦如之經唯云鼓鐘燕禮云若舞  
則勺知非工入升歌下管間歌合樂之後無時奏  
鐘必以爲賓初入門奏肆夏者以鐘師云以鐘鼓  
奏九夏故知聞鐘是初奏肆夏也鄭司農注春秋  
以爲五行子卯自刑今所不用皇氏云非不也案  
燕禮獻君之後行酬之初勝爵者洗象觶升實之  
序進坐奠于薦南是舉爵於君也揚勝義得兩通  
知獻君與賓者杜蕢此事舉爵在燕禮之初賓主  
既入得杜蕢之言不可卽廢唯獻君與賓燕事則  
止

長樂陳氏曰先王制爲喪臣之禮於服則衰經於  
膳則不舉於樂則弛縣以至於與飲往弔莫不盡禮  
是以柳莊之卒衛獻公不釋祭服而往弔叔弓之  
卒隱公不與飲仲遂之卒宣公猶服而往弔叔弓  
非之然則悼子之未葬平公飲酒至於鼓鐘其可  
乎此杜蕢所以升酌而譏之也非杜蕢不能改平  
公之過於世矣又曰三代之季賢者陸沉多矣及不  
善於後世矣又曰三代之季賢者陸沉多矣及不  
得已然後出而見於世故諫諍見於屠羊非書見  
於斷輪守官見於虞人商歌見於飯牛則善諫見



於宰夫不

為過矣

陳駢曰觀檀弓之載事言簡而不疎言詳而無遺雖左氏之富艷敢奮飛於前乎如此章之事左氏云女為君耳將司聽也辰在子卯謂之疾日君徹晏樂學人舍業為疾故也君之卿佐是謂股肱股肱或虧何痛如之女亦聞而樂是不聽也檀弓止十七字而盡之

公叔文子卒其子成請諡於君曰日月有時將葬矣

請所以易其名者法句君曰昔者衛國凶饑歲凶人夫

子為粥與國之餓者是不亦惠乎昔者衛國有難夫

子以其死衛寡人不亦貞乎夫子聽衛國之政脩其

班制以與四鄰交衛國之社稷不辱不亦文乎法章

謂夫子貞惠文子日反注同

檀弓輯註

卷下

四

註文子衛獻公之孫名拔或作發諡者行之迹有

時猶言有數也大夫士三月而葬君靈公也難謂

魯昭公二十年盜殺衛侯之兄縶也時齊豹作亂

公如死鳥班制謂尊卑之差後不言貞惠者文足

以兼之振蒲八反

疏略案謚法愛民好與曰惠外內用情曰貞道德

博聞曰文既有道德則能惠能貞故鄭云後不言

貞惠者文足以兼之先云貞者以其致死衛君事

重上先言惠者據事先後言

石駘仲卒無適子有庶子六人卜所以為後者曰沐

浴佩玉則兆五人者皆沐浴佩玉石祈子曰孰有執

親之喪而沐浴佩玉者乎不沐浴佩玉石祈子兆法句

衛人以龜為有知也駢大來反適

註駘仲衛大夫石碯之族卜後莫適立也沐浴佩

玉則兆言齊絜則得吉兆不沐浴佩玉心正且知

禮備七略反

疏略所以須有卜者春秋左氏之義故昭三十六

年云年鈞以德德鈞以卜王不立愛公卿無私若

公羊隱元年云立適以長不以賢立子以貴不以

長何休云適夫人無子立右勝右勝無子立左勝

檀弓輯註 卷下 望

左勝無子立嫡姪娣嫡姪娣無子立右勝姪娣右

勝姪娣無子立左勝姪娣質家親親先立娣文家

尊尊先立姪嫡子有孫而死質家親親先立弟文

家尊尊先立孫其雙生也質家据見立先生文家

据本意立後生何休作膏肓難左氏云若其以卜

隱桓以禍皆由此作乃曰古制固亦謬矣鄭箴之

云立長以嫡不以賢固立長矣立子以貴不以長

固立貴矣若長均貴均何以別之故須卜

嚴陵方氏曰曲禮曰居喪之禮頭有創則沐身有

傷則浴非有創傷固不可以沐浴矣王藻云凡帶

必有佩玉唯喪否非去喪固不可以佩玉矣親親

之喪而沐浴佩玉是忘孝忘禮也唯石祁子不為



之龜之御兆於祁  
子具有知也哉  
楊慎曰沐浴佩玉凡四用而不厭其復使後人為之則曰五人皆從之石祈子不從如此豈不減省

檀弓輯註 卷下

陳子車死於衛其妻與其家大夫謀以殉葬定而后  
楚毛遂請行君曰先生處勝之門下三年於此矣  
曰三年於此君曰先生處勝之門下三年於此矣  
左右未生齊國之先生又傳魯仲連新垣衍曰吾聞魯仲  
連不能先生齊國之先生又傳魯仲連新垣衍曰吾聞魯仲  
願見魯仲連之先生又傳魯仲連新垣衍曰吾聞魯仲  
中者皆魯仲連之先生又傳魯仲連新垣衍曰吾聞魯仲  
非有求於平原君也洪容齋批云此等重香熱復  
如駿馬下注千丈坡其文勢正爾風行於上而水  
波天下之至文也若以今人減字法律行之則平  
君當云云先生處勝之門下亦久矣而左右無所  
稱述是無所有願留魯仲連當減云吾觀處園城  
中者皆魯仲連之先生又傳魯仲連新垣衍曰吾聞魯仲  
此則不特文字蕭然不足道且尊崇仲連等氣象  
抵拒毛遂及詩辭然稱先生尊崇仲連等氣象  
者孟子口之於味一段若減云耳口鼻之於聲  
色臭味則意味便不為不祥也若以減字法減之  
當云有聖人出必能知麟之非不祥也然必須重  
餘味又如石鼎聯句敘言道士彌明聯句議侯劉  
奇只是兩三句被愈出愈奇二子營度終日卒不能  
篇使當時只說幾句括了則如何形容得二子被  
窘困之狀又如老泉體論云彼為吾君彼為吾父  
彼為吾兄而聖人者必使之拜其君必使之拜其  
父必使之拜其兄若減之云彼為吾君彼為吾父  
人者必使之拜其兄若減之云彼為吾君彼為吾父  
字多為工是知其未知其二也

哭

陳子車死於衛其妻與其家大夫謀以殉葬定而后

陳子亢至以告曰夫子疾莫養於下  
亢曰以殉葬非禮也雖然則彼疾當養者孰若妻與  
宰得已則吾欲已  
為之也法於是弗果用  
註子車齊大夫子亢子車第孔子弟子下地度

檀弓輯註 卷下

諫之不能止以斯言拒之已猶止也果決  
陳結曰疾時不在家家人不得以致其養故云莫  
養於下也於是欲殺人以殉葬定謂已議定所殺  
之人也宰即家大夫也二子謂妻與宰也子亢若  
期其止而  
嚴陵方氏曰以生者而從之於死則傷乎不仁於  
死者而養之以生則傷乎不知非君子之所當為  
也子亢以義拒  
謝氏曰西門豹止嫁河伯事畧類此人能以  
人之痛痒反而切諸身則害人之事息矣  
子路曰傷哉貧也生無以為養死無以為禮也孔子  
曰啜菽飲水盡其歡斯之謂孝歛手足形還葬而無  
槨稱其財斯之謂禮也王云熬豆而食曰啜叔飲力  
檢反還音旋後同稱  
天證反下注之稱同  
註還猶疾也謂不及其日月  
陳澧曰世固有三牲之養而不能歡者亦有厚葬  
以為觀美而不知陷於僭禮之罪者知此則孝與  
禮可得而盡矣又  
何必傷其貧乎  
嚴陵方氏曰孔子變養言孝者主盡其歡言之也  
盡其歡者存乎情故以孝言稱其財者存乎物故

哭

以禮

黃東發曰以其所以養養之至以其所以葬葬之至

衛獻公出奔反於衛及郊將班邑於從者而後入柳

莊曰如皆守社稷則孰執羈勒而從如皆從則孰守

社稷君反其國而有私也毋乃不可乎弗果班章法從

才用反注下同羈音基勒丁歷反

註欲賞從者以懼居者獻公以魯襄十四年出奔

齊二十六年復歸於衛言從守若一勒紉也言有

私則生怨紉陳忍反

疏略知獻公欲懼居者左傳云獻公反國使人責

檀弓輯註

卷下

哭

大叔儀是也

衛有太史曰柳莊寢疾公曰若疾革雖當祭必告法句

公再拜稽首請於尸曰有臣柳莊也者非寡人之臣

社稷之臣也聞之死請往不釋服而往遂以禭之與

之邑裘氏與縣潘氏書而納諸棺曰世世萬子孫法句

毋變也革本又作亟居力反注同禭音遂縣音玄注同清音干反

註革急也請往急弔賢者脫君祭服以禭臣親賢

也所以此禭之者以其不用襲也凡禭以歛與裘

氏潘氏所以厚賢也裘縣潘邑名脫本亦作說又作稅同他活反

疏略案禮君入廟門全為臣請尸得言寡人者是

後人作記者之言案士喪禮君使人禭不云祭服

禭臣今君以祭服禭故云親賢也得祭服禭之

者禮諸侯玄冕祭廟大夫自玄冕而下以其俱是

玄冕故得禭也祭服尊臣卑不敢用君禭衣而襲

之所以不用襲者襲是近尸形體事褻惡故不敢

用君之禭衣也至小歛得用庶禭故士喪禮小歛

凡十有九稱至大歛得用君禭故士喪禮大歛君

禭祭服散衣庶禭凡三十稱云凡禭以歛者謂庶

禭以小歛君禭以大歛也

陳皓曰莊之疾公嘗命其家若當疾亟之時我雖在祭事亦必入告及其死也果當公行事之際遂

檀弓輯註

卷下

哭

不釋祭服而往因釋以禭之又賜之二邑此雖見國君尊賢之意然襄祭事而不終以諸侯之命服

而禭大夫書封邑之券而納諸棺皆非禮矣

謝氏曰當祭而告疾急則失之遽不釋服而往禭則近于褻獻公為之君子不以為非者為其有尊

賢之心也

陳乾昔寢疾屬其兄弟而命其子尊已曰如我死則

必大為我棺使吾二婢子夾吾陳乾昔死其子曰以

殉葬非禮也况又同棺乎弗果殺章法乾音干屬之玉反夾古洽反

註婢子妾也善尊已不陷父於不義

陳皓曰屬如周禮屬民讀法之屬猶合也聚也

長樂陳氏曰君子將死不忘乎利人小人將死不忘乎利已故成子高之寢疾則擇不食之地以自

葬孟僖子之將死則明仲尼之道以教子曾子之  
將死則稱君子之道以教人此不忘乎利人也  
魏顆之病欲以妾為殉陳乾昔之病欲以婢來已  
此不忘乎利已者也乾昔之子終不從其亂命其  
過秦康公遠矣

仲遂卒於垂壬午猶繹萬入去籥仲尼曰非禮也卿  
卒不繹繹音亦去羌呂反

註春秋經在宣八年仲遂魯莊公之子東門襄仲  
先日辛巳有事於太廟而仲遂卒明日而繹非也  
萬千舞也籥籥舞也傳曰去其有聲者廢其無聲  
者

詩記曰萬舞二舞之總名也于舞者武舞之別名  
籥舞者文舞之別名又謂之羽舞鄭氏據公  
檀弓輯註卷下

羊以萬舞為于舞誤也春秋書萬入去籥言文武  
二舞皆入去其有聲者故去籥焉公羊乃以萬舞  
為武舞與籥舞對言之失經意矣若萬舞止為武  
舞則此詩何為獨言萬舞而不及文舞左傳考仲  
子之宮將萬焉婦人之廟亦不應獨用  
武舞也然則萬舞為二舞之總名明矣

季康子之母死公輸若方小歛般請以機封句將從  
之公肩假曰不可夫魯有初公室視豐碑三家視桓  
楹般爾目人之母嘗巧則豈不得句以其母以嘗巧  
者乎則病者乎法噫弗果從  
驗反碑被皮反爾目古  
以字噫  
於其反

註公輸若匠師方小言年尚幼未知禮也歛下棺  
於槨般若之族多技巧者見若掌歛事而年尚幼

請代之而欲嘗其技巧時人服般之巧初謂故事

言視者時僭天子也豐碑斲大木為之形如石碑

於槨前後四角樹之穿中於間為鹿盧下棺以緯

繞天子六緯四碑前後各重鹿盧三家僭諸侯諸

侯下天子也斲之形如大楹耳四植謂之桓諸侯

四緯二碑碑如桓矣大夫二緯二碑士二緯無碑

以已字言誰有強使女者與僭於禮有似作機巧

非也以與已字本同母無也於女寧有病苦與止

之噫不寤之聲按其騎反下同僭子念反後皆同  
龍反下戶嫁反植時力反強其丈反  
女音汝與音餘下苦與同母音無

疏略嘗試也欲以人母試已巧事誰有強偏於女

而為此乎豈不得休已者哉又語之云其無以人

母嘗試已巧則於女病者乎言不得嘗巧豈於女

有病公肩假既告般為此言乃更噫而傷歎於是

衆人遂止凡言視者不正相當比擬之辭也故王

制云天子之三公視公侯卿視伯大夫視子男是

也豐碑斲大木為碑云於槨前後四角樹之者謂

槨前後及兩旁樹之角落相望故云四角非謂正

當槨四角也云穿中於間為鹿盧者謂穿鑿去碑

中之木令使空於此空間著鹿盧鹿盧兩頭各入

碑木云下棺以絳繞者絳卽緋也以緋之一頭繫棺絨以一頭繞鹿盧既訖而人各背碑負緋末頭聽鼓聲以漸卻行而下之云天子六綽四碑者案周禮大喪屬其六引故知天子六綽也云前後各重鹿盧也者以六綽四碑明有一碑兩緋者故知一碑上下重著鹿盧知唯前後碑重鹿盧者以棺之入槨南北豎長前後用力深也案春秋天子有隧以羨道下棺所以用碑者凡天子之葬掘地以爲方壙漢書謂之方中又方中之內先累槨於其方中南畔爲羨道以屨車載柩至壙說而載以龍

檀弓輯註

卷下

五

輅從羨道而入至方中乃屬緋於棺之絨從上而下棺入於槨之中於此之時用碑緋也桓楹不似碑形如大楹耳通而言之亦謂之碑也云四植謂之桓者案說文桓亭郵表也謂亭郵之所而立表木謂之桓卽今之橋旁表柱也諸侯二碑兩柱爲一碑而施鹿盧故云四植謂之桓也又宮室兩楹故雙植謂之桓公肩假唱噫是歎公輪般不曉寤於禮故傷之而爲此聲

吳澄曰嘗猶試也得字絕句自快足爲得有虧歎爲病上二句責般謂爾以人之母試巧則爾工人之心豈不快足而自得而二句問季孫謂以其母以試爾之巧者彼孝子之心其有虧歎而病者矣

二者字下有手字疑或之辭而不實言也陳澧曰一說則豈不得以其母以嘗巧者乎作一句言爾以他人母試巧而廢其常用之禮則亦豈不得自以己母試巧而不用禮乎則於爾心亦有其不所病而不安乎蓋使之反求諸心以已度人而知可也

戰于郎公叔禺人遇負杖入保者息法句曰使法字之雖病也任法字之雖重也君子不能爲謀也士弗能死也不可我則旣言矣與其鄰重汪錡往皆死焉法句魯人欲勿殤重汪錡問於仲尼仲尼曰能執干戈以衛社稷雖欲勿殤也不亦可乎法句弗音遇亦音務作音務不爲音務于音務爲音務反音務下音務注音務同音務重音務依音務注音務童音務下同音務汪音務黃音務反音務路音務無音務絢音務反音務

檀弓輯註

卷下

五

註郎魯近邑也哀十一年齊國書帥師代我是也遇見也見走辟齊師將入保罷倦加其杖頸上兩手掖之休息者保縣邑小城禺人昭公之子春秋傳曰公叔務人使謂時繇役任謂時賦稅君子謂卿大夫也魯政旣惡復無謀臣士又不能死難禺人耻之欲敵齊師踐其言奔敵死齊寇鄰鄰里也重皆當爲童童未冠者之稱姓汪名錡鄰或爲談春秋傳曰童汪錡見其死君事有士行欲以成人之喪治之言魯人者死君事國爲歛葬仲尼曰能執干戈以衛社稷雖欲勿殤也不亦可乎善之音辟

避罷音皮能其卷反頸吉領反按音亦翻本亦作  
搖音遇復扶又反下復射謂不復同難乃旦反冠  
下孟反行

子路去魯謂顏淵曰何以贈我法句曰吾聞之也去國  
則哭於墓而後行反其國不哭展法字墓而入謂子路  
曰何以處我法句子路曰吾聞之過墓則式法字過祀則  
下法字

註贈送無君事主於孝哭哀去也展省視之處猶  
安也居者主於敬

疏略若有君事去國則不得哭墓故上曲禮云已  
受命君言不宿於家是不哭於墓過墓則式過祀  
檀弓輯註 卷下 番

則下曰墓謂他家墳壘祀謂神位有屋樹者居無  
事主於恭敬故或式或下也

陳結曰哭墓哀墓之無主也不忍丘壘之無主則  
必有返國之期故為行者言之墓與祀人所易忽  
也而能加之敬則無往而不用吾敬矣  
敬則無適而不安故為居者言之也  
方氏曰凡物展之則可省而視故省謂之展行故  
曰贈居故曰處哭墓展墓所以存愛行者之禮也  
式墓下祀所以存  
敬居者之禮也

工尹商陽與陳弃疾追吳師及之法句陳弃疾謂工尹  
商陽曰王事也子手弓而可法省字手弓法句子射諸射  
之斃一人法句斃弓又及謂之法句又斃二人每斃一人  
法句 斃其目止其御曰朝不坐燕不與殺三人亦足以

反命矣孔子曰殺人之中又有禮焉章法射食亦  
作弊婢世反下同輟粉  
亮反朝直遙反與音預

註工尹楚官名弃疾楚公子弃疾也以魯昭八年  
帥師滅陳縣之楚人善之因號焉至十二年楚子  
狩於州來使蕩侯潘子司馬鬻鬻尹午陵尹喜圍  
徐以懼吳於時有吳師陳或作陵楚人聲商陽仁  
不忍傷人以王事勸之韜弓不忍復射斃仆也韜  
韜也揜其目不忍視之朝燕於寢大夫坐於上士  
立於下然則商陽與御者皆士也兵車參乘射者  
在左戈盾在右御在中央又有禮焉善之聚音篤  
本亦作

檀弓輯註 卷下

圭

督介蒲北反又音赴韜吐乃反  
乘繩證反盾食允反又音允

疏略楚人呼陳及陵聲相似故云楚人聲朝之與  
燕皆在於寢若路門外正朝則大夫以下皆立若  
其燕朝在於路寢如孔子攝齊升堂又詩傳云不  
脫屣升堂謂之飫明脫屣升堂則坐也是大夫坐  
於上燕亦在寢故燕禮云燕朝服於寢案燕禮獻  
卿大夫及樂作之後西階上獻士士既得獻皆立  
於東階下西面無升堂之文是士立於下射者在  
左戈盾在右御在中央者謂兵車參乘之法其事  
如此若非兵車參乘則尊者在左故曲禮乘君之

乘車不敢曠左知兵車參乘射者在左戈盾在右者案宣十二年左傳云楚許伯御樂伯攝叔爲右於時樂伯主射樂伯云左射以敢是射者在左攝叔云右入壘折馘執俘而還是戈盾勇力在右自然御者在中央此謂凡常戰士也若是元帥則在中央鼓下御者在左戈盾亦在右若天子諸侯親爲將亦居鼓下熊氏以爲雖非元帥上軍下軍之將亦居鼓下

檀弓輯註

卷下

季

陳結曰子手弓而可爲句使之執弓也手弓商陽之弓在手也執弓未也謂之再告之也掩目而不忍視止御而不忍擊有惻隱之心焉商陽自言位卑禮薄如此亦可以稱塞矣孔子謂其有禮以敗敵未決而不忍殺人也

諸侯伐秦曹桓公卒於會諸侯請舍使之襲襄公朝於荆康王卒荆人曰必請襲魯人曰非禮也荆人強之巫先拂柩荆人悔之章法 桓依注音宣舍胡闡反強其丈反下注同拂芳勿反

註魯成十三年曹伯廬卒於師是也廬謚宣言桓聲之誤也請舍以朋友有相啖食之道使之襲非也襲賤者之事朝荆在魯襄二十八年康王楚子昭也楚言荆者州言之欲使襄公衣之欲尊康王

巫祝桃荊君臨臣喪之禮啖徒暫反食音嗣徐音自衣於既反荊音列

疏略公羊傳曰荆者何州名也州不若國國不若氏氏不若人人不若名名不若字字不若子而左

氏無此義荆蓋楚之本號魯莊之世告命皆稱荆至僖元年始稱楚故杜預云荆始改號曰楚

長樂陳氏曰荆人以人臣之事待襄公襄公則以人臣之事臨荆人豈非自尊而卑人者人必卑之

趙王以缶而有鼓瑟之辱亦其類也

滕成公之喪使子叔敬叔弔進書子服惠伯爲介及郊爲懿伯之忌不入惠伯曰政也不可以叔父之私

不將公事遂入介音界注及後同

檀弓輯註

卷下

季

註子叔敬叔魯宣公弟叔肸之曾孫叔弓也進書奉君弔書惠伯慶父玄孫之子名椒介副也郊滕

之近郊也懿伯惠伯之叔父忌怨也敬叔有怨於懿伯難惠伯也春秋傳曰敬叔不入政君命所爲

敬叔於昭穆以懿伯爲叔父惠伯強之乃入肸許乙反

難乃旦反昭常鼂反

疏略叔是其氏子叔者子是男子通稱故以子冠叔也懿伯是惠伯叔父敬叔於先有怨於懿伯今

至滕郊爲有懿伯之怨故畏難惠伯不敢入惠伯知其難已遂開釋之云敬叔有怨於懿伯難惠伯

也者謂敬叔殺懿伯被懿伯家所怨恐惠伯殺已故難惠伯君之教令為政臣之教令為事也云敬叔於昭穆以懿伯為叔父者此後人轉寫鄭注之誤當云敬叔於昭穆以惠伯為叔父檢勘世本敬叔是桓公七世孫惠伯是桓公六世孫則惠伯是敬叔之父六從兄弟則敬叔呼惠伯為叔父敬叔呼懿伯為五從祖

檀弓輯註

卷下

堯

劉氏曰左傳註云思怨也敬叔先有怨於懿伯故不欲入滕以惠伯之言而入傳言叔弓之有禮也此疏云敬叔嘗殺懿伯為其家所怨恐惠伯殺已故不敢先入惠伯知其意而開釋之記惠伯之知禮也二說不同而皆可疑如彼註言禮叔為之違仇怨則當自受命之日辭行以禮之不當及郊而後辭入也如此疏言恐惠伯殺已而難之則魯之遣使而使其仇為之副不恤其相仇以棄命害事亦非善處也且叔弓為正使得仇怨為介而不請易之非計之得也又同使共事而常以仇敵備之而往反於魯滕之路亦難言也使叔果欲報仇則其言雖善安知非誘我耶而遂入又非通論也按左傳云及郊遇懿伯之忌此作為二字雖異而皆先言及郊而後言忌是敬叔從祖適及滕郊而皆忌字只是忌日懿伯是敬叔從祖適及滕郊而皆忌此日故欲緩至次日乃入故惠伯以禮曉之曰公事有公利無私忌乃先入而叔弓亦遂入焉此說固可通然亦未知然否關之可也

哀公使人弔黃尚遇諸道辟於路畫宮而受弔焉句法曾子曰黃尚不如杞梁之妻之知禮也齊莊公襲莒于奪杞梁死焉其妻迎其柩於路而哭之哀莊公使人弔之對曰君之臣不免於罪則將肆諸市朝而妻

妾執法句君之臣免於罪則有先人之敝廬在君無所辱命章法黃若怪反辟音避又婢亦反畫音獲注同于奪徒外反注并允同杞音豈肆殺三日陳尸音四朝直遙反廬力居反

註哀公魯君也畫宮畫地為宮象行弔禮於野非魯襄二十二年齊侯襲莒是也春秋傳曰杞殖華還載甲夜入且于之隧隧奪聲相近或為允梁即殖也肆陳尸也大夫以上於朝士以下於市執拘也無所辱命辭不受也春秋傳曰齊侯弔諸其室殖時職反華胡化反且子餘反上詩掌反拘音俱

檀弓輯註

卷下

堯

周禮掌囚職云凡有爵者奉而適甸師氏以待刑殺天子士宜在朝與諸侯大夫同

孺子贛之喪哀公欲設撥問於有若若有若曰其可也君之三臣猶設之顏柳曰天子龍輅而棹幃諸侯輅而設幃為榆沈故設撥三臣者廢輅而設撥竊禮之不中者也而君何學焉贛吐孫反撥半末反棹音郭沈本又作審同昌審反中丁

註贛魯哀公少子撥可撥引輅車所謂紼猶尚也以臣况子也三臣仲孫叔孫季孫氏輅殯車也畫轅為龍幃覆也殯以棺覆棺上塗之所謂櫨塗龍



輶以椁輶不畫龍以水澆榆白皮之汁有急以播地於引輶車滑止其學非禮也廢去也緋繫於輶三臣於禮去輶今有緋是用輶僭禮也殯禮大夫

敢置西序士掘肆見衽輶効倫反輶大報反輶才九反塗音徒澆古堯反汁

之十反滑于入反去堯呂反下同掘求勿反又求月反又戶忽反肆本又作肆以二反棺坎也見賢而審反衽

疏略顏柳以有若對非其實恐哀公從之以其正禮而言天子之殯則以龍輶謂畫輶車轅為龍載

檀弓輯註

卷下

卒

木於上以幬之不為題湊直橫木覆之亦泥塗其上以其有輶須設榆沈備礙牽引為有榆沈故須設撥撥謂緋也今二臣者依禮廢輶不合用殯今乃設撥用輶是盜竊於禮不中法式而君何得學焉喪大記大夫二綈二碑是大夫有綈綈即緋也既夕禮云大夫以上始有四周謂之輶是大夫有輶也此云三臣於禮去輶用輶僭禮不同者大夫以樞朝廟之時用輶率惟殯時用軼軸不得用輶緋此文據殯時大記及既夕禮謂朝廟及下棺也云大夫敢置西序士掘肆見衽者是喪大記文謂

敢叢其木以鄣三面倚於西序肆謂穿地為坎深淺見其棺蓋上小要之衽言棺上小要之衽出於平地

方氏曰為輶之重也故為榆沈以滑之欲榆沈之散也故設撥以發之無輶則無所用沈無所用沈則無所用撥三臣既知輶之可廢而不知撥之不

悼公之母死哀公為之齊衰有若曰為妾齊衰禮與

法句曰吾得已乎哉魯人以妻我下為妾注為之下皆同弗為服

檀弓輯註

卷下

卒

國人皆名之為我妻重服嬖妾文過非也變必疏略天子諸侯絕旁期於妾無服唯大夫貴妾總季子臯葬其妻犯人之禾申祥以告曰請庚之子臯曰孟氏不以其罪予朋友不以其棄予以吾為邑長於斯也買道而葬後難繼也庚古衡反長丁丈反註季子臯孔子弟子高柴孟氏之邑成宰或氏季犯躐也申祥子張子庚償也孟氏不罪時僭侈朋友不棄言非大故為邑長於斯恃寵虐民非也力疏略高是其正氏今言季子臯故鄭云或氏季以



身處季少故以字爲氏而稱季也猶若子游稱叔氏仲由稱季路皆其例也論語作子羔與此文子臯字不同者古字通用以孟氏不罪於已故鄭云侍寵不肯償禾故云虐民

劉氏曰季子臯此經所記成人爲哀之事觀之賢可知矣此葬妻犯禾亦爲成宰時事有無固不可知然曰孟氏不以是罪予朋友不以是棄予者以犯禾之失小而買道之害大也何也以我爲邑宰尚買道而葬則後必爲例而難乎爲繼者矣此亦遇而過處之一端然出於誠心非文飾之辭也鄭註謂其侍寵虐民而方氏又加以不仁不恕之說則甚矣豈有賢如子臯而有是哉

仕而未有祿者君有餽焉曰獻使焉曰寡君違而君薨弗爲服也餽本又作饋其位反遺也使色吏反

檀弓輯註

卷下

奎

註見在臣位與有祿同也君有饋有饋於君弗爲服以其恩輕也違去也見賢通反

疏略有物饋君及出使他國所稱則並與得祿者同違而君薨弗爲服則異未得祿之臣唯在朝時乃服若放出他邦而故君薨所仕雖敵亦不反服也

長樂陳氏曰賓之而非臣故有饋焉不曰賜而曰獻其將命之使不曰君而曰寡君若子思之仕魯孟之仕齊是也違而君薨弗服則在國而君薨爲之服矣

虞而立尸有几筵卒哭而諱生事畢而鬼事始已既卒哭宰夫執木鐸以命於宮曰舍故而諱新自寢門

至於庫門鐸大各反舍音捨

註諱辟其名謂不復饋食於下室而鬼神祭之已辭也故爲高祖之父當遷者也易說帝乙曰易之帝乙爲成湯書之帝乙六世王天之錫命疏可同名自寢門至于庫門百官所在庫門宮外門明堂位曰庫門天子臯門辟音避

疏略未葬之前殯官雖有脯醢之奠不立几筵其大歛之奠雖在殯官但有席而已亦無几也此席素席葬訖既設虞祭有素几筵筵雖大歛之時已有至於虞祭更立筵與几相配故云有几筵若天

檀弓輯註

卷下

奎

子諸侯則葬前有几下室謂內寢未葬猶生事當以脯醢奠殯又於下室饋設黍稷謝茲云下室之饋器物几杖如平生至朔月月半而殷奠殷奠有黍稷而下室不設也既虞祭遂用祭禮下室遂無事也然不復饋食於下室文承卒哭之下卒哭乃不復饋食於下室高祖之父謂孝子高祖之父於死者高祖也易說帝乙曰易之帝乙爲成湯者鄭引易證六世不諱故卒哭而舍高祖之父也易說者鄭引云易緯也凡鄭云說者皆緯候時禁緯候故轉緯爲說書之帝乙六世王者亦易緯言也湯

名乙其六世孫名祖乙卽是六世王既並爲帝故皆得曰帝乙祖乙是湯六世孫與湯同名是六世得同名云天之錫命疏可同名者此注易緯語也言帝王之名由天所錫則世疏可同故舉六世以爲證也謂天所錫者殷以生日甲乙爲名則生日是天之命曰爲名也白虎通云殷質以生日名子也故殷太甲帝乙武丁既執木鐸以命宮中又出宮從寢門至于庫門百官及宗廟所在之次魯三門故至庫門耳若天子五門則至臯門也故鄭引明堂位云庫門天子臯門

檀弓輯註

卷下

室

陳端曰諱多則難避故使之舍舊諱而諱新死者之名也以其親盡故可不諱庫門自外入之第一門亦曰臯門

二名不偏諱夫子之母名徵在言在不稱徵言徵不稱在

註稱舉也雜記曰妻之諱不舉諸其側

嚴陵方氏曰夫子曰不在顯史而在蕭牆之內若此則言在不稱徵也入曰夏禮吾能言之加不足徵若此則言徵不稱在也

軍有憂則素服哭於庫門之外赴車不載纛纛紼音

本亦作紼紼亮反

註憂謂爲敵所敗也素服者縞冠也兵不戢示當報也以告喪之辭言之謂還告於國纛申衣報弓衣敗必適反

疏略案春秋左氏傳禍福稱告崩薨稱赴今軍敗應稱告而稱赴故云以告喪之辭言之

方氏曰戰勝而還謂之愷則敗謂之憂宜矣素服哭以喪禮處之也必於庫門之外者以近廟也師出受命于祖無功則於祖命

辱矣赴車告赴於國之車長樂陳氏曰兵法曰若不勝取過在已周官大司馬師不功厥而奉主車臣之取過在已也此記素敗於穀素服郊次衛師而哭蓋其遺禮與

有焚其先人之室則三日哭故曰新宮火亦三日哭

檀弓輯註

卷下

室

註謂人燒其宗廟哭者哀精神之有虧傷火人火也新宮火在魯成三年

孔子過泰山側有婦人哭於墓者而哀句法二字夫子式而聽之使子路問之曰子之哭也壹似重有憂

者而曰然昔者吾舅死於虎吾夫又死焉今吾子又死焉夫子曰何爲不去也曰無苛政夫子曰小子識之苛政猛於虎也句法柳子厚捕蛇者說本此一句而衍爲一篇檀弓之文真丹頭哉

重直用反苛音何本亦作荷識志音又如字

註怪其哀甚而猶乃也夫之父曰舅

疏略言子之哭也壹似重疊有憂喪者也壹者決

定之辭然猶如是是重疊有憂也

嚴陵方氏曰虎之害人也機害也所不能制之政之害人也無可制之械焉虎之害人也深宮固門所能逃之政之害人也無可逃之地焉此泰山婦人所以寧遭虎之累傷而不忍舍其政之無苛也揚雄之論酷吏曰虎也虎也

謝氏曰石本舊監本蜀大字本越本注

魯人有周豐也者人名下著也者二字豈不哀公執

摯請見之而曰字又新異又精彩不可法句公曰我其

已夫法句使人問焉曰有虞氏未施信於民而民信之

夏后氏未施敬於民而民敬之何施而得斯於民也

對曰虛墓之間未施哀於民而民哀社稷宗廟之中

檀弓輯註 卷下

奎

未施敬於民而民敬殷人作誓而民始畔周人作會

而民始疑苟無禮義忠信誠慤之心以涖之法長句雖

固結之民其有不解乎章法摯音志夫音符虛本

利又音類解佳

註下賢也摯禽摯也諸侯而用禽摯降尊就卑之

義辭君以尊見卑士禮先生異爵者請見之則辭

已止也重強變賢時公與三桓始有惡懼將不安

言民見悲哀之處則悲哀見莊敬之處則莊敬非

必有使之者墟毀滅無後之地會謂盟也盟誓所

以結衆以信其後外恃衆而信不由中則民畔疑

之孔子曰其身正不令而行其身不正雖令不從

泣臨下戶嫁反強其丈

疏略凡舊居皆曰墟故左傳有華氏之墟有昆吾

之墟故知毀滅無後者以可悲哀故爲無後也左

傳云有事而會不協而盟則盟會別也知此會謂

盟者以云而民始疑司盟云邦國有疑則盟詛之

故以會爲盟也

黃東發曰禹嘗誓師誓非始於殷禹會塗山會非始於周周豐此言慨舉世變耳所謂殷人周人亦

謂不厭

喪不慮居毀不危身喪不慮居爲無廟也毀不危身

檀弓輯註 卷下

奎

爲無後也若直云喪不慮居爲無廟也毀不危身爲

危身二句爲頭然後逐句解其義不惟見上二句爲古語又且文字有層疊有照應爲下篇反

註慮居謂賣舍宅以奉喪危身謂憔悴將滅性

廣義曰慮居陳福氏云不可勉爲厚葬而致有收家之慮似未暢達意慮與錄古字通或錄其舍字

賣

延陵季子適齊於其反也其長子死葬於贏博之間

孔子曰延陵季子吳之習於禮者也往而觀其葬焉

法句其坎深不至於泉其歛以時服既葬而封廣輪揜

坎其高可隱也既封左袒句左袒者且號者三句

曰骨肉歸復於土命也若黃泉則無之也無不之

也而遂行孔子曰延陵季子之於禮也其合矣乎法句

長丁丈反贏音盈深式鳩反廣古曠反揄本又

作掩於檢反隱於乃反注同號戶高反注同

註季子名札魯昭二十七年吳公子札聘於上國

是也季子讓國居延陵因號焉春秋傳謂延陵延

州來贏博齊地今泰山縣是也往弔之不至泉以

生怨死以行時之服不改制節廣輪揄坎其高可

隱示節也輪從也隱據也封可手據謂高四尺所

還圍也號哭且言也命須性也行去也札側八反

檀弓輯註

卷下

亥

疏略坎深不至泉以生時不欲近泉故死亦不至

於泉以生時之意以恕於死者歛以行時之服不

更制造是其節也封墳廣輪揄坎其高可隱又是

有其節制故云示節也云謂高四尺所者言墳之

高可四尺之所以人長八尺低而據之半為四尺

所是不定之辭凡以禮事者左袒若請罪待刑則

右袒今季子長子之喪而左袒者季子達死生之

命云骨肉歸復于土不須哀戚以自寬慰故從吉

禮也左袒訖乃右而圍遶其封兼且號哭而遶墳

三市也命性也言自然之性當歸復于土言歸復

者言人之骨肉由食土物而生今還入土故云歸

復無所不之適上或適於天旁適四方不可更反

再言之者愍傷離訣之意

陳端曰櫛曰廣直曰輪下則僅足以揄坎上則繼

至於可隱皆儉也左袒則以陽之變右還以

陰之歸骨內之歸土陰之降也氣之無不還以

之升也陰陽氣也命者氣之所鍾也季子以骨肉

歸復于土為命者此精氣為物之有盡謂氣則

無不之者此游魂為變之無方也壽夭得於有生

之初不可言此命者氣散於既死之後不可以言

也再言無不之也者感傷離訣之至情而冀其

之隨已以歸之也善之也然為疑辭而不為決辭

蓋季子乃隨時處中之道稱其有無而不盡拘乎

禮者也故夫子不直曰季子之於禮也合矣而必

加其乎二字使人由辭

以得意也讀者詳之

臨川王氏曰先王之制為長子三年服之如此其

重則其哀戚不可不稱是三號而遂行哀不足矣

老莊之徒也

吳澄曰右還其封且號者三八字為句謂圍繞其

封丘以行而且號哭者三記其圍繞之而數非

記其號哭之聲數也荆國王氏以此為哀不足蓋

誤分一句作兩句讀遂誤解且號者三與莊子書

之三號同也況季子於子之喪自初死至葬時甚

促亦經旬日或經半月或經兩旬遲速莫考初死

之時一次哭盡哀又有再哭三哭朝夕哭其哭不

止一次哭惡得以此而議其哀之不足哉荆國天

質偏厚慈愛篤至賢者過之而不合乎中庸其長

檀弓輯註

卷下

充

郊婁考公之喪徐君使容居來弔舍曰寡君使容居

坐舍進侯玉其使容居以含有司曰諸侯之來辱敝

邑者易則易于則于易于難者未之有也

曰容居聞之事君不敢忘其君亦不敢遺其祖

法句昔

法句昔

法句昔

法句昔

法句昔

法句昔

法句昔

法句昔

法句昔

法句昔

法句昔

我先君駒王西討濟於河無所不用斯言也容居魯人也不敢忘其祖注及下同易則易並以鼓反下及

註考公隱公益之曾孫考或爲定弔且含欲親含非也含不使賤者君行則親含大夫歸含耳言侯王者時徐僭稱王自比天子易謂臣禮于謂君禮雜者容居以臣欲行君禮徐自比天子使大夫敵諸侯有司拒之言我祖與今君於諸侯初如是不聞義則服駒王徐先君僭號容居其子孫也濟渡也言西討渡於河廣大其國魯魯鈍也言魯鈍者

檀弓輯註

卷下

七

欲自明不妄

僭子念反拒本又作距

疏略寡君使容居親坐行含進侯玉於邾君此容居致主之音也其使容居以含者此是記人錄語云其使容居奉玉以行含禮邾人有司乃拒之曰諸侯之來屈辱臨益弊邑者若是臣來其禮簡易者則行臣之簡易之禮于謂廣大若君來其禮廣大者則行君之廣大之禮易于雜者謂惡難易而爲廣大實是臣而行君禮是君臣雜亂者未之有也昔我先君駒王西討濟於河言國土廣大從先君駒王以來於諸侯無一處不用此稱王之言也

容居恐邾人謂其虛誕故云魯鈍之人不解虛詐唯知不敢忘其先祖知君行則親含者上云曹桓公卒于會諸侯請含是也言大夫歸含者上雜記諸侯之喪君使人平含贈襚是也易是簡易于者千音近迂迂是廣大之義凡行含禮未歛之前以玉實口士則主人親含大夫以上即使人含若既歛已後至殯葬其有含者親自致璧於柩及殯上則謂之親含若但致命以璧授主人主人受之謂之不親含

石梁王氏曰坐當訓跪

檀弓輯註

卷下

七

子思之母死於衛赴於子思子思哭於廟門人至曰庶氏之母死何爲哭於孔氏之廟乎子思曰吾過矣法句遂哭於他室

註嫁母也姓庶氏門人弟子也嫁母與廟絕族

天子崩三日祝先服五日官長服七日國中男女服三月天下服虞人致百祀之木可以爲棺槨者斬之不至者廢其祀勿其人祝之六反勿粉反徐亡粉反

註祝佐含歛先服官長大夫士國男女庶人天下諸侯之大夫虞人掌山澤之官百祀畿內百縣之祀也以爲棺槨作棺槨也斬伐也畿音

疏略祝大祝商祝也服服杖也是喪服之數故呼杖爲服祝佐含歛先病故先杖也故子亦三日而杖官長服者大夫士也亦服杖也病在祝後故五日國中男女服者謂畿內民及庶人在官者服謂齊衰三月而除之必待七日者天子七日而殯殯後嗣王成服故民得成服也三月天下服者謂諸侯之大夫爲王總衰既葬而除之近者亦不待三月今據遠者爲言耳四條皆云服何以知其或杖服或衰服案喪大記云君之喪三日太子夫人杖五日既殯授大夫世婦杖又喪服四制云三日授子杖五日授大夫杖七日授士杖案喪大記及四制則知今云三日五日是服杖明矣其七日及三月者唯服而已無杖四制云七日授士杖此云五日士杖者崔氏云此據朝廷之士四制是邑宰之士也既殯旬而布材故虞人斬百祀之木可以爲周棺之梓者送之也必取祀木者賀瑒云君者德著幽顯若存則人神均其慶沒則靈祇等其哀傷也

陳澧曰虞人掌山澤之官也天子之棺四重而梓周爲亦奚以多木爲哉畿內百縣之祀其木可用者悉輒而致之無乃太多乎畿內之美材固不乏矣奚獨於祠祀斬之乎廢其祀勿其人又何法之

峻乎禮制若此未詳其說一云必命虞人致木不用命者然後國有常刑虞人非一未必盡命之也黃東發曰天子棺槨木必待遠取諸百祀不至而廢其祀則其人亦忍記者言之過本苟不至而行之罪而廢其祀雖人之罪亦何至於死苟其齊大饑黔敖爲食於路以待餓者而食之有餓者蒙袂輯屨貿貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終不食而死曾子聞之曰微與其嗟也可去其謝也可食作句法 饑居直反字林九衣反本又下奉食同 饑彌世反 饑則立反 饑徐亡救 反又音茂一音牟奉勞勇反與音餘注同註蒙袂不欲見人也輯歛也歛屨力憊不能屨也

貿貿目不明之貌嗟來食雖閔而呼之非敬辭從猶就也微猶無也無與止其狂狷之辭飲力檢反 下同 狷音

疏略狂者進取一槩之善仰法夷齊耿介狷者直申已意不從無禮之爲而餓者有此二性故止之陳澧曰蒙袂以袂蒙面也輯屨輯歛其足言困憊而行寒也貿貿垂頭喪氣之貌嗟來食數閱之而使來食也從就也微與猶言細故末節謂嗟來之言雖不敬然亦非大過故其嗟雖可去而謝焉則矣

黃東發曰曾子之言乃舉世千萬人所同之心也餓夫之操身一死而義存千古作記之人載之使千載而下施小惠者不敢矜傲竊幸苟生之人膺肩諂笑之輩聞其志則心寒股栗知所愧耻豈不

盛

吳澄曰嗟者閱之之辭來者呼之之辭曾子之言君子之中餓者之操賢者之過也

邾婁定公之時有殺其父者有司以告公瞿然失席

曰是寡人之罪也曰寡人嘗學斷斯獄矣臣殺君凡

在官者殺無赦子殺父凡在官者殺無赦殺其人壞

其室洿其官而猶焉蓋君踰月而后舉爵有殺本又

志反下既殺子殺同瞿本又作懼紀具反斷丁亂反殺無殺其之殺如字壞音怪洿音烏豬音誅

註定公獲且也魯文十四年卽位民之無禮教之

罪言諸臣子孫無尊卑皆得殺之其罪無赦壞室

洿官明其大逆不欲人復處之豬都也南方謂都

檀弓輯註

卷下

吉

爲豬踰月舉爵自貶損獲俱縛反且子餘反復扶又反

疏略除子以外皆得殺其弑父之人案孔注尚書

云都謂所聚也此經云洿其官而猶焉謂掘洿其

官使水之聚積焉故云豬都也鄭恐豬不得爲都

故引南方之人謂都爲豬則彭蠡既豬豬是水聚

之名

晉獻文子成室晉大夫發焉張老曰美哉輪焉美哉

與焉歌於斯哭於斯聚國族於斯法章文子曰武也得

歌於斯哭於斯聚國族於斯是全要領以從先大夫

於九京也止而拜稽首君子謂之善頌善禱句法與音

喚本亦作煥與爛言衆多也要一遙反注及下注要君同京音原下同本亦作原字禱丁老反祈也

註文子趙武也作室成晉君獻之謂賀也諸大夫

亦發禮以往美哉心譏其奢也輪輪困言高大奐

言衆多祭祀死喪燕會於此足矣言此者欲防其

後復爲全要領者免於刑誅也晉卿大夫之墓地

在九原京蓋字之誤當爲原善頌謂張老之言善

禱謂文子之言禱求也困起倫反

疏略歌於斯者歌謂祭祀時奏樂也大夫祭無樂

而春秋時或有之哭於斯者居喪哭泣位也聚國

族於斯者燕聚國賓及會宗族也領頸也古者罪

檀弓輯註

卷下

吉

重要斬罪輕頸刑先大夫謂文子父祖以其世爲

大夫故稱父祖爲先大夫也頌者美盛德之形容

禱者求福以自輔也張老因美而譏之故爲善頌

文子聞過卽服而拜故爲善禱也

陳澧曰晉獻舊說謂晉君獻之謂賀也然君有賜於臣豈得言獻疑獻文二字皆趙武謚如貞惠文

子之

吳澄曰從之添爲輪橫之廣爲廣言輪以該廣也與謂室之華麗與煥乎有文章之煥通

方氏曰發謂以禮落成楚子成章華之臺願與諸侯落之蓋發與落皆有始意九京卽九原指其冢

地之廣曰原

仲尼之畜狗死使子貢埋之曰吾聞之也敝帷不棄



爲埋馬也敝蓋不奔爲埋狗也丘也貧無蓋於其封也亦予之席毋使其首陷焉路馬死埋之以帷六反

又許又反貢本亦作簞音同爲于偽反封彼劒反出注

註畜狗馴守封當爲寔陷謂沒於土路馬君所乘者其他狗馬不能以帷蓋馴音巡守如字又手又反

季孫之母死哀公弔焉曾子子貢弔焉闔人爲君在弗內也句法曾子與子貢入於其廐而修字容焉子貢

先入闔人曰鄉者已告矣曾子後入闔人辟之涉內雷卿大夫皆辟位公降一等而揖之君子言之曰肅

飾之道斯其行者遠矣句法闔音昏弗內上如字下音納廢久又反解許亮反

檀弓輯註

卷下

十一

註闔人守門者更莊飾旣不敢止以言下之見兩賢相隨彌益敬也降一等禮之

疏略索喪大記君臨大夫之喪君卽位於序端卿大夫卽位于堂廉楹西北面東上是辟位者蓋少

西逡巡而東面不當北面之位然君在大夫得斯爲二子辟位者卿大夫等見公將降故先辟位或

可此公始入升堂之後卿大夫猶庭中北面辟位者謂辟中庭之位少近東耳弔有常服而得特爲

盡節者謂更服新衣也

陽門之介夫死司城子罕入而哭之哀晉人之謁宋者反報於晉侯句法曰陽門之介夫死而子罕哭之哀而民說殆不可伐也句法孔子聞之曰善哉覘國乎

詩云凡民有喪扶服救之雖微晉而已漢書微將軍同法天下其孰能當之句法罕呼旱反覘勑廉反下

檀弓輯註

卷下

十一

又上音滿下音滿北反本又作匍匐音同當丁郎反

註陽門宋國門名介夫甲衛士宋以武公諱司空爲司城子罕戴公子樂甫術之後樂喜也覘闚視

也善其知微救猶助也微猶非也闚去反疏略引詩邶谷風之篇

長樂陳氏曰吳起晚一人之疽而鄰敵莫抗段熲大面民說其可伺隙抵巇而

伐之哉規者所以知微也魯莊公之喪旣葬而經不入庫門士大夫旣卒哭麻不入

註時子般弒慶父作亂閔公不敢居喪葬已吉服



而反正君臣欲以防遏之微弱之至麻猶經也羣臣畢虞卒哭亦除喪也閔公既吉服不與虞卒哭

般音班弒音試遏於剪反與音預

疏略莊公閔公父也經葛經也諸侯升經葛而葬也魯之庫門天子之臯門也莊公以三十二年薨太子般立十月已未共仲使圉人犖賊子般於黨氏立閔公慶父作亂閔公時年八歲不敢居三年喪既葬竟除凶服於外故經不入庫門也閔公是莊公夫人哀姜之娣叔姜所生魯有三門庫雉路庫門最在外以從外來故經不入庫門大夫既卒

檀弓輯註 卷下

末

哭麻不入上云經不入故云麻猶經也其實上是君身經用葛士大夫是臣故經用麻也云羣臣畢虞卒哭亦除喪也者亦閔公也閔公既葬須卽位正君臣故既葬而除羣臣須行虞卒哭之祭故卒哭乃亦除之云閔公既吉服不與虞卒哭者虞卒哭並是凶事閔公既服吉服故不與也麻不入者亦謂不入庫門謂卒哭已後麻不復入案喪服注卿大夫既虞士卒哭而受服則既虞服葛此卒哭之麻不入者皇氏云時禍亂迫遽君既服吉服故士大夫既虞不服受服至卒哭總除

陳端曰諸侯升經葛而葬葬畢閔公即除凶服於庫門之外而以吉服嗣位故云經不入庫門也士大夫則仍麻經直俟卒哭乃不以麻經入庫門蓋閔公既吉服不與虞與卒哭之祭故羣臣至卒哭而除記禍亂恐追禮所由廢嚴陵方氏曰君以葬為節臣以卒哭為節者君先除而後臣敢除故也然此皆不能三年則失禮之甚矣

孔子之故人曰原壤其母死夫子助之沐椁原壤登木曰父死之日不託於音也歌曰狸首之斑然執女手之卷然夫子為弗聞也者而過之得妙檀弓獨體此妙他文未有也如云無不之也而遂行請見之而過接有力用形神俱妙毫礫亦道也者從者曰子而三字在中連用語語助豈尋常文字可到

檀弓輯註 卷下

末

未可以已乎夫子曰丘聞之親者毋失其為親也故者毋失其為故也句法章法壞如文反狸力知反從才用反以已並音以

註沐治也木椁材也託寄也謂叩木以作音執女手之卷然說人辭也夫子為弗聞也者而過之佯不知材音才佯音羊

疏略叩木作音口為歌曰狸首之斑然者言斲椁材文采似狸之首執女手之卷然者言孔子手執斤斧如女子之手卷卷然而柔弱以此歡說仲尼故注云說人辭也

劉氏曰如猶首之班言本文之華也卷與

拳同如執女手之拳言沐梓之滑賦也  
石林葉氏曰孔子責原壤重於夷侯而略於喪歌  
者夷侯禮之踞也人道不可以不責是以雖痛絕  
之不見過親喪而歌豈止遠禮而已哉孔子聞而  
不問見所以全故舊之恩此夫子之道忠恕者也  
聞者乃所以有全故舊之恩此夫子之道忠恕者也  
方周之末世有夷侯之鼓盆而歌自以為達如莊周  
者友死臨尸而歌自以為達如莊周者蓋將  
以矯世未必出其誠心然不可施之於孔子之門  
此夫子所以有  
時而抑揚與

趙文子與叔譽觀乎九原文子曰死者如可作也吾

誰與歸句法嫌於評論先輩故叔譽曰其陽處父乎

法文子曰行并植法字於晉國不沒其身其知不足稱

也其舅犯乎法文子曰見利不顧其君其仁不足稱

檀弓輯註

卷下

全

也我則隨武子乎句法省文子曰三字恐文利其君

不忘其身謀其身不遺其友晉人謂文子知人此一句在

金鉉也此非一句成折腰矣法文子其中追然如不勝

衣其言訥訥然如不出諸其口法所舉於晉國管庫

之士七十有餘家生不交利死不屬其子焉句法引

之文載晉事尤妙如申生事知悼子卒事秦穆公使

人平重耳事晉獻文子成室事及此節皆妙絕今古

宋人謂春秋戰國之世楚多文人如倚相觀射父屈

原之流然豈知楚之文深雄奔放有霸國之氣晉文

曲中肆隱乃有先王之風譽音預父音甫注同行

舊下孟反皇如字并必正反注同植直吏反又時力

反注同知音智追音退本亦作退勝

音升訥如悅反徐奴劣反屬音燭

註叔譽叔向也晉平公大夫之孫名肸作起也陽

處父襄公之太傅并猶專也謂剛而專已為狐射

姑所殺沒終也植或為特謂久與文公辟難至將

反國無安君之心及河授璧詐請亡要君以利是

也武子士會也食邑於隨范字季見其所善於前

則知其來所舉中身也退柔和貌鄉射記曰弓二

寸以為侯中退或為妥訥訥舒小貌管庫之士府

史以下官長所置也舉之於君以為大夫士也管

鍵也庫物所藏生不交利廉也死不屬其子潔也

向許亮反許乙反傳音賦射音亦又音夜難列

且反要一遙反妥他果反長丁丈反鍵其展反徐

檀弓輯註

卷下

全

疏略并猶專也植謂剛也并者謂并他事以為已

有是專權之事故云并猶專也謂剛而專已者剛

經中植也文五年甯嬴從陽處父及溫而還其妻

問之嬴曰夫子剛儀禮鄉射記曰鄉侯五十弓弓

長六尺謂鄉射大射處五十步一步料二寸以為

侯中則侯中方一丈中謂身也知為大夫士者以

經稱家家是大夫士之總號鍵俗謂鎖須管今謂

鑰匙案文子成室被張老所譏樂奏肆夏從趙文

子始禮記顯其奢僭然無廢德行之善也

叔仲皮學子柳叔仲皮死其妻魯人也衣衰而繆經

叔仲衍以生請總衰而環經曰昔者吾喪姑姊妹亦如斯末吾禁也退使其妻總衰而環經學戶教反注衣作齋音咨繆從注讀曰繆音居蚪反衍以善反注同總衰上音歲下七雷反喪如字末莫曷反

註叔仲皮魯叔孫氏之族學教也子柳仲皮之子衣當為齋壞字也繆當為不繆垂之繆士妻為舅姑之服也言雖魯鈍其於禮勝學告子柳言此非也衍蓋皮之第衍或為皮總衰小功之縷而四升半之衰環經弔服之經時婦人好輕細而多服者衍既不知禮之本子柳亦以為然而請於衍使其妻為舅服之昔者以下衍答子柳也姑姊妹在室

檀弓輯註 卷下

全

齊衰與婦為舅姑同末無也言無禁我欲其言行婦以諸侯之大夫為天子之衰弔服之經服其舅非為舅于偶反下為舅為天子不為兄不為黨同鈍徒困反亦作頓縷力主反奸呼報反疏略叔仲皮教訓其子子柳雖受父教猶不知禮叔仲皮死其妻其子柳之妻是魯鈍婦人雖曰魯鈍猶知為舅姑而身著齊衰而首服繆經也謂紱麻為經叔仲衍是皮之弟子柳之叔既見當時婦人好尚輕細見子柳之妻身著齊衰以告子柳汝妻何以著非禮之服子柳見時皆爾亦以為然以妻非禮遂請於衍欲令其妻身著總衰首服環經

衍答子柳云昔者吾喪姑姊妹亦如斯子柳得衍

言乃退使其妻著總衰而環經齊字壞滅而有衣在云繆讀為不繆垂之繆者讀從喪服傳不繆垂之繆繆謂兩股相交也五服之經皆然唯弔服環經不繆耳云士妻為舅姑之服也者以子柳以叔仲為氏則非庶人又春秋叔仲皮等經傳無文則非卿大夫也故以為士妻其實大夫妻為舅姑亦齊衰知總衰小功之縷而四升半者約喪服傳文云環經弔服之經者約周禮司服首服弁經鄭注云弁經者如爵弁而素加環經又鄭注雜記云環

檀弓輯註 卷下

全

經者一股所謂纏經也纏而不繆是環經不繆也諸侯之大夫為天子之衰據喪服謂總衰弔服之經謂環經

陸氏曰據文子柳乃叔皮之師其妻乃皮之妻妻請以其妻為兄總衰而環經且言其妻嘗為吾姊妹亦服總衰小功之服然禮於夫之姑姊妹有服於夫之兄弟無服仲衍之請非也廣義曰子讀叔仲皮章至學子柳註曰學教也子柳仲皮之子疑何以知學非學而為教至其妻魯人也註曰士妻為舅姑服疏曰其妻其子柳之妻又疑何以知非皮之妻為舅姑服疏曰其妻其子柳之妻之解通之不啻水釋矣第謂皮妻衣衰而繆經衍妻總衰而環經則一嫂一弟婦服制既不應相連比且經曰以告曰請文意又不應相承蓋衍習於時之義而反非其嫂因告於兄之師而請更其服

乃樂者者吾喪始神冰之服如斯而未之禁以質也此其妻與上其妻語相映帶其皆指叔仲皮與

成人有其兄死而不為衰者聞子臯將為成幸遂為

衰成人曰蠶則績而蟹有匡范則冠而蟬有綏兄則

死而子臯為之衰三則字有精神 成本或作鄭音

註蚩兄死者言其衰之不為兄死如蟹有匡蟬有

綏不為蠶之績范之冠也范蜂也蟬也蟬有

喙長在腹下蚩昌之反蟬于達反蟬音

疏略蠶則須匡以貯繭而今無匡蟹背有匡匡自

著蟹則非為蠶設蜂冠無綏而蟬口有綏綏自著

檀弓輯註 卷下 金

蟬非為蜂設亦如成人兄死初不作衰後畏於子

臯方為制服服是畏子臯為之非為兄施亦如蟹

匡蟬綏各不關於蠶蜂也

應氏曰聞伯夷之風者頑夫廉聞下惠之風者薄

夫敦聞子臯之風者悍夫悌故兄弟不為衰而今

有臧驩省樂之效風化之機係於人焉蠶績范冠

之請雖以蘇夫民之為服者不出於誠心亦

以喜子臯之孝行足以感不友不悌之俗也

樂正子春之母死五日而不食曰吾悔之自吾母而

不得吾情吾惡乎用吾情句法章法三句之中連用

註勉強過禮子春曾子弟子惡乎猶於何也強其

疏略吾悔之者悔其不以實情勉強而至五日自  
吾母死而不得吾之實情而矯詐勉強為之更於  
何處用吾之實情乎

謝氏曰禮親喪三日不食子春強勉至五日以非  
真情而悔之不欺也曾子水漿不入於口者七日  
而不懈者非

歲旱穆公召縣子而問然曰天久不雨吾欲暴禋而

奚若法句曰天則不雨而暴人之疾子虐短句毋乃

不可與法句然則吾欲暴巫而奚若法句曰天則不雨而

望之愚婦人於以求之母乃已疏乎法章徙市則奚若

法句曰天子崩巷市七日諸侯薨巷市三日為之徙市

檀弓輯註 卷下 金

不亦可乎章法早音汗縣音懸雨于付反注及下

音是為于僞反不亦可乎可或作善

註然之言焉也凡穆或作繆奚若何如也疋者面

值甚也巫主接神亦親天哀而雨之春秋傳說巫

曰在女曰巫在男曰覲周禮女巫早暎則舞雩徙

市者庶人之喪禮今徙市是憂戚於旱若喪繆音

許亮反覲音覲本又作幾音同 鋼音

固覲胡狄反早暎呼旦反雩音于

疏略引春秋傳者外傳楚語昭王問觀射父絕地

通天之事觀射父對云民之精爽不攜貳者明神

降之在男曰殯在女曰巫然案楚語精爽不攜貳者始得爲巫此經而云愚婦人者據末世之巫非復是精爽不攜貳之巫也居天子諸侯之喪必巷市庶人憂戚無復求覓財利要有急須之物不得不求故於邑里之內而爲巷市

陳澧曰言徙市又言巷市者謂徙交易之物於巷也此庶人爲國之大喪憂戚罷市而日用所須又不可缺故徙市於巷也今早而欲徙市者行喪君之禮以自責也縣子以其求之已而不求諸人故爲可則亦已疏矣

長樂陳氏曰先王之於葬也內則責諸已外則求諸神責諸已則有成湯之事宣王之行求諸神則巫以女巫舞以皇舞祭以雩禮以牲璧責諸已者本也求諸神則以爲文而已穆公不能責諸已又

檀弓輯註

卷下

余

不知求諸神而欲求  
庭與巫豈不惑哉

孔子曰衛人之祔也離之法魯人之祔也合之法善

夫音附下  
同夫音扶

註祔謂合葬也離之有以間其椁中善夫善魯人

也祔葬當合也合音閣下同  
間間廁之間

疏略祔謂合葬也離之謂以一物隔二棺之間於

椁中也所以然者明合葬猶生時男女須隔居處

也魯人則合竝兩棺置椁中無別物隔之言異生

不須復隔詩云穀則異室死則同穴故善魯之祔

也

檀弓輯註卷下終

檀弓輯註二卷浙江巡撫  
採進本

明陳與郊撰與郊字子野海寧人萬曆甲戌進士官至太常寺少卿是書惟解檀弓上下二篇於鄭註全錄於孔疏則刪繁存簡謂之疏畧其陳澧諸家之說則分行附書各畧以已意爲論斷所論如檀弓各篇取首二字不從正義非門徒而達禮之說孔子少孤一條釋其慎也卽如字謂必誠必信曰慎不從鄭氏改慎爲引之訓皆有可取然於喪禮異同反無是正未免舉小而遺大耳

檀弓述註二卷

〔明〕林兆珂撰

北京師範大學圖書館藏明萬曆刻本

附《四庫全書總目·檀弓述註

二卷》提要

檀弓述註序

郭喬泰子登父撰

林孟鳴先生排簡周禮而註  
考工記海蜃樓臺幕霽損  
開矣。無何即撫小戴檀弓演  
繹之殺青。未落人。竦踊越  
檀弓述註 序 一 王子端  
茲養日工乃告成。小子泰受讀  
卒業。逡巡拊心曰。昔楊用脩  
以神聖工巧喻文而喟然於  
檀弓考工之工。又謂檀弓可孤  
行病註之者。未能犁然有當  
于人心。有是哉。先生之註

檀弓也指點丹頭其在斯乎爾  
雅相傳為周子解詩之書訓  
字而不訓意郭子玄南華  
之註解義而不解字劉孝標  
註世說多于意表為義慶  
補亡有不言之妙先生潛精

檀弓述註

序

二

解古大賜玄風於註考以主  
爾雅注檀弓似主孝標蓋考  
之繁檀弓簡考之奧檀弓明  
先生故繭絲於繁者與未而  
於檀弓則游意旁綜之紆  
餘委曲之不可測儻用脩見

之不當解願耶按胡明仲謂  
檀弓曾子門人其文與中庸  
之文有以論語以子思檀弓皆  
纂脩論語之人也夫檀弓即  
走僵左氏何敢雁行子思第  
宋人未表章以前大學中

檀弓述註

序

三

庸並檀弓緄記禮中二程出而  
大中統矣紫陽章句出而大  
中畢矣檀弓始評騰於疊山  
徽先生述往升堂觀與將安  
之手則君直檀弓之二程而  
先生檀弓之元晦也元晦處幽

如燭諸進退取舍之分介然。  
而講論經典商略古今率至  
戊夜不休先生曠世比玉而  
纂述亦如之語曰聖為天口  
賢為聖譯言之立豈不以  
人哉

檀弓述註

序

四

多曆丁未五月穀旦書于東  
山牖窺齋中。

檀弓述註

凡例

一檀弓註於鄭疏於孔楊用脩評其寡不可益多  
不可省為註疏中神聖不其然與然簡奧者可  
會而不可悉明備者可獵而不可窮且歷代諸  
儒互有發明近世名家時有論著采而擷之敢  
云簡金摘翠抑衆射一招招無不中其庶幾乎  
一檀弓所記子白出母帝舜三妃之類猶揭而駁

檀弓述註

凡例

之矧於註解何嫌校讐間有說懸兩端義各攸  
當者如負夏子祖此以為美彼以為規遐丘請  
前此以為異彼以為法彙邑兼收統之鄉其俟  
識者擇焉

一檀弓之文或省而蓄或疊而波或錯而奇或復  
而雋其章法句法字法批點於謝君直者允乎  
脩辭鵠矣而楊用脩叢訓復酌諸家而加評隲  
累味集珍非虛語也今圈點壹依疊山而批評



則叢訓佐之點仍文旁評列文上

一檀弓註疏批評外如王子衡立後之說何子元防墓之疑王伯厚蒼梧之考諸如此類各有意義可備覽觀入之註解為添足列之上方以解頤

一魯論多見而識之又有關文之說闕之者識之也不妄更以備考也檀弓陳太宰嚭使於師夫差謂行人儀云云嚭吳太宰而行人儀則陳使

檀弓述註

凡例

二

臣記禮者誤錯洪景盧一訂誠正千載之訛而楊用脩從其說遂於經文兩易二人之名雖於文義協順似非疑以傳疑也今經文仍舊而註則從洪氏所訂即如廬陵劉美中家古本禮記梁木其壞之下有則吾將安杖五字與家語同亦不敢增入以附識闕之義

檀弓述註

蒲林兆珂孟鳴父纂述

檀弓上

公儀仲子之喪檀弓免焉仲子舍其孫而立其子檀弓曰何居我未之前聞也趨而就子服伯子於門右

曰仲子舍其孫而立其子何也伯子曰仲子亦猶行古之道也昔者文王舍伯邑考而立武王微子舍其

何者只是何也何也則少何居則聞未之前聞是倒字法金孫立子只一何問有文再提說仲子亦猶行古之道也是古文套句法未兩句只三字者幾多言語

孫膺而立衍也夫仲子亦猶行古之道也子游問諸

檀弓述註

卷上

一

孔子孔子曰否立孫

公儀氏仲子字魯之同姓大夫也檀姓弓名魯人之善於禮者免服名即袒免也其制以布一寸從項中而前交於額又卻向後而繞於髻也免本施於五世之親若朋友死於他邦而無主者亦服之檀弓既非仲子五世之親仲子又非死於他邦而無主者乃為之免以其舍適孫立庶子父兄不能正猶無親也故為過禮之免以吊而譏之何居怪

五千斷云立後從  
周何謂也曰族人  
嫡子死立嫡子之  
母弟則人嫡子死  
立嫡孫春秋傳曰  
實家也禮記立嫡  
是也文王立微子  
子立伯也何謂也  
曰文王立微子  
制也微子立嫡  
祖也立孫則謂  
也說孔子從周曰  
後世不可易乎曰  
立嫡所以重宗一  
統消親親而後  
變萬世不易之道

之之辭猶言何故也此時未小斂主人未居阼階  
下猶在西階下受吊弓於西階行機吊而主人未  
覺乃趨向門右就子服伯子而問之也子服氏伯  
子字仲子兄亦魯大夫也猶尚也亦猶擬議未定  
之辭伯邑考文王長子衍微子之弟微仲也伯子  
爲其親隱故設疑詞以答之謂仲子猶行古道而  
以文王微子爲證此其前聞也然文王立武王權  
也微子適子死立其弟殷禮也孔子曰立孫據周  
禮弓述註 卷上 二  
禮按禮子生冢子接以太牢庶子少牢冢子未食  
而見庶子已食而見冠則適子於阼庶子於房外  
死則適子斬庶子期其禮之重輕隆殺如此豈有  
他哉以其傳重與不傳重故也禮曰庶子不祭祖  
不祭禘明其宗也史曰父不祭於支庶之宅此嫡  
庶之分不可不辯也故公儀伯子舍孫立子檀弓  
吊以免司寇惠子舍嫡立庶子游吊以麻衰皆重  
其服以譏之欲辯其嫡庶之分而已

記隱有無隱方心  
只七箇字安頓得  
好有幾多言語

事親有隱而無犯左右就養無方服勤至死致喪三  
年事君有犯而無隱左右就養有方服勤至死方喪  
三年事師無犯無隱左右就養無方服勤至死心喪  
三年  
隱微諫也犯犯顏也父子主恩犯則爲責善而傷  
恩故幾諫而不可犯顏君臣主義隱則是畏威阿  
容而害義故臣救其惡勿欺也而犯之師生處恩  
義之間而師者道之所在諫必不見拒不必犯也  
禮弓述註 卷上 三  
過則當疑問不必隱也就養就近而奉養之方卽  
所謂左右也子之於親不分職守事事皆當理會  
故無方臣之於君則當各盡職守故有方服勤服  
行勤勞之事也至死猶言終身自少至老死而後  
已也致喪極其哀毀之節也方喪比方於親喪以  
義並恩也心喪身無衰麻之服而心有哀戚之情  
所謂若喪父而無服也張氏曰古不制師服師服  
無定體也心喪可也

季武子成寢杜氏之葬在西階之下請合葬焉許之入宮而不敢哭武子曰合葬非古也自周公以來未之有改也吾許其大而不許其細何居命之哭

季武子魯大夫季孫夙也寢正寢也大謂合葬小謂哭夫人之墓何可夷爲寢也旣夷矣亦何可不改葬而又請合也不敢哭者嫌哭於他人之寢也武子言合葬之禮非古法也自周公制禮始有之至今未改我成此寢之時意此墓周公以前不須

檀弓述註  
卷上

四

合葬故夷之也。今既許其合葬而不許其哭，則於義無取。乃命之哭，蓋矯僞以文過也。且寢者所以安其家也，乃處其家於人之冢上，墓者所以安其先也，乃處其先於人之階下，皆不近人情，非禮明矣。方氏曰：周官墓大夫之職，凡爭墓地者聽其獄。訟當是時，豈有夷人之墓以成寢哉？而武子乃有是事，由周官之法壞也。張氏曰：自伯禽至於武子，多歷年，豈容城中有墓？必如殯欲取其柩以歸，合

居音姬

葬也

三上之母死而不喪門人問諸子思曰昔者子之先  
君子喪出母乎曰然子之不使白也喪之何也子思  
曰昔者吾先君子無所失道道隆則從而隆道污則  
從而污伋則安能爲伋也妻者是爲白也母不爲伋  
也妻者是不爲白也母故孔氏之不喪出母自子思  
始也

子上子思之子名白其母子思出妻也禮爲出母  
釋名述註 卷上 五

檀弓述註  
卷上

五

齊衰杖期而爲父後者無服心喪而已伯魚子上  
皆爲父後禮當不服者而伯魚乃期而猶哭夫子  
聞之曰甚而後除之此賢者之過也子思不欲白  
喪出母正欲用禮耳門人以先君子之事爲問則  
子思難乎爲言故以聖人無所失道爲對謂聖人  
之聽伯魚喪出母者以道揆禮而爲之隆殺也我  
則安能爲是哉但爲我妻則白當爲母服今旣不  
爲我妻則白爲父後而不當服矣子思欲守常禮

何子元云朱子答何叔京書謂出母有服爲是僕禮都說爲父後者則無服此輩知敬宗家無二主之意先生制作精微不苟蓋如此子上若是子思嫡長自合用此禮而子思却不如此說此則可疑竊意禮弓所謂必有失其傳者又參林擇之書云喪服傳

出母之服期但為  
父後者無服其子  
思此意不可曉  
汚隆之說亦似無  
義與

而不欲使如伯魚之加隆也。吳氏曰伯魚父在故  
得為出母服。子思雖是父與祖俱沒然亦得為嫁  
母服者。支子不主祭故也。子上雖有父在而不得  
為出母服者。蓋子思兄死時子思使其子接續伯  
父主祭。既主尊者之祭則不敢服私親也。此禮昔  
所未有。子思以義起之。周末記禮者不悟故以不  
喪出母。自子思始貶之。而後之注禮者馬氏則謂  
子思不使白喪出母既薄矣。又從而為之辭。而葉

檀弓述註

卷上

六

氏陳氏方氏皆有貶辭甚矣。其不知言也。或曰子  
思不自代兄主祭。而使其子繼之。何也。曰以己代  
兄無尊者命是自奪宗也。以子繼伯父則有父命  
非奪宗者也。曰何以知子思之有兄。曰子思哭嫂  
則有兄明矣。黃氏曰此章斷出漢儒附會之文。意  
當時欲明不喪出母之禮而無其事故借聖人之  
家以明之。而不知自陷於無根之罪也。聖人禮義  
之宗。閨門有家之本。豈有不慎於始而三世出妻

之理乎。按孔子年十九娶宋弁官氏。明年生子適  
魯昭公。賜之二鯉。孔子榮君之賜。因以名子。而字  
之曰伯魚。至六十六而夫人弁官氏卒。傳記之可  
考者昭然如此。豈有出妻之事乎。  
孔子曰拜而后稽顙。顙乎其順也。稽顙而后拜。頌乎  
其至也。三年之喪。吾從其至者。

檀弓述註

卷上

七

拜者開兩手而先以手叩地。却交手如常也。鄭氏  
曰頌順也。先拜賓順於事也。此殷之喪拜頌至也。  
先觸地無容哀之至此。周之喪拜重者尚哀戚自  
期如殷。可陳氏曰拜而后稽顙先致敬也。稽顙而  
后拜先致哀也。天下不知稽顙之為重。是猶不知  
拜下之為禮拜上之為泰。故孔子救拜之弊則曰  
吾從其至。救泰之弊則曰吾從下也。  
孔子既得合葬於防。曰吾聞之古也。墓而不墳。今丘

頌音容  
音

只是問行四之  
人下東南西北四  
字便奇異

三字法首文

何子元云防墓之  
廟雖其親之聖人  
之遠其親所以致  
謹於禮而不敢而  
為久遠之慮其始  
所不至豈有始葬  
才封而過山遂崩  
者耶孔子之墓也  
而云云也其時自  
廟自葬其時葬  
門人乎人情於此  
有不但已者墓  
其如何勿謂古不  
脩墓之云以古人  
九百其不尚也其  
為墓之元以堅無  
後事脩焉耳是有  
孔子終親之禮而  
不能堅其墓者耶

也。東西南北之人也。不可以弗識也。於是封之崇四尺。孔子先反門人後雨。甚至孔子問焉曰。爾來何遲也。曰。防墓崩。孔子不應。三。孔子泣然流涕曰。吾聞之。古不脩墓。

泣明  
大反

孔子父墓在防。故奉母以合葬。言既得者。少孤不知其墓也。墓謂兆域。封土為壟。曰墳。古謂殷時。東西南北之人。言其官遊無定居也。封土以識之。一則恐人不知而誤犯。一則恐已或忘而難尋也。封

禮弓述註

卷上

八

之周禮也。高三尺。蓋周之士制。兩墓而墓崩。門人脩築而後反。故遲。孔子流涕者。自傷其不能謹之於封築之時。以致崩圯。且言古人所以不脩墓者。敬謹之至。無事於脩也。方希古曰。取乎古而師之者。以其合乎人情。當乎理也。父母之棺。饒然暴於防而不脩。何取于古也。信如其言。安足以為聖。其誣孔子甚矣。謂殯於五父之衢亦然。

孔子哭子路於中庭。有人弔者。而夫子拜之。既哭進。

進便者句六年省  
文多未句省多  
辭就而修

使者而問。故使者曰。醢之矣。遂命覆醢。

左傳哀十五年。衛孔圉取太子蒯聵之姊生慄。故蒯聵潛入孔慄之家。與伯姬迫孔慄於廁。強盟之。遂劫以登臺。子路入逐之。至臺下。且曰。太子無勇。若燔臺。半必舍孔叔。太子聞之。懼下石乞孟。釐敵子路以戈擊之。斷纓。子路曰。君子死冠不免。結纓而死。然未嘗有醢之之文。此不知其何所據也。陳氏曰。哭於中庭。視之猶子也。有人弔焉。而夫子拜

禮弓述註

卷上

九

之自視猶父也。遂命覆醢者。非特不忍食之。又不忍見之也。

曾子曰。朋友之墓。有宿草而不哭焉。

宿草。謂陳根也。於師心喪三年。於朋友期可。

只凡附於身者  
字也幾多第勿  
有悔句二字說而

子思曰。喪三日而殯。凡附於身者。必誠必信。勿之有。悔焉耳矣。三月而葬。凡附於棺者。必誠必信。勿之有。

悔焉耳矣。喪三年以為極。亡則弗之忘矣。故君子有終身之憂。而無一朝之患。故忌日不樂。

三日而殯三月而葬大夫士禮也棺中物少三日之期量度棺外物多三月之餘思付見宜慎也附於身者襲斂衣衾之具附於棺者明器用器之屬及卜其宅兆丘封壤樹之事也誠謂心實愜滿信謂物實周緻之猶至也悔謂有遺憾也喪莫重於三年既喪曰凶黃氏曰不可過者先王之禮故喪三年以爲極可自盡者人子之心故雖葬於心終不忘也惟弗忘則事亡如存而有終身之憂惟誠信則冢宅堅固而無一朝崩毀之患此君子之孝也孔氏曰君子終竟已身恒惓念親此則是不忘之事雖終身念親而不得使一朝之間有滅性禍患故惟忌日不爲樂事他日則可防其滅性故也所以不滅性者父母生已欲其存寧若滅性傷親之志又身已絕滅無可祭祀故也

孔子少孤不知其墓殯於五父之衢人之見之者皆以爲葬也其慎也蓋殯也問於聊曼父之母然後得

禮記述註

卷上

十

合葬於防

孔子三歲而叔梁紇卒不知父墓所在其母亦不告之母卒不殯於家而殯於五父之衢欲致人疑問或有知告之也人見柩行於路皆以爲葬然觀其引則飾棺以輶而不以柳窆則是殯引而非葬引矣聊曼父之母素與孔子母善怪其殯母於外故因問而知父墓在防然後得奉母以合葬焉陳氏曰顏氏之死孔子年二十四矣豈有終母之世不求父墓所在至母既殯而猶不知者乎且母死殯於衢路必無室廬死於道路者不得已之爲耳聖人禮法之宗主而忍爲之乎孔氏曰不知其墓者謂不委曲適知柩之所在不是全不知墓之去處其或出辭入告總望本處而拜今將欲合葬須正知處所故云不知其墓今古不知墓處於事大有而講者誼誼競爲異說恐非經記之旨

鄰有喪春不相里有殯不巷歌喪冠不綏

禮記述註

卷上

十一

是錯對句法雖不  
論云春不相里春  
不歌喪冠不綏

經傳集注

萬世師

五家爲隣歌以助春曰相謂以聲音相勸相也不相亦不歌之義也二十五家爲里巷里門也巷歌歌於巷也冠必有笄以貫之又以紘繫笄順頤而下結之曰纓垂其餘於前曰綏蓋冠飾也不相不歌助哀不綏去飾

有虞氏瓦棺夏后氏堅周殷人棺椁周人牆置翬周人以殷人之棺椁葬長殤以夏后氏之堅周葬中殤下殤以有虞之瓦棺葬無服之殤

檀弓述註 卷上 十二

古之葬者厚衣之以薪而已有虞氏始爲瓦棺剖分其圓而合復爲圓以藏尸朴也夏后氏治土爲甗而四周於棺之坎謂之堅周有槨之象然皆陶冶之器出於土者及其久也必復於土不能無土親膚故殷人以木爲之木足以勝土也然猶質而未文故周人飾之以牆翬牆柳衣也翬翬也牆以障柩猶牆垣之障家翬以蔽柩猶羽翼之蔽物蓋世愈久而禮愈備故也未成人而死曰殤十六至

聖音 是音

十九爲長殤十二至十五爲中殤八歲至十一爲下殤七歲以下爲無服之殤周人兼用三代之禮死者愈少則禮愈殺也

夏后氏尚黑大事歛用昏戎事乘驪牲用玄殷人尚白大事歛用日中戎事乘翰牲用白周人尚赤大事歛用日出戎事乘駟牲用騂

夏建寅物生色黑故皆尚黑此大事爲喪事歛用昏昏時亦黑也戎兵也馬黑色曰驪用玄黑類也

檀弓述註 卷上 十三

殷建丑物牙色白故皆尚白日中時亦白翰白色馬也周建子物萌色赤故皆尚赤日出時亦赤馬赤而黑鬣尾白腹曰驪驪亦類三代所尚不過隨時損益以新天下之耳目一天下之心志非若後世五德相生之說也

今人作文必曰衛用布幕常用絲幕便拉一倒轉衛也當也便精神

穆公之母卒使人問於曾子曰如之何對曰申也聞諸申之父曰哭泣之哀齊斬之情饘粥之食自天子達布幕衛也終幕魯也

齊音 禮音 綽音

元驪音





其於彼然而及  
其於此而不及  
其於彼而不及  
其於此而不及  
其於彼而不及  
其於此而不及  
其於彼而不及  
其於此而不及

以速罪不若致孝而安民申生不能從故曰不念伯氏之言也是時狐突謝病在晉都故言君老子少國家多難欲其出而圖吾君也謚法敬順事上曰恭夫申生之死說者責其犯父於不義故不謚曰孝而曰恭今觀其辭狐突之言臨死猶惓惓以宗社托伯氏至今讀之可為流涕獨惜其知經而不知權耳論者責其可言而不言可逃而不逃似矣至謂忘其躬之不閱而且邱國家之多難不顧生死之大節而且謹再拜之末儀則是欲悻悻然望利其國匹而後已爾其責於人無乃已甚乎莫氏曰子嘗謂屈原之忠申生之孝皆賢者過之之事屈原過於忠忠而過者也申生過於孝孝而過者也其行雖未合於中庸其心則純是天理之公畧無人欲之私申生但知順父之為孝屈原但知愛國之為忠而一身之死生不計世之議者其何足以知申生之心哉

禮記述註

卷上

十一

馬融傳曰四十字  
字也括歲多字末  
之卜也四十字之  
間而廣國人浴馬  
十子也括歲多字  
馬之驚軍之敗縣  
之無罪而死至此  
而明言莊之悔過  
惟此程書非其  
罪兩字

朝祥暮歌四字  
文亦一句然而嚴

魯人有朝祥而莫歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也朝祥朝行祥祭之禮也喪禮期而小祥又期而大祥此謂大祥朝祥莫歌子路笑其太速時人行三年喪者希故孔子抑子路以善彼人然恐學者致惑故待子路出更以正禮言之曰此去可歌之日又豈多有日月哉但踰月禫而後歌則善矣惜其不少俟也

禮記述註

卷上

十七

魯莊公及宋人戰于乘丘縣賁父御卜國為右馬驚敗績公隊佐車授綏公曰未之卜也縣賁父曰他日不敗績而今敗績是無勇也遂死之國人浴馬有流矢在白肉公曰非其罪也遂誅之士之有誅自此始也

莊公名同戰在十年乘丘魯地縣下皆氏賁父國皆名右車右也凡車右以勇力者為之大崩曰敗

齊女  
縣音  
齊音

其

績佐車副車也。綏升車索也。公隊車而佐車授之。綏以升是升佐車也。末之下者言卜國微末而無勇也。一說卜謂卜筮之下。春秋傳所謂卜右慶鄭吉者是也。責父以敗績由於馬驚而引罪遂赴關而死。圉人掌馬者及浴馬方見流失中馬股間之肉乃知非責父之罪遂誅其赴敵之功以為謚焉。禮生無爵死無謚。周制命士雖有爵而無謚。今謚責父變周制矣。故記之。陳氏曰：馬驚在御不在右。

禮記述註 卷上 大

莊公采下不末縣記稱縣死不言下死何耶？莊公之末下責其輕者以見其重者也。記稱縣死即其責之所不及者以見其責之所及者也。春秋書敗宋師於乘丘。敗在宋不在莊公。於記則敗在莊公不在宋。蓋莊公敗於二人未死之前。宋人敗於二人既死之後。春秋書其戰故詳其終。記人紀其誅姑述其始而已。吳氏曰：誅如今之祭文鄭玄以為謚非也。

寢生須安睡第一句後說林說寢生從此起寢生兩字形容寢生之狀巧至元起易字二節童子驚起之狀與曾元曾子虛應而不失其正之事十載如在目前以下且是寢死漢以下人乎

曾子寢疾病樂正子春坐於牀下。曾元曾申坐於足。童子隅坐而執燭。童子曰：華而晄，大夫之寶。與子春曰：止。曾子聞之，瞿然曰：呼！曰：華而晄，大夫之寶。與曾子曰：然。斯季孫之賜也。我未之能易也。元起，易。曾元曰：夫子之病革矣，不可以變。幸而至於旦，請敬易之。曾子曰：爾之愛我也，不如彼君子之愛人也。以德細人之愛人也，以姑息。吾何求哉？吾得正而斃焉，斯已矣。舉扶而易之，反席未安而沒。

禮記述註 卷上 尤

病者疾之甚也。子春曾子弟子元與申皆曾子子也。華者畫飾之美，好晄者節目之平瑩。寶，簾也。止使童子勿言也。瞿然，如有所驚也。呼者嘆而噓氣之聲。曰：童子再言也。革，急也。變動也。彼謂童子也。童子知禮，以為曾子未嘗為大夫，豈可臥大夫之簾？曾子識其意，故然之。且言此曾大夫季孫之賜耳。於是必欲易之，易之而沒，可謂斃於正矣。吳氏曰：考之寢禮，簾之制未嘗有貴賤之殊，但貧者素。

寢生須安睡第一句後說林說寢生從此起寢生兩字形容寢生之狀巧至元起易字二節童子驚起之狀與曾元曾子虛應而不失其正之事十載如在目前以下且是寢死漢以下人乎

經 91—571

不言問只言海者

王子衡云魯葬用竹與槨何謂也曰記曰女子十過人皆以毀葬即氏云用漆之棺也云云皆以毀葬即氏云用漆之棺也云云皆以毀葬即氏云用漆之棺也云云

於弔因之而弗改則非矣

南宮縚之妻之姑之喪夫子誨之縚曰爾毋從從爾

爾毋扈爾蓋榛以為笄長尺而總八寸

南宮縚即南容縚妻孔子兄女也其姑死孔子教

之為髮上爾汝也下爾語助辭從從太高也扈扈

太廣也斬衰之髮高廣齊衰則殺也婦為舅姑皆

齊衰不杖期又教以笄總之法笄即簪也吉笄尺

二寸喪笄一尺斬齊之笄用箭竹齊衰用榛木總

禮記述註 卷上 三

以布為之所以韜髮而著笄者垂其餘於髮後長

八寸斬衰六寸齊衰八寸

孟獻子禫縣而不樂比御而不入夫子曰獻子加於

人一等矣

孟獻子魯大夫仲孫蔑也禫除服祭名取澹澹然

平安之意喪至此二十七月也此時樂但縣之而

不作雖比次婦人之當御者而猶不復寢也親喪

外除餘哀未忘於內禮之正也時人不能而獻子

界比聽縣禫音通與反大

依長戶總從切韻音音

揚開修云獻子適有子不及記省華孔子以明禮之

獨能行之故夫子善之云加於人一等不謂加於禮也

孔子既祥五日彈琴而不成聲十日而成笙歌有子

蓋既祥而絲屨組纓

成者樂曲之一終聲者曲調之聲也不成聲謂不

終曲也祥後可以彈琴矣然猶有餘哀故彈之不

終一曲而又廢也十日之後不但彈琴終曲吹笙

亦終曲矣哀情之殺以漸也以絲為屨之絢以組

禮記述註 卷上 三

為冠之纓服之吉者也而有子服之於既祥失於

早矣禮既祥白屨徹絢縞冠素紕有子聖門高弟

而失禮若是疑或不然故曰蓋

死而不弔者三畏厭溺

丈夫不自經於清瀆故畏死不弔君子不立巖墻

之下故厭死不弔孝子舟而不游故溺死不弔游

氏曰古之君子欲正人之過失不專恃乎刑罰而

已使生者有所愧死者有所憾皆所以誅罰之也

厭音

生者有所愧若異其衣冠之類死者有所憾則死而不弔之類是也楊氏曰非不弔也不忍為弔辭不忍言之也黃氏曰雖云不弔然於其中又須論其死之正否情之親疎不可執一也

子路有姊之喪可以除之矣而弗除也孔子曰何弗除也子路曰吾寡兄弟而弗忍也孔子曰先王制禮行道之人皆弗忍也子路聞之遂除之

行道之人皆有不忍其親之心然而遂除之者以禮為述註 卷上 孟

先王之制不可遠也吳氏曰伯魚於出母之喪期後不當哭矣而猶哭子路於嫁姊之喪大功當除矣而猶不除皆情之過厚而於禮不可故夫子抑其過伯魚遂除之除其哭也子路遂除之除其服也

太公封於營丘比及五世皆反葬於周君子曰樂樂其所自生禮不忘其本古之人有言曰狐死正丘首仁也

營丘齊地周鎬京也丘狐窟穴也首以首向之也

禮樂皆重本五世反葬重本也故引禮樂為證又引古人遺言謂狐死亦向丘穴而枕其首是亦不忘本而古人舉以明仁也孔氏曰周公封魯其子孫不反葬於周者以其有次子在周世守其采地則春秋周公是也故鄭康成作詩譜云元子伯禽封魯次子君陳世守采地

伯魚之母死期而猶哭夫子聞之曰誰與哭者門人

誰與哭者則句法不言伯魚不獨哭只一句嘆其意

曰鯉也夫子曰嘻其甚也伯魚聞之遂除之

嘻悲恨之聲期而猶哭是祥後禪前祥後無哭于時伯魚在外哭故夫子怪之恨其甚也

舜葬於蒼梧之野蓋三妃未之從也季武子曰周公

蓋禘

舜葬蒼梧三妃未從未祔之葬也謂祔葬自周公始然舜卒於鳴條蒼梧時在要荒之外事未必然堯妻舜二女三妃亦無所考或曰娥皇女英癸比

注伯魚云魯哀公十四年春西狩於野孫氏曰五子以爲卒於鳴條故蒼梧山在梧州縣近古之紀城州縣事在陳留之平丘今考九域志海

女英生商均癸比生二女霄明燭光見帝王紀

附會

曾子之喪浴於嬰室

士喪禮浴於適室無浴嬰室之文鄭氏曰見曾元之辭易簣矯之以謙儉也

大功廢業或曰大功誦可也

業謂簣簠上一片板蓋指樂也周禮有司業止謂司樂也廢之者恐其忘哀也誦口習也稍暫為之

禮弓述註

卷上

去

亦可陳氏曰業者弦歌羽籥之事誦者樂律詩歌之文大功廢業而誦則大功以上不可誦矣大功以下不廢業矣舉一而其餘可推

子張病召申祥而語之曰君子曰終小人曰死吾今日其庶幾乎

申祥子張子也君子行成德立有始有卒故曰終小人德行無稱與形氣泯滅漸盡而已故曰死言庶幾者蓋以生平持身唯恐有不盡之道今至將

語去

歿幸其得以盡道而終亦猶曾子知免之意也游

氏曰觀成王之顧命則知成王所以學於周公觀子張曾子之言則知曾子子張所以學於孔子

曾子曰始死之奠其餘閣也與

閣架橙之屬所以及置飲食者喪禮復後以脯臠醴酒奠于尸東當死者之肩使神有所依也當此之時以禮則未暇從其新以情則未忍易其舊故但以閣上所餘之物為奠也陸氏曰閣其餘者幸

禮弓述註

卷上

去

其更生若有待焉爾

曾子曰小功不為位也者是委巷之禮也子思之哭嫂也為位婦人倡踴申祥之哭言思也亦然

位者哭泣之位親疎序列而哭也委巷猶云窮巷

委巷之人不見禮儀而鄙朴無節文故譏小功不為位是委巷中之禮也婦人謂已妻或兄弟之妻也倡先也足跳曰踊言思子游之子申祥妻之昆弟也周衰典籍多失時有小功不為位者故曾子

識之記者因引子思申祥二事以明之嫂叔無服姊姒小功故子思之哭嫂其妻倡踴而已隨之申祥之哭妻昆弟言思亦然言無服之喪猶且為位以明小功之不為位非也然哭妻之昆弟禮以子為主非以妻倡踴豈記者引之特取其類也抑或申祥時未有子而使妻倡踴與

古者冠縮縫今也衡縫故喪服之反吉非古也

衡與縮通

縮從也衡橫也一幅之材順經為辟積則攝少而

禮記述註

卷上

走

質是謂縮縫順綿為辟積則攝多而文是為衡縫

古者冠縫無等故吉凶之冠皆直縫至周吉冠之

縫各隨命數故橫縫惟喪冠無等則仍直縫是與

吉冠相反而非古也此周人尚文之一端也二說

古禮喪冠直縫吉冠橫縫而衰世喪冠亦皆橫縫

失禮無別故嘆之曰喪冠之反吉非古

曾子謂子思曰伋吾執親之喪也水漿不入於口者

七日子思曰先王之制禮也過之者俯而就之不至

焉者跂而及之故君子之執親之喪也水漿不入於口者三日杖而後能起

先王制為喪親之禮其服衰止於三年其哭泣止於三月其水漿不入於口止於三日此中制也賢知者過之則抑之使俯而就中愚不肖者不及則引之使跂於中水漿不入口三日尚以杖扶而後能起也況於七日不幾於傷生而滅性乎曾子言已居喪以疾時人之不然子思以曾子難繼故以

禮記述註

卷上

无

禮抑之也

曾子曰小功不稅則是遠兄弟終無服也而可乎

稅者日月已過始聞其死追為之服也大功以上

則然小功輕故不稅曾子據禮而言謂若是小功

之服不稅則再從兄弟之死在遠地者聞之恒後

時則終無服矣其可乎孔氏曰此據正服小功也

故喪服小記云降而在總小功者則稅之其餘則

否劉原父曰唐韓愈嘗吊於人見其貌戚其意哀

禮記述註

外記

而其服吉者問之曰小功不稅也韓子疑之作書以問李秘書韓之疑與曾子之疑一也記曰聞遠兄弟之喪既除喪而後聞之則免袒哭之成踊夫若是奚其吉又曰降而無服者麻今日不稅是降而無服也哀之以其麻哭之以其情逾月而後已其亦愈乎吉也

伯高之喪孔子之使者未至冉有攝束帛乘馬而將之孔子曰異哉徒使我不誠於伯高

檀弓述註 卷上 辛

攝代也伯高死於衛孔子居魯時使人未至冉有先代以束帛乘馬而行禮以冉氏之物而欲將孔氏之誠故孔子謂徒使我不誠於伯高夫禮所以副忠信也

伯高死於衛赴於孔子孔子曰吾惡乎哭諸兄弟吾哭諸廟父之友吾哭諸廟門之外師吾哭諸寢朋友吾哭諸寢門之外所知吾哭諸野於野則已疏於寢則已重夫由賜也見我吾哭諸賜氏遂命子貢爲之

主曰爲爾哭也來者拜之知子高而來者勿拜也

告死曰赴與訃同廟祖父所在兄弟祖父之遺體故哭於廟父之同志於廟門外由父推之也寢我所安師成我者也故哭於寢朋友於寢門外由師推之也所知者泛交故哭於野子高親非兄弟分非師友情又不止於所知原其由子貢而來見故以義起而哭於子貢之家使子貢爲之主且教以爲爾而哭者拜之爲子高而哭者勿拜異於喪之檀弓述註 卷上 壬

正主也

曾子曰喪有疾食肉飲酒必有草木之滋焉以爲薑桂之謂也

喪有疾居喪而遇疾也滋益也以其有疾不嗜酒肉故加草木之味以爲桂薑之謂記者釋曾子之言方氏曰薑者草之滋桂者木之滋酒肉之外又有草木之滋者亦慮其不勝喪而已

子夏喪其子而喪其明曾子弔之曰吾聞之也朋友



喪明則哭之曾子哭子夏亦哭曰天乎予之無罪也  
曾子怒曰商女何無罪也吾與女事夫子於洙泗之  
間退而老於西河之上使西河之民疑女於夫子爾  
罪一也喪爾親使民未有聞焉爾罪二也喪爾子喪  
爾明爾罪三也而曰女何無罪與子夏投其杖而拜  
曰吾過矣吾過矣吾離羣索居亦已久矣

各反

洙泗魯二水名西河魏地自龍門至華陰子夏所  
居也疑當讀作擬謂比擬於夫子也未有聞居喪  
檀弓述註 卷上 三

無異稱也羣朋友也索散也久不親友故有罪而  
不自知也道莫尊於師恩莫隆於親子夏退老使  
民擬於夫子是不尊於師而尊於已也喪親未有  
聞而喪子喪其明是不隆於親而隆於子也會子  
數子夏三罪稱其名女其人若父師焉曾子不以  
爲嫌子夏安受其責至於謝過服罪此所以爲友  
道之盛也方希古曰孔門曾子最少子夏曾子之  
父執友也名而數之非曾子事也傳者過也曰朋

友有過以其長也則不正之與曰非也正之者是  
也名而數之曾子不若是暴也何以明之曰其辭  
倨曾子之辭慙而謹

夫晝居於內問其疾可也夜居於外弔之可也是故  
君子非有大故不宿於外非致齊也非疾也不晝夜  
居於內

齊音

內者正寢之中外謂中門外也大故謂有喪也致  
齊居內非在房闥之中蓋亦端居於室奧之內耳  
檀弓述註 卷上 三

夜居於內順陰而靜安其身也晝而居內似有疾  
矣晝居於外順陽而動勤於事也夜而居外似有  
喪矣有大故則哀不敢就安故夜亦居外齊恐散  
志疾須就安故晝夜居內蓋禮有常有變若此三  
者而反其常則啓人之嫌而弔問之矣不可不慎  
也游氏曰古之君子未有不從事乎其常者也車  
服有常數作止有常度出處有常所苟變乎其常  
則必有故不然則不安乎流俗而爲異者也故古

之人見其服飾而少長可知見其步武而尊卑可知察其人之居則其人之得失可知皆由乎常而觀之

高子皇之執親之喪也泣血三年未嘗見齒君子以爲難

子臯孔子弟子名柴泣血言泣而無聲涕如血出未嘗見齒言不笑君子以爲難言人不能然按儀禮喪服篇曰居倚廬哭晝夜無時既虞朝一哭夕

檀弓述註

卷上

三

一哭既練十日五日哭無時喪服四制曰始死三日不怠三月不解期悲哀三年憂此喪之殺而禮之正也子臯執喪過乎中制故記者不曰中禮而但以爲難也

衰與其不當物也寧無衰齊衰不以邊坐大功不以服勤

衰喪服也物指布之精粗若周書所謂朝服八十物七十物是已當猶應也謂人服衰而心貌無哀

見音

齊衰與

一衣是主人出涕  
之衣子句兩事

戚之實與衰服不相應也邊偏也不邊坐即曲禮所謂專席而坐恐分心也不以服勤即王制所謂三月不從政恐分力也言齊衰則斬可知言大功則期可知

孔子之衛遇舊館人之喪入而哭之哀出使子貢說驂而賻之子貢曰於門人之喪未有所說驂說驂於舊館無乃已重乎夫子曰子鄉者入而哭之遇於一哀而出涕子惡夫涕之無從也小子行之

檀弓述註

卷上

三

舊館人舊曾置館舍於已者非所經過之主人也遇一哀而出涕情亦厚矣故解脫驂馬以爲之賻凡以稱情而已從自也今若不賻則是於死者無故舊之情而此涕爲無自而出矣惡其如此所以必當行賻禮也

孔子在衛有送葬者而夫子觀之曰善哉爲喪乎足以為法矣小子識之子貢曰夫子何善爾也曰其往也如慕其反也如疑子貢曰豈若速反而虞乎子曰

說音

小子識之我未之能行也

送親柩往葬則如生時父母出外兒隨後攀號不忍其去也葬畢迎親之神而反不知神來與否疑其猶在葬所也此皆不死其親之至情所以爲善也虞祭名葬之日日中而虞子貢謂葬既已竟神靈須安如疑則反遲豈如速反而行虞祭乎但哀親是痛切之本情安神是祭祀之末禮夫子申言小人識之且曰我未之能行所以深善其得禮意

檀弓述註

卷上

三

而欲人法之也

顏淵之喪饋祥肉孔子出受之入彈琴而後食之彈琴而後食者蓋以和平之聲散感傷之情也程子曰受肉彈琴恐非聖人舉動使其哀未忘則當不樂以全哀使其哀已忘又何必彈琴吳氏曰顏淵之死已兩期孔子每日彈琴乃其常事蓋此彈琴適在受此祥肉之後故記者云然

孔子與門人立拱而尚右二三子亦皆尚右孔子曰

二三子之嗜學也我則有姊之喪故也二三子皆曰左

吉事尚左陽也凶事尚右陰也

孔子蚤作負手曳杖消搖於門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放夫子殆將病也遂趨而入夫子曰賜爾來何遲也夏后氏殯於東階之上則猶在阼也殷人殯於兩楹之間則與賓主夾之也周人殯於西階之上則猶賓之也而丘也殷人也予疇昔之夜夢坐奠於兩楹之間夫明王不興而天下其孰能宗予予殆將死也蓋寢疾七日而歿

檀弓述註

卷上

三

作起也負手曳杖反手却後以曳其杖也消搖寬縱自適之貌泰山梁木爲衆山衆木所仰而放者猶哲人爲衆人所仰望而放效也猶在阼猶賓之也孝子不忍死其親殯之於此示猶在阼階以爲

主猶在西階以爲賓客也在兩楹間則是主與賓夾之故言與而不言猶也孔子其先宋人成湯之後故自謂殷人疇發語辭昔之夜猶言昨夜也夢坐於兩楹之間而見殯奠之事知是凶徵者以殷禮殯在兩楹間孔子以殷人享殷禮故知將死也又自解夢奠之占云今日明王不作天下誰能尊已而使南面坐于尊位乎此必殯之兆也吳氏曰竊詳此文所載事辭皆妄聖人德容終始如一至

檀弓述註

卷上

禿

死不變今負手曳杖消搖於門其妄一也聖人樂天知命視生死如晝夜然豈有自爲歌辭以悲其死且以泰山梁木爲比哲人自稱乎其妄二也聖人清明在躬志氣如神不善必先知之豈待占夢而後知其將死乎其妄三也此文本出家語而記者株之說者又以萬世王祀爲應何其陋哉孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無

服

無服師之禮故疑所服子貢以夫子施於門人者還以報之定爲心喪三年

孔子之喪公西赤亦爲志焉飾棺牆置字法設字法披字法周也設字法崇殷也綢練設旒夏也

志章識以別之也飾棺楮幄也牆柳衣也諸飾所聚謂之柳傍帷曰牆以布爲之衣柳以障樞若居室之有牆也置亦設也翼形如扇而方用木爲表

檀弓述註

卷上

禿

衣以白布而畫之其畫或黼或黻或雲緣則皆畫雲氣有柄在路持以障車入椁用以障柩者也其多寡則隨貴賤之等披夾持棺者用纁帛爲之以一頭繫所連柳纁戴之中而出一頭於帷外人居旁牽之登高則引前以防軒適下則引後以防翻歆左則引右歆右則引左使不傾覆也崇大牙也以采色爲大牙其狀隆然謂之崇牙喪車所建之旗飾也綢纏也練素錦也綢練以練綢旒之杠也

字音 字音 字音

旒銘旌也夏以緇布爲之廣充幅長八尺孔子之喪公西赤欲以飾棺榮夫子故爲盛禮備三代之制以明章識焉其以素褚爲帷幄外如牆車邊置嬰又恐樞行傾虧而設披以維持之此皆周制也其送葬乘車所建旌旗刺繪爲崇牙之飾此殷制也又綢杠以素錦而於杠首設長尋之旒此夏制也

檀弓述註 卷上 四

士也

公明儀子張弟子褚幕覆棺之幕有絮者也以丹質布爲褚不牆不嬰又劈縞聚結如蟻垂於幕之四角蓋用殷之士禮也

子夏問於孔子曰居父母之仇如之何夫子曰寢苦枕干不仕弗與共天下也遇諸市朝不及兵而鬪曰請問居昆弟之仇如之何曰仕弗與共國銜君命而使雖遇之不鬪曰請問居從父昆弟之仇如之何曰

不爲魁主

人能有文法妙

不爲魁主。人能則執兵而陪其後。怨耦曰仇。干盾也不反兵。謂必赴鬪無退志也。魁猶首也。天文北斗魁爲首杓爲末。陪猶助也。寢苦則常以喪禮自處。枕干則常以戎事自防。不仕不暇事人而事事也。弗與共天下與不共戴天同義。市朝非戰鬪之處。遇諸市朝猶不反兵則無往而不鬪矣。仕弗與共國則雖事人而事事亦恥與之相遇也。銜君命而使遇之不鬪不敢以私讎妨公事也。曲禮云兄弟之仇不反兵此言遇之不鬪者彼據不仕者言之耳。從父昆弟之仇則不爲報仇魁首若主人能自報之亦執兵助其後也。曲禮言交游之仇而不及從父昆弟此言從父昆弟之仇而不及交游者蓋交游之仇猶不同國則從父昆弟可知矣。從父昆弟且不爲魁則交游可知矣。然意此亂世之事記者傳聞之言也。

孔子之喪二三子皆絰而出羣居則絰出則否

雖出外亦首經門人於孔子然也若常禮惟羣居則經出外則否舉常禮以明聖門之加厚也然前章既云若喪父而無服則不經可知矣若弔服加麻之環經此特出於一時耳弟子羣居則全乎孝之謂非來弔也豈得加麻乎鄭註以羣居爲朋友羣居對出而言非謂朋友也鄭氏既爲此說疏家遂云弔服不得稱服以解前章無服之義不亦誤乎

檀弓述註

卷上

聖

易墓非古也

易治也致飾之意墓者祖宗體魄所藏爲之致飾雖非古禮然亦可以義起而於禮無妨也孔氏曰易謂芟治草木不使荒穢不易者使有草木如丘陵然古者殷以前墓而不墳是不治易也

子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也

興易音

禮有本有文哀敬本也禮文也本文相稱適爲盡善然與其本不足而文有餘不若文不足而本有餘也此矯世抹弊之辭卽寧戚之意

曾子弔於負夏主人既祖塋池推柩而反之降婦人而後行禮從者曰禮與曾子曰夫祖者且也且胡爲其不可以反宿也從者又問諸子游曰禮與子游曰飯於牖下小歛於戶內大歛於阼殯於客位祖於庭葬於墓所以卽遠也故喪事有進而無退曾子聞之曰多矣乎子出祖者

檀弓述註

卷上

聖

負夏衛地祖祖奠也塋猶設也池柳車之池也禮柩車載訖乃飾柩設池屬引而爲行是也反還也時柩已在庭返之於兩楹之間也降猶退也降婦人者使之避也且者且行而未定之辭宿留也飯舍也以米及貝實尸口中也歛收歛其尸也小歛衣十九稱大歛三十稱以衣衾之多寡爲大小也阼東階主人之位也殯掘埴于西階之上置棺其

飯上聲

塋池音

中而塗之也。客位卽西階也。卽就也。進卽謂卽遠也。多勝也。負夏人有喪。曾子弔之。適當主人祖奠。旣設柩車載訖而設池矣。主人榮曾子之來。欲受其弔。乃反柩於兩楹之間。如啓殯時降退婦人而後行。弔禮從者見之。疑其非禮。故以爲問。而曾子答之云。然。蓋以祖之爲言。且也。旣謂之且。未是實行。何爲其不可以反留也。從者疑曾子之言。故又問於子游。而子游以正對也。自牖下而戶內而阼。

檀弓述註

卷上

四

而客位而庭而墓。皆一節遠於一節。此謂有進而往無退而還也。豈可推柩而反之乎。曾子聞之。方悟已說之非。乃言子游所說出祖之事勝於我之所說出祖也。應氏曰。聖人之徒。氣象忠厚。其議人之失。婉而不迫。但言有進無退而反柩行禮之非。自見出祖謂主人也。予者親之之辭多矣。乎者不欲深指其失也。君子行禮雖不可寡。亦豈可多乎。曾子襲裘而弔。子游裼裘而弔。曾子指子游而示人。

曰。夫也。爲習於禮者。如之何其裼裘而弔也。主人旣小歛。袒括髮。子游趨而出。襲裘帶絰而入。曾子曰。我過矣。我過矣。夫是也。

夫夫猶言此丈夫。指子游也。凡弔喪之禮。主人未變服之前。弔者吉服羔裘玄冠緇衣素裳袒去上服以露裼衣。此謂裼裘而弔也。主人旣小歛。袒括髮變服之後。弔者雖着朝服而掩其上服加環絰於冠。武若朋友。又加帶。此謂襲裘帶絰而弔也。子

檀弓述註

卷上

四

游弔時尚意主人未小歛。故裼曾子則以喪事當從凶。不謂始死之時尚從吉。故襲曾子初以子游之裼爲非禮。及子游趨出襲裘帶絰而入。始知已過而善子游也。方氏曰。曾子子游同弔異服。必是去有先後。各守所聞而往也。曾子襲裘而弔。先進於禮樂也。子游儘有守文處。如裼裘而弔。必是守文也。曾子子游皆聖門高弟。其分契與常人殊。若使一人失禮。必面相告。豈有私指示於人而不告。

之也此段義可疑曾子有子言游輩一時行禮猶有不同蓋時已禮壞樂崩至後世文獻不足尤難行也

子夏既除喪而見予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉

喪服四制曰祥之日鼓素琴示民有終也蓋先王

檀弓述註

卷上

哭

之制禮如此故二子除喪而見孔子所以各予之琴也子夏過者也知約以禮故曰不敢過子張不及者也知引而至於禮故曰不敢不至皆欲求止乎中也鄭氏曰二者雖情異善同俱順禮按家語及詩傳子夏當為子騫子張當為子夏

司寇惠子之喪子游為之麻衰牡麻經文子辭曰子辱與彌牟之弟游又辱為之服敢辭子游曰禮也文子退反哭子游趨而就諸臣之位文子又辭曰子辱

字和與子見  
如通與音

與彌牟之弟游又辱為之服又辱臨其喪敢辭子游曰固以請文子退扶適子南面而立曰子辱與彌牟之弟游又辱為之服又辱臨其喪虎也敢不復位子游趨而就客位

惠子衛人惠叔蘭也文子惠子兄彌牟也虎適子名也麻吉服十五升布也牡麻雄麻也弔服之經一股而環之今用牡麻加經則與齊衰同矣諸臣衆家臣也大夫之客位在門內東近北家臣位亦

檀弓述註

卷上

哭

在門內東而南近門並皆北向惠子廢適子虎而立庶子故子游特為非禮之服以譏之文子不悟既謝其辱交又止其為服而子游不欲明言故但曰禮而已又趨而就臣位以感之文子不悟而又辭及固請文子始悟而扶適子正喪主之位子游乃趨就客位復禮之正也陳氏曰司寇惠子之喪其廢適也無異公儀仲子之立庶子游之於司寇惠子相友也無異檀弓之於公儀仲子檀弓之譏



德 經 夫

橫周禮浴用盤不  
極當也緣足用盤  
凡不盤也則於  
正衾至其高則  
從正門出不改宗  
雖行也既為別人  
當行則棺何行  
校禮式

故其表見於外如此也此句文不相蒙疑或錯簡  
中雷室中也人死掘室中之地作坎以牀架坎上  
尸於牀上浴令浴汁入坎也死者冷強足辟戾不  
可著屨故用毀竈之甃連綴其足令得溫氣而直  
可著屨也躡踐也行行神之壇也行神壇位在廟  
門外之西軟壤厚二寸廣五寸輪四尺當所毀宗  
之外古者生人出行則為壇以幣告神告畢以車  
踐壇上而出使道中安穩如在壇也今柩向毀宗  
檀弓述註 卷上 五

處出仍得躡行此壇如生時之出也凡此皆殷道  
也方氏曰周尚文禮之所由備也生以文為尚故  
名字之制學禮者行周道焉殷尚質禮之所由本  
也死以質為尚故喪葬之制學禮者行殷道焉  
子柳之母死子碩請具法子柳曰何以哉子碩曰請粥  
庶弟之母子柳曰如之何其粥人之母以葬其母也  
不可既葬子碩欲以賻布之餘具祭器子柳曰不可  
吾聞之也君子不家於喪請班諸兄弟之貧者

子柳魯叔仲皮之子子碩子柳弟也具喪事應用  
之器物也何以哉言何以為具乎謂無其財也粥  
謂嫁之也布錢也不家於喪耻因喪之利而起家  
也班與頒同分也夫請粥庶母以治喪則其貧可  
知矣而不家於喪之言確然不易古人之操蓋如  
此

君子曰謀人之軍師敗則死之謀人之邦邑危則亡  
之

檀弓述註 卷上 五

軍師以勝為功或敗焉是無決勝之策也為之謀  
者可偷生其身乎邦邑以安為本或危焉是無計  
安之術也為之謀者可苟全其位乎軍師既敗難  
以復勝故死其身邦邑雖危猶可復安故亡其位  
而已

公叔文子升於遐丘蘧伯玉從文子曰樂哉斯丘也  
死則我欲葬焉蘧伯玉曰吾子樂之則環請前  
文子名拔伯玉名環皆衛大夫瑕丘地名文子欲

孔子三子形  
是蓋其省

害人良田自為身後計故伯玉請前前猶云豫先也請前請為豫定其所若徇其意實譏非之所謂哭與之言也或曰從行在後請前則欲前行以去之示不欲與聞其事也

弁人有其母死而孺子泣者孔子曰哀則哀矣而難為繼也夫禮為可傳也為可繼也故哭踊有節

弁地名孺子泣者其聲如孺子無高下長短之節也過哀難繼故聖人制禮期於使人可傳可繼而

檀弓述註

卷上

至

哭踊皆有其節也孔氏曰按雜記曾申問於曾子曰哭父母有常聲乎曰中路嬰兒失其母何常聲之有與此不同何也蓋曾子之言謂始死之時孔子此言謂襲歛之後也

叔孫武叔之母死既小斂舉者出尸出戶袒且投其冠括髮子游曰知禮

武叔魯大夫名州仇舉者出舉尸以出也括髮當在小斂之後尸出堂之前主人為將尸故袒而括

後世僕射官用此  
義也或以射音役  
襲

髮耳武叔待尸出尸然後袒而去冠括髮失禮節矣子游謂其知禮蓋反言以譏之也一說舉者舉尸之人也馮氏改上戶為尸者非下出尸字疑衍禮小斂於戶內卒斂主人將尸俛于堂故袒括髮今舉者出戶則小斂卒矣武叔乃袒且投冠而括髮與禮相合故子游以為知禮舊說謂失禮節蓋馮氏改尸為尸之誤也

扶君卜人師扶右射人師扶左君薨以是舉

檀弓述註

卷上

至

卜當作僕師長也君疾時僕人之長扶其右射人之長扶其左此二人皆平日贊正服位之人故君既薨遇遷尸則仍用此人嬪御閭豎不得與焉是以外廷之人疾則共知其疾薨則共治其喪使先君得正其終嗣君得正其始職此故也後世此禮不行往往篡弑廢立邪謀既定於內而外廷大臣尚未之覺卒之事幾危迫俛首聽命其為國家禍患寧有既乎吁此禮之所以有益於人國也

從母之夫舅之妻二夫人相為服君子未之言也或曰同變總

從母母之姊妹其夫即今之姨夫也舅母之兄弟其妻即今之舅母也二夫人猶言此二人也相為服者甥服而姨夫舅母報之也張子曰此是甥自幼居於從母之家或舅之家孤穉恩養直如父母不可無服所以為此服也非是從母之夫與舅之妻相對為服也吳氏曰有同居而食之恩則雖禮之所無而可以義起此服也朱子曰先王制禮父族四故由父而上為族曾祖父總麻姑之子姊妹之子女子子之子皆由父而推之也母族三母之父母之母母之兄弟恩止於舅故從母之夫舅之妻皆不為服推不去故也

喪事欲其縱縱爾吉事欲其折折爾故喪事雖遽不陵節吉事雖止不怠故騷騷爾則野昂昂爾則小人君子蓋猶猶爾

檀弓述註

卷上

五

句法亦三章法

縱縱戒其遽而放之舒也折折懲其緩而約之疾也凌躐也止容止之止詳緩之意也喪事雖急遽而不可凌其節次吉事雖詳緩而不可失於怠惰若騷騷而太疾則鄙野矣昂昂而太舒則為不脩整之小人矣猶猶而得緩急之中此君子盛德之至動容周旋中禮者也

喪具君子耻具一日二日而可為也者君子弗為也不忍死其親故耻具非倉卒可為者不得已而具

檀弓述註

卷上

五

一日二日可為者弗預為之具也或曰耻具者嫌過為身後慮也

喪服兄弟之子猶子也蓋引而進之也嫂叔之無服也蓋推而遠之也姑姊妹之薄也蓋有受我而厚之者也

兄弟之子在恩為可親故引而進之與子同服嫂叔之分在義為可嫌故推而遠之不相為服姑姊妹出適則與兄弟姪皆降服大功而從輕者蓋其

遠去聲

夫受之而爲服杖舄以厚之則於本宗宜降一等  
欲一其心於厚之者

食於有喪者之側未嘗飽也

應氏曰食上疑脫孔子字

曾子與客立於門側其徒趨而出曾子曰爾將何之  
曰吾父死將出哭於巷曰反哭於爾次曾子北面而  
弔焉

聞父喪而出哭嫌發喪於他人之館也禮館人使

檀弓述註 卷上

五

專之若其自有然故曾子使反哭於爾次不以爲  
嫌也士喪禮主人西面賓在門東北面故曾子北  
面而弔以賓禮自居也

孔子曰之死而致死之○不仁而不可爲也○之○死而致

生之○不知而不可爲也○是故竹不成用瓦不成味木

不成斷琴瑟張而不平筭筮備而不和有鐘磬而無

簣簠其曰明器神明之也

之猶於也致極也竹籩簋之屬瓦陶器不成味不

可盛飲食也古註味當作沫簣簠懸磬之格也橫

曰簣植曰簠人於死者而極以死者之禮待之是

無愛親之心爲不仁若極以生者之禮待之是無

燭理之明爲不知故皆不可行也所以先王制明

器以送之竹器則無滕緣而不成用瓦器則不可

以盛飲食木器則無雕琢之文琴瑟則雖張弦而

不平不可彈也筭筮雖備具而不和不可吹也雖

有鐘磬而無懸挂之簣簠不可擊也凡此皆以有

檀弓述註 卷上

五

知無知之間待死者故皆備物而不可用旣不致  
死亦不致生其謂之明器者蓋以神明之道待之  
也

有子問於曾子曰問喪於夫子乎曰聞之矣喪欲速

貧死欲速朽有子曰是非君子之言也○曾子曰參也

聞諸夫子也有子曰是非君子之言也○曾子曰參

也與子游聞之有子曰然則夫子有爲言之也○曾

子以斯言告於子游子游曰甚哉有子之言○似夫子

也昔者夫子居於宋見桓司馬自爲石槨三年而不  
成夫子曰若是其靡也死不如速朽之愈也死之欲  
速朽爲桓司馬言之也南宮敬叔反必載寶而朝夫  
子曰若是其貨也喪不如速貧之愈也喪之欲速貧  
爲敬叔言之也曾子以子游之言告於有子有子曰  
然吾固曰非夫子之言也曾子曰子何以知之有子  
曰夫子制於中都四寸之棺五寸之槨以斯知不欲  
速朽也昔者夫子失魯司寇將之荆蓋先之以子夏

檀弓述註

卷上

五

又申之以冉有以斯知不欲速貧也

問當作聞仕而失位曰喪司馬卽桓魋靡侈也敬  
叔魯大夫孟僖子之子仲孫閱也嘗失位去魯後  
得反載寶玉而朝欲行賂以求復位也定公九年  
孔子爲中都宰制棺槨之法度也四寸五寸厚薄  
之度也將適楚而先使二子繼往者蓋欲觀楚之  
可仕與否耳方氏曰貧朽非人所欲孔子之言特  
爲二子而發爾有子乃能以中都與荆之事驗之

可謂知言矣方希古曰孔子之欲仕非爲富也爲  
行道也致美於棺槨非爲不朽也爲厲孝也欲富  
而矜且趨以求利於蠻夷之國會謂孔子若是乎  
欲全其既死之軀而因以爲民制孔子何取乎有  
子之疑曾子之問子游之答傳之者謬也

陳莊子死赴於魯魯人欲勿哭繆公召縣子而問焉  
縣子曰古之大夫束脩之問不出竟雖欲哭之安得  
而哭之今之大夫交政於中國雖欲勿哭焉得而弗

檀弓述註

卷上

五

哭且臣聞之哭有二道有愛而哭之有畏而哭之公  
曰然然則如之何而可縣子曰請哭諸異姓之廟於  
是與哭諸縣氏

大夫計於他國之君曰君之外臣寡大夫某死莊  
子齊大夫名伯縣子魯大夫名瑱脩脯也十脰爲  
束問遺也古者人臣無外交不敢貳君也雖束脩  
微禮亦不以出竟交政中國謂大夫專主盟會與  
國君相交接不止束脩之問已也愛之哭出於不

境竟音 縣後音 音

能已畏之哭出於不得已哭於縣氏以禮自縣子而起也陳氏曰哭伯高於賜氏義之所在也哭莊子於縣氏勢之所逼也馬氏曰孟子云哭死而哀非爲生也以有畏而哭之能無爲乎縣子語君非引以當道志仁者也

仲憲言於曾子曰夏后氏用明器示民無知也殷人用祭器示民有知也周人兼用之示民疑也曾子曰其不然乎其不然乎夫明器鬼器也祭器人器也夫

檀弓述註

卷上

六

古之人胡爲而死其親乎

仲憲原憲也示民無知者使民知死之無知也爲其無知故以不堪用之器送之爲其有知故以祭器之可用者送之疑者不以爲有知不以爲無知故兼而用之也方氏曰明器祭器三代之所兼用蓋處之以生死之間而已豈特周而然哉而原憲必以夏用鬼器殷用人器則是夏有致死之不仁殷有致生之不知矣故曾子重言其不然示民無

知之語尤非所以訓故又專言古之人胡爲而死其親陳氏曰明器祭器固是人鬼之不同夏殷所用不同者各是時王之制文質之變耳非謂有知無知也按周禮惟大夫以上得兼用二器士用明器則亦未嘗兼也

公叔木有同母異父之昆弟死問於子游子游曰其大功乎狄儀有同母異父之昆弟死問於子夏子夏曰我未之前聞也魯人則爲之齊衰狄儀行齊衰今

檀弓述註

卷上

空

之齊衰狄儀之問也

木當作朱春秋作成衛公叔文子之子也同母異父昆弟之服禮經無文故子游設疑辭以答之其大功乎蓋以同父同母服甚故降而大功也而子夏則以魯人齊衰期年行之久矣故舉以答狄儀之問狄儀遂服齊衰故記者言今人皆服齊衰由狄儀之問也不云自狄儀始者狄儀之前魯人先已行之也吳氏曰子夏固失矣子游亦未爲得也

伯魚之妻上事孔  
子下自子思未幾  
夫死改嫁之事且  
視恩同極死於夫  
事雖有弗行亦當  
有是言哉

按禮繼父同居有子者服齊衰三月

子思之母死於衛柳若謂子思曰子聖人之後也四方於子乎觀禮子蓋慎諸子思曰吾何慎哉吾聞之有其禮無其財君子弗行也有其禮有其財無其時君子弗行也吾何慎哉

柳若衛人伯魚死其妻嫁於衛禮者謂制之所得為財謂力之所能辦時謂勢之所可行在子思則如張氏所謂母嫁與父絕是無其時也方希古曰

檀弓述註

卷上

奎

禮者君子恒履之器也豈以家之貧富時之通塞為行否子思賢者其為道粹矣信斯言也烏在其為知道

縣子瑄曰吾聞之古者不降上下各以其親滕伯文為孟虎齊衰其叔父也為孟皮齊衰其叔父也

瑄縣子名降者降服周禮已貴則降賤者服古謂殷時上謂旁親族曾祖從祖及伯叔之班下謂從子從孫之流滕伯文殷時滕君名文滕伯文為

諸侯而為孟虎齊衰則虎為滕伯文之叔父此上

服以親而不降也又為孟皮齊衰則滕伯文為皮之叔父此下服以親而不降也朱子曰夏殷而上大槩只是親親長長之意到得周來則又添得許多貴貴底禮數如始封之君不臣諸父昆弟封君之子不臣諸父而臣昆弟期之喪天子諸侯絕大夫降然諸侯大夫尊同則亦不絕不降姊妹嫁諸侯者則亦不絕不降此皆貴貴之義上世想皆簡

檀弓述註

卷上

奎

畧未有許多降殺貴貴底禮數凡此皆天下之大經前世所未備到得周公搜剔出來立定制更不可易

后木曰喪吾聞諸縣子曰夫喪不可不深長思也買棺外內易我死則亦然

后木魯孝公子惠伯輩之後外內易謂斷削外內使之平易此后木述縣子之言以屬其子也馮氏曰此是孝子當為之事非是父母豫所屬託而曰



我死亦然記者譏失言也

曾子曰尸未設飾故帷堂小斂而徹帷仲梁子曰夫婦方亂故帷堂小斂而徹帷

仲梁子魯人設飾謂斂也尸未設飾於堂不欲人褻之也故小斂畢乃徹帷仲梁謂夫婦方亂者以哭位未定也記者併存以傳疑

小斂之奠子游曰於東方曾子曰於西方斂斯席矣小斂之奠在西方魯禮之未失也

檀弓述註

卷上

空函

士喪禮小斂之奠設於尸東以萬物生於東未忍死其親也至大斂既殯始有席設於西室之奧彌神之也按此則子游之言爲是曾子之言爲非記者兩存之又言大斂斯有席設於西方謂小斂之奠在西方者乃魯人行禮之失非其舊也

縣子曰給衰總裳非古也

給粗葛也總布之細而疎者古者五服一以麻各

故曰非古

子蒲卒哭者呼滅子臯曰若是野哉哭者改之

滅子蒲名子臯高柴也古者復則呼名哭豈可呼名也子臯以野哉斥之乃改

杜橋之母之喪宮中無相以爲沽也

相替禮者也張氏曰沽當作姑謂畧也方氏謂卽

沽酒之沽以非自致故訓畧也孝子悲迷禮須贊相杜橋居母喪無之故謂其於禮爲畧

檀弓述註

卷上

空函

夫子曰始死羔裘玄冠者易之而已羔裘玄冠夫子不以弔

始死卽易去吉服不特喪者易之弔者亦所不服

馬氏曰弔者在小斂之前當服羔裘玄冠以主人

未成服弔者麻絰不敢先也故子游楊裘而弔旣

小斂乃襲裘帶絰而入若夫子羔裘玄冠不以弔

者是言小斂之後也

子游問喪具子曰稱家之有凶子游曰有凶惡乎

相去

夫子曰有母過禮苟以矣歛首足形還葬縣棺而人豈有非之者哉

喪具送終之儀物也稱隨也齊厚薄之劑量也過禮踰禮厚葬也還之為言便也謂已歛即葬縣棺謂不設碑綵手縣而下之封者復土以閉瘞之名富而有者毋得過禮貧而亡者歛其手足不令露見即葬之此有以之齊也

司士責告於子游曰請襲於牀子游曰諾縣子聞之

檀弓述註

卷上

至六

曰汰哉叔氏專以禮許人

士責人名歛以衣曰襲汰自矜也叔氏子游別字也禮始死復於地復而不生則襲於牀後世禮失而襲於地則襲矣士責之請子游之諾禮也縣子譏其汰者以其不稱先王而專輒許諾如禮出於已也

宋襄公葬其夫人醯醢百甕曾子曰既曰明器矣又實之

宋襄公名茲父神明之器當虛而實之是之死致生之不知也

孟獻子之喪司徒旅歸四布夫子曰可也

司徒孟獻子家臣也旅下士司徒之屬也送終禮畢賻布有餘司徒承主人之意使下士歸還於四方賢於家夫喪者未若班諸兄弟之貧者為善故聖人止以為可

讀贈曾子曰非古也是再告也

檀弓述註

卷上

至七

車馬曰賻所以助主人之送葬也士喪禮祖奠畢公賻賻賻入告於宮奠於柩前而受之又書其人名與所賻之物於方板次日柩將行主人之史於柩東當前東西面而讀之若欲神一一知之也蓋古者奠之而不讀周則既奠而又讀故曾子以為再告也

成子高寢疾慶遺入請曰子之病革矣如至乎太則如之何子高曰吾聞之也生有益於人死不

吾縱生無益於人吾可以死害於人乎哉我  
擇不食之地而葬我焉

成子高齊大夫國伯高父也謚曰成慶氏遺名子  
高之家臣也大病死也諱之之辭不食之地謂不  
可耕墾者死且不忍妨人則生之愛人可知矣觀  
公叔文子樂瑕丘而欲葬則子高之所得不亦多  
乎

子夏問諸夫子曰居君之母與妻之喪居處言語飲

檀弓述詳

卷上

卒

食行爾

君母君妻皆小君皆齊衰不杖期行爾容貌和適  
也喪雖輕未有居之而樂者子夏失問夫子是以  
不答

賓客至無所館夫子曰生於我乎館死於我乎殯

生於我館死於我殯朋友始終之義

國子高曰葬也者藏也藏也者欲人之弗得見也  
故衣足以飾身棺周於衣槨周於棺土周於槨

樹之哉

國子高即成子高國其氏也壤謂封土以為塋  
謂種木以為表子高謂人死備飾以衣衾棺槨欲  
其深邃不使人知今乃反更封壤為墳而種樹以  
標之哉馬氏曰周官冢人用爵等為封土之度與  
其樹數觀其封則知祿秩之高卑觀其樹則知命  
數之多寡所以遺後世之識非以為觀美也而國  
子高非之亦異於禮矣

檀弓述註

卷上

卒

孔子之喪有自燕來觀者舍於子夏氏子夏曰聖人  
之葬人與人之葬聖人也子何觀焉昔者夫子言之  
曰吾見封之若堂者矣見若坊者矣見若覆夏屋者  
矣見若斧者矣從若斧者焉馬鬣封之謂也今日  
三斬板而已封尚行夫子之志乎哉  
聖人葬人庶有異聞若人之葬聖人與常人何異  
又何觀焉蓋謙辭也若堂者如堂之基四方而  
也若坊者坊堤也上平旁殺而南北長也若

與平聲坊音防覆音及鬣音獵

屋者覆謂茨瓦夏屋謂門廡形旁廣而卑也

者上狹如刃上三者皆用力多而難成此則俗

易就俗名又謂之馬鬣封馬鬣鬣之上其肉薄封

形似之也三斬板作墳法也安板兩邊用繩約板

令直納土板中築土令與板平斬所約板繩更置

其上而再築一日之功如此者三而墳成矣故云

三斬板而已封也子夏既告燕人以人葬聖人子

何觀復述聖人言葬之說以告之見事雖從簡而

檀弓述註

卷上

七

門人不過從夫子之志此亦答其來觀之意也

婦人不葛帶

禮男子婦人首經要帶皆用牡麻至卒哭則男子

以葛易麻帶而首經不易婦人則以葛易麻經而

要帶不易故曰婦人不葛帶輕首重要故也然此

謂婦人居齊斬之服者如此若小功以下輕則並

變為葛與男子同

有薦新如朔奠

朔奠者月朔之朝奠也未葬時大夫以上朔

有奠士則朔奠而已薦時物之新如月朔之齒

之也

既葬各以其服除

禮三月而葬葬而虞虞而卒哭親重而當變麻者

變之總麻而服滿者除之不視主人也

池視重雷

池柳車之池重雷屋之承雷以木為之承屋雷入

檀弓述註

卷上

七

木中又從木中雷於地故名重雷生時既屋有重

雷以行水死時柳車亦象之於車覆鼈甲之下牆

帷之上織竹為毛衣以青布承鼈甲名池天子四

面諸侯三大夫前後二士一各視生時之重雷

君即位而為裨歲一漆之藏焉

君諸侯也裨柩棺也漆之堅強髣髴然故名裨歲

一漆示如未成藏之不欲令人見也或曰不

虛如急有待故藏物焉

重平

裨音

復楔齒綴足飯設飾帷堂並作父兄命赴者

復招魂呼復也飯含也設飾襲歛也帷堂堂

帷告喪於有恩識者謂之赴始死持衣招魂招而不復則用角栖柱其齒令開欲飯含時不閉也又用燕几拘綴其足令直欲著屨時不辟戾也又用米貝實於口中又陳新衣而襲歛此五事並作於帷堂之時卽喪大記所謂復而後行死事也已而父兄使人往赴告於人按士喪禮孝子自命赴則

檀弓述註

卷上

圭

此父兄命之大夫以上之禮也

君復於小寢大寢小祖大祖庫門四郊

君兼天子諸侯而言小寢燕寢也大寢正寢也祖

祖廟也小祖高祖以下之廟大祖始祖太祖之廟

庫門郭門也天子曰臯門諸侯曰庫門復必於寢

廟者人死必反本也庫門生時所出入也四郊魂

氣無所不之也人君禮備故復處多皆他日

有事之地也

喪不剝奠也與祭肉也與

剝保露也奠謂脯醢祭肉謂牲肉喪祭必巾

不保露者謂祭肉易受塵垢脯醢則否或曰剝剝牲爲俎也奠用脯醢而非祭肉故不剝

既殯旬而布材與明器

既殯旬殯後十日也布班也班布槨材與明器之類爲葬備

朝奠日出夕奠逮日

檀弓述註

卷上

圭

朝奠以象朝時之食夕奠以象夕時之食逮日及日未沒不以幽陰死其親也或謂日出日入陰陽之交於此求之庶幾享之其說太鑿

父母之喪哭無時使其必反也

未殯哭不絕聲殯後雖有朝夕哭之時然廬時思

憶則哭小祥後哀至則哭此皆哭無時也反就死

者而言馬氏謂哭者聲也聲爲陽所以能

之反方氏謂哭者所以求其反哭之

者必知其反而已未知孰是舊說謂出使

卽出必告反必面之義也似於經文不甚協

練練衣黃裏線緣葛要經繩屨無絢角瑱鹿裘衡長祛祛楊之可也

練小祥也以其著練冠衣練衣故名曰練練衣以精熟之麻爲之三年之喪斬齊正服不可變但以練爲中衣而以黃爲其裏使承衰而已又以淺絳色爲中衣領及袷緣要帶用葛屨用麻其頭無飾

檀弓述註

卷上

圭

瑱充目也初喪哀甚則耳無聞故去瑱小祥後衰殺故爲角瑱以充之鹿裘以白鹿之皮爲裘也祛袷口亦謂緣也祛裘上又加衣也小祥之前裘狹而短袷無祛今小祥稍飾故廣之又長之又祛之旣祛以爲飾故又祛之以漸向吉也按此文明小祥時外有衰內有練中衣中衣內有祛衣祛衣內有鹿裘鹿裘內自有常著襦衣也

有殯聞遠兄弟之喪雖總必往非兄弟雖鄰

練祛黃裏線緣葛要經繩屨無絢角瑱鹿裘衡長祛祛楊之可也音通與音平

識其兄弟不同居者皆弔

家有殯則於弔喪不輕往總最輕也兄弟雖

往況其重者乎蓋同姓之恩不得不爲之隆故也

鄰最近也非兄弟雖鄰不往況其遠者乎蓋異姓

之恩不得不爲之殺故也所識謂非兄弟又非疎

外平生識知往來之人也今若身死者兄弟雖不

同居亦就往弔之兄弟不同居尚往弔之則死者

子孫就弔可知舉疏以見親也已有殯得弔之以

檀弓述註

卷上

圭

死者與我有恩舊也

天子之棺四重水兕革棺被之其厚三寸槨棺一梓棺二四者皆周

水牛野牛之革耐濕故以爲親身之棺二革合被

各厚三寸此爲一重槨木亦耐濕故次於革卽前

章所謂裨也厚四寸此爲二重梓木棺二一爲屬

棺在槨棺之外厚六寸此爲三重一爲大棺

棺之外厚八寸此爲四重四者皆周

移槨以兕革重音音平

上下四方悉周也天子之下上公三

諸侯再重無二革大夫一重無柁士不重

棺束縮二衡三衽每束一柏椁以端長六尺

棺束者古無釘用皮束合之為固也縮二者縮從

也從束者二行也衡三者衡橫也橫束者三行也

衽每束一者衽小要也以木為之兩頭廣中央小

其形如衣之合縫處故謂之衽棺邊及兩頭合處

鑿為坎形以衽連合之各隨衡縮每束用其一也

檀弓述註

卷上

主

柏椁以端者端猶頭也天子柏椁以柏木之頭為

之取其堅也其長六尺以容藏器也古者棺外椁

內皆有藏器

天子之哭諸侯也爵弁經紵衣或曰使有司哭之為

之以樂食

此諸侯薨在國而赴於天子天子遙哭之爵弁即

常弁其色如爵經衍字也天子至尊服麻不

采紵衣即緇衣本土之祭服或曰天子

伏長

緇紵音

使有司哭之非也惡夫涕之無從况使人

樂食食不舉樂也此記者之辭非或人之語

天子之殯也敢塗龍輅以椁加斧於椁上畢塗屋天

子之禮也

敢叢也敢塗用木叢棺而四面塗之也輅喪車也

龍輅者畫龍於輅車之轅也以椁者題漆叢木而

象椁之形也斧謂繡覆棺之衣為斧文也先敢四

面為椁上與棺齊而上猶開以棺衣從椁上入覆

檀弓述註

卷上

主

於棺故云加斧於椁上斧覆既竟又四注為屋覆

上而下四面盡塗之天子之殯如此

唯天子之喪有別姓而哭

姓有同姓異姓庶姓故別之諸侯朝覲天子爵同

則其位同若喪禮則分別同姓異姓庶姓使各相

從為位以哭不序爵而序親疎也

魯哀公誅孔丘曰天不遺耆老莫相予位焉嗚

哉尼父

春物

別彼  
列反

哀公名蔣尼父因其字為之諡也陸氏

傳所錄公諫之曰旻天不弔不愍遺一老俾

一人以在位不脩春秋之辭也今記脩之如此

國以大縣邑公卿大夫士皆厭冠哭於大廟三日君不舉或曰君舉而哭於后土

厭之

邑有宗廟先君之主曰大縣邑厭冠喪冠舉樂也師敗失地以喪禮處之應氏曰哭於太廟者傷祖宗基業之虧損哭於后土者傷土地封疆之脧

檀弓述註

卷上

主八

削也不舉自貶損也曰君舉者非也

孔子惡野哭者

所知吾哭諸野夫子嘗言之矣此所惡者必哭非其地且不為位使人疑駭故惡之也

未仕者不敢稅人如稅人則以父兄之命

稅人以物遺人也未仕者身未尊顯故內不可專

家政外不可私恩惠以稅人其或有情義所

已而當遺者則稱尊者之命而行之

士備入而後朝夕踊

國君之喪諸臣朝夕卽位哭踊然踊以相視

故必羣臣皆入而後可為位以行之士卑其入恒

在後士畢入則無不入者矣故以為節

祥而縞是月禫徙月樂

祥大祥也縞縞冠也大祥日著之徙月後一月也

樂作樂也方氏曰祥而縞卽玉藻所謂縞冠素紕

既祥之冠是也是月禫徙月樂者魯人朝祥而暮

檀弓述註

卷上

主

歌孔子以謂踰月則其善者以此

君於士有賜幣

帝幕之小者置之殯上以承塵也大夫以上則有

司供之士卑又不得自為故君於士之殯有賜幣

也

檀弓述註卷之上 終

亦帝育



檀弓述註

蒲林兆珂孟鳴父纂述

檀弓下

君之適長殯車三乘公之庶長殯車一乘大夫之適長殯車一乘

君謂國君通諸侯及大夫有采地者而言公則專指諸侯也車遣車也葬柩朝廟畢將行設遣奠竟取其性體分析包裹用此車載以遣送亡者車形

檀弓述註

卷下

子路

甚小欲置之椁內四隅不容大也黃氏曰此送殯遣車之禮殊尊卑辯適庶也尊卑殊則國體正適庶辨則家道嚴矣不言中下殯者中殯從長殯下殯則長殯三乘者殺其二一乘者無

公之喪諸達官之長杖

達官謂得自通章奏於君者凡官皆有長貳此以長言皆不及貳也如長缺則貳代之

君於大夫將葬弔於官及出命引之三步則止如是

聲去反丁

者三君退朝亦如之哀次亦如之

宮殯官朝謂柩朝廟而將發之時次待賓客次舍也大夫將葬君往弔於殯官弔畢柩出孝子攀號不忍君命引之輶其情也引者三步即止如是者三柩車遂行君即退去君來時不必恒在殯宮或當柩朝廟之時亦如之或至平生待賓客次舍之處孝子哀而暫停柩車則亦如之

五十無車者不越疆而弔人

檀弓述註

卷下

二

五十始衰不以筋力為禮也

李武子寢疾蟻固不說齊衰而入見曰斯道也將亡矣士惟公門說齊衰武子曰不亦善乎君子表微及其喪也曾點倚其門而歌

將子十得有禮重  
當時問他大夫門  
備有若山服者故  
曰將以將者未幾  
之辭斯道也兩句  
是倒句法若類之  
當云士惟公門說  
齊衰固道也將亡  
矣不亦善乎亦是  
倒句法若類之當  
云君子表微不亦  
善乎然不則則無  
頓挫

李武子即公孫夙也蟻姓固名魯士也武子寢疾蟻固適有齊衰之服遂衣而問疾且曰大夫之門不當釋凶服惟君門乃說耳此禮將亡我之凶服以來欲以救此將亡之禮也武子善之故言失禮

脫讀蟻蟻音

潮制音

之顯著者人皆可知若失禮之微細者惟君子乃能表明之也武子執政人所尊畏固之為此據禮而行正欲易時人之觀瞻武子雖憾不得而罪之也若曾點之倚門而歌則非禮矣此亦其狂之一端與

大夫弔當事而至則辭焉

事謂殯斂之事辭猶告也士於大夫弔當下堂迎之故其當事而至則以事告也

檀弓述註

卷下

三

弔於人是日不樂婦人不越疆而弔人行弔之日不飲酒食肉焉

不樂不飲酒食肉皆為餘哀未忘也婦人無外事

故不越疆而弔人張氏曰婦人不越疆而弔人錯

簡當在五十無車簡下

弔於葬者必執引若從柩及壙皆執紼

引紼皆索名車曰引取長遠之義棺曰紼取撥舉之義弔葬本為助執事故必執引然用人貴賤有

得解引去上

數數足則餘人從柩散行至下棺窆時則皆執紼不限人數皆示助之以力也

喪公弔之必有拜者雖朋友州里舍人可也弔曰寡君承事主人曰臨

喪大記曰喪有無後無無主言必有拜賓者况君弔乎故君弔臣喪而喪家若無主後則以次疏親拜之若又無疏親則朋友或同州里及典舍之人皆可拜之君弔致辭曰寡君承助喪事示君雖尊

檀弓述註

卷下

四

亦為執事來也主人拜致辭曰君屈辱降臨臣某之喪示臣分卑謝君臨之重也

君遇柩於路必使人弔之

遇凡民之喪於路必使人弔者君於民有父母恩也

大夫之喪庶子不受弔

大夫之喪適子主之受弔拜賓其事也或以他故不在則庶子不敢受弔避適也

妻之昆弟爲父後者死哭之適室子爲主袒免哭踊  
夫入門右使人立於門外告來者狎則入哭父在哭  
於妻之室非爲父後者哭諸異室

爲父後之父謂妻父也適室正寢也夫對妻而言  
卽哭妻兄弟者命子爲主之父也來者來弔者也  
父在之父夫之父也此聞妻兄弟之喪而未往弔  
時禮也女子子適人者爲昆弟之爲父後者不降  
以其正故也故夫哭之於適室已子爲之甥宜爲

檀弓述註

卷下

五

舅服總故命之爲喪主受弔拜賓也袒免哭踊盡  
爲主之禮也子爲主在東階下故夫入門右北面  
而哭示無二主也哭則鄰里聞者來弔使人立於  
門外告以哭之由若弔者與此死者相狎習則使  
入與共哭明不狎者不入也若已父在則哭於妻  
之室不以私喪於尊也若妻之昆弟不爲父後則  
哭於異室別於適也

有殯聞遠兄弟之喪哭於側室無側室哭於門內之

右同國則往哭之

遠兄弟謂異國而居者也側室燕寢之旁室也門  
內大門之內也哭于側室欲其遠於殯宮嫌哭殯  
也于門內之右不居主位示爲之變也凡皆不得  
往哭故也若同國則往哭

子張死曾子有母之喪齊衰而往哭之或曰齊衰不  
以弔曾子曰我弔也與哉

曾子與子張有同道之恩故雖有母喪不釋服而

檀弓述註

卷下

六

往哭之非弔也或人疑其爲弔故曰我弔也與哉  
言非弔也劉氏曰曾子嘗聞三年之喪而弔哭不  
亦虛乎旣聞此矣而以母喪哭友必不然也

有若之喪悼公弔焉子游攬由左

悼公魯君名寧哀公子也攬贊相禮者吉事尚左  
凶事尚右而攬相者由左子游如左是知禮也

齊穀王姬之喪魯莊公爲之大功或曰由魯嫁故爲  
之服姊妹之服或曰外祖母也故爲之服

聲義

聲義

殺卽告謂以喪告也王姬周女齊襄公之夫人魯  
莊公齊襄公女弟文姜之子王姬乃其舅之妻也  
天子女下嫁諸侯必使同姓諸侯主之卒則天子  
無服主嫁之國爲之服魯莊公二年王姬卒齊來  
告赴于魯魯莊公爲之服大功禮也或人以爲此  
王姬由魯而嫁故爲之服出嫁姊妹大功之服此  
說是也或人不知此王姬乃莊公舅之妻而以爲  
外祖母又不知外祖母服小功而以爲大功則非

禮弓述註

卷下

七

矣按禮於舅妻無服而此爲之服者重王命非爲  
舅也

晉獻公之喪秦穆公使人弔公子重耳且曰寡人聞  
之亡國恒於斯得國恒於斯雖吾子儼然在憂服之  
中喪亦不可久也時亦不可失也孺子其圖之以告  
舅犯舅犯曰孺子其辭焉喪人無寶仁親以爲寶父  
死之謂何又因以爲利而天下其孰能說之孺子其  
辭焉公子重耳對客曰君惠弔亡臣重耳身喪父死

與去  
說如

喪去

不得與於哭泣之哀以爲君憂父死之謂何或敢有  
他志以辱君義稽顙而不拜哭而起起而不私子顯  
以致命於穆公穆公曰仁夫公子重耳夫稽顙而不  
拜則未爲後也故不成拜哭而起則愛父也起而不  
私則遠利也

秦穆公名任好晉獻公之婿也重耳獻公次子舅  
犯重耳舅狐偃字子犯顯當作鞮子鞮公子繫字  
也晉獻公卒驪姬之子奚齊立申生之傅里克殺

禮弓述註

卷下

八

之其姊之子卓立克又殺之是時晉國無君而重  
耳避難于狄故穆公使子繫弔之寡人聞之者使  
者傳穆公之言也恒於斯言當在此死生交代之  
際也儼然端靜持守之貌喪失位也喪不可久時  
不可失者勸其奔喪反國以謀襲位故言孺子其  
圖之也此時秦已有納之之志矣喪人猶言亡人  
仁愛也謂何猶言何等大事也說解也誰能解說  
我爲無罪也惠弔亡臣重耳謝其來弔也不得與

遠去  
解

哭泣之哀言出在外不得居喪次也以爲君憂者致君憂慮我也他志謂求位之志辱君義辱君惠弔之義也不私不再與使者私言也喪禮先稽顙後拜謂之成拜爲後者成拜所以謝弔禮之重今公子以未爲後故不成拜也愛父猶言哀痛其父也不私與使者言是遠反國之利也愛父遠利皆仁者之事故稱之曰仁

帷殯非古也自敬姜之哭穆伯始也

檀弓述註

卷下

九

敬姜齊女穆伯之妻也穆伯魯大夫季悼子之子公甫靖也古禮喪在殯朝夕哭必褰開其帷敬姜早寡常晝哭乃以避嫌而不褰帷後人遂因之也喪禮哀戚之至也節哀順變也君子念始之者也孝子之哀發於天性之極至豈可止遏而聖人制禮以節之蓋順其哀戚之情以漸變而輕減也始猶生也始而生之者親也念父母生我不敢以死傷生也

復盡愛之道也有禱祠之心焉望反諸幽求諸鬼神之道也北面求諸幽之義也

復者招始死之魂有禱祠之心冀其復也復者北面而呼北面爲陰幽求諸鬼神之義冀其復從幽而還也方氏曰孝子之事親固有愛之道及其死也猶復以冀其復生則愛之道於是爲盡故曰盡愛之道也冀其復生所以有禱祀之禮也特有是心耳故曰有禱祠之心莊子曰鬼神守其幽則幽者鬼神之道也復之時望其魂氣自幽而反故曰望諸幽南爲陽有明之義北面爲陰有幽之義故曰北面而求諸幽也

檀弓述註

卷下

十

拜稽顙哀戚之至隱也稽顙隱之甚也

隱痛也稽顙者以頭觸地無復禮容就拜與稽顙言之皆爲至痛而稽顙則尤其痛甚者也故孔子從稽顙而後拜者

飯用米貝弗忍虛也不以食道用美焉耳

貝解上  
印

復去  
聲

實米與貝于死者口中不忍其口之虛也此非用飲食之道但用美潔之物以實之耳方氏曰弗忍虛則無致死之不仁不以食道則無致生之不知銘明旌也以死者為不可別已故以其旗識之愛之斯錄之矣敬之斯盡其道焉耳

識音

錄反

銘以雜帛為之天子九尺諸侯七尺大夫五尺士三尺不命之士以緇長半幅經末長終幅廣三寸半幅一尺也終幅二尺也總長三尺凡銘所以為

禮弓述註

卷下

十一

名明旌謂之銘以死者書名焉死者無形貌可以識別故書之於旗以表之旗即銘旌愛之而不敢忘故為旌以錄其名敬之而不敢遺故為旌以盡喪死之道

重主道也殷主綴重焉周主重徹焉

杜繼登重音

重亦木為之如木主重設於始死之時有柩而又設之重故謂之重主立於既虞之後有廟而又立之主故謂之主殷既作主猶聯綴其重以縣於廟

楊則喻云宜和神之所饗然非所以訓孔子曰祭如也

不忍棄也周既作主即徹重而埋於門外之道左不敢瀆也馬氏曰殷綴重於廟必親盡廟毀除之不若周徹重神明依於一也

奠以素器以生者有哀素之心也唯祭祀之禮主人自盡焉爾豈知神之所饗亦以主人有齊敬之心也自始至葬時之祭謂之奠奠用素器以喪未久哀心特甚不尚飾也自虞至練祥之祭謂之祭不用素器以喪漸久敬心加隆欲自盡也然其盡禮

禮弓述註

卷下

十二

而漸文豈為死者真能來饗而然哉亦自盡其禮以致敬親之心焉爾鄭氏曰哀則以素敬則以飾禮由人心而已

辟踊哀之至也有算為之節文也袒括髮變也慍哀之變也去飾去美也袒括髮去飾之甚也

辟踊作辟去上

所襲哀之節也撫心為辟跳躍為踊算數也天子八日九踊諸侯六日七踊大夫四日五踊士三日三踊每一踊三

跳三踊九跳爲一節辟踊乃哀痛之極有算數以爲之節文恐其毀滅性也袒衣括髮形貌之變也悲慍恚慙哀情之變也去其尋常吉時之服飾是去其華美也去飾雖多端唯袒而括髮又去飾中之最甚者也理應常袒何以有時袒有時襲蓋哀甚則袒哀輕則襲哀之限節也

弁經葛而葬與神交之道也有敬心焉周人弁而葬殷人冎而葬

檀弓述註

卷下

三

弁以素絹爲之制如爵弁厭冠麻經居喪之禮也至於葬則以弁易厭冠以葛易麻經者喪致哀親之也葬則有敬心焉喪事遠以神明待之也周之弁殷之冎皆象祭冠以易喪冠而葬也

歠主人主婦室老爲其病也君命食之也

歠歠粥也主人亡者之子主婦亡者之妻室老家之長相此三人並是大夫之家貴者爲其哀劇而病也故親喪三日之後君命食之食之者使歠粥

也一說凡喪始死三日以後未殯以前皆當歠粥君命食之者使食疏飯也

反哭升堂反諸其所作也主婦入於室反諸其所養也反哭之弔也哀之至也反而凶焉失之矣於是爲甚殷既封而弔周反哭而弔孔子曰殷已慤吾從周堂室廟中之堂室也卒窆而歸反哭於祖禰之廟主人升堂求諸其舊所行禮之處主婦入室求諸其舊所饋食之處反而不復見其親其痛於是爲

檀弓述註

卷下

四

甚於是手弔之殷甫葬而卽弔於壙周待其反哭於廟而後弔孔子謂殷禮太質慤者蓋親之在土固爲可哀不若求親於平生居止之所而不得其哀爲尤甚也故弔於墓者不如弔於家者之情文兼盡所以欲從周也

二之字不同文章假借相形之妙

葬於北方北首三代之達禮也之幽之故也

北方國之北也殯雖南首未忍以鬼神待其親也葬則終此事矣故葬而北首三代通用此禮也南

葬首去

故經之計昔

方昭明北方幽暗之幽釋所以北首之義

既封主人贈而祝宿虞尸既反哭主人與有司視虞牲有司以几筵舍奠於墓左反日中而虞葬日虞弗忍一日離也是日也以虞易奠

釋舍音 葬去

贈以幣送死者於壙也案既夕禮主人贈用制幣玄纁束帛也宿猶戒也虞祭名葬畢迎精而反日中祭於殯宮以安之也案士虞禮男男尸女女尸是虞有尸也几所以依神筵坐神席也席敷陳曰

檀弓述註

卷下

五

筵舍讀作釋奠置也釋置祭饌於墓左為父母形體在此禮其神也奠喪奠也方氏曰既封而贈則虞祭有期矣故祝先反而宿虞尸焉主人不親舍奠而使有司代之者欲速反而脩虞事故也必待有司反而後虞祭者葬禮畢然後敢成葬反之禮也弗忍一日離其親故不待明日而後虞也是日以虞易奠者以虞之禮漸吉故也

卒哭曰成事是日也以吉祭易喪祭明日祔于祖父

其變而之吉祭也比至於祔必於是日也接不忍一

此音 葬

日未有所歸也殷練而祔周卒哭而祔孔子善殷

卒哭三虞後祭名三虞既畢之明日行卒哭祭言

無時之哭自此而止惟有朝夕二哭漸就於吉故

云成事祭以吉為成故也吉祭即卒哭之祭喪祭

虞祭也卒哭在虞之後故云以吉祭易喪祭也明

日卒哭之次日也祔之為附也祖父祖也祔于祖

父者孫與昭穆同也變變易常禮也卒哭與祔皆

檀弓述註

卷下

六

據正禮其或有故未及葬期而即葬者自此以往至於卒哭與祔為日尚多則用後虞之剛日連接而祭至祔乃止蓋虞用柔日至虞後用剛日如丁日葬則已日再虞庚日三虞此後每遇剛日皆祭故曰必於是日也接此孝子不忍使其親一日無所歸依也期而小祥服練服殷人至此而後祔周用卒哭則太速矣孔子善殷以不急於鬼其親也君臨臣喪以巫祝桃茢執戈惡之也所以異於生也

列音 葬



喪有死之道焉先王之所難言也

桃性辟惡鬼神畏之蒯苕帚也可掃不祥臣喪未襲之前君往臨之則使巫執桃祝執蒯小臣執戈蓋為其有凶邪之氣可惡故以此三物辟祓之也臨生則惟執戈而已今加以桃蒯故曰異於生也人死斯惡之矣故喪禮實有惡死之道焉先王之所不忍言也劉氏曰君臨臣喪以桃蒯先非禮也周之末造也君臣之義非虛也寄社稷寄宗廟寄

檀弓述註

卷下

七

人民焉爾故君有慶臣亦有慶君有戚臣亦有戚臣疾君親問之臣死君親哭之以致忠愛也若生而用死而棄生而辱死而薄生而愛死而惡是忘生背死也施之於人者不變於存亡然後人之視其亡猶存矣則夫桃蒯胡為乎諸臣之廟哉或曰於記有之宜若禮然曰否是固周末之記也

喪之朝也順死者之孝心也其哀離其室也故至於祖考之廟而後行殷朝而殯於祖周朝而遂葬

津去

津去

子之事親出必告反必面今將葬而奉柩以朝祖所以順死者之孝心也又死者神靈自悲棄離居室永即泉壤亦欲至祖考之廟而訣別也殷尚質敬鬼神而遠之故大斂之後即奉柩朝祖而遂殯於廟周尚文事亡若存故殯於寢及葬而後朝廟也

孔子謂為明器者知喪道矣備物而不可用也哀哉死者而用生者之器也不殆於用歟乎哉其曰明器

檀弓述註

卷下

六

神明之也塗車芻靈自古有之明器之道也孔子謂為芻靈者善謂為備者不仁不殆於用人乎哉

明器備而不用芻靈似而不為人後世明器改而用生者之器芻靈改而用木偶之人故流而至於用生人殉死者之葬孔子推其漸而哀之

穆公問於子思曰為舊君反服古與子思曰古之君子進人以禮退人以禮故有舊君反服之禮也今之君子進人若將加諸膝退人若將隊諸淵毋為戎首

無母作隊  
通與整

為去

不亦善乎。又何反服之禮之有。

爲舊君服見儀禮齊衰章隊諸淵言置之死地戎首謂爲他國主兵來攻伐陳氏曰義起於情之所及而不起於情之所不及禮生於義之所加而不生於義之所不加故因情以爲義而義所以行情因義以爲禮而禮所以行義人臣之去國有爲舊君之服者有不爲舊君之服者凡視情與義如何耳古者進人以禮進之以誠之所樂與也退人以

檀弓述註

卷下

九

禮退之以勢之所不得已也今也引之惟恐其不高則若加諸膝擠之惟恐其不深則若隊諸淵服與不服所以異也應氏曰此與孟子告齊宣王語畧相類其曰戎首卽所謂視君如寇讎也蓋世衰君暴多虐其臣故以上下感應之理警其君爾若君子之自處與其所以教人則不容如是之薄也悼公之喪季昭子問於孟敬子曰爲君何食敬子曰食粥天下之達禮也吾三臣者之不能居公室也四

方莫不聞矣勉而爲瘠則吾能毋乃使人疑夫不以情居瘠者乎哉我則食食

季昭子季康子之曾孫名強孟敬子孟武伯之子名捷三臣併叔孫氏而言也敬子初言食粥是也又言我三家不能居公室而以臣禮事君四方皆知之矣若勉强食粥而爲毀瘠之貌我雖能之然豈不使人疑我非以衰戚之真情而處此瘠乎不若違禮而食食也

檀弓述註

卷下

十

衛司徒敬子死子夏弔焉主人未小斂經而往子游弔焉主人旣小斂子游出經反哭子夏曰聞之也與曰聞諸夫子主人未改服則不經司徒以官爲氏敬子公子許之後也主人未小斂則未改服故弔者不經子夏經而往弔非也子游之弔在改服之後乃出加經而反哭之則中於禮矣卽曾子襲裘而弔之義

曾子曰晏子可謂知禮也已恭敬之有焉有若曰晏

音似食

子一狐裘三十年遣車一乘及墓而反國君七個遣車七乘大夫五個遣車五乘晏子馬知禮曾子曰國無道君子耻盈禮焉國奢則示之以儉國儉則示之以禮

盛乘聲去音

晏子齊大夫名嬰字平仲个包也謂所包遣奠牲體之數諸侯大夫皆太牢三牲九體諸侯分爲二十一段大夫分爲十五段每三段爲一包每遣車一乘載一包故諸侯七包用車七乘大夫五包用

檀弓述註

卷下

主

車五乘及墓埋之曾子稱晏子爲知禮謂禮以恭敬爲本也有若則譏其儉狐裘三十年不易是儉於已也遣車一乘是儉其親也禮窆後有拜賓送賓等禮晏子窆訖卽還是儉於賓也因言遣車之數晏子當用五乘而僅用一乘不知禮也曾子又謂晏子之所爲乃所以救齊國之奢非不知禮也曾子主權有子主經是以二端之論不合方氏曰以齊國之無道而以盈爲耻以齊國之奢而欲示

之儉則儉於其身庶幾其可也儉於其親不亦甚乎若管仲有反玷塞門孔子亦以爲不知禮則二子所爲雖不同其爲不知禮一也然以禮與其奢也寧儉言之則晏子之失猶爲愈矣

國昭子之母死問於子張曰葬及墓男子婦人安位子張曰司徒敬子之喪夫子相男子西鄉婦人東鄉曰噫毋曰我喪也斯沾爾專之賓爲賓馬主爲主馬婦人從男子皆西鄉

檀弓述註

卷下

主

國昭子齊大夫夫子孔子噫不寤聲母禁止辭斯此也沾爾者沾沾然之類率爾而專輒爲之也國昭子不聽子張東鄉西鄉之說而自主皆西鄉之說故先之曰毋謂我之喪而率爾自專之也禮分賓主而男女皆西鄉者賓主之禮也二說沾視也昭子言我爲大夫齊之顯家今行喪禮人必於此覘視當有所更改以示人豈宜一循舊禮爾當專主其事使賓自爲賓主自爲主可也方氏曰禮之

視沾聲斯聲鄉聲相音去去去

辨異尤重於男女之際雖在喪紀憂遽之中亦必各正其位焉故自始死以至於葬男子位東婦人位西凡以辨陰陽之義而已司徒敬子之喪夫子為相固嘗行之矣而昭子徒為賓主之辨曾無男女之別則其失禮不亦甚乎

穆伯之喪敬姜晝哭文伯之喪晝夜哭孔子曰知禮穆伯魯大夫名靖文伯穆伯子名歆經云寡婦不夜哭蓋遠嫌之道當然耳穆伯於敬姜夫也喪止

檀弓述註

卷下

五

晝哭文伯於敬姜子也喪晝夜哭哭夫以禮哭子以情中節矣故孔子以為知禮

文伯之喪敬姜撫其牀而不哭曰昔者吾有斯子也吾以將為賢人也吾未嘗以就公室今及其死也朋友諸臣未有出涕者而內人皆行哭失聲斯子也必多曠於禮矣夫

季氏魯之宗卿敬姜有會見之禮故言就公室諸臣家臣也內人妻妾也朋友諸臣不出涕而內人

皆哭失聲則平日所好可見陳氏曰以為賢人必

知禮矣故我平日出入公室未嘗與俱而觀其所行蓋信其賢而知禮也至死而後覺其曠禮乃歎恨之孔氏曰此不哭者謂暫時不哭故上云晝夜哭是也按家語云文伯歆卒其妻妾皆行哭失聲敬姜戒之曰吾聞好外者士死之好內者女死之今吾子早夭吾惡其好內聞也二三婦供祭祀者無加服孔子聞之曰女智莫若公父氏之婦知禮矣與此不同者彼戒婦人而成子之德此論子之過各舉一邊相包乃具

檀弓述註

卷下

五

季康子之母死陳襲衣敬姜曰婦人不飾不敢見舅姑將有四方之賓來襲衣何為陳於斯命徹之

季康子魯大夫名肥敬姜季康子之從祖母也不飾謂不襲衣也四方之賓嚴於舅姑不可以襲衣見也敬姜以康子失禮命徹之

有子與子游立見孺子慕者有子謂子游曰子壹不

知夫喪之踊也。予欲去之久矣。情在於斯。其是也。夫子游曰。禮有微情者。有以故興物者。有直情而徑行者。戎狄之道也。禮道則不然。人喜則斯陶。陶斯咏。咏斯猶。猶斯舞。舞斯愔。愔斯戚。戚斯歎。歎斯辟。辟斯踊矣。品節斯斯。斯之謂禮。人死。斯惡之矣。無能也。斯倍之矣。是故制絞衾。設萋翣。爲使人勿惡也。始死。脯醢之。奠將行。遣而行之。旣葬而食之。未有見其饗之者也。自上世以來。未之有舍也。爲使人勿倍也。故子之所刺於禮者。亦非禮之訾也。

檀弓述註

卷下

圭

有子見孺子號慕父母而踊者。謂喪禮有踊節。我常不知其何爲。而然久欲去之。今見孺子慕者。孝子之情。恒在於斯。其事卽是。何必爲踊節乎。其當去明矣。有子一主於情。故子游以禮正之。謂先王制禮。慮賢者之過於情也。故立爲哭踊之節。以殺之。慮不肖之不及乎情也。故爲之興起禮文之物。使睹物思哀。以政之。此二者皆酌人情而爲之也。

死音次 判音上 食音上 柳音去 文音通 辟音通 猶音上

圭

若直肆已情。徑率行之。或哀或不哀。漫無制節。是乃戎狄之道耳。中國禮道。則不如是也。若孺子之慕得無直情徑行者乎。夫哀之與樂。情本相生。自有禮以節之也。喜者外境會心之謂陶。謂鬱陶。心初悅而未暢之意。鬱陶之情。暢則口歌咏之也。咏歌不足。漸至動搖身體。乃至起舞。足蹈手揚。樂之極也。外境遠。心謂之愔。若舞無節形。疲厭倦。事與心遠。所以怒生。怒來。觸心憤恚之餘。轉爲憂戚。憂戚轉深。因發嘆息。歎恨不泄。遂至撫心撫心。不泄。乃至跳踊。此亦哀之極也。夫哀之極也。非卽孺子慕者之真情耶。品節於斯。是之爲禮。所謂微情者也。且人死。則人斯惡之矣。無復知覺。人斯倍之矣。聖人爲之制絞衾。以飾其體。萋翣以飾其棺。欲人不見死者之可惡也。始死。卽爲脯醢之祭。將葬。則有包牲之遣。旣葬。則有虞祭之祀。雖未見死者。且來饗之。然自上世至今。未有舍之而不行者。欲使

檀弓述註

卷下

圭

戚轉深。因發嘆息。歎恨不泄。遂至撫心撫心。不泄。乃至跳踊。此亦哀之極也。夫哀之極也。非卽孺子慕者之真情耶。品節於斯。是之爲禮。所謂微情者也。且人死。則人斯惡之矣。無復知覺。人斯倍之矣。聖人爲之制絞衾。以飾其體。萋翣以飾其棺。欲人不見死者之可惡也。始死。卽爲脯醢之祭。將葬。則有包牲之遣。旣葬。則有虞祭之祀。雖未見死者。且來饗之。然自上世至今。未有舍之而不行者。欲使

杜預春秋以六  
字充官者惟魯宋  
與吳則陳無字  
明矣豈非禮文  
詳微

人知死者之不可倍也先王制禮其深意如此所  
謂以故興物者也今子刺喪之踊節而欲去之是  
謂直情徑行而自異於禮道耳

吳侵陳斬祀殺厲師還出竟陳大宰嚭使於師夫差  
謂行人儀曰是夫也多言蓋嘗問焉師必有名人之  
稱斯師也者則謂之何太宰嚭曰古之侵伐者不斬  
祀不殺厲不獲二毛今斯師也殺厲與其不謂之殺  
厲之師與曰反爾地歸爾子則謂之何曰君王討敵  
種弓述註 卷下 主

邑之罪又矜而赦之師與有無名乎  
按太宰嚭乃吳夫差之宰陳遣使者正用行人則  
儀乃陳臣也記禮者更錯其名當云陳行人儀使  
於師夫差使太宰嚭問之斬祀謂毀其宗廟也厲  
病人也是夫猶言此人指儀也多言猶善言也嘗  
試也太宰嚭當作行人儀二毛班白之人也不及  
斬祀重人也子謂所獲臣民也魯哀公元年吳師  
侵陳斬祀殺厲及師出竟陳懷公使行人儀如吳

運 說 八 音 音 音 音  
去 音 音 音 音

師夫差聞儀能言乃使太宰嚭問之謂出師伐人  
必得彼國之罪以顯我出師之名也今人稱我此  
師謂之何名乎儀名以殺厲之師吳欲反地歸子  
是矜而赦之也有無名乎謂師豈有無善名乎言  
必有善名而非殺厲之師也此陳行人善於辭令  
所以能救敗亡之禍黃氏曰春秋之世以辭命相  
尚僥倖成功者甚多如晉陰飴甥對秦伯而釋晉  
侯魯展喜犒齊師而還齊侯之類是以後來一變

種弓述註 卷下 主  
而為戰國儀秦之術考諸春秋史記則知世道之  
變其所由來漸矣

顏丁善居喪始死皇皇馬如有求而弗得及殯望望  
馬如有從而弗及既葬慨馬如不及其反而息  
顏丁魯人皇皇猶栖栖也望望往而不顧之貌慨  
感愴也息猶憇息之息不忍忘其親猶且行且止  
以待其反所謂如慕也顏丁居喪之善以其殺哀  
之有漸也

陳公云禮傳云  
言而不信雖左  
氏之說豈敢信  
於前乎如此事  
事在氏云後作  
知悼子卒未葬  
疾也君之卿佐  
是謂股肱股肱  
虧而如之禮  
止十七字盡之

子張問曰書云高宗三年不言乃誰有諸仲尼曰  
胡為其不然也古者天子崩王世子聽於冢宰三年  
時君無行三年喪者故子張疑而問謹今書文作  
雍

知悼子卒未葬平公飲酒師曠李調侍鼓鐘杜蕢自  
外來聞鐘聲曰安在曰在寢杜蕢入寢歷階而升酌  
曰曠飲斯又酌曰調飲斯又酌堂上北面坐飲之降  
趨而出平公呼而進之曰蕢曩者爾心或開予是以  
憚焉述註 卷下 走

不與爾言爾飲曠何也曰子卯不樂知悼子在堂斯  
其為子卯也大矣曠也太師也不以詔是以飲之也  
爾飲調何也曰調也君之褻臣也為一飲一食忘君  
之疾是以飲之也爾飲何也曰蕢也宰夫也非刀匕  
是共又敢與知防是以飲之也平公曰寡人亦有過  
焉酌而飲寡人杜蕢洗而揚觶公謂侍者曰如我死  
則必勿廢斯爵也至於今既畢獻斯揚觶謂之杜舉  
知悼子晉大夫荀盈也盈亦作瑩平公晉侯彪也

侍與君飲鼓鐘作樂也杜蕢春秋傳作屠蒯時為  
宰夫凡三酌者既罰二子又自罰也坐跪也在堂  
在殯也詔告也揚觶舉觶於君也盥洗而後舉致  
絜敬也平公呼杜蕢而進之謂爾之初入我意爾  
必有諫諍開發於我是以不先與爾言乃三酌之  
後不言而出必有意存焉故問飲曠何說也蕢言  
紂以甲子日死桀以乙卯日死謂之疾日君不舉  
樂若卿大夫未葬重於疾日是大於子卯也罰其  
檀弓述註 卷下 手

不告之罪是以飲曠又問飲調何也則以調為近  
習之臣貪於一飲一食而忘君遠禮之疾故罰之  
也又問爾飲何也則以宰夫職在刀匕今乃不專  
共刀匕之職而敢與知諫諍防閑之事是侵官矣  
故自罰也平公自知其過既命蕢以飲已又欲以  
此爵為後世戒故記者云至今晉國行燕禮之終  
必舉此觶謂之杜舉言此觶乃昔者杜蕢所舉也  
陳氏曰先王制為喪臣之禮於服則衰經於膳則

不舉於樂則弛縣以至與歛往弔莫不盡禮是以柳莊之卒衛獻公不釋祭服而往極叔弓之卒隱公不與歛仲遂之卒宣公猶繹而萬入君子非之然則悼子之未葬平公飲酒至於鼓鐘其可乎此杜蕢所以升酌而譏之也噫三代之季賢者陸沉多矣及不得已而見於世故讓爵見於屠羊非書見於斲輪守官見於虞人商歌見於飯牛則善諫見於宰夫不為過矣

禮記述註

卷下

主

公叔文子卒其子戌請謚於君曰日月有時將葬矣請所以易其名者君曰昔者衛國凶饑夫子為粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制以與四鄰交衛國之社稷不辱不亦文乎故謂夫子貞惠文子

葬以書歸果歟人臣以作威福文子不臣其君然則何以死衛君於國傳不

君靈公也有時猶言有數也大夫士三月而葬此其時也易代也死則諱其名故為謚以代之夫子

此據子雖總文子不臣其君然則何以死衛君於國傳不

禮記述註卷下主

指文子魯昭公二十年盜殺衛侯之兄繁時齊豹作亂公如死鳥此衛國之難也班者尊卑之次制者多寡之節因舊典而脩舉之也按謚法愛民好與曰惠外內用情曰貞道德傳聞曰文據先後則惠在前論大小則貞為重故不曰惠貞而曰貞惠三字為謚而章首獨稱文者文足以兼之也

石駘仲卒無適子有庶子六人卜所以為後者曰沐浴佩玉則兆五人者皆沐浴佩玉石和子曰孰有執

親之喪而沐浴佩玉者乎不沐浴佩玉石和子兆衛人以龜為有知也

駘仲衛大夫曰沐浴佩玉則兆卜人之言也沐浴佩玉致齊潔也兆吉兆也凡立庶者年鈞以德德鈞以下駘仲有庶子六人莫適立也故卜所以堪為後者卜人但知齊戒以命龜而不知居喪無沐浴佩玉之理曲禮云居喪之禮頭有創則沐身有瘍則浴非有創瘍固不可沐浴矣玉藻云凡帶必



有佩玉唯喪否非去喪固不可佩玉矣執親之喪而沐浴佩玉是忘孝忘禮也唯石和子不為之龜之獨兆於和子其真有知哉陳氏曰五人者有意於得而不兆和子無意於得而兆蓋溺利忘禮者人謀所不與而鬼謀之所遠也專禮不謀利者人謀所與鬼謀之所從也

陳子車死於衛其妻與其家大夫謀以殉葬定而後陳子亢至以告曰夫子疾莫養於下請以殉葬子亢

檀弓述章

卷下

圭

曰以殉葬非禮也雖然則彼疾當養者孰若妻與宰得已則吾欲已不得已則吾欲以二子者之為之也於是弗果用

子車齊大夫子亢其弟即子禽也定謂已議定所殉之人也下謂妻宰童婢之屬宰即家大夫也二子謂妻與宰也子車在衛得疾家人不得致養故其死也其妻與宰謀以殉葬子亢度非可以口舌爭故使二人身自為殉二人懼而自止西門豹止

陳子亢  
聲去音

嫁河伯事畧類此人能以人之痛癢反而切諸身則害人之事息矣

子路曰傷哉貧也生無以為養死無以為禮也孔子曰啜菽飲水盡其歡斯之謂孝歛手足形還葬而無槨稱其財斯之謂禮

禮謂喪葬之禮菽大豆也熬豆而食曰啜菽陳氏曰君子之於親以其所以養則養在志不在體以其所以葬則葬在誠不在物苟養在體不在志則

檀弓述章

卷下

圭

雖三牲不足以為孝葬在物不在誠則雖醢醢百鑊不足以為禮若然則富者不足矜貧者不足傷要在自盡而已

衛獻公出奔及於衛及郊將班邑於從者而後入柳莊曰如皆守社稷則孰執羈勒而從如皆從則孰守社稷君及其國而有私也毋乃不可乎弗果班

獻公名衎左傳魯襄公十四年衛獻公戒孫文子林父甯惠子殖食二子皆朝服而朝日盱不召公

柳莊  
聲從音

啜菽  
聲去音

射鴻於圃二子從之公不釋皮冠而與之言二子怒故攻公公出奔齊二十六年公使子鮮與甯殖子喜言曰苟反政由甯氏喜以父言攻孫氏而納公復歸于衛羈所以絡馬勒所以輕馬莊之意蓋謂居者行者均之爲國不當獨賞從者以示私恩陳氏曰楚昭王之賞從亡而及於屠羊說晉文公之賞從亡而辭見守藏者衛獻公之厚從亡而及郊將班邑是皆徇於私而不知公蔽於邇而不知遠也蓋居者守君之社稷行者執君之羈勒其勞逸雖殊而功之所施則一其可厚此而薄彼哉此柳莊所以諫獻公也臧武仲曰衛公之奔有太叔儀以守有母弟鱣以出或撫其內或營其外其無歸乎是內外之功一也

衛有太史曰柳莊寢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以禭之與之

章請作必

邑襄氏與縣潘氏書而納諸棺曰世世萬子孫毋變也

縣音

以衣服贈死者曰禭襄氏縣潘氏二邑名萬子孫謂莊之後世也莊之疾公嘗命其家若當疾亟之時我雖在祭亦必入告及其死也果當公行事之際遂不釋祭服而往因釋以禭之又賜之二邑此雖見國君尊賢之意然棄祭事而不終以諸侯之命服而禭大夫書封邑之券而納諸棺皆非禮矣

陳乾昔寢疾屬其兄弟而命其子尊已曰如我死則必大爲我棺使吾二婢子夾我陳乾昔死其子曰以殉葬非禮也况又同棺乎弗果殺

乾音屬音

屬猶合也聚也屬兄弟而命子欲使從也尊已不從父之亂命不陷父於不義記者善之

仲遂卒於垂壬午猶繹萬入去籥仲尼曰非禮也卿卒不繹

去上

仲遂魯莊公子東門襄仲也爲魯卿垂齊地名祭

宗廟之明日又設祭禮以享尸以尋繹昨日之祭故謂之繹般謂之彤春秋宣公八年夏六月辛巳有事于太廟仲遂卒于垂壬午猶繹萬入去籥萬舞執干以舞也籥舞吹籥以舞也萬入去籥言此釋祭時以仲遂之卒但用無聲之干舞以入去有聲之籥舞而不用也陳氏曰春秋之法當祭而卿卒則不用樂明日則不繹故叔弓之卒昭公去樂卒事君子以為禮仲遂之卒宣公猶繹而萬入去

檀弓述註

卷下

手

籥聖人以為非禮

季康子之母死公輸若方小斂般請以機封將從之公肩假曰不可夫魯有初公室視豐碑三家視桓楹般爾以人之母嘗巧則豈不得以其母以嘗巧者乎則病者乎噫弗果從

公輸氏若名為匠師方小年尚幼也斂下棺於槨也般若之族素多技巧見若掌斂事而年幼欲代之而試用其巧技也機封謂以機關轉動之器下

豐碑桓楹音

檀弓述註

卷下

手

棺不用碑與緯也一說般巧匠當若方與小斂之時預請封時用機也公肩氏假名初謂故事視者比擬之辭豐大也豐碑謂用木為大碑二各空其中而入鹿盧於是以紼繫棺絨繞於鹿盧既訖人各背碑負紼聽鼓聲以漸却行而下之也楹柱也雙立為桓以楹代碑而法如之假言不可機封曾自有初始舊禮當從下二句即所謂嘗有初者也嘗猶試也得字絕句自快足為得有虧歉為病上二句責般謂爾以人之母試巧則爾工人之心豈不快足而自得下二句閔季孫謂以其母以試爾之巧者彼孝子之心其有虧歉而病者矣乎者疑惑之辭而不質言也噫嗟歎聲一說爾以人之母嘗巧則豈不得以作一句謂爾欲以人母嘗試已之巧事誰有強逼於爾而為此乎豈不得休已者哉又語之云其無以人母嘗試已巧則於爾病者之言不得嘗巧豈於爾有所病又一說則豈不得

陸子餘云公為昭  
公之子謀孫季孫  
以成乾侯之禍陷  
君父於難而不死  
至是乃死死後矣

以其母以嘗巧者乎作一句言爾以他人母試巧而廢其當用之禮則亦豈不得自以已母試巧而不用禮乎則於爾心亦有所病而不安乎蓋使之友求諸心以已度人而知其不可也王氏曰言公室視豐碑三家視桓楹見下陵上替成俗人不復以僭為非矣

戰于郎公叔禺人遇負杖入保者負自使之雖病也負任之雖重也君子不能為謀也士弗能死也不可負我

檀弓述註

卷下

五

則既言矣與其鄰重汪錡往皆死焉魯人欲勿殤重

紀

汪錡問於仲尼仲尼曰能執干戈以衛社稷雖欲勿

殤也不亦可乎

即魯近邑春秋傳作郊禺人傳作務人昭公子公

為也意休息也傳作泣使役使也任賦稅也君子

謂卿大夫也重傳作童汪錡童子姓名也魯哀公

十一年齊伐魯戰于郎禺人遇魯人避寇而負杖

走入城保者倦而息于塗乃歎曰徯役雖煩賦歛

顏淵贈子路曰去  
國則哭墓而後行  
曰過墓則式過祀  
則下皆墓則式過祀  
則下皆墓則式過祀  
於人道也庶幾子

雖重猶當有親上死長之心今吾不能以此責國

人矣若得上人協心禦寇猶可為國今君子不能

為謀士又不能致死是自全其身於理不可我既

為此言矣可不思踐吾言乎於是與其鄰之童子

汪錡者皆往闕而死於敵禮童子為殤魯人見其

死敵欲勿殤而以成人之喪治之而孔子以為可

也黃氏曰郎之戰曲在魯而直在齊是時三家柄

魯既不能相君以義以絕兵端又不能為君禦敵

以紆國難故魯人欲厚汪錡而孔子與之所以深

責三家也

子路去魯謂顏淵曰何以贈我曰吾聞之也去國則

哭於墓而後行反其國不哭展墓而入謂子路曰何

以處我子路曰吾聞之也過墓則式過祀則下

哭墓者哀墓之無主也不忍丘壟之無主則必有

反國之期矣展猶省也凡物展之則可省而視故

省謂之展處猶安也墓謂他家墳墓祀謂神位有

孔子答子路問事  
鬼神一章可以此  
以參看

屋樹者二者人所易忽。能式能下則無往而不用  
吾敬矣。黃氏曰。哭墓展墓所以存愛於吾親行者  
之道也。故爲去本國者言之。式墓下祀所以主敬  
以安身居者之道也。故爲留本國者言之。古人離  
別之情於是爲至矣。

工尹商陽與陳弃疾追吳師。及之。陳弃疾謂工尹商  
陽曰。王事也。子手弓而可。手弓子射。諸射之斃一人。  
張弓又及。謂之又斃二人。每斃一人。揜其目。止其御。  
禮記述註 卷下 聖

曰。朝不坐。燕不與。殺三人亦足以反命矣。孔子曰。殺  
人之中又有禮焉。

工尹楚官名。商陽其姓名也。弃疾楚公子名。楚滅  
陳。以其地封之。故稱陳。追吳師事在魯昭公十二  
年。手弓謂以手執之。猶公羊傳所謂手劍也。張弓  
謂以弓衣韜弓也。掩目不忍見也。此朝及燕皆謂  
在寢若路門外正朝則大夫以下皆立。惟燕朝在  
路寢則大夫坐於上。士立於下。是朝不坐也。燕禮

與去  
聲

石射音  
張音

獻卿大夫之後。西階獻士而無席。是燕不與也。商  
陽自言位卑禮薄如此。今殺三人亦可塞責而反  
命矣。孔子謂其有禮者。特取其善於追敗能節制  
其縱殺之心耳。非謂事君之禮當如是也。按左傳  
文楚子使五大夫伐徐。以偪懼於吳。也不見有吳  
師之事。又弃疾不與圍徐。而當時與事者有鬬尹  
午。陵尹喜而無工尹商陽。且味其辭。若有對君而  
不肯盡力者。尤非人臣之禮。孔子何取焉。

禮記述註

卷下

聖

諸侯伐秦。曹桓公卒于會。諸侯請含。使之襲

含去  
聲

桓當作宣。宣公名廬。卒于魯成公十三年。含朋友

之道。襲賤者之事。諸侯請在會者爲之。含而曹公

乃使之襲。諸侯從之。皆不知禮也。吳氏曰。其時晉

霸。厲公主兵使諸侯行襲事。蓋出於霸令也。

襄公朝於荆。康王卒。荆人曰。必請襲。魯人曰。非禮也。

張上  
聲

荆人強之。巫先拂柩。荆人悔之。

襄公魯君名午。荆楚封國之本號。魯僖公元年始

魯公以中國之君  
安制外夷見諸  
年其存已甚微  
區區拂之報為  
足以害其社乎

稱楚康王名昭襄公以二十八年朝楚適遭康王  
之葬魯人知襲之非禮而不能違於是君臨臣  
喪之禮先之楚人覺之而悔已無及矣陳氏曰荆  
人以人臣之事待襄公襄公則以人臣之事臨荆  
人秦王屈趙王以鼓瑟而有擊缶之辱亦其類也  
滕成公之喪使子叔敬叔弔進書子服惠伯為介及  
郊為懿伯之忌不入惠伯曰政也不可以叔父之私  
不將公事遂入

檀弓述註

卷下

聖

成公名原卒在魯昭公之三年叔氏敬謚子叔敬  
叔名弓魯桓公七世孫也子服氏惠謚伯字名叔  
又名湫桓公六世孫也懿伯子家羈惠伯之叔父  
而敬叔之五從祖也進書奉進魯君之弔書也介  
副也忌忌日也政謂公事敬叔奉使弔於滕適及  
滕郊而遇懿伯之忌日故欲緩至翼日乃入惠伯  
以禮曉之曰此國之政公事也不可以叔父之私  
忌而不將敬叔從之遂入二說懿伯是惠伯之叔

父為人所殺及滕郊遇懿伯之忌逢其讎也敬叔  
不入以禮惠伯欲使惠伯報叔父之讎殺彼人也  
惠伯以公義不可先入受館又一說敬叔嘗殺惠  
伯之叔父懿伯故舊有怨忌嘗為防備今敬叔使  
於滕惠伯為介既及滕郊是由滕之主人平日防  
備不復在已故忌其報仇見殺而不敢入惠伯遂  
開釋之謂今奉君命政令不報叔父私仇敬叔乃  
敢入

檀弓述註

卷下

聖

哀公使人弔黃尚遇諸道辟於路畫官而受弔焉曾  
子曰黃尚不如杞梁之妻之知禮也齊莊公襲莒  
奪杞梁死焉其妻迎其柩於路而哭之哀莊公使人  
弔之對曰君之臣不免於罪則將肆諸市朝而妻妾  
執君之臣免於罪則有先人之敝廬在君無所辱命  
黃尚人姓名辟路畫官謂除辟道路以畫宮室之  
位而受弔也杞梁左傳作杞殖莊公名光奪左傳  
作隧狹路也或作允肆陳尸也曾襄公二十三年

後音作辟快音  
音開讀

齊莊公襲莒于且于傷股而退明日將復戰杞  
梁華周載甲夜入且于之隧宿于莒郊明日遇莒  
子莒子賂之二人不肯皆以戰死故妻迎其柩而  
莊公使人弔之其妻辭乃弔諸其室方氏曰與人  
交於喪尤欲其至若夫弔人於道路之間者禮苟  
從簡事苟從便而已豈所以用其至哉蓋非禮之  
禮君子固不以加於人然亦未嘗受之於人焉此  
實尚不如杞梁之妻之知禮也

檀弓述註

卷下

聖

孺子糝之喪哀公欲設撥問於有若若曰其可也  
君之三臣猶設之顏柳曰天子龍輅而棹幘諸侯輅  
而設幘爲榆沈故設撥三臣者廢輅而設撥竊禮之  
不中者也而君何學焉

糝魯哀公之少子顏柳人姓名撥以手撥榆沈而  
洒於道使輅車滑而易行也設謂設置撥榆沈之  
人也三臣魯三家孟孫叔孫季孫輅殯車也天子  
畫龍於輅謂之龍輅諸侯不畫龍止稱輅幘覆也

讀音 春 榆 沈 中 審 字 學  
音 音 音 音 音 音 音 音  
如 去 音 音 音 音 音 音

天子之殯以敢木爲棹設幘覆之諸侯則有幘而  
非棹也榆沈榆木名沈卽審蓋汁也水澆榆白皮  
汁哀公欲設撥有若以三家之設爲比顏柳以三  
家之設爲非蓋天子諸侯之殯以輅車之重也故  
爲榆沈以滑之欲榆沈之散也故設撥以發之無  
輅則無用沈無沈則無用發矣三臣旣知輅之可  
廢而不知撥之不可設是竊取禮之不中者故顏  
柳戒哀公之勿學也

檀弓述註

卷下

聖

悼公之母死哀公爲之齊衰有若曰爲妾齊衰禮與  
公曰吾得已乎哉魯人以妻我

悼公母哀公妾也天子諸侯絕旁期於妾無服惟  
大夫爲貴妾總哀公因有若之譏遂文其過云魯  
人以我無夫人皆以此爲我妻故不得不服耳  
季子臯葬其妻犯人之禾申詳以告曰請庚之子臯  
曰孟氏不以其是罪予朋友不以其是棄予以吾爲邑長  
於斯也買道而葬後難繼也

爲 去 聲 平 聲

長 丁 反

季子臯即高柴也。犯躐而傷之也。庚償也。葬妻犯  
禾是為成宰時事。申祥請償民之禾是也。子臯以  
為邑長而犯民之禾無傷非也。子臯未必然。或記  
者傳聞耳。陳氏曰：不罪不棄者，以犯禾之失小，買  
道之害大也。此亦愚而過慮之一端。

仕而未有祿者，君有饋焉，曰：獻使焉。曰：寡君遠而君  
薨，弗為服也。

立於其朝矣。命廩人繼粟，庖人繼肉，而不以官定。

檀弓述註

卷下

哭

食所謂仕而未有祿者也。有饋焉，不曰賜而曰獻。  
其將命之使，不曰君而曰寡君賓焉，而不臣之也。  
遠而君薨，弗服，則在國而君薨為之服矣。二說初  
試為士未賦廩祿者，有饋於君，則稱獻，出使他國  
則稱寡君。此二事皆與羣臣同。獨遠離之後，則不  
為舊君服。此則與羣臣異。以其未嘗食君之祿也。  
虞而立尸有几筵，卒哭而諱，生事畢而鬼事始。已既  
卒哭，宰夫執木鐸以命于宮，曰：舍故而諱，新自寢門。

解舍上

聲為解去

至于庫門

未葬之前事以生者之禮。葬則親形已藏，故虞祭  
則立尸以象神也。大斂之奠有筵無几。及此虞祭  
始設几與筵相配也。卒哭而諱死者之名，則事生  
之禮已畢，事鬼之事自此而始矣。周禮大喪小喪  
宰夫掌其戒令，故卒哭後使宰夫執木鐸以命令  
于宮也。其命之之辭曰：舍故而諱，新故謂高祖之  
父當遷者諱多，則難避，故使之舍舊諱而諱新死  
者之名也。以其親盡，故可不諱。庫門自外入之第  
一門，亦曰臯門。

檀弓述註

卷下

哭

二名不偏諱，夫子之母名徵，在言在不稱，徵言徵不  
稱在。

二名不偏諱，禮文也。其下記者釋辭。

軍有憂則素服，哭于庫門之外，赴車不載纓，

憂謂為敵所敗也。素服，哭以喪服處之也。必於庫  
門之外者，以近廟也。師出受命于祖，無功則於祖

帖 緣高蒙  
音 音



命辱矣赴車告赴於國之車凡告喪曰赴車以告  
 敗為名與素服同義繫甲衣韞弓衣甲不入素弓  
 不入韞示再用也陳氏曰兵法云若不勝取過在  
 已周官大司馬師不功厭而奉主車臣之取過在  
 已也此記素服哭於庫門之外君之取過在已也  
 秦穆公敗於殽素服郊次嚮師而哭蓋其遺禮與  
 車曰赴車若告喪也不載素韞不忘戰也雖然義  
 則動不義則止豈若焚舟破釜沈船宣膽以干戈  
 相尋者乎

禮記述註

卷下

聖

有焚其先人之室則三日哭故曰新宮火亦三日哭  
 室先人之室謂宗廟也新宮魯宣公廟也神主初  
 入故稱新宮廟火而哭哀神靈之不安也春秋書  
 成三年新宮火三日哭正與此禮相合按胡康侯  
 曰神主未遷謂之新宮則不當哭春秋書之譏也  
 與此不同

而哀二字如綴  
 孔子過泰山側有婦人哭於墓者而哀夫子式而聽

孔子過泰山側有婦人哭於墓者而哀夫子式而聽

之使子路問之曰子之哭也壹似重有憂者而曰然  
 昔者吾舅死於虎吾夫又死焉今吾子又死焉夫子  
 曰何為不去也曰無苛政夫子曰小子識之苛政猛  
 於虎也

式而聽之聖人敬心之所發也子路家語作子貢  
 壹之為言獨也謂獨似重壹有憂苦者異於常人  
 之哭之哀也方氏曰虎之害人機呂檻穿能制之  
 深宮固門能逃之政之害人也無可制之機焉無

禮記述註

卷下

季

可逃之地焉此泰山之婦人所以寧遭虎之累傷  
 而不忍其政之無苛也楊雄之論酷吏曰虎哉虎  
 哉角而翼者也與此同意

魯人有周豐也者哀公執摯請見之而曰不可公曰  
 我其已夫使人問焉曰有虞氏未施信於民而民信  
 之夏后氏未施敬於民而民敬之何施而得斯於民  
 也對曰墟墓之間未施哀於民而民哀社稷宗廟之  
 中未施敬於民而民敬殷人作誓而民始畔周人作

人名下者也魯二  
 季氏不從魯後之  
 孫王問此故之曰  
 士加而字季氏  
 又斷其又精彩

會而民始疑苟無禮義忠信誠懇之心以治之雖固結之民其不解乎

周豐必賢而隱者故哀公執摯請見之摯禽摯也諸侯而用禽摯降尊就卑之義不可者周豐辭君以尊見卑也我其已夫不强其所不願也墟墓崇廟社稷無心於感民而民哀敬殷誓周會有心於制民而民始畔疑周豐欲哀公脩敬信以感民而已方氏曰禮義忠信誠懇之心則敬之道所自出也固結之則以誓會而已苟無是心以治之則結之雖固民亦解而散矣凡物結之則聚解之則散唯其結之而聚故可解之而散若夫有以治之則無所結也亦不可解矣黃氏曰禹嘗誓師誓非始於殷禹會塗山會非始於周周豐此言舉世變耳所謂殷人周人亦謂末殷晚周耳疏云紂為苛政而作誓命民乃畔之亦是畔疑之事也不慮居毀不危身喪不慮居為無廟也毀不危身

若直云喪不慮居為無廟也毀不危身

買後

身為無後也蓋不簡者必提提後不為無後也

厚葬以盡情孝也然必稱家之有無不可勉為厚葬而致有敗家之慮哀毀以痛親亦孝也然必有節不可過為哀毀而致有以身之危蓋家廢則廟不獨存上無以奉祖考矣身亡則莫為之後下無以延宗祀矣心欲為孝反陷於不孝此謂非禮之禮所以防賢者之過也

延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其坎深不至于泉其斂以時服既葬而封廣輪揜坎其高可隱也既封左袒右還其封且號者三曰骨肉歸復于土命也若魂氣則無不之也無不之也而遂行孔子曰延陵季子之於禮也其合矣乎

季子吳公子名札讓國而居延陵故曰延陵季子贏博齊一邑名時季子奉命使齊而有私喪不敢將柩以歸故葬於齊地不至於泉謂得淺深之宜

禮記述註

卷下

季

禮記述註

卷下

季

榮號環運月隱聲廣字封聲深平作反於去如去

也時服隨死時之寒暑所衣也封築土爲墳也橫曰廣直曰輪隱櫛也謂手可據也其坎不及泉其封則下之縱橫僅足以揜坎上之崇高纔至於可隱皆儉制也封墳已竟乃左袒其衣以骨肉復歸于土不須哀戚以自寬慰故從吉禮也左袒訖乃右而圍遶其封且哀哭而遶墳三匝也號哭且言曰骨肉復歸于土命也蓋骨肉資坤而成死則復歸于土漸與土一此造化流行之命使然故曰命

禮記述註

卷下

季

若魂氣資乾而始死則游散混于天氣之中故無所不之也再言之者感傷離訣之至情冀其魂之依已以歸也季子不惟適旅葬之節又且通幽明之故宜夫子之善之也王氏曰先王之制爲長子三年服之如此其至則其哀戚不可不稱是三號而遂行哀不足矣延陵之言蓋老莊之徒也方氏曰坎深不至泉則不至於太深歛以時服則不至於太厚廣輪揜坎則不至於太大其高可隱則不

至於太高左爲陽故袒之以變吉右爲陰故還焉以示凶孔子始言其習終言其合習存乎學合存乎行始聞其學禮故曰習終見其能行禮故曰合夫骨肉之歸復於土魂氣之無所不之是人情之所哀者然季子之號止於三則哀爲不足矣吳氏曰按莊子書載秦失弔老聃之事以其三號而出爲簡畧於哀詳此記文右還其封且號者三八字爲句是記其圍遶之匝數非記其號哭之聲數也

禮記述註

卷下

季

足行口哭二事兼并圍遶之行旣止而後號哭之聲亦止非謂但哭三聲也荆國王氏以此爲哀不足蓋誤分一句作兩句讀遂誤解且號者三與莊子書之三號同也况季子於子之喪自初死至葬時甚促亦經旬日或經半月或經兩旬遲速莫考初死之時哭必盡哀又有再哭三哭朝夕哭其哭不止一次矣非但有此旣葬還封之一哭也惡得以此而議其哀之不足哉荆國天質偏厚慈愛

邾婁考公之喪徐君使容居來弔含曰寡君使容居

坐含進侯玉其使容居以含有司曰諸侯之來辱敝邑者易則易于則于易于雜者未之有也容居對曰

容居聞之事君不敢怠其君亦不敢遺其祖法昔我先君駒王西討濟於河無所不用斯言也容居魯人也

卷下

奉

考公隱公之曾孫考或爲定。容居使者名弔。令弔且含也。坐跪也。跪含親含也。稱侯者徐君僭王自擬天子以考公爲侯也。玉含物使以含者求卽行含禮也。有司邦國之有司也。易簡易也。于猶迂也。廣遠意。駒王徐先君僭號。容居其子孫也。故稱祖。魯魯鈍也。令不使賤者君行則親含大夫但致命以含玉授主人徐君僭王其臣容居欲親含。邾考

而其事簡易則行簡易之禮君來而其事廣大則

行廣大之禮。今臣來而欲行君禮。是易于相雜矣。

我國未嘗有此也。容居執迷，猶自守其僭王之說。

言人臣事君奉命出使不敢忘其君子孫事祖當

光楊祖訓亦不敢遺其祖我先君駒王濟河西討

疆土廣大凡使人弔含於他國者皆用此言今自

我而不用是遺吾祖也如吾君何又言我乃魯鈍

卷下 奏  
之人非謫詐者是以不敢忘吾祖欲邾人之信其

卷下

美

言也。此著徐國君臣之僭。且明邾有司不能終正當時之僭也。

子思之母死於衛赴於子思子思哭於廟門人至曰

庶氏之母死。何爲哭於孔氏之廟乎。子思曰。吾過矣。

吾過矣包注遂哭於他室

子思之母嫁母也庶氏其所嫁之家也嫁母與廟

絕故不得哭之於廟他室異室也以有別於正故

王伯厚云後漢東夷傳徐夷率九夷以伐宗周西至河上樓王畏其方熾乃分東方諸侯命徐偃王主之禮弓蔽徐容居之對曰昔我先君勳王西討濟于河然則勳王所附王歟濟河即所謂西至河上也

謂之他以義起之而已。

天子崩三日祝先服五日官長服七日國中男女服三月天下服虞人致百祀之木可以為棺槨者斬之不至者廢其祀列其人

祝大祝商祝也官長大夫士也以上之服謂杖服國中男女謂畿內之民及庶人在官者天下謂諸侯之大夫也以上之服謂衰服喪禮冠帶衣裳杖屨通謂之服此所謂服有二焉杖服衰服是也杖

禮記通註

卷下

孝

以扶病祝在舍斂力勞而先病故先杖言祝先則子可知矣官長視祝則逸視子則輕故五日而杖衰以飾哀國中男女服齊衰三月而除必待七日者俟殯後嗣王成服而後服也天下為王總衰既葬而除必言三月者既以恩之重輕為先後亦以赴之早晚為節量也虞人掌山澤之官百祀者畿內諸臣采地之祀也既殯旬而布材故虞人斬百祀之木可為周棺之槨者送之也必取祀木者質

切音

文反

場曰君者德著幽顯若存則人神均其慶沒則神靈等其哀傷也黃氏曰天子棺槨未必待遠取諸百祀不至而廢其祀列其人亦恐記者言之過木苟不至豈神之罪而廢其祀雖人之罪亦何至於死苟其行此民將不勝擾豈所謂死無害於人者耶

齊大饑黔敖為食於路以待餓者而食之有餓者蒙袂輯屨貿貿然來黔敖左奉食右執飲曰嗟來食楊

禮記通註

卷下

孝

其目而視之曰子唯不食嗟來之食以至於斯也從而謝焉終不食而死曾子聞之曰微與其嗟也可去其謝也可食

黔敖人姓名蒙袂以袂蒙面也輯屨輯斂其足言困憊而行蹇也貿貿垂頭喪氣之貌嗟者憫之之辭來者呼之之辭從就也謝謝過也微與猶言細故末節謂嗟來之言雖不敬然非大過故其嗟雖可去而謝焉則可食矣黃氏曰曾子之言乃舉世

聲義集上音

轉似並之奉而為音音食食食

千萬人所同之心也。餓夫之操，豈在於斯乎？苟從曾子之言，謝而後食，豈若不屈其操，不受其辱，身雖一死而義存千古乎？不然，作記之人從而載之，使千載而下，施小惠者不敢矜傲，竊幸苟生之人，脇肩諂笑之輩，聞其志則心寒股栗，知所愧耻，豈不盛哉？吳氏曰：曾子之言，君子之中，餓者之操，賢者之過也。

邾婁定公之時，有弑其父者，有司以告公。瞿然失席。

禮記述註

卷下

孝

曰：是寡人之罪也。曰：寡人嘗學斷斯獄矣。臣弑君，凡在官者，殺無赦。子弑父，凡在官者，殺無赦。殺其人，壞其室，洿其宮，而豬焉。蓋君踰月而後舉爵。

洿音  
怪音

定公名糴，且瞿然驚怪之貌。在官者，諸臣也。在宮者，家人也。惡莫大於弑逆，是以人人得而誅之，無赦之之理也。洿，穢也。豬，當作渚，水聚之名。壞，室洿宮，明其大逆，不欲人復處之也。君不舉爵，以人倫大變，乃教化不明所致，故傷悼而不飲酒，以示貶。

損亦前引罪之義也。黃氏曰：春秋之時，唯邾無弑逆之事，故哀公聞其事而驚，既自引咎，又極言大逆無道，宜盡除其迹也。

晉獻文子成室，晉大夫發焉。張老曰：美哉輪焉，美哉奐焉。歌於斯，哭於斯，聚國族於斯。文子曰：武也，得歌於斯，哭於斯，聚國族於斯，是全要領以從先大夫於九京也。北面再拜稽首。君子謂之善頌善禱。

獻鄭氏謂晉君獻賀，恐非，或曰：獻文趙武諡也。發

禮記述註

卷下

孝

謂以禮落成。楚子成章華之臺，願與諸侯落之。蓋發與落皆有始意。張老亦晉大夫從之，深為輪橫之廣為廣，言輪以諛廣也。與謂室之華麗與煥乎有文章之煥通，歌祭祀作樂也。哭死喪哭泣也。聚國賓燕集國賓聚會宗族也。領頸也。古者罪重腰斬，輕者頸刑。九京，卽九原，指其冢之高曰京，指其地之廣曰原。頌者美盛德之形容，禱者求福以自輔也。孔氏曰：張老心譏，文子宮室飾麗，故佯而美。

要平

之春秋外傳曰趙文子為室斷其椽而襲之張老諫之也既美其飾麗又防其更造文子覺譏故稱名自陳稽首謝過受諫也張老因美而譏之故為善頌文子聞過即服而拜故為善禱

仲尼之畜狗死使子貢埋之曰吾聞之也敝帷不棄為埋馬也敝蓋不棄為埋狗也丘也貧無蓋於其封也亦予之席母使其首陷焉路馬死埋之以帷

敝帷蓋埋犬馬各隨其大小無蓋用席以義起君

禮記述註

卷下

季

之乘馬死則特以帷埋之不用敝也魯昭公乘馬

塹而死以帷裹之是也

季孫之母死哀公弔焉曾子與子貢弔焉閻人為君

在弗內也曾子與子貢入於其廐而脩容焉子貢先

入閻人曰鄉者已告矣曾子後入閻人辟之涉內雷

卿大夫皆辟位公降一等而揖之君子言之曰盡飾

之道斯其行者遠矣

季孫魯大夫名斯鄉者已告言先已告於主人矣

作辟向卿與之弗容閻  
避清音納內內音

聲子土定針音

楊用脩云此收也  
子張氏之腹懷羞  
為之非來乎賜也  
之氣象也來于語  
錄云入到人家馬  
房做丁模樣進去  
出來又做莊實臉

辟之避去而縱之入也內雷門屋後簷也喪大記

君臨大夫之喪君即位於序端卿大夫即位於堂

簾楹西北面東上今見公將降故辟位而少近東

也行者遠猶言感動之大也黃氏曰始為閻人所

拒及既脩容不惟閻人下之避之卿大夫避位君

亦降等而揖此明禮容之不可不飾劉氏曰二子

弔卿母之喪必自盡禮以造門不當待閻者拒而

後脩容盡飾也且既至而閻人辭或當再請於閻

禮記述註

卷下

季

若終不得通退可也何必以威儀悚動之以求入

乎其入而君卿大夫敬之者以平日知其賢也非

素不相知創見其容飾之美而加敬也而君子乃

曰盡飾之道斯其行者遠則是二子之德行不足

以行遠惟區區之外飾適足以行遠耶

陽門之介夫死司城子罕入而哭之哀晉人之覘宋

者反報於晉侯曰陽門之介夫死而子罕哭之哀而

民說殆不可伐也孔子聞之曰善哉覘國乎詩云凡

民有喪扶服救之雖微晉而已天下其孰能當之

陽門宋之國門名介夫甲士之守衛者司城官名

卽司空也宋避武公諱故改司空爲司城子罕樂

喜也戴公之後覲闕視也孔子善之以其識治體

也詩邶風谷風之篇扶服致力之義救助微無也

引詩而言自宋觀之雖以子罕得人心可無憂晉

而已若論其極則天下之大亦孰當之甚言人心

之足恃也陳氏曰吳起吮一人之疽而鄰敵莫抗

檀弓述註 卷下 李

段頰裹一人之瘡而西戎頰平然則司城子罕與

一介夫而民說豈可伺隙抵巇而伐之哉仲尼在

衛趙鞅折謀于木處魏秦人罷兵謝安在晉王猛

知其不可伐李梁在隋楚子之兵不敢加則子罕

在宋而天下莫能當信矣

魯莊公之喪既葬而經不入庫門士大夫既卒哭麻

不入

禮爲父爲君皆斬衰三年莊公爲子般所弑而慶

周禮

而過之接得妙禮  
之也而後行禮見  
之而不可不盡似  
重有憂者而曰然  
而字本是虛字却  
作過接有力則形  
神俱妙矣亦禮  
也也者而三字在  
中連用語助其事  
常文字可到

父作亂其子閔公啓方時年八歲禍亂恐迫葬畢

卽除凶服於庫門之外而以吉服嗣位不與虞祭

卒哭之祭故羣臣卒哭亦除而不以麻經入庫門

也方氏曰君以葬爲節臣以卒哭爲節者君先除

而後臣敢除故也然皆不能三年則失禮甚矣

孔子之故人曰原壤其母死夫子助之沐槨原壤登

木曰久矣予之不託於音也歌曰狸首之斑然執女

手之卷然夫子爲弗聞也者而過之從者曰子未可

以已乎夫子曰丘聞之親者毋失其爲親也故者毋

失其爲故也

沐浴也原壤母卒夫子助之治槨原壤登已治之槨

木而言久矣我之不托興於詠歌之音也如狸首

之斑然言木文之華彩也如執女手之拳然言木

質之潤澤也壤之廢敗禮法甚矣夫子佯爲不聞

過去以避之從者見其非禮謂夫子當絕其父夫

子則言與我骨肉親者雖有非禮無失其爲親之

檀弓述註

卷下

李

從去 過平 卷音



晉人一句在中結  
上生下結又下結  
內之金線也語文  
字知人正是見其  
所服於前知其所  
學於後也非此一  
句成折腰文字觀  
檀弓之文豈香  
尤妙如申生事知  
悼子卒郭恭公  
使人弔重耳及  
飲士子成耳及  
此節皆絕古今  
起文人踴躍之外  
文人謂春秋微  
之世是多文人如  
所相親對父在  
之流徒知晉之  
文人九尺十指之  
文深雄奔放有  
國之氣晉文之  
神德乃有先王  
風矣

趙文子與叔譽觀乎九原文子曰死者如可作也吾誰與歸叔譽曰其陽處父乎文子曰行并植於晉國不沒其身其知不足稱也其舅犯乎文子曰見利不

奔去 聲 極直 吏反

卷下

空

顧其君其仁不足稱也。我則隨武子乎。句法利其君不怠。

其身謀其身不遺其友晉人謂文子知人文子其中  
退然如不勝衣其言呐呐然如不出諸其口引所舉於

晉國管庫之士七十有餘家生不交利死不屬其子

勝平 聲 屬與 囑通

趙文子卽趙武也叔譽叔向也名肸作起也謂復生也歸猶從也言卿大夫之死而葬於此者多矣假令可以再生而起吾與衆大夫誰從乎文子設

父爲對處父晉襄公之傳弁者兼衆事於已足專權也植者剛強自立之意所行如此卒爲狐射姑

所殺不得善終其身是不智也叔向又稱子犯可

歸文子言子犯從文公十九年于外及反國危疑

之時當輔之入以定其事乃及河而授璧以辭此

蓋爲他日高爵重祿之計故以此言要君求利也

豈顧其君之安危哉是不仁也文子自言我所願

檀弓

卷下

森

歸其隨武子乎武子士會也食邑於隨左傳稱武

子於晉國無隱情是利其君也又稱其家事治是

不忘其身也文七年士會與先蔑俱迎公子雍在

秦三年不見先蔑及還晉莫不見而歸卽此委曲

以全其君與友亦不遺友之一端也。武子有司。吾

之仁。又有不忘身之智。異夫處父矣。有謀身之智。

人有不遺友之仁。異夫舅也矣。比文子所以頌。

也晉人稱文子爲知人記者遂因其言而并之

其行中身也讀如儀禮鄉射記弓二寸以爲侯中  
之中退然謙卑怯弱之貌呐呐聲低而語緩也管  
鍵也庫之藏物以管爲開閉之限故曰管庫管庫  
賤職也文子其身退然如不勝衣而其所爲足以  
勝大事其言呐呐然如不出諸口而其所舉足以  
盡衆賢蓋管庫之士賤而難知七十餘家衆而難  
辨文子所舉雖賤不遺雖衆不謬豈非長於知人  
哉且其所舉甚衆而能不有其舉之之恩生不與  
之交利死不託之以子則廉潔之至也蓋亦幾於  
隨武子矣按蕭魚之會文子盟鄭伯而鄭不復背  
晉者四十年則信賢矣然觀會宋先楚之事則中  
國不競而霸業隳觀朝不謀夕之語則年未及艾  
而偷惰形觀醫和觀疾之言則君淫致疾而相道  
失且成室躋榘張老所譏樂奏肆夏從文子始奢  
僭甚矣蓋其賢出於天資而未嘗輔之以學故也  
叔仲皮學子柳叔仲皮死其妻魯人也衣衰而繆經

永教音

叔仲衍以告請總衰而環經曰昔者吾喪姑姊妹亦  
如斯末吾禁也退使其妻總衰而環經  
叔仲氏皮名魯叔孫氏之族也子柳皮子也其妻  
子柳妻也衍皮弟也學教也謂以禮教之也魯鈍  
也衣當作齋繆絞也謂兩股相交也五服之首經  
皆然總衰小功之縷而四升半之衰也環經一股  
弔服之首經也叔仲皮嘗教其子子柳而子柳猶  
不知禮仲皮死子柳之妻雖魯鈍婦人猶知爲舅  
齊衰而繆經衍見當時婦人好尚輕細乃告子柳  
使易總衰環經因言昔者吾喪姑姊妹亦如此服  
人不吾禁今亦當然蓋徒知姑姊妹在室齊衰與  
婦爲舅姑同而不知總環非齊衰之制也子柳從  
之雖受教於父反不若愚婦人之所爲也陸氏曰  
攄文子柳乃叔皮之師其妻乃皮之妻妻爲夫叔  
仲皮衣斬衰而繆經而叔仲衍以告子柳請以其  
妻爲兄總衰而環經且言其妻嘗爲吾姊妹亦服

永教音

此民語也。比與似。  
大衆之語又似龍。  
是年家隱語。歷歷。  
三則字有精神。

總衰然禮於夫之姑姊妹有服於夫之兄弟無服  
仲衍之請非也

成人有其兄死而不爲衰者聞子臯將爲成宰遂爲  
衰成人曰蠶則績而蟹有匡范則冠而蟬有綏兄則  
死而子臯爲之衰

成邑名孟氏所食采邑也匡背殼似匡也范蜂也  
蜂頭有物似冠蟬蛸也蟬喙長在口下似冠之綏  
也蟹自有匡非爲蠶則績蟬自有綏非爲范則冠

禮弓通註 卷下

六

成人自畏子臯爲之衰非爲兄則死也此成人之  
謠也應氏曰聞伯夷之風者頑夫廉聞柳下惠之  
風者薄夫敦聞子臯之風者悍夫悌故兄弟不爲  
衰而今爲之衰也仲尼用而無飲羊縱妻之民楊  
綰相而有減駟省樂之效風化之機係於人焉蠶  
績范冠之謠雖以戲夫民之爲服者不出於誠心  
亦以善子臯之孝行足以感不友不弟之俗也

三句之中連用五  
疊字最如貫珠

樂正子春之母死五日而不食曰吾悔之自吾母而

不得吾情吾惡乎用吾情

禮親喪三日不食子春強勉至五日以非真情而  
悔之不欺也曾子水漿不入於口者七日而不悔  
者非勉強故也一說子春以孝聞于曾氏之門者  
悔之者悔其過制也所以過制者非禮也情也故  
又曰自吾母而不得吾情吾惡乎用吾情用吾情  
則得吾情吾情至而哀痛深有不自知此所以過  
制也

禮弓通註 卷下

七

歲草稷公召縣子而問然曰天久不雨吾欲暴冠而  
奚若曰天則不雨而暴人之疾子雲母乃不可與然  
則吾欲暴巫而奚若曰天則不雨而望之愚婦人於  
以求之母乃已疏乎從市則奚若曰天子崩巷市七  
日諸侯薨巷市三日爲之從市不亦可乎

然猶焉也或曰問其所以然也暴曬也冠者瘡病  
之人仰而暴之冀天哀之而雨也酷暑之事非所  
以感天故言不可巫女祝以舞降神而祈雨者也

爲去

注此與  
音同與

爲音

巫能接神冀神閔之而雨已疏言甚迂闊也徙移也言徙市又言巷市者謂徙交易之物於巷也古者建國前朝後市國有大喪則庶人憂戚爲之罷市而日用所須又不可缺故徙市於巷也今旱而徙市行喪君之禮以自責也縣子以其求之已而不求之人故可其說按左傳僖公二十一年夏大旱公欲焚巫尪臧文仲曰非旱備也脩城郭貶衣省用務穡勸分此其務也巫尪何爲天欲殺之則

檀弓述記

卷下

十一

如勿生若能爲旱焚之滋甚是歲也饑而不害縣子不能舉其說以對而謂徙市爲可則亦已踈矣陳氏曰先王之於旱也內則責諸已外則求諸神責諸已則有成湯之事宣王之行求諸神則巫以女巫舞以皇舞祭以雩禮以牲璧責諸已者本也求諸神則爲文而已穆公不能責諸已又不知求諸神而欲暴尪與巫豈不惑哉

孔子曰衛人之祔也離之魯人之祔也合之善夫

衛之合葬以物隔兩棺之間猶生時男女隔居處也魯人則合葬兩棺置槨中無別物隔之言異生不須隔詩云穀則異室死則同穴故善魯之祔也

檀弓述記

卷下

十一

檀弓述記卷之下終

檀弓述註二卷

浙江巡撫  
採進本

明林兆珂撰兆珂有詩經多識編已著錄是書集  
鄭註及諸家之說而斷以己意如二三子羣居則  
經辨鄭注以爲朋友之非速貧速朽取方希古之  
言以爲傳者之繆皆爲有見惟經文加以評點非  
先儒訓詁之法如王廷相論立後笄榛與王應麟  
考証蒼梧之類皆事關經義而轉與論文剩語列  
在上方亦非體例也

禮記通解二十二卷讀禮記

一卷(一)

〔明〕郝敬撰

湖北省圖書館藏明萬曆四十三年至

四十七年郝千秋郝千石刻郝氏九

經解本

禮記通解

京山郝敬著 男千秋千石校刻

讀禮記

禮家言雜而多端學者須靈鏡獨照然後可以觀古人陳蹟苟無高明豁達之見耳食訓詁隨人短長則逐處成滯矣

是書漢儒戴聖所記多先聖格言七十子門人後裔轉相傳述非出一手如中庸子思所作緇衣公孫尼子所撰月令呂不韋所脩王制漢文帝時博士所錄三年問荀卿所著真贗相襲而瑕不掩瑜先儒推周

禮記通解

禮儀禮以爲經欲割記以爲傳夫三書皆非古之完璧而周禮尤多揣摩雜以亂世陰謀強之術儀禮枝葉繁瑣未甚切日用惟此多名理微言天命人性易簡之旨聖賢仁義中正之道往往而在如大學中庸兩篇豈周官儀禮所有故三禮以記爲正今之學官守此程士良有以也

禮非夫子原定之書矣後儒各記所聞互相矛盾達觀者自能折衷有所不知宜存而弗論牽強附合失之愈遠如王制云公侯國方百里伯七十里子男五十里而周禮云公三百里侯四百里伯三百里子二

百里男百里王制云天子三公九卿以下至元士百二十人而周禮官職多至三百六十其人不可勝數也王制云次國三卿一命于其君小國三卿皆命于其君而周禮云諸侯之卿大夫士皆命自天子月令封諸侯以孟夏而祭統云出田邑以秋雜記云公圭九寸侯伯圭七寸子男圭五寸而周禮云子執穀璧男執蒲璧聘記云諸侯朝天子圭纁皆九寸三采諸侯圭纁皆八寸二采而周禮大宗伯考工記皆云天子諸侯圭璧長短各以等差禮器云天子堂九尺而考工記云堂崇三尺王制云諸侯於天子五年一朝又云天子與諸侯相見曰朝而周禮大宗伯云春曰朝夏曰宗秋曰覲冬曰遇然儀禮惟有覲禮無所謂朝宗遇而大行人又有九服分六歲來朝之說禮器云天子席五重諸侯席三重周禮司几筵職云天子席三重諸侯再重周禮典命禮儀各視其命數天子大夫四命四牢而檀弓云大夫遣車五乘諸侯之卿大夫與天子之卿大夫命數異而廟制與相見之贊小斂之衣几筵之席諸侯與天子卿大夫士又無別曲禮王制月令皆云五祀唯大夫祭之周禮亦云五祀而祭法云王立七祀諸侯五祀大夫三祀士二祀

庶人一祀王制天子七廟或又云九廟士二廟又云士一廟祭法自天子至于士廟外各有壇墠而王制但有五七等數無壇墠王制祭統皆云夏祭曰禘郊特牲祭義云春禘明堂位云季夏六月禘雜記又云七月禘然則禘常祭耳而喪服小記大傳皆云王者禘其祖之所自出王不禘祭法天子泰壇地于泰畋周禮園丘方澤樂舞王帛天地各異是祭天與地分也而詩周頌昊天有成命一詩為祀天地之樂則是祭天地合也祭義云郊之祭大報天而主日以月配是祭日月與天合也而祭法又云祭日月星與四時水旱同祭日月星辰則是祭日月與天又分也月令仲夏大雩于上帝是五月也而春秋傳云龍見而雩則是四月也特牲郊用騂尚赤而周禮大宗伯以蒼璧祀天其牲各倣其器之色是郊牲又用蒼也祭法天地皆騂犢而周禮陽祀騂牲陰祀黝牲是地牲又不用騂用黑也曲禮云大饗不卜表記亦云大事有時而周禮大宰祀五帝卜曰祀大神祇亦如是之又無時也郊特牲云郊用辛而月令云擇元日是又定于辛也社用甲日而月令仲春擇元日命

民社周書召誥社以戊日是又定于甲也曲禮大夫祭以索牛而儀禮大夫祭則少牢也中庸云上祀先公以天子之禮而周禮司服云祀先公用毳冕則是侯禮也雜記云士弁而祭于公冠而祭于已而論語云宗廟之事端章甫為小相章甫冠名是祭于公亦冠也王藻以玄冠為齋冠玄端為天子燕居諸侯之祭服而士冠皆與卿大夫聘享上下通用玄冠玄端周禮冕衣裳五等皆祭服而曾子問云冕而親迎樂記云親文侯端冕聽鼓瑟則是冕亦衣端也周書顧命成王康王臨朝君臣皆冕服則是冕服不止祭也禮器云天子龍袞諸侯黼士玄衣纁裳而周禮云侯伯鷩冕子男毳冕孤希冕大夫玄冕士皮弁服王藻云國君帶朱綠大夫玄華士緇故士冠禮三加帶皆緇而雜記又云諸侯大夫帶皆五采士二采宗義云君用玄冕夫人用副褱而周禮云王后用副褱喪大記云褱衣不以衣尸不以斂而士喪禮又云以衣尸喪大記云士小斂陳衣于房西領北上大斂陳衣于序東西領南上而士喪禮云大小斂皆陳衣于房皆南領西上周禮云天子舍用玉而雜記云用貝喪大記云君于大夫疾三問之而雜記云卿大夫

禮記通解喪大記云公之喪大夫俟練而歸士卒哭而歸雜記云大夫次于公館以終喪士練而歸奔喪云大功望門而哭齊衰望鄉而哭雜記又云聞兄弟之喪大功以上見喪者之鄉而哭士喪禮小斂朔奠皆陳鼎遺奠陳五鼎皆具牲牢周禮牛人亦云喪事共奠牛而雜記有子以遠車視牢具載振為非禮喪奠脯醢而已喪大記云四鄰賓客弔其君後主人而拜蓋君為臣主君拜則主人拜其後而曾子問又云衛靈公弔季桓子之喪哀公為主拜季康子亦拜孔子謂喪有二孤季康子之過則後拜又非也曾子問云人革之事無避也者伯禽有為為之喪大記又云既卒哭弁經帶金革之事無避也曾子問云慈母無服儀禮又云慈母如母服檀弓云天子之哭諸侯也爵弁經緇衣而周禮又云天子為諸侯總衰檀弓云祥而縞是月禮使月樂則是祥之月不作樂而又云孔子既祥彈琴十日而成笙歌雜記云杞用桑儀禮特牲又云杞用棘郊特牲云鼎俎奇而邊豆偶鄉飲酒義云六十者三豆八十者五豆是豆亦奇也檀弓云孔子惡野哭者又云孔子哭伯高曰吾哭諸野曲禮云卜筮不相襲而周禮又云大事先筮後卜王



于詩禮也

藻云天子日食少牢月朔大牢而周禮又云王日一舉是日食亦大牢也射義云天子歌騶虞周禮亦然而儀禮鄉射亦歌騶虞是士庶人與天子同樂也周禮司射云王射六耦三侯儀禮大射諸侯三耦射三侯周禮王虎能豹侯諸侯熊豹侯卿大夫麋侯而鄉射記又云天子熊侯白質諸侯麋侯赤質大夫士布侯黃虎豹鹿豕如此之類錯雜紛拏師說相承言人殊雖使考證詳確古今異宜亦難盡用而鄭康成輩好信不通執此徵彼及其不合牽強穿鑿譌張百出初學爲所眩惑隨聲應和莫知其烏世儒所以苦

文約禮之意自二篇孤行則道爲空虛而無實地四十七篇別列則禮似枯瘁而無根柢所當亟還舊觀者也說詳本篇

聖人預節聖人所以教人斯須不去者不專在此故雅言執禮而至其論禮則曰寧儉寧固曰禮云禮云至魯云乎三千三百惟曰約之以禮林放一問及本則欣然大之其易簡真切如此若夫論語鄉黨篇所記皆聖人從心不踰之矩非古有陳迹硜硜模倣爲之也而當世人見謂聖人一步一趨皆有格局得自好古以晏平仲之智亦曰孔丘學禮當年不能殫累世不能究謂問禮于老聃學禮于郊子是以禮爲格套聖人習而知之豈遠禮之本者哉據記所稱好禮諸賢莫如曾子子游子夏子張子夏拘拘故論交曰可者與之其不可者拒之至聞素絢之教則知禮爲後其言曰大德不踰閑小德出入可也子張論士曰喪思哀祭思敬其可已矣子游論喪曰致乎哀而止其論學曰洒掃應對進退抑末矣本之則無如之何曾子用功于容貌辭氣夫子曉以一貫遂悟忠恕顏子仰鑽夫子約之以禮博之以文夫禮至博也而曰博文可知博乃是文禮非約也而曰約禮可知約乃

是禮。此聖門學禮明法。學者所當默識也。

禮以節人情。非遠于人情也。人情樂簡便而趨驕情。不防檢則淪于禽獸。故不得不以禮節之。若遂強之。以其所難。而盡易其所安。辛苦勞頓。將并其所謂節者棄之。故聖人制禮從容和順。使人安常樂就。如出入由戶。舍之不能。故曰先王之道。斯為美。小大由之。有如曲禮雜記諸篇之煩瑣。則雖曰撻而求。人豈從之。故人皆知放佚驕情之非禮。而不知牽強煩瑣者之害禮也。

凡禮不可常行者。非禮之經。用于古。不宜于今。而猶

禮記通解

八

禮記

著之于篇。非聖人立經之意。卽四十九篇中所載如俎豆席地。袒衣行禮。書名用方策。人死三日斂之。類古人用之。今未宜父在為母期。出母無服。師喪無服。此等雖古近薄。父母為子斬衰。妻與母同服。此等失倫。官士不得廟事祖。支子不祭。此等非人情。杖不杖。視尊卑貴賤。哭死為位于外。熬穀與魚腊置柩旁。此等迂濶。國君饗賓。夫人出交爵。命婦入公宮養子。國君夫人入臣子家弔喪。此等犯嫌疑。祭祀用子弟為尸。使父兄羅拜。若祫祭。則諸孫濟濟一堂為鬼。此等近戲。人死含珠玉。以誨盜。壙中藏甕。甕皆衛等

器。歲久腐敗。陷為坑谷。此等無益有害。古人每事不

忘本。酒尚玄冠。服用皮食。則祭至于宗族姓氏。則隨便改易。如司徒司空韓氏趙氏。惟官惟地。數世之後。迷其祖姓。又何其無重本之思也。廟制天子至士庶有定數。皆有堂有寢。有室有門。大邑巨家父子世官。兄弟同朝。將廟不多于民居乎。如云皆設于宗子家。則宗子家無地可容。如父為大夫子為士庶。則廟又當改毀。修與修廢。祖考席不暇煖。適子繼體。分固當尊。至于抑庶之法。亦似太偏。喪服有等。不得不殺。至于三殤之辨。亦覺太瑣。衰麻有數。不得不異。至于麻

禮記通解

九

禮記

葛之易。亦覺太煩。天子選士觀德。用射。射中得為諸侯。不中不得為諸侯。如此之類。雖古禮乎。烏可用也。故凡禮非一世一端可盡。古帝王不相沿襲。聖人言禮不及器數。惟曰義以為質。有以也。此四十九篇大都先賢傳聞。後儒補緝。非盡先聖之舊。而鄭康成信以為仲尼手澤。遇文義難通。則稱竹簡爛脫。顛倒其序。根據無實。則推殷夏異世。述其說節目不合。則游移于大夫士庶之間。左右兩可。解釋不得。則託為殊方語音。變換其文。牽強穿鑿。殊乖本初。蓋鄭以記為經。既不敢矯記之非。世儒又以鄭為知禮。不敢議

鄭之失千餘年來所以卒賢賢然耳昔者老聃爲周藏史夫子果從之問禮乎則知禮莫如老聃矣而其言禮則曰忠信之薄何自毀其學與佛子罵佛自是一重公案故夫子曰老子猶龍世儒以老氏言忽之至鄭康成銖銖兩兩則曰知禮此夫子所謂飛者吾知其爲鳥也

禮不根情則枯槁而無生意故聖人言禮不貴文貴情行禮不貴禮貴義如親喪不飲酒食肉禮也飲酒不樂食肉不甘情也先王因人有是心制是禮而人本是心行是禮心安理順則中節而和斯謂之禮今

禮記通解

十

禮記

之行禮者但言不飲酒不食肉之文更不問不飲酒不食肉之心雖貪饕餮頤之未能忍不飲食卽謂知禮毀行敗節者三日水漿不入口皆稱曾參嗟夫是烏得爲禮乎

世儒謂禮經未全亡而樂經亡矣此市兒語也夫禮樂非二物禮樂偕亡天下後世何緣復得見禮樂哉今之禮樂由古之禮樂非自天降地出皆聖人之教也故曰禮云禮云王帛云乎樂云樂云鐘鼓云乎世儒惟以禮樂爲王帛鐘鼓求其數而不詳故謂禮樂亡至欲引儀禮周禮爲經屈記爲傳夫記爲傳猶可

而周禮儀禮烏可以爲經乎萬世常行之謂經二禮不行于天下後世今十且九矣二禮詳于器而記詳于義義可兼器器不可兼義如以義耳寧獨記易詩書春秋何經無禮樂四十九篇大經小曲何器不備器者隨時變通而義者百世不易故夫子言禮曰殷因於夏周因於殷所損益可知其言樂曰始作翕如從之純如皦如繹如以成樂其可知必如周禮官職儀禮節文而後爲禮樂則聖人宜取鐘鼓管籥綸絲比竹各定爲一法編爲一書又取儀禮所不備者如天子諸侯及大夫士升降坐立拜起服食器用各定

禮記通解

十一

禮記

爲一法編爲一書謂之經而後謂之禮樂存如此不惟時勢古今踈戾難行且多如牛毛繭絲委瑣煩複六經有此體裁否故夫三禮自達人觀之亦已詳矣猶謂之禮殘樂亡愚故曰市兒語也

禮者物之則詩云有物有則物之類萬而物皆備萬何止千百故曰三千三百甚言多耳非謂先王定三千三百爲數限人必由也鄭康成解禮求合此數以周官三百六十爲經禮三百儀禮十七篇爲曲禮三千其不足三千者謂之逸禮所謂癡人說夢也鄭康成解禮多強作俗士說爲辯博小有異同卽云

禮記通解

十三

禮記

學問未到康成地焉敢高聲議漢儒夫議論前人長短非也議論前人所議論道理文字何傷今據四十九篇中解說謬者畧舉之曲禮曰葱藻處末深與潔通作泄易井卦九三云井渫不食古字借作屑內則云肩羹與桂士喪禮云饗三醢醢屑是也鄭云深蒸葱也又國中以策善郵勿驅本謂車行城中宜垂策緩步以策末拊郵其馬勿使疾驅鄭以勿字屬上讀解云郵勿極摩也檀弓曰公儀仲子之喪檀弓免焉凡免冠而加布于首曰免與纒通自五服以至朋友新喪皆纒禮也而鄭解云檀弓故為非禮以諷仲子之廢通凡免冠之免讀如字加布焉曰纒通作免與免同而義異故喪服小記曰為母免而以布然則為父免而不以布免冠而已以布則加纒也鄭于凡免皆混作纒解又宋敗魯師于乘丘公御縣賁父死死者御一人耳鄭謂與車右同死而誤以卜國之卜為人姓又謂中詳為子張之子而無據解云顯孫申詳周秦聲相近也又曾子弔于負夏主人既祖填池反極本謂填起極前柳池使見指行禮也鄭變填池作徹奠又魯哀公諒孔子曰嗚呼哀哉尼父魯地有尼丘故孔子以尼字丘蓋呼其字哭也鄭謂以尼諡之

禮記通解

十三

禮記

又未仕者不敢稅人稅作稅禮同贈死衣服曰襚未仕則衣服不備故不敢襚人鄭謂稅以物遺人也又國君七個遣車七乘大夫五个遣車五乘古字个介通禮器云諸侯七介七牢大夫五介五牢周禮諸侯貳車七乘介七人故雜記云遣車視牢具謂送葬之車視死者命數為多寡鄭以个為遣奠包牲體之數以遣車為塗車納之壙中者也又國昭子謂子張曰噫母曰我喪也爾專之母戒辭沾爾自用貌言勿謂我之喪我沾然自專主也鄭讀噫母為句我喪也斯沾為句謂沾當作規又歌斯猶猶合也凡歌必有節以合之如今人唱則拍板拊手之類鄭謂猶作瑤未聞有歌而搖者又季康子母死公輸若方小斂般請以機封般公輸若名稱般者自請之辭若方與小斂因自請他日葬已為機以封不用碑辭也鄭以公輸若般為兩人以方小為句謂若為匠師年幼般為若族人掌斂事也又諸侯輜而設幃為榆沈故設撥為讀去聲榆木名物重曰沈撥與紉音義通謂諸侯以榆木為柩車榆性沈重難行風俗通曰桑車榆斂聞聲數里故設紉以引之鄭云以水澆榆白皮汁播地引車也又高柴葬妻犯人之禾申詳請庚不許曰

後難繼此正識治體者而鄭以為特寵虐民又晉獻文子成室晉大夫發焉獻文趙武諡也發猶落也始新之名而鄭解獻賀也發發禮往也王制冬祀行行亦謂之井孟子云井上有李謂道上有李樹也古者井地井間為道道間有水即所謂行潦也冬水用事故祭行即是祭井鄭謂冬陰盛寒於水祀之于行從辟除之類則是以行為土也禮運云蕡桴而土鼓蕡與塊通合泥草為鼓桴也土曰塊草曰蕡論語曰譬如蕡山方覆一簣蕡與蕡通猶塊也又荷蕡過孔氏之門農家荷土者也喪禮寢告枕塊草土同類故孟子曰不知其足而為屨我知其不為蕡古蕡塊通而鄭解云蕡讀為塊聲之誤也又禮器如竹箭之有筠筠竹節也竹節均故曰筠言人外有禮以為節也鄭于尚書顧命敷重筍席註云筍祈竹青皮禮記曰如竹箭之有筠是以筠為青皮以箭為筍也又天子諸侯廢禁大夫士枌禁承酒尊之器曰禁無足曰廢士喪禮浴尸設廢敦亦謂無足之敦也士虞禮有廢爵有足爵論語曰中道而廢亦無足之義枌與與通形似車箱有足故高廢禁無足故下所謂以下為貴也而鄭謂廢禁為不用禁枌禁為無足又儀尊本謂尊

上畫犧牛之形鄭云犧作犧畫鳳羽于尊上變文然也又周坐尸詔侑武方本謂周禮為尸者坐而祝與佐食詔告勸侑其步武進退皆有方法而鄭解武作無禮語云豐尊在阼阼犧象在西君在阼夫人在房按廟制有東房無西房故祭統亦云君純冕立于阼夫人副禕立于東房尊在房戶之外豐犧二尊并列壘東犧西以西為上神席在室西故也鄭謂人君尊東天子諸侯有左右房謂夫人在西房也郊特牲鄉人楊本謂鄉人大讎袒裼相逐而鄭解楊作楊強鬼也又縮酌用茅明酌也醴酒況于清汁獻況于醴酒猶明清與醴酒于舊澤之酒本謂以茅泝醴盛于醴和之以水加鬱汁以獻如今人以水和飲陳酒之類鄭援周禮謂明酌為事酒醴酒為盎齊清為清酒汁獻作十莎舊澤本謂舊酒釀厚如膏澤也鄭變澤作醴內則云男子入內不嘯感口出聲曰嘯凡隱事相號則嘯故盜黨嘯聚鄭變嘯作叱又內則世子生告于君接以大牢本謂世子見君君具大牢饗諸臣而鄭變接作捷謂食其母補虛強氣也又男饗華女饗絲饗大帶也鄭謂饗為小饗未聞古男子皆佩皮囊也又年不順成君指本古者執竹簡記事曰笏笏本

竹也。世易以王象故謂竹為太鄭以筴下為本也。王濬曰：諸侯祭茶，茶者也和羹之意，謂諸侯之笏上刻而推其角如茶然，與天子挺直異。鄭因古茶字有通音，音遂變茶為筴，以附會考工記三人大圭、小圭之序云：天子之筴舒上為推頭，諸侯舒上無推頭也。又侍坐必退席引而去君之黨，黨猶側也，謂不敢迫近君側。猶射禮云：乏居侯黨之黨，而鄭謂黨為鄉之鄉者，遷君親黨也。又侍食若未覆手不敢覆食，若覆手曰覆手，古人飯以手，食必仰其手，食終則覆手。鄭謂以手循口旁餘食也。又親沒不髦，謂五十者始衰，過親喪不髦頭也。鄭云：去為子之飾，又大帛不縹，古冠小而撮髮以緇布為之，周始為委貌大冠，以玄帛為之，故曰大帛。衛文公六布之衣，大帛之冠是也。鄭據雜記：大白冠謂以白布為冠，又裘之裼也，見美服之襲也。充美皮上用單帛為裘，曰裼裘外加重衣曰襲。鄭云：裘之外有裼衣，裼衣外有襲衣，又尸襲本謂始死之尸，重衣致襲，鄭以為祭祀之尸，尊襲衣充美也。又笏畢用也，畢即簡，君前用笏當簡記事，鄭作盡訓。笏本竹簡，鄭作註訓，喪服小記云：士祔于大夫，則易牲，本謂孫為士者祔于祖為大夫者之

廟則祖用少牢，而孫用特牲，廟可耐而牲不可襲，故曰易牲。鄭云：不以卑牲祭尊，則是並用少牢也。大傳云：同姓百世昏姻不通者，周道然也。周道猶言大道，鄭解為周禮，與則夏商禮有同姓為昏者與少儀云：不貳問，謂人隱而不答，不可再問。鄭解謂問卜不可貳其心也。又車不雕幾，幾細微也，雕刻為細文，鄭解幾為圻鄂，又枕几，穎杖刀卻刃授穎，穎謂之穎，鄭以穎杖之穎為警枕，授穎之穎為刀環，樂記云：敦和率神，便宜居鬼，本謂樂從陽禮從陰，鄭謂聖人死為神，賢人死為鬼，學記云：足以謏聞，謏誅誘也，與獲通。獵

譽也。鄭作小，又赴辭使某實，實信也，便謂之信。鄭作至，雜記：復夫人以狄衣，素沙沙，紗通薄縗也。婦人盛服外，蕭素紗單衣，詩云：其之展也，蒙彼絳絺，又云：衣錦褰衣，士昏禮加景是也。鄭謂六服以素紗為裏，又大夫不揄紱，紱縗通單縗也。鄭謂紱為青黃色，又士練而歸，士次于公館，大夫居廬，士居聖室，本謂哀次輕重先後，鄭以聖室士為邑室，公館士為朝士，又大夫卜筮宅，葬日公私皆有司占者，史而服異，又卒哭諱，王父母兄弟世叔父姑姊妹子與父同諱，鄭皆不解，而曲為說，又小斂環經，公大夫士一本謂弔者



視小斂之服卽所謂玄冠者易之而已也鄭以環經爲孝子喪大記云未小斂主人出徒跣扱衽不冠曰徒不履曰跣凡罪人髡髮則免冠周禮司園職云害人者弗使冠飾而加明刑任之以事而收教之故不冠謂之徒卽所謂笄纓也鄭謂親始死素冠是未識徒爲不冠也又主人袒脫髦髦與毛通亂髮蓬首如今人脫去網巾是也鄭以髦爲人子事親之飾又子大夫公子衆士食粥納財朝一溢米莫一溢米納進食也財與纓通猶僅也溢與益通一手所握曰益言朝夕僅進米一益耳鄭訓財穀也二十兩曰溢又給

禮記通解

十八

禮記

無統統組屬所以束也給單被也大斂外有絞故給不用組鄭解爲被上之識又祥而外無哭者禫而內無哭者其間哀止卽間傳所謂中月而禫鄭云大祥門外不哭禫則門內不哭也祭法云相近于坎壇本謂四時寒暑日月星水旱六宗之祭與天之泰壇地之泰坎相近鄭解相近二字作禫祈表記云禫襲不相因凡去衣曰袒單衣曰禫重衣曰襲禫襲不止衣服凡執龜玉重器皆有禫襲單藉爲禫重裏爲襲鄭謂執王者衣裘修禫候襲也又唯卜之日稱二君謂人臣筮仕則稱兩君擇其所事非是則君不稱二鄭

引春秋傳晉惠公卜貳圉之語謂辭得稱君之貳也中庸云見乎蓍龜動乎四體謂禍福先兆有見于卜筮者與形于人身動作者鄭解爲龜之四體春占前左夏占後左秋占前右冬占後右也服問云從無服而有服公子之妻爲公子之外兄弟本謂妻爲其昆弟之爲父後者期鄭謂外兄弟爲公子之外祖父母從母也大學云之其所親愛而辟辟與辟通本謂用情偏僻鄭解辟作譬又見賢而不能舉舉而不能先命也本謂天命鄭解命作慢鄉飲酒義云聖人制之以道鄉人士君子本謂聖人制此禮以教鄉之衆人

禮記通解

十九

禮記

與士君子鄭以鄉人士君子連下文尊于房戶之間爲句以鄉人爲鄉大夫士爲州長黨正君子爲鄉大夫士也聘義云乎尹旁達乎信也尹割也旁達者一王割而爲圭爲璋瑕瑜旁分皆不失信故曰旁達信也鄭解乎尹作浮筠玉色也喪服四制云高宗諒闇諒明也闇暗也猶言昧爽幽居愁處不分明之意鄭謂諒作梁闇作庵訓爲倚廬他如此類不可枚舉必若世儒謂學問不及鄭則一切朦朧不敢聲說承述習醉何時而已甚者解說不通輒以意變亂舊章如王藻笏度樂記師乙雜記內子以鞠衣喪大記君設

大盤等章本無錯簡自生顛倒又如辨義首節實錯簡而不知其餘文字如從容之作春容汁獻之作汁莎封作窆純作緇大圭不琢作不篆監諸利作艷諸利諸侯茶作諸侯舒其慎也作其引也祭義見間以俠纓合見間二字作覲曾子問告用牲幣作告用利幣曲禮曰而行事則必踐之作必善之樂記禮有報而樂有反作禮有褒喪大記加偽荒作惟荒中庸一戎衣有天下作一戎殷若斯之類亦不可勝記今皆從舊以俟後之君子參焉

冠裳服色等制詩書無明據今世所傳皆鄭康成之

禮記通解

二十

諸禮記

說愚按冕最貴弁次之冠通用上古冠制甚小僅取撮髮即今羽流所戴是遺意也詩云臺登緇撮緇緇冠也撮小貌字從元首也從寸小也從冂象形也弁制大覆額詩云有頍者弁頍覆額貌弁盤也槃者大也字從升兩手拱捧以戴也用玄帛爲之者曰爵弁用皮者曰皮弁皮無飾者曰韋弁冕則加板于弁上前後垂旒其制又大于弁其形稍俛而前故曰冕冠弁冕皆用玄帛冠有用緇布者冕有用麻者古制也凡禮服衣裳殊常服衣裳連如深衣褒衣袍之屬皆連也凡服色多用玄緇纁纁即赤周以火德王尚赤

玄緇二色皆自赤出故冠服多用之即衮衣亦以玄爲地而加刺繡耳衮多赤色或玄黃或雜不等黻蔽膝也鄭謂黻色與裳相稱而易與詩多言朱芾赤芾則是裳不離赤然裳色不等而蔽多赤則是蔽色亦不盡從裳也鄭謂朝服玄衣素裳皮弁服純素弁用白皮天子視朝諸侯視朔皆用之羣臣亦然夫平居無事舉朝衣白未見其可即殷人尚白非必言服純用白也此未可信端者禮服之通名凡禮服制方正故謂之端用玄爲玄端用素爲素端雜記云端裳無等則是裳亦可謂之端非端定爲一衣也楊襲之名

禮記通解

二十一

諸禮記

不專指衣單曰楊重曰襲凡手執簪器重幣亦稱楊襲呈現其物而單藉之謂之楊不見其物而重裹之謂之襲非但衣服有楊襲耳鄭謂襲上有楊衣楊衣上有襲衣非也詳見各章冕衣裳九章引虞書山龍華蟲等爲証尤爲牽強詳見周禮司服世儒耳食康成以爲知禮不復思索轉相傳習凡今之禮非古之禮皆鄭康成之禮也鬼神者造化之靈人物之命大而天地山川小而昆蟲草木凡有生氣不離鬼神人者鬼神之會先王制爲祭祀使人知有鬼神又制爲卜筮使人知有鬼神



之靈所以顯造化之情狀齊億兆人之心志也洪荒之初混沌未鑿一氣苞孕人物初生鬼神道隆叔季元始剖散如日既中幽曖全消陽驕陰微鬼遁日遠人事日益是以殷人尚鬼而周人尚文世運自然也孔子贊易作十翼不言卜筮言義理以開物成務立人之道為本故曰務民之義敬鬼神而遠之神怪不語非其鬼則不祭是以臧孫居祭譏其不習此孔門民義之教也至于定禮宣自背其說而鄭康成解禮專引讖緯附合如以五帝為人各有名號姓字句芒祝融等神皆以人充數其說怪誕非聖人立教務民禮記通解

禮記通解

二十二

禮記通解

義之意蓋天之有帝以人事天之道不得不爾如鳥能祭則必以鳥獸能祭則必以獸各因其所固然為報本反始非天果有帝如人也猶曰稱宮星稱垣亦因人立名豈曰真有宮星真有垣耶老氏曰可名非常名通乎此者可與譚鬼神祭祀之義矣

禮記通解卷目

第一卷

曲禮上

第二卷

曲禮下

第三卷

檀弓上

第四卷

檀弓下

第五卷

禮記通解

卷目

卷目

王制

第六卷

月令

第七卷

會子問 文王世子

第八卷

禮運

禮器

第九卷

郊特牲

第十卷

內則	第十一卷	玉藻	第十二卷	明堂位	喪服小記	大傳	少儀	第十三卷	學記	樂記	第十四卷	雜記上	雜記下	第十五卷	禮記通解	喪大記	第十六卷	祭法	祭義	祭統	第十七卷	經解	哀公問	仲尼燕居	孔子閒居	坊記	第十八卷	中庸	第十九卷	中庸	第二十卷
															卷目																
															二																
															卷目																

表記	緇衣	奔喪	問喪	服問	第二十一卷	大學	第二十二卷	冠義	昏義	鄉飲酒義	射義	燕義	聘義	喪服四制	禮記通解	卷目	三	卷目

禮記通解卷一

曲禮上第一

郝敬解

曲禮記行禮節目委曲也曲細也非其大者  
曲禮曰毋不敬儼若思安定辭安民哉

此四語爲四十九篇之綱禮之本也聖人所謂脩己以安人安百姓者其道不外此毋禁止辭隨事隨處皆當禁止其怠慢之心勿敢不敬其容貌端莊儼然若心有所思內志惺惺貌與心符所謂正顏色斯近信也多言損志又當安定舒徐言不妄發如此則內齊明而外恭默心正身脩時措咸宜君子所以篤恭而天下平也有不能安民者哉禮之體約而功博如此

禮記通解

卷一

曲禮上

教法不可長上欲不可從樂志不可滿樂樂不可極

四不可皆申致上文毋不敬之戒學禮之本存心主敬之目

賢者句狎而敬之畏而愛之愛而知其惡憎而知其善積而能散安安而能遷

此舉居敬行禮之人爲學禮之法皆就恆情易偏者融之所謂允執厥中從心不踰矩盛德之至也賢者

舉其能敬之人恆情狎則易慢畏則易疎惟賢者所衰能敬所畏能親也恆情溺愛則忘醜過憎則棄善惟賢者愛知其惡憎知其美也恆情貪得則無厭適意則重遷惟賢者財有餘能散居雖安不懷也六者惟不長教不縱欲不盈滿不極樂者能之蓋教雖主一之心卽時中咸宜之道執中無權非禮之禮也六者時中脩己安民之道端在此

禮記通解

卷一

曲禮上

按大學論誠意正心以至治國平天下不外好惡兩者此人情之矩居敬之要于此能毋不敬則用中不偏絮矩篤恭而天下平矣積而能散二語卽財貨居處以言仁者克己復禮之事夫子母固顏淵屢空積而能散也子貢貨殖積而不散也蓋情動氣感如雲翳生空雖賢聖不能無而聚散起滅各有天則苟非涵養精純者不能化也安安而能遷則積散無心所謂從容中道順帝之則從心所欲無入不自得如是而後大禮與天地同節矣或曰安而能遷遷而能安同否曰遷而能安者止於至善安而能遷者介于石不終日可與幾也兩者相因所謂仕止久速無不可可周旋中禮盛德之至者矣

臨財毋苟得臨難毋苟免很毋求勝分去聲毋求多疑事

母質直而勿有若夫坐如尸立如齊禮記去禮從宜使從俗

承上言居敬學禮者當法賢以自脩也利害學問容貌習俗四者皆學禮之地禮非廢財也苟得則不可禮非犯難也苟免則不可橫逆雖很勝負有定理求勝則不可分所當取多寡有常數求多則不可此處利害毋不敬也事理雖學問而未深信勿輕以己之所信正衆之所疑非遂隱而不發也惟當直陳所見待人自擇蓋道本公共我知之非我自有之所謂博聞強記而讓雖有周公之才而驕吝無足觀此處禮記通解

卷一 三

曲禮上

學問毋不敬也至于出入起居各有矩度時坐則如尸尸象神坐必敬也時立則如齊齊對神立必敬也而視聽言動可知此動容貌毋不敬也君子用禮義以爲質苟生今反古矯世絕俗非禮之禮大人弗爲故一敬常主萬變隨時使從俗舉一事明之使謂以君命使于四方從俗謂因其國俗如居宋章甫之類蓋禮強世則難行宜民則可久此處世羣俗毋不敬也

夫禮者所以定親疏決嫌疑別同異明是非也禮不妄說悅人不辭費禮不踰節不侵侮不好去狎脩身踐言

謂之善行行脩言道禮之質也禮聞取於人不聞取人禮聞來學不聞主教道德仁義非禮不成教訓正俗非禮不備分爭辨訟非禮不決君臣上下父子兄弟非禮不定宦學事師非禮不親班朝治軍非禮威嚴不行禱祠祭祀供給鬼神非禮不誠不莊是以君子恭敬撙節退讓以明禮鸛鵲能言不離聲飛鳥猩猩生能言不離禽獸今人而不禮雖能言不亦禽獸之心乎夫惟禽獸無禮故父子聚斂是故聖人作爲禮以教人使人以有禮知自別於禽獸

禮記通解

卷一

四

曲禮上

此言禮之用甚切人當學禮也禮有隆殺則親疏定有分辨則嫌疑決有等級則同異明有從違則是非分此禮之用也妄悅人爲禮則卑諂辭費用廢禮則鄙陋奢侈則踰節倨傲則侵侮戲謔則好狎此五者皆不明于親疏嫌疑同異是非之禮者也禮以脩身爲本踐言善行所以脩身也善則行脩矣踐則言道矣言道言可爲道也質猶本也取於人謂爲上所徵用達行之事來學謂爲學者所就正窮居之事苟人不我取而取人則辱已人不來學而往教則貶道君子行脩言道之身不爲也道德仁義同出于性禮卽斯四者之節文成體而可履者也共由曰道同得曰

德生理曰仁時宜曰義必有禮然後道德仁義行之而成也教倣也訓循也上之立教以身下之循訓以言惟禮品節詳悉然後教訓備也客遊曰宦宦學從師遠學也班朝班朝廷位次也治軍治軍陳行伍也禱所求也祠報賽也祭以接神祀以嗣續供給謂牲幣器皿之類貌肅曰恭心存曰敬裁盈曰撙制過曰節謙卑曰退推與曰讓六者所以操心脩身踐言善行定決親疏嫌疑辨別同異是非而明禮者也人所異于禽獸唯此鸚鵡鳥名猩猩獸名人與禽獸血氣嗜慾視聽食息同但人能言而禽獸不能言然禽

獸中有若鸚鵡猩猩言亦與人同而卒未免為禽獸者心無人禮耳苟人無禮口雖能言而心固禽獸又何別于鸚鵡猩猩乎鹿性善淫鹿牝曰麀

太上貴德其次務施報禮尚往來往而不來非禮也來而不往亦非禮也人有禮則安無禮則危故曰禮者不可不學也夫禮自卑而尊人雖負販者必有尊也而況富貴乎富貴而知好禮則不驕不淫貧賤而知好禮則志不懾

太上謂聖人貴德謂從心不踰矩盛德之至忘人我報施之迹也其次謂君子之學禮務報施謂使人我

兼盡也孟子曰有禮者敬人敬人者人恆敬之又曰禮人不答反其敬子夏曰君子敬而無失與人恭而有禮四海之內皆兄弟即往來報施意聖人制禮父慈則子孝君敬則臣忠天唱則婦隨兄友則弟恭賓主相將獻酬交酢無施不報無來不往所以諧人情勸恭讓使疊疊不倦也故報者禮之尚而利者義之和義無利有時而睽禮無報有時而怠此聖人制禮之精意非故責效計利也有禮則安脩齊治平之福無禮則危放佚怠惰之禍自天子至於庶人莫不皆然故曰禮不可不學禮以退讓為本自卑者人不能

卑之尊人者人亦必尊之此往來之定數也以下奉上以賤承貴以少事長皆自卑尊人所以為禮負販謂負擔鬻販者雖其貧賤為人父兄長上亦必有尊之者為人子弟必有所當尊者況富貴者可廢禮乎按自此以上論禮之綱以下數禮之目

人生十年曰幼句學二十曰弱句冠三十曰壯句有室四十曰強句而仕五十曰艾句服官政六十曰耆句指使七十曰老句而傳八十九十曰耄句七年曰悼句悼與耄雖有罪不加刑焉百年曰期句頤宜

天地之數起于一極于九而終于十故聖人制禮以

節人情每十年一變以律天時盡人事調盛衰適盈虛之節也人生十歲曰幼可以學矣二十曰弱已成入而尚未壯可以冠矣三十血氣充足曰壯乃可以娶妻而有室四十壯甚而強志氣堅定乃可出仕五十肌髮已蒼如艾艾藥草老而刈始良故年長者謂之艾是時乃可服從官政蓋四十強仕服事而已服官政謂為卿大夫服事久諳練日深始可謀國政當大任也六十曰耆耆久也詩云上帝耆之六十而天地之數一周故曰久以意指使人不自勞也七十曰老時宜退藏在家則致位避賢在家則委事授子止

足隨時不當復營戀世務也八十九十則憊憊不明曰耄老而耄與幼而七歲者皆曰悼雖有罪不加刑蓋老耄與幼一也悼者憐恤之意入壽大約七八九十止矣若夫百年大數一終謂之期猶限也頤養也百年之間精氣形神惟在所養得養而善則壽失養而害則夭

按年與時俱長者造化之自然事與時俱變者人事之當然皆所謂禮何但三代因之即互天地古今盈虛消息舉不能易聖人志學十年一變以禮教人亦十年一易質義而行大畧如此非必拘拘十歲始學

二十後冠三十後娶四十後仕七十必傳也乃為所損益可知也故天子諸侯十二而冠卿大夫十五以後皆冠說者謂文王十三生伯邑考十五生武王古今名賢生子多在三十以前少壯登膺仕立功揚名不待五十夫子七十一猶請討陳恆作春秋是七十未傳也其他可知故曰禮從宜讀禮者舉一隅而三隅可推矣

大夫七十而致事若不得謝則必賜之几杖行役以婦人適四方乘安車自稱曰老夫於其國則稱名越國而問焉必告之以其制

大夫年七十致還其職事于君即老而傳之義謝釋去也不得謝謂君勉留也賜君賜几所以憑杖所以扶行役以婦人隨奉養也安車小車一馬駕坐而乘之禮大夫四馬車立乘坐則安也賜几杖以下三事皆君優老眷留之禮大夫在四方對同輩以降自稱老夫在本國父母之邦則稱名不敢自尊也鄰國有事來問必諮老成人國有老成文獻足徵大夫對必稱先王先君之制以告此耆舊自處之禮也君以耆舊之禮厚其臣臣亦以耆舊之禮自盡所以上下交而令終老而愈親也

謀於長者必操几杖以從之長者問不辭讓而對非禮也

謀就長者諮問也操几杖示爲役也從謂就而隨之也行則爲操之居則從之非定操其几杖以問也長者問長者謀于己也辭讓而對如子華言志曰非曰能之是禮也子路率爾而對非禮也

凡爲人子之禮冬溫而夏清聲去昏定而晨省聲上在

醜夷不爭夫爲人子者三賜不及車馬故州閭鄉黨稱

其孝也兄弟親戚稱其慈也僚友稱其弟也執友稱其

仁也交遊稱其信也見父之執不謂之進不敢進不謂

禮記通解 卷一 九

之退不敢退不問不敢對此孝子之行也夫爲人子者

出必告反必面所遊必有常所習必有業恒言不稱老

溫以致其煖清以致其涼昏則安定其寢晨則省問

其安醜夷衆等也言處衆不爭懼以忿辱親也三賜

三命屢錫也仕初命受職再命三命則君寵厚而體

統尊自當有車馬之衛而云不及者蓋出入鄉黨謙

退檢約如漢石慶入里門必下車之類有而不乘非

君賜而不受也若云父在之子皆不受車馬則大臣

之有車馬者鮮矣爲人子而貴不敢驕則孝謹之節

孚于輿情周禮五家爲比二十五家爲閭百家爲族

五百家爲黨二千五百家爲州萬二千五百家爲鄉

僚友同官者也執友同業者也交遊交相往來者也

慈弟仁信皆孝行之屬父執父同執業之友孝子見

父之執如父況見父乎三不敢敬謹之至凡出必稟

告反歸必面見遊有常欲親知所在也習有業率親

之所教也常言不稱老諱親之老不忘己之孺也自

言老則憂及父母故舜五十而慕老萊子七十爲兒

戲以悅親孝子之情也

年長以倍則父事之十年以長則兄事之五年以長則

肩隨之羣居五人則長者必異席

禮記通解 卷一 十

肩隨並肩而差後如鴈行也古者坐席地羣居則橫

席並坐四人長者居席首席向南北以西爲首席向

東西以南爲首若五人則長者專席

按古人席地亦有至理今不可用矣百昌不離地地

道最親坐必席地以卑法地不欲多上人也祭享皆

奠于地相見拜稽首皆至于地長者坐于地上接卑

幼非遠也後世用几案尊者踞高座使人委體拜于

足下卑卑懸殊非古人之意

爲人子者居不主奧坐不中席行不中道立不中門食

饗不爲槃祭祀不爲尸聽於無聲視於無形不登高不



臨深不苟訾。紫不苟笑。孝子不服闇。暗不登危懼辱親也。父母存不許友以死。不有私財。

禮命士以上父子異宮。使子各遂其尊。若士庶父子同宮。則子居不當尊。古者室向南戶。近東南隅。其西南隅深閒無事。謂之奧。以處尊者。明安樂也。尊者之居。故人子避之。少者坐無餘席。必垂近席邊。蓋食餐之禮。人各專席。居中則倨而當尊。古者男女異路。路各有中。尊者中道行。卑者或左或右。不當尊者所行也。門中央有臬。臬兩旁有櫨。不中門謂不當櫨。臬之間蓋尊者出入。由中。人子不得當之立也。槩量也。家禮記通解 卷一 十一 曲禮上

事未傳。子孫不得待賓。如子為士大夫往來饗禮饌具之類。亦順尊者裁定。已不得為限制也。古者祭祀必卜其人為尸。以像神。無父之子則可為之。有親在者嫌以身近死也。聽無聲視無形。誠敬之至。赤子之慕無時忘之也。不登高恐顛也。不臨深恐墜也。不苟訾恐招侮也。不苟笑戒嬉戲也。不行暗中也。遠嫌也不登危險防患也。數者皆足以喪身辱親。許友以死。後世任俠之事。古君子雖父母亡。未嘗輕以死許友。親在雖國難未輕死。況朋友乎。身體髮膚皆親之有。況私財乎。有私財是二其親矣。

為人子者。父母存冠衣不純。如素孤子當室冠衣不純采。

凶主素吉主采。父母俱存。人子平居吉祥。冠衣不全。用素。幼而無父曰孤。人生三十以上有室則有代父之端。喪除不稱孤。三十以下父母早喪平居亦稱孤。冠衣不全用采。不忘親也。當室適于當家與衆孤異。鄭註純緣也。蓋據深衣解。禮言不必盡同。他處純又作緇。卽鄭且自異矣。

幼子常視毋誑。童子不衣裘裳。立必正方。不傾聽。長者與之提攜。則兩手奉。上長者之手。負劬辟。叩二。詔之則禮記通解 卷一 十一 曲禮上

掩口而對。從於先生。不越路而與人言。遭先生於道。趨而進。正立拱手。先生與之言。則對。不與之言。則趨而退。從長者而上。丘陵則必鄉向。長者所視。

視與示同。童子天真無偽。不可示以欺詐之事。大人者不失其赤子之心者也。童子衣裘則迫近成人衣。下有裳亦成人之禮服。童子給役惟襦袴耳。正方面正向一方不疑立也。傾偏敬也不傾頭左右屬聽皆端重之容。提攜謂長者以手牽引。如提攜物然。則童子必兩手恭捧長者之手。致親敬也。負古背通。負劬謂長者以手加童子肩背。挾之腋下。如帶劬也。辟偏。



也。耳口旁也。詔告語也。長者於童子耳邊以口旁語之。則童子必手自掩其口而應。勿使氣觸長者先生。謂父兄師長從隨行也。從長者行而越路與人言是忘其所從也。遇先生于路疾趨前進不敢煩先生就己也。恐有教令正立拱手俟之與已言則對不言則趨退不敢賡問亦不敢叩所往也。士高曰丘陵遲可升曰陵。嚮長者所視視東亦東視西亦西恐長者有問隨所見對也。

登城不指城上不呼。將適舍求母固將上。堂聲必揚。戶外有二屨。言聞則入言不聞則不入。將入戶視必禮記通解

卷一

士

下入戶奉。上局視瞻毋回。戶開亦開。戶闔亦闔。有後入者闔而勿遂。毋踐屨毋踏席。擗上末趨隅必慎。唯。上諾

登高望遠人所共見。自上視下人所疑忌。指而呼則驚惑者衆矣。君子在車中不親指不疾言而況域上乎。舍旅館也。旅邸不能無求若執平日所用堅索如意非爲客之義。君子無處無物可以固求而于旅次尤當戒也。將升堂必先揚其聲使內人知避也。古人席坐脫屨而升。羣坐惟長者一人脫屨於戶內餘皆脫於戶外。外有二屨則在坐非一人語聞于戶外則

可入不聞恐有密不當入也。入戶視必下不欲掩人所私也。局鉉通門內外拴紐也。排戶而入則兩手捧持其局勿左右回視戶初或開或闔既入便開闔如初不違主人意也。當闔而有後入者則闔勿盡恐拒後入者也。毋踐屨不踐蹋先入者所脫之屨踏亦踐也。長者所居席端爲上長者先登則後來者自前序升如歷長者之位以就已位是謂之階席也。擗提也。手提其衣便坐也。隅席角末坐也。笏者趨席末由末升也。慎唯諾長者有問唯諾必中節也。

禮記通解

卷一

十四

曲禮上

行逆施故曰德言慎禮言恭惟盛德之至動容周旋無時無處非禮君子所以不可斯須去身。心之謂也。後多倣此。

大夫士出入君門由闕右不踐闕

造化以東陽爲生物之鄉易曰帝出乎震故禮以東爲主位人身左屬東爲陽家國天下莫不有主主不可移可移則非主故賓雖尊而必右主雖讓而必左君者國之主其出入尚東由左門兩扉間植木室扉曰闕出入者由闕左右闕東西自定左右隨身出入君自內南面東出由闕左入由西亦闕左也臣自外

北面東入爲闕右出由西亦闕右也不由闕西則疑于爲賓出由闕東則疑于爲主故不敢也在他國則否闕門限踐則不敬且防傾跌

凡與客入者每門讓於客客至於寢門則主人請入爲席然後出迎客客固辭主人肅客而入主人入門而右客入門而左主人就東階客就西階客若降等則就主人之階主人固辭然後客復就西階主人與客讓登主人先登客從之拾級聚足連步以上上於東階則先右足上於西階則先左足

由外至內非一門寢門最近內而進則升寢堂矣  
禮記通解 卷一 十五

大門讓客先入及寢門主人先入設席然後出迎客致專敬也客固辭則主人止而肅客入肅謂俯首揖而進之卽肅拜也入門左右皆以身爲槩自外入東爲右主趨東階也西爲左客趨西階也客若降等謂客分卑于主主爲大夫客爲士之類則就主人之階示隨行不敢當賓也待主人固辭而後就西再讓曰固辭主人先登分尊也拾更迭也級階梯也兩足更迭升前足俟後足至而前足更上也猶雜記拾踊射禮拾取矢之拾聚足謂兩足聚一級連步階梯非一也東階先右足西階先左足順入門之左右主賓相

顧也

惟薄之外不趨堂上不趨執王不趨堂上接武堂下布武室中不翔並坐不橫肱國平授立不跪授坐不立

帷幔也薄簾也趨直前疾進也見長之禮以疾爲敬惟薄之外不見尊者可自紆則不必趨堂上地迫執玉恐墜皆不可趨武足也取強立意凡上文下武左文右武冠下曰武所以爲固也足下曰武所以爲壯也堂上不趨足跡相接舉步狹也堂下地稍寬可開步布散其武也張拱緩步曰翔室中愈迫非脩容之所肱手臂橫張兩肱恐妨並坐者凡授物長者立則

禮記通解

卷一

十六

已不必跪恐勞長者俯也長者坐則已跪而授之不敢俯臨長者兩足並坐曰跪

按趨翔跪皆所以爲敬然以趨爲敬亦有不必要者以翔爲敬亦有不必要者以跪爲敬亦有不必要者節文雖多時中而已故君子義以爲質禮以行之明于細而大可知

凡爲長者養之禮必加帚於其上以袂拘薄而退其塵不及長者以箕自鄉向而扱插之奉上聲席如橋衡請席何鄉請社社王上何趾席南鄉北鄉以西方爲上東鄉西鄉以南方爲上若非飲食之客則布席席間函丈主人

跪正席客跪撫席而辭客徹重席主人固辭客踐席乃坐主人不問客不先舉將卽席客母作兩手握衣去齊客尺衣毋撥判足毋蹶貴先生書策琴瑟在前坐而還之戒勿越虛坐盡後坐盡前坐必安執爾頤長者不及毋僂暫言正爾容聽必恭毋勦說毋雷同必則古昔稱先王

糞掃除不絮也帚所以掃箕所以盛糞以帚加箕上捧之而進退也一手提帚一手舉袂環障帚外且掃且移卻步而退使塵不及長者拘鉤通舉袂內向如鉤也掃畢以箕內向扱地斂取糞壤不以箕向長者

記通解

卷一

十七

曲禮上

既掃席兩手奉席高如橋平如衡長者欲坐請問面向何方長者欲卧請問足向何方衽卧席也凡坐隨陰陽如南向東向之席坐于陰方則皆上右蓋南向以西爲右東向以南爲右也北向西向之席坐于陽方則皆上左蓋北向以西爲左西向以南爲左也凡飲食之席賓主不相對非飲食而講說之席則對設凡席制廣三尺有奇兩席合中間空地約共一丈函合也跪膝著地也主人跪而正客之席敬客也客以手按席止之不敢當也重席所以優客固辭再辭也凡辭初爲禮辭再爲固辭三爲終辭踐席客將坐

也客坐主人乃坐坐定主人先問勞客客不先舉問

也凡卽席容貌端好舒徐勿矜持愧怍也將坐必兩手褊提衣旁使邊齊離地尺許然後坐以便起居也齊一作齋衣下邊也撥開散也蹶掣動也坐必收斂衣服足無動搖也席間遇長者書簡琴瑟當前必跪而遷移之慎勿跨越也虛間並坐陵越向前則疑于先人非謙也當食並坐偃仰退後則似輕主人之饌不敬也卽下文無餘席之意或云盡前者以俎豆在前就之恐汗坐席也僂攬通越次也勦說猶亂說便給爭勝之狀雷同附和阿比之狀準古昔稱先王言

記通解

卷一

六

曲禮上

皆舊典可徵可信也

侍坐於先生先生問焉終句則對請業則起請益則起父召無諾先生召無諾唯而起侍坐於所尊敬無餘席見同等不起燭至起食至起上客起燭不見現跛義尊客之前不叱狗讓食不唾去侍坐於君子君子欠伸撰杖履視日蚤莫侍坐者請出矣侍坐於君子君子問更端則起而對侍坐於君子若有告者曰少間附願有復也則左右屏而待

問終乃對不敢僂也古者席地坐以兩膝著席兩股著是有請則伸股起起有二長者坐少者請業請益

問更端之類則膝蹠而股起燭至食至上客至之類則足立而身起也請業問所習學之事請益既告而復問也諸者應之徐唯者應之疾無餘席者坐垂席端恭敬不寧之貌侍先生坐見同等者則先生亦其同敬敬有所專不敢顧私故不為起燭三起以時變也食至起敬主人之供也上客起非同等長者之所敬亦敬也古者以薪炬為燭燒餘為跋勿使客見恐其厭久也叱狗惡聲嫌暴怒也讓食而唾近穢惡也吸氣曰欠舒體曰伸欠則氣乏伸則體疲撰古算通心計貌將起尋覓杖屨也視日早晚思息也皆厭倦禮記通解

卷一

十九

曲禮上

之容更端更舉一事問也起而對待命復坐也有告者他人告君子也少閒須少空閒也復白也必空閒而後白則幾事也屏退也左右隨便也屏隱而待不敢干其私也母側聽母教應母淫視母怠荒遊母倨立母跛坐母箕寢母伏斂髮母髻替冠母免勞母袒暑母褰裳待坐於長者屨不上於堂解屨不敢當階就屨跪而舉之屏於側鄉長者而屨跪而遷屨俯而納屨

母側聽母側耳探聽人之私也應必和平母教號暴厲也視必直母流移邪眄也怠荒謂身體放散不

收也遊行也倨驕傲也跛偏欹也箕坐伸兩足狀如箕舌也伏覆也以胸腹帖席也斂髮以纒韜髮也髻假髮一云髮勿使髮垂如髮也免脫也非凶事不脫冠袒解不露體也雖有疲勞之事不得肉袒雖當炎暑不得揭下裳取涼也屨賤少者屨尤賤長者坐於室則著屨升堂而脫之戶外以入長者在堂則屨不上堂而脫之階下以升屨有繫解之不敢當階為妨後升者有事暫起就階下著屨必跪而舉屨屏於側著不當階也禮畢退長者送已向長者前著屨屨在階側跪而遷屨近已勿妨長者降也俯而納屨不跪者納屨足在前也

禮記通解

卷一

二十

曲禮上

離坐離立母往參焉離立者不出中間男女不雜坐不同施移柳架不同巾櫛不親授嫂叔不通問諸母不漱裳外言不入於梱內言不出於梱女子許嫁纓非有大故不入其門姑姊妹女子子已嫁而反兄弟弗與同席而坐弗與同器而食離猶麗也兩相與曰麗兩成離加一為參兩人同坐立必有所私母往參之道遇麗立者行其旁毋出其中間加架同置衣服之具橫者曰施巾以拭汗櫛以理髮問贈貽也詩云雜佩以問諸母父妾之有子者

藏浣也。裳、褻服，不使敝。褻，惡漬，尊遠嫌也。內言外言，男女各職也。相門限也。內外有限，男女不相通言也。纓，佩也。條，組之屬。女子既許，嫁，佩纓成人之飾也。大故謂病喪之類，非是不入其門。門，謂女子所居室之戶。女子子，即女也。重言子者，別于男子之爲子也。兄弟謂姑姊妹女子子，各有兄弟也。坐食，男子在堂，則婦人在室。

父子不同席

古者一席坐四人。父子同席，則尊卑無等。父必異席，男女非有行媒，不相知名。非受幣，不交。不親，故日月以

禮記通解

卷一

三十一

曲禮上

大

告君齊戒以告鬼神，爲酒食以召鄉黨僚友，以厚其別也。取，去妻不取，去同姓，故買妾不知其姓，則卜之。

行媒謂媒氏，通往來也。名，謂男女之名。受幣，謂納幣以後，乃通交相親也。周禮凡判妻入子者，媒氏書之以告君也。告鬼神者，告其先祖，非是則無別，爲此以厚別也。厚，猶遠也。妻取同姓，則近于禽獸，妾或不知姓，亦必卜之以決疑也。

寡婦之子，非有見焉，弗與爲友。

寡婦之子，弗輕與之爲友，避嫌也。見，謂其子有德業，聞望，表見于世，無所見而友其子，欲何爲乎？所以嫌

也。

賓取妻者曰：某子使某，聞子有客，使某羞。

凡以財慶人曰賀。昏，禮無賀，以人子將有嗣代之憂也。如賀，則直云某聞子有客，使某來進食，不直言賀也。某子，賓者名。使某，使者自名。羞，進食也。貧者不以貨財爲禮，老者不以筋力爲禮。

貧者不貲，備將禮之物。老者不能任行禮之勞，禮不在儀文，故無財亦可行也。禮不在周旋，故衰老亦可行也。不貲，豈貧者老者遂無禮乎？故曰：禮云禮云，君子義以爲質，此之謂也。

禮記通解

卷一

三十二

曲禮上

大

名子者，不以國，不以日月，不以隱疾，不以山川。

子生三月，而父名之。義方之始，不可不慎。以國則常上以日月，則襲天以隱疾，則貪菑以山川，則瀆神，推而廣之，必正乃順，隱疾，隱諱之疾，如目疾，名瞎，足疾，名跛之類。

男女異長，男子二十冠而字。

異長，各自爲伯仲。男子之長幼達于四方，女子之長幼聞門之內耳。故不相雜。男子冠而字之，重成人，不斥其名也。

父前子名，君前臣名。

名謂自稱與稱同輩皆以名父尊于一家子自稱及稱家輩皆以名也君尊于國臣自稱與稱他人皆以名也春秋傳鄆陵之戰晉侯陷于淖樂書欲載晉侯鐵曰書退鐵書之子也對晉侯稱書是君前子亦名父他可推

女子許嫁笄而字

女子十五以上皆可許嫁許則十五而笄未許則二十亦笄矣字之亦敬其名也

凡進食之禮左殺右載老食開居人之左羹居人之右膾炙羹外醯醬處內蒸深處末酒漿處右以脯脩

禮記通解

卷一

二十三

曲禮上

言字六

置者左胸勑右末客若降等執食與辭主人興辭於客然後客坐主人延客祭祭食祭所先進殺之序徧祭之三飯主人延客食載然後辯殺主人未辯客不虛口

殺牲體熟而升之俎也載純肉切而盛于豆也謂之殺者骨肉雜也禮重骨賤肉故左殺右載食飯也設食為主故居左肉汁為羹羹陪食故居右細切為膾燒肉為炙盛之以豆居食羹之外也醯醬屬或云醋也醢通為醬醢醬之類不一皆所以和諸饌亦盛以豆居殺載之內也蔥藻所以為和也藻當作屑內則云屑挂與薑土喪禮云醢醢屑是也亦盛以豆居

饌之末漿諸飲之屬周禮有三酒六飲居右與羹近

取便也脯脩皆乾肉脯析曰脯脯始也始成為脯捶而施薑桂曰醢醢脩治也治而後成也胸屈也末謂

兩端乾肉屈中而以末端向右食脯先末便于擘取也降等謂客分卑於主人也執食起辭始儀禮臣食

于君先捉飯而起欲往食于堂下之類主人起止客然後客坐也延請也食每品取少許置于豆間之地

以祭先代造食之人不忘本也若敵客則自祭不須延請若降等之客待主人延請而後祭也凡祭食之

禮祭其所先進之食後進者後祭之各以進殺之序

禮記通解

卷一

二十四

曲禮上

言字六

祭之必徧也飯食飯也三飯三食也每飯皆食殺擣以醢醬殺與飯為正饌三飯竟主人乃延客食載然後徧食各殺辯徧通周也必俟主人食殺徧而後客止如主人方食客虛口不食是違主人之意也

按飲食人之大欲無禮則亡厭故先王因飲食行禮俎豆有常品陳設有定位以將敬而導讓也苟薦獻

有文辭受有節豐儉有數因時制宜皆可名禮故夫殺載之左右羹炙之內外脩脯之本末主客之拜興

善用禮者不簡不煩當乎人情愜乎事理合乎時宜所謂義以為質禮以行之遜以出之信以成之如是



而已故禮有情有文非徒鼎俎之多寡左右之陳設  
一一依倣陳跡如鄭康成輩牽強附合虛敝精神無  
適于用耳

食於長者主人親饋則拜而食主人不親饋則不拜  
而食共食不飽共飯不澤手毋搏搏飯毋放飯毋流歌  
毋宅宅食毋齧齧骨毋反魚肉毋投與狗骨毋固獲毋  
揚飯飯黍毋以箸毋嘔嘔羹毋絮羹毋刺齒毋歆醢客  
絮羹主人辭不能亨客歆醢主人辭以宴濡肉齒決乾  
肉不齒決毋嘔嘔羹羹

主人卽長者饋進饌也共食與人同席食也非賓主  
禮記通解 卷一 二十五 曲禮上

勸侑而飽則所取多矣共飯與人同而飯也古人  
飯以手不澤手手必潔也沾汙曰澤汙出曰手澤涎  
沫曰口澤凡涎沫著手羹汙染手皆謂之澤人所穢  
惡也搏飯團取飯欲其多也放飯捨食也流歆亟飲  
也宅口舌聲齧骨嚼骨有聲反魚肉以所食餘反于  
器也投與狗骨則賤主人之物固獲堅取必得也揚  
飯去執急於食也飯黍以匕不以箸箸以食飯非飯  
黍也羹有菜食用箸噉以匕取也絮羹剔取蔬品  
入羹和之也刺齒剔齒也醢屬味鹹以醢搗食之  
非可歆也可歆則味必淡故客絮羹則似調和未善

主人辭以不能烹客歆醢則似醢味齊無殺可飽故

主人辭以貧宴濡肉輒濕之肉齒決以齒斷而食之

不須手也乾肉脯脩之類必手擘之而後可食用齒

決斷則失容也一舉盡嚙曰噉以上數者皆貧賤粗

率之狀君子于觴酒豆肉未嘗不退讓以養廉也

卒食客自前跪徹飯齊齊以授相者主人與辭於客然

後客坐侍飲於長者酒進則起拜受於尊所長者辭少

者反席而飲長者舉未醕醕少者不敢飲長者賜少者

賤者不敢辭賜果於君前其有核者懷其核御食於君

君賜餘器之溉者不寫其餘皆寫寫餞餞餘不祭父不祭

禮記通解 卷一 二十六 曲禮上

子夫不祭妻御同於長者雖貳不辭偶坐不辭羹之有

菜者用挾挾其無菜者不用挾為天子削瓜者副副旁之

巾以緇緇為國君者華華之巾以綌綌為大夫累累之

士士纁纁之庶人黻黻之

卒食食畢也客自出向席前跪而取已所食之飯與

醬齊授佐食者將以持歸卒主人之惠也齊與蠶通

卽菹醢之菹獨徹飯齊齊食以飯齊為主也唯受食

於尊者親徹徹賓若敵則主人起辭客坐而相者代徹

也尊盛酒器尊所置酒尊之所謂之尊者燕飲主酒

主為尊也故主人當尊天子諸侯飲其臣則尊尊燕

與鄉飲則尊在房戶間賓主共之。主尊賓賓尊主之義也。故長者就尊酌酒少者必起就尊所而拜長者辭拜少者乃反席飲俟長者飲盡酌而後少者乃敢飲。盡飲曰醕。君前食果不敢棄其核。卽勿投與狗骨之意。御食於君如爲君佐食之類。非侍食也。侍食則不必賜餘矣。器之溉謂如賜爵之類。禮所必洗則卽其器食之不必更瀉之別器也。如其器未可便洗者則當瀉于別器食之不敢與君同器也。食餘曰餽。尸餽鬼神之餘。臣餽君之餘。賤餽貴之餘。下餽上之餘。餽餘皆有豆間之祭。但不可以祭先祖與他鬼神。故禮記通解

之云割炙也。寔藉通亦不華。但去其蒂而已。斲之亦不寔以齒自斲而已。按玉藻及士相見禮皆云君賜爵卒爵而俟君卒爵是以先飲爲禮也。故禮不必強同。因時制宜。敏於從尊者之命先飲可也。讓以待尊者之命後飲亦可也。解者謂公私不同飲。豈私燕遂無導飲之禮乎。長者有賜當受。亦有義不可受。雖君命辭若子思之鼎肉孟子之兼金是也。削瓜細事諸侯以下不得。齊明微辨等云爾。非謂庶人之瓜。但可斷蒂而劈瓜者皆犯禮也。解者曰公庭大會則爾。非謂平日。然則禮惟公庭有之。平日無禮乎。且庶人何得與天子同堂食瓜。附會不得。而強爲之說也。大抵禮者人情耳。無恭敬之心非人也。無是心則講求是禮有是禮則反求是心。今不求制禮之義與行禮之心。但比擬求合于古人之跡。牽強支離亦不可行矣。父母有疾冠者不櫛。行不翔。言不惰。琴瑟不御。食肉不至。變味飲酒不至。變貌笑不至。矧怒不至。詈。利疾止復故有憂者側席而坐。有喪者專席而坐。不櫛。不櫛髮也。首必櫛而後加冠冠而不櫛。勿遽之至也。翔緩步也。惰慢也。不惰言語較平時迫切也。君



子無故不去奉瑟父母疾則不樂也變味謂厭飫知味也變貌謂醺醺改色也齒本曰刳笑而見刳是劇驪也怒罵曰詈怒而至詈是忘憂也有憂如親疾大患難之類側獨也猶儀禮側尊側授之側側席謂獨席不別設席待賓也專席謂不與衆人共坐吉凶不相襲也

水潦降不獻魚鼈獻鳥者佛其首畜鳥者則勿佛也獻車馬者執策綬獻甲者執冑獻杖者執末獻民虜者操右袂獻粟者執右契獻米者操量鼓獻執食者操醬齊獻田宅者操書致凡遺人弓者張弓尚筋弛禮記通解

卷一

二十九

曲禮上

弓尚角右手執簫左手承附尊卑垂幌若主人拜則客還差辟辟拜主人自受由客之左接下承附鄉向與客並然後受進劔者左首進戈者前其鋒去後其刃進矛戟者前其鐵進几杖者拂之效馬效羊者右牽之效犬者左牽之執禽者左首飾羔鴈者以纁受珠玉者以掬受弓劔者以袂飲玉爵者弗揮凡以弓劔苞苴簞筥問人者操以受命如使客之容

水潦方降則魚鼈不足貴故不以獻于尊者獻鳥者必振列轉其首止其豕而防其逸也如欲畜之則勿拂恐其傷也佛拂通車馬不可以登堂獻則執提馬

之策與升車之綬先之冑在首甲在身呈冑自知有甲矣獻杖則執末授長者以本也民虜戰勝所獲之人獻則操持其右袖防有異志也獻粟收取必以契契必合兩書契先右執右爲尊也鼓量器操量鼓進則知有米也粟久儲故執契米卽用故執量醬齊所以和味先醬齊自知有熟食也書版冊也獻田宅以書致之凡弓筋在外角在內授張弓筋向上授弛弓角向上使兩梢下垂便于授也簫稍通弓末也附弓中央把處如花之有附故名附右手執附左手承附便也尊卑謂賓主無貴賤一也垂幌猶垂佩幌佩巾

禮記通解

卷一

三十

曲禮上

賓主授受身皆若折其佩懸而垂也客謂使者主人拜而後受客執弓旋辟以避其拜還辟回旋開辟也但避不答拜者主人拜聘主非拜使者也主人自受謂不遣人代也由客之左客自外入則西爲左接下亦右手執簫卻左手接客之下承其附也鄉與客並謂與客並立同向然後受之不逆受也進劔以把爲首左其首尊者在左以首授之避刃也戈如戟旁有橫刃向下所謂鉤戟也矛似鋌而三隅戟兩旁皆有橫刃向上鐃鐃皆柄下鐃銳者曰鐃平者曰鐃前鐃鐃亦避刃也進几杖者必拂去其塵效猶呈也馬與

羊右手牽之便用力也犬左手牽之以右手防醬也執食皆左其首尊者在左以首向之也獻羔鴈者畫而飾之受珠王者以兩手掬之受弓劍者以衣袖承之飲玉爵者雖有餘瀝不揮洒防失墜也苞包裹之直承藉之或以韋或以茅魚肉之類也竹器圖曰簠方曰筥盛飯食之器也凡操持此物遺人者受使命之初即如出使在彼之容則臨事可無失禮矣凡為君使者已受命君言不宿於家君言至則主人出拜君言之辱使者歸則必拜送于門外若使人於君所則必朝服而命之使者反則必下堂而受命

禮記通解

卷一

三十一

曲禮上

朝受君言夕舍于郊故曰不宿於家朝服而命之則拜送反受命亦朝服可知拜君言之辱朝服又可知已

博聞強識平而讓敦善行而不怠謂之君子君子不盡人之歡不竭人之忠以全交也

多學而不窮人以自用篤于行善而不以少得自止斯誠君子矣人有好于已勿求其好之必盡人有患于已勿負其忠之必竭如此則我望人不過厚而人施于我易為德彼我之間可常繼全交之道也禮曰君子抱孫不抱子此言孫可以為王父尸子不可

以為父尸為君尸者大夫士見之則下之君知所以為尸者則自下之尸必式乘必以几

禮古禮也祖父憐孫之幼常擁抱之子長則不抱父嚴祖慈人情也記者引此以明孫為祖尸之意蓋惟其死則為尸故生則鍾愛曾子問云尸必以孫孫幼則使人抱意與此異王父祖父也君尸謂天子諸侯祭祀公卿大夫為尸者已筮已宿大夫士過于外則車之也君過于路知其臣已筮為尸者亦下車尸皆式于車上答之也尸乘車必加几于後憑以優之也

禮記通解

卷一

三十二

曲禮上

按古者惟祭殤無尸內外之神祭皆以尸而神用同姓外神不擇姓勝國之社稷則士師為之六廟之祭主人之子為之使其父北面拜其子近道飲食主人以為鬼近戲此古禮之不可強通于後世者也齊平者不樂不弔

遇大事而齋戒則不為樂不弔哀專志以養誠也居喪之禮毀瘠不形視聽不衰升降不由阼階出入不當門隧居喪之禮頭有創平則沐身有瘍平則浴有疾則飲酒食肉疾止復初不勝升喪乃比於不慈不孝五十不致毀六十不毀七十唯衰惟麻在身飲酒食肉處

於內生與來日死與往日

孝子哀痛自不免於毀瘠然使銷肌見骨則反傷生使耳目昏亂則反廢禮升降不由阼階不忍歷親之位也出入不當門中道不忍踐親之迹也居喪不整容故不沐浴不甘味故不進酒肉然有瘡瘍沐浴可也有疾病酒肉可也疾止復初仍不食也孝子之身親所寄託之身以啓後則爲慈以承前則爲孝苟過哀復生廢禮謂之不勝喪雖慈孝乃比於不慈不孝者不致毀不極毀傷也年愈衰則哀當愈節孝子居喪三年是生者來之日也父母喪已三年是死者往禮記通解

卷一

三十三

曲禮上

之曰也生者不忘久而若暫死者不生近而若遠與猶數也生數來日如親死四日成服喪禮以爲三日祥禫皆越月而後祭祥雖兩期而從吉直須二十七月是生者之喪必數來日也死數往日如親喪二十五月實得兩期遂爲三年是死者之期但數往日也數來者雖久猶若未久孝子自盡之心也數往者未久以爲久孝子思親之心也聖人制禮斟酌情理而損益之也

按前云爲人子者居不主與行不中道立不中門故居喪不由阼階出入不當門隨猶親存也故曰事死

如事生父沒觀之行三年無改於父之道可謂孝矣禮者人情而已非泥跡也孔疏謂耐祭以後得升阼階引雜記弔者入主人升堂西面爲敬賓乃由阼恐亦不止此顧其心何如耳泥跡比擬非禮之義

知生者弔知死者傷知生而不知死弔而不傷知死而不知生傷而不弔弔喪弗能賻附不問其所費問疾弗能遺不問其所欲見人弗能館去不問其所舍賜人者不曰來取與人者不問其所欲適墓不登壟助葬必執紼臨喪不笑揖人必違其位望柩不歌入臨不翔當食不歎鄰有喪書不相去里有殯不巷歌適墓不歌哭日禮記通解

卷一

三十四

曲禮上

不歌送喪不由徑送葬不避塗潦臨喪則必有哀色執紼不笑臨樂不歎介冑則有不可犯之色故君子戒慎不失色於人

恤生曰弔哀死曰傷二者非可混施也以財助葬曰賻問人之乏而不能濟是失言也賜人而使之來取是無禮也與人而問所欲是矜惠也壟墳也登墳則躡踐死者不敬也引棺之索曰紼助喪本爲相事非爲客也故必執紼示效力也與人揖必出位以變爲敬也入哭人之喪勿舒徐翔行也憂則廢食食則輟憂非歎所也五家爲鄰鄰有喪春米者不唱和相助

也二十五家爲里不巷歌不歌於里之巷也送喪由  
截徑避泥水是憚勞也身被介冑則必有不可犯之  
色臨喪則必哀戚之色故君子每事戒慎必誠必信  
服必稱情外必由衷不失色於人也

國君無式大夫下之大夫撫式士下之禮不下庶人刑  
不上大夫刑人不在君側兵車不式武車綏綏平旌德  
車結旌史載筆士載言前有水則載青旌前有塵埃則  
擊至爲前有車騎則載飛鴻前有士師則載虎皮前有  
擊至獸則載貔皮貅休行前朱雀而後玄武左青龍而  
右白虎招搖在上急繕其怒進退有度左右有局各司  
禮記通解 卷一 三十五 曲禮上

其局父之讐弗與共戴天兄弟之讐不反兵交遊之讐  
不同國四郊多壘聲上此卿大夫之辱也地廣大荒而  
不治此亦士之辱也  
撫俯憑也式車中較下橫木有所致敬則俛而以手  
撫之如過宗廟之類君所撫式大夫過則下大夫所  
撫式士過則下朝廷之禮論爵庶人無爵故禮無下  
逮庶人者大夫近君有罪則議問禮有八議不可議  
同姓則刑于甸師勿使人見異姓則刑于朝不棄市  
以重有爵也有罪被刑之人不使近君側防懷怨也  
兵車尚威猛而不讓故不式武車卽兵車旌載于車

上綏綏通散垂貌詩曰淑旂綏章武容飛揚故散其  
旌垂綏然也德車文車貴安恬故纏結其旌史載筆  
謂君行史官載筆隨以記事也士掌故官屬言謂訓  
典前謂前驅君行師從前驅遇變必舉類示後使知  
備也載舉之車上也青青雀水鳥旌畫青雀于旌上  
塵埃起則前有衆伏風能揚塵爲鳴多風故舉鳴鳶  
也見車騎成行則舉飛鴻鴻飛成列也士師掌刑殺  
之官在前謂爲先鋒舉虎皮以張威武也前遇猛擊  
之獸則舉貔貅之象使衆知備也此四者畧舉其類  
蓋師行人衆有急未可言傳但舉旗幟以齊三軍之  
禮記通解 卷一 三十六 曲禮上

耳目也下文因以五方旗色承之行謂行師凡軍前  
爲南鳥南方七宿朱火色前建鳥旗七旂以象鷄火  
爲宿之屬有星星凡七星也武北方七宿玄水色後  
建龜旒四旂以象營室武宿與東壁連體四星也軍  
東爲左龍東方七宿青木色左建龍旂九旂以象大  
火龍宿之屬有尾尾九星也軍西爲右虎西方七宿  
白金色西建熊旗六旂以象伐虎宿與伐參連體六  
星也招搖天中北斗七星上謂中軍北斗杓轉衆星  
隨之故居中央軍行爲五方之旗法五星以指揮士  
卒而招搖在上者將帥居中舉招搖之旗督作三軍

之武怒也。急猶督也。繕猶作也。度謂進止之律局。謂部分皆所謂軍禮也。下文因以敵讐承之不共戴天。猶言不與同生也。不反兵謂不待還取兵。兵常自隨也。四郊城外四郊。壘屯軍之壁。卿大夫不能謀國。致寇納侮。士未遠於庶人。食祿代耕而不勤民事。各以爲辱也。

按父讐三語。言帥臣分閭敵讐之義。四郊二語。言人臣謀國任事之忠。或古聖有爲而言。猶速死速朽之類。如春秋魯莊公忘父讐。爲齊諸兒主婚。儒者矯其非。遂以報讐爲大義。後儒遂緣飾大復讐之例。要之禮記通解

卷一

三七

禮記上

非通論也。傳記成于後儒。手非先聖之舊。而此一節多春秋諸侯盟會征伐之事。非先王巡狩朝會太平之文物。所述前載後備。皆倉卒道途掩簿。權宜之術。青龍白虎招搖等名。後世緯釋小說。非聖人雅言所執之禮。鄭康成輩每屈經從緯。禮壞經訛。由訓詁始也。

臨祭不惰。祭服敝則焚之。祭器敝則埋之。龜策敝則埋之。牲死則埋之。凡祭於公者。必自徹其俎。

不惰。祭如在也。祭服祭器敝壞。以他用則褻神。故焚而埋之。牲犧牲未用。死與犬馬之屬。皆是人臣助祭。

于君有獻。俎祭畢各歸之。臣必自徹者。不敢當賓也。鄭謂獨士當自徹亦拘也。

卒哭乃諱。禮不諱嫌名。二名不偏諱。建事父母。則諱王。父母不建。事父母。則不諱王。父母君所無私諱。大夫之所有公諱。詩書不諱。臨文不諱。廟中不諱。夫人之諱。雖質君之前。臣不諱也。婦諱不出門。大功小功不諱。入竟境而問。禁入國而問。俗入門而問諱。

卒哭謂朝夕哭也。未葬哭不絕聲。既葬返而三虞。惟朝夕哭。思至哭。故謂之卒哭。卒哭則耐。主于廟。乃有諱。以易名。名所以名其實也。人死質藏則名隱。孝子

禮記通解

卷一

三十八

禮記上

聞名思親。不忍舉也。鄭謂生不諱名。非也。人子于親生死同死。不忍聞生。亦不敢斥。但生則名有必用。不可盡諱。死則名不復用。諱方新而名可釋矣。故諱自卒哭始。卒哭之日。生事終而死事初也。嫌名。名不同而音相近。二名二字。爲名偏舉一字。則不諱。蓋禮至諱名而尊崇哀敬之情極矣。惟三年之喪。爲然。期以下無此禮。期喪有諱。惟王父母而王父母之諱。亦以父之所諱諱之。若子幼孤不及見事父母。未嘗聞父之諱。祖則已。亦可不諱矣。凡諱惟在家則然。在朝廷君前。雖子不得諱父。在大夫之家國之所諱者。則諱

之亦無私諱也不以諱改詩書之語不以諱易記載  
之文恐其害義理也廟中有先祖在則尊無踰者故  
皆舉名如誰詩禘太祖則文王之名亦不諱也君夫  
人之諱即君夫人之名質猶當也雖當君前臣亦不  
諱其非君前與非臣可知何也婦人尊貴者之名惟  
諱於閨門中門外非婦人得預也大功小功服殺分  
輕故不諱孔氏謂大功小功亦當從父之諱是拘于  
遠事父母則諱王父母之文而失其解者也蓋禮至  
于諱事愈輕而情愈重非君父無是豈可槩施乎入  
竟入國之界首入國入城中入門入主人大門亦畧  
禮記通解 卷一 三十九 曲禮上

言其義如必待入城而後問俗及人之門而後問諱  
亦迂矣是鄭康成之禮也

外事以剛日內事以柔日凡卜筮日旬之外曰遠某日  
旬之內曰近某日喪事先遠日吉事先近日曰為某日  
假爾泰龜有常假爾泰筮有常卜筮不過三卜筮不相  
襲龜為卜筮為筮卜筮者先聖王之所以使民信時  
日敬鬼神畏法令也所以使民決嫌疑定猶豫也故  
曰疑而筮之則弗非也日而行事則必踐之

舊說外事謂巡狩朝會征伐之類內事謂宗廟祭祀  
冠昏之類天干五奇甲丙戊庚壬為剛日五偶乙丁

已辛癸為柔日外剛內柔外陽內陰也其說蓋附會  
小雅吉日之詩郊特牲云郊用辛郊亦外事也而辛  
又用柔又云社日用甲社后土陰也而甲又用剛喪  
祭鬼事用柔日可也冠昏人事何以用柔女昏為內  
事可也男冠何以稱內其說未足憑聖人用禮未嘗  
為此拘拘也卜筮日謂卜筮其行禮之日旬內外謂  
卜十日內外也曰遠某日近某日者命龜策之辭喪  
事謂葬與祥禫之類奔哀之事則先遠日示不急也  
吉事謂祭祀冠昏之類則先近日情欲伸也先謂不  
從乃改擇也曰亦命辭假借也言為擇日借爾泰龜

禮記通解

卷一

四十

曲禮上

泰筮也泰尊之之辭有常信之之辭吉凶有常故可  
信也卦成于三故卜筮三不吉則不復問也襲重也  
三卜不吉則止不可重筮三筮不吉則止不可重卜  
也筮策同以蓍草為籌也卜筮之設非倚鬼神而忽  
人謀聖人謀已定矣聖人所信者衆人所疑法令所  
不能行者借鬼神以定之此聖人神道設教之權故  
曰所以使民非為已也所以使畏法令非畏鬼神也  
所以決民之嫌疑定民之猶豫非聖人嫌疑猶豫待  
卜筮決定之也嫌疑未明也猶與未斷也與作豫此  
數語善言卜筮若後儒言卜筮以人事仗鬼神豈聖



人作易本義哉既疑而筮之筮定則不當復疑既筮日而行事得日則當必踐此教人勿疑也鄭改踐作善

接鄭以踐作善因春秋葬數贏與定公皆改日違卜左傳誣以爲禮鄭遂謂日可以不踐非也卜筮已定已決而又不踐何取于決疑定猶豫乎鄭之講張附會類此

君車將駕則僕執策立於馬前已駕僕展軔效駕奮衣由右上取貳綬跪乘執策分轡驅之五步而立君出就車則僕并轡授綬左右攘辟車驅而騶至于大禮記通解 卷一 四十一

門君撫僕之手而顧命車右就車門間溝渠必步凡僕人之禮必授人綬若僕者降等則受不然則否若僕者降等則撫僕之手不然則自下拘溝之客車不入大門婦人不立乘犬馬不上於堂故君子式黃髮下卿位入國不馳入里必式君命召雖賤人大夫士必自御之介者不拜爲其拜而箋判拜祥車曠左乘君之乘車不敢曠左左必式僕御婦人則進左手後右手御國君則進右手後左手而俯國君不乘奇車車上不廣欬不妄指立視五嚮式視馬尾顧不過轂國中以策誓勿驅塵不出軌國君下齊牛式宗廟大夫士下公

門式路馬乘路馬必朝服載鞭策不敢授綬左必式步路馬必中道以足蹙路馬芻有誅齒路馬有誅

此節言乘車之禮僕御君車者大夫士也策則馬杖將駕別有人牽馬就車而僕臣執策立馬前監之軔車式前嚮植君所憑處以箠覆之故須展視也效駕試習也奮衣攝衣或云振衣去塵致潔也由右升者左當君位避也貳副也綬挽以登車之索也取自取也凡車兩綬正綬曰良綬僕者負之君升執之副綬曰散綬繫車上僕與戎右升執之凡乘車倚較之效駕則跪示拔也右手執策分四馬八轡以駢二轡

禮記通解 卷一 四十五 試前其六轡左執三右并策執三分轡乃驅試之五步而止待君出也君出就車僕以六轡併一手以一手取正綬負之授君挽以升僕乃左右攘辟人避道乃驅車也攘揮也辟開也騶猶馳也凡御車僕中立君左勇士右爲衛大門君外門天子五門諸侯三門君由內門登車勇士尚未登車右即勇士也車至大門外君乃按撫僕手止車顧命勇士登門外備非常也行遇門間溝渠勇士必下步行蓋過閭里君式則臣當下又門間防姦穴溝渠防險阻也凡御者授綬登者分轡乃可受不然讓無受也即尊者當受亦必

撫止御者之手以示少讓其不當受者則自御者手下拘其綏自執之以升也凡賓客乘車不得入主人大門敬主也凡婦人乘車不得如男子倚立避外也凡庭實六馬不上於堂賤畜也此皆所謂質義之禮也故君子在車見黃髮則式敬老也過卿大夫之位則下敬貴也入國不馳衆所聚也入里必式父兄親族所居也奉君命有所徵召其人雖賤無爵而大夫士以君命往其人來亦必親爲之御君之所敬亦敬之也披甲鎧者不屈體拜蓋文武不同容冠裳雖難則其拜也和順而拜也甲冑暨暨則其拜也剝折而拜容不稱服也祥車送葬之車乘則虛左死者之靈居車左避也乘君車謂君出副車從臣代君乘則不敢虛左不以凶事擬君也然立君之處必憑式以示不安也御婦人之車婦人在左御者進左手執轡面向右還嫌也御君以右手執轡面向左不敢背君而身常俯示恭也名器莫重于車周禮五路六等之數皆有正法不如法者謂之奇車不軌不物則君不乘車上居高聲大欬手妄舉非靜正之容也立謂倚較立嵩規通車輪一轉爲一規五嵩謂輪五轉輪高六尺六寸圍一丈九尺八寸五輪之地九丈九尺每步

六尺蓋十六步半也車上立視遠不過此有所教而式則目不得過馬尾馬尾近車闌也左右視曰顧不得過轂轂在車兩旁顧過轂則掩後人之私也車入國中不馳則不用鞭策策策末也郵撫摩也以策撫無恤其馬勿令疾驅垂鞭信步塵不揚出軌外也鄭以勿字連上讀作沒轡也凡國君乘車遇大祭之牛必式過宗廟必下下牛式廟文誤也路馬君馬駕路車者人臣或效駕或乘副車必朝服致敬也載輶載輶而不用也不敢使僕授已綏自奮衣上也不敢輶左左必式也步路馬謂君出牽馬以駕或君歸稅駕也必中道不行邊側也路馬所食草以足蹴踏之是蔑視乘輿也齒謂問焉之年齒馬老則晏駕故忌之誅謂譴罰按此類衰世諸侯貴倨之禮先王無是也



禮記通解卷二

郝敬解

曲禮下第二

凡率<sup>上</sup>者當心提者當帶執天子之器則上衡國君則平衡大夫則綏<sup>安</sup>之士則提之凡執主器執輕如不克執主器操幣圭璧則尚左手行不舉足車輪曳踵立則若折垂佩主佩倚則臣佩垂主佩垂則臣佩委執玉其有藉者則裼無藉者則襲

此節記將奉授受之禮仰手當心曰奉屈臂當帶曰提帶在腰與心之下器謂圭璋之類衡平也手以心

禮記通解

卷二

一

曲禮下

為衡上衡謂高於心平衡謂當心綏心下提則帶間矣蓋分愈尊則禮愈恭非謂士與大夫之器使者遂可忘敬也執主器通上下言之執輕如不克即論語云執主如不勝聘禮云執玉如重之意尚左手謂以左手在上左尊而文右卑而武右手在下便用力也行不舉足拖曳其踵如車輪之運不離地也磬形偃句入身立而俛似之身俛則佩玉從傍懸出而垂也倚謂身直立佩倚身不垂也委謂身大俯佩委于地也蓋言主臣授受之容主立臣俛主俛臣俯也玉謂圭璧古者以圭璧為禮執謂實主執以相授受藉謂

以采繒包裹之所謂繅也單曰裼重曰襲玉有藉則赤手併其繅執之所謂裼也玉無藉則以衣重掩其手執之所謂襲也有藉而又襲則握不固無藉而裼則手澤汙之也鄭作襲裘裼裘解非也凡言裼者袒露之稱襲者掩護之名非但衣有裼襲執器皆然國君不名卿老世婦大夫不名世臣姪<sup>送</sup>婦士不名家相長妾君大夫之子不敢自稱曰余小子大夫士之子不敢自稱曰嗣子某不敢與世子同名君使士射不能則辭以疾言曰某有負薪之憂侍於君子不顧望而對非禮也

禮記通解

卷二

二

曲禮下

此稱謂應對之禮國君諸侯也卿老上卿世婦下夫人一等貴妾也大夫之世臣先世之家老也姪婦亞嫡之稱皆妾也舊謂姪即妻之兄女娣即妻之妹恐不盡然從嫡來嫁即為姪娣未必一室三女定嫁一國也家相家臣之長長妾妾之有子者皆不呼其名優禮之也君子不恃尊貴而忽其所親任以養恭敬重顧託勸忠義也君大夫之子諸侯之大夫子也天子諸侯對諸父及在喪自稱余小子大夫之子不得稱也天子諸侯新立稱嗣君喪未除稱子大夫與士之子皆不得稱也世子諸侯子大夫士名子不得與

君世子同避尊也大射禮君與賓耦臣以貴賤各自爲耦大夫不足則使士備耦士如不能射則以疾辭其以疾辭也則託賤事曰有負薪之憂言負薪勞致疾也凡疾天子曰不豫諸侯曰不茲亦曰負子大夫曰犬馬士曰負薪皆義起之名侍於君子顧望而對非獨侍也如子路曾皙冉有公西華侍坐子路率爾而對是不顧望也夫子哂之曰其言不讓以此

君子行禮不求變俗祭祀之禮居喪之服哭泣之位皆如其國之故謹脩其法而審行之去國三世爵祿有列於朝出入有詔於國若兄弟宗族猶存則反告于宗後

禮記通解

卷二

三

曲禮下

去國三世爵祿無列於朝出入無詔於國唯興之日從新國之法君子已孤不更平名已孤暴貴不爲父作諡居喪未葬讀喪禮既葬讀祭禮喪復常讀樂章居喪不言樂祭祀不言凶公庭不言婦女

君子守禮不苟同于俗然亦當諧人情合時宜不必以已意輕變俗凡祭祀之禮居喪之服哭泣之位國有舊典惟謹脩成法審慎行之使適時宜當人情而已去國謂當世卿大夫以事出奔或被放逐自祖至孫去國三世猶有宗人仕於故國之朝則猶故臣也吉凶之事往來出入皆當告於故國之君若無列於

朝者可以不告但兄弟宗族有存者亦當反告於大宗之後示不背本也若三世去國無列亦無兄弟宗族則其家猶當守故國之禮子孫有興起仕于新國者然後乃可從新國之法耳子生三月父名之名有不便父更之父沒子孤名不便亦不更也故春秋傳曰君子不奪人親之所名爲其不可更也凡貴人死累其生平爲之諡君命也亦有處士沒鄉國人私諡者公論也如父初死無諡死後其子驟貴追作父諡是彰死者無述而以子貴要名非所以敬親也禮不豫凶事人子於親喪尤弗忍豫然居喪不知禮無以

禮記通解

卷二

四

曲禮下

自盡故卽居喪讀禮如含襲斂殯成服啓殯遷柩之類未葬之禮也虞卒哭祔祥禫之類既葬之禮也皆於未葬時讀之既葬而祔則人事終而神事始廟祭各有禮當於既葬讀之喪畢復吉祥禫已終思慕未平當讀樂章如雅頌之類借弦歌以漸釋其憂痛也居喪哀故不言樂祭事言故不言凶公庭閭外故不言婦女禮者因時稱情而已

振書端書於君前有誅倒筴側龜於君前有誅龜筴几杖席蓋重平素衿絺綌不入公門苞蕭屨扱持社厭業冠不入公門書方衰催凶器不以告不入公門公事不

私議君子將營宮室宗廟為先廡庫為次居室為後凡家造祭器為先犧賦為次養器為後無田祿者不設祭器有田祿者先為祭服君子雖貧不粥祭器雖寒不衣祭服為宮室不斬於丘木大夫士去國祭器不踰竟大夫寓祭器於大夫士寓祭器於士大夫士去國踰竟為壇位鄉國而哭素衣素裳素冠徹緣去聲屨去聲素屨去聲乘髦馬不蚤去聲鬚不祭食不說人以無罪婦人不當御三月而復服

文書龜策之類各有典司不先事風戒臨期君前振理顛倒及側是玩上廢職也誅責罰也龜策所以豫

禮記通解

卷二

五

曲禮下

謀几杖所以優老席所以安息蓋所以蔽雨暘衣裳重素則小吉衿單也絺綌葛類單則見體近嫌慢也公門君朝門苞作薦蒯草所為齊衰之屨也扱衽親初死孝子以衣前衽扱帶間匆遽之容厭冠冠伏帖不起也吉冠峨起喪冠厭伏書方小木版既夕禮書贈于方謂以方板書贈死之物告于柩者也凶服衰也凶器棺槨明器之屬不以告不入謂用必告而後入也公事謂朝政而以私議非姦則專也凡營室安神為急畜藏次之安身為後凡造家具祭器為急牲牢之具次之自養為後祭牲曰犧賦取諸民也無田

禮記通解

卷二

六

曲禮下

祿謂無采地之入無以供祭祀則不設祭器有田祿可祭則先為祭服以祭器可暫假而徐備也貧粥祭器寒衣祭服斬墓木為宮室皆蔑視祖考而褻瀆鬼神背禮殉私不敬之大者士大夫祭器因田祿設失位去國無祿廢祭則不宜挈祭器行以寄於故國之同爵者令可用也既出境乃除地為墀位回向本國哭捐親戚去墳墓無田不祭故用喪禮冠衣裳皆素有采緣者徹之著草履覆軾之箴用素皮駕不剪剔之髦馬蚤謂治手足爪鬚謂剔治鬚髮皆容飾之事故不為也食盛饌故有豆間之祭去國食無盛饌故不祭不說人以無罪不以已出為無罪向人解說也婦人不當御謂不侍寢也待三月後諸事乃復如平時皆用喪禮也愚按此臣子遭放逐之變而大去其國者如魯逐公孫歸父之類若孔子去魯馬用此為惟春秋大夫去國者多衰世之禮也大夫士見於國君君若勞之則還旂辟闕再拜稽首君若迎拜則還辟不敢答拜大夫士相見雖貴賤不敵主人敬客則先拜客客敬主人則先拜主人凡非弔喪非見國君無不答拜者大夫見於國君國君拜其辱士見於大夫大夫拜其辱同國始相見主人拜其辱君於士

不答拜也非其臣則答拜之大夫於其臣雖賤必答拜之男女相答拜也

此言相拜之禮大夫出使他國既相見而其國君若慰勞之則遂巡還辟再拜稽首其及本國君勞之亦可知已他國君若出迎先拜使臣則使臣還辟不敢答拜嫌抗賓主避先施也自大夫以下相見不論貴賤如見賓之禮主人敬客則主人先拜客敬主人則客先拜拜則必答唯弔喪主人拜與臣見國君拜不答蓋喪禮主人哀痛拜稽顙非專為敬賓也凶事尚質故賓無答臣見君拜非為賓主也故君不答非此禮記通解

卷二

七

二者拜無不答大夫見他國君拜他國君答之士見他國大夫拜他國大夫亦答之皆賓主也同國之士大夫始受命相見亦賓主也賓拜見則主拜辱唯本國君於士雖始相見士拜不答亦不拜辱以士卑也如非本國士拜君亦答而拜之以為客也大夫於家臣雖非家老拜亦答而拜之避君也之皆指拜者男女有別他事不妄答惟拜亦相答也

國君春田不圍澤大夫不掩羣士不取麇迷卯歲凶年殺不登君膳不祭肺馬不食穀馳道不除祭事不縣玄大夫不食梁士飲酒不樂君無故王不衣身六六無故

不徹縣士無故不徹琴瑟

春田曰蒐搜鳥獸春生故戒多殺澤廣則禽多故下圍羣取則絕類故不掩獸子曰麇鳥子曰卯方生不取五臙肺為金周以火德王祭用所克殺牲為則祭肺凶年無盛饌不殺牲故不祭肺也馳道不除不行幸也祭事不縣不懸鐘磬作樂也梁良也米之精者不食食粗糲也飲酒不樂不作樂也貴賤不同吉凶之禮各以等變王為貴金石次之絲又次之等者舉貴卑者舉賤非謂君不圍澤而猶掩羣不祭肺而猶食梁王不去身而但徹縣也餘可類推

禮記通解

卷二

八

士有獻於國君他日君問之曰安取彼再拜稽首而后對大夫私行出疆必請反必有獻士私行出疆必請反必告君勞之則拜問其行拜而后對國君去其國止之曰奈何去社稷也大夫曰奈何去宗廟也士曰奈何去墳墓也國君死社稷大夫死衆士死制

大夫見於國君君拜其辱故郊特牲云大夫有獻弗親為君之答已也君於士不答拜士有獻則當親親獻則當拜此為未得親拜獻因左右以致者他日君不問則已如問前物所從來必再拜稽首而后對如親獻之禮也人臣以私事出疆皆請於君反則必告

大夫言獻士言告勞互備也國君去國如春秋衛成公魯昭公之類止之謂國人畱之社土神稷穀神土穀養民國之本也宗廟以祀先祖家之本也墳墓以葬祖考身之本也國亡與亡君之道也無去之禮大夫撫君之衆喪師尋國則死之士守君之制臨難執節則死之宗廟墳墓又其私情耳去者處變之權死者守常之經

君天下曰天子朝諸侯分職授政任功曰予一人踐阼臨祭祀內事曰孝王某外事曰嗣王某臨諸侯眡於鬼神曰有天王某甫崩曰天王崩復曰天子復矣告喪曰禮記通解 卷二 九 曲禮下

天王登假措之廟立之主曰帝天子未除喪曰予小子生名之死亦名之天無上子丈夫之稱授政授諸侯以法度任功任天下車也予一人自任之稱宗廟之事爲內郊社之事爲外臨諸侯謂天子巡狩適諸侯之國也眡猶介也眡於鬼神謂因工祝致告於鬼神也爾雅云眡致也甫父通某甫其字也崩者自上墜下之名復初死招魂古之俗禮告喪天子崩使人告諸侯也登升也假大也空虛之名神降亦謂之假魂升亦謂之假死言假者不敢信以爲真也措之廟附于祖也主以木爲

神主帝廟號三年喪未畢不自稱予一人稱予小子名猶稱也若在喪而死卽稱小子王如晉小子侯之類按此節多因詩書春秋所有之名薈最爲禮天王之稱自春秋始非盡古也

天子有后有夫人有世婦有嬪有妻有妾天子建天官先六大曰大宰大宰大史大祝大士大卜典司六典天子之五官曰司徒司空司馬司士司寇典司五衆天子之六府曰司土司木司水司草司器司貨典司六職天子之六工曰土工金工石工木工獸工草工典制六材五官致貢曰享

禮記通解 卷二 十 曲禮下 天子之妻曰后后者後也夫人者扶人也婦者服也世婦者廣世胤也嬪者婦賢德可賓也妻齊也棲也妾接也天子奉天設官分職故曰天官卽大宰也六卿大卿大宰卽冢宰天官也大宗掌禮樂大史掌文籍大祝掌祭祀大士掌刑罰大卜掌三筮典常也典以法言官以人言典由官行官爲典設首言天官而承以六典卽周禮冢宰掌六典佐王之意司徒人民之官司馬征伐之官司空國邑之官司士教化之官司冠刑罰之官五衆五官之屬皆佐天官脩六典者也天有六氣以運四時象以六典地有五方以司

名

五行象以五官六大不偏舉故大宰首六典以統其  
大五官不雜越故天官無專職以別于衆人民象春  
征伐象夏國邑象中央教化象秋刑殺象冬府工之  
名亦取五氣皆天子所以官天地法四時者也周禮  
之義蓋原於此藏貨財曰府造器用曰工司土山虞  
之類司水川衡之類司草稻人草人之類司器角人  
之類司貨卹人之類六職六府之職土工陶人之類  
金工冶人之類石工玉人之類木工梓人之類獸工  
鮑人之類草工筐人之類各詳周禮六材制器之材  
五官致六材之用以納於六府曰享享者下貢上之

周禮之濫觴天官卽冢宰大宗卽春官大史大祝大  
卜皆春官之屬而無大士或云卽士師司寇之屬也  
司士別屬司馬記以配五官此其所異耳蓋記之意  
以五官同出于天而其事通名爲大故典有宰以一  
其統而官不立宰以分其職後世謂諸侯司徒卽宰  
不知曲禮王司徒上本無大宰也周禮增冢宰而虛  
司空其義則一大抵禮非一家之書最錯雜難可  
強齊鄭氏穿鑿比擬參差孰推殷夏今按記以大宰  
首六大周禮以天官統六典記不設冢宰周禮不備  
冬官亦五官耳財貨器用考工之法與六府六工大  
禮記通解 卷二 十一 曲禮下

旨不殊安在記之獨爲殷禮乎鄭又謂周禮殘闕以  
考工記補今以記徵之周禮未嘗缺而考工記亦非  
補要之非古使周禮果周公之舊曲禮焉得而錄之

五官之長曰伯是職方其擯於天子也曰天子之吏天  
子同姓謂之伯父異姓謂之伯舅自稱於諸侯曰天子  
之老於外曰公於其國曰君九州之長入天子之國曰  
牧天子同姓謂之叔父異姓謂之叔舅於外曰侯於其  
國曰君其在東夷北狄西戎南蠻雖大曰子於內自稱  
曰不穀於外自稱曰王老庶方小侯入天子之國曰某



人於公曰子自稱曰孤

五官之長蓋三公爵在司徒等五官上者伯長也職  
長四方如虞四嶽周二伯後世左右丞相之類攬天  
子所使接賓者攬於天子謂入見而攬致辭則曰天  
子之吏職事者也天子稱伯之同姓者曰伯父異姓  
曰伯舅伯自稱於諸侯曰天子之老老父於事者也  
諸侯之人稱之曰公爵本公也國人稱之曰君或謂  
公君皆自稱非也九州非一國於內推一賢侯長之  
曰牧牧養也興利除害曰養叔父叔舅伯之亞也諸  
侯之人稱之曰侯本國人稱之亦曰君夷狄戎蠻五  
禮記通解 卷二 十三

服所謂綬要荒也臯陶謨曰州有十二師外薄四海  
咸建五長古者內有伯中州有牧邊國有子皆大國  
也故春秋楚稱子蓋南州要荒之長不穀猶言不善  
庶方猶言方孤猶寡也謙辭  
按此節多襲春秋傳例故云夷狄戎蠻雖大曰子春  
秋惟楚稱子說者謂為夷之夫九州之地在春秋莫  
大于楚西戎為秦地雖遠而世為周京東夷則外濱  
海而地迫促北盡冀州唐虞以來世為帝鄉而外逼  
沙漠亦迫促惟南方荆衡之陽開闢延袤萬里  
楚據江介外連諸蠻最大稱長而僭用王號故春秋

正其班爵稱楚子非謂其為夷狄也不穀孤寡人君  
謙讓之通稱今謂大稱不穀小稱孤亦拘也稱某人  
者春秋書人之例書人亦本非例也諸侯見於天子  
天子迎勞問饗攬介傳命如周禮儀禮近瑣瑣以諸  
侯見天子但稱吏不名近倨天子與諸侯燕飲言笑  
勸酬或宗親耆老策勲崇德時稱伯叔父舅所以敦  
倫而親親也至於朝廷之禮名不正則言不順平王  
之命文侯稱伯父字而不名豈可為訓記者據春秋  
以來諸侯辭命相沿為古禮非必盡古也

天子當依而立諸侯北面而見天子曰覲天子當寧而  
禮記通解 卷二 十四

立諸公東面諸侯西面曰朝諸侯未及期相見曰遇相  
見於郊陳地曰會諸侯使大夫問於諸侯曰聘約信曰  
誓位牲曰盟諸侯見天子曰臣某侯某其與民言自稱  
曰寡人其在凶服曰適子孤臨祭祀內事曰孝子某侯  
某外事曰曾孫某侯某死曰薨復曰某甫復矣既葬見  
天子曰類見言諡曰類諸侯使人使於諸侯使者自稱  
曰寡君之老天子穆穆諸侯皇皇大夫濟濟士賡賡庶  
人焦焦焦天子之妃曰后諸侯曰夫人大夫曰孺人士  
曰婦人庶人曰妻公侯有夫人有世婦有妻有妾夫人  
自稱於天子曰老婦自稱於諸侯曰寡小君自稱於其

君曰小童自世婦以下自稱曰婢子子於父母則自名也列國之大夫入天子之國曰某士自稱曰陪臣某於外曰子於其國曰寡君之老使者自稱曰某天子不言出諸侯不主名君子不親惡諸侯失地名滅同姓名

依作展狀如屏風高八尺以絳爲質繡斧文于上天子見諸侯則負此立觀近也親近天子見之也寧門屏之間人君寧立以接羣臣也朝言早也覲則天子在堂上諸侯拜下相臨之禮也朝則有事相請天子在門公西侯東公尊故在賓位此相接之禮也鄭氏云天子五門外曰臯門內曰庫門又內曰應門又內曰禮記通解卷二十五

雉門又內曰路門即畢門也天子有三朝一在臯門內庫門外謂之外朝一在路門外謂之治朝一在路門內謂之燕朝諸侯三門亦三朝也未及期謂卒然有事不及擇期也卻隙同隙地謂不在國中也聘無事以禮相存問也誓謂有事以言相結約也盟以鬼神相詛盟也涖臨也殺牲取血塗口傍加誓書牲上爲坎埋之渝此盟如此牲也諸侯見天子擯者之辭曰臣某侯稱其國也某稱其名也寡人寡德之人謙也適子孤別於庶子也無父曰孤內事宗廟之事外事百神之事曾孫祖始封之君而稱明不敢專也死

曰薨赴告之辭薨魯也幽晦之義復始死升屋招魂也諸侯薨將葬則類舉其生平行事請於天子爲諡以易其名曰類既葬嗣君入見天子即稱先君之諡明以類繼也言諡曰類釋類之義也天子穆穆朝見之容也穆穆深遠貌皇皇顯明貌躋躋整齊貌踰踰步趨貌僬僬局謹貌妃配也孺柔順也婦服也老婦老而服事人也小童幼昏無知也婢卑賤也子於父母自稱名貴賤同也列國之大夫入天子之國擯辭曰某士天子上士三命諸侯之大夫亦三命也陪重也天子臣之臣也於外曰子他國人稱子也子有德

禮記通解卷二十六之稱於其國謂在本國對他國使者自稱寡君之老若奉使在他國對他國君自稱某名也天子不言出奔王者無外也諸侯生不名卒則以名赴也君子不親惡叛臣亡子不納其款也諸侯失國則名不成其君也滅同姓則名無親也五者春秋之義也按朝覲聘問之禮記之人臣于天子有朝覲而已會遇者諸侯相見之事故儀禮獨有覲而無朝朝即覲也世儒謂朝宗遇禮今亡周禮云春朝夏宗秋覲冬遇若是則終歲奔走無寧日故鄭玄分六服爲六歲侯服一歲至甸服二歲至男服三歲至采服四



歲至衛服五歲至要服六歲至至之年各按四時分四方春東夏南秋西冬北一分春朝一分夏宗一分秋覲一分冬遇六歲而六服徧是謂時見曰會也十二年天子有事不巡狩六服皆至是謂殷見曰同也四時諸侯遣大夫來聘天子是謂時聘曰問也每元年七年十二年惟侯服來其不來者皆使大夫聘是謂殷見曰視也周禮近瑣而鄭極意附會尤瑣謂覲行於廟朝行於朝則是朝廷之上諸侯終無北面之禮矣人三見天子自古北面今謂公西侯東為班次則可未聞人臣朝君不北面稽首但門屏間東西相

禮記通解

卷二

十七

曲禮下

向一立謂之朝者也郊特牲云下堂而見諸侯天子之失禮由夷王以下豈可為古禮乎大抵周衰禮廢諸侯惡害已而去其籍孟子已謂其詳不可得聞春秋戰國以來諸侯自王古禮墜地後儒各以臆見補撰非先王之制此節多後人解春秋例亦非春秋本義也會遇誓盟五霸為之誓則三代有焉其誓湯誓牧誓聖王以遏亂非大平盛事也若夫歃血詛盟市井盟僧之約非王公雅道詩曰君子屢盟亂是用亡春秋所賤也人死升屋嗥復亦委巷之禮諸侯夫人見天子自稱老婦則是諸侯見天子可自稱老夫如

尉佗對漢文帝不儼然敵國乎論語云邦君之妻邦人稱之曰君夫人稱諸異邦曰寡小君皆邦人稱非夫人自稱也今誤襲為夫人自稱寡小君然則諸侯適異邦可自稱寡君乎天子不言以下皆春秋傳例天子不言出是天王出居之例也諸侯不生名是穀伯綏來朝之例也君子不親惡是邾莒其以漆閭立來奔之例也諸侯失地名是楚以蔡侯獻舞歸之例也滅同姓名是衛侯燬滅邢之例也例子春秋本不盡合而以言禮則禮豈後春秋作邪亦足以明記之非古矣

禮記通解

卷二

十八

曲禮下

為人臣之禮不顯諫三諫而不聽則逃之子之事親也三諫而不聽則號泣而隨之君有疾飲藥臣先嘗之親有疾飲藥子先嘗之醫不三世不服其藥三諫猶屢諫非定三次也醫三世亦言屢世精業非定祖考身三也

為人必於其倫問天子之子對曰聞之始服衣若干尺矣問國君之子長曰能從宗廟社稷之事矣幼曰未能從宗廟社稷之事也問大夫之子長曰能御矣幼曰不能御也問士之子長曰能典謁矣幼曰未能典謁也問庶人之子長曰能負薪矣幼曰未能負薪也問國君之

富數地以對山澤之所出問大夫之富曰有宰食力祭器衣服不假問士之富以車數對問庶人之富數畜以對

擬比也倫類也貴賤賢愚各以類相比非是則瀆也下五對皆於其倫之意五問皆問其自幼而長也問天子之牢臣民自相問非問天子也至尊不敢徑斥但云聞其形體之長短能服衣若個尺干猶個也若干者不定之辭隨短長爲數也國君有宗廟社稷從事謂從祭祀古者五十爲大夫故不問其年而問其子之長幼御謂御車大夫有車馬也典謂猶典客應禮記通解 卷二 十九 曲禮下

天子祭天地祭四方祭山川祭五祀歲徧諸侯方祀祭山川祭五祀歲徧大夫祭五祀歲徧士祭其先凡祭有其廢之莫敢舉也有其舉之莫敢廢也非其所祭而祭之名曰淫祀淫祀無福天子以犧牛諸侯以肥牛大夫以索牛士以羊豕

凡祭之義皆主者精神所通德有隆殺則對越有大小業有廣狹則感格有遠近天子總理乾坤故上祭天下祭地環祭四方及天下名山大川祀水火金木土五氣之神每歲祭必一周諸侯分封一方則隨其所居一方祀之不得祀天地兼四方也祭其方內山川及五祀之神每歲亦祭一周大夫但祭五祀歲周山川亦不得祭也士惟祭其先祖五祀亦不得祭也凡祭有常典并其已廢者舉之則數而諂并其當舉者廢之則慢而疎諸不在祀典內者祭之則爲淫濫之祀淫祀違禮違禮則蕩凡牲色純曰犧肥謂養之禮記通解 卷二 二十 曲禮下

於滌三月而後用之詩所謂秋而戴嘗夏而福衡天子諸侯同但諸侯不必色之純也索臨期求索肥者用之不必在滌也士羊豕則牛不得用也

按祭祀之禮此節爲典要學者酌其義裁其當崇雅黜俗明白正大萬世可因矣若執文強同鮮有合者羊豕曰少牢而解儀禮者分少牢爲大夫特牲爲士則記言爲僭矣則又解曰記言天子大夫士而儀禮諸侯之大夫士也凡記言大夫多屬諸侯何獨此爲天子天子之大夫猶諸侯也雜記云上大夫之虞也少牢卒哭成事祔皆大牢亦未明言天子大夫何知

禮記通解

卷二

二十一

曲禮下

儀禮之是而記言之非乎。鄭康成言鬼神甚密。雜祭亦煩瑣。天神有昊天上帝。又有五天帝。蒼帝。赤帝。黃帝。白帝。黑帝。各有名字。配以五人。帝。春大皞。夏炎帝。季夏黃帝。秋少皞。冬顓頊。佐以五官。春句芒。夏祝融。中后土。秋蓐收。冬玄冥。又有四時寒暑日月星辰水旱風師雨師司中司命等。皆天神也。地中央曰崑崙。崑崙東南五千里曰神州。皆地祇也。五嶽四瀆九州名山大川。丘陵墳衍川澤。皆山川也。春祀戶。夏祀竈。季夏祀中霤。祀門。冬祀行。五祀也。又加泰厲司命七祀也。祖廟天子七。諸侯五。大夫三。士二。庶人祭于禮記通解。卷二。二十一。曲禮下。寢皆先祖也。每歲四時迎五氣祭五帝五官于郊。孟冬祈年于天宗。冬至郊祀昊天上帝。春分郊祀高謀。孟夏龍見而雩。又郊。季秋享上帝于明堂。有大事出類于上帝。宜于社。或謂一歲祭天者九。祭地者二。又有望有稷有社有報賽。有新禱。有禳。禳歲終有蜡。畢祀山川與帝之大臣。天之神祇其他祭名不可詳考。皆外事也。宗廟內事。則有春祀夏禴秋嘗冬烝。四時薦新。每月告朔吉事告凶事告出告反告。皆有奠饋。三年而祫。五年而禘。祭法云七廟五廟皆月祭。周語云日祭月祀時享。又云日祭月享。時類家語云親廟

禮記通解

卷二

二十二

曲禮下

月祭皆內事也。總之事鬼之禮歲無虛月。月無虛日。果若斯先王之治國家。鬼爲政耳。大抵傳記據舊聞彙緝成禮。而鄭康成援引緯書附會雅俗。混陳所以紛挐多端。莫適所從。獨此節之言。馴雅簡要。爲可信耳。支子不祭。祭必告于宗子。支子庶子也。宗子適子也。古者五宗之法。所以崇正適。一統系而杜侵越也。自始祖而下。以適繼適百世不易者。所謂大宗也。合族人宗之。大宗之外。爲小宗者。四身以上。父之適子。同父兄弟共宗之。同祖之適子。從兄弟皆宗之。同曾祖之適子。再從兄弟皆宗之。同高祖之適子。三從兄弟皆宗之。至高祖五世服絕而宗易。此所謂小宗也。繼始祖之大宗。則始祖以下之廟皆在焉。繼高曾祖父之小宗。則高曾以下祖父之廟皆在焉。凡各支子欲祭其先。皆于各宗子之家告宗子而後祭。不敢專也。按先王之世。教化行而習俗美。國有仁讓之風。家有孝弟之行。人皆親上敬長。故宗法可久。三代而下。世衰教微。人懷伎倆。父子兄弟之間。一人貪戾。輒衡行恣睢。而欲以宗法齊九族。難矣。故行禮有本非虛文。

可羈縻也後世宗法惟天子諸侯與勳舊世官爲要  
本支明世系正然後可杜爭奪之患權重故法易行  
百世不易可也五世後遷可也若士庶分齊禮卑嫡  
寡而庶繁爲宗子者苟未象賢雖以天子諸侯之適  
族人叛之而況士庶乎宗子不克家徒恃宗法以繩  
宗人宗人不服倚衆強以拒宗子則宗法往往禍宗  
故宗天下國易宗家人難也今云庶子不得奉祭五  
世之廟皆在宗子家則宗子家廟不勝其多六世宗  
易廟又當毀世有遷易歲有增改則不勝紛更族遠  
支大貴者賢者多自支出必欲誦其賢達以從愚賤

禮記通解

卷二

二十三

曲禮下

之適奪其祭祀削其禮數勢有難行亦人情理數之  
自然耳然則宗法不行而支子遂終不得祭乎存禮  
而反廢禮故必緣人情而後禮可行也

凡祭宗廟之禮牛曰一元大武豕曰剛鬣豚曰腍突肥

羊曰柔毛鷄曰翰音犬曰羹獻雉曰疏趾兔曰明視脯

曰尹祭考魚曰商祭先鮮魚曰脰挺祭水曰清滌酒

曰清酌黍曰薌香合梁曰薌其稷曰明粢稻曰嘉蔬韭

曰豐本鹽曰鹹醢挫平王曰嘉王幣曰量幣

一元一頭也武足跡也豕彘也小豕曰豚膾肥貌翰  
音高聲也羹獻可爲羹以獻也疏趾足趾開張也明

視鬼目開而視明也尹割正也割肉方正乾以爲  
也柔魚乾魚也商度也商度燥濕之宜也脰直也魚  
敗則餒鮮則挺直薌香也合黏也梁似黍稷而高其  
莖葉也梁其高故稱梁稷粟也粢細米也粟米細故  
稱粢明潔也稻稌也分苗而樹之如蔬菜然故曰嘉  
蔬豐本根叢生也大鹹曰醢王無瑕曰嘉幣中度曰  
量

按諸名取義未甚允羹獻何獨犬疏趾何獨雉乾魚  
何以商一元大武近迂僻或古祝辭有是語後人因  
襲杜撰於禮未爲典要也

禮記通解

卷二

二十四

曲禮下

天子死曰崩諸侯曰薨大夫曰卒士曰不祔庶人曰死  
在牀曰尸在棺曰柩羽鳥曰降四足曰漬自死寇曰兵  
祭王父曰皇祖考王母曰皇祖妣父曰皇考母曰皇妣  
夫曰皇辟生曰父曰母曰妻死曰考曰妣曰嬀壽考曰  
卒短折曰不祔

崩下頽也薨崩頽聲又薨夢也卒終也不祔士代耕  
有祔死則不祔死言漸也消盡之義尸陳也白虎通  
曰失氣亡神形體獨陳也柩究也久也降落也羽鳥  
飛翔死則降落四足謂走獸漬漬腐敗也或曰病相染  
漬左傳云大災大漬也公羊云大瘠也瘠漬通皇大

也君也曰皇曰王曰辟蓋以神事之而尊其號猶今稱府君之類考成也德行成也妣言嬪也與考相嬪也辟君也法也夫為婦君效法也嬪婦人有儀範可賓禮也

天子視不上於袷夾不下於帶國君綬委視大夫衡視士視五步凡視上於面則敫下於帶則憂傾則姦

袷衣領間帶腰間綬垂也衡平也六尺為步五步為三丈凡人精爽浮于目瞻視可以占敬肆分有尊卑

德有大小則敬有深淺此節即天子穆穆諸侯皇皇大夫濟濟士瞻瞻之意天子叔視蔽明目不離身上

禮記通解

卷三

二十五

曲禮下

不過領下不過帶敬之至也國君視稍開而常綬垂其目不揚視也大夫平視則稍遠矣士視三丈又遠矣蓋尊者安靜養重卑者承奉應接靜躁不同也視上於面謂昂首仰視視傍若無人則其氣傲下於帶謂俛首俯視中有所思則其心憂傾謂側目邪視志行不端則其人姦

君命大夫與士肄異在官言官在府言府在庫言庫在朝言朝朝言不及犬馬輟朝而顧不有異事必有異慮故輟朝而顧君子謂之固在朝言禮問禮對以禮凡君所命令之事大夫與士皆相與肄習之以求其

審恐臨事生疎失措也官職守也府圖籍之府庫兵甲之庫朝朝堂在居其職也言者講求肄習也公朝之上言犬馬畜牧之事則鄙矣方行禮于朝廷之上輟朝而左右顧盼心不在朝不有怪異之事必有怪異之憂不然則草野固陋不達朝廷之禮者也朝廷莊敬儼恪之地禮之所出也故在朝則言禮凡所問所對皆以禮也

大饗不問上不饒富

大饗謂郊天大禘禘之類日月素定故不問上不饒富謂物有常品常數不得過為贏餘致暴殄也書彤

禮記通解

卷二

二十六

曲禮下

日曰典祀無豐于昵以此

凡擊至天子鬯諸侯圭卿羔大夫鴈士雉庶人之擊匹鳴童子委矩擊而退野外軍中無擊以纓拾矢可也婦人之擊矩榛脯脩棗栗納女於天子曰備百姓於國君曰備酒漿於大夫曰備掃灑肺

摯與贊同至也執物而至為相見之資也禮無辭不相接無禮不相見貴其不相漬也故國君相見必以摯介士相見必有以先之主客相接必有以為贊君子于所尊不敢贊也天子無客以贊交神明則用璧鬯之酒諸侯上交于天子以圭卿以羔取其盛進也

大夫鴈取其就列也士雉取其文而介也匹一作疋  
古雅字通作鴨鴨不能遠飛象庶人不離畎畝也  
委筆奠所贊物地上不敢與長者親授受也童子之  
贊束脩而已野外軍中非行禮之處野外以纓馬轡  
纓也軍中以拾天拾射韉也婦人之挈見舅姑之類  
棋果名形似珊瑚味甜一名石李樣似栗而小乾肉  
方爲脯長爲脩脯者始成脩者和治也納文謂六禮  
之答辭備備數待擇也天子娶百二十人故曰百姓  
姓之言生也詩云振振公姓百姓廣生育也

禮記通解卷二終

禮記通解

卷一

二十七

禮記通解卷三

檀弓上第三

郝敬解

檀弓人姓名記者以篇首有檀弓語因以命篇篇中  
所記多春秋以來事未必盡實於禮亦未盡合蓋先  
秦戰國聞人之筆非古聖舊典也

公儀仲子之喪檀弓免焉仲子舍其孫而立其子檀弓  
曰何居我未之前聞也越而就子服伯子於門右曰仲  
子舍其孫而立其子何也伯子曰仲子亦猶行古之道  
也昔者文王舍伯邑考而立武王微子舍其孫廼也上

禮記通解

卷三

檀弓上

而立行也夫仲子亦猶行古之道也子游問諸孔子孔  
子曰否玄孫

此節明遷世以適之禮公儀氏仲子字魯同姓大夫  
免繞通免冠而加布曰纓蓋初喪未成服之服今人  
初喪以白布纏頭其遺制也凡五服以至朋友皆然  
公儀仲子初死檀弓爲之免亦親在五服內者鄭康  
成謂故爲非禮以譏其廢適之失鑒也仲子適子死  
而有適孫舍適孫之庶子檀弓疑之何居言于禮何  
在也猶尚也亦者擬議之辭伯邑考文王適子廼微  
子適孫衍微子弟微子適子死有適孫不立玄弟所

謂古之道也。孔子言當立孫以適繼適則統系正而人心一。有天下國家者之定禮也。雖然紂之亡商也以適而衛軌之拒父也以立孫禮非聖人不能權也。○按免與絕異。脫帽露頂曰免。免冠戴布曰纓。故史記禮書引荀子云。郊之麻纓與冕同。喪服小記云。為母免而以布。然則為父免而不以布可知。不以布免也。以布則纓也。喪服記云。朋友在他邦袒免亦免以布也。五服初喪未成服皆免。何為非禮。大傳云。五世袒免。謂五世外服盡者。止於袒免。猶今人弔死送葬皆著麻布頭巾之類。以易玄冠。非別有袒免一服。輕

於絕麻在五服之外者也。音宜如字。

事親有隱而無犯。左右就養無方。服勤至死。致喪三年。事君有犯而無隱。左右就養有方。服勤至死。方喪三年。事師無犯。無隱。左右就養無方。服勤至死。心喪三年。親生君治師成古今之通誼也。子事親。臣事君。弟子事先師。民生之大分也。父母天親。恩勝。故情有回護。而無違拂。左右親就。奉養竭力。無有定方。服任勤勞。以至於死。極哀盡禮。致喪三年。此事親之禮也。君臣義合。以父母之無犯。事之則為諂。以父母之有隱。事之則為欺。雖將順同心。而勢遠分睽。不得上達較之。

家庭父子。有不容不直者矣。庶民之養有限。故無方。君以天下養。而無方則侈。故養與親異。子之身。親之身也。臣之身。亦君之身也。故服勤至死。與親同腹心。手足相得之。君臣亦無異。家庭父子。故君死。雖非父母之喪。亦當比于三年之服也。方。比也。後世以日易月。亦方喪意。師謂學問道德終身所宗仰者。其成我。也有生我之恩。故事無犯。養無方。服勞與事父母同。其長我也。有臣我之義。故無隱服勞與事君同。心喪。謂無三年之服。而有三年之哀也。

季武子成寢。杜氏之葬。在西階之下。請合葬焉。許之。入

宮而不敢哭。武子曰。合葬非古也。自周公以來。未之有。改也。吾許其大。而不許其細。何居。命之哭。

愚按。為宮室而夷人之墓。于階下。季武子或忍為之。然杜氏何不以情請。不得則當改葬。不改葬。未有更往合葬者。檀弓之言。大抵脩文而託之手禮。如左傳於春秋未足深據耳。

子之上母死。而不喪門人。問諸子思曰。昔者子之先君子喪出母乎。曰。然。子之不使白也。喪之何也。子思曰。昔者吾先君子無所失道。道隆則從而隆。道污則從而污。低則安。能為低也。妻者是為白也。母不為低也。妻者是



不為白也。故孔氏之不喪出母。自子思始也。

按儀禮為出母齊衰杖期。冢嗣為父後者。於出母無服。子大伯魚皆為父後者也。子思之子名白。子思之妻生白。見出死而子思不使白為其母喪。門人疑故問也。先君子謂祖仲尼。父伯魚也。伯魚之母亦見出。而孔子使伯魚喪期而猶哭。故門人引以為比。無所失道。謂惟聖人能盡道。乃能以道行權。而自為隆殺。中人惟守常執經。不敢違禮也。汚猶殺也。隆指先君子。汚子思自謂。

按出妻人倫之變。非士君子之高誼。大戴記有婦人

禮記通解

卷三

四

禮記上

七出之說。於人情未宜。今謂孔氏三世出妻。無稽甚矣。詩云。刑于寡妻。豈聖人之配名賢之母。皆不克其家好事之說。本無足信。但喪服於父母。何其低昂也。物有天地。人有父母。同天不獨施。父不獨生。故曰父母之喪。無貴賤。一母死。無喪。是路人耳。此禮不宜自孔氏始。然則禮重父而殺母。何也。天地之分也。人生先有氣。後有形。故父稱至尊。知親不知尊者。禽獸也。禮所以別人于禽獸。故以尊為本。非謂母獨可薄也。孔子曰。拜而后稽顙。顙乎其順也。稽顙而后拜。頌乎其至也。三年之喪。吾從其至者。

此言凶拜之禮。凡俯躬皆謂之拜。故周禮有九拜。此所謂拜。屈身以兩膝著地。以首加于手也。稽顙以顙叩地也。不言首言顙者。稽首首不及地。稽顙顙親土也。吉禮與輕喪亦稽首。非父母之喪不稽顙。蓋稽顙重于稽首。稽首重于頓首。當世大喪亦稽顙。但先後失次。拜而後稽顙。如尋常跪俯。而後以首叩地。先致敬于賓。而後盡哀于己。有從容順序之意。顙順也是當世之禮也。先稽顙而後拜者。開兩手跪伏。以顙叩地。然後交手哀懇迫切之至也。頌懇也。如是乃合凶拜之禮。

禮記通解

卷三

五

禮記上

按拜者俯躬之名。未有不先拜而顙能著地者。故士喪禮客弔。主人皆拜稽顙。則是拜而後稽顙常耳。此章之言。恐亦後人脩飾。拜稽顙與稽顙拜其實一也。或云拜再拜也。

孔子既得合葬于防。曰。吾聞之古也。墓而不墳。今丘也東西南北之人也。不可以弗識也。於是封之。崇四尺。孔子先反。門人後。雨甚。至。孔子問焉。曰。爾來何遲也。曰。防墓崩。孔子不應。三。孔子泣。然流涕曰。吾聞之古不脩墓。

孔子父墓在防。奉母合葬也。葬地曰墓。土高曰墳。東



西南北言已周流四方無定居也識記也聚土曰封先友脩虞事也門人後待封也防墓崩脩之故來遲也不應以非禮也重治曰脩

按東西南北之人非夫子之言也夫子豈逆知己之老於行乎古者墓必墳使子孫知先域時展謁也今為宦遊無定而識之則是士大夫家居者葬皆可不墳乎古不脩墓為始封必慎非謂崩壞者皆不可脩也以此行禮固執不通非聖人之言

孔子哭子路於中庭有人弔者而夫子拜之既哭進使者而問故使者曰醢之矣遂命覆醢

禮記通解

卷三

七

禮記通解

子路仕衛為孔悝家臣蒯瞶謀入劫悝子路救之蒯使人殺子路遂醢之弔者弔孔子也拜之為主也肉醬曰醢覆傾棄也聞醢覆醢不忍其似也

曾子曰朋友之墓有宿草而不哭焉

宿草陳根也既葬而墓有隔年之草則喪已期矣為師心喪三年為朋友期可矣

子思曰喪三日而殯凡附於身者必誠必信勿之有悔焉耳矣三月而葬凡附於棺者必誠必信勿之有悔焉耳矣喪三年以為極亡則弗之忘矣故君子有終身之憂而無一朝之患故忌日不樂

送死者不訣之道不可復補矣心有不盡徒貽後悔惟誠惟信乃可以免殯停柩也始死三日歛而殯之附身謂衾之類三日期迫勿以匆遽忽之也誠慮周悉也信無虛飾也三日期緩可以從容整備也附棺謂明器與凡送葬之具三年喪服之期有盡者也不以親亡而遂忘孝子之心無窮者也不忘亡故有終身之憂必誠信故無一朝之患如墓崩而脩則一朝之患也忌日親死之日日不樂即終身之憂也

孔子少孤不知其墓殯於五父之衢人之見之者皆以為葬也其慎也蓋殯也問於邾曼父之母然後得合

禮記通解

卷三

七

禮記通解

葬於防

史稱孔子父叔梁紇母顏氏與叔梁紇野合生孔子孔子生三歲叔梁紇死顏氏終身諱不言其葬處孔子乃以母柩殯於五父之路人以為葬也孔子其審慎之而訪諸行人耳蓋殯也非葬也惟邾曼父之母識其處乃以防告始得合葬焉

按此侮聖滅禮之言何但齊東野人之語耳父早死終母之世不識父墓何以為子五父之衢是道旁也豈殯柩之所子不識父墓而問諸行人不已悖乎自六經道喪百家橫議惑世誣民不可勝數鄭玄之

徒一切以為聖經附會其說而不折諸理可怪也其  
慎改其引謂殯引飾棺以轉舊葬引飾棺以柳翼按  
周禮大司徒六引以挽柩行則有之殯則焉用引殯  
引飾棺以轉據雜記諸侯大夫士行死于道者蓋  
卽今棺罩所謂柳也葬行有柳殯將焉用古者殯塗  
其棺似今人淺埋之類焉得有引與轉使人見見則  
暴棺豈五父之衢而暴親之柩乎

鄰有喪春不相聲去聲里有殯不巷歌喪冠不綏芮平有虞

氏瓦棺夏后氏聖卽周殷人棺槨周人牆置翼周人以  
殷人之棺槨葬長殯以夏后氏之聖周葬中殯下殯以

禮記通解

卷三

八

檀弓上

有虞氏之瓦棺葬無服之殯夏后氏尚黑大事斂用昏  
戎事乘驪牲用玄殷人尚白大事斂用日中戎事乘翰

牲用白周人尚赤大事斂用日出戎事乘驪牲用騂

春相巷歌解見曲禮綬冠纓之餘而垂者喪冠無之

去飾也瓦棺燒土為棺始易衣薪也聖燒土為輓也

周謂以輓環砌其棺也殷人始用木為棺槨槨外棺

也槨之言廓大也周人加飾棺之具棺四週曰牆如

居之有牆也或曰牆卽柳也翼形如扇畫雜文列置

牆外多寡隨貴賤為等殷人之棺槨無翼者也殯死

曰殯凡二十以上為成人自十九以下死者皆為殯

八歲至十一歲為下殯十二至十五歲為中殯十六  
至十九歲為長殯七歲以下為無服之殯未三月者  
不為殯禹以治水興故夏后氏尚黑水色也書云錫  
禹玄圭是也大事喪事昏日暮色亦黑也驪黑馬殷  
人以兵興故色尚金白金色日中色亦白也翰亦白  
也易曰白馬翰如周克商故色尚火火克金赤火色  
日出色亦赤也驪赤馬騂赤牲

穆公之母卒使人問於曾子曰如之何對曰申也聞諸  
申之父曰哭泣之哀齊客斬之情饘粥之食自天子達  
布幕衛也繆三幕魯也

禮記通解

卷三

九

檀弓上

穆公魯君名不衍哀公之曾孫也會子名申曾參子  
也成聲曰哭無聲曰泣喪服緝之曰齊不緝曰斬母  
齊父斬也厚曰饘稀曰粥自天子達舉貴該賤也當  
世三年之喪不行故曾子以此告之幕以覆柩布麻  
布繆以繅帛為幕而上有綴旒蓋天子綴衣之制鄭  
作繅非也魯衛皆諸侯同姓禮宜無殊今衛布而魯  
繆是衛質而魯奢也凡魯禮多僭故會申舉幕以諷  
其失

晉欒公將殺其世子申生公子重耳謂之曰子盍言  
子之志於公乎世子曰不可君安驪姬是我傷公之心

也曰然則蓋行乎世子曰不可君謂我欲弑君也天下豈有無父之國哉吾何行如之使人辭於狐突曰申生有罪不念伯氏之言也以至于死申生不敢愛其死雖然吾君老矣子少國家多難伯氏不出而圖吾君伯氏苟出而圖吾君申生受賜而死再拜稽首乃卒是以爲恭世子也

晉獻公殺申生事詳春秋傳安驪姬言君以驪姬爲安樂也何行如之行無所往也狐突申生傳嘗教申生避去不聽突乃稱疾不出今將死故使人辭之也子少指驪姬子奚齊獻公所欲立者也圖謀也證法

禮記通解 卷三

十

敬順事上曰恭

按申生守父之亂命以死則恭矣不可爲孝大舜盡事親之道而瞽瞍底豫爲人子者不當如是邪故忠如屈原恭如申生有硜硜之節而無烝烝之權夫子所謂可以爲難矣仁則吾不知者記稱之以見衛輒楚商臣輩之不恭賢知愚不肖相去遠爾

魯人有朝祥而莫歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也

祥祥祭也親喪二十五月而祥祥者吉也自凶趨吉

有漸朝祥暮卽歌故子路笑其太速然當時三年之喪不行而行者苛責之是無已也又恐其人以爲當歌於子路出教其人曰此去當歌之日不多但更間一月至二十七月禫後歌則善矣

按聖人制禮本乎人情喪雖三年實止二十五月兩期多一月耳計親死日又歷二忌日哀事已三度故爲三年所以二十五月而祥也今云踰月是二十六月禫卽用樂矣然士虞禮云中月禫中月者間一月是二十七月也故解者謂二十八月始樂然則所謂踰月善者猶爲未邪記又云祥日鼓素琴又云孔子

禮記通解 卷三

十

既祥十日而成笙歌說相矛盾難盡合也

魯莊公及宋人戰于乘丘縣左貴父御卜國爲石馬驚敗績公隊左車授綬公曰宋之卜也縣貴父曰他日不敗績而今敗績是無勇也遂死之國人浴馬有流矢在白肉公曰非其罪也遂諫之之士之有諫自此始也

縣貴父魯士名卜龜卜也國人名右勇士爲車右者佐車副車也馬驚車敗公墜地而副車授綬以載公也末莫通言但卜車右未卜御士所以致敗蓋怨貴父之辭故貴父自言已御君久矣君未嘗卜人今日

臨敵敗績是已無勇也遂赴敵死圍人養馬者也戰  
退浴馬見流矢在白肉公乃知馬驚車敗非縣貴父  
之罪遂爲辭誄之誄者類也類其行事以哀之  
按誄如今祝辭祭文之類魯哀公誄夫子是也鄭引  
士冠禮生無爵死無諡解之縣貴父爲公御非無爵  
之士而諡與誄異公誄之非諡之也又謂二人同死  
記言死者惟御耳鄭之統繆如此

曾子寢疾病樂正子春坐於牀下曾元曾申坐於足童  
子隅坐而執燭童子曰華而脫莞大夫之簀賁與子春  
曰止曾子聞之瞿然曰呼曰華而脫大夫之簀與曾子  
曰然斯季孫之賜也我未之能易也元起易簀曾元曰  
夫子之病革矣矣不可以變幸而至於旦請敬易之曾  
子曰爾之愛我也不如彼君子之愛人也以德細人之  
愛人也以姑息吾何求哉吾得正而斃焉斯已矣舉扶  
而易之反席未安而沒

樂正子春曾子弟子曾元曾申曾子子也華文貌脫  
鮮明貌詩云脫彼牽牛簀卧簀也瞿然驚顧貌呼嘆  
聲季孫魯卿革急也詩云如鳥斯革變遷也夜指童  
子姑息苟安也  
按童子之言非有心也簀之華脫亦非傷禮也曾子

禮記通解

卷三

十一

檀弓上

友

雖不易而終未遂失正也使士與大夫異簀則曾子  
必不以寢使季孫之賜不義則曾子必不受使其當  
易則曾元亦必不止然而曾子易之者何也所謂充  
義之類之盡也季孫之賜非伯夷之樹也華脫之物  
非儉德之素也衽席之安非惕厲之志也死之日非  
生事之寬也生不可以絕人遺世而爲已甚死則期  
無室髮之憾而纖垢之必淨也故不以華靡之物損  
吾儉不以季孫之賜傷吾廉不以孺子之言蔽吾聰  
不以衽席之安惰吾志不以病革之危荒吾死所謂  
仁以爲己任死而後已者曾子於是乎爲不可及矣

禮記通解

卷三

十一

檀弓上

人誰無死者曾子者死可矣何以得此哉子云未知  
生焉知死平日三省克勤動容貌斯遠暴慢出辭氣  
斯遠鄙倍正顏色斯近信生而忠信不欺故死而安  
定不亂也

始死充充如有窮既殯瞿瞿如有求而弗得既葬皇皇  
如有望而弗至練而慨然祥而廓然

充充憤懣之狀窮阻礙不得通也瞿瞿視不定貌求  
尋索也皇皇猶栖栖悵悵貌親歸草土望其來而弗  
至也練期年小祥以練布易冠衰故曰練慨嘆也嘆  
去日漸遠也兩期漸吉故曰祥廓開也窮塞之情至

是稍開也

邾婁復之以矢蓋自戰於升陘始也邾婦人之壘也邾婁近魯小國即邾也邾人呼邾聲曰婁猶越之云

邾始也

於越也復人初死招魂也升陘魯地魯僖公二十一年與邾人戰于升陘邾人勝有戰死者其招魂以矢彰死者志在勝敵用其所好也壘猶男子之免吉則有纓以韜髮凶則去纓而露髻謂之髮臺當作壹壹即孤貽地名魯襄公四年與邾人戰于孤貽魯師大敗男子陣亡者多婦人相弔無衰故髮皆一時之

禮記通解

卷三

十四

變禮而後遂以為常也

按人死取其衣裳升屋以復古之遺俗戰死則尸膏草野猶以其矢復容非誕與戰士死而弔者盡婦人不可解其夫死邪不暇弔人死非其夫邪則魯豈盡無男子而何婦人弔者之多與記言難盡信也

南宮縚切之妻之姑之喪夫子誨之髮曰爾母從從爾母爾母扈爾蓋榛以為笄長尺而總八寸

縚之妻夫子之兄之女也夫之母曰姑從從太高也扈扈太廣也儀禮婦為舅姑期期之髮稍輕然母得太高廣蓋以下記者之辭笄簪也吉笄尺二寸喪笄

一尺用竹木為之茲蓋用榛木也總用布加于髮上猶男子之喪冠也

孟獻子禫縣也而不樂比御而不入夫子曰獻子加於人一等矣孔子既祥五日彈琴而不成聲十日而成笙歌有子蓋既祥而絲屨組纓

此言除喪之禮孟獻子魯大夫仲孫蔑也禫祭名言澹也大祥後間一月而禫初喪至禫蓋二十七月記曰禫而內無哭者樂作矣獻子樂雖懸而不作又曰禫而從御言祭而復寢比及也雖及當御之期而獻子猶宿于外故夫子稱其加常情一等此微過於禮

禮記通解

卷三

十五

者也孔子既祥謂禫後既從吉也五日彈琴不成聲哀未忘也十日成笙歌之聲意漸平也此言聖人適禮之中也有子既祥即以絲緣屨以雜組為冠纓此又微不及於禮也曲禮曰生與來日欲其遲也死與往日悲其速也故喪雖云二十四月祥而祥祭乃在來月實二十五月也雖云祥後禫而禫祭又間一月實二十七月也蓋傷死者之易遠不忍遽除此制禮之意也不及者不仁而太過者難繼故禮者酌人情而制之中記者之意也

按記者並舉三事意以孔子為法然所記孔子事亦

誣也十日而成笙歌與朝祥莫歌相去幾何是子路所笑者踰月則善豈謂十日遂可歌乎前後意相背獻子禮猶不樂不居內誠知禮者恆情所難故曰加人一等蓋美之

死而不弔者三畏厭壓弱

畏恐懼無聊自盡者也厭與壓同行止危險之下崩壓死者也濁謂馮河溺死者也士君子行法俟命三者皆非正命所以不足弔

子路有姊之喪可以除之矣而弗除也孔子曰何弗除也子路曰吾寡兄弟而弗忍也孔子曰先王制禮行道

禮記通解

卷三

十六

之人皆弗忍也子路聞之遂除之

子路蓋過于厚者故夫子裁之

太公封於營丘比及五世皆及葬於周君子曰樂樂其所自生禮不忘其本古之人有言曰狐死正丘首仁也

太公封齊營丘身留周為太師死即葬於周其嗣君

居齊死者亦及葬於周比及五世親盡而後已樂由

中出惟欣愛樂以進為生禮由外作博節退讓以及

為本生而樂此死而可去此乎狐穴于高丘樂其所

生也死則正對其丘以首向之不忘本也樂生反本

者仁之道也

伯魚之死期而猶哭天子聞之曰誰與哭伯魚聞人曰鯉也夫子曰嘻其甚也伯魚聞之遂除之

按父在為母齊衰期亦十三月而祥十五月而禫若出母則適子無服伯魚之母舊謂為見出伯魚不聞有弟是適子也而此云期則出母無服之說不足信也或者夫子特許鯉邪不然則鯉母見出之說不足信也且母死而期年哭豈得為甚尤不足信也

葬於蒼梧之野蓋三妃未之從也季子曰周公蓋

此言合葬之禮古人無之自周公始即

禮記通解

卷三

十七

合葬之語附合葬也

按尚書孟子皆謂舜妻堯二女未聞三妃也鄭康成極力附會推廣其說以三為準蓋據昏義天子三夫人之說然恐未足信也

曾子之喪浴於櫨室

櫨室廚也愚按親死於寢移屍浴櫨下有是禮乎記

言本謬而鄭康成謂曾子以曾元葬易故矯之以

諫與解檀弓免公儀仲子之喪同迂儀禮謂掘坎為

塋以新器浴於適室近之

大功廢業或曰大功誦可也



此亦喪不貳事之義業者專攻志移則廢誦者口習  
暫試焉之可也大功廢業而可誦則大功以上不但  
廢業誦亦不可矣大功以下不但誦可業亦不廢矣  
子張病召申祥而語之曰君子曰終小人曰死吾今日  
其庶幾乎

終者成就之義死者漸滅之名子張姓顓孫鄭謂申  
祥子張之子顓孫申祥周秦聲近講張附會難信  
曾子曰始死之奠其餘閣也與

人老疾飲食不離寢故有閣以自便始死即以其閣  
之餘饌奠之望其復食也儀禮始死以脯醢醢酒奠  
禮記通解 卷三 十八

于尸東當肩卽此

曾子曰小功不爲位也者是委巷之禮也子思之哭嫂  
也爲位婦人倡踊申祥之哭言思也亦然

哭之有位所以敘親疎辨恩紀也委巷曲巷也小巷  
多曲或曰委窮也水下流之聚曰委言至此窮盡也  
窮巷之人無所見聞故曰委巷之禮嫂叔無服兄弟  
之妻相爲小功故子思之哭嫂其妻倡踊已隨之言  
思子游之子或云中祥妻之昆弟也於禮亦無服而  
申祥哭之亦爲位亦妻倡踊記舉二子無服之喪爲  
位以明小功無位之非也

按哭妻昆弟之爲父後者于適室子爲主袒免哭踊  
夫入則是申祥之哭婦人倡踊又非矣大喪之禮門  
內期功之服衆人咸集爲位爲主可也至于異姓之  
親無服之喪平居有父母在聞門外總功而輒爲位  
爲主免冠袒踊以哭無乃駭觀聽與故曰禮者人情  
而已

古者冠縮縫今也衡縫故喪冠之反吉非古也

布帛經爲直緯爲橫直曰縮橫曰衡橫廣而直狹縮  
縫謂以直幅豎縫之從省也古者冠辟積少故可豎  
縫無吉凶一也後世冠辟積多豎裁不足必橫廣而

禮記通解

卷三

十九

後可習尚使然實非爲凶縮爲吉橫也後世遂謂喪  
冠贊反吉宜縮縫非古也

按冠莫重于冕而以絲易麻孔子猶從之禮與縮非  
甚害禮且吉與喪無微不辨安得喪冠不反吉亦非  
至論

曾子謂子思曰伋吾執親之喪也水漿不入於口者七  
日子思曰先王之制禮也過之者俯而就之不至焉者  
跂而及之故君子之執親之喪也水漿不入於口者  
三日杖而后能起

親喪之禮服衰止三年哭泣止三月不食止三日蓋

三日可以怠而食三月可以解而沐三年可以祥而除矣使過者俯而就不至者可跛而及焉若以親恩為罔極吾情為無已狗無已之情而不節以禮在已者不可傳而在人者不可繼曾子所以不為子思取也樂正子春之母死五日不食既而悔之況七日乎曾子曰小功不稅送則是遠兄弟終無服也而可乎稅者追償之名日月已過聞喪而追服之曰稅小功五月多衆兄弟之服如相去遠則聞喪有後時者世以為服輕過期則不稅故曾子非之

按喪服小記云降而在緦小功者則稅然則正小功

禮記通解

卷三

二十

檀弓上

不稅禮耳曾子之疑蓋用情之過小功皆稅何以別于上焉者乎情無窮而文有節所謂行道之人皆弗忍也然則已諸曰易吉以承之哭踊以哀之逾月而已可也

伯高之喪孔氏之使者未至冉子攝束帛乘馬而將之孔子曰異哉徒使我不誠於伯高

伯高與孔子善而死于衛孔子弔使未至冉有代致束帛為賻四馬為贈而以夫子意將之蓋輕於施而未深於禮也禮以副情物既不出于夫子而夫子又終難自白故曰空使我不誠於伯高徒猶空也凡帛

五匹為束四大為匹

伯高死於衛赴於孔子孔子曰吾惡乎哭諸兄弟吾哭諸廟父之友吾哭諸廟門之外師吾哭諸寢朋友吾哭諸寢門之外所知吾哭諸野於野則已疏於寢則已重夫由賜也見我吾哭諸賜氏遂命子貢為之主曰為爾哭也來者拜之知伯高而來者勿拜也

赴與計同告喪也兄弟先祖之子孫故哭於廟父之友父之外交也故哭於廟門外寢已之正寢師已之所事也故哭師於寢朋友因師及故哭於寢門外所知謂泛相知者故哭於野伯高于夫子視同道之友則稍輕視泛然之知則稍重故使其所因者為主而哭於子貢之家如人聞其哭謂為子貢而來者則弔主之禮在子貢為伯高而來者則傷死之禮在伯高拜與不拜各裁其宜

禮記通解

卷三

二十一

檀弓上

按此章之言明禮之義非公拘拘爾說見前曾子小功不為位章兄弟哭諸廟師哭諸寢可也若三廟門外哭則近迂況又哭諸野乎君子登城不呼曰中不疾言為其驚衆也為位哭於野人將以為非是問禮與生因其人見死因其人哭感觸動情則有之必使為喪主為位受弔而往哭於無喪者之家謂非迂乎



雜記謂遠兄弟之喪哭諸寢是不于廟也奔喪謂師哭諸廟門外是不于寢也宮室之次有限而內外三黨之喪無常安得一一別其所哭之位至于門外至于野至于借他人家哭不情甚矣凡記言拘瑣類此曾子曰喪有疾食肉飲酒必有草木之滋焉以爲薑桂之謂也

孝子居喪食旨不甘如有疾則宜變通減性者不孝苟食者廢禮故爲疾飲酒食肉亦必有藥物之和而後可不然爲酒肉而已以爲者釋曾子草木之意薑草屬桂木屬皆藥物亦可和飲食內則云屑薑與桂禮記通解 卷三 二十二 禮記上

是也有藥物之和乃爲有疾者曾子居喪水漿不入口者七日正此意言居喪不可妄飲酒食肉非爲飲酒食肉者諒也子夏喪其子而張其明曾子弔之曰吾聞之也朋友喪明則哭之曾子哭子夏亦哭曰天乎予之無罪也曾子怒曰商女何無罪也吾與女事夫子於洙泗之間退而老於西河之上使西河之民疑女於夫子爾罪一也喪爾親使民未有聞焉爾罪二也喪爾子喪爾明爾罪三也而曰女何無罪與子夏投其杖而拜曰吾過矣吾過矣吾離羣而索居亦已久矣

喪子喪明謂其子死哭而瞽其目也洙泗二水名西河龍門至華陰之地冀州之西河也疑擬也子夏使人尊已甚于尊師哭親不如哭子故曾子呼其名而數之父離師友蕭索獨居無由聞過蓋自悔而受教之辭

按弔友喪目亦可無哭既弔又數其罪則如無弔西河尊事是亦夫子之道行也人之尊賢豈賢者之罪孔門曾子最少子夏以曾子父執無呼名數之之禮曾子平日言辭慤謹此辭甚僂不足信也

夫晝居於內問其疾可也夜居於外弔之可也是故君子非有大故不宿於外非致齊齋也非疾也不晝夜居於內

此言平居出入寢興之節早起夜卧出入息自有常度晝常在外夜常居內惟居喪則廬於中門外雖夜亦不入惟致齊寢疾雖晝亦不出不然則失其常度而人必異之所以可弔而問也由此以推士君子衣服飲食舉動言語一準諸理合于人情安常處順則無往不宜何但晝夜寢興之節而已

高子臯之執親之喪也泣血三年未嘗見現齒君子以爲難

高子臯名柴孔子弟子哭不成聲曰泣血卽淚也由痛出故曰血不是齒謂不徹笑則見齒大笑則見矧君子以爲難蓋甚之之辭子云可以爲難矣仁則吾不知也禮使人難未可繼也故曰和爲貴中節之謂和記所以微其辭也

死與其不當物也寧無衰齊衰不以遠坐大功不以服勤

衰喪服也取摧折之義當猶合也物謂升纊精麤裁製廣狹皆合制也不當物與無衰同日寧者甚言不當物之不可非謂衰可廢也遠猶偏也凡居喪坐則

禮記通解 卷三 二十甲 禮記通解

事席不與人共吉凶不相漬也共席則偏坐偏坐非哀敬之容也大功廢業服大功之衰而親勤勞之事則志不在哀而期以上可知也

按不以遠坐不以服勤亦當物之意春秋傳晉平公有卿佐之喪而奏樂飲宴屠蒯諫曰服以將禮禮以行事事有其物物有其容今君之容非其物也卽衰不當物之義非獨精麤廣狹之應制而已

孔子之衛遇舊館人之喪入而哭之哀出使子貢說脫膠而賻之子貢曰於門人之喪未有所說膠說膠於舊館無乃已重乎夫子曰予鄉者入而哭之過於一哀而

出涕予恐夫涕之無從也小子行之

此因上章當物之意類記之又以見物當稱志也舊館人舊時在衛之主人說解也膠車轅外馬助葬以財貨曰賻以車馬曰贈馬言賻者客中無財以馬爲財也門人之葬未脫膠如顏路請車不與是也一哀而出涕夫子自言也於禮不必致哀聖人至情無偽故情至而物亦宜至也不然何以副此涕乎從猶副也志先則物從行行脫膠也

按聖人豈有無哀之弔無涕之哭乎何以云過於一哀而出涕也無涕而哭是強哀也無哀而弔是虛文

禮記通解 卷三 二十五 禮記通解

也用財用情禮自素定本無盡哀之心偶過一哀本無賻喪之禮聊以從涕豈聖人之用禮與且載途解膠是廢行也後世任俠之爲非聖人從客中道氣象聖人用禮人情而已矣

孔子在衛有筵葬者而夫子觀之曰善哉爲喪乎足以爲法矣小子識之志之子貢曰夫子何善爾也曰其往也如慕其反也如疑子貢曰豈若速反而虞乎子曰小子識之我未之能行也

此記孝子送葬之容往如慕者親柩在前孝子在後如嬰兒之慕追隨迫切也反如疑者既葬奉神而還

親體在外未知神之來否彷徨不進也虞既葬之日反而安神之祭名子貢言反如疑不若速反而安神為合禮夫安神者猶祭祀之虛文哀祠者尤仁孝之真心故夫子終不然之

顏淵之喪饋祥肉孔子出受之入彈琴而戶食之

顏子之喪祥祭饋夫子以肉時孝子之情且將禫矣況師於弟子禮無復哀而於回痛惜未已故感觸興悲入而彈琴自釋非為樂之而彈亦非前此不彈而至是始彈也聖人於哀死之情能節之以禮如此

孔子與門人立拱而尚右二三子亦皆尚右孔子曰二

記通解 卷三 二十六

三子之嗜學也我則有姊之喪故也二三子皆尚左

拱而尚右謂兩手相又右手在上也左為陽右為陰吉事尚陽凶事尚陰也

按此事甚淺近二三子學禮未有不知者以一又手左右訓禮何異學究訓蒙子乎未足信也

孔子蚤作負手曳杖消搖於門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞則吾將安放夫子殆將病也遂趨而入夫子曰賜爾來何遲也夏后氏殯於東階之上則猶在阼也殷人殯於兩楹

之間則與賓主夾之也周人殯於西階之上則猶賓之也而丘也殷人也予疇昔之夜夢坐奠於兩楹之間夫明王不興而天下其孰宗予予殆將死也蓋癡疾七日而沒

負手謂背手向後也消搖消散搖蕩舒放之貌泰山

羣山之宗梁木衰木之領哲人衆人之師木病曰萎殯停柩也猶在阼釋所以殯於東階之義孝子不忍

死其親猶若在東階為主也兩楹之間堂中南面東階為主西階為賓故曰與賓主夾之也猶賓釋所以

殯於西階之義西賓位待死者如賓客也殷人者孔

禮記通解 卷三 二十七

子其先宋人成湯之後也疇孰通疇昔即誰昔猶平昔也夢坐於兩楹之間奠饌品於前蓋殯奠之象也明王以下夫子自占其夢言今天下無明王誰肯以南面之禮尊我者殆將死之兆而已

按此章記者欲神聖人先見而其識轉卑聖人清明如神其知死豈待夢曳杖消搖此原壤莊周任放之

態泰山梁木他人贊聖則可夫子豈以自稱夜夢不祥蚤起悲歌倚戶無聊見門人訴語非樂天知命通

晝夜齊生死氣象其誣不辯可知

孔子之喪門人疑所服子貢曰昔者夫子之喪顏淵若

喪子而無服喪子路亦然請喪夫子若喪父而無服  
若喪父無服所謂心喪也然亦無衣錦純采之理但  
不定期功大小之制或曰五服無師何也蓋五服本  
於情師弟之情本於道所謂道隆則隆道污則污未  
可一切也雖七十子心喪亦自有等獨居三年惟子  
貢為然篤於恩者疏齊不為厚殺於誼者功總不為  
薄苟相與未深盡一哭之哀而食稻衣錦亦由其所  
自得耳是故師服難豫定也

孔子之喪公西赤為志焉飾棺牆置嬰設披周也設崇  
殷也綢勿練設旒夏也子張之喪公明儀為志焉褚墓  
禮記通解 卷三 二十九

丹質蟻蟻結于四隅殷士也  
志與誌通謂誌定其禮節也牆置嬰解見前鄰有喪  
章披謂以繩繫棺使人夾引之此周禮也崇畫文如  
牙於旌旗上詩謂崇牙此殷禮也綢熟帛以  
韜旌竿而垂為旒載之車上此夏禮也夫子道兼三  
王故禮用三代所以榮之公明儀蓋子張門人褚蟻  
也以覆柩亦謂之墓丹質以丹色布為褚幕之質蟻  
謂蟲蟻褚四角結布為飛蟻之形垂以為飾不置牆  
與不披殷士之喪禮也聖人之禮隆賢人之禮殺所  
以異也

按夫子生從周而葬反古非也顏淵厚葬責門人之  
違禮子路為臣惡行詐以欺天豈赤也未之聞乎且  
周公之禮已兼二代士大夫死而薄王制私意反古  
豈其然乎

子夏問於孔子曰居父母之仇如之何夫子曰寢苦  
聲枕干不仕弗與共天下也遇諸市朝不反兵而鬪曰  
請問居昆弟之仇如之何曰仕弗與共國衛君命而使  
雖遇之不鬪曰請問居從去昆弟之仇如之何曰不為  
魁主人能則執兵而陪其後

禮記通解 卷三 二十九

處父母之仇常若居喪寢苦卧草也干盾也不仕不  
暇事人之事而專事報復也不反兵謂常操兵器自  
隨不待歸取也市朝非戰鬪之所猶不反兵鬪則無  
時無處不操兵矣即枕戈之意魁首也北斗七星杓  
為末魁為首主人即從昆弟之子弟

按報仇之說已詳曲禮曲禮多交游之仇此章又加  
從昆弟之仇果若斯天下其何人無怨往來報復世  
路成網羅無復清寧之日矣此戰國以來游士橫議  
豈聖人崇禮之訓而腐儒好信為世滋亂斷乎不可  
以訓也

孔子之喪二三子皆經而出句羣居則經出則否

凡弔服與臨朋友之喪皆加絰出則變之門人爲夫子心喪無服然初喪首腰閒亦必加絰至葬不易雖出不變也所謂出不變者惟出與同門羣居猶生事夫子故皆絰若非同門羣居及有他事別往則亦變矣

易墓非古也

易墓治也亦不脩墓之義

按禮無墓祭不墳不脩不易謂骨肉歸于土無知魂氣有靈栖于廟廟重墓輕也然事死如生亡則弗忘之豈親骸所歸一葬之後遂棄爲荒隴邪三代而下禮記通解卷三

園陵之禮與宗廟等安見古之是今之非也

子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也

喪主哀祭主敬此聖人制禮本義但據此言似禮又在哀敬外哀敬不足尚可云禮乎

會子弔於負夏主人既祖塋池推柩而反之降婦人而後行禮從者曰禮與會子曰夫祖者且也且胡爲其不可以反宿也從者又問諸子游曰禮與子游曰飯於牖下小斂於戶內大斂於阼殯於客位祖於庭葬於墓所

以卽遠也故喪事有進而無退會子聞之曰多矣乎予出祖者

負夏衛地祖謂柩將出設祖奠也祖者始也出行之始也塋猶起也池謂柳車前懸池象宮室之承雷也士一池當柩前柩朝祖廟北首先夕設祖奠旋柩池外向主人踊襲少南婦人降立於階閒禮也今以賓至襲起其池使見柩推柩反卻以示少畱主人既奠踊襲畢婦人降卽位於階閒而後弔者行禮也會子之從者疑反柩受弔爲非禮故問之會子言凡祖祭者皆越宿而後行如聘禮使者遂行舍於郊詩云出禮記通解卷三

宿于涕飲餞于禰韓侯出祖出宿于屠之類且者未成行之辭會子援出祖之義以見反柩之無害也飯謂始死飯含也牖下室中窓下也斂有小大以衣裳多寡爲名先小斂而後大斂也戶內房戶內也阼東階房戶外之南堂之東也客位西階上也庭堂下也墓則適野矣自飯至葬自牖下至墓以漸遠死者有往而無反也多謂多言言過則覺多會子自悔出祖之說爲多言也蓋所言反宿者生人出祖之事生者可還死者無反所以悔之

會子襲襲而弔子游揚夕盡而弔會子指子游而示人

曰夫夫也為曾子禮者知之何也楊襄而弔也主人既小斂粗括髮于游趨而出襲裘帶經而入曾子曰我過矣我過矣夫夫是也

凡弔喪之禮主人未變服以前弔者皆常服既變服以後則客亦變服襲掩也襲吉服襲裘謂以衣掩蓋其裘楊襄露裘也凡衣重曰襲單曰褐小斂於戶內斂畢主人乃肉袒用麻結髮奉尸出堂拜賓襲腰帶首經也是時主人服變客亦變乃出襲裘帶經而入曾子以喪凶事初往即變服故始譏子游而後自悟其非也夫夫上語辭下指子游

禮記通解 卷三 三十三

按主人小斂前不變服者昏迷不暇變也弔者聞人喪而以羔裘玄冠往於情未稱故曾子襲裘而不帶經亦未為失禮必知子游不帶經而又楊襄是以羔裘玄冠弔也則失禮乃在子游且二子同弔曾子失禮子游何不救正於未入如子游失禮曾子何不忠告乃私指示人記未足信也襲楊詳見曲禮下篇首章及玉藻唯君有黼黻章舊註失之

子夏既除喪而見予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮

不敢不至焉

此記二賢除喪之事以明禮之中子夏謹守用哀常過故強裁之于張高明哀情易忘故放而至焉其有和與不和成與不成者各本其資之所近而不敢過不敢不至者則禮之所約而同也故禮者中也先王繼人情而為制不然雖賢者不能況凡民乎和謂也司寇惠子之喪子游為之麻衰壯麻經文子辭曰子辱與彌牟之弟游又辱為之服敢辭子游曰禮也文子退反哭子游趨而就諸臣之位文子又辭曰子辱與彌牟之弟游又辱為之服又辱臨其喪敢辭子游曰固以請

禮記通解 卷三 三十三

文子退扶適于南面而立曰子辱與彌牟之弟游又辱為之服又辱臨其喪虎也敢不復位子游趨而就客位此節亦明繼世以適之禮司寇惠子衛大夫名蘭文子惠子之弟名木即彌牟也彌牟之反為木古音聲近猶不來為狸而已焉耳之手為諸之類二子皆衛靈公孫惠子生虎為適子惠子死虎不在主人位是廢適也子游與惠子善欲正之以文子知禮重其服往弔朋友弔錫衰環經而已今為麻衰加壯麻經是與齊衰絞經同若為死者無嗣而代之服者文子驚辭猶未悟也子游復趨就其家臣之位又若為有臣



而無嗣君者文子大驚辭至於子游固請文子始悟  
扶適子也南面立示諸臣有主也北面復位使之主  
喪也子游乃就賓客之位焉

按此與檀弓問公儀仲子立孫之事同故鄭謂檀弓  
之免亦為非禮以譏仲子夫身為非禮以正人之非  
禮豈教人常法子游檀弓何相襲而行之也子游文  
學宿望當時所以感悟文子不在麻衰壯經今人效  
之祇益其迂無救於事而反以害禮未可訓也

將軍文子之喪既除喪而后越人來弔主人深衣練冠  
待于廟垂涕洟子游觀之曰將軍文氏之子其庶幾乎  
禮記通解 卷三 三十四

亡無於禮者之禮也其動也中

將軍文子即衛文子彌牟也禮無弔人於除喪之後  
者亦無除喪後受人之弔者越人遠後至文子以義  
起禮深衣白麻布為衣古人吉凶通用之服練冠練  
麻布為冠期年以久之服小祥練冠大祥縞冠也待  
于廟神主已入廟故待賓于廟也涕自鼻出曰洟亡  
於禮言無此禮而為之禮也中合宜也

幼名冠去聲字五十以伯仲死諡周道也經也者實也掘  
中雷而浴毀竈以綴足及葬毀宗蠲行出于大門殷  
道也學者行之

幼則稱名既冠則稱字五十而艾則稱伯仲既死則

稱諡此周制也麻在首在腰皆曰經實者結塞之意

經之緩急堅固象之中雷屋下也與五祀中雷異五

祀則庭中也掘地為坎以埋浴水周人掘坎階間少

西也毀竈明不復食也竈壁熱故以綴足使不僵便

著屨也周人綴足用燕凡遷柩朝宗廟設祖奠畢即

毀其廟之垣墮牆出於大門之外古者廟在大門內

左不由門踰垣出曰蠲王藻云登席不由前為蠲生

人遠行祖祭于大門外封土象山為神主祭畢以車

蠲而過謂之較今祖奠于廟毀其廟牆徑出大門外

禮記通解 卷三 三十五

亦曰生時之較然也必毀宗者明不復入也此以上  
皆殷禮殷禮質而直周禮文而曲小子行之夫子教

門人語也  
子柳之母死子碩請具子柳曰何以哉子碩曰詩稱育  
庶弟之母子柳曰如之何其粥人之母以葬其母也不  
可既葬子碩欲以賻布之餘具祭器子柳曰不可吾聞  
之也君子不家於喪請班諸兄弟之貧者  
子柳子碩未詳何國人蓋兄弟也具送葬之具何以  
言無財也粥賣也布錢也家於喪不以死者為利也  
家貧不能具葬而又不以喪餘之財為家可謂安貧

而守禮者矣

君子曰謀人之軍師敗則死之謀人之邦邑危則亡之  
為人臣者勿嘗試人之軍師勿屑越人之邦邑然後  
可免於死亡亡猶死也國亡與亡人臣之分

公叔文子升於瑕丘遽伯玉從文子曰樂哉斯丘也死  
則我欲葬焉遽伯玉曰吾子樂之則瑗請前

士君子生不懷居死擇樂地而葬非安土能愛之意  
公叔文子貪瑕丘故遽伯玉微言諷之文子名拔伯  
玉名瑗皆衛大夫

按公叔文子當時稱不言不笑不取死不忘樂而

禮記通解

卷三

三十六

禮記上

有貪心是未嘗聞道者伯玉之旨超然過之鄭康成  
謂刺其欲害人良田何地無良田而獨瑕丘情會成  
子高語耳

弁人有其母死而孺子泣者孔子曰哀則哀矣而難為  
繼也夫禮為可傳也為可繼也故哭踊有節

弁地名孺子泣謂哀痛迫切之至此哭之能滅性者  
也故聖人欲其以禮節之雜記曾子告曾申曰哭父  
母如中路嬰兒失母無常聲又以孝子至情言也意  
不相妨

叔孫武叔之母死既小斂舉者出句尸出戶句袒句且

投其冠括髮子游曰知禮

此明初喪袒括髮之節叔孫武叔名州仇其人毀仲  
尼未嘗學禮可知喪服小記云斬衰括髮以麻為母  
括髮以麻免而以布則是母喪括髮加布與父喪括  
髮無布異也又喪大記云小斂卒主人于戶內袒脫  
髦括髮以麻乃徹帷奉尸于堂主人降拜賓即位襲  
帶經母之喪即位而免則是小斂既括髮而後尸出  
戶出戶即位更加纁也又主人脫髦括髮而不言投  
冠者蓋投冠已在昨日始死而弁纁猶在首問喪云  
親始死弁纁徒跣是也至小斂畢乃就戶內并去弁  
纁解髮為髦頭束以麻是曰袒脫髦括髮以麻也今  
武叔尸出戶矣袒矣然且投其冠則是親死越宿而  
冠尚在首不知禮一也出戶而後袒括髮不知禮二  
也括髮而免不以布與父喪括髮同不知禮三也故  
子游不暇數責而但反言讎之蓋不屑教之意鄭康  
成賈公彥解禮以髦為事親之飾始死素冠視小斂  
其謬矣又何遜於武叔也

扶君卜人師扶右射人師扶左君薨以是舉

卜作僕古者君薨必于正寢有疾則外臣入侍以時  
起居防姦慝也死者人道之終不可不正君疾則僕

禮記通解

卷三

三十七

禮記上



人之長與射人之長共扶持不死於闕豎宮嬪之手其慮深矣周禮大僕正掌正王之服位射人掌公卿大夫之位大喪與僕人遷尸師其長也二官常侍君左右疾則扶之死則二臣奉尸遷之也

按後世僕射官名本此

從母之夫舅之妻二夫人相爲服君子未之言也或曰同爨總

母之姊妹曰從母其夫則今謂之母姨夫也母之兄弟曰舅其妻則今謂之舅母也禮爲從母小功從母之夫無服爲舅總麻舅之妻無服二夫人猶言此二

禮記通解

卷三

三十八

禮記上

人一人則妻姊妹之子也幼依母姨夫家一人則夫之外甥也幼依舅母家同居恩養如父母故一人爲其母姨夫服一人爲其舅母服故曰相爲服此禮經所不載故曰君子未之言因引或人語明之

喪事欲其縱縱爾吉事欲其折折爾故喪事雖遽不陵節吉事雖止不怠故騷騷爾則野鼎鼎爾則小人君子蓋猶猶爾

喪主哀不欲脩飾欲其急而趨事吉主敬不欲怠慢欲其緩而合禮縱縱急貌綜理意折折止貌整齊意遽急也陵節越次也止安定也怠慢也于其所急急

而無序則騷騷如是者噪率而爲野于其所止止而不動則鼎鼎如是者拘執而爲小人猶猶曉暢閑習意從容中道也

喪具君子恥具一日二日而可爲也者君子弗爲也

喪具衣棺之屬具豫備也恥猶惡也不以久生期其親故惡之其或非倉卒可爲者不得已而具之若一日二日可辦之物不必具矣

喪服兄弟之子猶子也蓋引而進之也嫂叔之無服也蓋推而遠之也姑姊妹之薄也蓋有受我而厚之者也此釋古喪服之義子死服期兄弟之子亦期宜降等

禮記通解

卷三

三十九

禮記上

而不降故曰引而進之以厚一本也嫂叔同居至親也死宜服而不相爲服故曰推而遠之以厚別也父之姊妹曰姑與己之姊妹適人者死皆爲大功似乎薄也蓋姑姊妹我所宜厚而彼各有所從是有受我之厚而厚之者故我從其薄使彼一心事其所厚也○何平叔曰凡男女相爲服非有骨肉之親則有尊卑之異嫂叔親非骨肉尊卑不異服則有混淆之失愚按此言似而非也兄弟伯仲亦非異尊卑也倫有義合禮有從服非必盡骨肉也豈有同居之親而死無服者乎儀禮喪服未必盡出古制卽古制未必盡

可因今禮叔嫂小功姑姊妹在室者期已嫁者大功  
可謂今禮盡不如古乎

食於有喪者之側未嘗飽也

此孔子之事聖人哀死之心自然如此

曾子與客立於門側其徒趨而出曾子曰爾將何之曰  
吾父死將出哭於巷曰反哭於爾夫曾子北面而弔焉  
此旅次聞喪之禮曾子為舍主人而其客有聞父喪  
者不敢哭於主人家欲出而哭於巷曾子止之因弔  
之其徒客之從者也曰吾父死客對曾子之言也

按聞父死而從容議位然後哭豈人情乎不足信也

禮記通解

卷三

四十

禮記上

孔子曰之死而致死之不仁而不可為也之死而致生  
之不知而不可為也是故竹不成用瓦不成味木不  
成斲琴瑟張而不平竿笙備而不和有鐘磬而無簫  
虞其曰明器神明之也

此明事死之禮死生不異者人子不忍忘之情而幽  
明有無不可強同必以事生為送死則近于誕故知  
生死之說然後可用禮也之偏向也致極至也以為  
死者不復生而極以死者之禮待之是忍於亡親而  
不仁也以為死者未嘗死而極以生者之禮待之是  
暗於察理而不知也二者皆失中故古人送死凡器

用之屬亦如生者之具而不必適死者之用竹竹器  
也味作沐燒土成沫乃熟不沫不成器也平猶和也  
不平不可彈也不和不可吹也簋簠所以懸鐘磬橫  
者曰簋直者曰簠無簋簠不可擊也凡此皆不致生  
亦不致死蓋死者本幽而有生人之用有作樂之具  
所以明之也然用非其所用樂非其所樂所以神之  
也故曰明器者神明之也神明之者心也孝子自盡  
其心而已

有子問於曾子曰問喪於夫子乎曰問之矣喪欲速貧  
死欲速朽有子曰是非君子之言也曾子曰參也聞諸  
夫子也有子又曰是非君子之言也會子曰參也與子

禮記通解

卷三

四十

禮記上

游聞之有子曰然然則夫子有為言之也會子以斯言  
告於子游子游曰甚哉有子之言似夫子也昔者夫子  
居於宋見桓司馬自為石椁三年而不成夫子曰若是  
其靡也死不如速朽之愈也死之欲速朽為桓司馬  
言之也南宮敬叔反必載實而朝夫子曰若是其貨也  
喪不如速貧之愈也喪之欲速貧為敬叔言之也會子  
以子游之言告於有子有子曰然吾固曰非夫子之言  
也會子曰子何以知之有子曰夫子制於中都四寸之  
棺五寸之槨以斯知不欲速朽也昔者夫子失魯司寇

將之荆蓋先之以子夏又申之以冉有以斯知不欲速貧也

此明禮本人情當人情之謂禮君子之仕爲道也不爲憂貧顧道以不貧而後行不貧亦非君子所惡也君子之厚葬其親爲廣孝也不爲畏朽顧葬以不朽而安不朽亦非君子所惡也喪失也人死曰喪失位亦曰喪有子欲聞聖人處喪之禮曾子舉逸貧速朽以對皆聖人矯時救弊之言有爲而發也桓司馬宋向魋也向戍之孫南宮敬叔魯大夫仲孫閱也孟僖子之子向魋爲石椁而葬三年不成無益之費故曰

禮記通解

卷三

四十五

禮記通解

卷三

廉敬叔失位去魯還載其實而朝以財自衛故曰貨中都魯邑名夫子爲宰立法制教民也四寸五寸皆言厚也之荆將適楚也先之以子夏申之以冉有蓋

陳蔡之厄楚昭王將迎夫子二子以使事往也

陳莊子死赴於魯魯人欲勿哭繆公召縣子而問焉

縣子曰古之大夫束脩之間不出竟雖欲哭之安得而哭之今之大夫交政於中國雖欲勿哭焉得而弗哭且臣聞之哭有二道有愛而哭之有畏而哭之公曰然則如之何而可縣子曰請哭諸異姓之廟於是與哭諸縣氏

陳莊子齊大夫陳恆之孫名伯赴告喪也齊強魯畏之故繆公欲爲哭以重其赴也脩脯也十挺爲束天下有道政出於一大夫無私交死不相赴故曰安得而哭天下無道政自大夫出故曰安得弗哭此所謂畏之而哭非愛之而哭也陳莊子異姓故哭諸異姓之廟

按此章之言則是哭泣之哀虛文無實豈行禮之意孟子曰哭死而哀非爲生者畏生者而哭泣以市交則所謂忠信之薄矣今之大夫交政於中國此春秋以來大夫主盟之事豈先王之舊典與

禮記通解

卷三

四十五

禮記通解

卷三

仲憲言於曾子曰夏后氏用明器示民無知也殷人用祭器示民有知也周人兼用之示民疑也曾子曰其不然乎其不然乎夫明器鬼器也祭器人器也夫古之人胡爲而死其親乎

此明孝子不忍死親之心仲憲即原憲孔子弟子也示民無知謂使民知死者之無知也爲其無知故以不堪用之器送之爲其有知故以祭祀可用之器送之疑者不以爲有知亦不以爲無知也用以從葬也周禮大夫以上兼用祭器曾子以示民無知之說爲非故重言其不然蓋死者雖不必有知而孝子終

不忍以無知死其親人器謂人有知鬼器謂鬼亦有知也用明器之心亦猶用祭器之心古之人皆不忍死其親而已矣

公叔木及有同母異父之昆弟死問於子游子游曰其大功乎狄儀有同母異父之昆弟死問於子夏子夏曰未之前聞也魯人則爲之齊衰狄儀行齊衰公之齊衰狄儀之問也

此明服制以義裁也公叔木衛公叔文子之子公叔戌也春秋魯定公十四年衛公叔戌來奔是也禮同父母兄弟死爲之服期則異父同母者當降一等爲

禮記通解

卷三

四四

禮記上

之大功此子游意也魯人服齊衰者從繼父而降也禮異父恩如父者謂之同居繼父服齊衰期其父期則其子齊衰三月可也此子夏述魯人意也曰狄儀之問不曰自狄儀始者魯人先已爲之引此問爲證耳

按禮繼父始同居後異居者齊衰三月未嘗同居者無服則其子又安得槩從齊衰故鄭康成以子游之言爲是愚謂大功九月與齊衰三月無以甚異旣不可以齊衰又可以大功乎近代禮同居繼父兄弟姊妹相爲小功此爲得之

子思之母死於衛柳若謂子思曰子聖人之後也四方於子子觀禮子蓋慎諸子思曰吾何慎哉吾聞之有其禮無其財君子弗行也有其禮有其財無其時君子弗行也吾何慎哉

此言出母無服之禮子思母伯魚妻也死於衛或生而見出或死而再嫁也柳若衛人子思之言蓋微示以不當爲服之意

按孔氏三世出妻此好事者之言說見子上之母死章子思之母伯魚之妻上事天子下撫子思夫死再嫁有是事乎親喪人所自致縱禮不得行情亦當自

禮記通解

卷三

四十五

禮記上

盡焉得不慎而曰吾何慎吾何慎是視親喪若無有也豈仁人之言乎曲禮曰貧者不以財貨爲禮禮不可斯須去身豈以貧富爲行止意謂經母不當服妻雖有絕而子自不易生我而視同路人豈得爲子乎或曰先王制禮重父降母以別于禽獸夫降斬而爲齊降三年而爲期已甚矣父絕其妻而子即絕其母是無父者爲禽獸而無母者得爲人不有其母與不有其父相去幾何子思爲是禮乎吾弗信也

縣子瑣曰吾聞之古者不降上下各以其親滕伯文爲孟虎齊衰其叔父也爲孟皮齊衰其叔父也

此記降服之非古也。殯縣子名古。謂殷夏以前降服。旁尊旁服。以貴殺賤。以適殺庶。自後世始也。上下猶尊卑。上如從祖伯叔父之類。下如從子從孫之類。降古道。厚死者雖賤。不以已貴為降。各隨其本屬之親。輕重為服。滕伯文。滕國大夫。伯文其字也。孟虎。孟皮。皆伯文之叔父。為士。庶人者也。禮昆弟之子為叔父。齊襄期如昆弟。子為大夫。叔父為士。則降為大功。伯文於二子為齊衰。是不降也。行古之道也。記者蓋卽所見以證所聞。獨舉叔父者。降服惟旁屬多也。伯文本今人。而用古禮。故記舉之以明厚。鄭康成拘泥古者之語。以滕伯為殷諸侯。其揣摩附會類此。按愛親敬長天性也。哀戚之情緣親愛而生。故喪本哀戚。非以貴賤論厚薄也。禮期之喪達乎大夫。絕于諸侯。適則降庶尊。則壓卑。雖品節彬彬。而隆古之風遠矣。故親親之殺尊賢之等世教所趨。不得不然。苟識其本。則敦厚可以崇禮。忘本逐末。則忠信之薄。豈制禮之意。故曰禮不忘其本。記者此節於是為有功矣。

后木曰。喪吾聞諸縣子曰。夫喪不可不深長忌也。買棺外內易。我死則亦然。

后木魯公。公子惠伯。輩之後。深長思謂送死大事。必誠必信也。獨舉買棺者。親體所藏。莫先於此。故王制六十歲制七十時制。八十月制。九十日脩。亦卽所謂深長之思也。苟未制於平日。而買之倉卒。尤不可不慎。外內易言外內辨治精好。勿鹵莽粗率。貽後悔也。此二句引縣子之言。我死亦然。后木自戒其子也。曾子曰。尸未設飾。故帷堂小斂。而徹帷。仲梁子曰。夫婦方亂。故帷堂小斂。而徹帷。小斂之奠。子游曰。於東方。曾子曰。於西方。斂斯席矣。小斂之奠。在西方。魯禮之未失也。

此言始死之禮。始死尸在室。去襲衣沐浴。是未設飾也。故帷其堂。不使人見室中也。沐浴畢。含襲小斂於戶內。奉尸出堂。乃徹帷。此曾子釋小斂帷堂之義。為死者也。仲梁子魯人言始死沐浴男女在戶外哭泣之位未定。故帷堂小斂畢。尸出戶。主人卽位拜賓。乃徹帷。此仲梁子釋帷堂之義。為生者也。二說皆近小斂之奠。設於堂。當尸東。就地不設席。初死不忍以鬼道事親也。鬼事尚右。生事尚左。於東方生事之也。設席而奠於室西。事神之也。曾子謂小斂已有席。與事神同。奠於西方。不知小斂之席。斂席也。非為奠也。

大斂殯奠於室西乃設席子游得之曾子誤也記者因正之曰小奠於西方魯禮之末失曾子蓋因魯禮而誤耳

縣子曰綌葛布粗者衰總葛布細而疏者裳非古也

葛布粗者曰綌麻布細而疏者曰總喪服上曰衰下曰裳禮有總衰而無葛衰後世有用葛為衰總為裳者故縣子非之

子蒲卒哭者呼減子臯曰若是野哉哭者句改之

子蒲名減哭者呼減舉其名而哭也子臯高柴字野謂不知禮改之謂改勿呼名不止其哭也

禮記通解

卷三

四十九

禮記上

杜橋之母之喪宮中無相杜橋以為沽古也

此言治喪必用相相謂贊禮者孝子昏迷須人相導庶免疏畧失禮沽疏畧也與良苦之苦同以為沽識禮者以為沽也

夫子曰始死羔裘玄冠者易之而已羔裘玄冠夫子不以弔

此言始死弔喪之禮未小斂謂之始死羔裘玄冠吉服也易變也而已者主人未變服賓不麻經但少改變其所著之吉服如曾子襲裘而弔正合此意既小斂則弔者皆帶經既成服則弔者皆弁經錫衰自有

常服矣何獨夫子不羔裘玄冠而已當時有謂始死無衰經以羔裘玄冠弔者故記者明之據此章之義子游始死楊裳亦未為盡禮鄭註未達

子游問喪具夫子曰稱家之有亡無子游曰有亡惡乎齊夫子曰有毋過禮苟亡矣斂首足形還旋葬縣而封人豈有非之者哉

喪具送死財用之具有亡謂貧富也行禮以財子游之間傷貧者無以為禮也夫貧富雖不同各稱其力自盡則不同之力以同盡之心而齊故稱之一字為孝子之準乃所以為齊也子游不達疑稱家有亡則

禮記通解

卷三

四十九

禮記上

有者恃其財至於無以加無者暴其親至不能葬同為人子而厚薄相懸惡乎齊而有無焉可稱也不知所謂稱有無者非謂有者遂恣情過度無者遂卻尸廢禮也者備禮而止豈得太奢無者隨分自盡不謂不及但不至露形裸葬則不必更待日月還即葬埋不用碑綈懸棺而下封之以土亦力所能也無財不可為悅人豈有議其薄者哉如此則有者盡禮盡心無者力雖不足而心亦盡其為孝等所以謂之稱謂之齊也還旋同便也封以土封其坎也鄭改為窆字無謂

司士貢奔告於子游曰請襲於牀子游曰諾縣子聞之曰汰哉叔氏句專句以禮許人

司士官名貢人名以衣斂尸曰襲禮始死廢牀置尸於地望其如初生下地時也旋反於牀沐浴含飯襲皆于牀也當時有就地而襲者司士貢請如古禮子游不據禮以告第應曰諾諾者以物許人之辭非所以議禮也汰驕恣也曲禮曰問禮對以禮又曰必則古昔稱先王子游對不以禮不則古昔不稱先王若禮由已出而許以予人者故曰汰

宋襄公葬其夫人醢醢百甕會子曰既曰明器矣而又檀記通解  
卷三  
五十一  
禮記上

此言送死致生之非禮也醢醢百甕皆納之墳中者明器從葬之器神明之而已今皆實之以醢醢所謂之死而致生不智也故會子譏之

按士喪禮陳明器尊三醢醢屑諸侯雖多何至于百鄭兼祭器解以周人殉葬兼用祭器也祭器可實明器不必實然儀禮明器如苞苴簠觥之屬皆實以牲體黍稷醢醢醢酒之屬豈會子於禮未甚悉與疏義半虛半實之說強鑿附合耳

孟獻子之喪司徒旅歸四布夫子曰可也讀賜會子曰

非古也是再告也

孟獻子魯大夫仲孫蔑也司徒大夫家臣司徒也旅下士即司徒歸四布謂既葬各以四方之賻布還之蓋獻子廉而家臣繼其志視家於喪者為賢而違乎者之情不如子柳以班兄弟之貧者之為善也故夫子僅可之車馬助葬曰賻主人既受而以方版書其數遣奠之晨以讀于柩此後世之禮蓋賻來賻時既以告還奠又讀是再告也古者但有賻時致命之禮無柩行再告之禮故會子非之

成子高寢疾慶遺入請曰子之病革矣始至乎大病禮記通解  
卷三  
五十一  
禮記上

則如之何子高曰吾聞之也生有益於人死不害於人吾縱生無益於人吾可以死害於人乎哉我死則擇不食之地而葬我焉

成子高齊大夫姓國字伯高諡曰成慶遺慶封之族不食之地謂不可耕之地死而不忘儉賢於公叔文子遠矣

子夏問諸夫子曰居君之母與妻之喪居處言語飲食行爾

而樂也君母君妻禮皆齊衰不杖期恩義雖淺未有居喪而為樂者子夏失問故夫子不答或云居處以



下夫子之答辭若是則衰不當物畏而哭之者耳豈聖人所以教人乎記言爲不足信矣

賓客至無所館夫子曰生於我乎館去聲死於我乎殯

賓客謂朋友自遠方來寄寓者非爲我來故曰無所館如爲我來者我自當館之矣死於我殯因館生者併及之言禮當如是爾非謂我館者皆擬其死也

國子高曰葬也者藏也藏也者人之弗得見也是故衣足以飾身棺周於衣槨周於棺土周於槨反壤樹之哉

國子高卽成子高也子高之意以爲人生則見死則

禮記通解

卷三

五十二

檀弓上

藏藏則宜不見故衣以包形棺以包衣槨以包棺土以包槨惟恐其藏之不密入之發見也反封之壤樹之木而使人識之哉

按此所謂之死而致死之不仁而不可爲也在死者自爲計則可子孫於祖考封之惟恐不高樹之惟恐不茂豈忍泯然不識而已故凡送死之禮皆生者之事非死者之任聖人制禮使生者自盡焉耳

孔子之喪有自燕平聲來觀者舍於子夏氏子夏曰聖人之葬人與平聲人之葬聖人也子何觀焉昔者夫子言之曰吾見封之若堂者矣見若坊者矣見若覆夏屋者矣

見若斧者矣從若斧者焉馬鬣封之謂也今一日而三新板而已封尚行夫子之志乎哉

燕國名聖人葬人則禮自聖人出故可觀人葬聖人則禮自衆人出其何觀焉昔者以下述夫子之言見今之葬無可觀者封謂築墳若堂形方而其上平也若坊形如隄防旁殺而長也若覆夏屋東西壁立南北陵遲形如夏世之屋周屋始有四注夏屋惟前後雷耳若斧上狹如刃也功省易就故從之此以上皆引夫子之言馬鬣封子夏卽所見以明若斧之制馬領肉薄墳狀似之今將以此葬夫子功不過一日三禮記通解

卷三

五十三

檀弓上

次斬繩移版其封已成事簡禮儉尚行夫子之志而已何觀焉

按前章記夫子之葬公西華爲志備三代之禮披崇練旒何其豐也今云以若斧封又何儉也版可築垣牆不可爲丘隴馬鬣而上則朝祭而莫隨矣三板之高不過六尺何以垂之奕世如山陵乎燕人觀禮以此告之甚無謂

婦人不葛帶

禮大喪婦人與男子首經要帶皆用麻男子重首婦人重要旣葬卒哭男子以葛易麻帶婦人以葛易麻



經及期而練則男子去首經而存葛帶婦人去要帶而存葛經故婦人無葛帶此以齊斬言也若大功以下服輕卒哭婦人亦并變為葛帶與男子同矣有薦新如朔奠

柩在殯未葬過月朔則殷奠殷盛也視常奠為盛男女各卽位內外各從事故謂盛奠薦新亦謂在殯遇新穀既升薦于柩也其禮亦如朔奠蓋薦新于葬後死者已遠而感傷淺薦新于初喪其痛方新而感傷重故禮如朔奠也

既葬各以其服除

禮記通解

卷三

五十四

檀弓上

三月而葬葬而虞虞而卒哭親重者各隨所受而變服輕者應除各自除之不俟主人也

池視重雷

池謂柳車之池柳車卽今棺罩形如屋池謂棺罩四簷織竹衣布為池狀如重雷也雷溜同重雷卽今屋檐上木溝檐水入此復溜于地故曰重雷天子屋四注四面設重雷諸侯缺後大夫惟前後士惟前其筵死池數各視生時所居屋重雷為等故曰視

君卽位而為柩傳歲一漆之藏焉

柩觀也卽後章所謂柩棺在內親尸之棺也天子柩

內有水兕革棺諸侯惟柩名柩者漆之堅強甕甕然也人君體尊備物無少長卽位則造柩每歲一漆示不卽成也藏焉者未卽用也

復楔肩齒綴也足飯設飾帷堂並作父兄命赴者

復始死升屋招魂也楔齒用角匙楔尸齒令口開得舍也綴足以物綴尸兩足使直也飯以米與貝實尸口也設飾陳衣衾襲尸小斂也帷堂堂上設帷帳也並作六事一時並行也父兄命人以喪告于所親識者孝子昏迷故父兄命之鄭據士喪禮主人命赴之文謂大夫以上則父兄命拘也

禮記通解

卷三

五十五

檀弓上

君復於小寢大寢小祖大祖庫門四郊

復招魂也君謂諸侯禮多言諸侯而畧於天子者禮書後成非先王之舊也凡宮室在後曰寢小寢燕寢也大寢正寢也小祖羣祖廟大祖始祖廟庫門諸侯之外門寢為生時所居祖廟生時所有事門所嘗出入郊所嘗經歷魂氣所往不離生時熟習之地故于此等處復

按人死持其衣升屋呼其名字招之使還事近誕鄭據周禮謂各如其命數上公復九處侯伯七處其迂尤甚

喪不剥奠也與平聲祭肉也與

饋食曰奠饗鬼神曰祭始死未葬以前皆謂之奠朝夕設脯醢如常食故不用巾冪謂之剥奠剥像也曲禮為大夫削瓜保之亦謂不巾也易有剥卦謂陽蛇如剥也惟殷奠殺牲有祭肉用巾非是皆無巾與者不定之辭

既殯旬而布材與明器

旬謂殯後十日布陳列也材為槨之木布者暴之使乾也明器送葬之器既殯旬日後即治此事也

朝奠日出夕奠逮日父母之喪哭無時句使句必知其禮記通解卷三 五十六

反也

始死至未葬以前皆朝夕奠逮日謂及日未入事死如生也未殯以前不絕聲哭殯後至小祥朝夕哭廬中思憶哭小祥後無朝夕哭或一日二日思憶哭皆所謂哭無時也在喪或祥後有君命出使不得不往反必祭告于廟如親存也

練練衣也練衣練衣也緣葛要經繩屨無約角瓊天去鹿裘衡長祛祛祛之可也

練小祥祭名三年之喪期年而著練冠練衣故曰練練衣以練熟麻布為中衣斬衰衰裳如故也正服不

可變中衣所以承衰者即深衣也裏練衣之裏縹淺

絳色緣緣飾領袖葛要經謂小祥男子去麻首經惟餘葛要經也繩屨父母初喪管屨既葬卒哭受齊衰

刺鹿屨小祥受大功麻繩屨也紬屨頭飾也麻繩屨不用飾瓊冠兩旁充耳吉用玉與石小祥後微飾用

角也平居冬寒皆衣皮裘貴賤各以等喪裘同用鹿皮小祥前裘狹而短不見袖祛袖口也小祥後裘橫

廣而袖長見裘曰楊裘在練衣內而微露其袖口不全楊也楊以單布帛加皮上為裘故裘在外謂之楊

重以衣拊其上曰襲外有練衣是猶襲之也但見其禮記通解 卷三 五十七

祛可耳鄭註未達

有殯聞遠兄弟之喪雖總必往非兄弟雖鄰不往所識其兄弟不同居者皆弔

親喪在殯聞遠兄弟之喪雖總麻如同曾祖昆弟之類亦必往弔親同宗所以重父母也則近而服重者

可知非兄弟雖鄰里之喪亦不往則遠者可知鄰雖不往如死者為相知已既不往兄弟同居者亦不可

往則使不同居兄弟皆往弔若代已之往可也按曾子問夫子曰三年之喪弔乎子曰禮以飾情三

年而弔哭不亦虛乎此言最為近情此章之言未可

據也

天子之棺四重水兕似革棺被之其厚三寸也形棺一梓棺二四者皆周棺束縮二衡三衽每束一柏梓以端長六尺

水牛兕牛其革堅厚考工記函人兕甲壽二百年合之以爲棺其厚三寸被謂近尸內一重也地槨也樹似白楊卽梓棺也爲第二重又以梓木作屬棺爲第三重外又以梓作大棺爲第四重四棺上下四旁皆周而惟梓不周有四圍而無上下以上有抗席下有茵也束以皮條束棺也縮直也衡橫也直束二道橫

禮記通解

卷三

五十八

禮記上

束三道衽以木爲小腰中狹兩端濶如裂裳衽一殺上一殺下又謂之燕尾其形如燕尾指與蓋際爲坎納腰于於坎以聽其際如衣之有指與蓋際爲坎故名衽每束一謂棺蓋縫每當束處用一衽也外以汩木爲槨木本曰端本堅而大梓大故積材頭爲其長六尺天子之哭諸侯也爵弁經紼編衣或曰便有司哭之爲之不以樂食

遠諸侯死而赴于天子天子哭之爵弁弁色青黑如爵頭也經麻經也紼衣卽端衣天子服爵弁端衣以哀降服也經加環經於弁上卽羔裘玄冠者易之

而已之意示小變也鄭氏以經爲衍字云麻不加于采夫爵弁緇衣旣可以哭不可以加經乎或曰以下並記所聞

天子之殯也敢積塗龍輅春以梓加斧于梓上畢塗屋天子之禮也唯天子之喪有別姓而哭

敢叢也用木叢樞四面塗之也輅載柩之車如牀四周有欄楯而畫龍于上故曰龍輅以梓者輅外叢木象梓四面圍之也斧黼也白黑曰黼繡黼爲覆棺之衣也周叢爲梓而開其上加黼衣內覆棺上又爲屋四注以覆之而下四面塗之也別姓者宗族爲同姓

禮記通解

卷三

五十九

禮記上

婚姻爲異姓無親者爲庶姓分類爲位而哭也魯哀公誄孔丘曰天不遺耆老莫相予位焉嗚呼哀哉尼父

誄類也類死者生平而哀之猶今之行狀挽辭云爾鄭康成謂因其字爲諡夫尼鳥足以諡聖人乎

按諡尼父而知哀公之愚矣誄以成諡誄其生不得行道而諡之曰尼尼泥也止不行也孟子云止或尼之抑不思孔子不得位誰尼之而遂用爲諡何異於里人之東家丘者解者曰聖人之行難盡列然則堯舜禹文何獨不字乎不然則鄭氏之說誤也誄耳非

證也

國亡大縣邑公卿大夫士皆厭業冠哭於大廟三日君不舉或曰君舉而哭於后土

厭冠喪冠厭帖不起也哭於大廟傷先業之虧也盛饌作樂曰舉君不舉自貶也后土社也哭於后土傷土地之削也

孔子惡野哭者

夫子嘗自言所知吾哭諸野謂設位為帷成禮也此

謂哭諸道路郊野無喪紀之位擗踊之節者也周禮衛放氏禁野叫呼行歌哭于國中之道者惡其驚衆

禮記通解

卷三

六十

禮記上

也或云如成子臯所譏野哉哭者然則所知哭諸野亦非夫子之言矣

未仕者不敢稅稅人如稅人則以父兄之命

稅稅同通作襚以衣服贈死曰稅古者斂尸用盛服

未仕則衣服不備故不敢以襚人如襚人有父兄在

必以父兄之命蓋衣服財幣不敢自專也王藻云親

在行禮於人稱父是也

士備入而後朝夕踊

臣於君喪朝夕哭踊各依位次踊必相視為節嗣君

孝子雖先入即位哭待衆集而後齊踊士卑最後入

士皆入則衆無不至者矣

祥而縞是月禫徙月樂

祥大祥縞生絹蒼白色以為冠也三年之喪二十五月而祥又間一月而禫期之喪十一月而練十三月而祥十五月而禫是月對徙月而言非即祥之月也徙月又越月也按前章云孔子既祥五日彈琴十日笙歌記言自矛盾如此

君於士有賜帑亦

帑幕也所以覆柩士必君賜而後有帑然則大夫以上有司自供之矣

禮記通解

卷三

六十一

禮記上

禮記通解卷三終

禮記通解卷四

郝敬解

檀弓下第四

君之適長殯車三乘公之庶長殯車一乘大夫之適長殯車一乘

此記葬殯之禮君諸侯也適適子公即君也適為君嗣庶為公子變君言公者適庶之分也公共也鄭玄云庶子言公卑遠之也庶衆也殯未成人死者十六至十九謂之長殯車謂送葬之車曾子問云下殯土周葬于園與機而往途邇故也古者葬殯無棺以牀禮記通解

卷四

禮記

機之屬輿尸葬之家園而已惟君之適子十九歲死者乃用棺斂載送以車其車三乘則適中殯二乘適下殯一乘可知也公子為庶者長殯車一乘則庶中下殯無車與機而往可知也大夫惟適長殯車一乘適中殯無車而庶殯益可知也

按鄭註以此車為殉葬之偶車載牲體藏之墳中者即所謂遣車非也遣車之名見于周禮巾車云大喪飾遣車又雜記云遣車視牢具置于四隅故鄭以四隅為墳中而以遣車為明器又後章晏子遣車一乘及墓而反國君七人遣車七乘大夫五個遣車五乘

送行曰遣謂送死者行之車云及墓及則是人所乘車明矣若明器土木偶車豈堪載牲體既納之墳又豈有反者

公之喪諸達官之長杖

公諸侯也達官謂姓名得通於君者若府史以下自辟用者不稱達官長官正也惟達官之長杖貳佐以下則否君喪羣臣皆斬衰不杖者斬衰而已矣君於大夫將葬弔於宮及出命引之三步則止如是者三君退句朝亦如之哀次亦如之

宮殯宮出謂柩將行出宮孝子攀號君命引柩前奔禮記通解

卷四

二

禮記

其情也引者三步輒止君又命引之如是者三柩乃行君遂去或當遷柩朝廟時君至或柩出門外倚廬之次君至其三命三引皆如之柩出宮門經倚廬孝子攀號于此尤切鄭以大門外賓客次舍之處為哀次恐非

五十無車者不越疆而弔人

五十始衰所謂不以筋骨為禮也弔遠喪使人代可也

季武子寢疾螭固不說齊衰而入見曰斯道也將亡矣士唯公門說齊衰武子曰不亦善乎君子表微反

其喪也曾點倚其門而歌

此記行禮絕俗之事季武子季孫夙魯大夫專政國  
人事之如君者也矯固人名猶論語長沮桀溺楚狂  
之類蓋因事立名矯矯通言能矯強固執也武子國  
人所畏矯固不脫凶服入見自言惟入國君門有凶  
服者脫之入大夫門不脫也此禮將亡我欲行此禮  
耳武子佯善之許其為表微表明也微細也倚其門  
而歌者不哀其死不脫齊衰而入者不幸其生然則  
武子之見棄於君子可知雖然凶服固在臨喪而歌  
非禮也記者始託名矯固末舉曾點亦以微致其譏

禮記通解

卷四

三

檀弓下

焉蓋曾點孔子之所謂狂也

大夫弔當事而至則辭焉弔於人是日不樂婦人不越  
疆而弔人行弔之日不飲酒食肉焉弔於葬者必執引  
若從柩及壙況上聲皆執紼拂喪公弔之必有拜者雖朋  
友州里舍人可也弔曰寡君承事主人曰臨君遇柩於  
路必使人弔之大夫之喪庶子不受弔

當事謂當斂殯有事之時辭謂擯者以主人有事告  
也哀樂不同日故弔日不樂婦人無外事故弔不出  
疆在路牽柩之索曰引下壙懸柩之索曰紼公弔謂  
公家使人來弔即當往拜謝初喪主人不能往則使

朋友與州里及喪家典舍之人代可也公使來弔其  
辭曰寡君承事主人往謝其辭曰辱臨君遇民之柩  
于路必使人弔之君於民有父母之惠也大夫之喪  
必適子為主適子不在庶子不敢受弔蓋賤者不敢  
為有爵者主若士庶無爵庶子受之可矣

妻之昆弟為父後者句死哭之適室子為主袒免哭踊  
夫入門右使人立于門外告來者狎則入哭父在哭於  
妻之室非為父後者哭諸異室

妻昆弟為父後者是妻父之冢嗣也適室已之正寢  
也已無服已子為舅總故子為喪主袒免哭踊皆子

禮記通解

卷四

四

檀弓下

也稱夫者對妻而言入門右入寢門西就客位避主  
也告來者謂來弔者至則以告也狎內戚也父在謂  
已有父在不敢哭于正寢而哭于妻之室妻黨也非  
為父後則妻之庶昆弟之喪也哭諸異室不干妻室  
也

有殯聞遠兄弟之喪哭于側室無側室哭于門內之右  
同國則往哭之

有殯親喪在殯也側室傍室遠于殯宮也門內大門  
內于右不為主也同國往哭他國則否

按前章言有殯聞遠兄弟之喪雖總必往此言同國

則往意相矛盾父母新喪而弔人之喪情亦未允  
子死會子有母之喪齊襄而往哭之或曰齊襄不以  
弔會子曰弔也與哉

有三季之喪不當弔人然同志之友死而哀痛猶深  
卽不脫齊襄往哭亦可弔也與哉言非弔也弔則麻  
經而已按雜記三季之喪不弔如有服將往哭之則  
服其服而往正與此合蓋哭死與弔生異弔生禮輕  
而哭死情重鄭註未達

有若之喪悼公弔焉子游損由左

悼公晉君哀公子損主人相禮者凶事尚右讓尊者

禮記通解

卷四

五

禮記通解

五

居右故由左凡吉事擯者出迎賓由右

齊穀告王姬之喪魯莊公爲之大功或曰由魯嫁故爲  
之服姊妹之服或曰外祖母也故爲之服

穀作告聲之轉也魯莊公桓公子齊襄公甥襄公淫  
女弟文姜而殺魯桓公則莊公之父讐也及襄公娶  
王姬莊公爲主婚王姬死告魯而莊公又爲服悖謬  
甚矣穀梁之例曰由嫁者死爲大功于禮無徵卽有  
之忘殺父之讐行由嫁之禮義所不出廢可也母之  
母曰外祖母服小功齊襄公夫人魯莊公舅之妻無  
服記誤矣

晉獻公之喪秦穆公使人弔公子重耳且曰寡人聞之  
亡國恆於斯得國恆於斯雖吾子儼然在憂服之中喪  
亦不可久也時亦不可失也孺子其圖之以告舅犯舅  
犯曰孺子其辭焉喪人無實仁親以爲實父死之謂何  
又因以爲利而天下其孰能說之孺子其辭焉公子重  
耳對客曰君惠弔亡臣重耳身喪父死不得與於哭泣  
之哀以爲君憂父死之謂何或敢有他志以辱君義稽  
顙而不拜哭而起起而不私子顯以致命於穆公穆公  
曰仁夫公子重耳夫稽顙而不拜則未爲後也故不成  
拜哭而起則愛父也起而不私則遠利也

禮記通解

卷四

六

禮記通解

六

晉獻公嬖驪姬殺世子申生公子重耳避奔狄秦穆  
公之夫人於重耳兄弟也獻公死穆公使子顯弔重  
耳勸之反國恆於斯謂得失在此時也喪出亡也孺  
子謂重耳嗣君在喪稱子舅重耳舅孤偃字子犯以  
告重耳告也辭勿受也喪人猶亡人仁親念父也實  
重也父死是何等事而乘此謀國也說猶解也客卽  
子顯稽顙以頭擊地盡哀也不拜不謝也不私不與  
使者私言也未爲後未爲嗣君主喪則不受弔拜謝  
也哭則哀父不私則無謀國之意而遠利所以爲仁  
也



按舅犯之訓重耳之對皆矯詐無實記者撫其事不察其心豈可爲行禮之法春秋于重耳蓋甚惡之惟殯非古也自敬姜之哭穆伯始也

柩在殯朝夕哭必揭其帷敬姜魯大夫穆伯妻夫死哭必以畫帷殯遠嫌也魯人效之後遂皆帷殯喪禮衰戚之至也節哀順變也君子念始之者也

孝子哀戚不可忍故先王制爲禮以達其情而又爲之節以防其過所以順其哀而變之非逆其情而遏之也君子于衰戚之至無可若何惟思親始生我待以終今當送終之日重自毀傷是負吾親也念此節禮記通解

卷四

七

復盡愛之道也有禱祠之心焉望及諸幽求諸鬼神之道也北面求諸幽之義也

復謂始死升屋招魂也不忍舍其親而望其復生極盡仁愛之道也求諸人不得而求諸鬼故曰有禱祠之心禱祠之心窮迫無可奈何也望及諸幽以下皆釋所以禱祠之義禮復者北面當幽州鬼方故曰求諸鬼神之道求諸幽之義所以爲禱祠也鄭康成以禱五祀解鑿矣

拜稽顙哀戚之至隱也稽顙隱之甚也

稽顙以顙擊地也隱痛也拜則五體投地而首爲五體之尊以顙擊地中情隱痛之甚無可奈何也

飯用米具弗忍虛也不以食道用美焉耳銘明旌也以死者爲不可別已故以其旗識之愛之斯錚之矣敬之斯盡其道焉耳重

奠以素器以生者有哀素之心也唯祭祀之禮主人自盡焉爾豈知神之所饗亦以主人有齊敬之心也

飯謂初死飯含不用飲食而用米與貝爲不忍死者口虛以美物實之非爲食也銘以帛書某氏柩所以明死者而旌別之也庶卽銘旌愛其親而不忍忘故禮記通解

卷四

八

錚其既死之名敬其親而不敢遺故盡其送死之道耳重以木爲之高三尺形如人北面左衽束帶擁食取易象大過不養不可動之義故曰重蓋死者竟鬼所依也重設于始死之時主立于纛虞之後始死未作主以重爲主也在廟曰主殷人既作主并重亦綴而懸于廟周人既作主則徹重而埋于廟門外始死至葬猶以人道事之有奠無祭器用素衣主質也既葬及虞則以神道事之卒祔練祥皆用祭器祭主敬盡禮也豈知死者真能來變惟自盡其齊敬之心而已哀敬兼至孝之至也



辟踊哀之至也有算為之節文也袒括髮變也愠哀之變也去飾去美也袒括髮去飾之甚也有所袒有所襲哀之節也

辟撫心也踊頓足也女辟男踊過毀傷生故為之算一踊三跳三踊九跳是為一節雜記云公七踊大夫五踊士三踊以殯日久近為踊之疏數皆所謂節文也肉袒括髮變其常也愠悶無聊至于戚嘆辟踊又哀之變也服御去飾情惡而去其美也去飾而至于袒括髮去飾之甚也袒而復襲其衣以節哀也

弁經葛而葬與神交之道也有敬心焉周人弁而葬殷禮記通解 卷四 九

人尋許而葬

厭冠麻經居喪之服也至葬則以弁易厭冠以葛易麻經也蓋喪主哀親之也至葬即于遠而時漸久以神明待之故有敬心焉致敬生文不純用凶也周之弁殷之尋皆祭冠王制云夏后氏叔而祭殷人尋而祭周人弁而祭故曰弁葛而葬者與神交之道也按葬用吉冠非禮也蓋制相似而疏麻布為之即喪冠也說者遂以祭山川解鑿也

歆主人主婦室老為其病也君命食之也

歆食粥也初喪三日主人主婦及家之長相皆不飲

不食三日為其病困以君命命食乃歆粥

反哭升堂反諸其所作也主婦入于室反諸其所養也反哭之弔也哀之至也反而亡焉失之矣於是為甚殷既封而弔周反哭而弔孔子曰殷已慙吾從周

此言既葬反哭之義主人升堂求諸其親存日行禮之處主婦入室求諸其舊所饋食之處而皆不復見其親哀痛於是為甚故其時賓有弔者殷禮甫葬即弔于墓周禮待其反哭弔于家臨穴盡哀殷禮大質草土之間猶見其墓不若反而亡焉之為甚故周人得之夫子所欲從也

禮記通解

卷四

十

葬於北方北首三代之達禮也之幽之故也既封主人贈而祝宿虞尸既反哭主人與有司視虞牲有司以几筵舍奠於墓左反日中而虞葬日虞弗忍一日離也是日也以虞易奠卒哭日成事是日也以吉祭易喪祭明日耐于祖父其變而之吉祭也比至於耐必於是日也接句不忍一日末有所歸也殷練而耐周卒哭而耐孔子善殷

北方國之北也殯則南其首從陽也葬則北其首從陰也三代通用之生則來而向明死則往而歸幽也贈以幣贈死者于墓時則祝先歸而戒虞祭之尸宿

夙通戒也既反哭即與有司省視虞祭之牲別令有司以几筵釋奠山陵之神于墓左為親託體于此也使有司者王人反虞也是日葬即葬日虞甫失其柩即安其神弗忍一日離親也未虞以前人道饋食奠而已至虞以神道奉祭易奠也虞安也安神也禮士三虞大夫五虞諸侯七虞虞而後卒哭卒哭而始祔虞用桑日靜以安也祔用剛日動以還也故虞間日一舉而祔即卒哭之明日卒哭者卒不絕聲之哭惟朝夕哭思至哭耳曰成事謂祭事以吉為成故卒哭之祭祝曰哀告成事也吉祭即卒哭祔于祖父廟孫禮記通解

與祖同昭穆也虞有常數而自葬至卒哭日尚遠如士期月葬三月卒哭大夫三月葬五月卒哭諸侯五月葬七月卒哭未卒哭主未祔其間祭不可缺故自虞漸變而之卒哭之吉祭也比及祔日祭相接續不忍使親之神一日無所歸如殷人期年練而後祔則期年之內祭必相接周人但卒哭即祔猶其近者夫子善殷善其不忍死親也

君臨臣喪以巫祝桃茢執戈惡之也所以異於生也喪有死之道焉先王之所難言也

桃性辟惡茢著幕以除不潔之以刺首為死者有凶

邪之氣故君弔則令巫祝以此三物辟除之人生則愛之死則惡之喪禮有惡死之道焉先王所不忍言也

按君臨臣喪親愛之情哀敬之道乃惡而辟之是後世人主貴倨之習先王必無是也

喪之朝潮也順死者之孝心也其哀離其室也故至於祖考之廟而后行殷朝而殯於祖周朝而遂葬

朝謂將葬以柩朝于祖而後行所以順死者之孝心也死者之心其必悲哀永離其室故辭于祖考也殷人尚質人死即以神事故而遠之始死即朝祖殯于廟

禮記通解

廟周人尚文親雖亡不忍亡之猶殯于寢比朝于廟而遂葬矣

孔子謂為明器者知喪道矣備物而不可用也哀哉死者而用生者之器也不殆於用殉乎哉其曰明器神明之也塗車芻靈自古有之明器之道也孔子謂為芻靈者善謂為俑者不仁不殆於用人乎哉

殆近也殺人從葬曰殉塗車以泥為車也芻靈以草為人也備以木為人有機能踊故曰備近于用人故夫子惡之

穆公問於子思曰為去舊君及服古與子思曰古之君

子進人以禮退人以禮故有舊君及服之禮也今之君子進人若將加諸膝退人若將隊諸淵云為我首不亦善乎又何反服之禮之有

穆公魯君哀公之曾孫戎首倡亂者

按此亦報怨復讐之意豈可樂施於君父孟子嘗為齊王陳此意蓋有為而發世主驕亢犬馬畜臣以此矯其過耳豈謂是為禮與檀弓蹈襲孟子語以孟子受業子思託為子思言未足信也

悼公之喪季昭子問於孟敬子曰為君何食敬子曰食粥天下之遠禮也吾三臣者之不能居公室也四方莫

禮記通解

卷四

十三

檀弓下

不聞矣勉而為瘠則吾能毋乃使人疑夫不以情居瘠者乎哉我則食食

悼公魯哀公季昭子季康子之曾孫名強孟敬子

孟武伯之子名捷不以情居瘠謂為瘠也昭子之問有補過之心孟孫之對小人而無忌憚矣

衛司徒敬子死子夏弔焉主人未小斂經而往子游弔焉主人既小斂子游出經反哭子夏曰聞之也與曰聞

諸夫子主人未改服則不經

司徒以官氏也此章之義與前曾子襲裘而弔章同

曾子曰晏子可謂知禮也已恭敬之有焉有若曰晏子

一狐裘三十年遺車一乘及墓而反國君七介遺車七乘大夫五个遺車五乘晏子焉知禮曾子曰國無道君子恥盈禮焉國奢則示之以儉國儉則示之以禮

晏子齊大夫晏嬰曾子稱其恭儉為知禮有若譏其一裘三十年不易儉於已也親死送葬止一車不待變而反儉於親也遺車送葬之乘車各以爵命貴賤為等引禮以證其失介同禮器云諸侯七介七牢大夫五介五年周禮大行人職諸侯之禮貳車七乘介七人禮七牢諸侯之卿其禮各下其君二等故葬車視貳車與介之數晏子之父亦大夫也而送葬止車一乘是辭費而廢禮也儉於已則是儉於親則非以儉廢禮不可然以儉矯俗亦可二子之說意各有主也

禮記通解

卷四

十四

檀弓下

按雜記云遺車視牢具又云既遣而包其餘儀禮既夕亦云包牲取下體謂取遺奠牲體包黍以送死者世俗用遺車載而之墓故雜記有子譏其非禮鄭康成讀今作箇為包肉之數以遺車為塗車載其包埋之墳中附會之謬也

國昭子之母死問於子張曰葬及墓男子婦人安位子張曰司徒敬子之喪夫子相男子西鄉婦人東鄉曰噫

句母曰我喪也斯沾爾專之句賓爲賓焉主爲主焉婦人從男子皆西鄉

國昭子齊大夫男子婦人謂主人家發男婦也子張引夫子已行之禮告之主家男子西向男賓在衆主之南主家婦人東向女賓在衆婦之南昭子不從以意自定爲主人西鄉之禮噫疑嘆聲母禁止辭斯遂也沾爾猶言沾沾爾自用貌昭子欲行已說故戒子張曰爾毋謂我喪我遂沾然自主之賓主異位婦人從男子皆當西向

禮記通解

卷四

主

禮記下

按禮莫辨于男女雖凶遽之中亦必有別婦人男子同位非禮也雖賓主有東西而野外無堂階不幾于瀆亂乎鄭以我喪也斯沾爲句欠通

穆伯之喪敬姜晝哭文伯之喪晝夜哭孔子曰知禮矣穆伯其夫也故喪止于晝哭文伯其子也故喪晝夜哭禮制原不及此而聖人以知禮稱學者可通于禮

義矣

文伯之喪敬姜據其牀而不哭曰昔者吾有斯子也吾以將爲賢人也吾未嘗以就公室今及其死也朋友諸臣未有出涕者而內人皆行哭失聲斯子也必多曠於禮矣夫

文伯名歆敬姜子敬姜以宗婦得出入公室向以其子爲賢未與俱入觀其所行而今死僚友無哀者唯妻妾有哭聲始知生平缺於禮故恨之

季康子之母死陳襄衣敬姜曰婦人不飾不敢見舅姑將有四方之賓來襲衣何爲陳於斯命徹之敬姜康子之從祖母

有子與子游立見孺子慕者有子謂子游曰予壹不知夫喪之踊也予欲去赴之父矣情在於斯其是也夫子

游曰禮有微情者有以故興物者有直情而徑行者戎狄之道也禮道則不然人喜則斯陶陶斯味斯猶如

禮記通解

卷四

六

禮記下

猶斯舞舞斯愠愠斯戚戚斯歎歎斯辟辟斯踊矣品節斯斯之謂禮人死斯惡之矣無能也斯倍之矣是故制絞衾設簋柳嬰爲使人勿惡也始死脯醢之奠將行遣而行之既葬而食之未有見其饗之也自上世以來未之有舍也爲使人勿倍也故子之所刺於禮者亦非禮之訾也

此章言聖人制禮之意最爲明切孺子慕言哀素無節文也壹果確之辭有若以孺子之號踊爲真切而疑踊有算之非情故子游謂禮本飾情也情太盛則以禮微而殺之情不達則因其故而興物焉微情者

節也與物者文也節文者禮也無節文而直情徑行者戎狄之道也禮之爲道不然人情喜則充然陶陶則歌咏咏則拊手應節而猶極則舞舞極則憊而生愠愠則憂戚戚則慨歎歎則撫心撫心則跳踊此人情自然流溢至此如孺子之慕莫知其然苟任情直行何有窮極是以先王微情與物列之以品級限之以節制斯之謂禮是故人死則厭惡之絞衾柳襲之飾使人勿厭也死者無能則倍棄之奠送食饗之設使人勿棄也此皆微情與物品節之道踊之有節正以此耳豈足爲禮之訾議乎

禮記通解

卷四

七

檀弓下

按猶之言如也與由通自然嚮赴之意人歌則抵掌頌足按節而應謂之猶莫知其所以然而然是起舞之漸也鄭康成作搖未聞歌有搖者

吳侵陳斬祀殺厲師還出竟陳大宰嚭不使於師夫差謂行人儀曰是夫也多言蓋嘗問焉師必有名人之稱斯師也者則謂之何大宰嚭曰古之侵伐者不斬祀不殺厲不獲二毛今斯師也殺厲與不其不謂之殺厲之師與曰及爾地歸爾子則謂之何曰君王討敵邑之罪又矜而赦之師與有無名乎

吳侵陳事在魯哀公元年斬祀伐神壇之木也殺厲

殺疫癘之人也大宰嚭吳大宰名嚭行人儀陳行人

名儀記誤也夫差吳王名是夫指行人多言謂善應

對二毛老人髮斑白也引三事而獨言殺厲者重民

也爾子所獲人民也師與有無名乎者言如此則此

師又豈可以無名議之蓋疑辭不直許之也

顏丁善居喪始死皇皇馬如有求而弗得及殯望望馬

如有從而弗及既葬慨焉如不及其及而息

顏丁魯人始死在殯猶見其柩既葬而反迎神以歸

而不見其親未知親之與我同反否也故且行且息

以待之

禮記通解

卷四

大

檀弓下

子張問曰書云高宗三年不言言乃譴有諸仲尼曰胡爲其不然也古者天子崩王世子聽於冢宰三年

言號令也謹猶歡也令出而人心悅謂三年喪畢之後也王世子嗣王也在喪稱子當時三年之喪不行

子張所疑在不言夫子所然在喪解者以默默附會

非也儻冢宰匪人三月聽不可況三年乎必若斯禮

伊周爲宰而後可

知悼子卒未葬平公飲酒師曠李調侍鼓鐘杜蒧快自

外來聞鐘聲曰安在曰在寢杜蒧入寢歷階而升酌曰

曠飲斯又酌曰調飲斯又酌堂上北面坐飲之降趨而

出平公呼而進之曰黃囊者爾心或開予句是以不與爾言爾飲曠何也曰子卯不樂知悼子在堂斯其為子卯也大矣曠也太師也不以詔是以飲之也爾飲調何也曰調也君之襄臣也為一飲一食忘君之疾是以飲之也爾飲何也曰黃也宰夫也非刀匕是共又敢與知防是以飲之也平公曰寡人亦有過焉酌而飲寡人杜賁洗而揚解志公謂侍者曰如我死則必毋廢斯爵也至于今既畢獻斯揚解謂之杜舉

知悼子晉大夫荀營也平公晉侯彪也開予猶言起予謂爾的不言心或欲開示我也桀以乙卯日亡紂

禮記通解

卷四

十九

檀弓

以甲子日死此二日君不舉樂致戒也在堂殯未葬也雜記曰君於卿大夫比葬不食肉比卒哭不舉樂太師樂官不詔不告也喪臣近臣君疾猶君過也宰夫職在刀匕不專供已職而敢與知諫諍防閑之事是侵官也解飲酒之器揚舉也洗致潔也爵即解也公叔文子卒其子戍庶請諡於君曰日月有時將葬矣請所以易其名者君曰昔者衛國凶饑夫子為粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制以與四鄰交衛國之社稷不辱不亦文乎故謂之貞惠文子

公叔文子衛獻公之孫名拔大夫士三月而葬君拔其生平而賜之諡以代名也君衛靈公也曾昭公二十年衛有齊豹之難靈公避于死鳥班謂尊卑之次制謂多寡之節皆所以交鄰之禮也

按公叔文子之為文孔子不滿之僅取其薦家臣僕一事與論孔文子之文正同則其生平碌碌可知靈公雖極標榜而大臣不能佐君賑民為窮與餓者市私恩耳齊豹之亂以死衛君事亦無聞春秋諸侯卑禮事盟主其何國不然孟子所謂人役也何不辱之有皆不可為訓

禮記通解

卷四

二十

檀弓

石鮒音仲卒無適子有庶子六人卜所以為後者曰沐浴佩玉則兆五人者皆沐浴佩玉石祁子曰孰有執親之喪而沐浴佩王者乎不沐浴佩玉石祁子兆衛人以龜為有知也

鮒仲衛大夫沐浴佩玉穆卜之禮如是龜乃肯兆兆謂吉凶之象此卜人之言也親喪不容飾沐浴佩玉非禮故石祁子不肯建禮求福而鬼神從之此所謂龜有知也石祁子兆謂兆與石祁子也

陳子車死於衛其妻與其家大夫謀以殉葬定而后陳子亢至以告曰夫子疾莫養法於下請以殉葬子亢曰



以殉葬非禮也雖然則彼疾當養者孰若妻與宰得已則吾欲已不得已則吾欲以二子者之為之也於是弗用

陳子車齊大夫子亢即子禽孔子弟子子車昆弟也家大夫即宰也殺人送死曰殉定謂已定所殺之人下謂臣僕之屬生不得受下人之養故死欲以下人從葬妻與宰主殉葬之謀者也故子亢危言以懼之士君子能以人之痛癢譬諸身則害人之事息矣若子亢者殆遊于聖人之門而聞禮者與

子路曰傷哉貧也生無以為養死無以為禮也孔子禮記通解卷四

曰啜菽飲水盡其歡斯之謂孝斂手足形還旋葬而無槨稱其財斯之謂禮

還旋通便也言死便葬不待三月之期也無以為禮無財以為衣衾棺槨明器薦送之禮也此子路食藜藿百里負米之時觀夫子所謂禮則禮之義亦可知也

衛獻公出奔及於衛及郊將班邑於從者而后入柳莊曰如皆守社稷則孰執羈勒而從如皆從則孰守社稷君及其國而有私也母乃不可乎弗果班魯襄公十四年衛獻公以孫林父甯殖之亂出奔至

二十六年始及國絡馬曰羈韉馬曰勒言居者從者均之為國不宜私賞也

衛有大史曰柳莊寢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以禭之與之邑裘氏與縣潘氏書而納諸棺曰世世萬子孫毋變也以衣服贈死曰襚裴氏潘氏二邑名屬邑曰縣

按柳莊於衛果社稷臣未聞與文子伯玉諸人俱稱也當祭而告疾亟不已遽乎喪禮斂用祭服不釋祭服往襚不已重死者而輕神乎賜封券納諸棺死者

禮記通解卷四其能食茲土乎皆非禮也

陳乾昔寢疾屬其兄弟而命其子尊已曰如我死則必大為我棺使吾二婢子夾我陳乾昔死其子曰以殉葬非禮也況又同棺乎弗果殺

尊已陳乾昔子也父亂命不從不陷其親于惡也

按殺人殉葬戎狄之惡俗秦武公為之其後穆公效之中諸侯惟宋文公亦效之然猶國君也陳子車陳乾昔以人臣亦欲為此王政不綱殺人無忌憚一至于此尚可與言禮乎

仲遂卒于垂壬午猶繹萬入去聲蕭仲尼曰非禮也卿

率不繹

仲遂魯大夫垂齊地名繹者祭明日重尋祭禮以賓尸卽商書彤日也壬午繹則辛巳祭萬者舞之總名籥管屬籥者吹籥去籥無聲舞也卿卒則不繹既繹則不得廢樂故夫子非之

季康子之母死公輸若方小斂般請以機封將從之公肩假曰不可夫魯有初公室視豐碑三家視桓楹般爾以人之母嘗巧則豈不得以其母以嘗巧者乎則病者乎噫弗果從

此言大事當用舊典公輸若魯之巧匠若字般名也

禮記通解

卷四

二十三

檀弓下

與於小斂之事因請他日葬已爲機以封般請自稱其名請也機封謂爲機關轉動下棺不用碑繹也將從謂許至葬時用之也公肩假人姓名有初猶言有故典豐大也豐碑天子之制也桓楹諸侯之制也視猶比也豐碑斲大木爲碑形豎棹四隅中施鹿盧以紼下端繫棺上端繞鹿盧使人負碑拽紼聽鼓聲却行而漸下也桓楹制如今橋傍華表四植爲桓楹柱也通言之亦謂之碑公室僭天子三家僭諸侯以爲故與亦不自知其非矣般以人之母嘗試已巧於爲匠之術得矣爲人子者以其母以嘗匠之巧乎於心

不病乎噫歎辭鄭解若般爲兩人斷方小爲句謬也戰于郎公叔禺人遇負杖入保者息曰使之雖病也任之雖重也君子不能爲謀也士弗能死也不可我則既言矣與其鄰重汪錡往皆死焉魯人欲勿殤重汪錡問於仲尼仲尼曰能執干戈以衛社稷雖欲勿殤也不亦可乎

郎之戰齊人伐魯在魯哀公十一年公叔禺人昭公之子公爲也遇魯人避寇入保城邑者負杖以扶荷物息休于途也因歎徭役使人之困賦稅責人之重卿大夫不能爲之謀士又不能致其死於禮不可既

禮記通解

卷四

二十四

檀弓下

言之遂欲行之負杖蓋老人也與其鄰之童子名汪錡者共赴闕死童死曰殤喪禮殺成人魯人爲其死忠欲勿殤與禺人皆以成人禮葬問於夫子夫子以爲可重當作童

子路去魯謂顏淵曰何以贈我曰吾聞之也去國則哭于墓而后行及其國不哭展墓而入謂子路曰何以處我子路曰吾聞之也過墓則式過祀則下

行者問贈居者問處哭墓哭其無主也展省謁也不忘丘隴去則必返故爲行者言之式墓下祀則州里鄉黨無往不敬矣故爲居者言之



工尹商陽與陳弃疾追吳師及之陳弃疾謂工尹商陽曰王事也子手弓而可句手弓句子射諸射之斃一人斃弓又及謂之又斃二人每斃一人併其目止其御曰朝不坐燕不與去聲殺三人亦足以反命矣孔子曰殺人之中又有禮焉

工尹楚官名弃疾楚公子弃疾為陳尹追吳師事在魯昭公十二年手弓商陽手執弓也斃什死也報報弓也掩其目不忍視也士于朝不坐于燕不與位卑而禮輕也夫寇窮可以無追君命又不可廢酌而行之所以為禮然以為孔子之言乎亦未似也

禮記通解

卷四

二十五

禮下

諸侯伐秦曹桓宣公卒于會諸侯請舍使之襲襄公朝于荆庫王卒荆人曰必請襲魯人曰非禮也荆人強之必先拂柩荆人悔之

此記諸侯失禮之事晉以諸侯伐秦事在魯成公十三年曹伯廬卒于師曹宣公也誤作桓請舍請于晉也晉厲公為盟主使諸侯襲之奉舍朋友有相咬之禮奉衣襲尸賤者之事非禮也魯襄公朝楚事在襄公二十八年楚庫王卒楚人強襄公襲是以臣過之也魯使巫人先拂除柩以君禮自處也乃所以報之然皆非禮

滕成公之喪使子叔敬叔弔進書子服惠伯為介及郊為懿伯之忌不入惠伯曰政也不可以叔父之私不將公事遂入

滕成公之喪在魯昭公三年子叔敬叔魯宣公弟叔弓也桓公之七世孫惠伯名叔桓公之六世孫以世次則惠伯於敬叔為叔父而懿伯又惠伯之叔父也進書奉弔書也介副使也忌忌日及滕郊而當惠伯叔父之忌日敬叔欲暫息惠伯以為不可遂入禮也鄭庫成解忌為怨恐非

禮記通解

卷四

二十六

禮下

子曰黃尚不如杞梁之妻之知禮也齊莊公襲莒于奪杞梁死焉其妻迎其柩於路而哭之哀莊公使人弔之對曰君之臣不免於罪則將肆諸市朝而妻妾執君之臣免於罪則有先人之敝廬在君無所辱命辟避也避于道傍畫宮室之位而受弔非禮也齊莊公襲莒事在魯襄公二十三年杞梁齊臣即杞殖奪鄭作兌狹路也妻妾執古所謂挈戮也無所辱命言當弔于家曾子譏黃尚不如杞梁妻亦以見哀公之失禮故記者併記其事明之

禮子貢

之喪哀公欲設機

問於有若。有若曰其可

也君之三臣猶設之顏柳曰天子龍輅春而棹幃道諸侯輅而設幃為榆沈沉故設撥三臣者廢輅而設撥竊禮之不中去聲者也而君何學焉

讀魯哀公少子撥作緯大繩即紼也棺自有引別用大繩以引柩車三臣季孟叔三家輅載柩之車天子畫龍于上載木于棺外為棹而幃棺以繡黼即前章所謂加黼于棹上是也諸侯有輅無龍有幃無棹榆木堅忍以為輅沈重也輅車重難行故設撥以引之既廢輅則不須撥無輅而設撥三家竊禮之不稱者又何效焉鄭註謂以水澆榆白皮汁灑地滑車迂鑿禮記通解 卷四 二十七

可笑滑車何必榆汁也悼公之母死哀公為之齊衰有若曰為妾齊衰禮與公曰吾得已乎哉魯人以妻我

悼公名寧疑即公子荆其母嬖而哀公立以為夫人事見春秋傳禮諸侯絕旁期妾與服惟大夫於貴妾總哀公為其立而有子故服稱國人文過之辭

季子臯葬其妻犯人之禾申詳以告曰請庚之子臯曰孟氏不以為是罪予朋友不以為是棄予以吾為邑長上聲於斯也買道而葬後難繼也

子臯高柴也犯微傷也禾道傍禾稼庚償也子臯為

孟氏成邑宰葬妻柩行所過微損民禾而必責償是并耕而治之道也故曰難繼君子謂子臯知大體鄭康成謂恃寵虐民是何言與

仕而未有祿者君有饋焉曰獻使焉曰寡君違而君薨乃為服也

此記國君養賢之禮仕而未有祿如孟子在齊于思在魯之類立於其朝而不以官詔食君使廩人繼粟庖人繼肉則曰獻不言賜也使者致君命則稱寡君不以主君自居也有故違而去之君薨則無服非舊臣也在國則亦服之孟子居春秋用此禮鄭註未達禮記通解 卷四 二十八

虞而立尸有几筵卒哭而諱生事畢而鬼事始已既卒哭宰夫執木鐸以命于宮曰舍故而諱新自寢門至于庫門二名不偏諱夫子之母名徵在言在不稱徵言徵不稱在

既葬而虞則親形已藏故立尸象之初死有奠而無席大斂有席而無几至虞始備几筵漸去人而即鬼也諱避死者名稱諱也名以生得諱因死成周官宰夫大喪小喪掌其戒令故卒哭宰夫以諡令于宮中曰舍故諱新故謂名新謂諡也舍其舊日之名而稱新諡以諱之也鄭註謂故為高祖之父當遷者則舍

之不諱也寢門在內庫門在外二名不偏諱禮也  
舉夫子之不偏諱以證之

軍有憂則素服哭於庫門之外赴車不載藥高張有

其先人之室則三日哭故曰新宮火亦三日哭

軍勝還曰愷敗還曰憂哭於大門外君自引咎不安

也或曰庫門近宗廟也赴車告敗之車囊甲衣韞子

衣不載二物示欲復讐甲不囊子不韞也先人之室

謂宗廟也魯成公三年宣公廟新成而火三日哭傳

春秋者以為禮故記者引以證之

按此章後儒說春秋之例而援以為禮耳秦穆公殺

禮記通解

卷四

二十九

禮記

之敗素服郊次嚮師而哭三敗求復竟以無功春秋

未嘗予之而左氏顧亟稱之兵貪不悔焚舟破釜以

尋于干戈烏得為禮魯宣公廟新成火三日哭公穀

傳以為禮胡安國謂主未入廟故稱新宮無主而哭

非禮也是烏足據乎

子過泰山側有婦人哭於墓者而哀夫子式而聽之

子路問之曰子之哭也壹似重有憂者而曰然昔者

吾舅死於虎吾夫又死焉今吾子又死焉夫子曰何為

不去也曰無苛何政夫子曰小子識之苛政猛於虎也

壹似猶言甚似而曰猶乃曰婦人輟哭乃答也此章

之言於禮無當記者但因其哭墓錄之大似諸子寓  
言事不必實而其言可警為政者

魯人有周豐也者哀公執摯至請見之而曰不可公曰

其已夫使人問焉曰有虞氏未施信於民而民信之

后氏未施教於民而民敬之何施而得斯於民也對

曰墟墓之間未施哀於民而民哀社稷宗廟之中未施

敬於民而民敬殷人作誓而民始畔周人作會而民始

疑苛無禮義忠信誠慤之心以涖之雖固結之民其不

解乎

我其已謂止而不強請也信敬無迹可施然豈有無

禮記通解

卷四

三

禮記

施而受者亦猶人在墟墓廟社之內自生哀敬精誠

感通豈在言語形迹要結乎此禮之本也

按殷人作誓據湯誓而言然夏已有之周人作會指

五霸歃血之事詩云君子屢盟亂是用長五霸之會

春秋所惡也豈文武周公而有是禮與

不慮居毀不危身喪不慮居為無廟也毀不危身為

後也

備亡曰慮慮居謂典賣田宅以供喪具也危身謂哀

毀傷生也

延陵季子適齊於其友也其長子死葬於贏博之間孔

子曰延陵季子吳之習於禮者也往而觀其葬焉其坎深不至於泉其斂以時服既葬而封廣輪揜坎其高可隱也既封句左祖句右還其封且號者三句曰骨肉歸土土命也若魂氣則無不之也無不之也而遂行孔曰延陵季子之於禮也其合矣乎

延陵季子吳公子札也嬴博齊二邑名坎墳也不至泉淺深得宜也時服隨時寒暑之服封墳廡也橫曰廣從曰輪可隱高比人也凡吉祖皆尚左凶祖皆尚右季子達命自寬祖從吉也還環也三謂遠墓三市也骨肉形也形死造物歸藏故曰命魂氣神也神散禮記通解 卷四 三十一

按禮焉長子三年喪可謂重已季札長子死于道路而不歸葬附身附棺隨時而止孔子以為合禮乃知禮非盡有故常也賢人君子因時制宜皆謂之禮藏博之葬豈其有故典乎

邾婁閩考公之喪徐君使容居來弔舍曰寡君使容居坐舍進侯王其使容居以舍有司曰諸侯之來奪敝邑

者易則易于則于易于雜者未之有也容居對曰容居聞之事君不敢忘其君亦不敢遺其祖昔我先君駒王西討濟於河無所不用斯言也容居魯人也不敢忘其祖

此記諸侯之僭禮也邾徐皆東海之國邾小而徐大徐君使其臣容居弔邾君之喪且致舍王禮諸侯相為親舍惟天子之大夫可以舍諸侯徐君以王禮自處使臣舍辭稱侯妄也易直也于迂也易則易于則于猶言是曰是非曰非也徐君以諸侯而僭天子容居以大夫而比諸侯致辭譎張易于雜也駒王徐之禮記通解 卷四 三十一

先君僭稱王用斯言謂用天子命諸侯之言今用于邾是不敢忘其君也又言已雖仕徐其先祖魯人魯人守禮不敢忘其祖也春秋時推魯人知禮如滕父兄百官亦曰吾宗國魯先君莫之行下章仲叔妻喪夫亦稱魯人鄭氏以魯鈍解恐非

思之母死於衛赴於子思子思哭於廟門人至曰庶氏之母死何為哭於孔氏之廟乎子思曰吾過矣吾過矣遂哭於他室

子思之母再嫁於衛之庶氏母出而子不易故子思猶哭于廟不忍踈也然於義已絕俟人言至而後改

哭所以達于用禮也

接子思之母必無再嫁之失哭母而自以為過不似孝子迫切之辭好事者脩飾不足信也

天子崩三日祝先服五日官長服七日國中男女服三天下服虞人致百祀之木可以為棺槨者斬之不至者廢其祀勿<sub>文上</sub>其人

三五等日以遠近為先後祝佐合斂袒免括髮襲帶經與主人同時故最先服五日成服故朝臣百官皆服國中男女聞計始製服故稍後五月而後服徧天下百祀謂百神祠廟壇場之木

禮記通解

卷四

三十三

檀子

按一人喪而百祀之木豈致可勝用手不至輒廢其祀勿其人刑不已濫乎註疏謂天子喪百神同哀此秦政所為赭湘山也者而何足法與記若經夫子手此等宜從刪鄭玄輩一一附合何以行之

齊大饑黔敖為食於路以待餓者而食之有餓者蒙袂履屨貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終不食而死曾子聞之曰微與其嗟也可去其謝也可食

黔敖齊人蒙袂以兩手抱首也袂袖也輯斂也輯屨

行不前也饑困之狀貿貿昏憤也嗟來者憐而招呼之辭不食惡其無將迎之禮也微細也言嗟來非失禮之大者

按此章即孟子所謂羞惡之心人皆有之呼爾而與乞人不屑也萬鍾不辨禮義而受不恤於辭嗟來者乎如拘其說以行禮則設粥待貧者必三揖而進再拜而後受亦不可行矣

邾婁定公之時有弑其父者有司以告公瞿然失席曰是寡人之罪也曰寡人嘗學斷斯獄矣臣弑君凡在官者殺無赦子弑父凡在官者殺無赦殺其人壞其室洿

禮記通解

卷四

三十四

檀子

其宮而洿焉蓋君踰月而後舉爵

瞿然驚顧貌臣弑君子弑父非一人之謀其徒必多故當窮治其黨毀其宮室以絕其跡洿池也豬大澤也君踰月不舉爵憂亂也其懲恣如此故春秋時邾婁無弑逆之禍

獻文子成室晉大夫發焉張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要<sub>平聲</sub>領以從先大夫於九京也北面再拜稽首君子謂之善頌善禱

獻文子趙武諡也鄭康成以獻為賀鑒也發猶落也

始新之名張老亦晉大夫輪囷高大貌與煥爛光華貌歌謂行禮奏樂哭謂死喪送終國族謂僚友宗親三言於斯謂子孫世守無以復加也頌而寓箴不以哭死為諱故謂之善頌武子喻其意而拜謝稱祖考惟以保要領為祈故謂之善禱蓋謂莫利于遠禍而安莫美于無危所以善也要領猶言身首九京即九原晉卿大夫墓地高曰京平曰原

仲尼之畜狗死使子貢埋之曰吾聞之也敝帷不棄為埋焉也敝蓋不棄為埋狗也丘也貧無蓋於其封也亦子之席母使其首陷焉路馬死埋之以惟

禮記通解

卷四

三十五

禮記

畜狗謂馴守之狗路馬人君駕車之馬帷牀帷蓋雨具獸死則首垂束之以席不使首陷於土也帷蓋所常用狗馬所常畜常用者敝而不棄常畜者死而不忍以其所不棄埋其所不忍仁之至義之盡是謂之禮

孫之母死哀公弔焉曾子與子貢焉問人為君在加內也曾子與子貢入於其廡而脩容焉子貢先入問人曰鄉者已告矣曾子後入問人辟之涉內露卿大夫皆辟位公降一等而揖之君子言之曰盡節之道斯其行者遠矣

此明士君子容貌不可不莊而其說及近鄙陋將以譽二賢而適以毀之未脩容則門者不納既脩容則門者不敢止卿辟位公降等而揖然則二子在外一容而入謁貴人又一容是市井之行也魯之君臣孰不知有二賢者豈為見其容而下之手記言不足信也

陽門之介夫死司城子罕入而哭之哀晉人之視宋者反報於晉侯曰陽門之介夫死而子罕哭之哀而民說殆不可伐也孔子聞之曰善哉規國乎詩云凡民有喪扶服救之雖微晉而已天下其孰能當之

禮記通解

卷四

三十六

禮記

此明禮讓得人之效陽門宋國門也司城即司空子罕樂喜也規會非也言雖非晉國而已即天下之人誰能當之

魯莊公之喪既葬而經不入庫門士大夫既卒哭麻不

此記喪禮之失魯莊公薨于般嗣立慶父弑之而立閔公國內大亂嗣君送葬歸吉服御事以變廢禮也麻經不入大門則虞祔練禭之禮盡廢矣君不經故臣皆去麻麻即經也經麻不入則衰可知

孔子之故人曰原壤其母死夫子助之沐槨原壤登木

曰父矣子之不託於音也歌曰狸離首之斑叶然執女手之卷然夫子為弗聞也者而過之從者曰子未可以已乎夫子曰丘聞之親者毋失其為親也故者毋失其為故也

此聖人處故舊之禮沐浴也將葬治棺也登升也積材為槨壞升其木上若為有所望而思故託於音託寄也言在喪父未寄情於聲歌也狸首古天子射侯之樂歌狸之言不來也諸侯不來者射之此託為所思者不來望其翩然而至也斑翩通執手既見握手也卷拳通婉柔貌居喪而歌此故夫子惡之若為弗

禮記通解

卷四

三十七

檀弓下

聞不屑教而包容之也過不顧也已絕交也親謂母子故謂朋友勿失言當各自盡不忍遽棄也按原壤任放之徒以禮法為牽縲非真忘親也其志欲一生死齊哀樂矯情肆言行似不經而心實未嘗死習於禮者惡之而聖人道大德宏為能容之天地之大何物不有故者勿失亦聖人之權辭難為下學深言之也苟以其故而已則始何為而與之友乎宰我一言短喪斥其不仁親死廢禮猶引為故人至夷居以俟扣其跽數其不弟而卒不與之論禮然則聖人固不可測而原壤抑亦未可測也此意記者所未

俞

趙文子與叔譽觀乎九原文子曰死者如可作也吾誰與歸叔譽曰其陽處父乎文子曰行并植於晉國不沒其身其知不足稱也其舅犯乎文子曰見利不顧其君仁不足稱也我則隨武子乎利其君不忘其身謀其不遺其友晉人謂文子知人文子其中退然如不勝升衣其言訥訥然如不出諸口所舉於晉國管庫之士七十有餘家生不交利死不屬其子焉

趙文子晉大夫趙武也叔譽羊舌肸字叔向九原即九京謂晉先臣如可再生吾將誰從欲評論前人賢

禮記通解

卷四

三十八

檀弓下

否也陽處父材幹兼人為狐射姑所殺故不智舅犯從晉文公及國及河授壁請辭以要君自利故不仁隨武子士會也食邑于隨從先蔑迎公子雍于秦友而靈公已立與先蔑同奔秦數年不見先蔑而歸故曰利君不危身全身不損友趙文子為人形體癯弱故曰退然如不勝衣短於說辭故曰訥訥如不出口管所以啓鍵即今鑰匙也庫以藏財用管庫之士賤役也薦其賢能者于晉君大用之雖有提拔之恩而生不與交利死不以其子託之其公廉如此叔仲皮學子柳叔仲皮死其妻魯人也衣衰而繆經叔



仲衍以告請總衰而環經曰昔者吾喪姑姊妹亦如斯末吾禁也退使其妻總衰而環經

此記衰服輕細之非禮叔仲氏皮名未詳何國人叔仲衍蓋其兄弟也子柳疑卽泄柳皮從學子柳其妻又魯國人素聞禮當世謂魯爲禮教之國故容居亦自稱魯人以此妻爲夫服斬衰絞經禮也叔仲以告子柳請從俗爲總衰環經布細而疎者曰總環經首經細而無缺項如環蓋弔服之類非夫喪之服且曰昔吾有姑姊妹之喪皆服此未有以爲非而止我者流俗之見非禮子柳所以不答也衍退使其妻爲是

禮記通解

卷四

三十九

檀弓下

服以服其兄尤非也禮姑姊妹適人死爲大功在室齊期男子之服旣不可比於婦人而夫之喪尤不可比姑姊妹叔嫂不相爲服衍妻爲皮服豈知禮者乎成人有其兄死而不爲衰者聞子臯將爲成宰遂爲衰人曰蠶則績而蟹有匡范則冠而蟬有綏兄則死而臯爲之衰

此言禮由上興也成魯邑禮兄喪齊衰成人有兄死而不爲衰者聞子臯爲宰乃衰是衰非爲兄爲子臯耳故邑人託物形相似而不相關者譏之蠶有緣故曰績績用匡而匡乃在蟹之背蟹甲似匡也范蜂也

冠纓之垂者曰綏蜂首似冠冠有綏而綏乃在蟬之項蟬喙長在口下似綏也以譬成人兄死宜有服不服服乃爲子臯耳

不正子春之母死五日而不食曰吾悔之自吾母而不吾情吾惡乎用吾情

禮親喪三日不食子春五日勉強爲之故悔曾子七日不食而不聞悔誠故也

歲旱穆公召縣子而問然曰天久不雨吾欲暴

而奚若曰天則不雨而暴人之疾子虐母乃不可與

然則吾欲暴巫而奚若曰天則不雨而望之愚婦人於

禮記通解

卷四

四十

檀弓下

以求之母乃已疏乎徙市則奚若曰天子崩巷市七日諸侯薨巷市三日爲之徙市不亦可乎

起父病羸瘦之人偃臥向天世俗旱則曝之企天哀

之而雨也巫所以接神男曰覲文曰巫周禮文巫旱

則舞雩曝之者亦何之而雨也徙市者國有凶

喪則衆人憂戚市井廢交易故天子諸侯喪國人罷

市有所需則市于巷改市于巷故曰徙遇災舉國改

徙以示脩省庶天變可回然有虛文無實意亦不可

也

孔子曰衛人之祔也離之魯人之祔也合之善夫



附合葬也。離謂不同穴。以土隔之。合謂同穴。既謂之附。何以又離。

記通解卷四終

記通解

卷四

四十一

禮字下

禮記通解卷五

王制第五

郝敬解

王制。漢文帝時博士所撰也。古帝王之法。至周大備。山東遷而文武典章壞。孔子不得在位。脩六籍以詔來許。旋經七國大亂。處士橫議。再更秦紀。舜教衰殘。至漢而孔氏遺書盡矣。文帝世。天下初定。始除挾書律。學士大夫相與收拾遺文。補緝舊編。一縷之緒。彷彿希微。耿耿唯寸靈為千古耳。孟子生周末。距孔子所纔百有餘歲。其詳已謂不可得聞。況暨劉漢五百。

禮記通解

卷五

一

王制

年之後乎。故先儒謂王制不必句句求解。然以僅存之緒。復不求解。則思考古人制作之意。末由也已。但真贗可否。貴學者自得。如鄭康成輩。輾轉傳會。好信不通方。則無謂耳。

王者之制。禘爵。公侯伯子男。凡五等。諸侯之上大夫卿。八夫。上士。中士。下士。凡五等。天子之田。方千里。公侯。方百里。伯。七十里。子男。五十里。不能五十里者。不合於天子。附於諸侯。曰附庸。天子之三公之田。視公侯。天子之卿視伯。天子之大夫視子男。天子之元士視附庸。制農田百畝。百畝之分。上農夫食九人。其次食八人。

其次食七人其次食六人下農夫食五人庶人在官者其祿以是爲差也諸侯之下士視上農夫祿足以代其計也中士倍下士上士倍中士下大夫倍上士卿四大祿君十卿祿次國之卿三大夫祿君十卿祿小國之卿大夫祿君十卿祿次國之上卿位當大國之中中其下下當其上大夫小國之上卿位當大國之下卿中當其上大夫下當其下大夫其中有中士下士者數各居其上之三分

制祿爵猶孟子言班祿爵也公者無私之名其德公平也侯也天道以五氣爲侯王者以列辟爲侯侯禮記通解

卷五

二

王制

王者爲順逆也伯長也或曰伯白也明白於德也子慈養之名男任事之名此五等爵之班於天下者也諸侯者公以下五等之通稱其臣各有卿大夫士大夫貴者曰卿卿嚮也人所歸向也下大夫對卿爲下也大夫者達人扶達於人也士事也任職事也此五爵之班於列國者也田卽地也穀祿所出故曰田八子畿內之田四方各千里開方則百里也畿外公侯之田四方各百里開方則萬里也伯田四方各七十里開方則七千九百九十里也子男四方各五十里開方則五百二十五里也下此或四十里三十

禮記通解

卷五

三

王制

里國小不能朝會以其治功附於所近大國達王名曰附庸庸功也此祿之班於天下者也天子之公卿大夫士之祿卽天子畿內之地分授以爲采邑三公視外公侯各百里九卿視外伯各七十里大夫視外男各五十里元士視外附庸或四十或三十里此祿之班于王畿內者也又其下有庶人在官者雖無爵而身在公不得耕必與之祿代耕卽以其耕之所獲爲等蓋民一夫田百畝而力有勤惰歲有豐險大約五等上農一歲之入可食九人次食八人次七人次六人下五人庶人在官者事有繁簡祿有多寡亦視此爲等蓋一夫上父母下妻子六率五人至九人而止所以足其俯仰之需使無內顧之憂也此在官庶人之祿王國與諸侯同者也諸侯之臣各有卿大夫士而下士祿最薄視上農食九人僅足以代耕中士則加倍可食十八人上士又加倍可食三十六人八夫又倍上士可食七十二人此大國之制次國小國同也蓋自大夫以下其祿漸少苟復以次國小國殺之則臣之養不給矣故三等之國同也大國之卿祿視大夫四倍其君公侯之祿視卿十倍蓋以下士食九人之數等而上推至卿祿可食二百八十八人

是四倍大夫也。其君百里之入可食二千八百八十人是十倍卿也。惟大國然耳。若夫次國卿祿但三倍大夫不得如大國四倍也。其君伯之祿雖亦十倍卿。然其卿視大國卿已殺一倍。而其君七十里之入亦但百里殺一矣。小國卿祿但二大夫又不得如次國三倍也。其君子男之祿雖亦十倍卿。然其卿視次國已殺一倍。則其君五十里之入亦視七十里殺一矣。此卿以上之祿三等之國異也。蓋祿至卿以上愈厚。若夫國小不殺則地所出不給。是故三等之國異也。此以上皆祿之班于侯國者也。次國之上卿以下

又詳言爵之在侯國者各有上中下卿上中下大夫。次國卿大夫視大國卿大夫皆降一等。小國卿大夫視大國皆降二等。其有中士下士二句錯簡當在後三節小國上士二十七人之下。承上言上士二十七人未及中下士而申明其數也。各居上三分者上士一十七人。居三分則八十一人也。

按王制作于漢博士其說宗孟子而加附會。孟子謂天子公侯伯子男五等諸侯卿大夫上中下士六等。今不以天子列于五等者尊王也不以諸侯列于六等者尊君也。然非先王與羣臣共天下之本心。孟子

謂天子之卿大夫士祿比諸侯而周禮謂天子公卿大夫皆加一等。然後得為諸侯。孟子謂諸侯大國止于百里而周禮大國諸公地方五百里諸侯地方四百里伯三百里子二百里男百里是爵五等而地亦五等也。而周書武成云列爵惟五分土惟三。成雖非古而此語與孟子合。必有所受之。則是周禮未足據也。此篇前云諸侯之上大夫卿下大夫上中下士凡五等。後又云上卿中卿下卿上大夫下大夫。夫則是五等中又加三等。為八。因春秋傳微宣叔對魯公語采輯故前後抵牾。而鄭氏緣聘親附會之大

抵王制左傳周禮皆成於後人。手惟孟子近古可信。且生周末猶自謂其詳不可得聞。未知漢博士何據而反得詳也。若夫周禮出自王莽家劉歆之見。烏得與孟子較同異。論得失乎。

四海之內九州。州方千里。州建百里之國三十七。十之國六十五。十里之國百有二十。凡二百一十國。名大澤不以封。其餘以為附庸閒田。八州州二百一十。天子之縣內方百之國九。七十之國二十。有一。五十里之國六十。有三。凡九十三國。名山大澤不以勝。非其餘以祿士以為閒田。凡九州千七百七十三國。天子

之元士諸侯之附庸不與天子百里之內以共官千里之內以爲御

四海之內九州各方千里內以一州爲王畿外八州每州各建公侯之國三十伯國六十子男國百有二其間名山如五嶽四鎮之類大澤如雲夢彭澤之類屬之王府不以封諸侯其餘地以爲不能五十里之附庸與士之閒曰天子之縣即王畿也縣繫也凡邑屬州郡者曰縣縣內猶言屬下畿內分三等之國爲王臣采邑九十有三其餘十有八國皆以待王分封通計九州之國共千七百七十三而元士附庸不與者以所計止五十里而元士附庸不能五十里故不與也百里之內以供百官者百官之入薄故予之近地便取給也千里之內以爲御者天子服用費廣遠可轉輸致也

禮記通解

卷五

六

王制

按春秋傳楚滅陳爲縣縣名自此始秦以來凡邑屬郡者通謂之縣惟周禮謂郊外五鄙爲縣鄭康成遂推縣爲夏世王畿名無稽封建之數漢博士以算法推之當爾非實然也鄭極其附會謂百里大國九者內三爲三公致仕之田餘三待封王之子弟次國二十一者內六爲六卿之田又六爲六卿致仕者之田

禮記通解

卷五

七

王制

又三爲三孤之田餘六亦待封王子弟小國六十三者二十七大夫之田及大夫致仕者之田餘九亦待封王子弟總之臆說耳凡建國必因山川形勢未有舉九州地如裂帛方幅比算整齊者天子千里之縣分封過半又除山林川澤城郭塗巷溝渠其餘任賦供上者幾何三等十八國以待分封如文武子姓多則一再傳盡矣數世後何以給之及外姓不合則推爲殷夏禮據周禮九服地甚廣禹貢三代地莫廣于虞夏而周爲小篇末謂西不盡流沙南不盡衡山東不盡東海北不盡恒山截長補短三千里耳周禮成於後世九服六千之說由秦以後北逐匈奴南置桂林象郡西通巴蜀幅幘始大記與周禮皆據秦漢以後揣合周制非周地能大于殷夏也卽塗山之會萬國亦極言諸侯會者多非真萬國也周千七百七十三國因九州之地揣算非真文武封建時定有此數也況如周禮五等之國公多至五百里而子亦百里四海之地不足封數十公侯殆盡王畿僅千里欲視外諸侯授諸臣地愈不足其說不經而世儒執此謂先王封建壞于郡縣古今治亂所以不相及夫古不能不今封建不能不郡縣勢也三代以封建治春秋

戰國之亂未嘗非封建也。秦以郡縣滅漢唐以來之盛未嘗非郡縣也。謂封建不可不復漢復之而七國反謂封建不可廢漢唐至今廢之而天下亦治以封建為公則周之子孫功臣世祿而士如孔孟不得占八土未盡公也。以郡縣為私懸天下之伯牧守令待天下士明一經者得占一郡一邑未盡私也大抵為政在人人存則舉有先王為君則雖郡縣守令而時使薄斂即封建也。如幽厲為王春秋六國為諸侯而言封建長寇資盜不如郡縣之為便矣。不權古今不量時勢守記籍空文欲壞久定之成法以復久廢之

堙典如鄭氏之說可資譚柄不可為實用百里內以供官則不足千里內以為御則太侈亦非典要之論周禮大宰九賦九式太府頒財之法皆與此不合闕市邦中四郊之近以待御而官田公田俱在遠郊六遂都疆之外與王制矛盾故凡禮家言紛紛杜撰難盡據也

里之外設方伯五國以為屬屬有長十國以為連連帥三十國以為卒卒有正二百一十國以為州州有伯八州八伯五十六正百六十八帥三百三十六長八伯各以其屬屬於天子之二人分天下以為左右曰

二伯千里之內曰甸千里之外曰采曰流千里之外謂王畿外八州諸侯之國遠不相及故為統馭之制方伯即八州之伯各主其州一方者也凡五國為一屬屬繫也內擇諸侯賢者一人為長言仁能長人故能繫屬也倍五為十國地廣易睽為連內擇一賢侯為帥言知能帥人故能連合也又三倍為國三十地愈廣人愈衆曰卒卒簇衆也於內擇一賢侯為正言義能正人則整齊不亂也長與帥與正無以總之則其權分彼此不相維其勢渙能否無由察又合一州二百一十國擇一賢侯為伯伯把也把持一方之柄也一州一伯八州則八伯一州七正八州則五十六正一州二十一帥八州則百六十八帥一州四十二長八州三百三十六長各上統于其州之伯八伯各以所屬上屬於天子之二人二人者分天下而治為左右二伯者也猶周禮所謂九命作伯蓋天子之上公曲禮謂五官之長曰伯是職方者也八伯猶周禮云八命作牧曲禮所謂九州之長入天子之國曰牧者也或云二伯即方伯然既曰千里之外設方伯是與天子之二老在內者殊也千里之內曰甸即天子畿內千里之地也甸甸通治田之名焉

貢所謂甸服納總經稷粟米之地居五服中者也。事也。環王畿外千里禹貢所謂侯服綏服采地男邦諸侯揆文教奮武威之地居中外之間者也。流遠方去王畿五千里環侯綏外禹貢所謂要服荒服夷蠻之地蔡放罪人在五服邊徼外者也。禹貢五服四方相距各五千里而王畿居中央采居間流居外三名者約五服而言也。方伯連帥之所統二伯之所分治盡此矣。

禮記通解

卷五

十

王制

按牧伯詩書有之二伯之說沿於詩周南召南春秋傳謂陝以東周公主之陝以西召公主之書顧命亦云召公左單公右而連帥卒正等詩書未聞大抵多縱橫什伍之意管子內政商君秦法皆倣於此雖先王綱紀天下輕重制數大小相維體統不廢要其所以整齊聯屬之本姑不在官制之繁密也善稱先王莫如孟子其告滕君惟井田學校告齊梁惟田里樹畜與文王治岐之政數條而井田尚云大畧爵祿尚云不詳豈有先王法制詳密如此漢博士能舉孟子反不聞乎今據二伯以下為諸侯之長者五百七十一統九州諸侯一千七百七十三國鄭猶以為殷制然則周尤多乎果爾文武去東遷未遠春秋所記東周

諸侯纔二十餘國不應幽厲以後兼併盡五百七十一伯正帥長姓氏二千有餘國號悉煙滅無傳也其無此數必矣

十三公九卿二十七大夫八十一元士大國三卿皆天子下大夫五人上士二十七人次國三卿二卿皆天子一卿命於其君下大夫五人上士二十七人小國二卿皆命於其君下大夫五人上士二十七人天子使其大夫為三監監平聲於方伯之國國三人天子之縣內諸侯祿也外諸侯嗣也制三公一命卷若有加則賜也不過九命大國之君不過七命小國之君不禮記通解

卷五

十一

王制

過五命大國之卿不過三命下卿再命小國之卿與下大夫一命  
畿內天子統治立三公大師大傅大保以論道經邦九卿即少師少傅少保寅亮天工與冢宰司徒宗伯司馬司空分掌六典者也有二十七大夫以服官政八十一元士以理庶務天子為陽教之宗陽教始於三終於九三九故二十七九九故八十一自上倍而下者職專則事簡職卑則事煩也王畿外公侯伯子男各主其國其臣各有卿大夫士惟公侯大國得立三卿皆上大夫也皆命於天子其下大夫五人上

士二十七人也。次國亦三卿，惟二卿命於天子，一卿命於其君。大夫上士之數，猶大國也。小國止二卿，天子不命命於其君。大夫上士之數，亦猶次國也。大國之卿皆命於天子者，大國勢重，必以天子命卿控制之。次國從省，小國勢輕，不用也。大夫無上者，天子之命卿，即上大夫也。天子士稱元元，大也。士命於天子，無中下也。諸侯士未命，亦稱上。分中下而言也。上士二十七人，殺天子元士三之二也。若其中下士，則亦八十一人可也。蓋上士祿漸厚，其數宜減。中下士祿薄，可增也。前章云有中下士者，數各居其上之三分。

功也。制謂章服與命數，有制不得過也。命，陞級之命。天子衣畫龍形，袞然卷袞，同周禮三公八命。其服自驚冕而下，加一命則九命，進服袞與天子同。袞非臣子常服，若有大德加恩，則賜之人臣之貴。九命為次國之君，侯伯也不過七命。小國之君子，男也不過五命。其冕服之等，詳周禮司服之職。按公三卿，九法乾陽之數，易陽數至九而極。二十七，八十一，後人附會耳。世儒言易，謂卦畫如根幹枝葉，六畫上可增至無窮，孟浪之說也。公侯伯國三卿，子男獨二卿，以國小也。然則大夫士亦宜殺之。子男既殺為二卿，則伯國亦宜殺之。卿大夫皆諸侯之臣，亦莫非王臣也。命則皆命，何獨卿三卿何獨一卿不命？是大夫以下皆不命可也。又云小國之卿與下大夫一命，此又誰命之？諸侯之國既有方伯正長統馭于州，又有天子命卿控制于國，方伯亦諸侯也。天子選於二百一十國之中，推此一人為牧信任亦專矣。況其國既有命卿三人為輔，而又以三大夫監之，則其防之無異虎兕。此秦漢以後監軍之法，豈先王所以



親萬國推誠布公之道乎。畿內諸侯不得世爵，畿外諸侯享國繼世，是使內臣不如外臣也。如謂內諸侯不皆賢，外諸侯豈盡賢乎？如謂內諸侯皆天子公卿大夫，宜選賢置位，有位即有祿，不賢者能不善祿，則新進者又當益地，畿內地幾何足以供之乎？既云畿內以封王子弟，則王子弟爲內諸侯，皆不得選位乎？以經傳考之，周官有三孤記，無之記有三公，周禮無之，周禮有六卿記，云九卿記，大夫士皆有常數，而周禮無數，周禮有袞冕、鷩冕、毳冕、希冕、玄冕，詩亦言袞衣、毳衣，而記但言袞，周禮公之孤四命，記大國卿

不過三命，周禮公侯伯之大夫子男之卿皆再命，公侯伯之士子男之大夫皆一命，記大國之下卿再命，小國之卿與下大夫一命，周禮六卿職官三百六十，記公卿大夫元士僅得官百有二十，大抵皆以臆裁，非親見先王古制也。鄭康成遂推此爲夏禮，以明堂以夏后氏官百爲據，夫明堂位亦記也，其疑竇尤多，烏足以相徵乎？

凡官民材必先論之，論辨然後使之任事，然後爵之位定，然後祿之爵人於朝，與士共之，刑人於市，與衆棄之，是故公家不畜刑人，大夫弗養，士遇之塗弗與言也，屏

之四方，唯其所之，不及以政，示弗故生也。

論謂考其德行道藝也，辨分明也使任以事也，爵位次也，謂初授以一命之位，猶周禮一命受爵也，祿食也，爵人猶周禮鄉大夫三年大考其德行道藝而興賢能禮賓之鄉老及鄉大夫羣吏獻賢書于王，王拜受之，登于天府也，所以者何？朝者士之所會有德者，士類所同欲爵以明其不私也，刑人於市，謂大辟也，市者衆所聚也，與衆棄之，國人皆欲殺也，公家不畜，不容于國也，此謂墨、劓等刑人之未死者，大夫不養，不畱于家也，屏之四方，謂五刑宥而流者，罪有輕重，禮記通解

流有遠近，惟所當往之地，置之虞書云：五流有宅，是也，政以養民，不及以政，謂不授田，不賑卹，示不故欲其生也。

按周禮掌戮之職，墨者使守門，劓者使守闕，宮者使守內，別者使守圜，髡者使守積，則是公家畜刑人與記言矛盾也，而記爲近情，周禮此言不可行也。

諸侯之於天子也，比年一小聘，三年一大聘，五年一朝，天子五年一巡守，歲二月東巡守，至于岱宗，柴而望祀山川，覲諸侯，問百年者，就見之，命六卿，師陳詩以觀民風，命市納賈以觀民之所好，去惡，去志淫，好辟，命典



禮考時月定日同律禮樂制度衣服正之山川神祇有不舉者為不敬不敬者君削以地宗廟有不順者為不孝不孝者君絀黜以爵變禮易樂者為不從不從者君革制度衣服者為畔畔者君討有功德於民者加地

自五月南巡守至于南嶽如東巡守之禮八月西巡守至于西嶽如南巡守之禮十有一月北巡守至于北嶽如西巡守之禮歸假于祖禰用特天子將出類乎上帝宜乎社造乎禰諸侯將出宜乎社造乎禰

禮記通解

卷五

十六

王制

也歲二月以下皆巡守之事岱宗東嶽泰山東為生物之始故曰宗柴燔柴天子至方嶽下則燔柴于山升煙祭天告至一方山川神祇皆於此望而祭之一方諸侯皆來觀問高年百歲之人就見之大師樂官采民間詩獻之以觀風俗善惡也命市官納市中物價以觀民好惡民志奢淫則所好邪僻也命典禮之官考曆以明四時及月之大小日之甲乙同齊也律六律度量衡所由出也解見書堯典禮冠昏喪祭之類樂五聲八音之類制度宮室車旗之類衣服貴賤品級之類正之使齊以同風俗也山川神祇不舉謂

廢祭祀也不順如亂昭穆失時序之類從猶順也君皆謂諸侯有犯此者天子削黜流討之也進律升爵

也人與鬼神交曰假祖祖廟禰父廟特一牲謂牛也廟各用一牛天子出巡守征討也諸侯出朝覲會同

○類祭天宜祭后土造祭祖禰皆將出而祭告之名

○按虞書三載考績論語亦云三年有成比及三年則是考績之年即古述職之歲述職之歲即來朝之期也故商頌云歲事來辟勿予禍譴然則古諸侯朝天子述職蓋三年一至而天子適諸侯巡守或五年耳此云五年一朝又云五年一巡守或即巡守而遂

禮記通解

卷五

十七

王制

朝會于方嶽不然則朝與巡守期併抑天子不巡守則來朝巡守則不來與或謂其間四年分諸侯為四部遞朝四歲而徧虞書謂五載一巡守羣后四朝也或云虞夏五年一巡守殷六年周十二年鄭康成解周禮謂以遠近為疏數四方六服各為四部分四時巡朝之年四時分至各以一歲徧紛紛皆異說也此即大抵據堯典敷衍不可以槩三代即三代之法不可以槩後世必欲踵巡守行之是秦隋之覆轍也法有行于古而必不可通于後世者五年一巡守是也解見堯典大師陳詩蓋所至士民里巷謳歌有關風

化者采輯潤色之當世大師所弦歌非必即民間之作後世遂謂國風爲里巷之曲亦讀禮之誤也

天子無事與諸侯相見曰朝考禮正刑一德以尊于天

天子賜諸侯樂則以祝嘏六將之賜伯子男樂則以

加之諸侯賜弓矢然後征賜鈇鉞然後殺賜圭瓚然

爲邑未賜圭瓚則資幣於天子天子命之教然後爲

學小學在公宮南之左大學在郊天子曰辟雍諸侯曰

頤宮天子將出征類乎上帝宜乎社造乎禘禘馬伯

於所征之地受命於祖受成於學出征執有罪反釋奠

于學以訊馘國告

禮記通解

卷五

十八

王制

天子無事謂無凶喪戎寇之事平世以吉禮朝諸侯

也考禮無違僭也正刑無枉縱也一德無貳心也三

者皆尊王之事祝以木爲之如楯而方中有椎連底

撞之以始衆音者也鼗小鼓有柄旁有耳搖擊之以

節樂者也凡以物賜人置其大者于地而持其小者

以將命故賜樂將之以祝鼗也祝差大而鼗小祝始

而鼗終故祝以命公侯而鼗以命伯子男也鈇扎草

刀鉞斧也瓚以金爲勺宗廟獻酒之器以玉爲柄故

曰圭瓚天子圭瓚諸侯璋瓚半圭曰璋瓚酒名周禮

有鬱鬯以秬黍釀酒和之以香曰鬱其氣暢然曰鬯

天子諸侯廟祭初獻裸尸用之諸侯有大功德天子

賜之圭瓚則自爲邑不然皆資幣於天子學學宮小

學庶人子弟之學大學國子之學公宮左國內也郊

國外也小學在國近以便民大學在外遠以尊師在

內者小所習近也在外者大所期遠也辟闢通開明

也雍安和也頤之言班以班政教也或云辟璧也水

環抱如璧也頤泮也水半璧也蓋因象取義爲名禘

祭始造兵器者名蚩尤三苗之君不祥之器故祭曰

禘焉也受命于祖告于祖廟稟命也受成于學告于

先聖定謀也釋猶奠也釋芹藻奠幣帛無牲牢也訊

謂所獲敵人生口待訊問者也讖殺敵人而割其左

耳獻功也武功告于學歸本文德也

按孟子云諸侯朝于天子曰述職述職者述所職也

無非事者此云無事相見曰朝非名也孔子云禮樂

征伐自天子出此不易之經爲諸侯有邊功旌以弓

矢委諸侯使殺伐假以鈇鉞若謂一賜之後便專征

伐此五霸假爲口實大亂天下者也說詳尚書西伯

戡黎章疏義引春秋晉文公公執衛侯歸京師爲不

得鈇鉞不殺其誨盜尤甚鈇鉞賜而諸侯皆可殺何

有于大夫記如此類爲莽操九錫濫觴可刪也酒稱

禮記通解

卷五

十九

王制

鬯取香氣充暢周禮有鬯人鄭氏謂秬黍釀  
曰鬯以鬱金之草然詩書但言鬯不言鬱恐鬱亦  
是醴釀濃厚意非必是草而雜記有鬯曰則鬱草  
也然亦當珍貴若云鬱金即今薑黃何芳香之有或  
不以物重其禮然禮器云諸侯相朝灌用鬯則諸  
侯用鬯者多若皆資于天子千八百國天子皆資鬯  
亦煩且褻矣何貴重之有其說難盡信教學不可一  
日廢諸侯待天子命之教然後為學此語尤謬武功  
告于學因詩魯頌有獻因獻誠語彼為魯僖公脩  
學諷以武功云爾學宮之祭不見於詩書釋菜小禮

禮記通解

卷五

二十

王制

非所以告武功記言大抵附會耳

天子諸侯無事則歲三田一為乾豆二為賓客三為  
充君之庖無事而不田曰不敬田不以禮曰暴天物天  
子不合圍諸侯不掩羣天子殺則下大綏諸侯殺則  
小綏大夫殺則止佐車佐車止則百姓田獵獵人  
然後虞人入澤梁豺祭獸然後田獵鳩化為鷹然  
設罝罝羅草木零落然後入山林昆蟲未蟄不以火  
田不麇不卵不殺胎不殀天不覆巢

歲三田謂春秋冬夏暑不田搏獸謂之田者禽獸害  
田故除之也為乾豆謂乾其肉供祭祀之豆也為賓

客供燕饗也充君庖備君膳也不敬謂慢神忘賓也  
不以禮謂取之無厭如合圍掩羣之類暴殄絕也合  
圍而殺之掩羣而取之是暴殄天物也大綏謂大旗  
垂綏也獵必抗旗偃旗止殺也佐車驅逆之車先尊  
後卑者田獵之序也百姓獵謂冬獵也獮祭魚十月  
也始食曰祭古者先祭後食故謂始食為祭虞人掌  
澤梁之官澤梁石絕水空其中取魚曰梁豺祭獸九月  
也九月民閒始獵鳩布穀也二月鷹化為鳩至八月鳩  
復化鷹則鳥始成可羅取也羅之小者曰罝昆蟲也  
明也昆蟲未伏藏不焚萊而田恐傷百蟲也此以上

禮記通解

卷五

二十一

王制

事

按古天子田獵所以講武事故周禮大司馬蒐以教  
振旅苗以教發舍獮以治兵狩以大閱無事則為田  
獵有事則為軍旅孔子云以不教民戰是為棄之所  
以安不忘危之道也若夫羞俎豆備裘褐虞衡之官  
足以供之是以魯人獵獲猶為蔽俗豳風于貉載績  
武功車攻吉日為宣烈中興五子之歌垂戒史牒狩  
郎焚丘春秋致譏孟子謂百姓聞車馬之音疾首蹙  
額者好田之謂也治則獵非首務亂則田為禽荒今

云無事不田謂之不敬過情之論也周禮四時田此云一歲三田鄭氏推爲夏禮誣也其謂夏月不田近之易象云東鄰殺牛不如西鄰禴祭周禮夏祭曰禴以水滌菜而祭四時惟夏祭薄不用牲牢故不田獵或有之下文亦云天子祭歲一特三祫禴而特儉豈以特故廢一田與又云春特則不田似又不在夏矣皆不可曉設爵羅以仲秋鳩化鷹爲候夏小正又云鳩五月化鷹驗之布穀五月無聲夏小正言爲然五月鳥未成則記言又誤矣

冢宰制國用必於歲之杪抄五穀皆入然後制國用用禮記通解

卷五

二十三

王制

友

地小大視年之豐耗以三十年之通制國用量入以爲出祭用數之仂抄喪三年不祭唯祭天地社稷爲越縹而行事喪用三年之仂喪祭用不足曰暴有餘曰浩祭豐年不奢凶年不儉國無九年之蓄曰不足無六年之蓄曰急無三年之蓄曰國非其國也三年耕必有一年之食九年耕必有三年之食以三十年之通雖有凶旱水溢民無菜色然後天子食日舉以樂

冢宰百官之長國用重計故冢宰制之杪末也歲終稅皆入然後制來歲一年之用地有大小則物產有多寡年有豐耗則收入有盈縮視其年之所獲爲用

之差等大約以其所入析爲四分用其三而餘其一使三年餘一年之用三十年餘十年之用通融會計欲其如此量今歲之入爲來歲之出入多不過禮入少則從殺用不常而費重者莫如祭與喪五歲之祭取諸每歲通融量出之仂零數曰仂抄舊易法歸奇于扚考工記輪人以其圖之仂皆正數外所零鄭氏謂什之一是也祭吉禮喪凶禮故三年之喪除天地社稷外皆不祭卽以三年內不祭餘財供喪之用縹引柩大繩越縹違凶從吉也用不足則廢缺敗禮曰暴用有餘則泛濫沒禮曰浩豐年用仂不過禮故不

禮記通解

卷五

二十三

王制

五

奢凶年量其仂以成禮故不儉蓋年有豐凶仂有多寡禮亦因之雜記謂凶年祀以下牲正此意所謂量入爲出三十年之通如是而後有九年之蓄也三十年爲一世世有餘蓄雖水旱何能困之菜色食菜之色言民無穀食也盛饌曰舉周禮膳夫之職五日一舉舉十有二物皆有俎以樂侑食又曰大荒則不舉○按喪祭皆大禮皆至情禮則祭爲重情則喪爲切如以情三年不祭可也如以禮郊社越縹未爲不可而說者疑之嘗觀周書顧命成王初喪嗣君冕服受命見諸侯于內朝受珪幣乘黃而後釋冕及喪服此

非周召之禮與則祭天地越縞於何不可無已則初喪使人代雖廟祭亦可代也卒哭則墨衰行事雖廟祭亦可行也蓋先王制禮主于尊敬故曰知親而不知尊者禽獸也惟禽獸知愛不知敬故禮以節人情別于禽獸不以情損禮不以親加尊不以愛忘敬可知也故曾子問諸侯于天子崩君薨既殯五祀亦越縞行則天地社稷雖始死不廢可知蓋三年之喪在親則主哀而敬為節在尊則主敬而哀為節親喪則祭為疏哀勝也尊喪則祭亦尊敬勝也可以達禮義矣

禮記通解

卷五

二十四

王制

天子七日而殯七月而葬諸侯五日而殯五月而葬大夫士庶人三日而殯三月而葬三年之喪自天子達庶人縣封葬不為雨止不封不樹喪不貳事自天子達於庶人喪從死者祭從生者支子不祭

人死而殯於棺曰殯殯而藏於土曰葬初死不即殯不忍殯也殯不即葬俟會者之至也尊者禮多故遲卑者禮少故速春秋傳云天子葬同軌畢至諸侯同盟至大夫同位至士外姻至三年之喪自天子達言下達於庶人也縣封謂以二綽懸棺下壙不用碑壙也不為雨止屆期必葬雖雨不止也不封不培墳也

不樹不植木也以上四者皆庶人之禮葬不貳事哀慕專也王崩世子三年不言而諸侯以下可知大功廢業而三年之喪可知也喪從死者即中庸篇父為大夫子為士葬以大夫祭以士之類從死者葬以安其分也從生者祭以伸其情也自天子下至庶人此禮同也支子不祭祭于宗子家也說詳曲禮

按七五等日月議禮者以數別尊卑云爾鄭謂尊者舒卑者速亦非截然定三五七之限也卻尸七日五日不就木則腐為虐士而人之以此求生顧不害與不為雨止因春秋書敬嬴定公之葬雨不克左公

禮記通解

卷五

二十五

王制

羊誤以為禮故記附會謂庶人與諸侯禮異也荀禮邪則春秋不書書雨不克葬譏不戒也不為雨止何獨庶人當爾不封不樹茫茫原野數世之後焉識丘隴喪不貳事以為通禮則可以為庶人之禮如解者所云則是士大夫親死皆墨衰經與于公門之事不可為訓

天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢天子諸侯宗廟之祭春日杓約夏曰禘秋曰嘗冬曰烝天子祭天地諸侯祭社稷

大夫祭五祀天子祭天下名山大川五嶽視三公四清  
視諸侯諸侯祭名山大川之在其地者天子諸侯祭因  
國之在其地而無主後者天子牲特禘祫禘祫禘祫  
祭諸侯禘則不禘禘則不嘗嘗則不烝烝則不禘諸侯  
禘皆少牢大夫士宗廟之祭有田則祭無田則薦庶人  
春薦韭夏薦麥秋薦黍冬薦稻韭以卵麥以魚黍以豚  
稻以鴈祭天地之牛角齒栗宗廟之牛角握賓客之牛  
角尺諸侯無故不殺牛大夫無故不殺羊士無故不殺  
犬豕庶人無故不食珍庶羞不踰牲燕衣不踰祭服寢  
禮記通解 卷五 二十六 王制

不踰廟  
廟之言貌也神貌也身以上爲父祖曾高四親及始  
造命之君爲大祖者共廟五四親而上五服之外親  
盡之祖爲祧廟者二祧者超也遙也五廟與二祧共  
爲七或曰天子有二宗與大祖之廟同不毀謂之世  
室共七也廟在王宮左皆南向各有門堂寢室週牆  
大廟居北中左三廟爲昭右三廟爲穆各以次疊而  
南大廟則大祖居之昭北一廟二世君居之穆北一  
廟三世君居之昭二廟四世君居之穆二廟五世君  
居之昭三廟六世君居之穆三廟七世君居之父居

昭則子居穆父子不共昭穆也世遠廟數不足則新  
主祔于昭穆之南廟而以盡北祧廟之主遷于大祖  
廟之夾室藏之餘三廟之主以次自南升而北昭升  
于昭穆升于穆左右不參也廟皆南向廟中主皆東  
向祫祭則合羣主于大祖廟惟大祖主東向自如而  
羣主皆以南北爲左右居左向陽爲昭居右向陰爲  
穆也諸侯五廟謂四親與始封之祖爲五大夫始祖  
卽諸侯之次子始爵爲大夫者與祖父之廟爲三士  
止祭其父爲一廟庶人無廟禮不下庶人祭于寢薦  
而已也春祭曰禘與禴同薄也春物初生祭品薄也  
禮記通解 卷五 二十七 王制

禘帝祭喪服小記大傳皆曰不王不禘此以爲時祭  
之通名未詳而郊特牲又云春禘近之故雜記云夏  
而禘自孟獻子始耳學記云未卜禘不視學天子視  
學亦以春也嘗百物秋熟可嘗也烝衆也冬衆物皆  
備也五祀謂戶竈中雷門行也五嶽東岱西華南衡  
北恆中嵩也四瀆江淮河漢也天子祭名山大川以  
其能成變化資財用故報之也上公之禮九牢饗禮  
九獻諸侯之禮七牢饗禮七獻視者比其秩以祀之  
也因國謂國因其先代故墟無主焉後故祭之天子  
祭無主之帝王諸侯祭無主之諸侯牲與特同分祭



曰牲合祭曰禘天子宗廟四時之祭春則就各廟特祭夏則於大廟合祭特祭禮倏發生之時不盡物也合祭禮豐物漸成備物致享也前節謂歲三田或以此與天子一時一祭諸侯二時一祭天子每歲三禘諸侯再歲少一禘禮殺於天子也天子春特夏卽禘諸侯春特夏祭猶未全用禘備物後于天子也牛羊豕具曰大牢豕豕曰少牢田采地也祭與薦異祭有常時薦無定期祭有尸薦無尸祭有牲牢薦惟時物春韭長而卵生夏麥成而魚出秋黍熟而豚肥冬稻登而鴈來各以時薦也小豕曰豚牛角如盤兩栗實

者贊也角一手可握長不出四指者亦小牛也角盈天者大牛也牛用小貴其初也故以祭天地殺牲所以供鼎寶鼎非常用之器無大禮則不殺珍美味八珍見內則庶羞亦以肉爲之如牲爲羊則羞不得更用牛之類

按廟制祭名諸說紛紛不齊七廟不見於詩書孔書云七世之廟非必真伊尹語儀禮周禮穀梁家語等書大抵與記先後雜出未可相徵或稱虞夏五廟殷六廟周七廟或云九廟以至于十一廟祭法又云通士二廟官士一廟未知誰是夫尊祖敬宗人有同心

天子道隆位尊何以恩窮七世諸侯五世上不得情大夫祭不得越禘祖士庶人則并王父母不得祭豈人情乎秋嘗冬烝名義稱矣春杓夏禘于義何居又有謂夏禘者有謂春祠者有謂春禘者有謂禘爲大祭五年一禘三年一禘者又有謂禘卽禘者今言禘禘亦時舉又安在其爲大祭也或謂三年喪畢禘新主于廟合羣主而祭之曰禘引春秋所書羣公之祭以求三年五年之例夫魯祭非禮凡春秋所書皆爲失禮豈可以爲質故謂禘爲三年喪畢之祭亦強說也謂禘卽禘者近之但不定五年三年恐亦當歲

一舉舉則當以春此謂夏禘者據春秋僖公八年秋七月禘大廟而不知正以失時書故雜記云七月禘孟獻子爲之非古也禘本王者大祭魯用之春秋非之論語譏之其重可知蓋禘祭帝也三王始祖皆帝子故祀始祖所自出皆謂禘其追崇遠故其禮大以大祖爲配而羣廟之主皆從故又曰禘按商頌長發爲大禘之歌而相土以下迄于伊尹皆在周頌雍爲大禘而烈考文母皆在是其徵也諸侯祠則不禘禘則不嘗嘗則不烝鄭謂四時缺一祭者諸侯每歲分四時朝王故缺一也四時分朝之說經無明據卽周

禮亦鄭以臆解記則未及荀四時有常祭君朝豈無  
攝乎即朝廢一祭耳據此文是廢二祭也中庸稱春  
秋脩其祖廟又云禘嘗以祀其先曾子問亦云嘗禘  
郊社尊無二上祭義祭統祇云春禘秋嘗然則一歲  
二祭禮與大抵記作于經殘之後耳食舊聞不能折  
衷解者必欲強合辭窮則推殷夏記于周且茫然何  
論殷夏乎學者通其義可矣

古者公田籍而不稅市廛而不稅關譏而不征林麓川  
澤以時入而不禁夫圭田無征用民之力歲不過三日  
田里不粥育墓地不請

禮記通解

卷五

三十

王制

公田公家之田如井田中畝是也藉借民力耕獲也  
不稅不賦其私田也廛市居之地民授以市地一區  
不責稅也關境上及要路之門譏察姦宄也不征不  
稅商旅也山林曰麓以時入不伐其生長也不禁與  
民同利也圭田祭田也圭獨通潔也與士虞夏辭孝  
子圭為之圭同夫語辭凡大夫士在官則有祭田不  
征稅也用民之力謂興作之類每歲一夫役不過三  
日古者民田皆公家分授故禁不得私賣凡墓地聚  
族而葬外人不得請求也  
按不稅不征不禁與孟子合其義甚正周禮司關市

廛皆有征山林川澤皆有厲禁此春秋戰國以來  
且一切之計不可為訓而鄭氏動推殷禮何知殷有  
此禮乎用民力以下三事皆古良法然今亦不可  
盡行矣

司空執度

地居民山川沮

澤五時四時量地遠

近與事任力凡使民任老者之事食剛壯者之食凡居

民材必因天地寒煖燥濕廣谷大川異制民生其間者  
異俗剛柔輕重遲速異齊去五味異和去器械異制衣  
服異宜脩其教不易其俗齊其政不易其宜中國戎夷  
五方之民皆有性也不可推移東方曰夷被髮文身有

禮記通解

卷五

三十一

王制

不火食者矣南方曰蠻雕題交趾有不火食者矣西方  
曰戎被髮衣皮有不粒食者矣北方曰狄衣羽毛穴居  
有不粒食者矣中國夷蠻戎狄皆有安居和味宜服利  
用備器五方之民言語不通嗜欲不同達其志通其欲  
東方曰寄南方曰象西方曰狄鞮低北方曰譯凡居民  
量地以制邑度地以居民地邑民居必參相得也無曠  
土無游民食節事時民咸安其居樂事勸功尊君親上  
然後興學

此節言聖人治天下因民宜俗裁成輔相使各安其  
所而後政教可施即孟子告梁王使民養生喪死無



憾王道之始之意民生莫大於水土故居民必首司空唐虞之官莫重於司空司空者百揆也故舜禹居之以相堯舜平成而有天下空者四方上下總名洪水昏墊欲消去之故曰司空有變理參贊之道而後司空之職可舉故周禮以司空散見於五官而寓水德於冢宰記未識此意也度丈尺也度地居民草昧之初度地授田爲城郭宮室以安民也沮下濕之地水所聚曰澤地氣有燥濕天時有早晚量地因時以舉事役民老者之少也壯者之食食多也居民材謂調理區別各盡其材凡民資生利用曰材裁成輔相使安生樂業曰居因天地氣候相山川形勢順五方風俗隨民生稟賦五味謂酸苦辛鹹甘器械如水陸舟車之類衣服如毳毼葛越之類教如三綱五常之類政如禮樂刑政之類風俗通曰夷者觥也蠻者慢也戎者兇也狄者僻也文身畫身也雕題刺額也交趾兩足向內行也不火食東南氣煖也不粒食北方地寒無五穀也中國四裔雖不同而居服器用各有宜聖人皆欲通其意達其志故有寄象觀譯之設寄寓也寄託其意也象彷彿其似也觀履也因履以通意周禮有觀履氏以通其聲歌是也或曰狄遠

也觀履也遠履其事知其意所在也譯釋也以彼此言語文字相解釋也此以上皆王者同民一俗桑遠能通之道所謂居民材也量地之便利爲國邑度邑之大小居編氓必使邑有可居之地地有安居之民民有可耕之地三者相得則土無閒曠民無游惰食以節用以時安生樂業然後教化可興也按司空卽唐虞氏之百揆舜禹以司空總百揆有聖人參贊位育平成天地之能然後此職克舉空者六虛之名昏墊不開聖人欲銷之乃命司空洪荒之事無大於水土故官莫重于司空後世水平土平司空職降而爲國邑始與五官并矣此節論居民材以天地山川內夏外夷裁成輔相盡屬司空故知司空重也周禮以司空考五官縱橫名法之家其於聖人典禮未必合然亦非苟且闕畧不備之書王制成于漢初周禮未出意緒不相接而世儒欲執王制討周禮謂司空水土職錯入司徒斥考工爲補闕今按王制言居材者變通利民之意與司徒土圭土會土均法原不相涉王制言司空典而正周禮言司空說而奇迥不同不相爲謀牽強附合是學禮者之病也司徒脩六禮以節民性明七教以興民德齊八政以防

淫一道德以同俗養耆老以致孝恤孤獨以逮不足上  
賢以崇德簡不肖以糾惡命鄉簡不帥教者以告司者  
耆皆朝于庠元日習射上功習鄉上齒大司徒命國之  
俊士與執事焉不變命國之右鄉簡不帥教者移之左  
命國之左鄉簡不帥教者移之右如初禮不變移之郊  
如初禮不變移之遂如初禮不變屏丙之遠方終身不  
齒命鄉論秀士升之司徒曰選壯士司徒論選士之秀  
者而升之學曰俊士升於司徒者不征於鄉升於學者  
不征於司徒曰造士樂正崇四術立四教順先王詩書  
禮樂以造士春秋教以禮樂冬夏教以詩書王太子王  
禮記通解 卷五 三十四 王制

士齒仕於家者出鄉不與士齒  
此記鄉國學教士之法司徒天子之卿掌邦教者也  
六禮七教八政詳篇末皆道德之目淫放溢也禮教  
政所以施於民養老恤孤所以身先於君也上進也  
簡猶汰也帥率同從也賢如下文選士俊士之類不  
肖卽下文不帥不變之類黜黜通命大司徒命也周  
禮天子畿內六鄉萬二千五百人爲鄉每歲終鄉大  
夫簡鄉子弟不帥教者告于大司徒也耆老鄉縉紳  
告耆者朝會也庠鄉學也元日猶吉日蓋次年之正  
禮記通解 卷五 三十五 王制

子羣后之太子卿大夫元士之適子國之後選皆造焉  
凡入學以齒將出學小胥大胥小樂正簡不帥教者以  
告于大樂正大樂正以告于王王命三公九卿大夫元  
士皆入學不變王親視學不變王三日不舉屏之遠方  
西方曰棘東方曰寄終身不齒大樂正論造士之秀者  
以告于王而升諸司馬曰進士司馬辨論官材論進士  
之賢者以告於王而定其論論定然後官之任官然後  
爵之位定然後祿之大夫廢其事終身不仕死以士禮  
葬之有發則命大司徒教士以車甲凡執技論力適四  
方羸力果反股肱決射御凡執技以事上者祝史射御醫

月吉日習射上功謂行鄉射禮以中多爲上尊德藝  
以示不帥者也習鄉上齒謂行鄉飲禮以年齒爲上  
崇禮讓以示不帥者也國之俊士士之已升于國學  
者使與于射飲之執事示不帥者向慕思齊也不變  
謂三年之終又簡不帥左右更移新其師友之功也  
如初禮謂四年正月之吉鄉大夫又習射飲于庠如  
初教之不變五年終又簡不帥移之郊畿外百里郊  
學也鄉大夫又習禮于郊教之如初不變謂七年終  
又簡移之遂遂學在郊外漸遠也八年正月鄉大夫  
又習禮于遂教之如初又不變則九年矣是終不帥

矣然後乃屏棄之遠方求不序用也齒序也此皆所謂簡不肖以紕惡也每三年大比司徒命鄉大夫論其鄉序子弟之秀出者辨別比擬曰論議鏡出類曰秀算數備用曰選才過千人曰俊由鄉大夫論而升之大司徒者是謂鄉之選士由大司徒再論而升之國學者是謂大司徒之俊士國學收而造就之者是謂國學之造士造成告于王而升之大司馬者是謂大樂正之進士名雖有五士皆一人不征謂免其徭役升於司徒者不給役於鄉大夫升於國學者不給役於大司徒造猶作養也不以他事分其志不以勞

氣振其怠惰之習也王太子王冢嗣王子王庶子庶后諸侯國之俊選司徒所升之士也士有貴賤入學皆以長幼幼雖貴必後長雖賤必先蓋俊選之士皆已有德藝與國子齒非亢而且教國子敦讓也此國學上賢崇德之事將出學以下國學簡不肖紕惡之事出學謂九年之期七年小成九年大成也小胥大胥小樂正皆大樂正之屬詳周禮不歸教謂王太子以下至元士適子而國之俊秀不與矣王命公卿大夫士入學謂習禮以教之使變不變王親臨視又習禮以教之又不變則終不變矣王三日不舉滅膳去樂憂羣子之不肖也屏之遠方亦謂王太子以下至元士適子國之俊秀不與矣古帝王公教誨不私其子所以師嚴道尊而人莫敢不從西方曰棘急也望其急變也東方曰寄寓也望其終歸也終不變則亦終身不齒如朱均不肖堯舜且廢之太甲不順伊尹且放之皆用此意而他可知矣此以上國學簡不肖紕惡之事造士謂鄉之選俊與王侯公卿元士之子皆是太樂正論其德藝秀出者告于王而升其人于司馬曰進士言皆可進受爵祿之士也司馬天子之卿掌爵祿先王建官無偏任養士無偏材故司徒敷

文而車甲之教以聯司馬司馬訓戒而論士之典以兼司徒士有道德者必游於藝負材勇者必文以禮樂此先王所以設官用人隨試輒效也自司馬以下又明德藝之輕重見士不可苟試也進士皆可用而材器各殊必辨論其所官之材各署其所長告于王以俟王之定其論論定然後試以官如長於文事者使司教工於武畧者使治兵堪任此官然後命之爵爵則有位然後養以祿其慎重如此皆所謂上賢以崇德也而士猶有位至大夫廢職事者所謂有初鮮終功怠于官成志驕于履滿故有敗人之軍師危人

禮記通解

卷五

三十八

王制

之邦邑毀節改行寡廉鮮恥者終身不仕謂罷黜不復用死以士禮葬謂削其爵也此亦司馬黜惡之事有發謂有師旅徵發大司徒職掌教事故命大司徒教以車甲戰陳之方周禮居則爲比閭族黨州鄉大司徒統之出則爲伍兩卒旅師軍大司馬帥之兵節其民將卽其官故兵農文武兼養內政外令相爲表裏也古之爲士者雖不遺材技武勇而司徒所教司馬所論道德爲先凡士執技論力如材官勇士使之行役四方擐衣倮臂執射御決勝負而從容道德非其事矣祝史皆事神之役技方有定局故事不二守

藝以爲職故官不遷在鄉或混于士類在國則役選所不與齒也此輩若不仕于王朝而或仕于大夫之家雖在國亦不得與士齒蓋勵爲士者以遠大貴德賤藝非爲官不達而不與之齒也仲弓曰吾求不仕於大夫之家彼固道德之士生不逢時禮樂之蟄以安身不可同年而語矣

按此節論進士用人先王良法美意焉然郊遠雖遠亦各有學以取賢教材文王世子云郊人者遠之于成均不得取焉于上尊耳卽執技事上者不與士齒之意非終棄之也司徒司馬官事相聯自古爲然管

禮記通解

卷五

三十九

王制

子寄軍令於內政周禮司馬伍兩卒旅寓於司徒六官之屬惟司徒居多意蓋本此顧其謀主富強而九宰教士上賢簡不肖之政缺焉王制雖司馬不過論材爵人右武而賤功所以爲六經之治說者多引周禮討三劄左矣

司寇正刑明辟以聽獄訟必三刺有旨無簡不聽附從輕赦從重凡制五刑必卽天論郵罰麗於辜凡聽五刑之訟必原於父子之親立君臣之義以權之意論輕重之序慎測淺深之量以別之悉其聰明致其忠愛以盡之疑獄汜與衆共之衆疑赦之必察小大之比以

之成獄辭史以獄成告於正正聽之正以獄成告于大司寇大司寇聽之棘木之下大司寇以獄之成告於王王命三公參聽之三公以獄之成告於王王三又省然後制刑凡作刑罰輕無赦刑者例也例者成也一成而不可變故君子盡心焉

司寇天子之卿掌邦禁者也刑以禁寇故曰司寇正刑正定刑書辟法也明辟脩明法律也言于公庭曰訟拘于囹圄曰獄聽猶斷也聽訟而斷其曲直有罪當殺者訊之羣臣訊之羣吏訊之萬民是謂三刺諸大夫左右國人皆曰可殺然後殺之也有旨無簡謂禮記通解

卷五

四十一

王制

但有發露之微旨無簡覈之實迹則不可輕聽斷於是乃有附赦之法比例無正條曰附從輕謂事可疑而法難縱如附以重罪則過嚴故從輕以防冤也釋囚曰赦從重謂雖無實而罪狀已著如以為輕舍之則人易犯故依律從重赦之以明法也蓋入刑者必減等而赦則不須議減直指其所應得之罪耳制猶決也五刑謂肉刑墨劓宮刑大辟本三苗之法舜宥為五流後世又襲用至漢文帝始除之五刑嚴重聽斷不可有毫髮私意惟天至公至明即天心與天一也論郵論其所犯之過尤郵尤同過也罰罰贖也祥

刑曰五刑不簡正于五罰五罰不服正于五過麗于

辜謂五罰之等必與所犯之事相麗麗合也祥刑曰

罰懲非死人極于病不可苟也五刑之訟謂犯五刑

者之訟辭父子主親原者推其情君臣主義立者植

其分權謂輕重不定之間酌其當或為親而蒙罪雖

重可輕或為忍于親而犯法雖輕亦重蓋情關父子

刑于天故當權其情於常情之外也或為忠君而

蒙罪雖重可輕或敢於無君而得罪則常加倍蓋臣

與君難論曲直又當權其義於常理之外也事有似

重實輕似輕實重者據事則反失序惟論其犯法之

禮記通解

卷五

四十一

王制

意或輕或重自合也情有似淺實深似深實淺者忽畧則混同必審慎推測得其隱伏之表或淺或深其量自適中也悉聰明謂竭耳目之力聰以聽辭之通屈明以觀色之慙沮然亦或有憚于威納于辯不得盡辭者必推吾不忍不欺之心以致吾忠實惠愛之意使彼得盡吐其隱微疑滯之情如是庶無疑獄乎而猶或有疑者不敢遂恣意斷之於獨也汎廣也寬容舒徐以俟公論定疑將自明若衆人皆疑則真謂之疑獄矣如是而後赦焉赦之可也而人不知所犯何罪則赦者輕犯犯者望赦必察其所應得之罪

比以成之。如小罪則按小辟以成其罪而赦其所爲。小辟大罪則按大辟以成其罪而赦其所爲。大辟赦之所以釋疑而成之。所以明法也。疑者既赦無疑者成獄矣。辭謂犯者所對之辭。史掌文書獄吏也。正聽訟之官。士師之屬。史錄犯者之辭。告正正據辭決罪也。棘木。外朝左植九棘。爲孤卿之位。又當作有。臨刑王命三宥。一不識。二過失。三遺忘。以此免之。不可而後行刑。蓋好生者天子之仁。而誅暴者司寇之法也。制刑猶行刑。凡作刑罰以下。申言立法之意。作刑罰定律令也。輕無赦。輕易無言赦也。赦則法不信。而人易犯。惟其赦之也不輕。故其威之也不苟。惟其成之也不苟。故其刑之也無寬不赦。而後法信。法信而後人不致犯也。制刑猶四體具成形。形成則不可毀。刑成則不可變。所謂輕無赦也。然則聽斷之際。君子爲容不盡心乎。苟以輕赦之心聽之。則出入遷變不可以爲制矣。盡心節前三刺以下諸事。折言破律。亂名改作。執左道以亂政。殺作淫聲。異服奇技。奇器以疑衆。殺行僞而堅言僞。而辯學非而博順非而澤以疑衆。殺假於鬼神時日卜筮以疑衆。殺此四誅者。不以聽凡執禁以齊教不赦過。有圭璧金璋不粥。

於市。命服命車不粥於市。宗廟之器不粥於市。犧牲不粥於市。戎器不粥於市。用器不中度不粥於市。兵車不中度不粥於市。布帛精麤不中數幅廣狹不中量不粥於市。錦文珠玉成器不粥於市。衣服飲食不粥於市。五穀不時果實未熟不粥於市。木不中伐不粥於市。禽獸魚鼈不中殺不粥於市。關執禁以讎禁。異服識異言。承上而言先王所以制刑之本意。國以政爲紀。以衆爲基。國依衆立。衆以政齊。故禍莫大於疑衆。害莫惡於亂政。析文字以壞律令。亂書器以改制度。挾邪說以叛正道。三者皆亂政之事。左道猶言旁岐。凡避必左。易曰師左次。木正相值曰左。行僞而堅。卽子云色取行違。居之不疑。孟子云。居之似忠信。自以爲是者也。言僞而辯。如鄒衍公孫龍蘇秦張儀之輩。順非文過也。澤光滑也。彌縫滅迹貌。假鬼神者。巫術也。假時日者。星術也。古之聖人用此以定衆志。而奸人反假此以疑衆志。凡此四誅者。不復審聽決殺者也。蓋罪有傷心之害。刑有誅心之法。王者所以一道德同風俗。而著爲律令。正惟此耳。何待聽乎。過雖可赦。當其執禁而赦。則法不信。況已禁又犯。不可言過矣。故不赦此四殺十四事。皆所謂執禁不赦者也。粥賣也。市



者。衆之所聚。卽奸之所伏。利之所歸。卽害之所生。故古者刑人必肆于市。禁令必嚴于市也。金瑋以金飾璋或云。璽也。圭璧金璋。命服命車。廟器犧牲皆非民所宜有。禁僭亂也。用器民常用之器。如弓矢耒耜之類。不中法度則不可用。布帛之數。謂升縷之多少。如朝服布十五升。斬衰布三升。齊衰布四升之類。升八十縷也。幅廣狹。謂布廣二尺二寸。帛廣二尺四寸。是爲中量也。錦文珠玉。成以爲器。禁奢靡也。衣服飲食。民各自力作。不以市防民情也。關。謂境上及要路之門。

禮記通解

卷五

四十四

王制

按此節。責識立法之意。不赦過。非仁人之言。易曰。赦過宥罪。書曰。眚災肆赦。子云。欲善而民善。焉用殺。四罪誠可誅。然必曰殺之。則今之爲士爲臣者。無噍類矣。十四。勝誠可禁。然必曰不赦。則商賈販賣之藏于市者。寡矣。故立法之意。可深思。而按法之條。不可盡用也。

大史典。禮執簡記。奉諱惡。去天子齊戒受諫。司會。貴以歲之成。質於天子。冢宰齊戒受質。大樂正。大司寇。市三官。以其成。從質於天子。大司徒。大司馬。大司空。齊戒受質。百官各以其成。質於三官。大司徒。大司馬。大司空。以

百官之成。質於天子。百官齊戒受質。然後代老。勞農成歲。事制國用。

此節記古者天子納諫受成之事。太史掌國之禮事。執簡策以記君之言動。歲終奉所記王之過失。一歲中王所忌諱惡聞于人者。臣不欲顯諱以彰君惡。故書之簡以進。天子齋心戒愆受之。納諫也。司會冢宰之屬。掌財用之數。歲計曰會。月計曰要。日計曰成。歲終司會計冢宰所詔王一年財用之數。質正于天子。是冢宰所職掌。故爲王受質。考正其當否也。齋戒重其事也。大樂正與司徒掌教事。凡禮樂一歲之用。大

禮記通解

卷五

四十五

王制

司徒當受之大司寇。掌刑禁與大司馬。戎政相通。故大司寇一歲之會。大司馬當受之。司空掌國邑。居四民。故司市一歲之會。大司空當受之。三官謂大樂正。大司寇。司市也。從從司會也。司會佐冢宰逆羣吏而總其會也。百官各以成質。三官謂大司徒。大司馬。大司空。三官也。三官以百官之成。質于王。王與三官平定其制。以報于百官。百官齋戒受之一歲之治。工畢而來歲之經制。復始休老勞農。皆歲終民間之事。如蜡祭飲酒之類。

凡養老有虞氏以燕禮。夏后氏以饗禮。殷人以食。禮

周人脩而兼用之五十養於鄉六十養於國七十養於  
學達於諸侯八十拜君命一坐再至警亦如之九十使  
人愛五十異糧六十宿肉七十貳膳八十常珍九十  
飲食不離寢膳飲從於遊可也六十歲制七十時制八  
十月制九十日脩唯絞給聲去衾冒死而后制五十  
始衰六十非肉不飽七十非帛不煖八十非人不煖九  
十雖得人不煖矣五十杖於家六十杖於鄉七十杖於  
國八十杖於朝九十者天子欲有問焉則就其室以珍  
從七十不俟朝八十月告存九十日有秩五十不從力  
政六十不與去聲服戎七十不與賓客之事八十齊喪  
記通解 卷五 四十六 王制

而無父者謂之孤老而無子者謂之獨老而無妻者謂  
之矜解老而無夫者謂之寡此四者天氏之窮而無告  
者也皆有常饘音聲跛瘠音聲跛斷者音聲跛未需音聲跛百工  
各以其器食音聲跛之  
註疏養老有四養三老五更一也子孫死國難則養  
其父祖二也養致仕之老三也養庶人之老四也天  
子諸侯有事於學則養老一歲凡七舉四時四又春  
入學釋菜合舞秋頒學合聲季春大合樂爲七燕之  
言安也禮簡而行於寢一獻畢皆坐飲至醉饗之言  
向也禮行於廟立而不坐體薦而不食爵盈而不飲  
禮記通解 卷五 四十七 王制

之事弗及也五十而爵六十不親學七十致政唯衰音聲跛  
麻爲喪有虞氏養國老於上庠養庶老於下庠夏后氏  
養國老於東序養庶老於西序殷人養國老於右學養  
庶老於左學周人養國老於東膠養庶老於虞庠虞庠  
在國之西郊有虞氏皇而祭深衣而養老夏后氏收而  
祭燕衣而養老殷人冔音聲跛而祭綈衣而養老周人冕而  
祭玄衣而養老凡三王養老皆引年八十者一子不從  
政九十者其家不從政廢疾非人不養者一人不從政  
父母之喪三年不從政齊衰大功之喪三月不從政將  
徙於諸侯三月不從政自諸侯來徙音聲跛家期不從政少

獻畢而止食有禮食有燕食以飯爲主設酒而不飲  
燕純用恩有虞氏尚之而禮未備饗純用敬夏后氏  
尚之而情未洽殷人酌恩與敬用食設酒以象饗主  
食以象燕然質而少文則恩與敬未伸周人兼脩之  
鄭云春夏用燕酒以養陽也秋冬用食飯以養陰也  
五十養于鄉鄉學也六十養于國國學也七十養于  
學亦國學也一坐再至謂君有賜不能備禮但一足  
跪首再至地以備再拜之數而已九十不親拜使人  
代拜受之糧糧也宿肉隔日預備也美食曰膳貳膳  
有副貳備乏也常珍常食珍味不離寢謂寢處有皮



以閣之飲食美善之食與飲漿隨行可也制謂制送死之具歲時月日殊者年愈衰備愈急緩急以難易為差歲制謂棺不易故歲制時謂一季衣物之難制者必三月乃可辦月制謂衣物一月可辦者日脩謂已備者無事制作惟日脩理使完整而已絞所以斂尸束外者也紼單被被長大而有裏曰衾冒以韜尸死而石制也九十者天子欲有問使人就其家以珍從謂以珍味遺之致尊養也七十不俟朝謂致仕之老見於君先眾人退不俟朝禮畢也八十者君每月遣人告而撫存之九十者有常秩養之方政力役之

其年加存卹如下云不從政有常餼是也不從政不服公家之役也徙謂新遷諸侯謂諸侯之國畿內之民往徙也自諸侯來徙居京師其家期年不役天民之窮猶言天所窮之民常餼給以廩餼有常數也瘠者不能言瘠者不能聽跛者一足廢廢者兩足廢新者支節不完侏儒者身短小凡此殘廢之人以給百工之用隨其可用之器以給之食器謂器使如國語云使侏儒扶廬矇瞍循聲聾瞶司火之類按老老之禮先王教民為子弟孝弟之道也三老五更不見於詩書行葦云酌以大斗以祈黃耆此詩人登歌恆語未可為養老之徵畿內畿外高年多矣天子諸侯欲人人延之膠庠飲食之目亦不足且老者未必皆賢賢者未必可賓苟惟衰殘癯病是尸是祝而道德不足以為儀表學問不足以資經濟如近世鄉飲酒輩適足以玷膠庠而已養不過三五人而稱棄者徧四境惡在其為能養說莫善於孟子謂伯夷太公二老歸周文王養之非有袒割牲醢醬而饋執爵而酌之禮惟制民田里教之樹畜導其妻子使養其老故文王之民無凍餒之老此之謂耳孟子去古未遠養老之說于斯為正王制作於漢文帝世三老

五更禮至東京始行四代帝王所以化民成俗之本姑不在此讀者識其孝弟忠厚之意而可矣

道路男子由右婦人由左車從中央父之齒隨行兄之齒隨行朋友不相踰輕任并重任分班白者不與學君子者老不徒行庶人者老不徒食

凡男女同途男由文右女由男左央者中之適當處馬行并行稍後也不相踰并行也輕任并謂兼行也分析半也君子者老有爵者行必有車庶人者老民閒之老食必有肉皆曰不徒

大夫祭器不假祭器未成不造燕器

禮記通解

卷五

五十

王制

大夫有田可祭則自爲祭器不假借於人凡造器先祭器後家器

方一里者爲田九百畝方十里者爲方一里者百爲田九萬畝方百里者爲方十里者百爲田九十億畝方千里者爲方百里者百爲田九萬億畝

自此至終篇皆申言上文未詳之目此一節言九州田畝之數制祿分田之法周制六尺四寸爲步闊一步長一百步爲一畝長三百步爲三畝是爲一里四方長闊皆三百步是爲方一里以開方之法分之中間有田九百畝寬一里長十里爲三九百畝四方皆

十里是一百箇一里爲田九萬畝也一箇四方十里爲田九萬畝則十箇四方十里爲田九十萬畝一百箇四方十里爲田九百萬畝今言九十億是一億爲十萬也十億一百萬九十億九百萬也然古或以萬萬爲億或以十萬爲億或以萬爲億不盡同也若以方百里爲田九十億畝推之當爲田九萬萬畝十萬爲億當云九千億畝耳今云九萬億誤也

自恆山至於南河千里而遙自南河至於江千里而遙自江至於衡山千里而遙自東河至於東海千里而遙自東河至於西河千里而遙自西河至於流沙千里而遙西不盡流沙南不盡衡山東不盡東海北不盡恆山凡四海之內斷長補短方三千里爲田八十萬億一萬億畝方百里者爲田九十億畝山陵林麓川澤溝瀆城郭宮室塗巷三分去耋一其餘六十億畝

此明前文千里內曰甸外曰采曰流之制古者冀州爲帝都三面阻河故有東南西三河流沙一名居延澤不足曰近有餘曰遙九州之地自禹貢五服稱五千里周禮九服稱六千里秦漢以後開拓至萬里今據所記甸采流四方不過三千里蓋周衰以後之地方百里爲田九十億畝則方三千里當爲八萬一千

億畝云八十萬億零一萬億畝誤也

古者以周尺八尺爲步今以周尺六尺四寸爲步古者百畝當今東田百四十六畝三十步古者百里當今百二十一里六十步四尺二寸二分

此記分田定畝之法兩舉足爲一步卽今五尺爲一弓也古者步大而周尺最小每尺得今尺八寸古者以周八尺爲步是今六尺四寸也今以周尺六尺四寸爲步是今五尺一寸二分也古步比今步多出一尺二寸八分以此計之古者百畝當今東田百五十六畝二十五步一寸六分有奇記云百四十六畝有禮記通解卷五五十二

禮記通解

卷五

五十二

王制

奇誤也東田卽詩云南東其畝古帝都西北墾田偏在東南周秦漢偏居西中原稱東土故云東田地勢西北高東南下故東南爲沃壤也

方千里者爲方百里者百封方百里者三十國其餘方百里者七十又封方七十里者六十爲方百里者二十九方十里者四十其餘方百里者四十方十里者六十又封方五十里者百二十爲方百里者三十其餘方百里者十方十里者六十名山大澤不以封其餘以爲附庸閒田諸侯之有功者取於閒田以祿之其有削地者歸之閒田

此申明前言九州每州凡二百一十國之數九州之地每州四方千里是一百箇方百里也內封公侯百里之國凡三十尚剩七十箇百里又封伯七十里之國六十占去二十九箇百里又四十箇十里也蓋以開方之法計之凡百里之國一爲十里之方百計七

十里國一用十里之方四十九七十里之國二用十里之方九十八則一箇百里爲七十里之國二尚剩十里之方二然則二十箇七十里之國用百里之方十剩十里之方二十七十里之國六十用百里之方三十剩十里之方六十于前百里之方三十內用去

禮記通解

卷五

五十三

王制

七十里之方六十是用百里之方二十九用十里之方四十故剩百里之方四十十里之方六十也以封五十里之國百二十者蓋凡百里之方一爲五十里之方四則十箇百里之方爲五十里之方四十今封五十里國百二十是用去百里之方三十尚剩百里之方十十里之方六十以爲附庸閒田也

天子之縣內方千里者爲方百里者百封方百里者九其餘方百里者九十一又封方七十里者二十一爲方百里者十方十里者二十九其餘方百里者八十方十里者七十一又封方五十里者六十三爲方百里者十

五方十里者七十五其餘方百里者六十四方十里者九十六

此申明前言天子縣內分封之數畿內地方千里爲方百里者百既封九箇方百里之國尚餘百里之方九十一又以封方七十里之國二十一者蓋百里之方十可爲七十里之國二十尚剩十里之方二十今以十里之方二十外取十里之方二十九添前成四十九又爲七十里之國一共前七十里之國二十一通計用去百里之方十十里之方二十九尚剩方百里者八方十里者七十一又封方五十里之國六十三者蓋百里之方一爲方五十里之國四則百里之方十爲五十里之國四十又百里之方五爲方五十里之國二十總爲五十里之國六十又封五十里之國三者凡五十里國一用十里之方二十五三箇五十里之國用十里之方七十五是用方百里者一十五方十里者七十五剩方百里者六十四方十里者九十六也畿外封國多而餘地少者欲廣封建之制於天下也畿內封國少而餘地多者備采邑之分於王朝也

諸侯之下士祿食九人中士食十八人上士食三十六

人下大夫食七十二人卿食二百八十八人君食二千八百八十人次國之卿食二百一十六人君食二千一百六十人小國之卿食百四十四人君食千四百四十人

此申明前文下士視上農夫至君十卿祿之數次國之卿命於其君者如小國之卿

此申明前文次國一卿命於其君之祿小國二卿皆命於其君也

天子之大夫爲三監監於諸侯之國者其祿視諸侯之卿其爵視次國之君其祿取之於方伯之地方伯爲朝

禮記通解 卷五 五十四 王制 天子皆有湯沐之邑於天子之縣內視元士

此申明前文天子之大夫爲三監者之祿方伯八州之伯湯沐之邑爲有事入畿內暫止沐而後入朝

三監之祿取諸此邑

諸侯世子世國大夫不世爵使以德爵以功未賜爵視天子之元士以君其國諸侯之大夫不世爵祿

此申明前文內諸侯祿外諸侯嗣之義諸侯世子謂外諸侯之嫡子世國卽嗣也大夫天子之大夫亦謂其子卽內諸侯之子不世爵卽所謂祿也蓋天子之大夫擇有德而任之所以不世爵若外諸侯之爵其

先世有大功于國故世世同休然其嗣子繼立亦必稟天子賜策命乃得爵如先世不然其車服禮數惟視天子元士以君其國而已若夫諸侯之大夫小臣不世爵亦不得世祿矣

六禮冠昏喪祭鄉射見七教父子兄弟夫婦君臣長幼朋友賓客八政飲食衣服事為異別度量數制

此記篇首司徒設教之目六禮即儀禮所云士冠士昏士喪特牲少牢饋食鄉飲酒士相見之類皆所以一民性也父子以下七禮皆所以興民德也事為謂百工技藝異別謂器械物價不齊之等度謂丈尺量

禮記通解

卷五

五十六

王制

謂斗斛數百也制布帛廣狹也飲食一衣服二事為三異別四度量五數六數七制八皆所以防淫也

禮記通解卷五略

禮記通解卷六

月令第六

郝敦解

秦呂不韋作呂氏春秋內月紀十二篇首各有月令漢與儒者采輯以備禮家言篇內云大尉者猶秦官也九月頒朔十月為來歲者猶秦曆也其書成于秦而月之有令非自秦始夏小正亦月令也王者聽朔諸侯告朔其來已久曰聽曰告其必有事非徒聽告月之朔而已故蔡邕王肅以為周公作然據所謂五帝五神五祀五臘五味五臭明堂五位車服五色祭祀五牲之類拘攣迂僻非聖人所以法天地順四時之大道也易曰法象莫大乎天地變通莫大乎四時懸象著明莫大乎日月聖人非謂天地四時日月皆可以智力窮也惟曰於天地合德於日月合明於四時合序曰德曰明曰序聖人所以參三才之道者如是而已至於天之所以高地之所以深日月之所以明四時所以變雖聖人有所不知不能而聖人亦不求盡知之盡能之也是故歲和命而曆象正使民知興作幾衡在而七政齊使君知休咎律呂協而八音正使後世知禮樂聖人所以開物成務盡人事而贊造

禮記通解

卷六

一

月令

化者不當足矣。過此更穿鑿。如所謂五帝五官之爲神明堂十二之爲居。六丁六甲之爲數。九道四遊之爲占。靈耀覽嬉之爲書。窮幽極遠耳目所不見聞於人倫日用得之不加益。失之不加損。蓋三才不同量。人雖居聖不能以形併。智力兼天地也。天職覆地職載日月。職照人職道德聖人參三才。惟道與德故曰務民之義。敬鬼神而遠之。可謂智矣。凡篇內發政施仁。布德行惠。先王所以律天奉時。至如五帝明堂之類。隱怪傳會。吾無取焉。爾。

禮記通解

卷六

二

月令

孟春之月。日在營室。昏參中。旦尾中。其日甲乙。其帝大皞。其神句芒。其蟲鱗。其音角。律中大簇。其數八。其味酸。其臭羶。其祀戶。祭先脾。東風解凍。蟄蟲始振。魚上冰。獺祭魚。鴻雁來。天子居青陽左个。乘鸞路。駕倉龍。載青旂。衣青衣。服倉王。食麥與羊。其器疏以達。

孟。長也。春蠢也。孟。春夏正之正月。斗柄建寅。寅。引也。北斗七星居天中。隨天西轉。一日一夜轉一周而過一度。故正月建寅。二月建卯。以次而周也。日在營室者。日月會于營室之次。營室。八星二十八宿之一。營室之次。卽所謂姬訾之辰。亥方也。不言月言日者。陽主陰也。昏。暮也。旦。早也。參。七星。尾。九星。中。南方之中。

禮記通解

卷六

三

月令

言正月內每日暮參星見于南中。早則尾星見于南中。必言南中者。天體南下。人君南面。觀象便也。其日甲乙者。春木甲乙用事也。天干有十。陰陽迭用。甲丙戊庚壬爲陽。乙丁巳辛癸爲陰。十日分麗五氣。每氣兼陰陽。甲乙爲木。丙丁爲火。戊巳爲土。庚辛爲金。壬癸爲水。木旺于春。火旺于夏。土寄四時之末。旺于中央。金旺于秋。水旺于冬。甲子甲乙。乾也。子甲抽乾也。丙炳也。丁成也。戊茂也。巳起也。庚更也。辛新也。壬妊也。癸揆也。帝者天之主。神者帝之臣。大皞句芒皆其號也。舊說大皞卽伏羲。伏羲以木德王。句芒者木正名。重司春。炎帝以火德王。祝融者火正名。黎司夏。黃帝以土德王。后土名。句龍司中央。少皞以金德王。蓐收名。該司秋。高陽以水德王。水正玄冥名。熙司冬天。道以陰陽五氣造化萬物。本無形象。而人食德報功。卽以人之至者尸而祝之。盡人之道。以美報焉耳。若謂果有五帝五臣名號。爵秩則誕矣。蟲鱗鱗蟲龍蛇之屬。東方之宿爲蒼龍。故其蟲爲鱗也。音調樂器之聲。單曰聲。比曰音。春時調樂以角爲主。五音角屬木。清濁中如扣木之聲。五音濁者爲尊。清者爲卑。尊者數多。卑者數少。故五音始于黃鐘之宮。其管九寸。其

絃九九八十一絃其音最濁或損或益以生宮商角徵羽爲五音宮三分去一六九五十四下生徵徵三分益一八九七十二上生商商三分去一爲四十八下生羽羽三分益一爲六十四上生角角三分之不一盡一算其數不行故至五止宮爲君商爲臣角爲民徵爲事羽爲物尊卑之分也律者候氣之管以銅爲之或以竹中猶應也大簇寅律管長八寸五音之管陰陽各六陽爲律陰爲呂黃鐘大簇姑洗蕤賓夷則無射陽也大呂夾鐘仲呂林鐘南呂應鐘陰也律述也呂助也陰所以助陽故呂亦謂之律爲管十二中

寸有餘上生夾鐘直二月爲卯夾鐘三分損一長四寸有餘下生無射直九月爲戌無射三分益一長六寸有餘上生仲呂直四月爲巳陽上陰下下生者損上生者益下五上六乃終以十二管置密室地上取蘆子爲灰實其中其月氣至則其管灰飛是曰中也其數八者五行之數天三生木地八成之說見周易河圖酸木味洪範曰曲直作酸蘊木氣春陽氣出故祀戶五祀一戶二竈三中雷四門五行祭先脾脾主土木能克土凡春祭用牲脾爲先也魚上冰陽氣方升魚自下起上負水也獺祭魚獺始捕魚而食古人初食必祭故獺始食魚謂之祭魚鷹始食鳥謂之祭鳥豺始食獸謂之祭獸鴻鴈來自南來北也青與蒼皆水色青陽明堂東中堂也東動也南任也西遷也北背也明堂之制中央爲太廟太室週迴爲堂室者十有二以象十二月天子按月居之東中爲青陽太廟左爲青陽左个右爲青陽右个南中爲明堂太廟左爲明堂左个右爲明堂右个西中爲總章太廟左爲總章左个右爲總章右个北中爲玄堂太廟左爲玄堂左个右爲玄堂右个个古介通副也側室曰介鸞路有鈴之車駕駕車倉龍蒼色馬馬八尺以上曰



龍五穀惟麥春秀稱首種與木同氣鄭云麥有孚甲屬木羊火畜天時尚寒故食以安性易象兌為羊屬金惟五行傳以為火畜記謂二麥與羊肉性溫與其器宜粗疏通達皆以順春陽發散之令也

是月也以立春先立春三日大史謁之天子曰某日立春盛德在木天子乃齊齊平立春之日天子親帥三公九卿諸侯大夫以迎春於東郊還還歲反賞公卿諸侯大夫於朝命相布德和令行慶施惠下及兆民慶賜遂行毋有不當去乃命大史守典奉法司天日月星辰之行宿離去不貸母失經紀以初為常

禮記通解

卷不

木

立春之日春氣至故迎之謁告也迎于東郊者祭大皞句芒於郊也還自郊還反及于朝賞功曰慶周急曰惠遂行戒虛文寢閣也母不當戒濫予也大史掌六典八法以貳六官一歲方始庶事維新故戒以守典奉法勿紛更廢弛也大史之職正歲年以序事頒于官府都鄙頒告朔于邦國其屬有馮相保章皆司天文天日月星辰五者行各有常宿次舍也離附麗也猶詩云月離于畢之離日月星辰皆麗天日循星而進退月應日而生死所宿之辰所離之星審侯察度不得差貸實與忒同母失常行之經與錯綜之紀

初謂推步之舊法所謂求其故也

是月也天子乃以元日祈穀于上帝乃擇元辰天子親載耒耜措之于參保介之御間帥三公九卿諸侯大夫躬耕帝籍天子三推推平三公五推卿諸侯九推反執爵于大寢三公九卿諸侯大夫皆御命曰勞去酒

元日善日也郊特牲云郊用辛春秋公羊傳云正月辛故鄭氏謂元日為上辛也祈穀郊祀祈豐年也擇元辰郊後又擇吉日也耒耜耕器耜上曲木曰耒前貫鐵起土曰耜措置也保護衛也或云猶衣也介甲也詩云嗟嗟保介參三也車中三人王居左御者

禮記通解

卷不

七

居中勇士護衛衣介者居右故御與保介謂之參乘王將往耕籍田以農器載于車中保介御者之間也帝籍供祀上帝之籍田籍借也借民力耕獲也大寢路寢也御侍宴也勞慰勞也

是月也天氣下降地氣上騰天地和同草木萌動王命布農事命田舍東郊皆脩封疆審端徑術善相去丘陵阪險原隰土地所宜五穀所殖以教道民必躬親之田事既飭先定準直農乃不惑

天降地升二氣氤氲化生萬物也布農事布勸農之政也命田命農官也舍東郊出居于東郊也審端徑



術辨正疆界也。徑術田間路或曰術作途小溝也。土高曰立平而可陵者曰陵。陵而不平者曰阪。坎而不通者曰險。廣平曰原。下濕曰隰。周禮大司徒五地十有二土。教民以種植所宜也。躬親或曰官親循行也。田事既飭。謂既正其經界。辨其土宜也。定準直著爲法程也。準直猶言準繩。

按善養民者省刑薄斂時而使之民有暇日各自盡力。南畝可無事上之督課也。苟不能安輯使勤生樂業而紛紛設官布令。雖田畯日舍東郊。擾之而已矣。是月也命樂正入學習舞。乃脩祭典。命祀山林川澤。犧

禮記通解

卷六

八

月令

友

牲。母用牝。禁止伐木。毋覆巢。毋殺孩蟲。胎天飛鳥。毋麇。毋卵。毋聚大衆。毋置城郭。掩骼掩埋埋骸。是月也不可以稱兵。稱兵必天殃。兵戎不起不可從我始。母變天之道。毋絕地之理。毋亂人之紀。

樂正以樂教國子。正月入學習舞。應發舒之氣也。詳見周禮大司馬之職。脩祀典。謂一年內當祭者皆於歲始省錄之也。山林川澤生物之府。春生功顯。故命祀之。凡犧牲皆不用牝。春尤恐傷妊也。孩蟲稚蟲也。未生曰胎。初生曰天。獸子曰麇。勿聚大衆。勿置城郭。恐妨農也。人死枯骨曰骼。連肉曰膚。掩埋惡傷生氣。

也。方生不可殺。故不稱兵。方生用殺。是變天道絕地。理亂人紀也。生生者三才之始也。

孟春行夏令。則雨水不時。草木蚤落。國時有恐。行秋令。則其民大疫。瘧瘧疾風暴雨。總至。藜莠蓬蒿并興。行冬令。則水潦薦敗。雪霜大摯。首種不入。

孟春行夏令。謂如正月行四月之令之類。餘倣此。凡政令順時。則氣序調。違時則災害生。迴風曰飈。藜草名。可爲帚。莠草一名狗尾。摯傷也。與驚通。首種謂五穀之早種者。或曰稷也。或曰麥也。

按王者奉天時。行四時之令。雖有先後。而通融調劑。

禮記通解

卷六

九

月令

權時用中。非舉一廢餘也。若謂某時反某令。則招某災。十二月各專一事。而不相通。政之拘于時。廢闕者多矣。記言本踈。鄭氏附會之。謂孟月失令。則孟月之氣乘之。仲月失令。則仲月之氣乘之。季月亦然。如孟春行夏令。則已火爲災。行秋令。則申金爲災之類。猶洪範言五行五事。休咎劉向輩緣飾牽強不驗。人主反謂天道不足畏。由來矣。夫人天地之心。大君億兆人之心。人主行事乖天理。億兆人受殃。一人之咎不足轉移天地。億兆人悲喜欣戚。天地之氣應之自然之理也。豈區區一時一事。合一徵之謂與。

仲春之月。日在奎。昏弧中。旦建星中。其日甲乙。其帝大  
皞。其神句芒。其蟲鱗。其音角。律中夾鍾。其數八。其味酸。  
其臭羶。其祀戶。祭先脾。始雨水。桃始華。倉庚鳴。鷹化為  
鳩。天子居青陽大廟。乘鸞路。駕倉龍。載青旂。衣青衣。服  
倉玉。食麥與羊。其器疏以達。

仲中也。仲春二月。斗柄建卯。卯冒也。日在奎。與月會  
于戌。降婁之次也。婁斂也。萬物至戌。降落收斂也。奎  
十六星。在戌方。弧九星。近井。井八星也。建六星。近斗  
斗六星也。不言井斗而言弧建者。以井三十三度。斗  
二十六度。廣遠不可的指。故舉弧建以定昏旦之中。

禮記通解

卷六

十

十

也。甲乙解見首。後倣此。夾鍾卯律。說見前。夾助也。圖  
而空曰鐘。含藏之名。夾鍾本陰。呂獨陽不生。夾助四  
陽之鍾氣也。始雨水。凍始解也。倉庚黃鳥。鳩布穀形  
類。應節。雕鳩也。夏小正謂二月化鳩。五月化鷹。皆時  
之候也。四時每五日一候。積六候成一月。故一歲七  
十二候。三候成一氣。六氣成一時。四時凡二十四氣  
也。青陽大廟。明堂之東中堂也。說見前。

是月也。安萌芽。養幼少。存諸孤。擇元日。命民社。命有司  
省園。園。謂去桎。桎。母肆掠。止獄訟。

安萌芽。謂禁斧斤入山林也。社。一方土神。地非民所

得祭。必上命之百姓以下成羣。置社祭以仲春。報生  
物也。省。視也。圉。圍獄也。械。在頸曰梏。在足曰桎。肆。縱  
也。掠。奪也。母肆掠。省刑也。皆所以應陽和之氣順  
發生之心也。

按郊特牲云。社用甲日。書召詰社用戊日。此言擇元  
日不盡合也。凡械在首曰梏。易童牛之梏。即所謂楅  
衡。施于牛角者也。書云。牝牛馬。蓋羈絡胃案之類。控  
扼其首者也。春秋傳。樂轡以弓。戲梏華弱。亦謂梏其  
項也。古人刑禁綏。惟大辟。拳其手而桎。梏中罪。桎梏  
而舒其手。下罪。桎其項而已。鄭謂梏為械在手。謂梏

禮記通解

卷六

十一

十一

牛馬。械其前兩足。則何能畜養而教習之乎。又解肆  
謂死刑。肆尸于市三日。夫掠且戒。況殺之而又肆之  
乎。皆誤也。

是月也。玄鳥至。至之日。以大牢祠于高禘。天子親往  
后妃帥九嬪御。乃禮天子所御。帶以弓韉。授以弓矢  
于高禘之前。

禘。先媒之神。玄鳥。燕也。高辛帝之妃簡狄。祀禘得祥  
後世遂以高辛氏為主。曰高禘。御猶侍也。九嬪。婦官  
掌教九御者也。天子所御。謂侍寢于王者。以禮待之  
也。韉。弓衣也。弓矢。男子之事。所以為兆也。

是月也日夜分雷乃發聲始電發蟲咸動啓戶始出先雷三日奮木鐸以令兆民曰雷將發聲有不戒其容止者生子不備必有凶災日夜分則同度量鈞衡石角斗正權衡是月也耕者少舍乃脩閭扇寢廟畢備毋作大事以妨農之事

日夜分謂春分晝夜各五十刻也陽盛則晝長陰盛則夜長陽生于子終于午至卯而中陰生于午終于子至酉而中故仲春陽中其節為春分仲秋陰中其節為秋分雷陽氣之動也電陽光也陽氣發洩故蟄伏之蟲皆動開心出也先雷三日驚蟄前數日也

禮記通解

卷六

十一

月令

奮木鐸振播鐸聲以警衆也不戒容止謂房室之事衰瀆天威生子則形體殘缺父母受凶禍也度謂分寸尺丈引也量謂龠合升斗斛也鈞均也衡稱也百二十斤為石角較也十升為斗十斗為斛甬斛也權秤錘也概以平斗斛同均角正皆因日夜均而法天時也耕者少舍謂耕田之暇門雙曰閭單曰扇前曰廟後曰寢大事謂大興作妨農也脩閭扇者小事也是月也毋竭川澤毋漉陂池毋焚山林天子乃鮮羔開冰先薦寢廟上下命樂正習舞釋菜天子乃帥三公九卿諸侯大夫親往視之仲丁又命樂正入學習樂是

月也祀不用犧牲用圭璧更皮幣

滌場取也鮮羔謂生羔不殺以祭司寒之神古者十二月日在北陸藏冰二月日在西陸開冰北陸虛也西陸昂也為薦冰也先薦祖而後頒賜也上丁是月上旬之丁日也丁當也當祭日也丁成也樂以教成也或曰丁陽火取文明也樂正以樂舞教國子俊士于大學設奠于先師不用牲牢奠菜而已釋猶奠也天子率羣臣親往視視習舞也仲丁是月中旬丁日也習樂習歌吹也是月之祀即前高禘啓冰釋菜等不用犧牲謂將騰合牝牡戒殺但用圭璧加皮幣代牲耳高禘之大牢開冰之羔皆犧牲高禘祈嗣知不殺用圭玉以皮幣代而羔曰鮮是亦不殺也習舞釋菜無犧牲又明矣

禮記通解

卷六

十三

月令

按祭不用犧牲非古也古者內外四時之祭多以仲月春秋傳云啓蟄而郊祭義云春禘郊禘大祭可無犧牲乎君子有搏節之愛不廢制用之禮犧牲不備不可以祭必仲春無祭乃可故月令以孟春郊而易豫卦象曰雷出地奮豫先王以作樂崇德殷薦之上帝以配祖考則是郊禘在仲春月令未足據也仲春行秋令則其國大水寒氣總至寇戎來征行冬令

說見前

季春之月日在胃昏七星中旦牽牛中其日甲乙其帝  
大暉其神句芒其蟲鱗其音角律中姑洗先上聲其數八  
其味酸其臭羶其祀戶祭先脾桐始華田鼠化為鴽如  
北始見萍始生天子居青陽右个乘鸞路駕倉龍載青  
旂衣青衣服倉王食麥與羊其器疏以達

季少也季春三月斗柄建辰辰振也日在胃與月會于酉大梁之次也胃三星在酉方七星其星七也牽

禮記通解

卷六

丁酉

月令

牛六星姑洗辰律說見前姑初生也洗潔也鶩鵲鶩虹陰陽氣雜也雲薄漏日日照雨滴則生虹三月以前陽氣正中陰莫能干至辰陽過中故陰氣亂之青

陽右个謂東堂之南偏也

是月也天子乃薦鞠衣于先帝命舂牧覆舟五覆五反乃告舟備具于天子馬天子始乘舟薦鮪律于寢廟乃爲麥祈實是月也生氣方盛陽氣發泄句者畢出萌者盡達不可以內天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮賢者是月也命司空曰時雨將降下水上騰循行國邑周

視原野脩利隄防道達溝瀆開通道路毋有障塞田獵

鞠衣黃色之衣先帝大皞木德之君薦衣將祈禳事

也舟牧主乘舟之官覆覆視也及報命也五者再三之謂愼之至也天子將親往漁以薦祖廟故乘舟鮪似鱸長鼻口在頷下無鱗大曰王鮪小曰鮪鮪所食

寶卽祈于廟也。萌之屈者爲勾。直出曰萌。不可內言。不宜閉藏也。布德行惠以下至。母有障塞皆不內之。

事脩利隄防謂脩治使通利無壅塞也獸罟曰罟罟鳥罟曰羅網罟小網有柄翳射者所自隱蔽也餒啗

禮記通解

卷六

十五

月令

之也樂善藥九門者天子都城九衢闢九門通往來鳥獸在郊網羅出城門乃可施也禁之恐傷乎乳也

是月也命野虞母伐桑柘鳴鳩拂其羽戴勝降于桑具  
曲植蓬舊筐后妃齊戒親東鄉躬桑禁婦女毋觀王省  
婦使以勸蠶事蠶事既登分繭稱絲效功以共郊廟之  
服母有敢惰

野虞主山林之官。鳴鳩卽雉鳩。二月化。三月鳴。雌雄以羽相拂也。戴勝卽鴝鳩。一名鴝鵒。首有冠如花。勝故名。戴勝詩云。鳴鳩在桑。其子七兮。此鳥喜食桑葚。

子成降于桑窻成之侯也降下巢也鳩鳩乎子于鵠  
巢鵠巢喬木而桑苞生故曰降曲曲薄以布簋植以  
架薄簋作筭竹器圓曰筭方曰筐皆以盛桑葉也東  
鄉迎生氣也母觀母容飾也省婦使減省其歲線縫  
製之事登成也分蘭別蘭之多少稱絲稱其輕重以  
較功之上下也

是月也命工師令百工審五庫之量金鐵皮革筋角齒  
羽箭幹脂膠丹漆母或不良百工咸理監工日號母悖  
于時母或作為淫巧以蕩上心是月之末擇吉日大合  
樂天子乃帥三公九卿諸侯大夫親往視之是月也乃  
禮記通解 卷六 六

合果牛騰馬遊牝于牧犧牲駒犢舉書其數命國難  
九門磔責攘以畢春氣

工師百工之長五庫藏材物之府稱五者以五材得  
名也金鐵等材凡弓矢車甲器用皆資之監工即工  
師監視也號戒令也母悖時如考工記弓人春液角  
夏治筋秋合三材冬定體之類又云石有時以泐水  
有時以凝材美功巧然而不良則不時也大合樂合  
衆樂大作于國學也樂陽氣季春陽氣方長大作樂  
以宣之累牛繫累之牛騰馬騰走之馬所謂風馬牛  
也遊牝放之使求其牡也于牧于水草寬閒之所攘

牲可供祭祀之牲小馬曰駒小牛曰犢皆就在牧之  
數書記以稽出入較生息也難難通逐也國難國中  
讎以驅逐陰氣季春陽氣方盛陰隱伏聚衆喧闐  
使陽氣充滿陰氣銷亡也四時惟夏不讎以陽盛無  
伏陰也裂牲曰磔除災曰攘

按讎見於論語古鄉人習俗非先王之典禮也周禮  
方相之說近誕鄭氏謂日行昴有大陵尸氣為厲尤  
不經磔牲體徧懸九門而以攘災不殆于幻妄乎

季春行冬令則寒氣時發草木皆肅國有大恐行夏令  
則民多疾疫時雨不降山陵不收行秋令則天多沈陰  
禮記通解 卷六 六

淫雨蚤降其革并起  
山陵不收草木不成也言山陵者為季夏土氣之應  
也

孟夏之月日在畢昏翼中旦婺女中其日丙丁其帝炎  
帝其神祝融其蟲羽其音徵律中中呂其數七其味苦  
其臭焦其祀竈祭先肺螭蜩鳴蚯蚓出王瓜生苦菜秀  
天子居明堂左个乘朱路駕赤駟載赤旂衣朱衣服赤  
玉食菽與雞其器高以粗

夏盛大也孟夏四月斗柄建巳巳巳日在畢與月  
會于申實沈之次也翼二十二星婺女四星日丙丁

者夏火丙丁用事也炎帝大庭氏即神農以火德王也祝融火官羽蟲飛鳥之屬凡飛揚者屬火徵音微輕屬火爲事中呂巳律徵陰中動呂助陽氣數七者地二生火天七成之也苦火味焦火氣竈火以爲養夏火長養百物也肺主金火克也螻蛄土狗似蟋蟀螻蛄蝓蚘皆幽蟲鳴且出伏陰盡而陽極陰生之漸也王瓜夏小正作王賁本草云菰蔞也根似瓜俗名土茯苓苦菜味苦四月秀火氣之應明堂南向左个偏左也駟赤馬與朱旂赤玉皆應火色菽大豆應夏氣之大也雞當午鳴其色丹羽禽之屬陽者也器用禮記通解

卷六

太

高祖皆象夏也

是月也以立夏先立夏三日大史謁之天子曰某日立夏盛德在火天子乃齊立夏之日天子親帥三公九卿大夫以迎夏於南郊還反行賞封諸侯慶賜遂行無不欣說乃命樂師習合禮樂命大尉贊傑俊遂賢良舉長大行爵出祿必當其位是月也繼長增高母有壞墮上多母起土功母發大衆母伐大樹是月也天子始緡命野虞出行田原爲天子勞農勸民毋或失時命司徒循行縣鄙命農勉作毋休于都是月也驅獸毋害五穀母大田獵農乃登麥天子乃以鉶嘗麥先薦寢廟是月也

聚畜百藥靡草死麥秋至斷薄刑決小罪出輕繫蠶事畢后妃獻蘭乃收南稅以桑爲均貴賤長幼如一以給郊廟之服是月也天子飲酎酎用禮樂孟夏行秋令則苦雨數不五穀不滋四鄙入保行冬令則草木蚤枯後乃大水敗其城郭行春令則蝗蟲爲災暴風來格秀草不實

迎夏於南郊祭炎帝祝融也迎夏迎冬不言諸侯諸侯獨春秋在耳樂師習合禮樂爲將飲酎也大尉秦官名贊遂舉皆薦揚意傑俊言才賢良言德長大言形體繼長增高皆培植意起土發衆恐妨農蠶也大禮記通解

卷六

十九

樹豐隆伐之傷盛長之氣也絺葛之精者野虞外官位卑故出行原野爲天子勞農司徒內官專掌農政故循行縣鄙以已命命農也聚百藥供醫事也孟夏百草繁廡可採藥靡草之細柔者陰氣所化陽勝故死麥至夏枯故夏爲麥秋薄刑可斷小罪可決無留滯也重罪繫者未可釋輕繫者出之順長養之氣也后妃獻蘭蠶事畢而世婦獻蘭于后妃后妃獻于王也收南稅外命婦養蠶亦取國北近郊之公桑十一而稅以受桑多寡爲南稅之多寡也貴賤謂公卿大夫與士之妻長幼謂婦有老少如一謂稅皆十一



也郊廟之服天子之祭服下至命婦養蠶皆為供祭服也耐祠也酒之濃厚者謂之酎春造夏飲羣臣蓋盛會也故用禮樂四鄙入保之保與堡通鄙界小城曰堡

按鄭康成謂祭統於嘗也出田邑孟夏封諸侯非古也蓋以月令為秦制耳然安知祭統之為古與如以義賢夏出秋收月令為長大尉秦官也月令作于秦甚明然其書以農桑為本無月不及農桑即詩書而風耕逸之意秦人尚功何暇及此其非呂氏所獨創又明矣

禮記通解

卷六

二十

仲夏之月日在東井昏亢中旦危中其日丙丁其帝炎帝其神祝融其蟲羽其音徵律中蕤賓其數七其味苦其臭焦其祀竈祭先肺小暑至蟄蟄生鳴始鳴反舌蟬聲天子居明堂大廟乘朱路駕赤騂載赤旂衣朱衣服赤王食菽與雞其器高以粗養壯佼

仲夏五月斗柄建午午夢也日在東井與月會于未鶉首之次也亢危二宿名亢四星危三星蕤賓午律蕤柔也賓謂陰柔始生陽將謝為賓也賔博勞也反舌蛙也舌本前著口側末向內莫春鳴至五月息或曰鳥之反覆多聲者百舌也明堂大廟南向中堂也

壯佼碩大美好也養此類順長養之氣也

是月也命樂師脩鞀鞀鞀皮鼓均琴瑟管簫執干戚戈羽調竿笙箏簧飭鐘磬祝敔命有司為民祈祀山川百源大雩帝用盛樂乃命百縣雩祀百辟卿士有

益於民者以祈穀實農乃登黍是月也天子乃以雛嘗黍羞以含桃先薦寢廟令民毋艾刈藍以染母燒灰母

暴布門閭毋閉閭市毋索挺重囚益其食游牝別羣則繫騰駒班馬政是月也日長至陰陽爭死生分君子

齊戒處必掩身毋躁止聲色母或進薄滋味母致和節者欲定心氣百官靜事毋刑以定晏陰之所成

鹿角解蟬始鳴半夏生木董榮是月也母用火南方可以居高明可以遠眺望可以升山陵可以處臺榭仲夏

行冬令則雹凍傷穀道路不通暴兵來至行春令則五穀晚熟百勝特起其國乃饑行秋令則草木零落果

實早成民殃於疫

命樂師脩樂器將零祀也樂陽五月陰生損陽故脩也鞀鞀以下十九物皆樂器鞀鞀同鼓者導也以導樂作也鞀鞀也小鼓在大鼓傍助鼓節也鼓謂之

廓冒之以皮其中空廓也三者皆革音琴謂之離五絃聲流離也瑟謂之漫二十七絃音布麗也二者皆

禮記通解

卷六

二十

月令

禮記通解

卷六

三

月令

絲音管長尺六孔有底併兩而吹簫之言肅編二十  
二管長四寸二者皆竹音干盾也威斧也戈鉤戟羽  
鳥羽四者皆舞器竿言汚也其中汚空三十六簧或  
曰十三簧笙謂之巢列管瓠中象物生出地也篳篥  
同篳言啼長尺四寸三十一孔吹也篳言橫以銅  
為薄葉橫捲管端氣鼓之而成聲也竿笙也三者皆  
有簧皆竹音鐘言空也內空生聲金音磬言磬也聲  
聲磬然石音祝狀如桶而方敵狀如伏虎祝起樂敵  
節樂二者皆木音百源衆泉源零郊祭禱雨零言吁  
巫作吁嗟聲而舞也用盛樂用上所脩諸樂帝天帝  
禮記通解 卷六 三十一

其羣馬駒騰躍者繫繫之恐觸孕牝也馬陽物而陰  
性故易以象坤五月陰陽交故宜班馬政周禮校人  
掌馬政日長至謂夏至日長之極也陽盡于午中而  
微陰生陰陽爭辨之際陽為生機陰為殺機生元分  
判之界也在事物為盛極而衰始在人心為理終而  
欲萌故君子法天體道不可以不慎惟定靜澹泊為  
可貴也致和謂滋味不極調和刑屬陰母刑亦恐助  
陰也晏安靜也陰道尚靜故云晏陰定其所成者聽  
其自來逆而助之必受其傷解脫落也鹿在山為陽  
故角遇陰而落陽退之象麋在澤為陰故角遇陽而  
落陰退之象麋鹿之大者半夏藥草木莖一名舜華  
榮華也朝開而暮落又名日及南方午位五月火方  
用而又用火于其方過烈矣微陰生于午逆天之氣  
也但居高明遠眺望升山陵處臺榭之類則宜耳榭  
臺上欄楯膳食茹蟲  
按春秋傳云啓蟄而郊是仲春也而月令孟春又云  
龍見而雩是四月也而月令五月不盡合也夏至陰  
生安靜以定陰氣所以順造化之自然道莫大于自  
然心莫妙于清虛陽生固貴安靜以養其和陰生亦  
宜安靜以平其殺鄭氏捥易緯云夏至人主從八能



之士作樂五日不宜止聲若是則陽宜恬養而陰不  
宜定成豈靜正中和調燮之至理哉

季夏之月日在柳昏火中旦奎中其日丙丁其帝炎帝  
其神祝融其蟲羽其音徵律中林鐘其數七其味苦其  
臭焦其祀竈祭先肺溫風始至蟋蟀居壁鷹乃學習腐  
草爲螢天子居明堂右个乘朱路駕赤駟載赤旂衣朱  
衣服赤王食菽與雞其器高以粗

季夏六月斗柄建未未昧也日在柳與月會于午鶉  
火之次也火心宿三星奎十六星林鐘未律林象也  
鐘聚也萬物盛聚也溫風熱氣至極也蟋蟀秋吟涼

禮記通解

卷六

二十四

月令

風未至而秋蟲已居壁鷹至秋擊殺氣未肅而鷙鳥

先學習螢蟲有光腐草所化

命漁師伐蛟取鼃登龜取龜命澤人納材葦是月也命  
四監大合百縣之秩芻以養犧牲令民無不成出其力  
以共皇天上帝名山大川四方之神以祠宗廟社稷之  
靈以爲民祈福是月也命婦官染采黼黻文章必以法  
故句無或差貸式黑黃蒼赤莫不質良毋敢詐僞以給  
郊廟祭祀之服以爲旗章以別貴賤等給之度是月也  
樹木方盛乃命虞人入山行木毋有斬伐不可以興土  
功不可以合諸侯不可以起兵動衆毋舉大事以搖養

氣毋發令而待以妨神農之事也水潦盛昌神農將持  
功舉大事則有天殃是月也土潤溽暑大雨時行燒  
薙替行水利以殺草如以熱湯可以糞田疇可以美土  
驅強上季夏行春令則穀實鮮仙落國多風然民乃遷  
徙行秋令則立隰水潦未稼不熟乃多女災行冬令則  
風寒不時鷹隼第登鷙四鄙入保

漁師漁人之長命漁澤不言是月者非止是月之事  
自是月始耳蛟爲患故云伐龜有靈故云登鼃皮可  
用龜肉可食故云取周禮獻人秋獻龜材葦亦秋方  
可納以是月命非卽以是月取納之也四監謂山虞

禮記通解

卷六

二十五

月令

澤虞林衡川衡百縣之秩芻卽禹貢王畿甸服三百  
里內每歲所應納之常芻出力卽謂納芻婦官染人  
掌婦功也暑濕宜染采白黑爲黼黑青爲黻青赤爲  
文赤白爲章以四方之色相間爲四采也染造必循  
舊法依故事毋得參差貸變必正質善良勿敢詐僞  
亂真也旗謂旌旗周禮司常有九旗章者旗上物色  
如王建大常諸侯建旂各有等級也給作級不可興  
土功以土將用事其氣欲靜故不合諸侯不起兵動  
衆舉大事卽土功等事動搖長養之氣蓋季夏水土  
交坤將得位萬物致養故易曰致役乎坤勿搖養氣

言勿他役也發令而待謂未及徭役之期豫發徵召之令使民廢農事待上之期會也神農即炎帝火德季夏土爰稼穡火資土為神農之事水潦盛昌東井主水也六月建未為土位過水而澤得火而生故神農于此總持其功此時舉大事播養氣則有天殃土潤澤暉謂上水火交蒸為濕暑也大雨時行東井之氣燒雜治田之法先焚雜其草乾則以火燒所雜沃以水則草無不死者暑氣方盛水如熱湯浸漬腐草可以糞田噉可以美土疆穀田曰田麻田曰疇土之礫礫堅強者曰土疆鮮落謂不黃早落也多風木氣

禮記通解

卷六

主六

入保冬藏之象

女災謂妊孕敗也火侵金通主傷子損其母也四節

中央土其日戊己其帝黃帝其神后土其蟲倮其音宮律中黃鐘之宮其數五其味其其臭香其祀中霤祭先心天子居太廟太室乘大路駕黃駟載黃旂衣黃衣服黃玉食稷與牛其器圓以閏

五行分配四時各七十二日而土寄旺于四時各十八日合之亦七十二日也土氣周行木火金水四時之末辰戌丑未為土位而六月建未居一歲之中在金火之間故于此特揭中央土一令以備五行之序

戊巳十干之中黃帝軒轅氏以土德王后土句龍或云句龍轉為社祝融兼之即黎也其說近誕倮蟲無羽毛鱗甲象火熱土煖也五音宮濁而最尊五行土濁而為主故宮音屬土黃鐘之宮謂十二律各自為五音迭相為宮而黃鐘之宮最長聲最濁故黃鐘之管本應十一月而黃鐘之宮則以配中央土蓋土冠五行黃鐘之宮冠十二律之五音六十聲也但各月之律以管候氣氣應聲亦應中央則直取聲之相應無此管也其數五謂天五生土地十成之不言十者天地之數盛于五圖書之中極于五也其中味香中

禮記通解

卷六

主七

氣中霤舊說古人居陶穴上漏光明曰中霤故室中曰霤霤禮浴于中霤其實非室中今人家四檐天井中是也祭先心中中也太廟太室明堂中央室也大路節云殷路尚質也黃駟土火之兼色稷粟也牛土畜器圓象土周流四時閏寬廣也象土含容

孟秋之月日在翼昏建星中旦畢中其日庚辛其帝少皞其神蓐收其蟲毛其音商律中夷則其數九其味辛其臭腥其祀門祭先肝涼風至白露降寒蟬鳴鷹乃祭鳥用始行戮天子居總章左个乘戎路駕白駘載白旂衣白衣服白王食麻與犬其器廉以深

秋擊斂也。孟秋七月斗柄建申申堅也。日在翼與月會于己。尾之次也。建星見仲春畢宿八星其蟲毛氣涼而毛生也。商音次宮為臣金聲也。夷則申律夷平也。則法也。氣爽民夷物成法則也。其數九地四生金天九成之也。辛金味腥金氣祀內陰氣斂自外入也。祭先肝金克木也。鷹祭鳥見孟春用始行戮人君始用刑戮順時令也。總章左个明堂之西堂左側室也。戎路兵車也。白馬黑鬣曰駱白西方金色胡麻子色白犬黔喙之獸皆金象康校也。深收藏意金氣華而秋意斂也。

禮記通解

卷六

二十八

五

是月也以立秋先立秋三日大史謁之天子曰某日立秋盛德在金天子乃齊立秋之日天子親帥三公九卿諸侯大夫以迎秋於西郊還反賞軍帥武人於朝天子乃命將帥選士厲兵簡練桀俊專任有功以征不義誅暴慢以明好惡順彼遠方是月也命有司脩法制繕囹圄具桎梏禁止姦慎罪邪務搏執命理瞻傷察創平聲視折審斷句決獄訟必端平戮有罪嚴斷刑天地始肅不可以贏是月也農乃登穀天子嘗新先薦寢廟命百官始收斂完隄坊謹壅塞以備水潦脩宮室垣牆垣垣補城郭是月也毋以封諸侯立大官毋以割地行大使

出大幣孟秋行冬令則陰氣大勝介蟲敗穀戎兵乃來行春令則其國乃旱陽氣復還五穀無實行夏令則國多火災寒熱不節民多瘧疾

秋金主殺故賞將帥詰其戎順從也好惡明討當其罪則遠人順從禁以止姦止非慢令慎以罪邪罪非濫刑搏擊也執拘繫也理治獄之官審曲直曰理瞻傷瞻視刑者之傷輕重得當也損皮曰傷損肉曰創損骨曰折肉骨絕曰斷王制所謂斷者也傷至斷而愈重瞻至審而加詳不得不刑者義也不可不審者仁也端正也嚴畏敬也天地始肅秋氣收斂也贏盈

禮記通解

卷六

二十九

五

也發越之意陽常饒陰常乏饒則充長乏則退藏皆以相天地之宜也登穀穀成熟也命百官收斂順秋令也完隄坊以下皆收斂之事季春脩利隄防使勿壅塞順陽氣之舒也孟秋完隄坊謹壅塞順陰氣之斂也備水潦者秋直畢畢好雨備隄坊使完固也毋封諸侯立大官毋割地行使幣者秋主刑布德非時也介蟲敗穀如蟹食稻之類

仲秋之月日在角昏牽牛中旦觜觜中其日庚辛其帝少皞其神蓐收其蟲毛其音商律中南呂其數九其味辛其臭腥其祀門祭先肝肅風至鴻鴈來玄鳥

歸羣鳥養羞天子居總章太廟乘戎路駕白駱載白旂衣白衣服白王食麻與犬其器廉以深

仲秋八月斗柄建酉酉留也日在角與月會于辰壽星之次也牽牛見辛春宵觴三星南呂酉律南任也呂助也陰任事助成物也盲風昏暗之風酉闔戶之月陰風晦昧春夏之風曰明庶曰清明曰景風陽明之象此月之風曰闔闔陰閉之象盲風即闔闔風孟春鴻鴈來來南也此月鴻鴈來來北也仲春玄鳥至燕始出此月玄鳥歸燕蟄藏也鄭謂凡鳥隨陰陽者不以中國為居驗之惟鴈為然玄鳥多藏谿谷中養

禮記通解

卷六

三

車也

是月也養衰老授几杖行糜粥飲食乃命司服具飭衣裳文繡有恒制有小大度有長短衣服有量必循其故冠帶常有常乃命有司申嚴百刑斬殺必當毋或枉撓枉撓不當反受其殃是月也乃命宰祝循行犧牲視全具案多黍瞻肥瘠察物色必比類量大小視長短皆中法度五者備當上帝其饗天子乃難以達秋氣以大嘗麻先薦寢廟是月也可以築城郭建都邑穿寶窖

脩國倉乃命有司起民收斂務畜菜多積聚乃勸

種麥母或失時其有失時行罪無疑是月也日夜分雷始收聲蟄蟲壞戶殺氣浸盛陽氣日衰水始涸日夜分則同穀量平權衡正鈞石角斗角是月也易關市來商旅納貨賄以便民事四方來集遠鄉皆至則財不匱上無乏用百事乃遂凡舉大事毋逆大數必順其時慎因其類仲秋行春令則秋雨不降草木生榮國乃有恐行夏令則其國乃旱蟄蟲不藏五穀復生行冬令則風災數起收雷先行草木蚤死

禮記通解

卷六

三

糜粥飲食皆養事司服官名上曰衣下曰裳文繡謂文彩刺繡鄭康成訓文為畫謂祭服畫衣繡裳按尚書作會宗彙謂畫器也附合周禮以為畫衣恐未然詳見尚書周禮秋涼授衣故命司服治衣服秋主刑故命有司嚴百刑申重也嚴戒也秋嘗饗帝故命循牲色純曰犧全具不殘缺也案按通察也草食曰芻穀食曰豢物色謂毛色或騂或黝陽用騂陰用黝各以類小大長短謂角體也五者一全二肥三色四大中五長中上帝其饗羣神可知天子乃難惟天子行之秋陰尚微天子陽主故難以通秋氣不及國與天

下也詳見季春嘗麻食新麻也築城郭四者皆收藏之事穿地曰窖窖之圖者曰窖藏器曰倉倉之圖者曰國勸種麥以濟新穀之不及也日夜分謂秋分晝夜各五十刻蟄蟲壞戶培其蟄穴之戶使漸小至十月寒甚乃瑾塞也水本氣化春夏氣至而潦秋冬氣反而涸國語云天根見而水涸則九月也晝夜均分則同度量衡與仲春同說見前易闢市勿阻難也關貨所入市貨所聚舉大事謂出師興工大數謂陰陽時謂四時當因春生刑因秋殺皆類也行春令則秋雨不降風以散之也草木生榮木氣為妖也風災殺物之風朔氣也收雷先行不待日夜分而雷先蟄陽氣閉藏也

按此篇於刑獄三致意焉秦人用法慘酷宜無及此故是書非呂氏獨創多先聖彝訓而不韋之徒加補葺耳凡禮書皆然也嘗麻炊麻為飯詩云禾麻稷麥麻與五穀同而今人少有食者直麻有子不可食泉麻但可績無子胡麻多油然亦非饔飧之具未知古人所食何麻註不詳

季秋之月日在房昏虛中旦柳中其日庚辛其帝少皞其神蓐收其蟲毛其音商律中無射其數九其味辛

其臭腥其祀門祭先肝鴻鴈來賓爵入大水為蜃有黃華花豺乃祭獸戮禽天子居總章右个乘戎路駕白駱戴白旂衣白衣服白玉食麻與犬其器廉以深

季秋九月斗柄建戌戌畢也日在房與月會于卯大火之次也虛二星柳八星形垂如柳無射戌律射厭也陽氣功畢無厭射也鴻鴈來賓言非久將去也杜甫詩云秋燕已如客用此意爵雀通蛤蚌屬大水謂江海鞠菊同菊有五色而黃為王祭獸解見前禽者鳥獸之總名戮搏食也

是月也甲辰號令命百官貴賤無不務內以會天地之藏無有宣出乃命冢宰農事備收舉五穀之要藏帝籍之收於神倉祇敬必飭是月也霜始降則百工休乃命有司曰寒氣總至民力不堪其皆入室上丁命樂正入學習吹是月也大饗帝句嘗句犧牲告備于天子合諸侯制句百縣為來歲受朔日與諸侯所稅於民輕重之法貢職之數以遠近土地所宜為度以給郊廟之事無有所私是月也天子乃教於田獵以習五戎班馬政命僕及士騶咸駕載旌旄授車以級整設于屏外司徒播升北面誓之天子乃厲節執弓挾矢以獵命主司祭者于四方是月也草木黃落乃伐薪為炭蟄蟲咸俯在內

皆墮其戶乃趣促獄刑毋留罪收祿秩之不當句供養之不宜者是月也天子乃以大嘗稻先薦寢廟季秋行夏令則其國大水冬藏殃敗民多飢求噫帝行冬令則國多盜賊邊竟不寧土地分裂行春令則燠風來至民氣解惰師興不居

申嚴號令應肅氣也務內謂百務皆整飭收斂以合天地閉藏之氣如有宣出則違時也冢宰掌財賦會計五穀之要謂租稅之數也帝籍之收入於神倉供養盛者也百工匠作也霜降休工膠漆凝而不可用也寒氣總至言大來也入學習吹將饗帝也季秋饗

禮記通解

卷六

三十四

帝于明堂報成物也嘗秋祭宗廟也犧牲告備謂仲秋已備至此告于天子也合諸侯制猶周禮正月之吉始和也蓋來歲法制如下云朔日稅貢之數也諸侯通天下而言百縣畿內之屬縣百縣近親親屬制諸侯遠合制而頒示親受也朔日來歲十二月之朔日九月合制受朔者秦法也秦以十月建亥為歲首為水周火運秦代周用克也天子大獵以習戎兵考馬政戎事先馬故於田獵班之馬政詳見周禮校人等職五戎鄭謂弓矢戈矛戈戟要之兵械何止五凡古人言三五九之類舉其槩耳僕馭車之官騶

養馬之官析羽於旂竿之首曰旌旗上畫龜蛇曰旒

車旗各有等級各整設于軍門之屏外習行陣也司

徒掌徒眾主教事摺扑捕扑帶間以撻不聽者北面

陣南向也誓告戒也天子屬飭親被戎服也命主祠

命典祠之官也祭禽四方以所獲之禽祭四方之神

蟄蟲咸俯凍凝而縮其首也在內在穴中墮戶閉穴

也越獄刑謂獄之當刑者決之勿淹滯也祿秩饌養

之浮濫者裁之順秋氣之斂肅也行夏令大水者金

受火而液也冬藏殃敗者土氣為災而實窖之藏壞

也孰噍者鼻塞噴帝肺病也金受克之象行冬令多

禮記通解

卷六

三十五

盜賊水為金子得時則親失時則洩害也民氣懈惰春令不肅也師興不得安居風木之妖也

按是書一歲之內祭天帝者非一孟春祈穀仲夏大

雩季秋大享季冬祈年四時迎氣于郊皆祀天也周

禮又謂冬至郊則是一歲之中祀天者九不已數乎

周禮正月之吉始和布治于邦國都鄙是書以九月

合制古者以季冬頒朔今以季秋受朔九月農工未

休十月冬序方始而遽改歲不已急乎此秦制之不

如古也

孟冬之月日在尾昏危中旦七星中其日壬癸其帝顓



頌其神玄冥其蟲介其音羽律中應鐘其數六其味鹹其臭朽其祀行祭先腎腎上水始冰地始凍雉入大水為蜃虹藏不見天子居玄堂左个乘玄路駕鐵驪載玄旂衣黑衣服玄王食黍與稷其器閼以奄

冬終也孟冬十月斗柄建亥亥閼也日在尾與月會于寅析木之次也危見仲夏七星見季春其蟲介龜鼈之屬固閉之象也羽音最輕清為物屬水應鐘玄律應當也言純陰當事百物鐘藏也其數六者天一生水地六成之水潤下故作鹹水受汗故氣耗行行潦亦謂之井古者井間有道道間有溝故曰井冬水

禮記通解

卷六

三六

旺祀之腎屬水故祭先腎春夏秋祭先所勝則冬當先心而既以屬中央故冬先其類也蜃大蛤虹詳季春極陰無陽故虹藏不見鐵驪馬黑色玄黑光黍以暑熟屬火冬食之養溫也稷性宜水易象坎為豕應冬今也閼者中寬奄者中藏器之口斂而腹大者冬象也

按鄭註冬陰盛寒於水祀之於行從辟除之類意謂水寒土燥土能辟水故祀之夫五祀戶竈中雷門皆從其類天子亦以仲冬祀淵澤泉井冬水司何為反辟除之此為不解行卽井誤猜也又以較當行較

者行道之祭冬令閉藏是月謹關梁塞後徑又為遠行之祭乃所謂變天之道絕地之理亂人之紀者矣

是月也以立冬先立冬三日太史謁之天子曰某日立冬盛德在水天子乃齊立冬之日天子親帥三公九卿大夫以迎冬於北郊還及賞死事恤孤寡是月也命太史釁龜筮占兆審卦吉凶是察阿黨則罪無有掩蔽是月也天子始裘命有司曰天氣上騰地氣下降天地不通閉塞而成冬命百官謹蓋藏命有司循行積聚無有不斂培城郭戒門閭脩鍵鍵閉慎管籥固封疆備邊竟完要塞謹關梁塞後徑飭喪紀辨衣裳審

禮記通解

卷六

三七

棺槨之薄厚塋丘壟之大小高卑厚薄之度貴賤之等級是月也命工師效功陳祭器按度程毋或作為淫巧以蕩上心必功致為上物勒工名以考其誠功有不當必行其罪以窮其情是月也大飲烝天子乃祈來丰于天宗大割祠于公社及門閭臘先祖五祀勞農以休息之天子乃命將帥講武習射御角力是月也乃命水虞漁師收水泉池澤之賦毋或敢侵削衆庶兆民以為天子取怨于下其有若此者行罪無赦孟冬行春令則凍閉不密地氣上泄民多流亡行夏令則國多暴風方冬不寒蟄蟲復出行秋令則雪霜不時小民時起土地

俊制

迎冬不言諸侯諸侯獨春秋在也實死事謂死國事者之妻子孤寡者順妻苦之令也周禮龜人上春釁龜秦制以孟冬為歲首故釁龜筮示新也筮著策釁謂殺牲以血塗之卽祭而名釁者塞鬼神之罅隙也占兆者玩龜書之繇文審吉凶者明易卦之爻象皆所以肄其職業而待用也阿黨掩蔽皆閉藏之象獄吏無阿黨則罪犯無掩蔽矣蓋藏者掩蓋藏畜府庫倉囷之屬循行積聚芻粟米之屬鍵鎖牡也閉鎖北也管籥啓鍵者也封疆以固內邊竟以備外也要

禮記通解

卷六

三

塞要害衝塞之處關闕門梁橋梁溪徑小路也喪紀送死之禮各有紀律衣裳襲斂之衣裳飭正也塋墓位也丘壟墳也周迴曰塋高起曰丘壟塋有大小丘壟有高卑厚薄以禮言貴賤以人言蓋冬者時之終送死者人道之終於此時審辨順開藏之令也百工制器冬官之事效呈也霜降休工器物已成至是呈見也陳祭器器以祭為先也按驗也程式也勿為淫巧此季春所命工師者至是陳器按之也功致猶攻緻勒工人之名于器便稽考也冬祭曰烝烝衆也百物衆而禮備遂因祭而大飲羣臣也颶風十月滌場

腊酒斯饗躋彼公堂稱彼兕觥十月大飲古禮也祈來牟于天宗亦郊祭也天宗天神尊者日月星辰之類大割多殺牲也祠祀也社秩配上八故云公社門間亦神也臘言獵也歲終獵禽獸祭先祖及五祀之神曰臘夏正以丑月為歲終其祭為清祀殷以子月為歲終其祭為嘉平周以亥月為歲終其祭為蜡秦以酉月為歲終其祭為臘九月非冬不可臘故于歲首之月祭也勞農卽周禮黨正屬民飲酒也命將講武順栗烈之令也周禮仲冬乃大閱收水泉池澤之利冬水涸也行秋令則霜雪不時金氣所收也小其

禮記通解

卷六

三

金災也土地侵削擊斂之徵也

按孟冬之月命工師效功陳器勸名考其誠罪其不當以窮其情卽周禮考工之意司空所以為冬官也蓋程物莫平于水故命水虞收水利亦以冬月歲終考工蓋古之制讀月令知周禮非缺也

仲冬之月日在斗昏東辟中旦軫中其日壬癸其帝顓頊其神玄冥其蟲介其音羽律中黃鐘其數六其味鹹其臭朽其祀行祭先賢冰益壯地始坼鴈旦不鳴虎始交天子居玄堂太廟乘玄路駕鐵轅載玄旂衣黑采服玄玉食黍與蕡其器閭以奄



仲冬十一月斗柄建子子者擎也日在斗與月會于丑星紀之次也斗六星辟作壁二星軫五星黃鍾子律黃中色鍾種也元氣種聚也地始坼凍裂為坼也鷄旦夜鳴求旦之鳥陰求陽也陽將生故不鳴虎金屬陰物陽生乃交稱

飭死事命有司曰土事毋作慎毋發蓋毋發室屋及起大衆以固而閉地氣沮泄是謂發天地之房諸壑則死民必疫癘又隨以喪命之曰暢月是月也命奄尹申宮令審門閭謹房室必重閉省婦事毋得淫雖有貴戚近習毋有不禁乃命大酋秋秫楚稻必齊麴蘖必時湛失

禮記通解

卷六

卑

歲去必潔水泉必香陶器必良火齊去必得兼用六物大酋監之毋有撻貸天子命有司祈祀四海大川名源淵澤井泉是月也農有不收藏積聚者馬牛畜獸有放佚者取之不詰山林藪澤有能取蔬食田獵禽獸者野處教道之其有相侵奪者罪之不赦是月也日短至陰陽爭諸生蕩君子齊戒處必掩身身欲寧去聲色禁者欲安形性事欲靜以待陰陽之所定芸始生荔挺出蚯蚓結麋角解水泉動日短至則伐木取竹箭是月也可以罷官之無事去器之無用者塗闕廷門閭築園囿此以助天地之閉藏也仲冬行夏令則其國乃旱氛霧

冥冥雷乃發聲行秋令則天時雨汁瓜瓠不成國有大兵行春令則蝗蟲為敗水泉咸竭民多疥癬新

飭死事備死葬之事前月申其紀而此則治其事仲冬雖聖順時之義也十月陰極故可興作此月陽氣將動固閉勿泄故戒作土事即春秋傳所謂水昏正而穀日至而畢也沮泄滲漏也發啓也房猶藏也天地閉而人沮泄之必有天死疾疫之凶則是以閉藏之時為宜暢之月如春夏也及其所今故命曰暢奄尹奄人之長省婦事減省婦職女功及幸御一切內官之事淫謂奢侈多事也婦官多貴戚故舉以例餘

禮記通解

卷六

卑

不祭男子禁婦人陰極而靜順其將化也大酋酒官古人酒冬造春當詩云十月穫稻為此春酒是也秫稷之粘者麴乾麴蘖麥芽皆以釀酒湛漬米煨炊也水香言潔也陶器瓦器良無罅漏也火齊得生熟中節也命祭川海泉源冬令方中水德正盛為民報祈也嚴冬寂莫收藏宜謹故孟冬之命百官謹蓋藏又命司徒循行積聚至是猶有慢藏放失者此不率之民不為之追究也山林木落藪澤水涸與民同利導之使採捕治之使不爭蔬食草蔬可食者日短至冬至日短之至也陰陽爭陰盡于子中而微陽生二氣爭

辨之際也諸生蕩謂萬物生機初回水氣方盛微陽未定故有陽動之象是以君子貴齊戒恬澹休養以待陰陽之定蓋聖人雖尊陽而不能引使速來雖惡陰而不能推使速去故于變化之交寧靜俟之而已芸蕪挺皆香草凡草氣香者為陽蚯蚓結謂方蟄遇陽動屈如結也麋角解詳見仲夏水泉地脉天一所生感一陽而微動也日短至則陰老而生氣歇材質堅定于時可以伐木取竹箭竹之小如矢者曰箭故俗謂矢為箭罷無用之官去無用之器者皆指日除間之意途闕廷謂抹補之周禮二十五家為閭閻巷

事掌之內宰宮伯皆大夫士為之統于冢宰故先王之世宮府如一是一書以奄為尹申宮令審門禁內宮婦事主貴戚近習無有不禁則奄尹之權不巳重與此秦作法之敝趙高所以專制也商長即大長秋漢以後與中常侍權傾中外陵逼天子流毒縉紳不可謂非月令為濫觴讀者槩以為先王之禮誤後世多矣

季冬之月日在婺女昏婁中旦氐低中其日壬癸其帝顓頊其神玄冥其蟲介其音羽律中大呂其數六其味鹹其臭朽其祀行祭先賢鴈北鄉何鵲始巢雉始雊乳

天子居玄堂右个乘玄路駕鐵驪載玄旂衣黑衣服玄王食黍與蕡其器閔以奄

季冬十二月斗柄建丑丑紐也日在婺女與月會于子亥揚之次也婺女見孟夏婁三星氐四星大呂丑律大陽也呂助也陰助陽也鴈北鄉陽生于子隨陽復也鵲巢雉鳴雞乳皆立春之候

命有司大難那旁磔黃出土牛以送寒氣江鳥舊疾乃畢山川之祀及帝之大臣天之神祇其是月也命漁師始漁天子親往乃嘗魚先薦寢廟冰方盛水澤腹堅命取冰冰以入令告民出五種命農計耦耕事脩耒耜具

田器命樂師大合吹而罷乃命四監收秩薪柴以共郊廟及百祀之薪燎是月也日窮于次月窮于紀星回于天數將終歲且更始專而農民毋有所使天子乃與公卿大夫共飭國典論時令以待來歲之宜乃命太史次諸侯之列賦之犧牲以共皇天上帝社稷之饗乃命同姓之邦共寢廟之芻豢命宰歷卿大夫至于庶民土田之數而賦犧牲以共山林名川之祀凡在天下九州之民者無不咸獻其力以共皇天上帝社稷寢廟山林名川之祀季冬行秋令則白露蚤降介蟲為妖四鄙入保行春令則胎天多傷國多固疾命之曰逆行夏令則

禮記通解

卷六

四四

水潦敗國時雪不降冰凍消釋

命有司大讎下及庶民皆讎也季冬二陽生陰氣方盛故使民同大讎逐陰氣也旁磔殺牲徧裂之季春讎惟國都九門磔饌今旁及四方也出土牛以土為牛出送寒氣季冬水司令月建丑丑為土而牛為丑獸土勝水故土牛能送寒氣牛善耕冬藏未可出出土牛亦以示耕事將始也征鳥鷹隼之屬善追擊故曰征厲疾猶言猛迅帝之大臣五帝之位句芒等官天之神祇日月星之類歲功成畢祀以報也漁天子親往為薦祖廟也先薦薦而後嘗也水澤腹堅冰凍

禮記通解

卷六

四四

徹底也鑿冰以破陰氣之錮塞藏之土以和陽氣之在下至陽盛又發之以濟盛陽之驕亢也冰以入明陰事之一終也五種五穀之種大寒將退教民出所藏之種計度耨耕之事耒耜以啓土田器種作之器大合吹盛作樂也罷今歲不復作也鄭氏謂季冬之酒以合三族于此時也四監主山林川澤之官秩薪柴常數當供之薪柴薪用爨燎用明也日窮于次十二辰一周也月窮于紀與日十二會亦一周也是回于天二十八宿隨天每日一周早晚不同至此月皆復其故處與去歲季冬早晚相似也幾終近終也以月言故曰近終盡日而後謂之正終也終言歲始言且循環無息之義國有常典時有常令而來歲或變差故天子與公卿大夫共飭論之以待來歲之宜周禮謂正月之吉始和亦此意也古人歲事莫大于祭祭天地社稷之犧牲賦于諸侯以國大小為差大史序之宗廟之芻豢取于同姓之邦天子自命之山林名川之犧牲取諸卿大夫及庶民之有土田者宰歷數之皆于此月所謂合天下九州之民力以供天地宗廟山川之祭也介蟲為妖兵甲之兆秋金為祟也固疾謂舊疾瘳而復作象歲終復始故名曰逆

卷

禮記通解卷七

郝敬解

曾子問第七

先儒謂曾子忠信傳習知天下義理日新事變無窮故歷舉吉凶之禮雜出不齊之事為問夫子隨事剖決所謂遇變而能權也愚按禮之為用洋洋乎非盡成法可拘聖人盛德之至從心即矩衆人以爲細微曲折皆有舊章設局求合故其問迂闊而其答亦委瑣非曾子守約之學與聖人一貫之旨議禮之家所以託而傳也讀者哀聚而會其通裁其當焉斯可

禮記通解

卷七

曾子問

矣

曾子問曰君薨而世子生如之何孔子曰卿大夫士從攝主北面於西階南大祝禪冕執束帛升自西階盡等不升堂命母哭祝聲三告曰某之子生敢告升奠幣于殯東几上哭降衆主人卿大夫士房中皆哭不踊盡一哀反位遂朝奠小宰升舉幣三日衆主人卿大夫士如初位北面大宰大宗大祝皆禪冕少師奉子以衰傳祝先子從宰宗人從入門哭者止子升自西階殯前北面祝立于殯東南隅祝聲三曰某之子某從執事敢見子拜稽顙哭祝宰宗人衆主人卿大夫士哭踊三者

三降東反位皆袒子踊房中亦踊三者三襲衰杖奠出大宰命祝史以名徧告于五祀山川曾子問曰如已葬而世子生則如之何孔子曰大宰大宗從大祝而告于禩三月乃名于禩以名徧告及社稷宗廟山川

君薨世子生謂君薨無嗣喪在殯而適嗣始生也攝主謂大臣攝主國事者北面西階之南周人殯于西階臣子朝夕哭位皆在東階下西面今將就殯位告故于西階下北面也禪冕衣禪衣而戴冕也禪之言埤猶副也舊說天子六服大裘爲上餘皆爲禪雖衰冕亦禪衣之上者耳兼衣言冕即冕以該衣也冕吉

禮記通解

卷七

曾子問

祭之服喪凶服吉者重世子始生也獨大祝禪冕者祝以吉事告也束帛帛五匹爲十端成一束升階盡等升盡階級近堂也不升堂不敢逼近君柩也命母哭將有告也哭止勿諠故惟祝聲告必三如死者寐也某指生子之母奠幣殯東几上不敢委于地如死者親受也衆主人君同姓之親房中哭者婦人也哭不踊者西階上哭不踊反東階下行朝奠即位哭而後踊也朝奠不言踊常禮不及也小宰升堂舉幣已告則舉其束帛出埋之兩階間也三日世子生之三見于殯且告名也大宰冢宰大宗宗伯少師教世

子者也。奉子以衰，謂以凶服承藉。世子抱之入門，入殯宮門。子拜稽顙，哭少師，擁之拜哭也。前告子生，哭不踊。此以子見哭踊者，前告因朝奠不備禮，此以子見告名情更切也。踊三者，三凡踊以三為節。九踊成三也。降東及位，降西階及堂下，東哭泣之位，皆祖踊。則祖其衰也。子踊少師抱而踊也。翼衰杖祖踊畢，皆翼其所祖之衰，說故奠實而出也。奠亦朝奠以名徧告，以世子名徧告羣神。禮子生三月，君名之。今三日名者，將以為喪主，故攝主遂名而告之殯，猶其名于君也。三月名于禰，告禰王也。是時主祭在殯宮。

禮記通解

卷七

三

曾子問

按此篇煩文瑣屑，不似聖人語，而此章義疎畧。祝史以子名徧告五祀山川，而不及宗廟社稷，非闕與？兒生未可離房戶，抱于諸大夫手，哭踊喧闐，非所為保護也。三日嬰兒何足與識禮事，而亟亟躁擾虛文，無實不如遲之三月後，乃近情耳。

孔子曰：諸侯適天子，必告于祖，奠于禰，而出視朝，命祝史告于社稷、宗廟、山川，乃命國家五官而后行道。而出告者五日，而徧過是非禮也。凡告用牲幣，反亦如之。諸侯相見，必告于禰，朝服而出視朝，命祝史告于五廟。

所過山川亦命國家五官，道而出，反必親告于祖禰，乃命祝史告至于前所告者，而后聽朝而入。

此記諸侯出行之禮，其親天子行也，必告奠于祖與禰，將告奠先冕服出臨朝，命祝史使告社稷宗廟境內山川，乃命卿大夫上中下士五官居守而後行道。而出者，祭道路之神而遂出宿也。大約不過五日告徧，即行過五日告不徧，不成行是遷延怠慢，非所以忠于神明敬天子也。諸侯自相見行，則但告禰不告祖，祖尊禰親，天子尊而友邦親也。禮朝服輕于冕，皮弁緇衣而已，冕衣則刺繡也。臨朝而命祝史告祖廟，及所經過山川社稷其境內他山川，不徧告所往有尊卑，故禮有詳畧也。出而反不敢遽入，必親告于祖禰，命祝告于前出所告之社稷山川，而後臨朝聽其久曠之政，乃入宮。此反國告至之禮，親天子與諸侯相見皆同。

按古者天子非巡守，諸侯非述職，不行。故晏子曰：無非事者，出以有事，不敢慢遊，故告于神，戒于畏，而後出居以有事，不敢廢守，故出必命官，反必聽政而后入。如是則焉有流連荒怠廢時失事之咎。人主所以動必以禮，出入起居必慎，此聖人制禮之義也。相見

禮記通解

卷七

四

曾子問

行告謂不告祖太區別後章言天子諸侯將出以幣帛皮圭告于祖禘禘并此章牲幣改為制幣然焉知皮幣之為是牲幣之為非乎凡鄭言禮舍大拘細類此

曾子問曰並有喪如之何何先後孔子曰葬先輕而後重其奠也先重而後輕禮也自啓及葬不奠行葬不哀次及葬奠而後辭於殯遂脩葬事其虞也先重而後輕禮也

並有喪謂父母同時喪則葬孰先後也葬先輕而後重謂先葬母後葬父奠先重而後輕謂先奠父後奠

禮記通解

卷七

五

曾子問

母蓋葬為奔情之事宜先輕奠為奉養之事宜先重自啓及葬不奠謂如母先葬自啓殯之奠朝廟之奠祖奠遣奠皆不設也哀次謂殯宮門外孝子所居倚廬柩過此拔留哀慟令母行父在廬故亦不哀次反葬設奠于父而後致辭以告于父之殯所謂奠先重後輕也遂脩葬父之事所謂葬先輕後重也其既葬而反虞也亦先虞父後虞母也

按此章所謂先後蓋早暮之間非差月日也喪服母輕于父故母葬宜先奠宜後然自啓及葬不奠行不哀次何異路人故鄭註作不奠父解然既云奠先重

後輕又何謂不奠父奠母乎其竇本文謂先葬者禮輕故奠哀總俟父柩出備禮耳與喪服小記云父母之喪皆先葬者不虞祔待後事正同而此章之說于人情尤未當解者所以為周旋即如所謂自啓及葬不奠父于義何是一日在殯朝夕奠自不可缺因母葬廢父奠豈得為禮父母可合葬則同啓同奠于禮非害何為此差別此章殊不似聖人之義

孔子曰宗子雖七十無無主婦非宗子雖無主婦可也宗子領諸宗男宗婦領諸宗女宗法所不可闕也故宗子雖七十婦死必再娶若恆人六十陽道絕可無

禮記通解

卷七

六

曾子問

娶矣惟宗子不然

按此章亦不似聖人語七十之宗子繼娶娶老婦子娶幼女乎幼則非偶老則改節焉可為宗範或曰七十老而傳可也然宗子未死而使其子為宗子是家有兩宗也既云宗而可兩乎非宗子雖無主婦可也者謂非宗子年七十無主婦則可然苟非宗子而未老安得皆曰可兩言皆非至論

曾子問曰將冠子冠者至揖讓而入聞齊衰大功之喪如之何孔子曰內喪則廢外喪則冠而不醴徹饌而帶卽位而哭如冠者未至則廢如將冠子而未及期日而



有齊衰大功小功之喪則因喪服而冠除喪不改冠乎  
孔子曰天子賜諸侯大夫冕弁服於大廟歸設於廟賜  
服於斯乎有冠醮無冠醮父沒而冠則已冠埽地而祭  
於禘已祭而見伯父叔父而后饗冠者

此章論冠適喪之禮有三臨冠而問齊大功之喪一  
也冠期將近而有齊衰大小功之喪二也父沒而冠  
三也將冠子謂父將冠其子也冠者至謂齊衰已至  
門也齊衰謂期及三月之類大功五月內喪則廢謂  
喪在同大門內則冠禮可廢喪在外則不廢冠但不  
設醴飲賓客冠畢即徹饌埽地爲位哭因冠者已至  
禮記通解

卷七

七

冠子問

而酌行其禮如此若冠者尚未至門則廢不行可也  
如冠期尚遠先有齊衰大小功之喪不必改期即用  
喪服冠亦可曾子又問然則除喪之後不復改行吉  
冠之禮乎夫子引諸侯賜冠于天子禮以明旣冠無  
改冠惟服除饗賓贊補喪時之未備者而已諸侯大  
夫未冠除喪入見天子天子或賜之冕弁服冠于天  
子之大廟歸惟設奠告廟即服天子所賜冠服無再  
冠也如此者但有醮冠者之禮無醮賓之禮蓋醮則  
獨酌冠者醮則獻賓歸俎冠于天子廟天子醮之歸  
國不改冠無賓贊故無醮此因喪冠者亦不再冠不

禮記通解

卷七

八

冠子問

饗賓惟醮冠者而醴賓待除喪後亦謂之有冠醮焉  
冠醴也不言喪除醴賓者因于後父沒而冠已祭而  
後饗冠者之文可見也父沒而冠謂父喪旣除行吉  
冠禮者也齊衰大小功可因喪服冠若斬衰必服除  
然後可冠冠則有賓贊冠畢則告父廟見伯叔父而  
後設醴以饗賓贊明不得如賜冠者之有醮無醴也  
○按此章之說亦可疑門外之喪冠而不醴可也古  
人聚族而居門外應非遠冠畢往哭于其家不可乎  
何至徹奠埽地哭于冠位也元服三加稱尊以凶喪  
之冠禮成人於祝辭甚無當耳冠未及期宜且廢改  
俟期功外亦可何至以喪服冠之

非禮也

會子問曰祭如之何則不行旅酬之事矣孔子曰聞之  
小祥者主人練祭而不旅食酬於賓賓弗舉禮也昔者  
魯昭公練而舉酬行旅非禮也孝公大祥奠酬弗舉亦  
旅衆也酬勸飲也謂祭畢賓主長幼舉酒交相勸酬  
以徧也凡祭皆然會子問何祭獨不然夫子謂獨小  
祥練祭獻尸賓畢主人洗觶升西階上北面酬賓此  
旅酬之始奠解于賓而賓辭遂止不復酬也蓋小祥  
喪事未除禮從簡畧故鄭云奠無尸虞不致爵小祥

不旅酬大祥無算辭彌吉未純吉是也魯昭公練而旅酬於禮爲不及孝公大祥而不旅酬於禮爲過皆非也

曾子問曰大功之喪可以與於饋奠之事乎孔子曰豈大功耳自斬衰以下皆可禮也曾子曰不以輕服而重饋爲乎孔子曰非此之謂也天子諸侯之喪斬衰者奠大夫齊衰者奠士則朋友奠不足則取於大功以下者不足則反之曾子問曰小功可以與於祭乎孔子曰何必小功耳自斬衰以下與祭禮也曾子曰不以輕喪而重祭乎孔子曰天子諸侯之喪祭也不斬衰者不與祭禮記通解

卷七

九

大夫齊衰者與祭士祭不足則取於兄弟大功以下者曾子問曰相識有喪服可以與於祭乎孔子曰絕不祭又何助於人曾子問曰廢喪服可以與於饋奠之事乎孔子曰說脫衰與奠非禮也以擯相可也

此明居喪奠祭之禮曾子始問本謂預他人奠饋而特舉大功者以斬齊服重知不可與吉祭大功稍輕或可與於喪奠之凶禮乎夫子告以身有喪服但可爲其所服者奠引天子以下奠饋之禮明之則其不當與他人無服者之奠可知而曾子未達又問小功輕於大功或可與於他人之喪祭乎夫子告以身有

喪服但可爲其所服者喪祭引天子以下喪祭之禮明之則其不當與於他人喪祭又可知而曾子又未達乃問有喪服可以與於相識者之祭乎夫子以吉凶不相濟雖輕如總麻在已亦不可吉祭則其不可助他人吉祭可知曾子三問於已喪先大功次小功次總麻由重漸輕也於與祭先饋奠次喪祭次吉祭由凶漸吉也及聞聖言乃知有喪服者無輕重皆不可爲人奠祭因疑除喪與人饋奠或可夫子亦謂甫脫衰經卽與他人代奠忘哀大速亦不可則吉祭之不可又明矣惟爲有喪者擯相則可亦不甚許之然禮記通解

卷七

十

則雖總功之喪必除服乃可爲人代奠斬之喪必待已吉祭後乃可爲人執事苟非君喪義重奪恩未育身居喪爲他人執事者矣故問大功以下饋奠答雖斬衰皆可問小功以下與祭答雖斬衰亦可皆皆謂臣有父喪而外過君喪以斬衰斬所奠之死者亦當以所服服之故爾不然總而祭說衰而與奠尚不可況居喪爲他人奠無服之死者乎決不可矣總不祭謂士也後章云士所以異于大夫者總不祭饋奠謂柩在殯朝夕奠朔奠殷奠之類孝子哀毀昏迷不成禮必使人代之喪祭如三虞卒哭耐練祥之



祭皆孝子自主而他人相之也。曾子問意在饋奠他人。夫子答卽饋奠其所爲有服者。輕服謂輕已之服。重相爲謂急于爲人。非此之謂言。非謂他人謂於其所爲服者耳。天子諸侯之喪。羣臣皆斬衰。雖有父喪。斬衰亦與奠大夫之喪。其家臣亦斬衰。不敢同天子諸侯。惟大夫死者之昆弟。雖已有齊衰爲此大夫死者。亦齊衰。故得與奠。士喪不敢同大夫。惟朋友之無私服者與奠。若執事多朋友不足。則取于大功以下。謂爲死者服大功以下者也。又不足。反取諸大功以上。亦謂爲死者服大功以上者也。彼自無私服。故得

禮記通解

卷七

十一

曾子問

取之。皆未有在喪爲無服之人。奠者矣。祭謂喪祭。虞祔之類。天子諸侯之喪。祭不斬衰者。不與祭。言君喪凡羣臣皆斬衰也。大夫齊衰者與祭。不盡皆斬也。相識以下兩問。夫子乃直言有喪不可與奠。祭之義。不祭謂已有總麻之喪。不自舉言祭廢除也。與饋奠與他人饋奠也。饋奠非言祭已廢。服非在喪則可耳。說脫同。謂初脫衰服。餘哀未平。卽與他人饋奠。非禮也。擯相爲有喪者迎賓客相禮事。可者。僅許之辭。

曾子問曰：昏禮既納幣，有吉日，女之父母死，則如之何？孔子曰：婿使人弔，如壻之父母死，則女之家亦使人弔。

父喪稱父母喪。稱母父母不在。則稱伯父世母。壻已葬。壻之伯父致命女氏曰：某之子有父母之喪。不得嗣爲兄弟。使某致命。女氏許諾而弗敢嫁。禮也。壻免喪。女之父母使人請壻。弗取而後嫁之。禮也。女之父母死。壻亦如之。

昏禮既納幣。請期。遭大喪則止。不親迎。女父喪。壻稱其父命。使人弔女。女母喪。壻稱其母命。使人弔。壻不自主也。壻有喪。女弔亦然。致命謂壻家致還其許嫁之命。不得嗣爲兄弟。謂喪期尚遠。恐女通時。故云不得繼此爲兄弟也。不言夫婦未成昏也。言兄弟夫婦相

禮記通解

卷七

十二

曾子問

敵有兄弟之誼也。使某使者名也。免喪弗取。壻終守前言不欲變。然後女父母以女嫁他族也。按夫婦人倫之始。父母喪不嫁。娶禮也。然業已納幣。請期盟約已成。父母之命已定。喪畢而親迎可也。免喪不取于義。何居。盟成而背之。必有他故。無故不娶。記以爲禮。是何禮與。男女室家。皆命自父母。父母亡。中道變更。失信負義。不可爲訓。此類皆後人臆說。非聖人之言。讀者當察。

曾子問曰：親迎，女在塗而壻之父母死，如之何？孔子曰：女改服，布深衣，縗總，以趨喪。女在塗而女之父母死，則

女反姑壻親迎女未至而有齊衰大功之喪則如之何  
孔子曰男不入改服於外女入改服於內次然後即位而哭曾子問曰除喪則不復昏禮乎孔子曰祭過時不祭禮也又何反於初

女改服改其來嫁之服衣裳相連曰深衣布麻布縞生白絹總所以束髮男子曰免婦人曰總皆初喪未成服之服女聞舅姑之喪在塗卽改服奔喪時未成昏而婦之分已定故聞喪卽奔女父母死則女反不奔其喪也聞齊衰大功則至壻門男女就次改服而哭輕重之等也不言小功以下喪輕則俟昏畢而改禮記通解 卷七 一三

服哭可也除喪不復昏不補行同牢饋舅姑醴婦之禮也祭重于昏祭過時不補昏可知也

按齊衰大功之喪不重于舅姑宗廟親迎未至昏禮未成舅姑祖廟未見遂改服卽位而哭于義何居昏禮見舅姑奠饗饋父母存而以齊衰大功廢無乃重繼父從昆弟而輕父母乎似亦不待除喪而後行也

孔子曰嫁女之家三夜不息燭思相離也取婦之家三日不舉樂思嗣親也三月而廟見稱來婦也擇日而祭於禰成婦之義也

不息燭下寐也不舉樂感傷也思嗣親謂入子娶妻將嗣續其親有代謝之感也三月廟見謂舅姑已沒新婦俟三月廟祭乃見祖禰必三月者時祭三月一舉則主婦薦豆此時始見于廟父廟曰禰既見祖廟更擇日見父廟也助祭從獻得與于宗廟之祭始成其爲婦之義若舅姑存者成昏之明日卽見舅姑至見祖廟亦必以三月舊解未達

曾子問曰女未廟見而死則如之何孔子曰不遷於祖不祔於皇姑壻不杖不菲不次歸葬於女氏之黨示未成婦也曾子問曰取女有吉日而女死如之何孔子曰禮記通解 卷七 一四

壻齊衰而弔旣葬而除之夫死亦如之

不遷於祖不遷柩朝於壻之祖廟也皇大也尊稱不祔不以神主祔于姑廟禮爲妻齊衰期杖不菲履居衰次今未成婦但齊衰期耳不杖不菲履不居衰次從殺也若親迎有期女死則壻以齊衰弔旣葬卽除未成爲妻也如夫壻死女亦斬衰往弔亦旣葬卽除未成爲夫也

曾子問曰喪有二孤廟有二主禮與孔子曰天無二日土無二王嘗禘郊社尊無二上未知其爲禮也昔者齊桓公亟舉兵作僞主以行及反藏諸祖廟廟有二主自

桓公卒也。喪之二孤，則昔者衛靈公適魯，遭季桓子之喪，衛君請弔，哀公辭不得命，公為主，客入弔，康子立於門右北面，公揖讓升自東階，西鄉，客升自西階，弔公拜，與哭，康子拜稽顙於位，有司弗辨也。今之二孤，自季康子之過也。

二孤謂適庶同主喪，則莫適為主，二主謂一廟奉二先，則莫適為尊，嘗禘郊社大祭也，惟此尊之神一位在上，無有與之并者，況主喪之孤在廟之主，又可二乎？出師必取遷廟之主載于齊車，示尊奉也。齊桓公無遷主，作偽主行，反以偽主藏于祖廟，故廟有二主。

禮記通解

卷七

十五

曾子問

自齊桓公始喪服，小記云：諸侯弔于異國之臣，則其君為主。衛靈公以諸侯弔，魯季孫之喪，康子以大夫不可主，諸侯故魯哀公為主，卽位答拜，而康子又拜稽顙於位，若兩孤然。此喪之二孤，季康子之過，非古禮也。

按鄭謂君為主，則孝子當哭踊耳。雖然，孝子豈得終無一拜？二主之非禮，是古者廟制之數，大夫士以上一廟奉一先，非謂妣不得配考，無廟者不得祔祭也。庶人無廟，豈得盡五服之祖考棄之獨事一禰乎？二孤之非禮，是古人重宗之意，後世宗法不行，則是庶

子終不得與嫡子同位哭，亦匪人情。齊自太公至桓公十三世矣，諸侯祀五世，豈得無遷主？且主不藏於廟而焉藏乎？何得遂謂之二主也？臣從君拜，何得遂謂之二孤？二主二孤，何得遂謂之非禮？按衛靈公以魯哀公二年卒，季桓子卒，何由得弔桓子喪事？本無稽，鄭遂改爲衛出公，好信牽強，類此。

曾子問曰：古者師行，必以遷廟主行乎？孔子曰：天子巡守，以遷廟主行，載於齊車，言必有尊也。今也取七廟之主以行，則失之矣。當七廟五廟無虛主，虛主者，惟天子崩，諸侯薨，與去其國，與祫祭於祖，爲無主耳。吾聞諸老

禮記通解

卷七

十六

曾子問

聘，食曰：天子崩，國君薨，則祝取羣廟之主而藏諸祖廟，禮也。卒哭成事而後，主各反其廟。君去其國，大宰取羣廟之主以從，禮也。祫祭於祖，則祝述四廟之主，主出廟入廟，必蹕。老聃云：曾子問曰：古者師行，無遷主，則何主？孔子曰：主命。問曰：何謂也？孔子曰：天子諸侯將出，必以幣帛皮圭告於祖禰，遂奉以出，載於齊車，以行，每舍奠焉，而後就舍，及必告，設奠卒，斂幣，王藏諸兩階之間，乃出，蓋貴命也。

遷廟主謂祔禰時所遷昭穆最上之廟一主也。如諸侯五廟，大祖不遷，則二昭二穆以上五世祖，乃其新

禮記通解

卷七

十七

曾子問

遷者也遞降倣此出師巡守則奉此主行蓋遷主不在七廟內故可行齊車神明之車七廟之主謂現在奉祀未遷者天子七廟諸侯五廟一主出則虛一廟非謂取五七廟之主以行也廟未有虛無主者虛無主其故有四天子崩則祝取羣廟主藏于太廟廟若為凶事聚會然也卒哭之事成而后主各反廟一也本國之君薨亦然二也君有大故去國大宰收羣廟主從行不忍國亡棄其祖考三也諸侯祫祭則祝迎四廟之主合食于太祖廟四也主出入蹕止行人以示尊嚴非是四者廟不虛主豈可因出師而虛在廟

之主以行乎老聃即老子作道德五千言者燕遷主謂始封之君或封未及五七世者無毀廟故無遷主主命謂主不行但以幣帛皮圭請祖禰之命奉此幣帛皮圭以行每止舍設奠而後就舍反則告于其主設奠于其廟卒乃斂其所奉幣帛皮圭埋于其廟兩階間然後出重祖考之命不其主行也

子游問曰喪慈母如母禮與孔子曰非禮也古者男子外有傳內有慈母君命所使教子也何服之有昔者魯昭公少喪其母有慈母良及其死也公弗忍也欲哭之有司以聞曰古之禮慈母無服今也君為之服是違古

之禮而亂國法也若終行之則有司將書之以遺後世無乃不可乎公曰古者天子練冠以燕居公弗忍也遂練冠以喪慈母喪慈母自魯昭公始也

教子之慈母本外人婦君命為保傅不與庶母之恩養者同猶男子之為外傅者等耳良善也古者天子蓋指設世之王色尚白故燕居著白冠猶後世之練冠也昭公謂練冠可燕居以居慈母之喪不亦可乎○按儀禮慈母如母服齊衰三年父在則期蓋妾子無母父命妾之無子者養為子曰慈母故諡與親母同鄭氏以天子諸侯絕期不服庶母解居問未及天

禮記通解

卷七

十六

曾子問

子諸侯也慈母與庶母異庶母總麻可絕慈母如母者父亡亦如母不可絕絕則何取于如母所問即儀禮三年服之慈母答似君子為庶母之慈已者即內則云使為子師其次為慈母者也小功而已即云慈母良欲為服可以義起何至詆為非禮使有司言之遺譏後世乎魯昭公不知禮貽譏有之豈喪慈母耳公喪親母無戚容況慈母能為之服乎春秋傳昭公母齊歸之喪公年已三十未嘗少喪母焉得有慈母稱良鄭氏謂非昭公王肅補家語謂為孝公皆影響附合也古天子練冠燕居鄭謂為王者為其母總

則是降服矣降服自周始檀弓縣子云古者不降上下以其親然則古庶子王練冠之說亦未然也

曾子問曰諸侯旅見天子入門不得終禮廢者幾孔子曰四請問之曰大廟火日食后之喪雨霑服失容則廢如諸侯皆在而日食則從天子救日各以其方色與其兵大廟火則從天子救火不以方色與兵曾子問曰諸侯相見揖讓入門不得終禮廢者幾孔子曰六請問之曰天子崩大廟火日食后夫人之喪雨霑服失容則廢曾子問曰天子嘗禘郊社五祀之祭簠簋設陳天子崩后之喪如之何孔子曰廢曾子問曰嘗祭而日食大廟禮記通解

卷七

元

曾子問

火其祭也如之何孔子曰接祭而已矣如牲至未殺則廢天子崩未殯五祀之祭不行既殯而祭其祭也尸入三飯不侑醑不酢而已矣自啓至于反哭五祀之祭不行已葬而祭祝畢獻而已矣曾子問曰諸侯之祭社稷豆既陳聞天子崩后之喪君薨夫人之喪如之何孔子曰廢自薨比至于殯自啓至于反哭奉師天子曾子問曰大夫之祭鼎俎既陳籩豆既設不得成禮廢者幾孔子曰九請問之曰天子崩后之喪君薨夫人之喪君之大廟火日食三之喪齊衰大功皆廢外喪自齊衰以下行也其齊衰之祭也尸入三飯不侑醑不酢而已矣

大功酢而已矣小功總室中之事而已矣士之所以異者總不祭所祭句於死者無服句則祭

旅見衆見也大廟火天子祖廟火也后之喪天子后妃喪也日食陰侵陽也五方諸侯以兵助討執兵者各以其方色爲衣如東方衣青南方衣赤之類兵未詳或云東方戟南方矛西方弩北方楯中鼓也諸侯與諸侯相見遇變廢禮凡六其分較早故其廢易于天子后夫人之喪謂王后與君夫人之喪嘗禘郊社皆天子大祭遇天子與后之喪雖當祭亦廢如遇日食大廟火當祭則不廢但接續完事耳接捷也其間儀文禮記通解

卷七

二十

曾子問

不必從容整備也如祭而迎牲未殺亦廢天子崩未殯則天子之五祀廢既殯而祭迎尸入三飯即止不侑儀禮士祭尸九飯大夫祭尸十一飯則天子諸侯又當加侑今三飯不侑殺禮也醑者食畢而繼以酒也特牲禮尸九飯畢主人酌酒醑尸尸飲卒爵酢主人主人更酌獻祝與佐食今但醑尸無酢主人以下等事天子既殯而葬自啓殯至于反哭天子之五祀亦廢既葬而祭至主人醑尸尸酢主人主人卒爵獻祝卽止無獻佐食以下等事較前禮漸殺也諸侯祭社稷其神比五祀爲重而分比天子

為畢故問天子崩天子后之喪與已夫人之喪則齊  
自薨至殯自啓殯至反哭皆帥循天子五祀之禮帥  
率同循也大夫爵尤卑其祭蓋宗廟五祀耳雖俎豆  
陳列亦廢者有九分尤卑廢尤易故雖齊衰大功之  
喪亦廢惟齊衰大功在門外者不廢其祭亦尸三飯  
不侑醕尸不酢而止若大功酢而止若小功與緦麻  
祭雖不廢惟室中之事而止大夫祭無室室尸祝佐  
食主人主婦賓獻酢皆在室至主人獻賓旅酬則于  
堂階小功緦不行故曰室中之事而止士之所以異  
者謂士廢祭之禮與大夫異大夫總祭士雖總亦不  
禮記通解

卷七

二十一

祭總祭必其所祭之鬼與已所服者無服如妻父母  
及母之兄弟姊妹已有總服而所祭之祖禰於彼無  
服之類  
按救日之禮人事不可但已非真有物食日須人之  
救也故春秋書鼓用牲于社以譏巫風說者反以為  
禮非也此云各以方色與兵事尤不經兵陰象陰侵  
陽又可以陰助之手王制云喪三年不祭惟祭天地  
社稷越紼行事今云天子崩既殯祭五祀則是無祀  
不舉非獨天地社稷可越紼也不幾于以祭廢喪乎  
曾子問曰三年之喪弔乎孔子曰三年之喪練不羣玄

不旅行君子禮以飾情三年之喪而弔哭不亦虛乎  
練小祥也旅葬也大喪雖及期猶不與人羣立不與  
衆同行孝子哀慕專一之至豈可與于他人之喪而  
往弔乎且君子行禮有是情節以是禮自哀其親而  
謂以哀他人之親則是弔也不幾于虛乎  
按禮弓曾子以母喪之哀哭于張何也彼以同道之  
朋比于同氣哀由衷出非無情之禮不弔生而哭死  
何傷曾子所以為善用禮也說者譏焉過矣  
曾子問曰大夫士有私喪可以除之矣而有君服焉其  
除之也如之何孔子曰有君喪服於身不敢私服又何  
禮記通解

卷七

二十二

除焉於是乎有過時而弗除也君之喪服除而后殷祭  
禮也會子曰父母之喪弗除可乎孔子曰先王制禮過  
時弗舉禮也非弗能勿除也患其過於制也故君子過  
時不祭禮也  
私喪謂父母之喪對國喪則為私君親分均在官則  
君重以親亦臣也除謂喪畢禫祭除服君喪不敢私  
服謂始喪不成服喪終又可行除服乎於是雖過時  
而不除除則必有祥禫之祭待君喪既除而后殷祭  
禮也殷盛也禮盛曰殷即祥禫也會子疑父母之喪  
何必定除夫子謂禮惟其時弗可過也君子親喪終



情以濟其私則不孝莫大乎是我國家制禮臣子親喪皆歸終三年此萬世不刊之典安在今禮不如

吉也

貴幼不誅長禮也唯天子稱天以誅之諸侯

詠之言要其死者生平實行而爲之辭猶今行狀誌銘之類卽其所據以爲證者以發其貴以勸其長

嫌于承奉而不公故天子崩羣臣稱天以誅之者疾

薨天子誅之公也

上長作  
會子問

不直則不足信。如今之行狀誌銘。雖出于尊貴者。浮  
夸無一字之情。況出于幼賤者乎。幽厲桀紂。苟非稱  
天臣子。何能及此。後世論法。壞于天子不制。謀私議  
妄。作諂諛風行。所以監耳。以尊制卑。則禮嚴。以卑奉

尊則義屈故上得諫下不得諫上解者專以下諭上嚮榮辱之柄爲非禮此李斯所以欺秦皇者豈先

王作誅論之意哉

何孔子曰共供殯服則子麻弁經疏衰菲杖入自闕

升自西階如小斂則子免而從柩入自門升自阼階君

大夫士一節也

國君以事出疆必為三年之戒備恐未得還也於是  
是以所為親身之棺隨行慮死亡也如死于外其入  
也如何禮既殯乃成服今薨于外大斂未殯孝子遂  
成服從柩歸不待殯也共供同有司供也嗣君在喪  
稱子即孝子也麻弁喪冠經謂首腰經疏衰薙布  
為衣裳非草屨鄭謂不忍成服于外既疏衰非文謂  
不成服非也入自闕毀垣而入示變也升自西階柩  
自外來客之即殯于西階也如尸但小斂則孝子未  
成服免而從柩歸小斂而曰柩以隨行之禭斂也入  
禮記通解 卷七 三十五 曾子問

自門升自阼階猶生事之也此禮君與大夫士同一  
節猶言同等

曾子問曰君之喪既引聞父母之喪如之何孔子曰遂  
既封而歸不俟子曾子問曰父母之喪既引及塗聞君  
薨如之何孔子曰遂既封改服而往

既引謂柩行在塗柩行以往塗之曰引遂遂終事也  
掩棺曰封不俟子不俟嗣君而先歸也若送親葬聞  
君喪則既封改其送葬之服往哭君如君初喪則袒  
免括髮徒跣以往如君既殯成服則斬衰裳直杖嘗  
屨以往也

曾子問曰宗子為士庶子為大夫其祭也如之何孔子  
曰以上姓祭於宗子之家祝曰孝子某為介子某薦其  
常事若宗子有罪居于他國庶子為大夫其祭也祝曰  
孝子某使介子某執其常事攝主不厭祭不旅不假不  
綴禮祭不配布奠於賓賓奠而不舉不歸肉其辭于賓  
曰宗兄宗弟宗子在他國使某辭曾子問曰宗子去在  
他國庶子無爵而居者可以祭乎孔子曰祭哉請問其  
祭如之何孔子曰望墓而為壇以時祭若宗子死告于  
墓而后祭於家宗子死稱名不言孝身沒而已子游之  
徒有庶子祭者以此若義也今之祭者不首其義故誣  
禮記通解 卷七 三十六 曾子問

於祭也

祭禮士以特牲大夫以少牢上牲即少牢凡廟皆在  
宗子家故祭必往祝祝辭孝子即宗子介子猶副子  
介副也亦大也指庶子之為大夫者攝主謂大夫庶  
子代宗子主祭者庶子雖代不備禮不厭祭祭有二  
厭無尸曰厭始尸未入祝酌奠神于室中西南牖下  
深奧處謂之陰厭祭終尸出佐食徹尸俎設于室西  
北隅向明處謂之陽厭時無尸飲食神歆其氣故曰  
厭不厭祭不敢望神之必享也不旅不旅酬也假假  
通不假謂祝不以啐辭致福于主人綴言墮也下累



曰墮謂將食雜取俎豆之實墮之席間祭始為飲食者尸與主人皆然介子攝主則不綴配謂主婦配獻攝主則無主婦布奠于賓賓奠而不舉謂不族訓也方主人酬賓賓在西階前東面主人設奠于賓俎北賓坐取爵奠于俎南不舉以酬長兄弟也謂不謂不徹賓客之俎送之也辭于賓謂將祭肅賓辭稱宗兄或宗弟或宗子在他國不得親祭使某告也攝主為兄弟輩稱宗兄宗弟或祖父子孫輩稱宗子此以上皆宗子為士庶子為大夫者代之之禮雖殺而行于宗子家廟蓋宗子為士有二廟也如無爵之宗

子攝祭則弁不得祭于宗子之廟但望祖禰墓為壇以時奉祭耳若宗子死于他國庶子無爵不得立廟但告于所祭者之墓而歸祭于其家庶子告墓自稱名無爵不得言介子非宗不得言孝子然止于身沒至庶子子則又有為之嫡者祭禰時亦可稱孝矣子游之門人有庶子攝主祭者用此禮以順古義今世俗庶子祭不先求古人制禮之義是妄祭而已按鄭解不配謂祝辭稱皇祖某不言以某妃配若是則但簡禮于神而非殺禮于主人甚無謂也古者封建世官重適以明統抑庶尊宗廟事不然至于祖考

之祭用庶子代而貶其殷薦之禮遂宗子之尊則是子孫重于祖考矣無宗使庶代亦為殷事不可廢代之而又殺其禮奚貴為代君有事不祭亦使臣攝庶代宗簡畧如此臣代君宜如何宗子有爵廟建于宗子家宗子無爵庶子有爵庶子廟亦建于宗子家若族多宗庶皆貴則宗子家廟不勝重累若皆無爵則祭于宗家何所若有爵者忽存忽亡則廟乍興乍毀豈勝其煩古者世官故宗子勢重其法行後世世官不行欲以宗法通諸天下後世難矣法非不善行之未必盡得也

曾子問曰祭必有尸乎若厭祭亦可乎孔子曰祭成喪者必有尸尸必以孫孫幼則使人抱之無孫則取於同姓可也祭殤必厭蓋弗成也祭成喪而無尸是殤之也孔子曰有陰厭有陽厭曾子問曰殤不祔祭何謂陰厭陽厭孔子曰宗子為殤而死庶子弗為後也其吉祭特牲祭殤不舉無所其俎無玄酒不告利成是謂陰厭凡殤與無後者祭於宗子之家當室之白龔于東房是謂陽厭

曾子疑神本虛無古者為尸以象之此豈必不可無者若厭祭無尸不亦可乎凡祭始而陰厭尸未至也

經而陽厭尸已出也故厭祭無尸孔子告以祭用尸以象死者之威儀故成人死者祭必用尸尸必以孫孫幼使人抱之無係取于同姓此祭成人之禮也祭未成人殤者無尸不飲食而但飲其氣曰厭生未成人死未成喪故祭不用尸祭成喪者無尸是以殤待之矣孔子又言厭殤有陰有陽謂厭適殤于陰厭庶殤于陽曾子疑謂一殤二厭故問殤子不得祔祭于祖惟祖廟正祭有始終二厭何有于殤故夫子分別示之陰厭者厭宗子之為殤者宗子未成人死庶子弗為之後但為之主其祭既卒哭吉祭用特牲殤祭禮記通解

陽凡祭皆于西南牖下不受牖明曰與鬼神尚幽故祭主與厭以陰為尊也陽厭不于與于見明處為室之白禮殺也東為陽酌酒于東房行禮于明室故曰陽厭此又厭庶殤之禮非始終二厭之謂也按陰陽之厭一而有適庶之分何也厭適殤于陰反諸幽求神之道也鬼神尚幽盡其所以事之當室之白則從人之宜率畧之義云爾室白無定處離與皆白鄭必謂西北隅拘也喪服小記云殤與無後者從祖祔食今云殤不祔祭記自不相戾鄭改祔作備非也蓋殤主固祔于廟祭實不得合于祖主祔廟喪服小記所謂祔食也祭不得合于祖曾子所謂不祔祭也不祔祭即所謂不備禮也大抵祭必用尸古人過用之禮孫幼使人抱之是兩尸也厭殤不厭成人於義亦未允如以為成人用尸天地神祇之祭何以皆用尸義未確也曾子問曰葬引至于堊音土日有食之則有變乎且音否乎孔子曰昔者吾從老聃助葬於巷黨及堊日有食之老聃曰丘止柩就道右止哭以聽變既明反而后行日禮也反葬而丘問之曰夫柩不可以反者也日有食之不知其已之遲數音速則豈如行哉老聃曰諸侯朝天

見日而行逮日而舍奠大夫使見日而行逮日而舍  
夫柩不蚤出不莫宿見星而行者唯罪人與奔父母之  
喪者乎日有食之安知其不見星也且君子行禮不以  
人之親店平患吾聞諸老聃云

引牽柩行也平邇道也有變且否者言變常禮乎且不  
變乎道右路旁石也凶事尚右聽變俟日食之變也  
明反光復也送死漸遠之道故曰柩不可反者也如  
可反則反既不可反不如速行聽變而遲恐不達故  
曰豈如行哉逮日及日未入舍奠止館舍設奠於行  
主也不蚤出謂晏乃出不暮宿謂未夕先宿見星而  
禮記通解 卷七 三十一

行則晨夜昏暗急遽危險不敬不慎也行禮謂助葬  
店病也助葬使人暗行是以人之親病于危險也  
按此章之義言天變當敬大事宜謹非謂日食皆是  
以妨葬而葬皆有道路之憂也古者卜日而葬日食  
有常度豈待引就道而後議禮老聃之說後儒因問  
禮附會之也  
曾子問曰為君使而卒於舍禮曰公館復私館不復凡  
所使之國有司所授舍則公館已何謂私館不復也孔  
子曰善乎問之也自卿大夫士之家曰私館公館與公  
所為曰公館公館復此之謂也

復人初死升屋招魂也公館公家之館私館民間客  
舍使臣死于公館則復死于私館則不復因所寓公  
私以為隆殺也曾子謂凡使臣所館雖民舍亦公何  
謂之私孔子善之而言館之公私不係于公家與民  
家舍于卿大夫之家無君命皆私館也公所造之館  
與雖非公館而君命為使臣館即公館矣聘禮卿館  
于大夫大夫館于士但問有君命否不問室宇之公  
私也

按招魂禮近俗此節問答亦無深味夫子何為善之  
曾子問曰下塲土周葬于園遂與機而往塗運故也今  
禮記通解 卷七 三十二

墓遠則其葬也如之何孔子曰吾聞諸老聃曰昔者史  
佚有子而死下塲也墓遠召公謂之曰何以不棺土敘  
於宮中史佚曰吾敢乎哉召公言於周公周公曰豈不  
可史佚行之下塲用棺衣棺聲自史佚始也  
自八歲至十一歲死者為下塲葬無棺以土周圍築  
垣封之檀弓曰周人以夏后氏之塋周葬下塲此也  
園圍近宅葬于園不遠送也機几屬不為之不敘不  
棺以機與尸往不用車園近故也今世葬塲皆于墓  
地塗遠不可與機故當以衣棺斂于家以車遣送之  
可也史佚周良史將葬下塲于墓不敢用棺斂召公

教以棺斂而周公可之者君子義以為質也下殯用棺木而衣棺之自史佚始矣

按此章事本附會然亦足以矯泥古者之非檀弓君適長殯用車三乘則是君下殯猶得車一乘如曾子問下殯裸葬耳豈其然乎說者以庶人之殯為解庶人不得車且不得衣棺乎

曾子問曰卿大夫將為尸於公受宿矣而有齊衰內喪則如之何孔子曰出舍於公館以待事禮也孔子曰尸升冕而出卿大夫士皆下之尸必式必有前驅

受宿猶受肅謂已受君命肅戒而忽遭門內齊衰之

禮記通解

卷七

三十三

喪不敢以私服廢君事則宜出門舍于公館待祭事畢而後歸哭也尸升冕以下又言為尸之禮升冕猶言冠冕弁冠通名冕則冠服之貴者下之謂遇尸于路必下車也尸亦必式以答之尸出必有前驅辟行人也

按為尸受宿遭父母之喪必無出舍待事者父在母喪亦門內齊衰母死而出舍公館冠冕乘車前驅辟人禮乎

子夏問曰三年之喪卒哭金革之事無辟也者禮與初有司與孔子曰夏后氏三年之喪既殯而致事殷人

既葬而致事記曰君子不奪人之親亦不可奪親也此之謂乎子夏曰金革之事無辟也者非與孔子曰吾聞諸老聃曰昔者魯公伯禽有為為之也今以三年之喪從其利者吾弗知也

金革之事兵甲之事也無辟猶言不解初有司謂失禮始于有司後遂襲用之有司既典職卒然不得違耳致事謂致還君事終親喪也必俟既殯既葬者初喪昏迷勿遽不違也殷人以既葬則周人以既殯愈文則致事愈從容記古語臣有父母之喪而君許致事是不奪人之親也子遭親喪而不越喪從事是禮記通解

卷七

三十四

不自奪其親也況金革之事可以不避乎昔者魯公伯禽當武王初崩三年之喪甫卒哭而出征淮徐書之費誓是也東郊不開不得已為之今人無故奪親從戎好戰趨利以伯禽為口實非禮也

文王世子第八

文王世子因篇首語命篇世子即太子古字世太通一篇內所言皆教太子不無駁難煩復而禮樂之物之數幸弟仁讓之跡大畧可觀非獨為世子者所當知耳

文王之為世子朝於王季日三雞初鳴而衣服至於寢門外問內豎櫛之御者曰今日安否何如內豎曰安文王乃喜及日中又至亦如之及莫又至亦如之其有不安節則內豎以告文王文王色憂行不能正履王季復膳然後亦復初食上必在視寒煖之節食下問所膳命膳宰曰未有原應曰諾然後退武王帥而行之不敢有禮記通解

卷七

三十五

文王世子

加焉文王有疾武王不說脫冠帶而養文王一飯亦一飯文王再飯亦再飯旬有二日乃間文王謂武王曰女何夢矣武王對曰夢帝與我九齡文王曰女以為何也武王曰西方有九國焉君王其終撫諸文王曰非也古者謂年齡齒亦齡也我百爾九十吾與爾三焉文王九十七乃終武王九十三而終成王幼不能蒞阼周公相踐阼而治抗世子法於伯禽欲令成王之知父子君臣長幼之道也成王有過則撻伯禽所以示成王世子之道也文王之為世子也

子以禮見父母曰朝內則云命士以上昧爽而朝日

入而夕每日二朝常禮也今文王增日中為三朝朝

事有二一問安一視膳雞初鳴以下問安之事食上以下視膳之事內豎內庭小臣御侍也不安節謂有疾不安其起居之常度也行不能正履謂隕越失措也食上進食也在察也食下徹膳也問所膳問所食多寡也末猶勿也原再也謂勿以所食之餘再進也不敢有加猶言不敢改也間息也謂病休息也文王病息武王始脫冠帶寢故夢也帝上帝西方九國近西周之國齡字從齒男孑八月生齒八歲而齒齒者壽之數草木年終零落人老齒零落故謂年為齡

禮記通解

卷七

三十六

文王世子

武王夢帝與已九齡蓋壽止九十而文王壽百年割三年與武王故文王九十七武王九十三也武王八十生成王武王崩成王年十三踐履也阼主位伯禽周公世子魯公也周公以成王年幼未知父子君臣長幼之道而臣不可抗君但以世子法加伯禽使成王視倣之成王有過公撻伯禽所謂抗世子之法也抗猶執也有周三世家法相承皆以文王之為世子者足法也一說此句記者題前所記之事結之夫天子之孝與庶人異以文武為人子而問安視膳小節兢兢克勤如此大道不越庸行耳矣

被滅齡益齒事涉不經周公踐阼尤罔先聖成王十三歲非甚童蒙何謂不能蒞阼周頌載見之詩成王始卽位朝諸侯而作辭云載見辟王曰求厥章言諸侯來朝稟受法度也又云率見昭考以享以享言王率諸侯祭于廟也其蒞阼甚明說者誤解洛誥復子明辟王及誕保文武受命惟七年語謂周公踐阼七年始復政成王以十三歲天子尸位七年則二十矣而始復辟然則周公貪叨何異莽操金縢武王崩管叔流言成王疑公公避居東作詩遣王王猶不釋發金縢而後信此豈幼冲無知不親政事者所爲乎王

不免于譏而欲行攝政放主之事識時務者不爲汎謙謙如公乎至謂武王終成王無以爲子公抗法於伯禽誕說也考之詩書成王立三監啓魯公避居東者二年還卽奉王東征者三年勿勿無一日之間武王大封同姓公旦得魯成王命伯禽歸魯在東征前故奄徐作亂東郊不開伯禽在魯矣何嘗得與成王從容同學同公亦安敢以危疑之身撻其子抗其君乎其謬甚明讀者宜超然朗鑑也

凡學世子及學士必時春夏學于戈秋冬學羽籥皆於東序小樂正學干大胥贊之籥師學戈籥師承贊之胥

禮記通解

鼓南春誦夏弦大師詔之瞽宗秋學禮就禮者詔之冬讀書典書者詔之禮在瞽宗書在上庠

學士謂俊選之士司徒所升者也必時四時各有所學也干盾也以爲衛戈句戟也以爲刺羽爲籥籥管屬四物皆舞者所執東序國學之東廡干戈武舞羽籥文舞干戈羽以爲籥籥以爲聲皆樂器也干戈以習武備羽籥以習聲容皆寓于樂崇文也春夏陽氣發揚故習舞蹈秋冬陰氣凝靜故習聲容干學于小樂正而大胥贊之戈學于籥師而其承贊之南南音卽周南召南也詩云以雅以南鼓南謂以鼓奏二南



舞干戈也。春誦誦詩也。夏弦鼓琴瑟以詩被之也。大師樂官之長。瞽宗殷學名。禮謂禮義執禮者典禮之官。書謂文籍典書者。掌書之官。詔告也。禮始於質。故禮在殷學。典謨始於虞。故書在虞庠。庠虞學名。上庠庠在國者。春夏爲陽。故誦誦弦歌宣暢之象。秋冬爲陰。故學禮讀書蓄聚之象。皆所謂時也。

按鄭解南爲南夷之樂。据周禮旄人舞夷樂。明堂位云。任南蠻之樂。緯書云。東夷之樂曰昧。南夷之樂曰任。西夷曰侏離。北夷曰禁。夫先王教世子學士。豈其舍華音雅樂而習四夷之聲乎。隨時造就。使勿曠業。

禮記通解

卷七

三十九

文王世子

學干戈羽籥者。有時不廢詩書。學詩書者。有時不廢禮樂。非局定四時之謂。故王制云。春秋教以禮樂。冬夏教以詩書。不盡同也。又云。虞有上庠下庠。夏有東序西序。殷有左學右學。周有東膠虞庠。鄭註儀禮。遂謂周立四代之學。此云學舞于東序。夏學也。禮在瞽宗。殷學也。書在上庠。虞學也。其東膠。周自立之學也。詩又有辟雍泮宮。亦周學也。夫王者同民一德。立教齊俗。豈其造士之地。而無定在泮雍若此乎。記者記承舊聞。影響重複。惟孟子近古。其言曰。設爲庠序學校以教之。庠者養也。校者教也。序者射也。夏曰校。殷

曰序。周曰庠。學則三代共之。皆所以明人倫而朱註

因以庠序校爲鄉學。學爲國學。豈養老習射教士皆于鄉。而國學將焉用之。豈夏獨教而不射。殷獨射而不養。周獨養而不教。不射乎。蓋三代隨義立名。養賢教士習射。皆所以明倫云爾。在國皆曰國學。在鄉皆曰鄉學。雖有多名。實非四學。蓋凡學宮必有牆宇。因牆名庠。因樹名射。因牆樹順直名序。以其作樂有瞽工。又曰瞽宗。以其有泮水。曰頍宮。以其水環壘如壁。曰辟雍。以其均造天下士。曰成均。以其爲天子之學。曰大學。以其糾集多士。曰膠。卽校字之轉也。非一名。

禮記通解

卷七

四十一

文王世子

一學之謂。此章所言皆教世子。其庠序瞽宗皆國學耳。

凡祭與養老。乞言合語之禮。皆小樂正詔之於東序。大樂正學舞于成。語說命乞言。皆大樂正授數。大司成論說在東序。凡侍坐於大司成者。遠近間三席。可以問終。則負牆列事未盡不問。

上節言教世子所學之事。此節爲講說其義。祭祀養老乞言。合語。皆禮樂之事。祭凡郊社禘嘗皆是。養老養三老五更于大學。所以教世子孝弟也。乞言謂求三老五更教言。合語謂祭祀養老乞言與凡燕畢皆

於旅酬時相語禮不止此四者首言祭禮莫詳于祭也終言合語禮終于合語也養老乞言國學之事教者皆用禮樂故小樂正以詔世子與學士習禮樂者於東序之中也戚斧也于戚成人者之舞故大樂正教之說猶論語補之說禮樂之義也語說以禮樂之義教之命猶教也養老乞言國學之禮大樂正與大司成主其事故大樂正授以升降陳設之數大司成教以行禮之說皆於東序大樂正即今司業大司成即今祭酒世子學士侍坐聽大司成論說其席遠近間三席謂師與弟子席及中間空處合之共可三席

禮記通解

卷七

聖

文王世子

古席制廣三尺三寸有奇三席函丈遠近適中便于諮問也問終却坐以背負壁避後之來問者凡問俟先生陳事語終未竟而問是僂言也按禮樂數多端而義深遠樂正師胥授之以數所識者小大司成論說則義精矣先王教世子以父子君臣長幼之道必先以羽籥效誦歌舞聲容者何哉人含血氣而生是謂羶陽其放佚傲惰犯上作亂者血氣勝也聖人立教于方蒙養之以和平諧之以聲音嚙之以舞蹈閑之以節奏以探其驕貴之習振其怠惰之氣故舜命夔典樂教胥子使之寬溫無虐無傲

詩云溫溫恭人惟德之基子云興於詩立於禮成於樂先聖後聖其教同也是以武城弦歌夫子嘗之曰君子學道則愛人小人學道則易使故以之爲子則孝以之爲臣則忠以之爲弟則友易占蒙養詩誦書聖由此其選故孝弟者禮樂之實羽籥效誦歌舞之器先王以羽籥興禮樂以禮樂興孝弟此立教之方樂正司成所爲詳說者此也故德以樂成官以樂名今之司教者言父子兄弟長幼之倫無詩書禮樂之教猶欲其行而塞之途也樂記詳之矣

禮記通解

卷七

四十二

文王世子

凡學春官釋奠于其先師秋冬亦如之凡始立學者必釋奠于先聖先師及行事必以幣凡釋奠者必有合也有國故則否凡大合樂必遂養老春謂世子學士當春入學所謂春誦也官謂太師之屬釋置也奠安也安置品物于地無尸無飲食獻酬故不云祭云釋奠也先師謂古先賢傳禮樂者四時小禮故不及先聖言春則夏可知秋冬亦如之所謂春誦夏效秋學禮冬讀書其官皆以時釋奠也始立學謂始封之君建立學宮先聖謂古聖人作詩書禮樂者行事即行釋奠之事先聖尊始祀釋奠必加幣也合作樂也衆音集曰合國故國有凶喪之故否謂



不合樂大合無一音不備也唯天子視學養老大合樂尋常釋奠合之而已

按鄭時必有合謂本國無先聖則合鄰國先聖先師釋奠非也千里一賢猶謂比肩五百年一聖是且莫過矣先師國皆有之顧安得先聖比鄰可合者聖人天下師何必鄰國若是則惟齊滕鄭薛得祀孔子而他國非鄰與其國自有先聖者即不得合祀邪鄭之迂鑿類此本文合與大合義自了然

凡語于郊者必取賢斂才焉或以德進或以事舉或以言揚曲藝皆誓之以待又語三而一有焉乃進其等以

禮記通解

卷七

聖三

文王世子

友

其序謂之郊人遠之於成均以及取爵於上尊也

語論材也郊即王制所云鄉簡不帥教者不變移之

郊郊亦有學養不帥之士材品最下然亦論之就不

賢不才中量收賢者才者不甚責備之也上則以德

行進次則以能事舉又次則以言語起下至一曲之

藝皆戒誓使勉力向學以待再論儻其德事言三者

有一必進其等于同類中仍以優劣為次序用之若

此者謂之郊人成均天子之學選進之士所自立也

名為郊人者所以遠之於成均成均皆俊髦士司馬

所論官爵之上位尊顯之者此郊人因材節取王制

所...事上不貳事不移官不與士齒者不行取爵於上尊也

按註疏以論于郊為論才于小學非也鄭解取爵上尊謂郊人亦得酌酒於上尊以相旅甚迂

始立學者既興器用幣然後釋菜不舞不授器乃退償于東序一獻無介語可也

始立學謂新國初立學也祭器未備必先興器或曰

興釁同殺牲以血塗其器祭之奠用幣既釁器然後

以其器告成于先聖先師釋菜謂不用牲用蔬菜比

釋奠尤簡為告器而已不舞故不授樂工舞器如羽

禮記通解

卷七

聖四

文王世子

友

簫干戚之器禮畢退東序行一獻之禮無副賓之介無旅酬之語蓋學制草創多士未集禮樂未興從簡也

按鄭謂釋菜于虞庠饋賓于東序據王制虞庠在西

郊東序在東郊兩學相對附會周兼四代學之說夫

西郊東郊相距非遙西郊祭祀東郊飲酒無謂又以

成均為五帝學名皆附會之說

教世子凡三王教世子必以禮樂樂所以脩內也禮所

以脩外也禮樂交錯於中發形於外是故其成也懌恭

敬而溫文立太傅少傅以養之欲其知父子君臣之道

也太傳審父子君臣之道以示之少傳奉世子以觀大傳之德行而審喻之太傳在前少傳在後入則有保出則有帥是以教喻而德成也師也者教之以事而喻諸德者也保也者慎其身以輔翼之而歸諸道者也記曰虞夏商周有師保有疑丞設四輔及三公不必備唯其人語使能也君子曰德德成而教尊教尊而官正官正而國治君之謂也

教世子舉其目也樂由中出以平其驕亢之情禮自外作以收其放佚之氣樂養內以達于外禮防外以達于內所謂交錯發形也故其德之成也懌懌者從

禮記通解

卷七

罕五

大正世子

容和順之意恭敬溫文中和交脩之氣象申明前數節教世子禮樂之義子路問士子云切切惓惓怡怡知即所謂其成也懌恭敬而溫文也如是而為子不孝為弟不弟為君不仁者未之有也此先王所以教禮樂之意傳輔也養涵育意審詳慎也喻通曉也前後出入謂周旋不離也保護也師帥也記曰述所聞也疑止其前丞承其後四輔謂前後左右前疑後丞左輔右弼凡避必左輔以扶之凡右則順弼以拂之三公謂師保傅不必備唯其人謂得人則備官不得人則虛位使能防匪人也君子曰德君國子民為德

也德成則道揆立軌範尊百官承式無敢不正庶政舉國家治皆本于君子之德君子者君之謂也先王教養世子期於為君子而已

按此節傳保之官即孔謨周官所謂三公二孤五理陰陽寅亮天地者而周禮六卿無此職惟六司徒之屬有師氏掌以教詔王以三德教國子有保氏掌諫王惡養國子以道教之六藝未知孰是而周官云惟其人不惟其官亦曰官不必備惟其人二語大足補周禮之缺此節亦云官不必備唯其人先儒謂保傅為兼官無專職本此今用之

禮記通解

卷七

罕六

大正世子

仲尼曰昔者周公攝政踐阼而治抗世子法於伯禽所以善成王也聞之曰為人臣者殺其身有益於君則為之況于其身以善其君乎周公優為之是故知為人子然後可以為人父知為人臣然後可以為人君知事人然後能使人成王幼不能蒞阼以為世子則無為也是故抗世子法於伯禽使之與成王居欲令成王之知父子君臣長幼之義也君之於世子也親則父也尊則君也有父之親有君之尊然後兼天下而有之是故養世子不可不慎也行一物而三善皆得者唯世子而已其齒於學之謂也故世子齒於學國人觀之曰將君我

而與我齒讓何也曰有父在則禮然然而衆知父子之道矣其二曰將君我而與我齒讓何也曰有君在則禮然然而衆著於君臣之義也其三曰將君我而與我齒讓何也曰長長也然而衆知長幼之節矣故父在斯爲子君在斯謂之臣居子與臣之節所以尊君親親也故學之爲父子焉學之爲君臣焉學之爲長幼焉父子君臣長幼之道得而國治語曰樂正司業父師司成一有元良萬國以貞世子之謂也周公踐阼

周公踐阼抗世子法於伯禽說詳前于其身謂紆曲其身也猶檀弓云于則子之于言殺身有益於君志

禮記通解

卷七

罕七

之五世子

士皆能爲之況紆曲其身以善君周公爲之有餘矣教成王而抗法於已子所謂紆其身也欲爲人父必先學爲子欲爲人君必先學爲臣武王崩成王無爲子之處故曰以爲世子則無爲周公執行世子之道於伯禽以示之凡人君子世子以父之親兼君之尊能有父之親乃可以子天下能有君之尊乃可以臣天下不父不君不可以有天下使天下不知有君不知有父亦不可以有天下是故教養世子者長世之本倡率之道不可不慎也行一物猶言行一事齒者比次之意幼而齒生老而齒落故年謂之齒人齒比

次整齊故序亦謂之齒齒讓謂以年齒相遜讓衆義謂衆人明著語古語樂正官名司業主世子詩書之業父師謂君父司成主成就其德行一一人指世子元良首善也書云元首明哉貞正也四德始元終貞世子賢則德始一人化終四海所謂人倫明於上小民親於下苟自世子時驕傲成性他日何以爲億兆之主周公踐阼四字記者記前事之目猶上文教世子與文王之爲世子之類

庶子之正於公族者教之以孝弟睦友子愛明父子之義長幼之序其朝于公內朝則東面北上臣有貴者以

禮記通解

卷七

罕八

齒其在外朝則以官司士爲之其在宗廟之中則如外朝之位宗人授事以爵以官其登饌獻受爵則以上嗣庶子治之雖有三命不踰父兄其公大事則以其喪服之精麤爲序雖於公族之喪亦如之以次主人若公與族無則異姓爲賓膳宰爲主人公與父兄齒族食世降一等其在軍則守於公福公若有出疆之政庶子以公族之無事者守於公宮正室守太廟諸父守貴宮貴室諸子諸孫守下宮下室五廟之孫祖廟未毀雖爲庶人冠取妻必告死必赴練祥則告族之相爲韙也宜弔不弔宜免不免有司罰之至于賵賻承舍皆有正焉公族

其有死罪則磔于甸人其刑罪則繼刺亦告于甸人公族無宮刑獄成有司讞于公其死罪則曰某之罪在大辟其刑罪則曰某之罪在小辟公曰宥之有司又曰在辟公又曰宥之有司又曰在辟及三宥不對走出致刑于甸人公又使人追之曰雖然必赦之有司對曰無及也及命于公公素服不舉爲之變如其倫之喪無服親哭之

此節記國君待宗族之禮皆世子所當知也庶子官名卽諸子周禮司馬之屬掌國子之倅正於公族爲政於公族也睦友子愛皆孝弟之屬睦友以交乎旁

禮記通解

卷七

罕九

文王世子

子愛以恤乎下朝謂公族朝君內朝謂路寢之庭東面謂立于西階北上以北爲上尊者在北以次立而南也同姓內聚以昭穆之長幼爲序雖貴臣亦論齒外朝路寢門外之公朝百官皆在論官之崇卑司士亦司馬之屬掌朝儀之位司士爲之則庶子不得主也有事于宗廟亦百官皆在如外朝之位宗人掌宗廟禮事授百官以執事亦論爵之尊卑與所當供之官職也登餼謂祭畢尸出宗人使嗣子及長兄弟升堂餼尸之餘也獻謂祭將畢嗣子洗爵獻尸受爵謂尸以爵飲嗣子嗣子拜受也上嗣冢嗣此宗廟之事

禮記通解

卷七

罕

文王世子

皆庶子治之庶子之治主于親親雖子弟三命之貴不以先無爵之父兄公大事謂君喪臣皆斬衰其布升數多寡各以本親爲蠲細親者服蠲疏者服細庶子序列其位次使服蠲者居前服精者居後非但君喪雖公族有喪亦以精蠲爲序父兄雖尊必序于主人之下使主人在前爲喪主也公與族人燕飲同姓一本不可以賓禮疎之必使異姓一人爲賓君尊不可陪賓使膳宰爲主人若公與父兄燕公執弟子禮不以貴先父兄也如族人會食品物之隆殺會遇之疏密視世次之親疎如從兄弟比兄弟降一等之類或曰齊衰者一年四會食大功三會食小功再會食總麻一會食之類公出在軍則以齋車奉祧主行庶子從君守護禰當作祧公若有政出疆如朝覲會同之類則庶子以公族之大夫士無事者守公宮以公族適子守太廟貴宮謂祖廟之尊者貴室謂路寢下宮謂親廟下室謂小寢五廟之孫謂五世以上同高祖之孫諸侯祀五世故云祖廟未毀親未盡宗未易服未絕情相聯屬也雖其孫賤爲庶人其冠昏必告君死喪必赴君練祥之祭必告君休戚相通不以貴賤間也族相爲謂公族與公族自相爲禮弔謂弔喪

免謂袒免四世而總五世袒免六世服絕相弔而已  
宜弔不弔宜免不免則有司罰之凡贈死車馬曰賙  
貨財曰賙珠玉曰含承奉也有正有常禮也死罪謂  
大辟刑罪謂小辟警謂如磬懸而縊殺之不離其身  
首也甸人郊野之官磬于甸不戮于市也縊謂墨刺  
割割也剗剗之類告于甸人于甸所訊鞠之也公族  
不加宮刑不絕同本也獄成謂訊問得情罪不可解  
也獄獻獄辭于上也作樂盛饌曰舉變謂變其飲食  
衣服居處之常如其倫之喪謂如親疎之倫賙贈襚  
奠之也但以其為罪人雖當服亦不為之服猶親哭

禮記通解

卷七

五十一

文子世子

者不忘親親也蓋王者奉天行政雖有親親之心不  
能枉天下之公雖有公共之法終不忍忘同本之愛  
至于罪大惡極猶思三宥至有司之正不可奪人主  
之權不能芘其族然後見大公之心真有不得已焉  
耳殺之而又素服哭之如禮喪之仁至義盡豈哀矜  
之虛文也哉

公族朝于內朝內親也雖有貴者以齒明父子也外朝  
以官體異姓也宗廟之中以爵為位崇德也宗人授事  
以官尊賢也登饌受爵以上嗣尊祖之道也喪紀以服  
之輕重為序不奪人親也公與族燕則以齒而孝弟之

道達矣其族食世降一等親親之殺也戰則守於公  
孝愛之深也正室守太廟尊宗室而君臣之道著矣諸  
父諸兄守貴室子弟守下室而讓道達矣五廟之孫祖  
廟才毀雖及庶人冠取妻必告死必赴不忘親也親未  
絕而列於庶人賤無能也敬弔臨賙賙睦友之道也古  
者庶子之官治而邦國有倫邦國有倫而衆卿方矣公  
族之罪雖親不以犯有司正術也所以體百姓也刑于  
隱者不與國人慮兄弟也弔弔弗為服哭于異姓之廟  
為忝祖遠之也素服居外不聽樂私喪之也骨肉之親  
無絕也公族無宮刑不翦其類也

禮記通解

卷七

五十二

文子世子

此覆解上節之義明父子者齒莫先于父子舉其最  
重以明貴之不敵也體異姓者異姓一體不以公族  
分同異也崇德者爵尊則德盛也尊賢者序事以辨  
賢也上嗣繼祖故為尊祖服重者居前使主人自盡  
故為不奪人親正室宗子為族人所尊有君道焉庶  
支皆臣屬也故正室守太廟所以尊宗子明君臣也  
親未絕而列于庶人謂五世之孫親未盡其人苟賢  
必貴之親未盡而爵不及其無能可知故賤之也公  
族有罪不得以親干有司之法正道也術道也所以  
一體庶姓無偏黨也刑于隱謂刑同族于甸師隱僻

處古刑人于市與衆棄之刑于隱者不與國人謀其所親也

天子視學大昕鼓徵所以警衆也衆至然後天子至乃命有司行事興秩節祭先師先聖焉有司卒事及命始之養也適東序釋奠於先老遂設三老五更羣老之席位焉適饌省禮養老之珍具遂發咏焉退脩之以孝養也及登歌清廟既歌而語以成之也言父子君臣長幼之道合德音之致禮之大者也下管象舞大武大合衆以事達有神興有德也正君臣之位貴賤之等焉而上下之義行矣有司告以樂闋王乃命公侯伯子男及羣

禮記通解

卷七

五十三

文王世子

大

命曰念終始典于學

此記養老之事天子視學蓋漢以後記事之語大昕初旦也鼓徵擊鼓徵召學士行事行祭祀之事秩節常禮也命有司致祭于先師先聖畢復命于天子天子始往故曰始之養也養養老東序即國學東廡古三老之神主在焉先適東序釋奠于古之爲三老者

遂設三老五更之席天子親往陳饌之所省視醴酒

養老之珍羞既具遂迎老人入樂作歌咏天子退酌醴薦食脩孝養之禮獻畢及即席樂工升堂歌文王清廟之詩歌畢合語以成就養老乞言之禮所言皆父子君臣長幼之道合于清廟文王德音之極致禮之大者也凡歌在堂上樂作堂下舞在堂前之庭下管堂下之音竹爲主象謂以管吹象舞之曲而庭中舞大武之舞也象文王舞大武武王舞舞皆有歌周頌維清之詩象舞之歌也武詩武舞之歌也歌爲聲舞爲容咏文德而舞武功大合在學之衆人示以先王

禮記通解

卷七

五十四

文王世子

大

功德之事通達神明之情興揚祖宗之德君臣會手斯因行禮以正君臣之位貴賤合于斯因序立以辨貴賤之等而上下之義亦于養老行矣樂闋樂終也有司告樂終禮畢諸侯皆在王于此時命諸侯及國皆行養老之禮于東序諸侯國學之東序也王恩徧天下所謂終之以仁也兼言幼者尊老所以示幼也記事謂記其事以爲法慮之以大欲以孝弟達之天下愛之以敬謂愛不忘敬釋奠設席是也行之以禮登歌合語之禮也脩之以孝養適饌省具也紀之以義正位辨等也終之以仁樂闋命諸侯也始謂孝弟



發于慮終謂教化行于天下慎謂愛敬禮養仁義皆本諸孝弟之心謹而行之衆莫不喻曉矣允命商書篇名

按三老五更之名不見于詩書鄭謂爲老人之更事者也三象三辰五象五星蓋後世緯稗之說孟子云所謂善養老者制民田里教民樹畜導其妻子使養其老今之諸侯有善養老者仁人以爲已歸矣然則養老之事當世已有行之孟氏弗善也東漢行之而仁讓之效終不復覩師古不以迹好禮不以文也此節所述文義濶畧亦非古人之舊章矣

禮記通解

卷七

辛五

文王世子

世子之記曰朝夕至于大寢之門外問於內豎曰今日安否何如內豎曰今日安世子乃有喜色其有不安節則內豎以告世子世子色憂不滿容內豎言復初然後亦復初朝夕之食上世子必在視寒煖之節食下問所膳羞必知所進以命膳宰然後退若內豎言疾則世子親齊讀上聲玄而養膳宰之饌必敬視之疾之藥必親嘗之嘗饌善則世子亦能食嘗饌寡世子亦不能飽以至子復初然後亦復初

世子之記重述所聞也禮書篇終多繫以記蓋記前文所未備申明凡爲世子者之禮或謂古有是禮又

王行之然則聖人亦章句之儒爾邪不滿容者愛之貌容充也面色喜則充滿憂則消削問所膳羞問宰人所進之品味必知所進謂知親所嗜也命膳宰卽篇首命末有原也齊玄齊則衣玄卽夏后氏之燕衣也君有疾世子齊而玄端親供養也嘗饌善謂加餐也復初謂疾愈復常也

禮記通解卷七終

禮記通解

卷七

辛六

文王世子